




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.435







Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.435



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.435




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.435



2. b. 435





















*Collectio quondam S. I. domo dactyla Berol.*  
*an. 1711*

LITVR=  
GICA LATINO=  
RVM, IACOBI PA=  
MELII CANONICI BRV,

GENSIS, S. THEOLOGIAE LL  
*centiati, duobus Tomis*  
*digesta.*

QVORVM PRIOR RITVM SACRIFL  
cij Missæ continet, à Dn. nostro Iesu Christo, eiusque  
Apostolis, ac alijs vetustioribus Latinæ Ecclesiæ Pa  
tribus observatum: cum Ambrosianis Missa, Colle  
ctis, Præfationibus, ac Missa Mosarabe, olim in Hispa  
nijs vsitata.

POSTERIOR VERO, D. HIERONY  
mi Comitum siue Lectionarium, D. Gregorij Papæ  
Antiphonarium, & Eiusdem ac Grimoldi & Alcuini  
Abbatum Sacramentorum libros, è quibus Vetus  
Ordo Missæ Romanæ concinnatus est: cum  
vetustissimis quibusdam Præfa  
tionibus.


*Nunc primum in lucem edita.*

COLONIAE AGRIPPINAE  
Apud Geruinum Calenium & hæredes  
Quentelios &c.

Anno Domini 1571, mense Augusto.  
*Cum gratia & privilegio Caf. Matest. ad decennium.*

DVI  
139





11

ILLVSTRIS.  
 REVERENDISSIMO'QUE IN  
 CHRISTO PATRI AC DOMINO, DN.  
 Antonio Perrenotto, Archiepiscopo Mechli-  
 niensi, ac tituli D. Petri ad Vincula Cardinali  
 Granuellano, Proregi Neapolitano,  
 Domino suo vnicè colen-  
 do, S. P.



INTER omnium, Cardinalis  
 Granuellane Illustriss. à Chri-  
 sto incarnato hæreseon monstra,  
 hoc penè peculiare habent no-  
 stræ tempestatis Aristarchi,  
 quòd quum in cæteris diò diò  
 πασὼν dissideant, vno tamen  
 ore, consensu communi, pari cō-  
 spiratione, Augustissimum il-  
 lud Ecclesiæ Catholicæ Sacrifi-  
 cium vniuersi oppugnent, lace-  
 rent, blasphemant, euertere de-  
 niquè omni nisu conētur & adlaborent. Hæreses enim antiquæ iam  
 indè ab ætate Apostolorum, aut Simiarum in morem, Orthodoxæ  
 Ecclesiæ sacrorum ritum, quanquàm subindè non sine flagitio sunt  
 imitatæ, aut certè eundem ferè Liturgiæ morem, se ab Ecclesia scē-  
 parantes, retinuerunt. Primi generis recensentur, Nicolaitæ, Simo-  
 niaci, Menandriani, Gnostici, Carpocratiani, Marcosij, Berboria-  
 ni, Ophitæ, Colorbasij, Marcionitæ, Cataphryges, Pepusiani, Mō-  
 ranistæ, Manichæi, Tascodrugitæ, Catharistæ, Priscillianistæ, Col-  
 lyridiani,

\* A



## PRÆFATIO IN PRIMUM

lyridiani, ac id genus alia & hominum & nominum portenta, qui dum sacrificijs incestis & funestis initiarentur, calumnie occasione dedere, tanquam si cœnæ Thyestæ forent Ecclesiæ mysteria. Alterius ordinis fuere, Nouatiani, Sabelliani, Arriani, Paulianistæ, Donatistæ, Luciferiani, Eutychetiani, Origenistæ, Tetraditæ, & alij plerique omnes (excepto partim Aërio, qui quum pro viuis offerret, solum pro defunctis celebrari nolebat Sacrificium) qui in nostram vsque ætatem, more Ecclesiæ nihil aut parum immutato, sacrificasse leguntur. Et si enim fuerint (quod fortasse obijciat quispiam) inter Arrianos & Donatistas, qui in sacerdotes ac templa, vasa & altaria sacra desæuirent, non tamen alia de causa id contigit, quàm quòd nostra sacra immunda ducerent, ipsi interim separatim celebrantes sua conuenticula & sacrificia. Nequì nostro hoc calamitosiss. seculo, non sat fuit, probris, conuicijs, libellis famosis, contumelijs, blasphemijs, sacrosanctum Missæ mysterium afficere, ipsi denique Domini corpori & sanguini manus violentas inferre, sanctaque eius conculcare & cõtaminare. Insupèr ipsius Missæ exsufflatores, prorsus iugem illam hostiam sublatam à medio volunt, ac abominatione Desolationis, anse consummatione temporũ, à Daniele propheta definitam, introducere nituntur. Sed hæc de his pauca attigisse sufficiat. Illud verò operæ precium est, & velis remisque (quod aiunt) in contrarium niti, & certis argumentis demonstrare: Missam non nuperam, non à Papistis, vti calumniantur, confictam, non à D. Gregorio papa primum adinuentam esse, sed à Christo institutã, ab Apostolis vsuatam, à primitiuæ Ecclesiæ Patribus, primis illis sex à Christo incarnato seculis, certis quibusdam cæremonijs ac precibus auctam. Quod etsi complures Orthodoxi nostri seculi scriptores tractare cœperint, nemo tamen hæcenus continuam Patrum & Conciliorum seriem (absit inuidia dicto) ad D. Gregorium vsq. est prosecutus. Quum itaq. iamdudum desiderassent plerique scriptũ eiusmodi, atque adeo & meis non vnis literis Theologum illum longè

eru-



# TO MVM LITVRGICON.

eruditiss. Gallie decus, Dn. Claudium de Sainctez essem adhortatus, ut quod editis Græcorum Liturgijs iam auspicatus erat, id Latine quoque Ecclesie Patrum testimonijs, in vnum volumẽ collectis perficeret: sed frustra: tãdẽ ego ipse in hoc pistrinum me dẽdere haud inuitus constitui: Præsertim cum non obscure deprahendissem, seductioni plebeie proximis his annis maxima ex parte occasionem dedisse, Sacrificij Missæ institutionis ac cæremoniarum, aut crassam ignorantiam, aut supinam negligentiam. Verum variorum negotiorum tum publicorum, tum domesticorum mole tantum non oppresso, votis satisfacere initio non fuit integrum. Tandẽ verò calcar addidit, Authorum de Ecclesie catholice diuinis officijs ac ministerijs doctissima farrago, per Dn. Melchiorẽ Hittorpium Colonia Agrippinæ anno Domini 1568. edita. Qui adeò sua ad Lectorem Præfatione, tanquàm ex mutuo condicte de partiendis inter nos Diuinorum Officiorum scriptoribus, me non sibi modò, sed & omnibus creditorem constituit, re tamẽ nõdum satis perspecta, an' ne mihi integrũ foret, id pro quo se vadẽ cõstituerat, exsoluere. Hoc interim egit, ut de priori instituto cogitare denuò cæperim, & recognoscendis Diui Hieronymi Comiti, ac D. Gregorij Antiphonario, ac eiusdẽ & Grimoldi Alcuinique Abbatum Sacramentorum libris me darem. Rursum tamen variæ eaque publicæ occupationes ad menses complures me à capto remoratae sunt, donèc sub hyemem postremò elapsam, opus hoc Liturgicon Ecclesie Latine seriò sum adgressus, & cancrorum in moren retrogrado ordine, à Tomo secundo, qui iam ad incudem erui paratior, auspicatus: paulatim quoque, quantum per hyberna frigora licuit, Tomum primũ elucubrare occepi. Tantum tñ nõ semel impedimentorum superuenit, ut de perficiendo in has nundinas Francofortias opere planè desperarem. Viciũ verò tandẽ partim Dn. Geruini Calenij LL. Licentiatii Typographi nostri continua adhortatio, partim etiã Domini Melchioris Hittorpij summa humanitas, qua omnem operam in castigandis typographiæ, si quæ oc-



## PRÆFATIO IN PRIMUM

currerent erratis, non promisit duntaxat, sed ea diligētia etiam præstitit, ut quādam castigatissimè pleraque omnia excusa prodeant. Atque adeò utroque operas urgente, præsertim iam prælis commissio opere à Kalendis Aprilis, ego, tum nè fortè quid detrimenti pateretur Typographus, si cessandum foret, tum uti promissis satisfacere, ad extremam manum quantocius imponendam tantum non coactus, officio quoquē meo deesse nolui. Nunc itaque veluti postliminio in lucē prodeunt, tuis auspicijs Prorex Illustrissime, nostra Latinorum Liturgica: quæ si non omnibus, saltem V. Cels. & Catholicis uniuersis grata fore confido: quanquā fortassis gratiora, si aut prius edita forent: aut prætermissa, quæ ex promisso tum meo in Præfatione Micrologi, tum Dn. Hurtopij in Tomum 2. digessimus.

Frustrà enim, ut & hic à 2. Tomo exordium sortiatur oratio, immò & perperam (inquit aliquis) tum in lucem emittuntur diuinorum Officiorum tripartita volumina, è quibus Gregorianæ atque adeò Romanæ Missæ vetus Ordo confectus est: quum, maturo consilio Sanctiss. Dn. N. Pij V. Papæ verè Apostolici, ex Decreto sacrosancti Concilij Tridentini editum Missale Romanum nouum, ubiquè terrarum iam prostare dignoscitur. Atqui etsi prius editi hi libri, fortassis Patres ad eam rem deputatos non nihil permouissent, ut huic Romano Ordini veteri magis consentirent per omnia, atque adeò tum temporis magis opportuna fuisset hæc editio, quum adhuc operi instarent, nunc tamen non superflua censi debet: immò ad hoc profutura, uti qui calumniandi occasionem volūt, noui Missalis cum nostro hoc collatione facta, hinc intelligant, non tam nouum id esse, quàm è veteri hoc pulchrè restitutum. Sicubi verò in ijs, quæ ritum non immutant, nonnihil adhuc dissentire quis animaduertit, non propterea tamē virga censoria uti quis audeat, sed eum potius usum sequatur, qui Synodi Tridentinæ & Apostolica auctoritate communitus est. Ego certè, non modò in ijs quæ fidei sunt, sed & in ijs quæ

## TOMVM LITVRGICON.

quæ ad Sacrorum Liturgicôn pertinent, beatitudini Pij Papæ V. (vñ cum D. Hieronymo loquar) id est, Cathedræ Petri communione confocior: super illam petram Ecclesiam ædificatam scio. Quicunque extra hanc domum agnum comederit, profanus est. Neque verò continent dumtaxat hi libri Antiphonas, quas Introitus, Gradualia, Alleluia, Offertoria, & Communiones, nuncupamus, hodiè visitatas, sed & alias nonnullas aut saltem pluribus Versibus pro maiori eius ætatis fidelium deuotione exornatas, & maxime in Offertorijs, vt nè interea dum populus offerret, Chorus reticeret: sicuti etiam tantisper dum communicabatur, Psalmus integer decantabatur, è quo totius officij Antiphonæ erant excerptæ. Orationes etiam siue Collectas Missarum, non eas tantum hîc reperire est, quibus nunc utimur, verum & complures hactenus non visas: quæ tamen mirè affectus ad pietatem mouere queant, atque adeò luce dignissimas. Insupèr & multos ritus complectuntur hæc To. 2. Liturgica, iam olim visitatos, qui nunc partim exsoleuerunt, partim adhuc obseruantur: quibus mirum in modum confirmantur, tum cæremoniæ Sacramentorum, tum dogmata hac tempestate controuersa. Exempli gratia: Baptismi cæremoniæ eadem penè Sabbato sancto Paschæ recensentur cum nostris, vt potè: Abrenunciatio, Orationis Dominica recitatio, Symboli professio, Exsufflatio, Crucis cõsignatio in fronte & pectore, salis benedictio, & per baptizadum degustatio, Exorcizatio demonis, sputi ad nares & aures adhibitio, Sacri olei Catechumenorum vntio, fontis consecratio, trina baptismi immersio, verticis iam baptizati cum Chrismate delinitio, Albæ deniquè vestis indumentum. Quæ deindè baptisma statim consequuntur, sacrosancti Corporis Domini communio, & si Episcopus adfuerit, ante communicationem Confirmatio: quid aliud, quàm Sacramenta Confirmationis & Eucharistiæ subindicant? pro quorum illa facit etiam Benedictio Chrysmatis principalis, quæ habetur Feria V. Cænæ Domini. Rursum Orationes super pœnites, quæ tum eadem die, tum Feria III. Cinerum  
pro-



## P R A E F A T I O I N P R I M U M

pronunciabantur, veteres caeremonias insinuant publicæ pœnitentiæ: quæ haud dubiè, sicuti alibi commonstrauimus, Sacramentalem quoque secretam coram Christi Vicario Sacerdote confessionem complectebatur & præsupponebat. Quin quòd eadem Feria V. Cœnæ Domini reperire sit & Benedictionem olei infirmorum, quod Sacramentum extremæ vñtionis nuncupant, etiam veteres: Missæ item in Ordinatione sacerdotum, aliorumque inferiorum altaris Ministrorum, Sacramentum Ordinis mirè constabiliunt: vti & Missæ ac Benedictiones super sponsa, Sacramentum Matrimonij. Iam si de præcipuis Religionis controuersijs agendum sit, Sacratissimam Trinitatem contra Trinitarios, Christi quoque diuinitatem aduersus quosdam Anabaptistarum, vel sola illà asserit omnium Orationum Conclusio, Per Dominum nostrum Iesum Christum, qui tecum viuit & regnat in vñtate spiritus sancti Deus, per omnia secula seculorum, quæ non D. Gregorio primum, sed & antea D. Ambrosio Mediolani, D. Augustino in Africa, ac Idacio Claro in Hispanijs fuit vñtatissima. Christi incarnationem, quam negant Menmonistæ, adstruit frequens in ijsdem Orationibus, non passionis modò, sed & Natiuitatis è Maria virgine mentio. Aduersus Anabaptistarum vniuersum chorum, si de baptismo paruulorum sit quæstio, ad manum est Sabbato sancto vetus baptismatis Infantum ritus. Veritatem corporis & sanguinis Domini in Eucharistia contra sacramentarios & Calvinistas, tum Canon ipse, tum singulis penè pagellis Orationes super Oblata & post Communionem, prorsus asserunt. Side communionem sub altera specie controuertat Luterani, confirmatur illa, etiam in publico Sacrificio Feria VI. Parasceues, qua solùm de corpore Domini (vñ hodiè quoque) & Sacerdos & Clerus communicabant. Sacrificiorum item pro defunctis, contra Confessionistas, non vnum exemplar reperire est. Venerationis etiam ritus, quo Crux Dominica celebrabatur, aduersus Iconoclastas, & d. & Parasceue, & in festo Exaltationis S. Crucis, luculentum exstat testimonium. Liceret deni-



## TOMVM LITVRGICON.

denique per singula fidei orthodoxæ capita hoc pacto discurrere, nisi  
cum V. Cels. tum beneuolo Lectori vereretur esse molestior. Pergamus  
itaque ad confirmandam horum librorum authoritatem, codicum  
MS. enumeratione, quibus vti sumus, latiore eorundem confirmati-  
onem To. 2. prosequuturi ex varijs diuinorum officiorum scriptori-  
bus. D. Hieronymi Comitem, siue Lctionariū, vii recentiores nū-  
cupant, è Bibliotheca & Sacratio Ecclesiæ nostræ Cathedralis Bru-  
gensis ad D. Donatiani, descripsimus: deinde ad veteres cōdices  
aliquot Colonienſes, per Dn. Huttorpiū collatione facta, restitui-  
mus: allegatis interim duntaxat singularum Lctionum initijs, eò quòd  
omnibus sine obuie. Inter quos venerandæ Antiquitatis vñs è Bi-  
bliotheca Ecclesiæ Metropolitaneæ D. Peri Colonienſis mutuatus fuit,  
quem ab anno 833 in ea adseruatum fuisse, testatur tum confectus  
Index illius bibliothecæ, quam nō longè antè sub Carolo Magno Hil-  
debaldu Arch. episcopum instaurasse, & libris plurimis instruxisse,  
idem Index indicium facit. Vbi si adhuc exstaret eodem Catalogo  
recensitus Gelasianus ille de Missarum solennijs codex, vñà nunc  
prodisset. Qui quandoquidem interciderit, eius loco Sacramentorum  
D. Gregorij librum substituiamus, quippe quem, teste Ioanne Leuita,  
multa subrahens, pauca conuertens, nonnulla adiciens, ex Gelasij  
scripto in vñum volumen coarctauerit. Eum vñà cum duobus ad-  
iunctis Sacramentorum libris, ex eadem Hildebaldu Episcopi biblio-  
theca Dn. Geruini Calenius Typographus noster commodato ac-  
ceptum, ad me misit, elegantiss. characteribus ante annos plus mñs  
septingentos exaratum. Atq; huic penè per omnia consentiebat Pl-  
traiectionus codex, non minùs vetustus, quem mihi suppeditauit è Bi-  
blioth. Ecclesiæ D. Virginis, vir eruditiss. Dn. Valerius Cauchus  
Metropolitanus Canonicus, præterquàm quòd in libros non distin-  
gueretur. Acceſſerunt & duo alij miræ vetustatis codices Biblio-  
thecæ Ecclesiæ Cathedralis D. Bauonis Gandauensis, quos beneficio  
eiusdē Ecclesiæ Præpositi D. Viglij Zurichemi viri clarissimi na-  
\*B Etus



## P R A E F A T I O I N P R I M U M

Eius sum: quorum alterum Anglicanum fuisse, quædam Missæ Can-  
 tica in eam linguam interpretata cōvincūt: qui præter Antiphonas  
 & Collectas, etiam Lectiones Apostolicas & Euangelicas contine-  
 bat. His titulus fuit idem, quem initio libri Sacramentorum D. Gre-  
 gorij edidimus, & eadem prorsus omnia officia complectebantur: im-  
 mō & plura, cum dictæ Ecclesiæ olim monasterio Benedictino, cum  
 Anglis peculiaria, quæ ex professo compēdij gratia prætermisi. Vñ  
 sum & alijs quibusdam veteribus libris Missalibus, & in ijs Alden-  
 burgenſi antiquissimo, quo Missas celebrasse tradunt D. Arnulphum  
 eius monasterij Abbatem, qui nihil aut parum dissentiebāt, solo titu-  
 lo D. Gregorij desiderato. Exstant deniq; Coloniae adhuc plura MS.  
 borum librorum exemplaria apud Dn. Hittorpiū, è quibus descri-  
 ptæ per ipsum castigationes, prorsus cum vetustissimo illo Huldebal-  
 di codice conueniebant, sicuti & alter ille Colonienſis MS. qui mihi  
 vnâ cum illo transmissus fuerat. Quo factum, vt secundum sacramen-  
 torum librum, Grimoldo potius Abbati, iuxta MS. codicum fidem,  
 quàm Alcuino secundum Micrologi sententiam, adscripserim. An-  
 tiphonarium autem siue Graduale D. Gregorij, subministravit, op-  
 portune admodum priusquàm à Geusijs euerteretur, Bibliotheca  
 Abbatie Blandiniensis iuxta Gandauum, characteribus nihilomi-  
 nis præ vetustate tantum non oblitteratis, ita vt planè diuinandum  
 foret, nisi nactus fuisset Missalem librū veterem è Bibliotheca Re-  
 gularium Canonicorum D. Martini apud Louanienses, è quo Anti-  
 phonas, quas integras in Blandiniensi non dabatur legere, excerpti  
 iussimus. Nō parum item iuuit Index Antiphonariz, in capite Sacra-  
 mentorum libri Vltraiectini, accuratissime scriptus.

Benedictiones verò Episcopales idem codex in calce habebat ad-  
 scriptas: quas deindè cum in nostro oēs nō essent, ex libro quodā anti-  
 quo MS. suppleuit Dn. Hittorpius. Præfationes deniq; illas veteres  
 per anni circulum, excudit quidem olim Officina hæc Quenteliana,  
 sed ad MS. dicta exemplaria eas castigauimus, & aliquot cum omis-  
 sas



# TOMVM LITVRGICON.

*fas adiecimus. Porro de Tom. 2. plus satis ad priorem stylus con-*  
*uertatur. Primus igitur Liturgicon Ecclesiæ Latinæ Tomus sic-*  
*ut pluribus, sat scio, placebit, quibus vetustiora arrident magis: ita*  
*maiori mihi profecto labore, vigilijs, sudoribus, molestijs constitit.*  
*Quum enim non ignorarem, calumniæ aduersariorum obnoxium*  
*fore, quicquid in asserendo Ecclesiæ Catholicæ vero & legitimo sa-*  
*cramentum in medium adferretur: obseruandum imprimis fuit, nè quid*  
*minis authenticum producerem. Deinde euoluenda fuerunt, aut*  
*certè percurrenda, neque id leui (quod aiunt) brachio, omnium Pa-*  
*trum Latinorum scripta. Quo factum, ut subindè ad horas, immò ad*  
*dies aliquot, operam & oleum perderem: dum integris operibus per-*  
*lectis, nihil occurreret, quod instituto conduceret. Omitto Collecta-*  
*nea ex Patribus tam Græcis, quàm Latinis, Prologi vice, de Chri-*  
*sti & Apostolorum Sacramento: quæ sola meritò mouere debeant, ut*  
*sine ambiguitate posthac credatur Missa non noua, sed à Christo in-*  
*stituta, ab Apostolis vsitata. Auxit certè labores nostros, quòd*  
*non temerè, suis quibusque locis, Sacros Authores & Concilia*  
*Decretis Pontificum Romanorum adaptauerimus: sed iuxta veram*  
*& certam, ex Fastis Consularium, annorum seriem, singulis Papis*  
*Romanis eos Patres, quos sub ipsis floruisse constat, eaq; Concilia,*  
*quæ durante eorum Pontificatu celebrata sunt, coniunxerimus: Vsq;*  
*adeò, ut non tam testimonia veterum de Sacramento, atque continua*  
*quædam Liturgiæ, atque adeò Ecclesiæ Latinæ Historia, consenda*  
*videatur hæc Liturgicon prior partitio. Quam, veluti aliud agèdo,*  
*ita diligenter me prosecutum esse confido, ut vel hinc magna pars*  
*Ecclesiasticæ primorum sex seculorum historiæ, si non restaurari,*  
*certè illustrari posse videantur: cuius rei tamen Cels. V. crudi-*  
*toque Lectori iudicium committere malui, quàm latius temerè quid*  
*mihi arrogare. Vnum hoc saltem affectum me scio: non modo suæ*  
*quæque Concilia etati & Patres quosque à me contributos, sed &*  
*Synodos aliquot hæcenus penè incognitas, his nostris testimonijs in*

\* B 2 lucem



## P R A E F A T I O I N P R I M V M

lucem productus. Atqui nè quis fortasse peruiacior de authoritate quorundam à me citatorum ambigat, quippe ex eorum numero, qui quicquid sibi aduersari viderint, constitem tanquam Apocryphum rejiciunt: statueram de singulis, quorum incidit dubitatio, prolegomena quadam subijcere. Verum quia angustia temporis intercludor, tantisper dum aut huic, aut proximæ editioni latius aliquid ea de re adiecero, paucula hæc subijcere visum fuit operæ precium. Inprimis itaq; Canonum Apostolicorum authoritas, non modo Romanorum Pontificum vetustorum Epistolis compluribus, & LD. Iuonis ac Burchardi, Gratianiq; Decretis: sed & à D. Isidoro qui primus eos cum cæteris in vnum Canonum corpus digessit, & à Synodi sextæ Oecumenicæ Patribus confirmatur. Ab iisdem etiam, non semel citantur D. Clementis Romani & pistolæ ad Iacobum, siue (ut quidam legendum censent) Simeonem fratrem Domini, Eiusdem Constitutionum Apostolicarum, libros octo, (alios prorsus ab illis octo Recognitionum libris, quos Apocryphos censet in Synodo Romana D. Gelasius) multis tum Græcorum tum Latinorum testimonijs, authenticos comprobat Dn. Ioânes Bouius Episcopus Ostunensis, qui eos è Græco primus transtulit. Martyrum gloriosos agones, à 7. Notarijs primitivæ Ecclesiæ, quos primicerios siue Protonotarios nuncupabāt, primum conscriptos, adtestatur Damasus, iussu D. Clementis Romani, ac deinde à D. Fabiano papa adiunctos illis septem subdiaconos, qui illis imminerent, ut gesta martyrum in integrum conscriberent: & horum frequens etiam sit mentio in Martyrologijs Bedæ, Adonis & Vsuardi. Decretales Epistolas, quas B. Papa, diuersis temporibus ab vrbe Romana (ut eius verbis utar) pro diuersorum Patrum consultatione dederūt, cum omni veneratione suscipiendas adstruit, ubi suprâ, D. Gelasius De D. Dionysij Arcopagitæ scriptis, quàm sine authentica, tractant præ cæteris latinis Reuerendiß. Dn. Guilielmus Lindanus Ruræmundensis Episcopus in sua Panoplia, & Dn. Mathæus Galenus apud Duacenses Theologiæ p̄fessor in Arcopagiticis,

ex



# TOMVM LITVRGICON.

ex Hilduino Abbate alijsq̃, vetustioribus. Quem adeo, vti DD. Clementem, Irenæum, & Hippolytum, etsi Græcè scripserint, inter Patres tamen Ecclesiæ Latine reposuimus: quod in Occidente, Clemens Romæ, Irenæus Lugduni, Hippolytus in portu Romano Episcopatum gesserint: Dionysius verò Parrisijs & per Gallias Apostolatum sortitus sit, vti etiamnum Ecclesiæ apud Lutetiam Parrisijs te-  
statum reddunt. Inter quas vna D. Stephani, quam Græcorum nuncupant, ab ipso ædificata creditur: altera Carcer D. Dionysij dicitur: tertia existat in monte Martyrum, à passione eius & sociorū id nomē sortito: quarta secundo à ciuitate milliario, à loco sepultura, D. Dionysij fanum appellatur, apud quam Regum quoq̃ Gallie veneratio-  
nis ergo monumenta pleraq̃, reperire est. Ambrosianæ verò Missæ & Canonis, præter ipsum D. Ambrosium & vitæ eius Authorem Paulinum presbyterum, meminerunt etiam Diuincrum Officiorum tractatores, D. Isidorus, Amalar. us, Hrabanus, Vualafrius Sirabo, & omnium latissimè Radulphus Decanus Tungrensis locis infra cita-  
tis. Et verò, tum Missam eius, tum Orationes & Præfationes per totum anni circulum è codice quodam Missali Mediolanensi desumpsimus: verum complures etiam Præfationes in Bibliotheca Guilielmitarum manuscriptas reperimus, & easdem collatione codicum facta, non vno loco restituimus. Missa deniq̃, Mosarabe, confirmatur prorsus D. Isidori & Conciliorum aliquot Hispaniarum ritu consimili, quemadmodum ad singula penè illius Missæ capita in margine à nobis adnotatum est. Eius fragmentum acceptum de beo M. Cornelio Gualtero I. C. Gardauensi, qui id iam nupèr ex Hispanijs nactus est: si integram aliquando consequi liceat, (in quo frustra, scripsit tamen illuc pluribus literis, laboravi hætenus) Deo fauente, editioni non deero. De Galliarum quoq̃ & Germaniæ Missa veteri id ipsum p̃stuturus, si vllò vnquam tempore ad manus peruenerint: ad utrumq̃, Antiquitatis studiosos oēs, Hispanos, Gallos, Germanos, & mutuas operas cōferat, obsecrās. De creuerā autē huic epistolæ Dedi-

## P R A E F A T I O I N P R I M V M

catoriae Catalogum caeremoniarum omnium Missae subiungere, quo quaeq; cepissent tempore: verum nundinae Francofurtiae quae sunt praeforibus, id minime nunc permittunt. Quare aut separatim illud cum alijs aliquot Indicibus edere; aut in secundam editionem differre malui: quam huius solius gratia, Typographo, cum maximo ipsius detrimento, non satisfacere: praesertim quum ipsa seculorum per classes digesta series, non obscure ordinem quoque institutionis singulorum rituum Lectori diligentiori ob oculos ponat.

Habet vestra Cels. nostri instituti rationem, quae sicui non satisfaciat, quod Latinae dumtaxat Ecclesiae Liturgica hoc opere complexus sim, quippe quum Catholica Missae adseruo constare videatur non vnus modò Occidentis, sed & Orientis ecclesiae testimonijs. Inprimis, quisquis ille est, non nostrum, sed D. August. responsum ferat: Anideo (inquit lib. 2. aduersus Iulianum) hos contemnendos putas, quia Occidentalis Ecclesiae sunt oēs, nec ullus est commoratus in eis Orientis Episcopus? Quid ergò faciemus, quum illi Graeci sint, nos Latini? Puto tibi eam partem orbis debere sufficere, in qua primum Apostolorum suorum (Petrum nempe) voluit Dominus gloriosissimo martyrio coronare. Cui Ecclesiae praesidente B. Innocentium Papam (id ipsum liceret accommodare ad Pium pap. V. cuius felicibus auspicijs Synodus Tridentina absoluta, & eius Decreta publicata sunt) si audire voluisses, iam olim periculosam iuuentutem tuam (Iulianum alloquitur) haereticorum laqueis exuisses. Quid enim potuit vir ille sanctus Africanis respondere Concilijs, nisi quod antiquitus Apostolica sedes & Romana cum ceteris tenet perseveranter Ecclesia? Deinde, si Cels. V. alijsque σοφὸν γοῦν μένεις nostris gratiam hanc operam nostram intellexero, nisi Dn. Sanctez aut alius quis, quod malim, me anteuertit, statim aliquando Deo Opt. max. opitulante, & Graecorum Liturgica in duos partiri Tomos, & postremo concordiam Graecorum cum Latinis in Liturgiae praecipuis ritibus, vno volumine comprehendere. Vbi tamen prius Tertullianum recognitionem perfecero, & tandem



# TO MVM LITVRGICON.

dēm aliquandō Hrabani opera in lucem prodierint.

Ceterum, quū more antiquitatis obseruato, patronus aliquis aduersus Zoilicū aduersariorumq; morsus, adsciscendus foret, animo semp obuersata est V. Cels. Reuerendiss. Præsul, quippe cui præ alijs, pro auctoritate summa & apud sanctiss. Dn. N. Pium papam V. & apud Regiam Catholicā Maiestatem, quæuis calumniarū tela in ipsos aucthores retorquere non sit difficile: Præsertim, quum nulli non orbis angulo innotuerint Cels. V. eruditio, facundia, prudentia summa, in prosperis & aduersis animi fortitudo inuictissima, ac antiquitatis vniuersæ quedam κρυπταίδεια, in eruditos deniquē oēs insignis beneuolentia. Omitto, quod cāti sper dum differo Hrabani Mauri dictā editionem iam nupēr V. Cels. consecratā, pro arrhabone quodā adimplendi aliquandō pmissi, visum fuerit operæ precii, immō pro purganda mora tam longa necessarium, hoc quoque opus T. Cels. inscribere, maxime quū id ante menses cōplures satis significāse per literas Reuerend. Dn. Maximiliani Morillonij Mechliniēsis sedis vestræ Episcopalis Generalis Vicarij. Accedebant insupēr V. Cels. in me meamque familiam beneficentiæ merita, quæ si non aliquo gratitudinis Symbolo agnoscerem, meritō ingratitudinis argui posse videar. Postremō, alioquē huc propensum satis, illud impulit, quod nemini apertius nuncupare liceret nostra Liturgica, quā illi, qui me Manusimpositione sacra sacerdotij sacrosanctæ munij initiāset, atque adeō ad Mysticæ Liturgiæ ministerium, idque prima sua ab Archiepiscopatu suscepto Ordinatione, primum omnium presbyterum consecrāset. Ego itaque, qui D E O auspice, iuxta quod hortatur Apostolus, attendo Lethoni, Exhortationi, Doctrinæ pro viribus, nē negligere videar gratiam mihi collatam cum impositione manuum presbyterij, cui alij, quæso, de talenti mihi commissi dispensatione (vix spero) non inuiti, rationem reddam, si nō illi, qui id mihi vice Christi summi Patris familiās cōcredidit: Vinam verō, vinam (inquam) depositum custodire, bonum fidei



PRÆFAT. IN I. TOM. LITVRG.

fidei & operum certamen certare, Confessionem bonā quam coram multis testib⁹ confessus sum cōficere, seruare deniquē mihi liceat mādatum sine macula irreprehensibile vsque in Aduentum Domini nostri Iesu Christi.

Quod restat, Deus Opt. Max, Reuerendissime Cardinalis, & Prorex Illustriss. Cels. V. diu suæ Ecclesiæ & Reip. Christianæ seruet incolumem.

Brugis Flandrorum, ipsis D. Laurentij ferijs, anno à nato Christo 1571.

<sup>ria</sup>  
R. ac Cels. V. deditissimus  
cliens

Iacobus Pameliuss.

SACRIFI

18  
SACRIFICII  
MISSAE RITVS, PRI-  
MI A VERBO INCAR-  
NATO SECVLI.

A CHRISTO OBSERVATA  
ET INSTITVTA SACRIFICII  
RATIO.

SACRIFICII CHRISTI FIGVRA.



IN PRIMIS HVIVS  
Christi sacrificij figura & ty-  
pus fuit sacrificium Melchise-  
dech, de quo in hæc verba liber  
Geneseos: At verò Melchise-  
dech Rex Salem, proferens pa-  
nem & vinum, (erat enim Sa-  
cerdos DEI altissimi) benedixit  
ei, & ait: Benedictus Abram  
Deo excelsò, qui creavit cælum  
& terram: & benedictus Deus  
excelsus, quo protegēte, hostes

Gen. 14.

in manibus tuis sunt. Id enim disertis verbis regius ille Psal-  
mista David commonstrat, dicens: Iuravit Dominus, & non pœni- Psal. 109.  
tebit eum, tu es Sacerdos in æternum secundum ordinem Mel-  
chisedech.

ET Apostolus Paulus epistola ad Hebræos: Vbi, inquit, præ Heb. 6. &  
cursor pro nobis introijt Iesus, secundum ordinem Melchisedech 7.  
Pontifex factus in æternum. Hic enim Melchisedech rex Salem,

A sacerdos



sacerdos Dei summi, qui obuiavit Abrahæ regresso à cæde regū, & benedixit ei, cui & decimas omnium diuisit Abraham: primum quidem qui interpretatur rex iustitiæ, deindè autem & rex Salem, quod est, rex pacis: sine patre, sine matre, sine genealogia: neq; initium dierum, neq; finem vitæ habens, assimilatus filio DEI, manet sacerdos in perpetuum.

Et paulò post, sacerdotium Melchisedech distinguens à sacerdotio Aaronis: Si ergò, ait, consummatio per sacerdotium Leuiticum erat, (populus enim sub ipso legem accepit) quid adhuc necessarium fuit secundum ordinem Melchisedech alium surgere sacerdotem, & non secundum ordinem Aaron dici? Translato enim sacerdotio, neceessè est vt & legis translatio fiat.

Et postea: Amplius adhuc manifestum est, si secundum similitudinè Melchisedech exurgat alius sacerdos, qui non secundum legem mandati carnalis factus est, sed secundum virtutem vitæ insolubilis. Contestatur enim, quoniam tu es sacerdos in æternum secundum ordinem Melchisedech.

Et iterum: Alij quidem sine iureiurando facti sunt sacerdotes, hic autem cum iureiurando per eum qui dixit ad illum: Iurauit Dominus, & non pœnitebit eum: tu es sacerdos in æternum secundum ordinem Melchisedech.

Atque vbi sacrificium Melchisedech typū fuisse sacrificij Christi, non illius quod in cruce à Christo oblatum est, cuius typus fuit Aaronis sacrificium: sed eius, quod patri in vltima cœna Christus obtulit, atque adeò Missæ sacrificij, testantur patres plerique tam Græci quàm Latini.

stroma.  
lib. 4.

INTER quos Clemens Alexandrinus: Melchisedech, inquit, rex Salem, sacerdos Dei altissimi, qui vinum & panem sanctificatū dedit nutrimentum, in typum eucharistiæ.

Cyprian.  
Epist. 63.

D. quoque Cyprianus epistola ad Cæcilium: Item in sacerdote Melchisedech, sacrificij Dominici sacramentum præfiguratū videmus,



demus, secundum quod scriptura diuina testatur & dicit: Et Melchisedech rex Salem protulit panem & vinum. Fuit autem sacerdos Dei summi, & benedixit Abraham. Quod autem Melchisedech typum Christi portaret, declarat in Psalmis Spiritus sanctus, ex persona patris ad filium dicens: Ante luciferum genui te, tu es sacerdos in æternum secundum ordinem Melchisedech. Qui ordo utiq; hic est, de sacrificio illo veniens & inde descendens, quod Melchisedech sacerdos Dei summi fuit, quod panem & vinum obtulit, quod Abraham benedixit. Nam quis magis sacerdos Dei summi, quam Dominus noster Iesus Christus? qui sacrificium Deo patri obtulit, & obtulit hoc idem quod melchisedech obtulerat, id est, panem & vinum, suum scilicet corpus & sanguinem.

Et paulò post: Ut ergò in Genesi per Melchisedech sacerdotè benedictio circa Abraham posset ritè celebrari, præcedit antè imago sacrificij Christi, in pane & vino scilicet constituta, quam rem perficiens & adimplens Dominus, panem & calicem mixtum vino obtulit, & qui est plenitudo, veritatem præfiguratæ imaginis adimpleuit.

EUSEBIUS verò Cæsarensis: Et sanè oraculi exitus admirabilis ei, qui contempletur, quemadmodum Saluator noster Iesus, qui est Christus Dei, ipsius melchisedech ritu, ea quæ ad sacerdotium in hominibus gerendum spectat, per suos ministros perficiat. Nam quemadmodum ille qui sacerdos gētium erat, nusquam videtur sacrificijs corporalibus functus, sed vino solo & pane, dum ipsi Abraham benedicit: ita sanè primus ipse Saluator ac Dominus noster, deinde qui ab ipso profecti sunt, sacerdotes in omnibus gentibus, spirituale secundum ecclesiasticas sanctiones sacerdotij munus obeuntes, vino ac pane & corporis illius & salutaris sanguinis mysteria repræsentant: quæ sanè mysteria melchisedech tantò antè spiritu diuino cognouerat, & rerum futurarum imaginibus usus fuerat, sicut etiam Moyse scriptura testificatur, ubi ait: Et Melchi-

Euseb. de  
demōst.  
Euang. li.  
5. c. 3.

4 LITVRGICON ECCLESIAE LATINAE

fedech rex Salem protulit panes & vinum : Erat autem sacerdos Dei altissimi, & benedixit Abraham.

**Basilius** **com. in Pſal. 109.** **D I V V S** etiam Basilius : Quid est autem, inquit, secundum ordinem Melchisedech, nisi propter mysteria, quod & ille Abraham panem & vinum obtulit?

**Ambr. li. de Abraham. patriarcha c. 3.** **D I V V S** Ambrosius quoque : Melchisedech, inquit, Abraham benedixit : Erat enim sacerdos summi Dei. Quis est rex iustitiae, sacerdos summi Dei, nisi cui dicitur : Tu es sacerdos in æternum secundum ordinem Melchisedech ? hoc est, Dei filius, sacerdos patris, qui sui corporis sacrificio patrem nostris repropitiavit delictis?

**Idem in 5. c. ad Hebr.** **E T** alibi expressius : Omnes sub lege erant sacerdotes. Christus solus secundum ordinem Melchisedech sacerdos, propter carnem

quam assumpsit, aut propter victimam quam pro nobis offerebat, à nobis susceptam, id est, carnem & sanguinem suum, de qua victima ipse in Euangelio ait : Nisi manducaueritis carnem filij hominis, & biberitis eius sanguinem, non habebitis vitam in vobis.

**A C** paulò post : Huius ordinem sacrificij per mysticam similitudinem Melchisedech iustissimus (seu potius iustitiæ) rex instituit, quando Domino panis & vini fructus obtulit. Constat enim, pecudum victimas periisse, quæ fuerunt ordine Aaron, non Melchisedech : sed hoc manere potius institutum, quod toto orbe in sacramentorum erogatione celebratur.

**Chryso. com. in Pſal. 109.** **I T E M** D. Chrysostomus : Quare (inquit) dixit, Secundum ordinem melchisedech ? Propter sacramenta, quod ille quoque panem & vinum obtulerit.

**Hieron. epist. 17. ad Marcellam.** **N E C** dissentit D. Hieronymus : Recurre, inquit, ad Genesim, & melchisedech regem Salem, huius principem inuenies ciuitatis : qui iam tunc in typo Christi panem & vinum obtulit, & mysterium Christianum in saluatoris sanguine & corpore dedicauit.

**Idem in Matth. c. 26.** **E T** alibi : Postquam typicum pascha fuerat impletum, & agni carnes cum Apostolis comederat : assumit panem, qui confortat cor hominis,



hominis, & ad verum paschæ transgreditur sacramentum, vt quomodò in præfiguratione eius Melchisedech summi Dei sacerdos, panem & vinum offerens fecerat, ipse quoquè veritatem sui corporis & sanguinis repræsentaret.

ET D. Epiphanius: Quandò Abraham fuit annorum 88. aut 90. plùs minùs, tunc melchisedech ipsi obuiam venit, & proposuit ipsi panes & vinum, mysteriorum ænigmata præfigurans & exemplaria, quum Dominus noster dicat: Ego sum panis viuens.

DI VVS Augustinus pluribus etiam locis id ipsum inculcat: nos apertiora duntaxat producemus testimonia. Ibì quippe (inquit, Gen. 14.) primum apparuit sacrificium, quod nunc à Christianis offertur Deo toto orbe terrarum, impleturque illud quod longè post hoc factum, per prophetam dicitur ad Christum, qui fuerat venturus in carnem: Tu es sacerdos in æternum secundum ordinem Melchisedech, non scilicet secundum ordinem Aaron, qui ordo fuerat auferendus, illucescentibus rebus, quæ illis vmbri prænotabantur.

ET iterum: Deindè quod paulò pòst dicit: Iurauit Dominus, & non pœnitebit eum: quibus verbis immutabile futurum esse significat, quod adiungitur: Tu es sacerdos in æternum secundum ordinem Melchisedech: ex eo, quòd iam nusquam est sacerdotium & sacrificium secundum ordinem Aaron, & vbi què offertur sub sacerdote Christo, quod protulit Melchisedech, quandò benedixit Abraham, quis ambigere permittitur de quo ista dicantur?

ET rursum: In libro qui vocatur Ecclesiastes, vbi ait: Non est bonum homini, nisi quod manducabit & bibet, quid credibilius dicere intelligitur, quàm quod ad participationem mensæ huius pertinet, quam sacerdos ipse mediator Testamenti noui, exhibet secundum ordinem Melchisedech de corpore & sanguine suo? Id enim sacrificium successit omnibus illis sacrificijs veteris testamenti, quæ immolabantur in vmbra futuri, propter quod etiam vocè

Epiphan.

hē 5. cō.

Melchise

dechia-

nos.

Ioan. It

Augu.

de ciuit.

Dei li. 16.

c. 22.

Lib. 17.

de ciuit.

Dei, c. 17.

Idem de

ciuit. Dei

l. 17. c. 20.

Eccēs 3.

illam in Psal. 39. eiusdem mediatoris per prophetiam loquentis agnoscamus: Sacrificium & oblationem noluisti, corpus autem perficisti mihi, quia pro illis omnibus sacrificijs & oblationibus corpus eius offertur, & participantibus ministratur.

Idē cōc.

1. in Psal.

33.

Et alibi latius: Erat autem, ut nōstis, sacrificium Iudæorum antea secundum ordinē Aaron in victimis pecorū, & hoc in mysterio. Nondum enim erat sacrificiū corporis & sanguinis nomini, quod fideles nōrunt, & qui Euangeliū legerunt, quod sacrificium nunc diffusum est toto orbe terrarum. Proponite ergo vobis ante oculos duo sacrificia: & illud secundum ordinem Aaron, & hoc secundum ordinē melchisedech. Scriptū est enim: Iuravit Dominus,

Psal. 110.

& non poenitebit eum, tu es sacerdos in æternū secundum ordinē melchisedech. De quo dicitur, Tu es sacerdos in æternū secundum ordinē Melchisedech? De dño nostro Iesu Christo. Quis erat melchisedech? Rex Salem. Et tantus erat melchisedech, a quo benediceretur Abraam. Protulit panem & vinum, & benedixit Abraam, & dedit ei decimas Abraam. Videte quid protulit ei, quem benedixit. Et dictum est ei postea: Tu es sacerdos in æternū secundum ordinem Melchisedech. Daudid hoc in spiritu dixit longē post Abraam. Temporibus autem Abraę fuit melchisedech. De quo alio dicit, Tu es sacerdos in æternum secundum ordinē melchisedech, nisi de illo, cuius nōstis sacrificium? Sublatum est enim sacrificium Aaron, & cœpit esse sacrificium secundum ordinem Melchisedech. Notus est enim Dominus noster Iesus Christus, in corpore & sanguine suo voluit esse salutem nostram. Vndē autem commendavit corpus & sanguinē suum? De humilitate sua. Nisi enim esset humilis, nec manducaretur, nec biberetur.

Idē cōc.

2. in eun-

dē Psal.

Et rursus breuibus quidē, sed apertiū: Coram regno patris sui mutauit vultū suum, & dimisit eum, & abiit. quia erat ibi sacrificiū secundum ordinem Aaron, & postea ipse de corpore & sanguine suo instituit sacrificium secundum ordinem Melchisedech.

Hesychius



TOMVS · PRIMVS.

Hefychius etiam presbyter: Nullo modo, inquit, ignoras, quia <sup>7</sup> Hefych. li. 6. Melchisedech oblationem & sacerdotium in panibus possidebat. Propter quod & Abraham panes gerens & vinum, quæ erant signa eius sacerdotij, occurrit: gerebat enim imaginem Christi: de quo David patrem exhibuit in Prophetia dicentem: Tu es sacerdos in æternum secundum ordinem Melchisedech: cuius nunc & legislator hæc dignitatem, non solum panum memoriam faciens, ostendit: sed & subsequencia verba, si eorum subtilius ordinem attendamus, hoc euidenter innuunt, quia sacerdotum sanctificatio ad Christum tendit, non solum quia ab eo sacerdotij legem & modum acceperunt, sed quia sacrificiorum quæ ab eis offeruntur, atque oblationum, ipse apud patrem mediator est.

EUCHERIUS quoque Lugdunensis: Sine aliqua etiam sacerdotali genealogia homo extitit, ex hominibus, utpotè non ex tribu Leui ortus, sed ex tribu Iuda: ex qua tribu nihil de sacerdotali præcepto accepit: utique propter mysterium sacramenti, quod Christianis celebrare præceptum est, ut non secundum Aaron pecudum victimas, sed oblationem panis & vini, id est, corporis & sanguinis sacramentum in sacrificium offeramus. Ibi quippe primum apparuit sacrificium, quod nunc à Christianis offertur DEO toto orbe terrarum: impleturque, quod longè post hoc factum per Prophetam dicitur ad Christum, qui fuerat adhuc venturus in carnem: Tu es sacerdos in æternum secundum ordinem melchisedech, non scilicet secundum Aaron, qui ordo fuerat auferendus, illucescentibus rebus, quæ illis umbris denotabantur.

SIC etiam D. Damascenus: Pane & vino suscepit melchisedech Damasc. lib. 4. de orthod. fid. c. 14. Abraham ex cæde alienigenarum reuertentem, qui erat sacerdos DEI altissimi. Illa mensa hanc mysticam præfigurauit mensam: velut & sacerdos ille, Christi veri sacerdotis figuram præ se ferebat & imaginem. Tu es, inquit, sacerdos in æternum secundum ordinem melchisedech. Hunc panem panes figurabant propositionis.

DIVVS

Isid. lib. 1. **DIVVS** Isidorus: Quod, inquit, sacramentum Melchisedech rex Salem figuraliter in typum corporis & sanguinis Christi primus obtulit, primusq; mysterium tanti sacrificij imaginariè idem expresit, præferens similitudinem Domini & saluatoris nostri Iesu Christi sacerdotis æterni, ad què dicitur: Tu es in æternum sacerdos secundum ordinem Melchisedech.

PORRO Theodoretum qu. 63. in Gen. Euthymium in Psalm. 109. Theophylactum & Oecumenium in Epistolam ad Hebræos, aliosq; mediæ ætatis Patres, compendij gratia prætermittimus.

R. Moses **VNUM** adiiciemus testimonium veteris Iudæi R. Mosi Hadar. in darfan, qui ita dictum locum interpretatur: Et Melchisedech rex c. 14. Ge- Salem produxit, vel protulit, vel obtulit panem & vinum, ita dicitur: Hic Melchisedech erat Sem filius Noë. Et quid docet dicendum, cum ait, Protulit vel produxit panem & vinum? Rabbi Samuel filius Nahman dixit, Sententias sacerdotij tradidit. Erat enim ipse sacrificans panem & vinum Deo sancto & benedicto, sicut dictum est ibidem: Et ipse erat sacerdos Dei altissimi. Locus quippe quandoq; iustificabitatores suos.

ITEM paulò post: Alius sermo. Melchisedech rex Salem. Hoc est quod scriptum est Psalmo centesimodecimo: Iuravit Deus, & non pœnitebit eum, tu es sacerdos in æternum super verbum (id est, secundum verbum, vel propter verbum) Melchisedech. Et quis est hic? Hic est iustus & saluator rex Messias, sicut dictum est Zach. nono capite: Ecce rex veniet tibi iustus & saluator. Et quid docet dicendum, cum dicit, Obtulit panem & vinum? Hoc est, ac si diceret, quod scriptum est Psal. 71. Et erit placenta tritici in terra. Et hoc est quod dictum est: Et ipse erat sacerdos Dei altissimi.

PROPHETIAE DE SACRIFICIO  
CHRISTI.

PRIMO



**P**rimo loco occurrit id, quod cæteris est manifestius, Malachiae Prophetae testimonium: Non est mihi voluntas in vobis, dicit Dominus exercituum, & munus non suscipiam de manu vestra. Ab ortu enim solis vsque ad occasum, magnum est nomen meum in gentibus, & in omni loco sacrificatur & offertur nomini meo oblatio munda, quia magnum est nomen meum in gentibus, dicit Dominus exercituum. Quod de sacrificio corporis & sanguinis Domini disertis verbis veteres interpretantur.

**I**ta D. Iustinus Martyr iuxta Gelenij versionem. Quapropter de sacrificijs vestris quæ tunc offerebatis, sic loquitur Deus, ut supra dixi, per Malachiam vnum è duodecim: Non est mihi voluntas in vobis, dicit Dominus: & munus non accipiam de manu vestra. Ab ortu enim solis vsque ad occasum, magnum est nomen meum in gentibus, & in omni loco adolentur odora menta nomini meo, victimæque puræ, quia magnum est nomen meum in gentibus, vos autem polluistis illud. Cæterum de sacrificio quod offertur in omni loco à nobis gentibus, id est, Eucharistiæ tum panis, tum poculo, ibidem prædicit, dicens: Nos clarificare nomen eius, quod vos prophanatis.

Iust dial.  
contra  
Tryph.

**E**t infra de Iesu sacerdote loquens, subdit: Si nos & ij qui Iesu nomine, ut vnus homo omnes futuri sumus propter rerum omnium parætem Deum, vnigeniti eius filij nomine sordidis vestibus, id est, peccatis exutis & detractis, illius vocationis verbo inflammati & incensi, Pontificium sacerdotaleque verum genus sumus, ut etiam **DEVS** ipse testis est, qui ait: In omni loco in gentibus hostias acceptas gratasque immolari. Neque verò à quoquam hostias Deus accipit, nisi à suis sacerdotibus. Itaque omnia sacrificia quæ suo nomine facienda Iesus Christus tradidit, id est, in Eucharistia panis & poculi, quæ in omni loco à Christianis fiunt, præoccupatione vsus Deus, sibi grata esse testatur. Quæ verò à vobis vestrisque illis sacerdotibus fiunt, improbat his verbis: Sacrificiaque

B ve.

vestra è manibus vestris non accipiam: quòd ab oriente solc ad occidentem, nomen meum gloria affectum est, ait, in gentibus: Vos autem illud detestamini. Vos adhuc studio concertandi hoc dicitis, ea sacrificia quæ Hierosolymis temporibus Israelitarum, qui tum illic habitabant, fierent, Deum non approbare: preces autem illius generis hominum, qui tum dispersi essent, eundem sibi acceptas esse dixisse, eorum quæ preces sacrificia vocare: Preces quidem & gratiarum actiones bonorum, perfectas solas esse, & Deo gratas hostias, ego quoquè concedo. *εὐχαὶ καὶ εὐχαριστίαι ὑπὸ τῶν ἀγίων γινόμεναι τέλειαι μόναι καὶ εὐάρεστοί εἰσι τῷ θεῷ θυσίαι.* Hæc em̄ sola facienda acceperunt Christiani in aridi humidique sui cibi commemoratione: in quo etiam mortis, quam per se perpessus est Deus dei filis, memoria recolitur: cuius vt nomē in omī terra cōtaminaretur, & dedecore afficeretur, sacerdotes doctoresq; perfecerūt.

Iren. contra  
heres.  
li. 4. c. 32.  
33. & 34.

E T Irenæus: De quo in duodecim prophetis Malach. sic præfiguravit: Non est mihi voluntas in vobis, dicit Dominus omnipotens. Et sacrificium non accipiam de manibus vestris: quoniam ab ortu solis vsque ad occasum, nomen meum glorificatur inter gentes, & in omni loco incensum offertur nomini meo & sacrificium purum.

E T cap. 34. eiusdem subiungit: Igitur Ecclesiæ oblatio, quam Dñs docuit offerri in vniuerso mūdo, purum sacrificium reputatum est apud Deum, & acceptum est ei, nō quòd indigeat à nobis sacrificio: sed quoniā is, qui offert, glorificatur ipse in eo quod offert, si acceptetur munus eius. Quoniā igitur cū simplicitate Ecclesia offert, iustè munus eius purum sacrificium apud Deum deputatum est. Oportet enim nos oblationem Deo facere, & in omnibus gratos inueniri fabricatori DEO, in sententia pura, & fide sine hypocrisis, in spe firma, in dilectione seruenti, primitias earum, quæ sunt eius, creaturarum offerentes. Et hanc oblationem Ecclesia sola purā offert fabricatori, offerens ei cum gratiarū actione ex creatura eius.



eius. Iudæi autem iam non offerunt. Manus enim eorum sanguine plenæ sunt: non enim receperunt verbum, per quod offertur Deo.

E T Tertullianus: Vt pariter concurreret & Malachiæ (sic enim lego, pro eo quod corruptè est, Micheæ) prophetia: Non est voluntas mea, dicit Dominus, & sacrificia vestra non accipiam, quoniam ab ortu solis vsque in occasum nomen meum glorificatum est (nam & sic lego: pro, gloriatum) in nationibus, & in omni loco sacrificium meo nomini offertur, & sacrificium mundum, Gloriæ scilicet relatio, & benedictio, & laus, & hymni. Quæ omnia quum in te quoque depræhendantur, & signaculum frontium, & Ecclesiarum sacramenta, & munditiæ sacrificiorum, debes etiam erumpere vt dicas, spiritû creatoris tui Christo prophetasse.

Tertul. li.  
3. contra  
Marc.

D. Cyprianus etiam: Quòd sacrificium vetus euacuaretur, & nouum celebraretur, apud malachiam: Non est mihi voluntas circa vos, dicit Dominus, & sacrificium acceptum nõ habebõ ex manibus vestris: Quoniam à solis ortu vsq; ad occasum, glorificatum est nomen meum apud gentes, & in omni loco odores incensi offeruntur nomini meo, & sacrificium mundum, quoniam magnum est nomen meum apud gentes, dicit Dominus.

Cypr. lib.  
Test. ad  
uerf. Iud.  
1. c. 16.

E V S E B I V S item Cæsarensis: Ab ortu solis vsque ad occasum, nomen meum glorificatum est in gentibus, & in omni loco incensum offertur nomini meo, & hostia munda. Sacrificamus igitur Deo altissimo sacrificium laudis. Sacrificamus Deo plenum & horrorem afferens & sacrosanctum sacrificium, sacrificamus nouo more, secundum nouum Testamentum, hostiam mundam. At sacrificiũ Deo, spiritus contritus dictus est. Cor igitur contritum & humiliatum Deus non despiciet. Iamque etiam incendimus propheticum illum odorem in omni loco, & offerimus ei benè olentem fructum omni virtute abundantis Theologiæ, hoc ipsum orationibus ad eum directis facientes. Quod sanè ipsum alius quoque docet propheta, qui ait: Fiat oratio mea sicut incensum in con-

Euf. de  
monstr.  
Euag. lib.  
1. c. 10.

Psal. 140.

B 2 spe-

spectu tuo. Igitur & sacrificamus & incendimus, aliàs quidem memoriam magni illius sacrificij, secundùm ea, quæ ab ipso tradita sunt, mysteria celebrantes, & gratias Deo pro salute nostra agentes, religiososque hymnos & orationes sanctas illi offerentes: aliàs nos ipsos totos ei consecrantes, eiusque Pontifici, ipsi utique Verbo, corpore animoque dicantes.

Chryf.  
cōm. in  
Psal. 95.

D. Chrysostomus quoque: Non est mea voluntas in vobis, dicit Dominus &c. Vide quàm luculenter, quamque dilucidè mysticam interpretatus est mensam, quæ est incruenta hostia. Thymiaa verò purum appellat sacras preces, quæ post hostiam offeruntur. Hic enim suffitus Deum refocillat, non is qui à terrenis radicibus sumitur, sed qui à puro corde exhalatur. Vides ut ubique locorum concessum est angelicum illud sacrificium inclarescere? Vides nullis finibus circumscriptum neque altare, neque canticum? In omni loco thymiaa offertur nomini meo. Est igitur hostia pura, prima quidem mystica mensa, cæleste summeque venerandum sacrificium.

Hier. cō.  
in Malac.  
proph.

August.  
lib. 18. de  
ciuit. Dei  
ca. 35.

NEQUE verò D. Hieronymus dissentit, dum oblationē mundam interpretatur in cæremoniis Christianorum.

D. certè Augustinus frequentiss. est in hac explicandi forma: Malachias (inquit) prophetans Ecclesiam, quam per Christum iam cernimus propagatam, Iudæis apertissimè dicit ex persona DEI: Non est mihi voluntas in vobis &c. Ab ortu solis &c. Hoc sacrificium per sacerdotium Christi, secundùm ordinem Melchisedech, cum in omni loco à solis ortu usque ad occasum Deo iam videamus offerri: sacrificium autem Iudeorum, quibus dictum est: Non est mihi voluntas in vobis, nec accipiam &c. cessasse, negare non possunt: quid adhuc expectant alium Christum, quum hoc quod prophetatum est, legunt, & impletum vident, impleri non poterit, nisi per ipsum?

Idē orat,  
cōtra Iu.

ET alibi: Quid ad hæc responderetis? Aperite oculos tandè aliquan-



quandò & videte, ab oriente sole vsque ad occidentem, non in vno (sicut vobis constitutum fuerat) loco, sed in omni loco offerri sacrificium Christianorum, non cuilibet Deo, sed ei qui ista prędixit, Deo Israel.

THEODORETVS sic etiam explicat hunc locum: Nam omni-  
um (inquit) habitatores terrarum, quas sol exoriens & occidens suis radijs illustrat: cum ubique incensum offerent, tum etiam sacrum purum & mihi gratum conficient.

Theod.  
cōm. in  
Malach.  
proph.

DAMASCENVS deniquē: Hęc est pura scilicet hostia & in-  
cruenta, quam ob ortu vsque ad occasum sibi offerri per Prophe-  
tam Dominus loquitur, corpus videlicet & sanguis Christi.

Damasc.  
lib. 4. de  
orth. fid.  
cap. 14.  
Prou. 9.

SECUNDO se offert loco illud Salomonis: Sapientia ædifica-  
uit sibi domum, excidit columnas septem, immolauit victimas su-  
as, miscuit vinum, & proposuit mensam suam. Misit ancillas suas,  
vt vocarent ad arcem & ad moenia ciuitatis. Si quis paruulus est,  
veniat ad me. Et insipientibus locuta est: Venite, comedite panem  
meum, & bibite vinum quod miscui vobis.

Cyp. epist.  
63. ad Cē-  
cilium.

VSQVE ADEO enim hunc locum de Christi sacrificio inter-  
pretatur Cyprianus, vt etiam indē probet, in eo vinum aqua mi-  
sceri debere. Sed & per Salomonem (inquit) Spiritus sanctus typum  
Dominici Sacrificij antē pręmonstrat, immolata hostiæ & panis  
& vini, sed & altaris & Apostolorum faciens mentionem: Sapien-  
tia (inquit) ædificauit sibi domum, & subdidit columnas septem.  
Mactauit suas hostias, miscuit in cratera vinum suum, & parauit  
mensam suam. Et misit seruos suos, conuocans cum excelsa prędi-  
catione ad craterem, dicens: Qui est insipiens, declinet ad me, &  
egentibus sensu dixit: Venite, edite de meis panibus, & bibite vi-  
num quod miscui vobis. Vinum mixtum declarat, id est, calicem  
Domini aqua & vino mixtum prophetica voce pręnunciat: vt ap-  
pareat in pasiōe Dñica id esse gestū, quod fuerat antē prędictum.

Prou. 9.

Idem lib. **I**DIPSV M rursùm alibi inculcat in hæc verba: Quod Sapien-  
 Test. 2. tia DEI Christus, & de Sacramento incarnationis eius, & passionis,  
 adu. Iud. & calicis & altaris, & Apostolorum qui missi prædicauerunt, apud  
 cap. 2. Salomonem in paræmijs: Sapiaentia ædificauit sibi domum &c.

Aug. l. 17. **N**ON absimile est quod habet D. Augustinus: Sapiaentia ædifi-  
 de ciuit. cauit sibi domum, & fudit columnas septem, immolauit suas vi-  
 Dei, c. 20. ctimas, miscuit in cratere vinum suum, & parauit mensam suam.

Misit seruos suos, conuocans cum excellenti prædicatione ad cra-  
 terem, dicens: Qui est insipiens, diuertat ad me. Et in opibus sensu  
 dixit: Venite, manducate de panibus meis, & bibite vinum quod  
 miscui vobis. Hic certè (inquit) agnoscimus Dei sapiaentiam, hoc  
 est, verbũ patri coæternũ, in vtero virginali domum sibi ædificasse  
 corpus humanum, & huic tanquàm capiti membra Ecclesiam  
 subiunxisse, martyrum victimas immolasse, mensam in vino &  
 panibus præparasse, (vbì apparet etiam sacerdotium secundum or-  
 dinem Melchisedech) insipientes & inopes sensu vocasse: quia sic-  
 1. Cor. 1. ut dicit Apostolus, Infirma huius mundi elegit Deus, vt confun-  
 deret fortia. Quibus tamen infirmis, quod sequitur, dicit: Derelin-  
 quite insipiaentiam, vt viuatis: & quærite prudẽtiam, vt habeatis vi-  
 tam. Participem autem fieri mensæ illius, ipsum est incipere habere  
 vitam.

Hier. cõ. **I**TEM quod D. Hieron. seu potiùs Beda in huius loci commet.  
 in Prou. In pane, inquit, corporis ipsius: in vino mixto, sanguinis sacrosan-  
 cap. 9. cti mysterium, quo in altari, mensa videlicet eius, satiamur, ostendi-  
 tur. Immo & veteres Iudæos sic intellexisse hunc locum testatur  
 R. Moses Hadarsan loco citato.

**O**CCVRRIT præterea prophetia viri Dei ad Heli Sacerdotẽ:  
 1. Reg. 2. Et suscitabo mihi sacerdotẽ fidelem, qui iuxta cor meum & ani-  
 mam meã faciet: & ædificabo ei domũ fidelem, & ambulabit co-  
 ram Christo meo cunctis diebus. Futurum est autem, vt quicun-  
 que



que remanserit in domo tua, veniat vt oretur pro eo, & offerat nummum argenteum & tortam panis, dicatq̃ue: Dimitte me, obsecro, ad vnā partem sacerdotalem, vt comedam buccellam panis.

HANC enim Christi sacrificio adplicat D. Cyprianus. Quòd sacerdotium (inquit) vetus cessaret, & nouus sacerdos veniret, qui in æternum futurus esset, in Psal. 109. Ante luciferum genui te. Iurauit Dominus, & non pœnitebit eum, tu es sacerdos in æternum secundum ordinem Melchisedech. Item in βασιλείῳ primo Deus ad Heli: Et suscitabo mihi sacerdotem fidelem, qui omnia quę sunt in corde meo, faciet: & ædificabo ei domum fidelem, & transibit in conspectu Christorum meorum omnibus diebus: & erit, qui remanserit in domo tua, veniet adorare in obolo pecunię & in pane vno.

ITEM D. August. Figuratè (inquit) pertinebat hæc prophetia ad nouum sacerdotiũ, tam factò etiam ipso, quàm verbo. Et paulò post: Vigilet fides, præstò sunt res, cernuntur, tenentur, & videre volentium oculis ingeruntur. Ecce dies qui pronunciati sunt, iam venerunt. Nullus sacerdos est secundum ordinem Aaron. Et quicumque ex eius genere est homo, cum videt sacrificium Christianorum toto orbe pollere, sibi autem honorem illum magnum esse subtractum, deficiunt oculi eius, & defuit anima eius tæbæ mœroris. Ac postea: Quod autem sequitur, ad illum iam pertinet sacerdotem, cuius figuram gessit huic succedendo Samuel. Proinde quę sequuntur, de Christo Iesu noui testamenti vero sacerdote dicuntur. Et suscitabo mihi sacerdotem &c. Quod autem ait, coram Christo meo transibit, de ipsa domo vtiq̃ue intelligendum est, non de sacerdote qui est Christus. Domus ergo eius coram illo transibit. Et deinceps adiunxit: Veniet adorare ei obolo argenti. Cui adorare, nisi illi summo sacerdoti, qui & Deus est? Neq; enim in illo sacerdotio secundum ordinem Aaron, ad hoc veniebant

ho-

Cypr. lib.  
Test. 1.  
adu. Iud.  
cap. 18.

Aug. l. 17.  
de ciuit.  
Dei cap. 5.

homines ad templum vel altare D E I, vt sacerdotem adorarent.

*Ioan. 6.* A c sub finem : Quod ergò addidit, Manducare panem: etiam ipsum sacrificij genus elegàter expressit, de quo dicit sacerdos ipse: Panis quem ego dederò, caro mea est, pro seculi vita. Ipsum est sacrificium, non secundùm ordinem Aaron, sed secundùm ordinem Melchisedech & ceter. quod est in nouo Testamento sacrificium Christianorum. Quæ expositio ità placuit etiam D. Eucherio Episcopo Lugdunensi, vt illud D. Augustini ad verbum alicubi transcripserit.

*Isaie 33.* P O R R O D. Iustinus martyr etiam locum illum Isaie huc accommodat: Panis ei dabitur, & aqua eius fidelis, pro quo nostra habet versio: Panis ei datus est, & aquæ eius fideles. Illud enī (inquit) *Iust. mar. Dialogo cum Tryphone.* perspicui potest, in hac etiam prophetia de pane fieri mentionem, quem nobis Christus noster conficiendum tradidit, vt corpus eum factum esse recordaremur, eorum causa qui in ipsum credunt, propter quos etiam patibilis extitit. Et de poculo, quod recolēdi sanguinis sui causa conficiendum, gratias agentibus tradidit.

*Cyrill. in Isa. c. 33.* Eodē etiam alludit D. Cyrillus Alexandr. in hæc verba: Huic ergò in hac petra habitati dabitur panis, & supeditabitur aqua fidelis. Habitantibus nanque in Ecclesia panis vitæ Christus datur à DEO & patre, & aqua fidelis, sacrosancti nimirum baptismatis.

*Augu. in Psal. 39.* I L L V D etiam Psalmi : Sacrificium & oblationem noluisti, corpus autem perfecisti mihi, D. Augustinus de sacrificio Christi explicat. Sacrificia ergò illa (inquit) tanquàm verba promissiua, ablata sunt. Quid est quod datum est completiuū? Corpus quod nō stis, quod non omnes nō stis, quod vtinam qui nō stis omnes, non ad iudicium noueritis. Videte quandò dictum est. Christus enim ille est Dominus noster, modò loquens ex membris suis, modò loquens ex persona sua: Sacrificium (inquit) & oblationem noluisti. Quid ergò? Nos iam hoc tempore sine sacrificio dimissi sumus?

Ab



Abfit. Corpus autem perfecisti mihi. Ideò illa noluisti, vt hoc perficeres: illa voluisti, antequàm hoc perficeres. Perfectio promissum abstulit verba promittentia. Nam si adhuc sunt promittentia, nondùm impletum est, quod promissum est. Hoc promittebatur quibusdam signis: ablata sunt signa promittentia, quia exhibita est veritas promissa. In hoc corpore sumus, huius corporis participes sumus: quod accipimus, nouimus: & qui non nòstis, noueritis: & cùm didiceritis, vtinàm nò ad iudiciũ accipiat. Qui enim manducat & bibit indignè, iudiciũ sibi manducat & bibit. Ioan. 6.

ANTE illum quoquè D. Chrysost. Aduentu suo, inquit, cultum victimarum reiecturus erat, vt nè ampliùs ille acceptus esset, sed nostrum illud sacrificiũ admitteretur. Accipe quomodò & hoc prædictum sit: Sacrificiũ & oblationem noluisti, &c. Chrysost. hō. quod Christ. sit Deus.

Et rursũ: Quænam, inquit, sacrificia & quænam oblationes noluisti? Legales videlicet. Quæ est autem veritas, quam pro vmbra volebat? Christi sacrificiũ. Et propterea dicit: Corpus autè perfecisti mihi, significans carnem Domini quam ex sanctis. & Dei para Maria perfecit. Com. in Psal. 39.

PLURES liceret eiusmodi prophetias ex veteribus in mediũ proponere: sed quòd minùs ad institutum facere videantur, tum nè prolixiores simus, prætermittimus. Libet tamen illud Psalmi adijcere iuxta veritatem Hebraicam: Et erit placenta frumenti in capite montium: pro eo quod LXX. verterunt: Et erit frumentũ in terra in summis montium. Quod multo expressiùs vertit Chaldaeus paraphrastes R. Ionathas: Et erit sacrificiũ panis in terra in capite montiũ Ecclesiæ: alter verò R. Atzilas: Et erit panis substantificus in terra &c. Psal. 71. A kilas

Hoc autem de isto Christi sacrificio disertis verbis interpretati sunt veteres Rabini Iudæorum, iuxta quod citantur à Porceto de victoria verbi DEI contra Hebr. part. 1. c. 21. & post eum à Petro Galatino (qui haud dubiè non sententiam modò, sed & verba ipsa

C Porceti

Porceti in suum opus transcripsit, & stylo suo expoliuit) de arcan. Cathol. verit. lib. 10. c. 4. Nos, omisis alijs, apertiora duntaxat adferemus testimonia.

**R. Berachias** IN libro qui inscribitur, Midras Coheleth, id est, in exposit. Ecclesiasticis ad illud, Quid est quod fuit, ipsum est quod erit, sic legitur: Rabbi Berachias in nomine R. Ishac dixit: Quod quæadmodum fuit redemptor primus, id est, Moses, ita erit redemptor ultimus. Sicut enim redemptor primus fecit descendere manna, sicut dictum est Exod. 16. cap. Ecce ego pluam vobis panem de caelo: ita quoque redemptor ultimus, id est, Messias, erit placenta frumenti in terra, iuxta dictum illud Psalmi.

**R. Ionathas chaldaeus paraphrastes.** ET in libro quem Collectionum vocant, dicit Chaldaea translatio, scilicet Rabbi Ionathæ: Et erit sacrificium panis in terra in capite montium Ecclesie. Videat qui oculos habet, quod dictum est. Ille est Messias, de quo totus loquitur Psalmus. Cum ergo ait, Et erit placenta frumenti in terra in capite montium: vult dicere, quod placenta panis fiet sacrificium in capitibus sacerdotum, qui sunt in Ecclesia.

**R. Moses Hadarfan in cap. 39. Gen.** ITEM R. Moses Hadarfan, citans illud Osee 11. Et inclinabo ad eum cibum, id est, (inquit) submitta ad eum cibum bonum, suauem, & magnum, cui non est alius similis, de quo dictum est Psalm. 72. Et erit placenta frumenti, vel frustum panis in terra.

**Nicol. Lyr. in Psalm. 71.** NEQUE verò noua est hæc expositio, quum iam olim Nicolaus Lyranus in scriptis Rabinorum versatissimus, non modò hanc ipsorum translationem citet, & de hoc sacrificio interpretetur, sed etiam putet legendum iuxta LXX. Et erit frumentum, pro eo, quod est, firmamentum. Cui etsi in hoc postremo non adsentiar, quia Græca vox *στέγμα*, Latine firmamentum sonat: hanc tamen tanquam veram ex Hebræo versionem amplector, eo magis, quod hoc loco firmamentum, pro pane possit accipi, iuxta illud Psalmi: Et omne firmamentum panis contriuit. Confirmat enim panis cor hominis, iuxta alium Psalmistæ locum.

Ipsum



TOMVS PRIMVS.  
IPSVM CHRISTI SA-  
CRIFICIVM.

19

**C**OENANTIBVS autem eis, (inquit S. Matthæus Euāgelista) Matt. 26.  
accepit Iesus panem, & benedixit, ac fregit, deditq; discipu-  
lis suis, & ait: Accipite & comedite, Hoc est corpus meum. Et acci-  
piens calicem, gratias egit, & dedit illis, dicens: Bibite ex hoc omnes.  
Hic est enim sanguis meus noui testamenti, qui pro multis effun-  
detur in remissionem peccatorum. Dico aut vobis, nō bibam amo-  
dō de hoc genimine vitis, vsq; in diem illū, quum illud bibam vo-  
biscum nouum in regno patris mei.

**E**T manducantibus illis, (inquit S. Marcus Euangelista) Marc. 14.  
Iesus panem, & benedicens, fregit & dedit eis, & ait: Sumite, Hoc est  
corpus meum. Et accepto calice, gratias agens, dedit eis. Et biberūt  
ex illo omnes. Et ait illis: Amen dico vobis, quōd iam non bibam  
de genimine vitis, vsq; in diem illū, quum illud bibam vobiscum  
nouum in regno Dei.

**E**T quum facta esset hora, (inquit B. Lucas Euangelista) Luc. 22.  
discubuit, & duodecim Apostoli cum eo, & ait illis: Desiderio desi-  
deraui hoc Pascha manducare vobiscum antequam patiar. Dico  
enim vobis, quia ex hoc non māducabo illud, donēc impleatur in  
regno Dei. Et accepto calice, gratias egit, & dixit: Accipite, & diui-  
dite inter vos. Dico enim vobis, quōd non bibam de generatione  
vitis, donēc regnum Dei veniat. Et accepto pane, gratias egit, & fre-  
git, & dedit eis, dicēs: Hoc est corpus meum quod pro vobis datur.  
Hoc facite in meam commemorationem. Similiter & calicē, post-  
quā cœnauit, dicens: Hic est calix nouum testamentum in san-  
guine meo, qui pro vobis effundetur.

**E**G O enī accepi à Dño, (inquit Paulus Apostolus) quod & tra- 1. Cor. 11.  
didi vobis, quoniam Dominus Iesus in qua nocte tradebatur, acce-  
pit panem: & gratias agens, fregit & dixit: Accipite & manducate.  
Hoc est corpus meum quod pro vobis tradetur. (sue, vt Græcè

C 2 est,

est, frangitur) Hoc facite in meam commemorationem. Similiter & calicem postquàm cœnauit, dicens: Hic calix nouum testamentum est in meo sanguine. Hoc facite, quotiescunquè bibetis, in meam commemorationem. Quotiescunquè enim manducabitis panem hunc, & calicem bibetis, mortem Domini annunciabitis, donèc veniat.

Dicto Ritv Christus sacrificium  
Deo Patri obtulit.

Cypr. Epi  
stola 63.  
ad Cæcil.

**A**DMONITOS nos scias, (inquit D. Cyprianus) vt in calice offerendo Dominica traditio seruetur, neq; aliud fiat à nobis, quàm quod pro nobis Dominus prior fecerit. Et post narrata verba prædicta D. Pauli, aliquantò pòst: Si in sacrificio quod Christus obtulit, nò nisi Christus sequendus est, vtiquè id nos obaudire & facere oportet, quod Christus fecit, & quod faciendum esse mandauit.

ET rursùs: Nam si Iesus Christus DEVS & Dominus noster, ipse est summus sacerdos Dei patris, & sacrificium patri seipsum primus obtulit, & hoc fieri in suà commemoratione præcepit, vtiquè ille sacerdos vice Christi verè fungitur, qui id quod Christus fecit, imitatur: & sacrificium verum & plenum tunc offert in Ecclesia Deo patri, si sic incipiat offerre, secùdum quod ipsum Christus videt obtulisse.

ET paulò pòst: At enim non manè, sed post cœnam mixtum calicem obtulit Dominus. Nunquid ergò Dominicum post cœnā celebrare debemus, vt sic mixtum calicem frequentandis Dominicis offeramus? Christum offerre oportebat circa vesperam diei, vt hora ipsa sacrificij ostenderet occasum & vesperam mundi, sicut in Exodo scriptum est: Et occident illum omne vulgus synagoge filiorum Israel ad vesperam.

Euseb. Cæ  
sariensis,

P O S T omnia (testatur Eusebius Cæsarensis) quasi mirabilem quandam



monstr.  
Euang. li.  
1. c. 10.

quandam victoriam sacrificiumq; eximiū patri suo operatus pro nostra omnium salute obtulit, eiusq; rei memoriam, vt nos ipsi Deo pro sacrificio offerremus, instituit. Hoc etiam prophetarum præcipuus Dauid, qui quod futurum erat, spiritu suo diuino præuiderat, vaticinatus est, vbi ait: Expectans expectaui Dominum, & intēdit mihi, & exaudiuit precem meam: & sustulit me de lacu miseriæ & de luto fæcis, & statuit supra petram pedes meos, & direxit gressus meos: & immisit in os meum canticum nouum, carmen Deo nostro. Quod porrò sit hoc nouum canticum, declarat deinceps, vbi ait: Sacrificium & oblationem noluiſti, corpus autē perfecisti mihi: holocausta & pro peccato, non probaſti: tunc dixi, Ecce venio. In capite libri scriptum est de me, vt facerem Deus voluntatem tuam, volui. & adiungit: Annunciaui iustitiam in Ecclesia magna. Sic planè docens, pro antiquis sacrificijs & holocaustis, Christi aduentū per assumptionem humani corporis, eiusq; corpus perfectum, Deo oblatū esse, ipsumq; hoc Ecclesiæ suæ nūciat cum gaudio tanquā ingens mysterium, quod prophetica voce in capite libri propositum expressumq; sit. Quum ergo huius sacrificij memoriam, signis quibusdam in mensa celebrandam, corporisq; item illius, salutarisq; sanguinis, vt noui testamenti institutum habet, acceperimus, rursus à Propheta Dauid instruimur ad dicendum: Paraſti in conspectu meo mensam contra eos qui affligunt me: Pingue fecisti in oleo caput meum, & calix tuus inebrians quā præstantissimus. Palàm igitur in his mysticam significat vnctionem & horrorem afferentia mensæ Christi sacrificia: quibus operantes, incruentas & rationales, eiq; suaves victimas, in tota vita supremo Deo offerre, per eminentissimum omnium ipsius Pontificem edocti sumus. Hoc ipsum quoque Propheta Isaïas mirabiliter, diuino spiritu indicante, prouidit, & antequam fieret, prædicauit, dicit igitur sic: Domine Deus meus, glorificabo te, laudabo nomen tuum, quoniam fecisti res mirabiles. Et quoniam hæc sint res

Isa. 25. iuxta LXX.

mirabiles, planè deinceps ostēdit, dicens: Faciet Dominus Sabaoth conuiuium omnibus gētibus: bibent lētitiam, bibent vinū, vngentur vnguento: trade hāc omnia gentibus. Consiliū enim hoc in oēs gentes. Huiusmodi sanè erant Isaiæ mirabilia, quæ bonæ cuiusdam fragratiæ, vnguentiq; vnctionem, non Israel, sed omnibus gentibus promittebant: ex quo non immeritò propter vnguēti vnctionem, Christianorum appellationem consecutæ sunt: sed vini quoquē lētitiam gentibus vaticinatur: in eo noui Testamēti, quod à Christo conditum est, mysteriū subobscurè significans, quod sanè apud omnes gentes in præsentī tempore perspicuè celebratur. Et paulò antè, cū de gentibus & Iudæis ad Christum conuersis ageret, Meritò sanè, inquit, quandò illius memoriam, corporisq; eiusdem & sanguinis recordationem quotidie celebrant, & ad longè præstantius & sacrificium & munus assumpti sunt, quàm illud, antiquius fuerit.

Gregorius  
Nyss. ora.  
de resurr.

P R O ineffabili (inquit D. Gregorius Nyss.) arcanoq; & qui ab hominibus cerni nequit, sacrificij modo, sua dispositione & administratione præoccupat impetum violentum, ac sese oblationē ac victimā offert pro nobis sacerdos simul & agnus dei, qui tollit peccatū mundi. Quandò hoc accidit? Quum suum corpus ad comedendum, & sanguinē suum familiaribus exhibuit ad bibendū. Cuilibet enim hoc perspicuū est, quòd oue homo vesci non possit, nisi matatio comestionē præcesserit. Qui igitur dedit Discipulis corpus suum ad comedendum, apertè demonstrat, iam perfectam & absolutam factam esse immolationem.

P A V L ò pòst: Quum itaq; de corpore suo ad edendum, & de sanguine suo ad bibendum præberet discipulis, iam latēter pro potestate mysterium administrantis, ineffabiliter & inuisibiliter corpus immolatum erat.

Chrysost.  
hom. 83.  
in Matth.

H A C de causa (D. Chrysost. teste) desiderio desideravi (inquit Dominus) hoc pascha vob. scū comedere, hoc est, tradere vobis res nouas



nouas & Pascha dare, quò vos spirituales faciam: Ipse quoque bibit ex eo, nè auditis verbis illis diceret: Quid igitur sanguinè bibimus, & carnè comedimus? ac idèò perturbarètur. Nam & quandò priùs de his verba fecit, multi solummodò propter verba scandalù passi sunt. Nè igitur tunc id quoque accideret, primus ipse hoc fecit, vt tranquillo animò ad communicationem mysteriorum induceret. Quid \* porrò vetus quoque illud, inquires, facere oportet? minimè: \* porrò? idèò enim, Hoc facite, dixit, vt ab illo abduceret. Praterèa si remissionè hoc peccatorù facit, sicut certè facit, supuacaneù illud omninò est. Sed sicut in veteri, eodem hìc modo in beneficio reliquit, & memorià mysteriorum colligauit, etiam hinc hæreticorù ora frenando. Nam quandò dicunt, vndè patet immolatù Christù \* fuisse, \* fuisse? prater alia multa, hæc etiam mysteria afferentes, ora ipsorum confuimus. Si enim mortuus Iesus non est, cuius symbolum aut signù hoc sacrificium est? Vides quantum ei studiù fuerit, vt semper memoria teneamus, pro nobis ipsum mortuum fuisse. Nam quoniam Marcion, Valentinus, Manichæus, eorumq; sequaces, negaturi erant hanc dispensationem, in memoriam passionis per hoc semper ità reducit mysterium, vt nemo non insanus seduci possit. Ità per sacratissimam istam mensam & saluat, & docet: hoc enim caput bonorum omnium est.

ET in veteri quidem Testamèto, (inquit idem Chrysost.) cùm imperfectiores essent, quem idolis offerebant sanguinem, eum ipse accipere voluit, vt ab idolis eos auerteret. Quod etiam inenarrabilis amoris signum erat. Hic autem multo admirabilius & magnificentius sacrificium præparauit, vt quum sacrificiù ipsum commutaret, & pro brutorum cæde seipsum offerendum præciperet.

ET paulo post: Sed quare addit, Què frangimus? Hoc in Eucharistia videre licet, in cruce autem minimè, sed omninò contrà: Os em̃ eius non conteretur. Sed quod in cruce passus nō est, id in oblatione patitur: propter te frangi sustinet, vt omnes satiet.

Idè hom.  
24. in 1. ad  
Cor.  
Exod. 12.  
Num. 9.

Vidimus

Ambros.  
in Psal. 38

VIDIMVS (ait Ambrosius ad illud psalmi, Quâquam in imagine ambulet homo) principem sacerdotum ad nos venientem: vidimus & audiuius offerentem pro nobis sanguinē suum: sequamur, vt possumus, sacerdotes, vt offeramus pro populo sacrificium: etsi infirmi merito, tamen honorabiles sacrificio: quia etsi nunc Christus non videtur offerre, tamen ipse offertur in terris, quando Christi corpus offertur. Immo ipse offerre manifestatur in nobis, cuius sermo sanctificat sacrificium quod offertur.

Aug. lib.  
qu. 83.  
quaest. 61.

IPSE est etiam sacerdos noster (adferit D. August.) in æternum secundum ordinem Melchisedech, qui seipsum obtulit holocaustū pro peccatis nostris, & eius sacrificij similitudinem celebrandam in suæ passionis memoriam commendauit: vt illud quod Melchisedech obtulit Deo, iam per totum orbem terrarū in Christi Ecclesia videamus offerri.

Hesych.  
in Leuit.  
cap. 4.

Hesychius etiam Presbyter hoc ipsum attestatur: Ponere, inquit, eum manum super caput vituli, & iugulare vitulum precepit: nemo enim illum obtulit, sed nec immolare poterat, nisi semetipsum ipse ad patiendum tradidisset. Propter quod nō solum dicebat, Potestatem habeo ponendi animam meam, & potestatem habeo iterum sumendi eam: sed & præueniens, semetipsum in cœna Apostolorum immolauit: quod sciuit, qui mysteriorum percipiūt virtutem. Hunc sacerdotem LXX. non solum vinctum siue linitum, sed & consummatum manibus appellauerunt: consummatus est enim manibus prius in mystica cœna, accipiens panem & frangens: deinde per crucem, quando ligno affixus est. Tunc sacerdotij suscipiens dignitatem, vel potius quum semper habuerit, tunc opere explens, etiam hoc quod pro nobis erat, sacrificium consummauit.

Ioan. 10.

ET rursūm: Immolabitq; eum. Ipse enim propriā carnem immolauit, ipse sui sacrificij Pontifex in Sion factus est, quando sanguinis noui testamenti dabat calicem.

QVIA



QVIA etiam Christus (inquit apud Oecumen. Photius) sine sanguine hostiam obtulit, deinde postmodum suum ipsius etiam corpus: propterea aptè dictum est, Christum esse sacerdotem secundum ordinem Melchisedech.

Oecum. in  
5. c. Epist.  
ad Hebr.

Hoc ergo (Isidoro attestante) sacrificium Christianis celebrare præceptum est, relictis ac finitis Iudaicis victimis, quæ in servitute veteri populo celebrari imperata sunt. Hoc itaque fit à nobis, quod pro nobis Dominus ipse fecit, quod non manè, sed post cenam sub vesperam obtulit. Sic enim Christum oportebat id implere circa vesperam diei, ut Dominus hora ipsa sacrificij ostenderet vesperam mundi.

Isid. l. 1. de  
Ecc. offic.  
18.

Cum benedictione enim (Hrabano teste) & gratiarum actione primum Dominus corporis & sanguinis sui sacramenta dedicauit, & Apostolis tradidit.

Hrab. de  
inst. cler.  
l. 1. c. 32.

Ipsum namque corpus (inquit Rupertus) quod occisum est ab impijs, ipsum eundem sanguinem, qui in cruce fusus est, ipse tunc sempiternus sacerdos obtulit.

Rupert. l.  
5. de diui.  
off. c. 15.

DICTIS VERBIS, HOC FACITE: CHRISTVS  
SACRIFICIVM HOC DEINCEPS OF-  
FERENDVM INSTITVIT.

Luc. 22.  
1. Cor. 11.

FACERE, pro sacrificare, non modò apud Ethnicos vsitatum est, (ut verbi gratia apud Plautum in Asinaria: O fides, multi plenam faciam tibi fideliã. & Virgilium Buc. ecl. 3. Quum faciã vitula. ac Ciceronem pro Murena, Iunonis sospita, cui omnes cõsules facere necesse est) sed & in sacris literis. Hinc illud quod proximè huc spectat, facere Pascha Domino: quod ipsum Christus, facere seu fieri Pascha, dixit: pro quo alij Euangelistæ, immolari seu occidi Pascha, verterunt. Hinc & illud, facere holocaustum, sacrificium, oblationem. Hinc illa quoque, facere turtures seu pullos

Exod. 12.  
Nũ. 9. et 33  
Deut. 16.  
Ios. 5.  
Matt. 26.  
Marc. 14.  
Luc. 22.  
Leuit. 9.  
& 14.  
Num. 14.  
Leuit. 15.  
ac 24.

D colum-

Num. 6. 8. ac 28. columba, hircum, bouem, & agnum. Quare nō absurdè etiam veteres ita illud hoc loco sunt interpretati.

Martial. Epist. ad Burd. c. 3. Ioan. 4. \*dicens: SACRIFICIUM (inquit D. Martialis) creatori offertur in ara non homini, neque angelo. Nec solū in ara sanctificata, sed ubique offertur DEO oblatio munda: sicut testatus est, cuius corpus & sanguinem in vitam æternam offerimus, \* dicentes: Spiritus est DEVS: & eos qui adorant eum, in spiritu & veritate oportet adorare. Ipse enim corpus habens & immaculatū, & sine peccato, quia conceptus est de spiritu sancto, natus ex Maria virgine, ipsum in ara crucis permisit immolari. Quod autem Iudæi per inuidiam immolauerunt, putantes se nomen eius à terra abolere: nos causa salutis nostræ in ara sanctificata proponimus, scientes hoc solo remedio nobis vitam præstandam, & mortem effugandam. Hoc enim ipse DOMINVS noster iussit nos facere in suâ commemorationem.

Cle. Rom. Apost. in 5 c. 20. ET D. Clemens Romanus de die Paschæ differens, ait: Quare vos quoque, suscitato Domino, offerte sacrificium vestrum, de quo vobis præcepit per nos, dicens: Hoc facite in meam commemorationem.

Dionys. Arcopag. eccl. hier. c. 3. DIVS verò Dionysius Areopagita: Diuina autem (inquit) imitatio, quonam modo aliter in nobis imprimetur, nisi sanctissimorum DEI operum memoria renouentur semper pontificijs (siue hierarchicis) & laudibus & sacrificijs? Hoc enim facimus, vt scripta diuina loquuntur, in eius commemorationem. Ac paulopost: Itaque religiosè simul & ἱεραρχικῶς, ac ex Pontificali officio post sacras diuinorum operum laudes, quod ipsum supra se sacrificium litet siue offerat, se excusat, ad ipsum primò decenter exclamans: Tu dixisti, hoc facite in meam commemorationem.

Iust. Mar. Dial. cum Trypho. ne. Leuit. 14. AC Iustinus Martyr: Similæ oblatio, (sic enim rectiùs vertit Gelenius cum Lango, quàm vaccam Perionius, quorū hic Græcè legit, δάμαλις: ille castigatiùs, σερµιδάλις) quæ pro mūdatis à lepra, solet



folet offerri ex more, typus erat panis Eucharistiæ, quem in memoriam passionis suæ, purgantis ab omni peccato hominum animas, Iesus Christus Dominus noster facere præcepit.

ORIGENES quoque, & (si modò etiam eius sint illi in Leuiticũ commentarij) Cyrillus Alexandrinus: Si reuertantur hæc (loquitur de oblatione similæ ad panes propositionis) ad mysterij magnitudinem, inuenies commemorationem istã habere ingentis repropitiationis effectum. Si redeas enim ad illum panem, qui de cælo descendit, & dat vitam mundo: illum panem propositionis, quem proposuit DEVS propitiatorẽ per fidem in sanguine ipsius: et si respicias illam commemorationem, de qua dicit Dominus, Hoc facite in meam commemorationem, inuenies quòd ista est commemoratio sola, quæ propitiũ facit hominibus Deum. Si ergò intentius Ecclesiastica mysteria recorderis, in ijs quæ lex scribit, futuræ veritatis inuenies imaginem præformatam.

Orig. hõ.  
13. in Leu  
uit. c. 24.

EODEM pertinet illud Tertull. Qui ei (nempe DEO) offero optimam & maiorem hostiam, quam ipse mandauit.

Tertul. in  
Apol.

CONSENTIT D. Cyprianus verbis illis suprã citatis: Nam si Iesus Christus DOMINVS & DEVS noster ipse est summus sacerdos DEI patris, & sacrificium DEO patri ipse primus obtulit, & hoc fieri in sui commemorationem præcepit: vtique ille sacerdos vice Christi fungitur, qui hoc quod fecit CHRISTVS, imitatur. Et, sacrificium verum & plenum tunc offert in Ecclesia DEO patri, si sic incipiat offerre, secundum quod ipsum Christum videat obtulisse.

Cyprian.  
Epist. 63.  
ad Cæcil.

DIVS Chrysost. etiam: Quid ergò nos? Nõne per singulos dies offerimus? Offerimus quidem, sed ad recordationem facientes mortis eius. Et vna est hæc hostia, non multæ. Quomodò vna est, & non multæ? Quia semel oblata est, oblata est in sancta sanctorum: hoc aut sacrificium, exemplar est illius, id ipsum semper offerimus: nec nunc quidem alium agnum, crastina alium, sed semper eundẽ

Chrysost.  
hom. 17.  
in Epist.  
ad Hebr.

D 2 ipsum.

ipsum. Proinde vnum est hoc sacrificium hac ratione. Alioquin quoniam in multis locis offertur, multi Christi sunt? Nequaquam, sed vnus vbique est Christus, & hic plenus existens, & illic plenus, vnum corpus. sicut enim qui vbique offertur, vnum corpus est, & non multa corpora: ita etiam & vnum sacrificium. Pontifex autem noster ille est, qui hostiam mundantem nos, obtulit. Ipsam offerimus & nunc, quæ tunc oblata quidem, consumi non potest. Hoc autem quod facimus, in commemorationem quidem fit eius, quod factum est. Hoc enim facite (inquit) in meam commemorationem. Non aliud sacrificium, sicut Pontifex, sed id ipsum semper facimus, magis autem recordationem sacrificij operamur.

Ambr. in  
epist. ad  
Hebr. c.  
10.

**D**IVVS quoq; Ambrosius: In Christo semel oblata est hostia, potens ad salutem sempiternam. Quid ergo nos? &c. iisdem planè verbis, quibus Chrysostomus: vnde patet, (vt obiter id hic admo-  
neam) commentaria illa Ambrosio adscripta, vix aliud esse, quàm ex D. Chrysostomo collectanea: qualia sunt & Theophylacti, apud quem eadem quoque verba reperire est.

Theoph.  
in 10. c. ad  
Hebr.

Theod. in  
c. 8. Epist.  
ad Hebr.

**T**HEODORETVS verò: Si (inquit) sacerdos qui est ex lege, finem accepit, & sacerdos qui est secundum ordinem Melchisedech, obtulit sacrificium, & effecit vt alia sacrificia non essent necessaria: cur sacerdotes noui Testamenti mysticam liturgiam peragunt, seu sacrificium? Sed clarum est ijs qui sunt in rebus diuinis eruditi, nos non aliud sacrificium offerre, sed illius vnus & salutaris memoriam agere: Hoc enim nobis ipse præcepit, dicens: Hoc facite in meam commemorationem.

Ansel. in  
1. Co. c. 11.

**D**IVVS denique Anselmus omnium apertissimè: Vos (inquit) sacerdotes facite, id est, ex pane corpus meum per verba mystica consecrate, in memoriam passionis meæ, vt recogitetis eam, dum istud sacrificium obtuleritis.

CHRI



CHRISTVS PROINDE HVIUS SA-  
CRIFICII AVTHOR EXTITIT.

**A**postoli Canonem statuentes, quid offerri debeat in hoc sacrificio: Si quis (inquiunt) Episcopus aut presbyter, præter ordinationem Domini, alia quædam in sacrificio offerat super altare, id est, aut mel, aut lac, aut pro vino siceram, aut confecta quædam, aut volatilia, aut animalia aliqua, aut legumina contra constitutionem faciens, congruo tempore deponatur.

Apost.  
can. 3.

CLEMENTE quoque Romano teste, Christus pro sacrificio cruento, rationale & incruentum ac mysticum sacrificium instituit, quod in mortem Domini per symbola corporis & sanguinis sui celebratur.

Clem.  
Rō. cōst.  
Apost. li.  
6. ca. 23.

DIONYSIVS verò Arcopagita: Sanctissima (ait) panis ac calicis communio facit, ut diuinam illam cœnam, & quæ primum singulum fuit eorum quæ perficiuntur, sacra memoria recolant, in qua etiam ipse signorum effector & author iure optimo priuat sorte eum, qui non sanctè neque concordī animo Sacramenta secum sumpserat.

Dion.  
Arcop.  
Eccl. hier.  
cap. 3.

ET D. Alexander Papa eius nominis primus: Ipsa verò veritas nos instruit calicem & panem in sacramento offerre, quandò ait: Accepit Iesus panem &c.

Alex. 1.  
Epist. 1.  
cap. 4.

D. Irenæus quoque: Sed & suis discipulis dans consilium, primitias Deo offerre ex suis creaturis, nō quasi indigenti, sed ut ipsi nec infructuosi, nec ingrati sint, eum qui ex creatura panis est, accepit, & gratias egit, dicens: Hoc est meum corpus. Et calicem similiter, qui est ex ea creatura, quæ est secundum nos, suum sanguinem confessus est, & noui testamenti nouam docuit oblationem, quam Ecclesia ab Apostolis accipiens, in vniuerso mundo offert Deo, ei qui alimenta nobis præstat, primitias suorum munerum in nouo testamento.

Iren. li. 4.  
aduers.  
hæc. c. 32.

D 3 D.item

Cyp. epi.  
63. ad Cē  
cil.

D. item Cyprianus: Iesus Christus Dominus & Deus noster, sacrificij huius author & doctor. Et postea: Si in sacrificio quod Christus obtulit, non nisi Christus sequendus est: utique id nos obaudire & facere oportet, quod fecit Christus, & quod faciendum esse mandavit.

Euseb. de  
monst.  
Euāg. l. 1.  
sub finē.

Et Eusebius Cæsareen. Igitur & sacrificamus & incēdimus, aliās quidē memoriam magni illius sacrificij, secūdum ea, q̄ ab ipso Christo tradita sunt mysteria, celebrātes, & gratias Deo pro salute nostra agentes, religiososq; hymnos & orationes sanctas illi offerentes.

Eusebius  
Emis. hō.  
5. de Pascha.

Ac Eusebius Emisenus seu potius Lugdunēsis, (constat enim, homilias quę Emiseno adscribuntur, Galli cuiusdam esse authoris) in hęc verba: Ideò quia corpus assumptum ablaturus erat ex oculis nostris, & sideribus illaturus Christus, necessarium erat, ut nobis in hac die sacramentum corporis & sanguinis sui consecraret, ut coleretur iugiter per mysteriū, quod semel offerebatur in precium: ut quia quotidiana & indefessa currebat pro hominū salute redēptio, perpetua esset etiam redemptionis oblatio, & perennis illa victima viueret in memoria, & semper præsens esset in gratia.

Basil. in  
Liturg.

D. aut Basilus: Propter tuā (inquit, Christum alloquens) ineffabilem & immēsam benignitatem, citra vllam mutationē & cōuersionē homo factus es, & Pontifex noster appellatus es, & huius Liturgici ac incruenti sacrificij consecrationē siue *ἱερωσύαν* nobis tradidisti.

Chrys. in  
Liturg.

C v i similia ad verbum penē reperire est in Liturgia D. Chrysostomi, qui alibi quoquē id ipsum repetit.

Idem hō.  
de prodit.  
Iudæ.

DISCIPULI (inquit) interrogāt, & dicūt: Vbi vis paremus tibi comedere Pascha? Nō illud quod nostrū est, sed interīm Iudæorū: & illud quidē discipuli pparabāt, hoc aut quod nostrū est, ipse instituit, & nō solūm constituit, sed & ipse factus est Pascha.

Et paulopòst: Pascha Iudaicum fuit aliquādò, sed exēptū & euacuātū est Paschę spiritualis aduentu, quod Christus tradidit. Nā cū man-



manducarēt(inquit)& biberēt,accepit panē & fregit,& dixit: Hoc est corpus meū,quod ꝑ vobis tradetur. Agnoscūt quid loquor,qui sunt diuinis consecrati mysterijs.

HESYCHIVS quoq;:Non oportet nos habētes in manib⁹,& cōsummātes verum mysteriū,sequi figuras: quia Christus primū celebravit figuratū Pascha, post hoc aut ꝑꝑriam tradidit cœnam, ex qua nobis est oblatio ac sacrificium intelligibilis agni, quē immolamus & offerimus secundū Dñi traditionem. Hesych. l. 6. in Leuit. ca. 22

D. item Ambrosius: Ergo(inquit) author sacramētorum quis est, nisi Dñs Iesus? Et postea: Quomodò potest qui panis est, corp⁹ esse Christi? Cōsecratione. Consecratio igitur quibus verbis est,& cuius sermonibus? Domini Iesu. Ambr. li. 4. de sacram. c. 4.

ET D. Augustinus: Corā regno ergo patris sui mutavit Christus vultū suū, & dimisit eum, & abiit: quia erat ibi sacrificiū secundū ordinem Aaron, & postea ipse de corpore & sanguine suo instituit sacrificiū secundū ordinem Melchisedech. Ac paulopost: Et ferebatur in manibus suis. Quomodò ferebatur in manibus suis? Quia quum comederet ipsum corpus suum & sanguinē suum, accepit in manus suas, quod nōrūt fideles: & ipse se portabat quodam modò, quum diceret: Hoc est corpus meum. August. cōc. 2. in Psal. 33.

OE CVMENIVS deniq;: Neq; em(inquit) de ea q̄ semel à Deo facta est oblatio & hostia, dixisset, In æternum: sed respicit ad præfentes sacrificos, per quos medios sacrificat & sacrificatur: qui etiam in mystica cœna modum illis tradidit huiusmodi sacrificij. Occum. in 5. cap. epist. ad Hebr.

Pluribus alijs testimonijs recēsendis superfedeo, nè sim ꝑlixior.

#### IN DICTO SACRIFICIO VINVM AQVA

MIXTVM OBTVLISSE CHRISTVS TRADITVR.

**D**IVVS Iacobus Apostolus frater Dñi: Similiter(inquit) postquam cœnavit, accipiens calicem, & permiscēs ex aqua & vino, & adspiciens in celū, ac ostendēs tibi Deo & patri gratias agens, sanctificans, benedicens, implens spiritu sancto &c. Iac. Apo. in Liturg.

NEC

Clem.  
Rō. cōst. Nec dissimiliter D. Clemens Romanus; Similiter (inquit) & Apōst. li. calicem miscens ex vino & aqua, & sanctificans, tradidit eis, dicens: 8. cap. 17. Bibite ex eo omnes. &c.

Cyp. epi.  
63 ad Cē.  
cil. D. Cyprianus verò, tractans illa verba Salomonis: Venite, edite de meis panibus, & bibite vinum quod miscui vobis: Vinum (inquit) mixtum declarat, id est, calicem Domini aqua & vino mixtum prophetica voce prænunciat, ut appareat in passione Domini id esse gestum, quod fuerat antè prædictum. Et postea: Dominus (inquit) adueniens, baptismi & calicis manifestavit veritatem, qui aquam illam fidelem, aquam vitæ æternæ, præceperit credentibus in baptismo dari: calicem verò docuerit, exemplo magisterij sui, vini & aquæ cōiunctione misceri: calicem etenim sub die passionis accipiens, benedixit, & dedit discipulis suis, dicens: Bibite ex hoc omnes: Hic est enim sanguis novi testamenti, qui pro multis effundetur in remissionem peccatorum. Dico vobis, non bibam amodò ex ista creatura vitis, vsque in diem illum, quo vobiscum bibam nouum vinum in regno patris mei. Qua in parte inuenimus calicem mixtum fuisse, quem Dominus obtulit: & vinum fuisse, quod sanguinem suum dixit.

Basil. in  
Liturgia. D. Item Basilius: Similiter (ait) & calicem de genimine vitis accipiens, miscens, gratias agens, benedicens, sanctificans, &c.

Cōc. Carthag. 3.  
cap. 14. C O N S E N T I T his etiam Concilium Carthag. 3. Ut in sacramento corporis & sanguinis Domini nihil ampliùs offeratur, quàm ipse Dominus tradidit, hoc est, panis & vinum aqua mixtum. Nec ampliùs in sacrificijs offeratur, quàm de vis & frumentis.

E T Africanum verbis penè ijsdem: Ut in sacramentis corporis & sanguinis Domini, nihil aliud offeratur, quàm quod ipse dominus tradidit, hoc est, panis & vinum aqua mixtum.

Theod. dial. 1. D. etiam Theodoretus: In mysteriorum traditione (deus) corpus panem appellauit, & sanguinem id, quod in calice infusum & commixtum est.

D. quo-



TOMVS PRIMVS.

D. quoquè Damascenus: Similiter (inquit) accipiens calicem ex vino & aqua, tradidit illis, dicens: Bibite ex hoc omnes &c.

EUSEBIVS quoq; Lugdunensis: Hoc itaque Dominici sanguinis vinum aqua esse miscendum, non solum traditione Dominus, sed etiam genere passionis ostendit: ex cuius sacro latere sanguis & aqua lanceæ illusione profluxit, sicut & propheta multò antè præcinit, dicēs: Percussit petra, & fluxerūt aquæ. Et Apostolus: Bibebāt de cōsequēte eos petra. Petra aut̃ erat Christus. Bibebāt (inquit) de cōsequēte eos petra. Vides q̃ qui de Christi biberit gratia, sequitur eum Christi misericordiā. Sed & in Salomone de ipso neo p̃dictum legimus. Sapiētia (inquit) ædificauit sibi domū, id est, corpus hominis adsumpsit, in quo habitauit plenitudo diuinitatis: & subdidit columnas septem, quia illū benedictio Spiritūs sancti gratia septiformi impleuit. Mac̃tauit hostias suas, miscuit in cratera vinum suum, & parauit mēsam suam. Et in sequēti: Venite, & edite de meis panibus, & bibite vinum quod miscui vobis. Admixtum ergò aqua vinum legimus.

ET Diuo Hieronymo adscriptus in Marcum commentarius: Accepit (inquit) Iesus panem &c. Formans sanguinem suum in calicem vino & aqua mixtum, vt alio purgemur à culpis, alio redimamur à p̃cenis.

EIDEM quoquè adscriptus de quæstionibus Hebraicis, quidam (teste Hrabano) Hebræus author: Et notādum, (inquit) quòd vinum quod neo in sacrificium offerebatur, aqua mixtum erat.

HRABANVS deniquè: Nec enim in sacramentis aliud offerri licet, nisi quod Dominus ipse constituit, & suo exemplo nos facere docuit: Quoniam Dominus Iesus in qua nocte tradebatur, accepit panem &c. Ergò panem in fermentum, & vinum aqua mixtum, in sacramentum corporis & sanguinis Christi sanctificari oportet.

E S A-

33.

Damas. l.  
4. de orth.  
fid. ca. 14.

Eusebius  
Lugd. hō.  
5. de Pa  
scha.

Psal. 77.  
1. Cor. 10.

Prou. 9.

Hier. in  
Mar. c. 14.

Idem qu.  
Hebr. sup  
Paralip.

Hraban.  
de instit.  
cler. lib.  
1. cap. 31.

## SACRIFICII RITVS

APOSTOLIS VSITATVS.

APOSTOLI IN DIE PENTECOSTES

DOMINICAM COENAM CELEBRARVNT.

**H**ESYCHIVS in Leuiticū quāplixissimè hoc deducit in hęc  
Hesych. l. 4. in Le. uit. cap. 9. verba: Quæcunq; legislator nunc in figura exponit, clariora,  
 additamēto eorū quæ per partes sancit, & planiora fiunt. Diem em̃  
 octauum Pentecostē appellat: quia Pentecostes dies incidit in hac  
 qua saluator resurrexit, quæ esse octaua creditur. Oportebat em̃, vt  
 in qua die surrexit Christus, in eadem & spiritus adueniret. Tunc  
 quippe prius conuocatum est Ecclesiæ spectaculum, in qua intelli-  
 gibilis Aaron, id est, Christus, sacerdos esse creditur. Filij aut̃ eius,  
 qui sublimis sunt conuersationis, & ideò sacerdotij ministri & co-  
 operatori sunt. Maiorum natu autem Israel, presbyterorum ordo  
 est: ex his quippe corpus Ecclesię componitur. Sed Aarō quidē ac-  
 cepit ibi vitulū pro peccato, & arietem in holocaustū, vtrunq; im-  
 maculatum, & obtulit coram Domino. Tunc em̃ Christus sacri-  
Innotescere, pro nobis facere. ficiū, suū innotescere cœpit, ex quo Spiritus adueniēs, Parthos  
 & Medos & Elamitas, & oīm gentium primitias, ad Apostolorum  
 cœnaculi superiora collegit.

A c paulò pōst: Quid autem his nunc subdit? Quia hodiē Do-  
 minus apparebit vobis. Hoc conclusio & probatio est, quia de Pen-  
 tecoste prædicta oīa dicebantur: in ea enim eis apparuit Dñs, spiri-  
 tus videlicet, de quo Paulus dicebat: Dñs autem spiritus est.

E t postea: Ait Moyses: Iste est sermo quem p̃cepit Dominus:  
 facite, & apparebit vobis gloria eius. Gloriam esse Domini spiritū  
2. Cor. 3. manifestē ostendit, quod Paulus ad Corinthios scripsit: Nos om̃es  
 reuelata facie gloriam Domini speculantes, in eandem imaginem  
 trāsformamur de gloria in gloriam, sicut à Domini spiritu. Vt er-  
 gò gloria Domini videretur, id est, vt adueutus celebraretur spi-  
 ritus,



ritus, Iste est sermo, inquit, quem præcepit Dominus: Facite, videlicet mysticus, de quo præceperat Dominus: Hoc facite in meam commemorationem. Sermonem autem legislator ex consuetudine illud vocat, quia plus sermone subsistit huius dispensatio mysterij, maximè Dominico verbo ea, quæ apparent, in aliud aliquid maius & intelligibile transferente. Vnde quum manna imaginem panis vitæ, qui descendit de cælo, præsentaret: Hic est panis (ait) quem dedit vobis Dominus ad comedendum, hic est sermo quem constituit Dominus. Quid ergò ex his quæ dicta sunt, legislator significat: nisi quia sine dubio agentibus eis sanctum mysterium, & Dominicam cœnam celebrantibus, aduenit spiritus? Quod etsi non planius expositum habemus, multa quippe studio breuitatis scriptura diuina prætermisit, quæ fas est ex alijs colligere. Erat enim dies, qui appellatur Dominicus, in quo oportebat modis omnibus agere Apostolos mystica sacra. Nam & nos illorum sequentes traditionem, Dominicam diem diuinis conuentibus sequestramus.

Ac rursùm: Illud aut nunc necessariò addimus, sancti spiritus in Pentecosten præuenisse descensionem, quum in vnum congregati essent Apostoli, omniaque secundum legem Ecclesiæ agerent, significare cõsiderauit legislator, rectè præcedere sacerdotis sacrificia, ac deinde subinferri populi præcepit. Oportet enim Ecclesiæ doctrinam, à sacrificio vnigeniti inchoare, vt introducatur docetæ, quid nobis passio Dominica præfecerit, aut cõtulerit: atque ita subinferatur sermo pœnitentiæ, quem oēs vtique, vt homines, necessarium habemus.

Ac paulò inferiùs: Hæc sine dubio diebus Pentecostes maximè agebant discipuli Dñi, propter quod in vnum tunc collecti erant, quod manifestat Lucas, dicēs: Et dum compleretur dies Pentecostes, erant oēs simul vnanimiter. Quid aut erant collecti agere, nisi ea modis omnibus, quæ dicta sunt? Nam etsi palam non prædicabant, & propterea intus erant, in superioribus sedentes, necdum verba dissimulantes siue palam loquentes, quia de ostio tabernaculi testimonij

E 2 non

non erāt iussi egredi, vsquedū de excelsō induerētur spiritūs virtute: veruntamē in semetipsis quia hęc agebant, manifestum est: & quaecunq; decent Ecclesiam, meditari nō cessabant, vt ipsum videret in semetipsis haberēt Christū, qui est caput Ecclesiæ. Vndē & Matthiam ad Apostolatū, cūm cōcionatus fuisset Petrus, & proposuisset diuinę scripturę expositionem atque testimonia, sorte separauerunt. Siue autem concionari, id est, populum exhortari, siue prophetas interpretari, & clericos sociare, ecclesiasticę dispensationis & ordinis fuit: Ergō manifestum est, quia quemadmodū in Ecclesiis, collecti in illis diebus erant.

Strabus  
in Gloss.  
Ord. ad  
cap. 9. in  
Leuit.

REPETUNTVR autem hęc ipsa verba Hesychij à Strabo in Glossa Ordinaria.

QVO testimonio magnoperē confirmatur eorum sententia, qui Missæ vocabulum, per Latinos ab Hebræa voce מִסָּח מִסָּח MISSAH mutuātū adserūt. Reperitur em̄ ea vox, vbi sacrificiū in die Pentecostes offerendum prescribitur: vt Missæ, per Apostolos hoc die celebratæ, figuram fuisse sit verisimile.

Deut. 16.

SEPTEM (inquīt Moses) hebdomadas numerabis tibi, ab ea die qua falcem in segetem mīseris: & celebrabis diem festū hebdomadarū Dño Deo tuo, MISSAH siue oblationē spontaneam manū tuę, quā offeres iuxta benedictionē Dñi Dei tui, & epulaberis corā dño deo tuo, tu, & filius tuus, & filia tua, & seru⁹ tuus, & ancilla tua, & Leuites, qui est intrā portas tuas, & aduena, & pupillus, & vidua, qui morātur vobiscū, in loco quē elegerit dñs deus tuus, vt habitet nomen eius ibi: & recordaberis quoniam seruus fueris in Aegypto, custodiesq; ac facies, quæ tibi pręcepta sunt.

Leuit. 23.

QVONIAM ipsum alijs verbis alibi repetitur: Numerabis ab altero die Sabbati &c. Vbi sacrificiū nouum dicitur, quod ibi MISSAH seu oblatio spōtanea: & cōsentit interpreti, tum vox Hebræa מִסָּח,

Hesych. l.  
6. in Leuit.  
cap. 23.

tum quod Græcē legitur, θυσία νέαν.

PROFECTO idē Hesychius de sacrificio Euāgelico locū hūc interpret.



pretatur: Manifestat autē (inquit) oblatio ipsa speciem hostiæ quā præcepit fieri: Et sic, inquit, offeretis sacrificium nouum Domino &c. Nouum sacrificium dicens, legis sacrificia, vt vetera, exclusit: Euangelicum autem pro illis introduxit. Deindē addens, De habitationibus vestris, Ecclesiam significauit. Et similiter explicat locū illum Deuteronomij Hrabanus hisipsis verbis ab Hesychio mutatis.

Hrab. in  
c. 16. Deu.  
teron.

EODEM respicere videtur his verbis Ven. Beda Presbyter: Spiritus sanctus ibi manifestissimē diem Dominicum suo consecrauit aduentu. Quo etiam temporis articulo verum Pascha die Dominico monstrauit esse celebrandum.

Beda in c.  
2. Act.  
Apost.

## APOSTOLIS ETIAM IN VSV FVERE

## FREQUENS FRACTIO PANIS

## ET προσευχαί.

ERANT autem (inquit D. Lucas) perseverantes in doctrina Act. 2. Apostolorum, & communicatione fractionis panis & orationibus. Quod significantius Græcè exprimitur, καὶ τῇ κοινῇ, καὶ τῇ κλάσει τοῦ ἄρτου, καὶ ταῖς προσευχαῖς, hoc est: & illa communicatione, & illa fractione illius panis, & illis orationibus. Habent enim suam emphasim articuli illi: τῇ, τῇ, καὶ ταῖς, & προσευχαῖς interpretatur loco infrā citato D. August. iuxta quod ea voce utitur etiam August. Epist. 59. ad Paulinum. Apostolus Paulus 1. Timoth. 2. Orationes illas, quæ sacificationem & distributionem Eucharistiæ continent.

CERTE (inquit Ionas Aurelianus) vt ad Apostolos venimus, nouimus eos, quandiu Hierosolymiticū templum stetit, crebro illuc orandi gratia conuenisse: vnde & in Actibus Apostolorum leguntur omni die in templo & circa domos docuisse, & in panis fractione mysteria corporis Domini celebrasse, & populis sumenda tradidisse.

Chrysost.  
hō. 27. in  
1. ad Cor

ANTE illum quoque D. Chrysost. loco infrā citato.

E 3

VVALA-

Vualaf.  
Strabus de  
eccl. offic.  
c. 20.

Act. 2.

Serm. de  
insti. ven.  
sacram.  
Act. 2.

Humbert.  
Abb. con.  
Nicetam.

Act. 2.

VVALAFRIDVS etiam Strabus: Videtur ratione plenissimū, vt per singulos dies sacris occupemur officijs: & quantū mentis vel corporis grauiore maculæ non obsistunt, panem & sanguinem Dominicū, quibus sine viuere non possumus, iugiter ambiamus, & desiderio illius tuitionis potius, quā præsumptione nostræ puritatis, sumamus: imitantes primitiæ Ecclesiæ studium salutare, de quo in Actibus Apostolorum ita scriptum est: Erāt autem perseverantes in doctrina Apostolorum, & communicatione fractionis panis, & orationibus. Et infra: Quotidiē quoque perdurantes vnanimiter in templo, & frangentes circa domos panem, sumebāt cibum cum exultatione, & simplicitate cordis, laudantes Deū. Nota quod dicit, prius eos fregisse panem, & deinde sumpsisse cibum.

VRBANVS etiam Papa quartus: Nam & eodem tempore (inquit) cœpit sacramentum à fidelibus frequentari. Legitur enim in actibus Apostolorum, quod erant perseverantes in doctrina Apostolorum, & communicatione fractionis panis, & orationibus statim post sancti spiritus missionem.

HVMBERTVS quoque Abbas Sylux candidæ: Deinde (inquit) quotidiē, siue tertia hora, siue nona, siue quacunque hora fiat à nobis Missa, non fit nisi perfecta. nec reseruatur ex oblatione eius pars aliqua, vt per dies quinq; agatur indè Missa imperfecta. Quia nec sancti Apostoli leguntur quicquā ex illo primo corporis & sanguinis Christi mysterio, sub ipsa cœna distributo, reseruasse: Nec actus eorum indicant, eos aliquandò tale quid egisse aut præcepisse.

Quinimodò, sicut Lucas narrat, erant fideles perseverantes in doctrina Apostolorū, & cōmunicatione fractionis panis. Quæ cōmunicatio qualiter & quibus diebus fieret, post pauca demonstrat, dicēs: Quotidiē p̄seuerātes vnanimiter in tēplo, & frangētes circa domos panē, sumebāt &c. Ecce, verax Euāgelista testatur, sub Apostolis fideles quotidiē orasse, & panē fregisse: & vos q̄ estis, qui dicitis duobus tantum diebus hebdomadis Missā perfectā fieri debere, reliquis verò quinq; imperfectam?

P E-



TOMVS PRIMVS.

39

PETRVS etiam Trecensis: Et in communicatione (inquit) fractionis panis & Eucharistiæ: quia in primitiua Ecclesia crebrò conueniebant ad percipiendam Eucharistiam.

Petr. Trecensis in hist. scholast.

QV ALF quid habet etiam Nicolaus Lyranus: Et cōmunicatio fractionis panis, tum quia (inquit) quotidie cōmunicabant, tum quia communes cibos, sicut & cætera communia, habebant.

Nicol. Lyr. in Act. c. 2.

APOSTOLORVM λειτουργία IN χειροτονία PAV-  
LI ET BARNABAE.

MINISTRANTIBVS (pro quo Græcè est, λειτουργοῦ-  
ται: siue administratibus, vt legit interpres Cyrilli Alex.  
lib. TheLr. 2.) illis Domino, & ieiunantibus, dixit illis Spiritus sanctus:  
Segregate mihi Paulum & Barnabam in opus, ad quod assumpsi il-  
los. Tunc ieiunantes & orantes, (Græcè προσευξάμενοι) imponen-  
tesq; eis manus, dimiserunt illos, ἀπέλυσαν.

Act. 13.

QV EM locum de Christiana Liturgia, quam Missam dicimus,  
intelligit: tum Græcorum traditio, qui peculiariter λειτουργίαν in ea  
significatione vsurpant: tum stylus D. Lucae videtur conuincere,  
qui eadē voce vtitur, de Zacharia sacerdote dicens: Vt impleti sunt  
dies officij eius, quod in sacrificio offerendo consistebat.

Luc. 1.

CERT E apud Simeonem Metaphrasten hic locus ita transla-  
tus est: Vbi Domino sacrum obeuntes ministerium, à spiritu san-  
cto segregantur.

Sim. Me-  
taph. in  
vit. Apo-  
stol. Petri  
& Pauli.

APOSTOLORVM σύναξις AD FRANGEN-  
DVM PANEM IN DIE DOMINICO.

VNA autem sabbati (inquit idem D. Lucas) quum conuenis-  
semus ad frangendum panem, Paulus disputabat cum eis. Vbi  
Græcè est, συνηγμένων ἡμῶν τῶν μαθητῶν, id est, conuenientibus nobis-  
cum discipulis.

Act. 20.

H VNC quoque locū de sacrificio corporis & sanguinis Dñi in-  
telligi,

Tert. de  
fug. in  
perseq.  
telligi, in primis verisimile facit vox συνῆλθον, eò quòd συναγῆν, in Tripartita historia verterit Epiphanius Scholasticus, Missas facere, collectas agere, solennia celebrare: quod etià vnica voce Tertullianus colligere nuncupat. Et mentio fractionis panis, ac primæ sabbati, quam diem Dominicam intelligi in confesso est: in qua collectas fieri solere, ex Tertulliano & D. Iustino martyre manifestum est.

INTERPRETANTVR deniquè ità hunc locum D. August. Ven. Beda, & Vualafrius Strabus.

August.  
Epist. 88.  
ad Casul.

Act. 20.

Nec illum moueat (inquit D. August.) quòd Priscillianistæ Manichæorum similimi, ad ieiunandum die Dominico solent testimonium de Apostolorum Actibus adhibere, cùm esset Apostolus Paulus in Troade. Sic enim scriptum est: In vna autem sabbati congregatis nobis frangere panem, Paulus disputabat cum illis, exiturus alia die, produxitq; sermonem vsq; ad mediũ noctis. Deindè quum descendisset de cœnaculo, vbi congregati erant ad resuscitandum adolescentem, qui grauatus sòmno in fenestra, ceciderat, & mortuus ferebatur, de ipso Apostolo scriptura sic loquitur: Ascendens autem (inquit) cùm fregisset panem, atq; gustasset, fatisq; esset alloquutus vsque ad diluculum, sic profectus est: absit vt hoc sic accipiatur, tanquàm solerent Apostoli Dominico die solenniter ieiunare, quia vna Sabbati tunc appellabatur dies, qui nunc dominicus appellatur: quod in Euāgelijs apertiùs inuenitur. Nam dies resurrectionis Domini, prima sabbati à Matthæo: à cæteris autem tribus, vna Sabbati dicitur: quem constat eum esse, qui Dominicus postea appellatus est. Aut ergò post peractũ diem sabbati, noctis initio fuerant congregati, quæ vtiquè nox iam ad diem dominicum, hoc est, ad vnam sabbati pertinebat: & ità eadem nocte fracturus panem, sicut frangitur in sacramento corporis Christi, produxit sermonem vsque ad medium noctis, vt post sacramenta celebrata, rursus vsque ad diluculũ alloquens congregatos, quoniam



niam multum festinabat, luceſcēte proficiſceretur Dominico die. Aut certē ſi in vna ſabbati nō per noctem, ſed per diē hora Domini fuerant congregati, eo ipſo quod dictum eſt, Paulus diſputabat cū illis, exiturus alia die: expreſſa eſt cauſa producēdi ſermonis, quia fuerat exiturus, & eos ſufficienter inſtruere cupiebat. Non ergo ſolenniter die Dominico ieiunabant.

BEDA verò: In vna autem ſabbati cū conueniſſemus ad frā- <sup>Beda com.</sup>  
gendum panem &c. id eſt, inquit, die Dominico, qui eſt primus à <sup>c. 20. Aſt.</sup>  
ſabbato, cū ad myſteria celebranda congregati eſſemus.

VVALAFRIDVS autem Strabus: Quod nunc (ait) agimus <sup>Vualafr.</sup>  
multiplici orationum, lectionum, cantilenarum, & conſecrationū <sup>Strab. de</sup>  
officio, totū hoc Apoſtoli, & poſt ipſos proximi, (vt creditur) ora- <sup>reb. Eccl.</sup>  
tionibus & commemoratione paſſionis Dominica, ſicut ipſe præ- <sup>cap. 22.</sup>  
cepit, agebant ſimpliciter. Vndè circa domos, ſecundū ſuperiùs  
commemorata teſtimonia, frangebant panem. Quod etiam alia  
ſentētia Lucas declarat, dicens: Vna autem ſabbati, cū conueniſ- <sup>Cap. 20.</sup>  
ſemus ad frangendum panem, & reliqua. Et relatio Maiorum eſt,  
itā primis temporibus Miſſas fieri ſolitas, ſicut modò in Paraſceue  
Paſchæ communicationem facere ſolemus, id eſt, præmiſſa oratio-  
ne Dominica, & ſicut ipſe Dominus noſter præcepit, commemo-  
ratione paſſionis eius adhibita, eos corpori Dominico communi-  
cāſſe & ſanguini, quos ratio permittebat.

## ORDO ET RITVS OBSERVATVS

AB APOSTOLIS.

VT prudētibus loquor, (inquit Apoſtolus Paulus) voſipſi iu- <sup>1. Cor. 10.</sup>  
dicate quod dico. Calix (ille *εὐλογίας* ſiue) benedictionis, cui <sup>τὸ ποτήριον τῆς</sup>  
benedicimus, nōne [*κοινωνία* ſiue] communicatio ſanguinis Chri- <sup>εὐλογίας.</sup>  
ſti eſt? & panis [ille] quem frangimus, nōne participatio corpo- <sup>τὸν ἄρτον</sup>  
ris Domini eſt? Quoniam vnus panis, vnum corpus multi ſumus, <sup>ὃν κλῶμεν</sup>  
\* omnes qui de vno pane, & (quod Latine duntaxat, non Græcè \* nam οἱ <sup>nam οἱ</sup>  
F legitur) de vno.

legitur) de vno calice participamus. Videte Israel secundum carnē. Nōne qui edunt hostias, participes sunt altaris? Quid ergō? Dico quōd idolis immolatum, sit aliquid, aut quōd idolum, sit aliquid? Sed quæ immolant gentes, dæmonijs immolant, & non Deo. Nolo autem vos socios fieri dæmoniorum. Non potestis calicem Domini bibere & calicem dæmoniorum. Non potestis mensæ Domini participes esse & mensæ dæmoniorum.

Hilar. in  
Psal. 68.

Esse enim (inquit D. Hilarius, ad illud Psalmi: Fiat mensa eorum &c.) mensam sacrificiorum, vt de lege, quæ in se futuri est speciem complexa, taceamus, Apostolus testatus est, dicens: Non potestis mensæ Domini participes esse, & mensæ dæmoniorum.

Chryso-  
stom. 24.  
in 1. epist.  
ad Cor.

Et latius D. Chrysostomus: Quid dicis beate Paule? Cū vis auditorem confundere, & horrendorum mysteriorum meminisse, calicem benedictionis appellas, calicem illum formidolosum & horroris plenum? Sanè quidem. Non enim paruum est quod dicitur. Siquidem cū benedictionem dico, Eucharistiam dico: & dicendo Eucharistiam, oēm benignitatis Dei thesaurum aperio, & magna illa munera commemoro: etenim cum calice inenarrabilia Dei beneficia, & quæcunque consecuti sumus, addimus: ita ad eum accedimus, cum eo communicamus, gratias agentes, quōd humanū genus errore liberauit: quōd cū spem nullam haberemus, & impij in hoc mundo essemus, fratres & consortes suos ascripsit: his, & cæteris huiusmodi gratiarum actionibus, accedimus.

Ac paulopost: Quod est in calice, id est quod à latere fluxit, & illius sumus participes. Itaq; si sanguinem cupis, inquit, noli idolorum aram brutorum animalium cæde, sed meum altare meo sanguine asspergere. Hic autem multo admirabilius & magnificentius sacrificium præparauit, & cū sacrificium ipsum commutaret, & pro brutorum cæde seipsum offerendum præciperet.

Ac postea: Tu autem considera, quo pacto de Iudæis nō dixit, quōd Deo participant: sed, quōd participes sunt altaris: etenim templum



templum conflagrauit. In corpore autem Christi non ità, sed aliter. Quo modo? Communicatio Christi est: (inquit) non altaris, sed Christi participes facti sumus.

DIVVS verò Augustinus: Ostendit (Apostolus) ad quod sacrificium iam debeant pertinere, dicens: Quasi prudentibus dico, iudicate vos quod dico. Calix benedictionis quem benedicimus, nōne communicatio est sanguinis CHRISTI? Panis quem frangimus, nōne participatio est sanguinis Domini? Quia vnus panis & vnum corpus multi sumus. omnes enim de vno pane participamus. Et propter hoc subiunxit: Videte Israel secundum carnem. Nōne qui de sacrificijs manducant, socij sunt altaris? vt intelligerēt, ità se iam socios esse corporis Christi, quemadmodum illi socij sunt altaris.

ET paulo antè: Ait enim Apostolus: Sed quia quæ immolāt gentes, dæmonijs, & non Deo, immolant. Iste autē dixit: Sed qui sacrificant, dæmonijs sacrificant: quasi omnes qui sacrificāt, nō sacrificent nisi dæmonibus. Non enim ait Apostolus, Qui sacrificant: sed, Quæ sacrificant: vel, sicut à me positum est, Quæ immolant.

ET alibi: Huius corporis vnitas nostro sacrificio commendatur. Quod breuiter significauit Apostolus, dicens: Vnus panis, vnū corpus multi sumus. Per caput nostrum reconciliamur Deo, quia in illo est diuinitas vnigeniti, facta particeps mortalitatis nostræ, vt & nos participes eius immortalitatis essemus. Hoc sacramentum longè est à cordibus sapientium superborum, & ideò nō Christianorum, ac per hoc nec verè sapiētium. Illorū etiam dico sapientiū, qui cognouerunt Deum: quia cognoscētes Deum, sicut dicit Apostolus, non sicut Deum glorificauerunt, aut gratias egērunt. Nōsti autē in quo sacrificio dicatur, Gratias agamus Dño Deo nostro. A cuius sacrificij humilitate longè abest typhus & cothurnus illorū.

CONTRA Faustū deniquè: Cur autem arbitretur, parem nobis esse religionem circa panem & calicem, nescio: cū Manichæis

F 2

vinum

August.  
cont. ad  
uers. leg.  
& Proph.  
Cor. 1. c.  
19. & 20.

1. Cor. 10.

Idē epist.  
57. ad Dar  
dan. de  
vid. Deo.

Rom. 1.

Idē cont.  
Faustum,  
lib. 2. c. 13.  
& 18.

vinum gustare, non religio, sed sacrilegium sit. In vasa enim agnoscunt Deum suum, in cupa nolunt, quasi aliquid eos calcatus & inclusus offenderit. Noster autem panis & calix, non quilibet quasi propter Christum in speciebus & in sarmentis ligatum, sicut illi desipiunt, sed certa consecratione mysticus fit nobis, non nascitur.

Ac paulopost: Quomodo ergo comparas panem & calicem nostrum, & parem religionem, dicis errorē, longē à veritate discretum: peius desipiens, quàm nonnulli, qui nos propter panem & calicem, Cererem ac Liberum colere existimant?

Et postea: Proinde verum sacrificium, quod vni vero debetur DEO, quo eius altare solus Christus impleuit, in victimis pecorum imitata dæmonia, sibi arroganter exposcunt. Vnde dicit

1. Cor. 10. Apostolus: Quæ immolant gentes, dæmonijs immolant, & non Deo: non quod offerebatur culpanis, sed quia illis offerebatur. Hebraei autem in victimis pecorum, quas offerebant DEO, multis & varijs modis, sicut re tanta dignum erat, prophetiam celebrant future victimæ, quam Christus obtulit. Vnde iam Christiani, peracti eiusdem sacrificij memoriam celebrant, sacrosancta oblatione & participatione corporis & sanguinis Christi.

Theod. in Com. THEODORETUS etiam: Qui sacra mysteria percipimus, nonne ipsi Domino communicamus, cuius & corpus & sanguinem esse dicimus? quandoquidem omnes vnius panis sumus participes.

Theoph. com. ad c. 10. Epist. ad Cor. 1. ITEM Theophylactus: Calix (inquit) benedictionis, id est, Eucharistiæ.

Oecum. in com. AT Oecumenius: Calicem benedictionis, dicit calicem sanguinis Christi, cui benedicimus: quem manibus tenentes, ei qui suum nobis impartitus est sanguinem, benedicimus, hoc est, gratias agimus. Quem dum benedicimus, offerimus. Nōsti quid loquar.

Haymo Alberst. in com. HAYMO denique: Calix autem benedictionis dicitur, qui benedicitur à sacerdotibus in altari. Appellatur & ipse calix communicatio, quasi participatio: quia omnes communicant ex illo, partemq;



partemque sumunt ex sanguine Domini, quem continet in se. Et panis quem frangimus, primum consecratur & benedicitur à sacerdotibus in spiritu sancto, & deinde frāgitur: quum iam, licet panis videatur, in veritate corpus Christi est. Ex quo pane quicunq; communicant, corpus Christi edunt.

## ORDO ET RITVS PRAESCRIPTVS

AB APOSTOLIS.

**H**OC autem (inquit D. Paulus) praecepto, non laudans, quod 1. Cor. 11. non in melius, sed in deterius conuenitis. Primum enim conuenientibus vobis in Ecclesiam, audio scissuras esse inter vos, & ex parte credo. Nam oportet & haerese esse, ut qui probati sunt, manifesti fiant. Conuenientibus ergo vobis in vnum, iam non est Dominicam coenam manducare. Vnusquisque enim propriam coenam praesumit ad manducandum. Et alius quidem esurit, alius autem ebrius est. Nunquid domos non habetis ad manducandum & bibendum? aut ecclesiam Dei contemnitis, & confunditis eos qui non habent? Quid dicam vobis? Laudo vos? in hoc non laudo: Ego enim accepi à Domino, quod & tradidi vobis &c. ut supra. Quotiescunque enim manducabitis panem hunc, & calicem hunc bibetis, mortem Domini annunciabitis donec veniat. Itaque quicumque manducauerit panem hunc, (nam Graece repetitur τοῦτον) aut biberit (Graece enim est ἡ, & sic legunt etiam veteres Latini) calicem Domini indignè, reus erit corporis & sanguinis Domini. Probet autem seipsum homo, & sic de pane illo edat, & de calice illo (nam & ibi vocula τῆς, Graece additur) bibat. Qui enim manducat & bibit indignè, iudicium sibi manducat & bibit, non diiudicans corpus Domini. Ideo inter vos multi infirmi & imbecilles, & dormiunt multi. Quod si nosmetipsos diiudicaremus, non utique iudicaremur. Dum iudicamur autem, à Domino corripimur, ut non cum hoc mundo damnemur. Itaque fratres mei, dum conuenitis ad mandu-

F 3 can-

candum, inuicem expectate. Si quis esurit, domi māducet, vt nō in iudicium cōueniatis. Cætera aut, quum venero, disponam.

Chrysoft.  
in cōm.  
hom. 27.

**SUPER** quo loco scribens D. Chrysoft. Necessariū est, inquit, p-  
fentis criminis causam prius afferre. Itā enim facilius hunc sermo-  
nem discere poterimus. Quānam igitur ea est? Quemadmodum  
in tribus millibus, qui principiō crediderunt, oēs communiter co-  
mederunt & in cōmune oīa possederunt: itā & tunc, cū hæc scri-  
psit Apostolus, factū est: sed nō tam certē, tāquā dubitatio quæ-  
dam illius cōmunicationis permaneret, & in posteros descēderet:  
& cū cōtingeret, alios quidem pauperes, alios diuites esse, nō oīa  
in cōmune conferebāt. Communes aut faciebant mensas institutis  
diebus, vt decebat: & collectione perfecta, post mysteriōrū cōmu-  
nicationem, ad commune omnes epulum conueniebant, & cibi fe-  
rebantur per sumptuosos: Pauperes, & qui nihil habebant, ab illis  
vocabantur, & communiter oēs discumbebant. Sed procedente tē-  
pore huiusmodi aboleuit cōsuetudo. Ex hac diuisione cōtingit, vt  
alij his, alij illis se adiungerēt, & dicerent: Ego quidem illius sum,  
ego autem illius.

Ac postea: Nō dixit, cōuenientibus vobis, nō est cōmuniter mā-  
ducare, neq; inuicem: sed aliter & lōgē formidolosiū eos his ver-  
bis tangit, Nō est Dominicam cœnam māducare: ad illam eos no-  
ctem relēgans, in qua admiranda mysteria Christus tradidit.

**ET** infra: Qua gratia hoc in loco mysteria cōmemorat? Quoni-  
am maximē necessarius ī præsenti materia hic sermo erat. Etenim  
Dñs tuus eadem oēs mensā dignatus est, quanuis supra oēs admi-  
ratione dignissima, & omnium superante dignitatem. Tu aut eos  
tua & parua & vili indignos arbitraris, &c.

**QVOMODO** autem dicit, se à Domino accepisse? Neque enī  
tunc aderat, sed Christum persecutus est: vt intelligas nihil am-  
plius illam mensam habuisse, quā quæ postea secutæ sunt. Et  
enim



enim hodiè ipse est, qui omnia operatur & tradit, quemadmodum tunc.

A c iterum: Intellexistis quòd hanc vltimam dimisit nobis pater, & quo tempore expirabat, hæc præcepit. Sic Paulus & hinc horrendum facere sermonem suum volens: Recordamini, inquit, hoc vltimū nobis mysteriū præbuisse, & ipsa nocte qua erat pro nobis moriturus, hæc præcepit, & post eam traditam nobis cœnam, non ampliùs aliam apposuit. &c.

DEINDÈ de cœna illa referens, præsentia his quæ tunc fuerant, copulat: vt quemadmodum in illa ipsa vespera & mēsa dispositi, ab ipso Christo hoc acceperunt sacrificium, ita & nunc dispo-  
nerētur, & inquit: Quotiescunq; comederitis panem hūc, & sanguinem hunc biberitis, mortē Dñi annuntiabitis donèc veniat. Quē-  
admodum Christus em̃ & in pane & in calice in mēa commemorationē facite hoc dixit, causam nobis aperiēs, quare mysteriū daret, cum alijs hanc esse dicēs sufficientē nobis ad pietatē. Nam cū intelliges, quid propter te Dñs passus est, sapiētior efficieris. Itā & ipse iterum inquit: Quotiescunq; manducaueritis, mortē eius annuntiabitis: & hæc illa cœna est. Deindè ostendēs, quòd vsque ad consummationem maneat, inquit, Donèc veniat.

Chrysost.  
codē loco.

POSTREMÒ: Considera cū sacras illas cœnas Apostoli accipiebant, quid tum faciebant? Nōne in preces cōuertebātur & hymnos? Nōne in sanctas vigilias? Nōne in longam illam doctrinam, & multæ plenam philosophiæ? Magna enim & admirabilia tunc eis narrabat & adnunciabat Iesus, cū Iudas discederet vocatū, qui eū erāt crucifixuri. Non audisti quomodò tria millia simul  
communicantes, semper vehemētiores erāt in orationibus & doctrina, nō in ebrietatibus & comessationibus? Tu aut priùs quàm accipias, ieiunas, vt aliquo modo dignus communicatione videaris: cū aut acceperis, & oportet in continentia perseverare, omnia perdis. Quamquàm æquū est, ante & post cōmunicationē ieiunare:

1. Cor. 11.

Ato. 2.

opor-

oportet enim utroque tempore cōtinentem esse, sed maximè post acceptum spiritum: antè, ut dignus fias accipiendi: postmodum, ut non indignus videaris qui acceperis. Quid igitur? ieiunare oportet post eius acceptionem? Non dico hoc, neque cogo, licet bonum sit: tamen non compello, sed admoneo, nè in delicijs viuas ad saturitatem.

Ibidem  
hom. 28.

HOMILIA deniquè sequenti: Quum enim omninò mysteriorum esset memoria, necessariò arbitratus est hanc aggredi materiam. Non enim parua erat, ideò valdè terribiliter de ea locutus est, bonorum indicando caput, ut pura cum conscientia accedatur. Non, quemadmodum nunc facimus, temporis gratia accedentes magis, quàm animi studio: neq; ut præparati ad vitia nostra expurganda, compunctionis pleni accedimus, sed ut in solennitatibus simus, quādò omnes adfunt, consideramus. Sed non ità Paulus præcipit, sed vnum tempus nouit, quo accederemus, communicatiōis, conscientia puritatem.

Ac super illud: Cætera, quum venero, disponam: Cùm em̃ credibile esset, ipsos aliquas causas allaturos, & non liceret per literas omnia corrigere: quæ admonui iam, feruentur, inquit: quòd si quicquam aliud dicendum est, in meum aduentum referuetur.

Idem homilia supra illud, Oportet hæreses esse.

IN EM quoquè alibi: Ab hac lege (inquit, loquens de communionem bonorum sub Apostolis) & consuetudine inoleuit in Ecclesijs consuetudo quædam admirabilis: Fideles enim omnes in conuentibus suis postquàm audissent doctrinas, post preces, post sacramentorum communionem, soluta concione, non mox domum concedebant, sed diuites & abundantiores alimenta & edulia à domibus suis auferentes, pauperes vocabant, communesque faciebant mensas, communia prandia, communia conuiuia in ipsa Ecclesia, sicq; tandèm domum redibant. Hunc morem Corinthij processu temporis corrumpebant: & abundantiores, inuitatis suæ similibus, continebant pauperes: & tardiùs venientes, ut potè more pauperum  
se-



secularibus negocijs detentos, non expectabant. Vndè cōtingebat, quòd pauperes aduenientes, mensa sublata, alijs pr̄ueniētibus, alijs tardiùs subsequētibz, verecundè discederent. Videns igitur Paulus mala, quę tum ex eo negotio fiebant, & postea futura, quando quidem contemnebantur pauperes mirum in modum à diuitibus, quorum ius solens erat superbia : ediuersò verò pauperes m̄esti aduersabantur diuitibus : & qualia ex huiusmodi rebus mala oriri solent, tunc quoq; vsu eueniebat. Proindè prauam hanc consuetudinem emendat, & vide quanta prouidentia correptionem aggredditur. De conuiuijs aut loquitur, quę in synaxi fiebāt: & ob hoc dicit, Non in melius, sed in deterius conuenitis : quòd patres vestri pauperibus oēs possessiones concedebant, vos pauperes m̄sa etiam illis concessa priuāstis.

Et paulopòst: Quid est, Dominicam cœnam manducare? Non est comedere herilem cœnam. Illam autem cœnam dicit, quam suprema nocte tradidit Christus, cū discipuli omnes essent cum eo: vocans Dominicam cœnam, quę, omnibus simul conuocatis, concorditer & communiter sumitur. Cuius enim gratia cōuenistis? ait, Quid vult sibi conuentus ille? Cuius gratia facta est collecta, si quidem mensa non fit communis? Dominicę sunt opes, quas accepimus: etiā conseruis nostris conuiuia proposita sint.

Et postea : Relicta autem in medio & suspensa accusatiōis vehementia, ad mysticam mensam consequenter sermonem vertit, plūs ipsos volens terrere. Ego enim (ait) accepi à Domino, quod & tradidi vobis. Qualis hæc est consequentia? de communi disputas prandio, & sacramenta commemoras? Etiam, ait. Nam si etiam spiritualis illa, tremendaq; mensa ex æquo omnibus diuiti & pauperi proponitur: neque ea fruitur vberius diues, & parciùs pauper, sed omnium vnus honor est, & idem accessus, donèc oēs communicent, & participes fiant spiritualis illius cibi : quę proposita sunt, non retrahuntur, sed stantes sacerdotes, omnes expectāt, etiam

G pau-

pauperrimum omnium: quanto igitur magis in mensa illa corporali fieri ita conuenit?

A c sub finem: Deindè ubi multum disputauit de his, qui indignè communicant mysterijs, eosq; repræhendisset grauiter, & demonstrasset qd idem suppliciū passiuri essent, quod hi qui Christum occiderāt, si sanguinē eius & corpus absq; probatiōe & temerè accipiant: rursū ad propositam materiam sermonem cōuertit, dicens: Itaq; fratres, cū conuenitis ad comedendum, &c.

Ambros.  
in cōm.

I T E M D. Ambrosius: Hos (inquit) notat, qui sic conueniebāt in Ecclesiam, vt munera sua offerentes aduenientibus presbyteris, quia adhuc rectores Ecclesijs non omnibus locis fuerant cōstituti, totum sibi qui obtulerant, vindicarēt schismatis causā. Dissensiones enim inter eos pseudoapostoli seminauerant, ita vt oblationes suas zelarentur, cū vna atque eadem prece omnium oblationes benedicerētur, vt ij qui (vt assolet fieri) nō obtulerant, aut vndè offerrent, non habebant, pudore correpti, confunderentur, non fumentes partem: & tam citò illud agebant, vt superuenientes non inuenirent quod ederent. Ideoq; si sic (inquit) conuenitis, vt vnusquisq; suum sumat: domi hęc agenda, nō in Ecclesia, ubi vnitatis & mysterij causa conuenitur, nō dissensionis & ventris. Munus enim oblatum, totius populi fit: quia in vno pane omnes significantur. Per id enim quod vnum sumus, de vno pane omnes sumere oportet.

E t paulopost: Ostendit illis mysterium Eucharistiæ inter cœnandum celebratum, nō cœnam esse. Medicina enim spiritalis est, quæ cum reuerentia degustata, purificat sibi deuotum. Memoria enī redemptionis nostræ est, vt redemptoris memores, maiora ab eo consequi mereamur.

E t postea: Indignum dicit esse nō, qui aliter mysterium celebrat, q̃ ab eo traditum est. Non enim potest deuotus esse, qui aliter præsumit, quàm datum est ab authore. Ideoq; præmonet, vt se-

cun-



cundum ordinē traditum, deuota mens sit accedentis ad Eucharistiam Dñi: quoniam futurū est iudiciū, vt quemadmodū accedit vnusquisque, reddat causas in die Dñi Iesu Christi: quia sine disciplina traditionis & conuersationis qui accedunt, rei sunt corporis & sanguinis Domini.

DEINDE: Ad inuicē expectandum dicit, vt multorum oblatio simul celebretur, \*vt & om̃ibus ministretur.

D. aut̃ Augustinus hunc locum Apostoli tractans: Illud magis mouere potuit homines, vtrū iam refecti die illa, vel offerrent, vel sumerent Eucharistiam, quod in Euangelio dicitur: Cū autem illi manducaret, accepit Iesus panem, & benedixit: cū etiam superius dixisset, Cū serō factū esset, recubebat cum duodecim, & manducatibus eis, dixit: Quoniam vnus ex vobis me tradet. Pōst enim tradidit sacramentum. Et liquidō appāret, quādo primū acceperunt discipuli corpus & sanguinem Domini, nō eos accepisse ieiunos. Nunquid tamen propterea calumniandum est vniuersæ Ecclesiæ, quod à ieiunis semper accipitur? Ex hoc enim placuit spiritui sancto, vt in honorem tanti sacramēti, in os Christiani prius Dñicum corpus intraret, quā ex teri cibi. Nā idē per vniuersum orbē mos iste seruatur. Neq; enim quia post cibos dedit Dñs, propterea pransi aut cœnati fratres ad illud sacramētum accipiendum cōuenire debent, aut sicut faciebant, quos Apostolus arguit & emendat, mensis suis ista miscere. Nanq; saluator quo vehementius commendaret mysterij illius altitudinem, vltimum hoc voluit insigere cordibus & memorię discipulorum, à quibus ad passionem digressurus erat. Et idē non præcepit, quo deinceps ordine sumeretur, vt Apostolis, per quos Ecclesias dispositurus erat, seruaret hunc locum. Nam si hoc ille monuisset, vt post cibos alios semper acciperetur, credo quod eum morem nemo variasset. Cū verō ait Apostolus, de hoc sacramento loquens, Propter quod fratres cū conuenitis ad manducandum, inuicē expectate. Si

\* & vt  
Aug. Epi.  
118. ad la-  
nuarium  
ca. 5. & 6.

G 2 quis

quis esurit, domi manducet, vt non ad iudiciū conueniatis, statim subtexuit: Cetera aut, cum venero, ordinabo. Vnde intelligi datur, quia multum erat, vt in Epistola totum illum agendi ordinem insinueret, quem vniuersa per orbem seruat Ecclesia, ab ipso ordinatū esse, quod nulla morum diuersitate variatur.

ET ibidem paulo ante: Indē enim & Apostolus indignē dicit acceptū ab eis, qui hoc non discernebāt à ceteris cibis veneratione singulariter debita. Cōtinuō quippe cū dixisset, Iudiciū sibi māducat & bibit: addidit vt diceret, Non dijudicās corpus Dñi: quod satis toto ipso loco in Epistola ad Corinthios prima, si diligenter attendatur, appāret.

Idē tract.  
62. in Ioā.

IDEM alibi: Quicumq; māducauerit panem, aut biberit calicem Domini indignē, &c. Et de his erat sermo, quū hoc Apostolus diceret, qui Dñi corpus, velut quemlibet alium cibū, indiscretē negligenterq; sumebant.

Hierō. &  
Sedul. cō-  
ment.

COMMENT. quoq; D. Hieronymo & Sedulio adscriptus: Iam nō est Dominica, sed humana, quādō vnusquisq; tanquā cœnam propriam solus inuadit: & alij qui nō obtulerit, nō impertit: ita vt magis propter saturitatem, quā propter mysterium, videamini cōuenire. Ceterū Dñica cœna om̃ibus debet esse communis, quia ille om̃ibus discipulis suis qui aderant, æqualiter tradidit sacramēta. Cœna autem idē dicitur, quia Dñs in cœna tradidit sacramēta. Item hoc idē dicitur, quia in Ecclesia cōuenientes, oblationes suas separatim offerebāt, & post communionē, quęcunq; eis de sacrificijs superfuissent, illic in Ecclesia cōmunē cœnam comedētes, pariter cōsumebāt. Et alius quidē esurit &c. Quicumq; nō obtulisset, non communicabat: quia oīa soli qui obtulerant, insumebant. Quidam hunc locū ad illos referūt, qui epulas in Ecclesia faciebāt.

ET postea: Nam & idē, quum accipimus, à sacerdotibus commonemur: quia corpus & sanguis est Christi, vt beneficijs eius non existamus ingrati.

DEIN-



DEINCEPS: Priùs ergò perscrutanda est consciètia, si in nullo nos repræhendit: & sic aut offerre, aut communicare debemus. Et super illud: Cætera autem, cùm venero, disponam: Cætera (inquit) de ipsius mysterij sacramento.

THEODORETVS etiam: Dominicam cœnam vocat sacramentum Dominicum. Illius enim æquè sunt participes, & qui in paupertate degunt, & quibus diuitiæ spiritus faciunt, & domini & serui, & principes, & qui eorum parent imperio. Oportebat ergò (inquit) & mensas communes esse communes, & imitari Dominicam, quæ est omnibus ex æquo proposita: nunc autem non ita facitis. Theod. in com.

ET paulopòst: Sacram illam & omni ex parte sanctam noctem ad memoriã reuocauit, in qua & typico paschati finem imposuit, & verum typi architypum ostendit, & salutaris sacramenti portas aperuit, & non solum vndecim Apostolis, sed etiam Iudæ proditori preciosum corpus & sanguinem impertijt. Docet autem quòd illius noctis bonis semper frui possumus.

THEOPHYLACTVS item: Quemadmodum (inquit) qui primùm crediderant, communia omnia habentes, communiter & publicè epulabatur: sic per quandam eius rei imitationem, etiam si non adeò exactam, Corinthij statis quibusdã diebus festis ex æquo publicè conuiuabantur post mysteriorum participationem. Siquidem epulati fercula adferebant, inopesque ad conuiuium istud accersebant. At per dissensiones admirandus ille ritus, quo mutua charitas, & Christiana philosophia continebatur, corruptus est, nec ab omnibus seruabatur. Scribit igitur Paulus, vt hoc corrigat. Theophy. in com.

ET postea: Cuius rei gratia, mysteriorum illius vespere meministi? omninò necessariò, vt psuadeat quòd Dñs tuus oēs eadẽ mensa excipere dignatus sit: tu verò fratrem, eiusdem tecum generis & naturæ, auersaris & dedignari? At, qui ait à Dño se accepisse? neque enim tum aderat Paulus, sed Christi persecutor erat. Vti discas, quòd ipse hodieq; in mystica mēsa mysteria illa tradat æquè, atquè tum.

Haymo in  
com.

HAYMO denique: Corinthij (inquit) qui & Achaici, vel Achæi, venientes ad fidem Christi per prædicationem Apostoli Pauli, à quo inter cætera quæ Dominus fecit, etiam sacramentum cœnæ Dominicæ perceperant: post discessum illius, in memoriam cœnæ Dominicæ singulis annis quinta feria ante diem Paschæ, conueniebant omnes in Ecclesia, ac nobiles quique & potentes, diuitesque, veniebant, & offerebant singuli panem & vinum, & dabant sacerdoti vnde consecraret corpus & sanguinem Domini. Consecratis autem mysterijs à sacerdote Domini, unusquisque quod detulerat, accipiebat desuper altari, sumebatque; tacite cum suis, vt superuenientes non inuenirent quod ederent, & vnde communicarent: aut etiã deferrebat omne quod attulerat, ad domum suã, vt cum suis illud sumeret. Ob cuius rei causam magnę dissensiones inter illos erant, quas seminauerat pseudoapostoli: ita vt cum vna benedictione omnium oblationes consecratæ essent, singuli suas accipientes, quæ cõmunes debuerant esse, maximã verecundiã inferret his, qui (vt solet) non attulerant, licet haberent: aut his etiã qui non habebant quod afferreret. Hoc autem faciebant multi postquã ab alijs cibis crapulati erant. Istãque acceptionẽ Eucharistiã, Dominicã cœnã vocauit Apostolus vno modo. Aliter: Soliti quoque erant cõuenire eodẽ die ad Ecclesiam oēs diuites, potentes, & nobiles, & præparare sibi in Ecclesia & in foribus Ecclesiæ atque atrijs illius epulas & cõuiuia, & crapulari & inebriari, vsque; ad vespërã manducantes & bibentes in cõspectu pauperum & egenorum, qui non habebant vnde sibi præpararent similia, nihilque accipiebant ab illis diuitibus & potentibus, sed præstolabatur ieiuni tempus cum verecundiã, quo placeret illis diuitibus & potentibus, benedici corpus Christi à sacerdotibus vnde cõmunicarent. Impleti autem illi diuites omnibus cibis & potibus vsque; ad vomitum, accipiebant ad vltimũ sacramenta corporis & sanguinis Christi, dicentes: Sic tradidit Christus discipulis suis nostris doctoribus & magistris corpus & sanguinem suum post aliorum ciborum perceptionẽ, & sic nos volumus illud



Iud sumere. Quod audiens Apostolus, scripsit eis inter cætera, ista quæ in præsentem habentur.

IN ECCLESIA, ID EST, LOCO ORATIO-  
NI DEPUTATO, SACRAM COENAM  
CELEBRABANT APOSTOLI.

**N**VNQV ID (inquit D. Paulus Apostolus verbis suprà ci. 1. Cor, 11, tatis) domos nõ habetis ad manducandum & bibendũ? Aut Ecclesiam Dei contemnitis, &c.

QVEM locũ tractans D. Basilius, ad quæstionẽ respõdens, Nun- Basilius  
quæst. cõ-  
pend. ex.  
pl. qu. 310. quid in cõmuni domo Dominica cœna debeat celebrari: Quæad- modũ (respõdet) scripturæ ratio nõ pmittit, vt vas vllũ commune in sancta introferatur, eodem etiã modo vetat in domo communi perfici seu celebrari: quum vetus testamentũ, manifesto præcepto Dei, nihil isto modo fieri permittat, Dño itidẽm dicente: Plusquã Matth. 12. templum est hoc, & Apostolo item: Nunquid domos non habetis ad manducandum & bibendum? Quid dicã vobis? laudabo vos? in hoc non laudo. Ego enim accepi à Domino, quod & tradidi vo- bis, & quæ sequuntur. Ex quibus erudimur, neq; communem cœ- nam in Ecclesia edere ac bibere, neq; Dominicã cœnam in priuata domo contumelia afficere. Præterquã, si quis in necessitate de- legerit puriorem locum aut domum in tempore oportuno.

D. etiam Chrysost. Eccẽ & quarta accusatio, quandò non pat- Chrysost.  
hom. 27.  
ad c. 1.  
epist. Cor. peres tantũ, sed Ecclesia læditur. Quemadmodũ enim Domi- nicam cœnam priuatam facis, ita & locum, tanquã domo Eccle- sia vsus. Ecclesia enim facta est, non vt diuisi simus, cũ cõuenire <sup>1.</sup> oporteat, sed vt diuisi coniungamur. Et hoc conuentus ostendit.

ET D. Ambrosius verbis suprà citatis: Ideoq; si sic (inquit) cõue- Ambr. in  
com. nitis, vt vnusquisq; suũumat: domũ hæc agẽda, non in Ecclesia, vbi com- unitatis & mysterij causã conuenitur, non dissensionis & ventris.

AC D. Augustinus: Quæredã etiam locutiones, per id quod cõ- Aug. qu.  
57. super  
Leuit. tinet, id quod cõtinetur. Sicut ecclesia dicitur locus, quo ecclesia cõ- gregatur.

gregatur. Nam Ecclesia homines sunt, de quibus dicitur: Vt exhiberet sibi gloriosam Ecclesiam. Hanc tamen vocari etiā ipsam domum orationum, idem Apostolus testis est, ubi ait: Nunquid domos non habetis ad manducandum & bibendum? an Ecclesiā Dei contemnitis? Et hoc quotidianus vsus loquendi obtinuit, vt ad Ecclesiam prodire, vt ad Ecclesiam confugere non dicatur, nisi quod ad locum ipsum parietesq; prodierit, vel confugerit, quibus Ecclesiae congregatio continetur.

Hesych. l.  
2. in Le-  
uit. c. 8.

HESYCHIVS quoque: Quomodo, ait, in his non admiranda sit sapientia spiritus? Nullam quippe dubietatem huiusmodi intellectui dereliquit: propterea carnes cum panibus comedi precipiēs, vt nos intelligeremus illud ab eo mysterium dici, quod simul panis & caro est, sicut corpus Christi panis viui, qui de caelo descendit. Propter quod Heliae (secundum Septuaginta editionem) carnes manē, panes autem vesperi deferebant corui supernē, praefigurare hoc mysterium Domino volente: quod intus oportet in Ecclesia, in loco sancto, id est, ad altare, coqui & comedi: alibi verò, nequaquam. Propter quod Paulus Corinthiis praecipiebat: Conuenientibus autem vobis in vnum &c. Et hoc ideo, vt illic absolute mystica coena deberet celebrari.

Hieron.  
ac Sedul.  
in com.

DIVO quoque Hieronymo adscriptus comment. Quidam (inquit) hunc locum ad illos referunt, qui epulas in Ecclesia faciebant.

Ac postea: Aut Ecclesiam Dei contemnitis, facientes eam triclinium epularum?

Theodor.  
in com.

THEODORETVS etiam: Si acceditis, vt lautē & opiparē epulemini, hoc facite in domibus. hoc enim est in Ecclesiam contumelia, & aperta insolentia. Quomodo enim non est absurdum, intus in templo Dei, praesente Domino, qui communem nobis mensam apposuit, vos quidem lautē viuere: eos autem qui sunt pauperes, esurire, & propter paupertatem erubescere?

ET



E T Theophylactus: Quum enim (inquit) Dominicam cœnam priuatam feceris, manducans apud teipsum, in Ecclesiam & locum es iniurius. Theophy.  
in com.

A C Oecumenius: Nam qui in Ecclesia peculiares cœnas facit: & locum sanctum contumelia afficit, & cœnam Dominicam non facit. Oecum. in  
com.

A C postea: Quod si quis (inquit) esurit, domi manducet, de Ecclesia ad proprias domos illos eijciens.

H A Y M O denique: Itaque (inquit) fratres mei cùm conuenitis ad manducandum corpus & sanguinem Christi in Ecclesia, inuicem expectate, & multorum oblatio simul celebretur: & omnes communiter ex vno pane communicate: quia illa oblatio vnus panis est, & communis debet esse omnibus. Haymo  
in com.

E O D E M pertinet, quod habet D. Clemens Romanus: Hic ergo, hoc est, in presenti vita positos oportet nos agnoscere voluntatem D E I, ubi & agendi, & sacrificandi est locus. Quoniam in alijs locis sacrificare, & Missas celebrare non licet, nisi in his, in quibus Episcopus proprius iusserit, aut ab Episcopo regulariter ordinato, tenente videlicet ciuitatem, consecratus fuerit. Aliter enim non sunt hæc agenda, nec ritè celebranda, docente nos nouo & veteri testamento. Hæc Apostoli à Domino acceperunt, & nobis tradiderunt: hæc nos docemus, vobisque & omnibus absq; repræhensione tenere & docere, quibus agendum est, mundamus. Vnaquæq; etenim res tempus suum habet & locum. Clemens  
in Epist.  
3. ad fratrem  
Domini.

E T Apostolorum Canon: Omnes fideles qui ingrediuntur Ecclesiam, & scripturas audiunt, non autem perseverant in oratione, nec sanctam communionem percipiunt, velut inquietudines Ecclesiæ commouentes, conuenit communionem priuari. Can. Apo:  
stol. 10.

A C quod refert D. Euodius Episcopus Antiochenus 2. à Petro, apud Niceph. libr. 2. cap. 3. In ea ipsa Ioannis domo primū Pascha mysticum conuiuium Dominus cum discipulis instituit. Indè, Euod. An  
tioch. lib.  
qui φῶς  
inscribi  
tur.

H hymno

hymno dicto, in montem Oliuarum exierunt ad villam Gethsemani. Ibidem propter metum Iudaeorum discipuli claudabantur. Ibidem etiam, foribus clausis, quum resurrexisset, ab ipsis est visus: quum in facie quoque eorum inspirauit, & Spiritum eis sanctum dedit. Ibi octauo post die Thomae fides est confirmata: eodem Spiritus sanctus specie linguarum ipsa Pentecoste aduenit. Ibidem Iacobum Iustum primum Hierosolymorum Episcopum Apostoli suffragijs suis designarunt, & Stephanum cum reliquis sex Diaconis elegerunt.

Niceph. l.  
3. c. 30.

\*subintel.  
ligedū, He  
lena, siue  
imatrix.

QVOD IPSVM repetit alibi Nicephorus: Ceterum (inquit) in urbem sanctam reuersa \*, in Sion amplissimum longè lateq; constructum templum, in cuius postico domum circumclusit, in qua, foribus clausis propter metum Iudeorum, discipuli fuerant congregati, in qua etiam sacra coena peracta, sacraque pedum lotio, necnon spiritus sancti in coenaculo aduentus, in qua primus quoque Hierarcha & Episcopus Iacobus renunciatus est.

Beda in  
Martyrol.  
Cal. Aug.

EODEM pertinet quod habet Beda: Romae (inquit) dedicatio primae Ecclesiae, à B. Petro constructae & consecratae.

VIDE eadem de re latius Vvalafr. Strab. de reb. Eccl. c. 4.

APOSTOLICAE IN SACRIFICIO OBSECRA-  
TIONES, ORATIONES, POSTULATIONES, GRA-  
TIARVM ACTIONES, PRO OMNI-  
BUS HOMINIBVS.

1. Tim. 2.

OBSEURO igitur (inquit D. Apostolus Paulus) siue (ut legit D. Ambrosius) exhortare primum omnium fieri *δεήσεις, προσεύχας, ἐντεύξεις, εὐχαριστίας*, id est, (interprete D. Hier.) obsecrationes, orationes, postulationes, gratiarum actiones, pro omnibus hominibus, pro regibus, & omnibus qui in sublimitate constituti sunt, ut quietam & tranquillam vitam agamus in omni pietate & castitate



stitate. Hoc enim bonū & acceptū est coram Salvatore nostro, qui omnes homines vult saluos fieri, & ad agnitionem veritatis venire.

ET ad Philippenſes: Nihil ſolliciti ſitis, ſed in omni τῇ προσευχῇ Phil. 4. καὶ τῇ δέήσει μετ' εὐχαριſτίας, id eſt, oratione & obſecratione cū gratiarum actione, petitiones veſtræ innotescant apud Deum.

SI c priorem locum interpretatur Tertull. Qui ergò putas (inquit) nihil nos de ſalute Cæſarum curare, inſpice Dei voces, literas noſtras, quas neq; ipſi ſupprimimus, & plerique caſus ad extraneos transferunt. Scitote ex illis præceptum eſſe nobis, ad redundantiam benignitatis, etiam pro inimicis Deum orare, & perſecutoribus noſtris bona precari. Qui magis inimici & perſecutores Chriſtianorum, quàm de quorum maiestate conuenimur in crimen? Sed etiam nominatim atq; manifeſtè: Orate (inquit) pro regibus, & pro principibus, & poteſtatibus, vt oīa tranquilla ſint. Vobiſcum enim cōcutitur imperiū: cōcuſſis etiā cēteris membris eius, vtique & nos, (licet extranei à turbis eſtimemur) in aliquo loco caſus inuenimur.

AC Athenagoras: Qui enim (inquit) iuſtiūſ, quod orant, impetrent, quàm qui pro imperio veſtro vota præceſque ad Deum profundunt, vt filius Patri in eo, ſicut æquiſſimum eſt, ſuccedat, & vt idipſum imperium, cūctis populis ſub ditionem veſtram cōfluentibus, auctum capiat & incrementum? Id quod noſtra quoque intereſt, vt tranquillam & quietam vitam agamus.

ET D. Baſilius: Adhuc te (inquit) obſecramus, Memeto ſanctæ catholicæ & Apoſtolicę eccleſiæ &c. Memeto Dñe piſſimi & fideliffimi noſtri Imperatoris &c. vt in tranquillitate eius, tranquillā & pacificam vitam agamus in omni pietate & venerabilitate.

DI V S quoque Chryſoſtomus: Amplius (inquit) obtulimus tibi hanc rationabilem hoſtiam, pro orbe, pro ſanctæ catholicæ & Apoſtolica Dei Eccleſia, & ijs qui caſta in conuerſatione ac ſobria degunt. Pro fideliffimis & DEO dilectis Imperatoribus noſtris, & toto palatio & omni exercitu eorū, vt nos in tranquillitate eorū

H 2 quietam

quietam & tranquillam vitam ducamus in omni DEI cultu & sobrietate.

Cyrillus  
Hieroso.  
catech.  
mystag. 5.

CYRILLVS deniquè Hierosoly. Deindè (inquit) postquam confectum est illud spirituale sacrificium, & ille cultus incruentus super ipsa propitiationis hostia, obsecramus Deum, pro communi Ecclesiarum pace, pro tranquillitate mundi, pro Regibus &c.

Chryf. in  
epist. 1. ad  
Timoth.  
hom. 6.

LOCVM etiam illum priorem disertis verbis de hoc sacrificio interpretatur D. Chrysostomus: Quasi communis quidam totius orbis pater, sacerdos est: dignum igitur est, ut omnium curam agat, omnibusq; provideat: sicut & Deus, cuius ministerio seruit, & fungitur vice, idcirco ait: Obsecro igitur primùm omnium fieri obsecrationes & orationes.

Ac paulopòst: Quid aut sibi vult, quod ait: Primùm omnium? In obsequio scilicet quotidiano, perpetuoq; diuinæ religionis ritu. Atq; id nouerunt fideles, quomodò diebus singulis manè & vespere orationes fundantur ad Dominum, quomodò pro omni mundo, & Regibus, & omnibus qui in sublimitate sunt positi, obsecrationes ab Ecclesia fiant. Sed fortè quis dixerit, pro omnibus, quod ait, tantùm fideles intelligi voluisse. At id verum non esse, quæ sequuntur, ostendūt. Deniquè ait, pro Regibus: neq; enim tunc Reges Deum colebant, verùm multis postea temporibus in infidelitate, quam per seriem successionis acceperant, perstiterunt. Deindè ut omnis assentionis suspicio tolleretur, cùm premisisset, pro omnibus: tunc demùm, pro Regibus, addidit. Si enim tantùm, pro Regibus, dixisset: fortassis non deesset, qui adulationis gratia illum ita scripsisse putaret. Quoniam verò consequens esse cernebat, ut Christiani animus ad ista torpesceret, neq; huiusmodi admitteret monita, si quidem pro gentili sacramentorū tempore preces offerret: vide quid secutus adiunxit, ut ex consideratione lucri, admonitionem facilius libentiusq; susciperēt: Ut quietam (inquit) & tranquillam degamus vitam.

ET



ET homilia sequenti: Quia communia cupit bella dissolui, & <sup>Ibidem</sup> pugnas agitationesque, & armorum fremitus, atque ideo & pro <sup>hom. 7.</sup> Regibus, & pro Principibus sacerdotem offerre preces hortatur: longè magis & in priuatis bellis id necessariò sibi faciendum meminuit.

De etiam Ambrosius: Hæc regula Ecclesiastica est tradita à ma- <sup>Ambr.</sup> gistro gètium, qua vtuntur sacerdotes nostri vt pro omnibus sup- <sup>in côm.</sup> plicent: deprecantes pro Regibus huius seculi, vt subiectas habeât Gentes, vt in pace positi, in tranquillitate mētis & quiete Deo nostro seruire possimus. Orantes etiam pro ijs quibus sublimis potestas est credita, vt in iustitia & veritate gubernent rempublicam, suppeditate rerum abundantia, vt amota perturbatione seditionis, succedat lætitia. Panis enim confirmat cor, & vinum lætificat mētem. Postulantes verò pro ijs, qui in necessitate varia sunt, vt eruti & liberati, Deum collaudent incolumitatis authorem. Referentes quoque gratiarum actiones pro ijs, quæ nobis quotidie Dei prouidentia præstantur ad vitam, vt in his omnibus, quæ huic imperio infesta & inimica sunt, in affectu pietatis & castitatis Deo seruire possimus.

IDEM alibi: Bona (inquit) oratio quæ ordinem seruat, vt primò à diuinis inchoemus laudibus. Si enim cùm apud hominem <sup>Idē cap. 2. de instit. virg. ad Eul.</sup> agimus, beneuolum volumus iudicem facere: quantò magis, cùm Dominum nostrum precamur? Primò ergò immolemus Deo sacrificium laudis, vt & Apostolus dicit: Obsecro ergò primò omnium fieri orationes, obsecrationes, postulationes, gratiarum actiones. Doceat te Dauidicus Psalmus octauus, qui cœpit à Dei laudibus. Domine, Dominus noster, quàm admirabile est nomen tuum in vniuersa terra. Quoniam eleuata est magnificētia tua super cælos. Ex ore infantium & lactentium perfecisti laudem. Hactenùs oratio. Indè sequitur obsecratio, vt destruat inimicus. Postulatio, vt lunam & stellas videat: lunam, Ecclesiam: stellas, filios Ecclesiæ, cœ-

lestis gratiae luce fulgentes: & quod petit, prophetico spiritu visurum se esse promittit. Gratiarum actio, quod tuetur Dñs hominem. Similiter & Dominica oratio omnia comprehendit, quam vulgare non opus est.

Idē l. 4. de  
sacr. ca. 4.

ALIBI quoque: Nam per reliqua omnia, quae dicuntur, laus Deo defertur: oratione petitur pro populo, pro regibus, pro cæteris: ubi venit, ut cōficiatur venerabile sacramētum, iam nō suis sermonibus sacerdos, sed utitur sermonibus Christi.

Aug. epi.  
59. ad Pau  
lin. qu. 5.

APERITIUS autem D. August. Multa quippe (inquit) hinc dici possunt, quae improbanda non sint: sed eligo in his verbis hoc intelligere, quod omnis vel penē omnis frequētat ecclesia, ut precationes accipiamus dictas, quas facimus in celebratione sacramētorum, antequām illud, quod est in Dñi mensa, incipiat benedici. Orationes, cū benedicitur & sanctificatur, & ad distribuendum cōminuitur: quam totam petitionem ferē omnis ecclesia Dominica oratiōe cōcludit. Ad quem intellectū etiam verbi Græci origo nos adiuuat. Nam eam, quam dicūt, *εὐχὴν*, rarō itā scriptura ponit, ut intelligatur oratio: sed plerunq; & multo vsitatius votū appellat *εὐχὴν*: *προσευχὴν* verò, quod verbum itā positum est, vndē tractamus, semper orationem vocat. Vndē hanc verbi originem, sicut superiūs dixi, nonnulli minūseruditē intuētes, *προσευχὴν*, nō orationem, sed adorationem dicere voluerunt, quæ potiūs *προσκύνησις* dicitur. Sed quia oratio interdū dicitur, quæ vocatur *εὐχὴ*, adoratio putata est *προσευχὴ*. Porro si vsitatius, ut dixi, in scripturis votum appellatur *εὐχὴ*, excepto nomine generali orationis, ea propriē intelligenda est oratio, quam facimus ad votum, id est, *πρὸς εὐχὴν*. Vouentur autem omnia, quæ offeruntur Deo, maximē sancti altaris oblatio, quo sacramēto prædicatur nostrum aliud votum maximum, quo nos vouimus in Christo esse mansuros, utique in compage corporis Christi. Cuius rei sacramētum est, quod



quòd vnus panis, vnum corpus multi sumus. Ideò in huius sanctificatione, & distributionis preparatione, existimo Apostolum iussisse propriè fieri προσευχάς, id est, orationes: vel, vt nonnulli minùs peritè interpretati sunt, adorationes: hoc est enim ad votum, quod vsitatiùs in scripturis nuncupatur εὐχὰ. Interpellationes autem, siue, vt vestri codices habent, postulationes, fiunt, cùm populus benedicitur. Tùc enim antistites velut aduocati, susceptos suos per manùs impositionem misericordissimæ offerunt potestati. Quibus peractis, & participato tanto sacramento, gratiarum actio cuncta concludit: quam etiam in his verbis vltimam commendauit Apostolus. Hæc autem causa præcipua fuit ista dicendi, vt his breuiter perstrictis atque significatis, non putaretur negligendum esse quod sequitur: Pro om̃ibus hominibus, pro Regibus & ijs qui in sublimitate sunt, vt quietam & tranquillam vitam agamùs in omni pietate & charitate: nè quisquam, sicut se habet humanæ cogitationis infirmitas, existimaret non esse ista facienda pro his, à quibus persecutiõem patiebatur Ecclesia, cùm membra Christi ex omni essent hominum genere colligenda. Vndè adiungit & dicit: Hoc enim bonum & acceptum est coram Salvatore nostro Deo, qui om̃es homines vult saluos fieri, & in agnitionem veritatis venire. Et nè quisquam dicere posset, esse salutis viam in bona conuersatione, & vnus DEI omnipotentis cultu, siue participatione corporis & sanguinis Christi. Vnus enī Deus, inquit, & vnus mediator Dei & hominum homo Christus Iesus: vt illud quod dixerat, Omnes homines vult saluos fieri, nullo alio modo intelligatur præstari, nisi per mediatorem, non Deum, quod semper Verbum erat, sed hominem Iesum Christum, cùm Verbum caro factum est, & habitauit in nobis.

DIVS item Cælestinus eius nominis Papa I. Obsecrationum  
 quoq; (inquit) sacerdotaliũ sacramenta respiciamus, q̃ ab Apostolis  
 tra-

Cælest. 1.  
 Epistol. 1.

tradita, in toto mundo atque in omni Ecclesia Catholica vniformiter celebrantur, vt legem credēdi lex statuatur supplicandi. Quum enim sanctarum plebium præsules mādāta sibi met legatione fungantur, apud diuinam clementiam humani generis agunt causam, &c. vt infra latiùs.

Gennad. Quæ ipsa verba reperire est in Gennadij libro, (quem vel hinc de dogm. satis constat falsò D. Augustino adscribi) de dogmat. Eccles. & in Eccl. c. 30. hom. de Adam & Eua, quæ Latini hominis existens, perperam D. Chrysost. ascribitur. Citatur eadem & à Petro Diacono lib. de incarn. & gratia ad Fulgentium.

prospe. de SIMILIA quoquē reperio & apud D. Prosperum: ne hac ergò voca. gēt. (inquit) doctrinē Apostolicę Regula, qua Ecclesia vniuersalis imbuitur, nè in diuersum intellectum nostro euagemur arbitrio, quid li. 1. ca. 4. \* in ipsa vniuersalis Ecclesia sentiat, requiramus: quia nihil dubiū esse poterit in præcepto, si obedientia concordet in studio. Præcepit itaque Apostolus, immò per Apostolum dominus, qui loquebatur in Apostolo, fieri obsecrationes, postulationes, gratiarū actiones, pro omnibus hominibus, pro Regibus, ac pro his, qui in sublimitate sunt. Quam legem supplicationis, ita omnium sacerdotum & omnium fidelium deuotio concorditer tenet, vt nulla pars mundi sit, in qua huiusmodi orationes nō celebrētur à populis Christianis. Supplicat ergò vbiquē Ecclesia deo, non solùm pro sanctis & in Christo iam regeneratis, sed etiam pro omnibus infidelibus, &c.

Theoph. THEOPHYLACTVS verò: Primùm omnium (inquit) id est in cōm. in quotidiano cultu. Etenim sacerdos velut cōmunis orbis terrarum pater consistit, omnium curam gerens, quem & pro cunctis oportet mortalibus preces fundere, perindè ac neus cui sacrum facit, \* ac cuius cit, \* ac sacerdotio fungitur. Obserua hīc magnam & latè patentem gratiam, nam Iudæorum preces eiusmodi non sunt. Nec dixit statim pro regibus, vt non videatur adulari. Enimuerò cū prius dixisset pro omnibus hominibus, tunc subiunxit pro Regibus, Et.

si



si enim infideles fuerint Reges, pro iplis tamen orandum: tunc em̃ tales erant.

A c paulò pòst: Quia verisimile erat, Christianorum animum turbari, si iubeatur mysteriorũ tempore orare pro infidelibus Regibus: lucrum apponit, vt vel sic adhortationem recipiamus. Illorũ nanq; salus, inquit, nostra est tranquillitas. bellum em̃ gerũt, vt nos extra metum simus. Quomodò igitur non iniquum est, illos pro nostra securitate pericula subire, nos verò ne labia quidem aperire vel mouere, vt pro ipsis interpellemus?

E t Oecumenius: In quotidiano Dei cultu hoc (inquit) fiat ante oĩm memoriam. Episcopum em̃, quum sit omnium pater, pro oĩbus hominib⁹ precari cõuenit, p credẽtib⁹, inquã, & incredulis.

Occum.  
in Cõm.

P a v l o etiam postea: Nè perterreatur perturbeturve Christianus, quamobrem in tempore mysteriorum memoria fiat Regis, quandoquidem sæpè & incredulus sit, ostendit in nostrũ lucrum cedere ipsorum incolumitatem.

H a y m o etiam apertissimè: Beatus (inquit) Apostolus dirigēs hęc verba Timotheo, in illo tradidit om̃ibus Episcopis & presbyteris, omniq; Ecclesię formam, quomodò deberent Missarum solēnia celebrare, & pro omnibus hominibus orare. Quam formam vel exemplum omnis Ecclesiã modò retinet. Nam obsecrationes sunt, quicquid præcedit in Missarum solennijs vsque ad illum locum, vbi incipit sacerdos consecrare mysteria corporis & sanguinis Domini, inquit: Te igitur clemētissime pater, petimus. Orationes sunt, quas fundit sacerdos in cõsecratiõe Eucharistię ad fractionem corporis Dñi, videlicet quandò particulã quandam sacerdos in calicē ponit. Postulationes sunt benedictiões Episcopales, quas dicit Episcopus super populũ, inuocans nomē Dñi Dei super illum. Quod tractũ est ex veteri testamēto. Per Moysen nanq; dixit Dñs sacerdotibus: Inuocabitis nomē meum super filios Israel, & ego benedicam eis. Gratiarũ actiones sunt laudes, quas, cõmunicato

Haymo  
in cõm.

I po.

populo, refert sacerdos Deo patri, qui dignatus est mysteria corporis & sanguinis filij sui dare eis in salutem & redemptionem.

Strab. in  
Glos. ord.  
Anselm<sup>9</sup>  
in cōm.

QV AE ipsa verba citantur à Strabo in Glossa Ordinaria.

D. Anselmus denique: Ordo Missae in his verbis ostenditur, ut obsecrationes sint, quas facimus in celebratione sacramentorum, commemoratione sacrorum, antequam illud quod est in Dñi nostri mensa, incipiat benedici. Oratioes verò, quum benedicatur & sanctificatur, & ad distribuendum comminuitur. Postulationes aut, cum populus ab episcopo benedicatur. Postulationes em quasi ex debito petiuit, velut cum quadam fiducia vel adnifu. Sic postulatio ubi fit cum fiducia: ut quod geritur, in aeterna vita perficiatur. Quibus perfectis, & participato toto sacramento, gratiarum actio cuncta concludit.

### ALTARE APOSTOLIS IN VSV FVIT

#### OBLATIONIS TEMPORE.

Heb. 13.

**H**ABEMVS (inquit D. Paulus Apostolus) *θυσιαστήριον*, id est, altare, de quo edere non habent facultatem qui tabernaculo deseruiunt.

Chrysost.  
hō. 33. in  
Epist. ad  
Hebr.

**S**UPER quo loco D. Chrysost. Non enim (inquit) qualia sunt apud Iudaeos, talia etiam nostra sunt, ita ut nec Pontifici liceat istorum participem fieri.

**E**T non multo post: Deinde aufert à figuris sacrificium, & ad principalem formam sermonem suum redigit, dicens: Quorum enim animalium sanguis &c. Illa itaq; typus erant istorum. Intueris igitur, quoniam sanguinem participamus, qui infertur in sancta? sancta, inquam, veracia? Nos igitur veritatem participamus.

Theoph.  
in cōm.

**E**T explicatiùs Theophylactus: Nos (inquit) observationem habemus, verum haud eam quae fit in huiusmodi cibis, sed super altari, siue incruenta hostia viuifici corporis. Huius enim ut sint participes, ne Pontificibus quidem legalibus permittitur tantisper dum tabernaculo seruiunt, hoc est, legalibus umbris & figuris, quae transeunt

ac.



ac dissoluuntur. tale quiddam enim tabernaculum erat vel mundo huic, perindè ac legalium victimarum ac sacrificiorum vulgus, vt indignum, haud erat particeps.

Ac paulopòst: At nostri sacrificij ne legis quidè Pontifices confortes esse possint: siquidem nostri sacri, illæ oblatiões typi erant.

OECUMEN. quoq;: Hic ergò est sanguis, qui per pontificem, qui apud nos est, super nostrum offertur altare: idcirco fas nò est, Pontificibus Iudæorum, ex hoc altari edere. Occum. in com.

ET Haymo, sicut & Primasius: Altare autem illud Iudæorum quod fiebat extra castra, vbi consumebantur carnes, altare Ecclesiæ est, vbi quotidie consecratur corpus Christi. Habemus ergò altare Ecclesiæ, vbi consecratur corpus Dominicum, de quo nò habent potestatem edere, qui tabernaculo corporis sui deseruiunt, fornicatores videlicet, adulteri, ebriosi, & immundi. Primasius et Haymo in com.

ANSELMVS deniq;: Altare verò, vbi extra castra crematus est Christus, altare est Ecclesiæ, vbi cōsecrat corp⁹ ei⁹: de quo nò habet potestare edere, qui deseruiunt tabernaculo, id est, vmbre veritatis. Anselm. in com.

APOSTOLORVM certè canones id conuincunt quod proposuimus: Si quis (inquiunt) Episcopus aut presbyter præter ordinationem Dñi alia quædam offerat in sacrificio ἐπὶ τὸ θυσιαστήριον, id est, supra altare &c. vt suprà. Apost. Canon. 3.

ET rursus: Offerri non liceat aliquid ad altare, præter nouas species & vvas, & oleū ad luminaria, & thymiama siue incensum tempore quo oblatio celebratur. Apost. cā. idē, seu 4.

Ac denuò: Si quis presbyter cōtemnēs Episcopū suum, seorsum collegerit, & altare aliud erexerit, (χαρὶς συναγάγη, καὶ θυσιαστήριον ἕτερον πύξει) nihil habens, quo repræhēdat Episcopum in causâ pietatis & iustitiæ, deponatur, quasi principatūs amator existens. Est enim tyrannus, & cæteri clerici quicunq; tali consenserunt. Apost. Can. 30.

SIMILITER D. Andreas Apostolus, iuxta quod describūt presbyteri & Diaconi Achaïæ: Omnipotenti Deo, qui vnus & verus est, Andreas Aposto. lus in vi. ta sua.

est, ego omni die sacrifico, non thuris fumum, nec taurorum mugientium carnes, nec hircorū sanguinem: sed immaculatum agnū quotidie in altari crucis sacrifico: cuius carnes posteaquā omnis populus credentium māducauerit, & eius sanguinem biberit, agnus qui sacrificatus est, integer perseverat & viuus: & cū verē sacrificatus sit, & verē carnes eius manducatæ sint à populo, & verē sanguis eius sit haustus, tamen integer permanet, & immaculatus, & viuus.

Iacob. in  
Liturg.

ET D. Iacobus frater Domini, dum initio Liturgiæ orationem collocat, quum Sacerdos assistit altari, & quod infra citatur. Neque

Clem. Rō.  
Epist. 2. ad  
fratrem  
Domini.

verò dissentit D. Clemens, dicens se id à D. Petro accepisse: Altaris (inquit) palla, candelabrū, &c. Ac rursūm: Pallæ altaris solæ lauentur &c. sicut infra latiūs.

Amb. cō.  
ad cap. 10.  
Epist. 1.  
ad Cor.

ET D. Ambrosius super illud Apostoli: Non potestis mensæ Domini participes esse, & mensæ dæmoniorum. Quia (inquit) qui calicem dæmoniorum bibit, calici Domini insultat: & cū mensæ dæmoniorum communicat, mensæ Dñi, id est, altario obstrepat, & Domini corpus crucifigit.

#### ETIAM LUMINARIBVS VSI SVNT

##### APOSTOLI.

Apost. cā.  
3. sen. 4.

TESTATUR id Canon Apostolorum suprā citatus: Offerri (inquiunt) nō liceat aliquid ad altare præter nouas spicas & vuas & oleum εἰς τὴν λυχνίαν, i. ad luminaria seu lucernas &c.

Apost.  
Can. 70.

Et alter Canō, qui idipsum interdicit fieri ad sacra gētiliū. Si quis (inquiunt) Christianus oleū ad sacra gētiliū, aut ad Synagogas Iudæorum in festis eorum detulerit, aut λύχνου, id est, lucernas incenderit, à communione excluditor.

Apost.  
Can. 71.

RURSUS alius Canon: Si quis clericus aut laicus ceram aut oleū ex sacra furripiat Ecclesia, à communione seiungitor.

Clē. Rō.  
epist. 2. ad  
fratrem  
Domini.

EODEM pertinet quod habet D. Clemens Romanus, de candelabro, loco suprā & infra citato.

IN-



INCENSO QVOQVE SIVE THY-  
MIAMATE SVNT VSI.

**H**OC quoquē supradictus canon cōvincit: Offerri (inquiūt) Apost. cas  
no. 3. siue  
4.  
non liceat aliquid ad altare, præter nouas spicas, & vvas, &  
oleum ad luminaria & θυμίαμα.

**E**ODEM pertinet D. Iacobi fratris Domini oratio, cū incen- Iac. in  
Missa.  
ditur thus in ingressu & principio Liturgiæ: Domine Iesu Christe  
Dei sermo, qui tua sponte te Deo ac Patri victimam irreprehē-  
sam in cruce obtulisti, duplicis ille naturæ carbunculus, qui forcipe  
labia prophetæ attigisti, & eius peccata abstulisti, tange & nostros,  
qui peccatores sumus, sensus, ac nos purga omni macula, purosque  
nos siste sancto altari tuo, vt tibi laudis sacrificium offeramus: &  
præsentem hunc ex nobis inutilibus seruis tuis suffitum recipe in  
odorem suauitatis, fœtoremque animæ & corporis nostri fragrantem  
redde, ac vi illa spiritus tui sanctificante nos sanctifica: solus enim  
tu sanctus es, qui sanctificas, & sanctificaris, fidelibusque in marti-  
ris, quem vnà cum æterno patre tuo, ac modis omnibus sancto, bo-  
no & viuifico spiritu tuo, gloria decet nunc, & semper, & in secula  
seculorum, Amen.

**E**T secunda oratio, Postquàm dixit Diaconus: Dominum rur-  
sus oremus: Deus (inquit sacerdos) qui admisisti Abelis dona, Noë  
& Abrahami sacrificium, Aaronis & Zachariæ thymiamata: accipe,  
queso, de manibus nostris, qui sumus peccatores, thus hoc, quod  
tibi adolemus in odorem suauitatis, nostrorumque peccatorum re-  
missionem, ac totius populi tui: quia benedictus es, & te gloria de-  
cet patrem, & filium, & spiritum sanctum, nunc & semper.

DIACONORVM MINISTERIO IN  
SACRIFICIIS VTEBANTVR  
APOSTOLI.

I 3

Si quis

Apost. ca.  
no 8. leu  
9.

**S**I quis (inquiunt Apostolorum Canones) Episcopus aut presbyter, aut Diaconus, aut quicumque ex sacerdotali consortio, oblatione facta, non communicauerit, causam dicito &c.

Apost. ca.  
no. 27. leu  
29.

**E**t rursùm: Si quis Episcopus aut Presbyter aut Diaconus ob certa crimina iuste depositus, attingere λειτουργίαν dudum sibi commissam præsumpserit, hic ab Ecclesia absconditor.

Iacob. in  
Liturg.  
Clē. const.  
Apost. l. 2  
c. 63. & li.  
8. cap. 8. &  
sequen.  
Ignatius  
Epist. ad  
Trallian.

**D**IACONI etiam varia officia videre est in Liturgijs D. Iacobi & Clementis Romani, quæ partim illic, partim infra catholicus lector requirat.

**D.** Ignatius etiam his consentit: Quid (inquit) Diaconi sunt, nisi imitatores Christi, ministrantes Episcopo, sicut Christus patri, & operantes illi operationem mundam & immaculatam? Quomodo sanctus Stephanus beatissimo Iacobo, & Timotheus & Linus Paulus, & Anacletus & Clemens Petro. Qui igitur istis inobediens fuerit, hic sine Deo omnino erit, & impius, & contemnens Christum, & ordinationem ipsius minorans.

Item ad  
Heron.

**A**c ad Heronem Diaconum: Sine Episcopo nihil agas: sacerdotes enim sunt, tu verò minister sacerdotum. Illi enim baptizant, sacerdotium agunt, ordinant, manus imponunt: tu verò eis ministras, sicut sanctus Stephanus Iacobo, & cæteris presbyteris in Hierosolymis.

Hieron.  
epist. ad  
Euagr.  
Tom. 2.

**I**TEM Hieron. epistola ad Euangelum: (sic enim habent MS. cod. pro, Euagrium) Et ut sciamus (inquit) traditiones Apostolicas sumptas de veteri testamento: quod Aaron & filij eius atque Leuitæ in templo fuerunt, hoc sibi episcopi & presbyteri ac Diaconi vendicent in ecclesia.

Isidor. de  
Dei offic.  
li. 2. c. 8.

**I**SIDORVS denique: Leuitæ ex nomine authoris vocati: de Leui enim Leuitæ exorti sunt, à quibus in templo Dei mystici sacramenti ministeria explebatur. Hi Græcè Diaconi, Latinè ministri dicuntur: Quia sicut in sacerdote cōsecratio, ita in Diacono ministerij dispensatio habetur. Idem c. 8. lib. 2. de offic. ecclesiasticis, inquit:



quit: Diaconorum ordo à tribu Leui accepit exordium. Præcepit enim dominus Moyſi, vt poſt ordinationem Aaron ſacerdotis & filiorum eius, rursus Leui tribus in diuini cultus miniſterijs ordinaretur, & conſecraretur domino pro omnibus primogenitis, & ſeruiret pro Iſrael coram Aaron & filijs eius in tabernaculo dñi, excubans in templo die ac nocte, ipſiq; geſtarèt arcã & tabernaculũ, & omnia vaſa eius, & in circuitu tabernaculi caſtra ipſi conſtituerent, in promouendo tabernaculũ deponerent, rursus ipſi cõpõnerent. A viginti quinque annis & ſuprà in tabernaculo ſeruire mādātum eſt. Quam regulam conſtituerunt ſancti patres in nouo teſtamento. In Euangelio aut primordia eorũ in actibus Apoſtolorum ita leguntur: Conuocantes aut duodecim Apoſtoli multitudinem Act. 6. diſcipulorum &c. Ex hinc iam decreuerunt Apoſtoli vel ſucceſſores Apoſtolorũ, vt per omnes Eccleſias ſeptem diaconi, qui ſublimiore gradu eſſent cæteris, circa aram Chriſti, quaſi columnę altaris aſiſterent, & non ſine aliquo ſeptenarij numeri myſterio.

CANTVS ITEM HYMNORVM ET  
PSALMORVM APOSTOLIS NON  
INVSITATVS.

**H**VC illud in primis pertinet, quod de Chriſto & Apoſtoliſ Matt. 26.  
poſt cœnam ſacram referunt Euāgeliftæ: Et hymno dicto, Marc. 14,  
exierunt in montem Oliueti.

ITA em̃ diſertis verbis interpretatur eũ locũ D. Chryſoſt. ver- Chryſoſt.  
bis ſuprà citatis: Cõſidera, inq̃t, quũ ſacras illas cœnas Apoſtoli acci- hom. 27.  
piebāt, qd tũ faciebāt? Nõne in preces cõuertebātur & hymnos? &c. in epiſt. 1.

ET alibi: Gratias agit, poſteaquã dedit, & hymnum cecinit, vt Idẽ hom.  
nos quoquẽ ſimiliter faciamus. 83. in Mat.

Ac D. Hilarius: Conſummatis (inquit) vniuerſis diuinorum Hilar. in  
myſteriorum virtutibus, gaudio & exultatione communi in cœle- Matt. ca.  
ſtem gloriam efferuntur. no. 30.

POR-

1. Cor. 14.

PORRÒ etiam illud D. Apostoli huc pertinet: Psallam spiritu, psallam & mente. Ac, Cùm conuenitis, vnusquisque vestrùm Psallum habet &c. Et super hunc locum veterum commentarij.

Ephes. 5.

ILLVD quoquè: Implemini Spiritu sancto, loquētes vobismet-  
ipsis in Psalmis, hymnis & canticis spiritualibus, cantantes & psallē-  
tes in cordibus vestris Domino, gratias agentes semper pro omni-  
bus in nomine Domini nostri Iesu Christi Deo & patri.

Colof. 3.

Can. 1.

AC illud: Docentes & commonentes vosmetipsos in Psalmis &  
hymnis & canticis spiritualibus in gratia, cantantes in cordibus ve-  
stris Deo.

Conc. To-  
let. 4. ca-  
no. 12.

COMMENTARIOS veterum super his locis compendij gra-  
tia præmittimus. Vnicum locum ex Concilio Tolet. 4. adjici-  
mus: De hymnis (inquiunt) canendis, & Saluatoris & Apostolorum  
habemus exemplum. Nam & ipse Dominus hymnum dixisse per-  
hibetur, Matthæo Euangelista testante: Et hymno dicto, exiērunt  
foràs. Et Apostolus Paulus ad Ephesios scribit, dicens: Impleamini  
Spiritu sancto &c. vt suprà.

Euse. hist.  
eccl. l. 5. c.  
28.

Niceph.

EODEM pertinet illud cuiusdam scriptoris incerti contra Ar-  
temonem hæreticum apud Eusebium & Niceph. Sed & Psalmi vel  
cantica quæ à fidelibus ab initio scripta sunt: verbū Dei esse Chri-  
stum & Deum, tota hymnorum suorum laude concelebrant.

ETIAM SCRIPTVRARVM LECTIO  
APOSTOLIS INITIO SACRI-  
FICII VSITATA.

Apost. ca-  
no. 10.

Iacob. in  
Liturg.

QUICVNQVE (inquiunt Apostoli) fideles Ecclesiam  
ingrediuntur, & scripturas audiunt, &c. vt infrà.

DEINDE (inquit D. Iacobus frater Domini) leguntur fusissimè  
oracula sacra veteris testamenti & Prophetarum, & filij Dei incar-  
natio demonstratur, passio, resurrectio ex mortuis, ascensus in cæ-  
lum,



lum, secundus præterea aduentus eius cum gloria. Atq; id fit singulis diebus in sacra & diuina Missa.

ET D. Clemens: Post verò lectionem legis & prophetarū, Epistolarum (nomine Apostolorum loquitur) nostrarum, Actuum, atque Euangelij, ordinatus salutet Ecclesiam.

Const. A.  
post. l. 8. c.  
4.

EODEM pertinet quod habet Albinus Flaccus: Antea tantum Epistola Pauli recitabatur, & sanctum Euangelium, & sic Missa celebrabatur.

Albin.  
Flacc. de  
diui. offic.

Ac illud Hrabani Mauri: Sedenim (inquit) initio mos iste cantandi non erat, qui nunc in Ecclesia ante sacrificium celebratur: sed \* tamen Epistolæ Pauli recitabantur, & sanctum Euangelium.

Hrab. de  
instit. cle.  
lib. 1. c. 32.  
+ tantum

VERBIS CONSECRATIONIS PENE EIS-  
DEM, QUIBUS NUNC VTI-MUR, CUM ORA-  
TIONE DOMINICA SACRIFICA-  
BANT APOSTOLI.

E A nocte (inquit D. Iacobus) qua tradebatur, vel potius se ipsum tradebat, pro vita & salute mundi.

Iacob. in  
Liturg.

Deinde sacerdos panem manibus accipiens, dicit:

ACCIPIENTS panem in sanctas, immaculatas, inculpabiles, immortales manus suas, in cælum suspiciens, ac tibi Deo & patri ostendens, gratias agens, sanctificans, frangens, dedit nobis discipulis suis & Apostolis, dicens:

Diaconi dicunt:

IN remissionem peccatorum, & in vitam æternam.

Deinde exclamat:

ACCIPITE, comedite: Hoc est corpus meum, quod pro vobis frangitur, & datur in remissionem peccatorum.

Pop. Amen.

Deinde accipit calicem, & dicit:

SIMILITER, postquam cœnauit, accipiens calicem, & permiscens

K

ex vino

ex vino & aqua, & adspiciēs in cælū, ac ostendens tibi Deo & patri; gratias agens, sanctificans, benedicens, implens spiritu sancto, dedit nobis discipulis suis, dicens: Bibite ex hoc omnes. Hic est sanguis meus noui testamenti, qui pro vobis & multis effunditur & datur in remissionem peccatorum.

Popul. Amen.

Sacerdos:

Hoc facite in meā commemorationē: quotiescūq; enim comederitis panem hunc, & hunc calicem biberitis, mortem filij hominis annūciatis, & resurrectionem eius cōfitemini, donēc veniat.

Et postea: Et dignare Domine benigne, vt nos audacter & cōfidenter, inculpatē, puro corde, animo contrito, facie minimē confusa, atq; erubescēte, labijs sanctificatis, audeamus inuocare te sanctum Deum patrem, qui in cælis es, & dicere:

Populus:

PATER noster qui es in cælis, sanctificetur nomen tuum, &c.

Cle. Rom.  
cōst. Apo.  
stol. l. 8, c.  
17.

ITEM D. Clemens: Nam in qua nocte tradebatur, accipiens panem in sanctas & immaculatas manus, & suspiciens in te Deū suū & patrem, frangensq; dedit discipulis, dicēs: Hoc mysterium noui testamenti accipite: ex eo comedite. Hoc est corpus meū, quod pro multis frangitur in remissionem peccatorū. Similiter & calicem miscens ex vino & aqua, & sanctificans, tradidit eis, dicens: Bibite ex eo omnes: Hic est sanguis meus, qui pro multis effunditur in remissionē peccatorum: hoc facite in meā commemorationē. Quotiescunq; enim comederitis panem hunc, & biberitis calicē hunc, mortem meam annuntiabitis donēc veniam.

Alcuin de  
diui. offi.

ITEM Alcuinus: Hoc autem (inquit) quod sequitur: Qui pridie quā pateretur, vsq; In meī memoriam facietis, Apostoli in vsu habuerunt post ascensionem Domini.

Honor. in  
gem. ani.  
l. 1, c. 86.

HONORIVS etiam presbyter Augustod. Missam (inquit) in primis Dn. Iesus sacerdos secundū ordinem Melchisedech instituit,



tuit,quandò ex pane & vino corpus & sanguinem suum fecit,& ob memoriam suâ suis celebrare hoc præcepit. Hanc Apostoli auxerunt,dum super panem & vinum verba quæ Dominus dixit,& Dominicam orationem dixerunt.

ILLUD quoquè quod suprâ ex Vvalafrido Strabo citatum est, super illud Act.20. Vna autem sabbati,&c.

EODEM pertinet illud D. Basilij: Dogmata quæ in Ecclesia prædicantur, quædam habemus è doctrina scripto prodita, quædam rursus ex Apostolorum traditione, in mysterio, id est, in occulto tradita, recepimus. Quorum vtraque parem vim habent ad pietatem, nec his quisquam contradicit, quisquis sanè vel tenuiter expertus est, quæ sint iura ecclesiastica. Nam si consuetudines quæ scripto proditæ non sunt, tanquàm haud multum habentes momenti, conemur rejicere, imprudentes & ea damnabimus quæ in Euangelio necessaria ad salutem habètur, immò potius ipsam fidei prædicationem ad nudum nomen contrahemus.

Basil. de  
Spir. sanc.  
c. 27.

CVIUS rei exempla proferens: Inuocationis (inquit) verba, quum ostenditur panis Eucharistiæ & poculum benedictionis, quis sanctorum in scripto nobis reliquit? Nec enim his contenti sumus, quæ commemorat Apostolus, aut Euangelium, verum alia quoquè & antè & post dicimus, tanquàm multum habentia momenti ad mysterium, quæ ex traditione citra scriptum accepimus.

LAT è hoc quoquè deducit Innocentius 3. Epist. ad Ioannem Archiepiscopum Lugdunensem, in hæc verba: Quæsiuisti quæ sit forma verborum, quam ipse Christus expressit, quum in corpus & sanguinè suum panem transubstantiauit & vinum, & quisnam (nam has voces hic desiderari censeo aut similes) illud in canone Missæ quo Ecclesia vitur generalis, adiecerit, quod nullus Euangelistarum legit expressisse. Cum enim in Euangelio sic legat: Accipies calicem, gratias ages, benedixit, & dedit discipulis suis, dicēs, Bibite ex hoc oēs.

De celebr.  
Missarum  
c. cū Mar-  
thæ.

Matt. 26.

K 2

Hic

Hic est enim sanguis meus noui testamenti, qui pro vobis & multis effundetur in remissionem peccatorum: in canone Missæ, sermo iste: videlicet, mysterium fidei, verbis ipsis interpositus inuenitur. Vnde quum non Euangelista Christum hoc dixisse testetur, miraris quod aliquis asseuerare tentauerit eum aliquid plus dixisse, quam aliquis Euangelistarum asseueret. Verum si formam ipsius canonis inspicias diligenter, præter hoc de quo tua fraternitas requisit, alia duo, videlicet, eleuatis oculis in cælum: \* & æterni testamenti: poteris in ipso canone reperire, quæ in textu Euangelico non leguntur. Sanè multa tam de verbis, quam de factis Dominicis, inuenimus ab Euangelistis omissa, quæ Apostoli vel suppleuisse verbo, vel facto expressisse leguntur. Paulus enim in Actibus Apostolorum sic ait:

Act. 20. Meminisse nos oportet verbi Domini Iesu, qui dixit: Beatius est dare, quam accipere. Hoc nullus quatuor Euangelistarum descripsit. Nullus etiam horum expressit, quod Paulus de Christo ad Corinthios scribens, ait:

1. Cor. 15. Visus est plus quam quingentis fratribus simul, deinde visus est Iacobo, nouissimè autem omnium tanquam abortiuo visus est & mihi. Ipsi autem Euangelistæ mutuò inter se suppleuisse leguntur, quæ ab eorum aliquo vel aliquibus sunt omissa: vnde cum tres Euangelistæ posuerint, Hoc est corpus meum: solus Lucas adiecit, quod pro vobis tradetur. & cum Matthæus & Marcus dicant, pro multis: Lucas dicit, pro vobis. Matthæus autem, in remissionem peccatorum, adiunxit.

Luc. 22.  
Matt. 26.  
Marc. 14.

Radulph.  
Tung. de  
can. obs.  
seru. c. ult.  
Guil. Dur.  
rant. in  
rat. diuin.  
l. 4. c. 1.

Cum planè similia habet idem Innocentius. 3. lib. 4. de sacrificiis, alt. c. 4.  
RADVLPHVM Tungrensem & Guilielmum Durantum, tum quod recentiores sint, tum prolixitatis vitandæ gratia, prætermittimus.

AB APOSTOLIS SANCITVM, VT IN  
SACRIFICIIS DEFVNCTORVM AGA-  
TVR COMMÉMORATIO.

FACIT



**F**ACIT huc inprimis, quod in D. Iacobi fratris Domini Liturgia pronunciat Diaconus: Vt patres & fratres nostri qui antè obièrunt, in pace requiescant, Dominum oremus: Item quod sacerdos: Vt de manu Apostolorum tuorum verum hunc cultum accepisti, ità quoquè è manibus nostris, qui peccatores sumus, recipi munera hæc proposita per tuam benignitatem: & fac, vt oblatio nostra grata & acceptabilis sit, per spiritum sanctum sanctificata, in propitiationem peccatorum nostrorum, & eorum, quæ populus per ignorantiam, admisit, & in requiem animarum eorum, qui ante nos dormiunt, vt & nos abiecti, & peccatores, & indigni serui tui, digni habiti, qui sine dolo ministremus sancto altari tuo.

ET oratio illa: Memento Domine Deus noster, spirituum & vniuersæ carnis, quorum memoriam egimus, Orthodoxorum ac rectè de fide sentientium, ab Abel iusto vsque ad hodiernum diem: Fac eos requiescere in regione viuientium, in regno tuo in delicijs paradisi, in sinu Abrahæ, Isaac & Iacob, sanctorum patrū nostrorū, vnde exulat dolor, tristitia, & gemitus: vbì præsidet lumen vultūs tui, & perpetuè refulget.

ITEM illud D. Clementis Romani: De ijs autem qui quiescunt in Christo, postquàm Diaconus absoluit orationem, nè idem repetamus, hæc addet: Pro quiescentibus in Christo, fratres nostri, rogemus, vt benignus Deus qui ipsius animam suscepit, dimittat ei omne delictum voluntarium & inuoluntarium: Et propitius illi factus, collocet eum in regiõe piorum & beatorum, in sinu Abrahæ, Isaac, & Iacob, cum omnibus qui à seculo placuerunt ei, & fecerunt voluntatem ipsius, vnde abest dolor, tristitia & suspirium.

Clē. Rom.  
Cō. Apo.  
l. 8. ca. 47.

AC quod habet in Liturgia Apostolica: Pro ijs qui in fide quiescunt, oremus.

Ibidem l.  
8. cap. 19.

DISERTIS certè verbis hoc testatur D. Athanas. loco citato à Damasceno serm. pro defunctis: Si quis (inquit) diem suum ob-

Athanas.  
ser. in eos  
qui obdor  
miunt.

K 3

iērit,

ierit, licet in aëre deponatur inhumatus, nè omiseris ceram & oleū, inuocato Christo Deo, ad sepulcrum accēdere: Accepta enim Deo sunt, plurimamque secum referunt retributionem. Oleum enim & cera, holocaustum est: incruentæ aut hostiæ oblatio, propitiatio est. Quod verò in pauperes collocatur beneficium, omnis bonæ retributionis augmentum. Itaq; pro defuncto oblaturus, eundem feruet scopum, quem qui pro paruulo filio, adhuc imbecillo & infante. Interim enim dum puer egrotat, affert ceram, oleum, & thymiam in templum Domini magna fide, & accendit pueri nomine. Neque enim puer hoc faceret, vel posset, cum ignoret diuinæ regenerationis constitutiones. Sic cogitet etiam eum, qui in Domino mortem obiit, & posse & afferre ceram, oleum, & cætera, quæ in redemptionem offerri solent. Quod si hac ratione & fide obtulerit, eius gratia non vndiquaque diuina gratia priuabitur. Apostoli enim Dei prædicatores & magistri, sacrificiorum curatores, alijque patres sacro afflati numine, vt participes virtutis animum excedere facientis, secundum quod fas erat, & acceptum Deo, diuino ore annunciârunt, operationes sacras & preces & psalmos annu- uersâriasque defunctorum memorias, & quæcunque vsque in hodiernum diem gratia benignissimi Dei augentur, incrementumque accipiunt, ab ortu solis vsque ad occasum, & à septentrione & meridie, in gloriam & laudem Dei domini dominorum, & regis regnantium.

Gre. Nyss.  
apud Damas.  
masc.

ET D. Gregorius Nyssenus loco ab eo citato: Nihil absque ratione & vtilitate à prædicatoribus & discipulis Christi traditum, & in omnibus Ecclesijs prædicatum. Res aut modis omnibus utilis & Deo inprimis grata, in diuinis præclarisque sacris operationibus, eorum qui in recta fide decesserunt, manifestam facere memoriam.

Chrys. hō.  
3. in Epist.  
ad Philip.

D. item Chrysostomus: Non frustra ab Apostolis sancitum est, vt in celebratione venerandorum mysteriorum, memoria fiat eorum

rum



rum qui hinc discesserunt. Nouerunt illis multum hinc emolumenti fieri, multum utilitatis. Stante siquidem vniuerso populo, manus in caelos extendente, cœtu item sacerdotali, verendoque posito sacrificio, quomodò Deum non placaremus pro istis orantes?

Ac iisdem penè verbis alibi: Non temerè ab Apostolis hæc sancta fuerunt, vt in tremendis mysterijs defunctorum agatur commemoratio. Sciunt enim illis indè multum cōtingere lucrum, vtilitatem multam. Cùm enim totus constiterit populus, Sacerdotalis plenitudo, & tremendū proponatur sacrificium, quomodò deū non exorabimus pro his deprecantes?

D. quoquè Isidorus: Sacrificium pro fidelium defunctorum requie offerre, vel pro eis orare, quia per totum hoc orbem custoditur, credimus quòd ab ipsis Apostolis traditum sit. Hoc enim Catholica tenet Ecclesia, quæ nisi crederet, fidelibus defunctis dimitti peccata, non pro eorum spiritibus vel eleemosynam faceret, vel Deo sacrificium offerret. Nam cùm Dominus dicat: Qui peccauerit in spiritum sanctum, non remittetur ei, neque in hoc seculo, neque in futuro: demonstrat quibusdam illic dimittenda peccata, & quodam purgatorio igne purganda.

D A M A S C E N V S etiam: Diui autem Apostoli discipuli Saluatoris, qui totum mundi circulum cepere viuum prædicando verbum, quod suis oculis viderant, in tremendis & impolutis vitalibusque sacramentis, memoriam eorum qui fideliter obdormierunt, habendam edixerunt. Quod adhuc firmiter atque ad eò sine contradictione obseruat Apostolica & Catholica Ecclesia C H R I S T I & Dei, à finibus vsque ad fines terræ, ab eoque tempore vsque ad præsens, & in finem mundi vsque. Omnino hoc neque variè, neque absurdè, neque temerè fortuito ve ordinatum est. Quæ enim C H R I S T I A N A religio erroris nescia suscipit, & in tot secula seruat inconcussa, minimè

vana

Isidor. l. i.  
de offic.  
Eccl. c. 18.

Matt. 12,

Damasc.  
serm. de  
defunctis.

vana sunt, sed vtilia, DEO placita, salutique nostrae conducibilia plurimùm.

Mrab. l. 2. H R A B A N V S denique verbis citatis ex Isidoro desumptis:  
de instit. Sacrificium pro defunctorum fidelium requie offerre vel pro eis  
cler. c. 44. orare &c. vt suprà.

## LITVRGIA D. PETRI APO- STOLI, PRIMI ROMANI PONTIFICIS.

Frà. Turr.  
Dogm.  
charact.  
libr. 3.

**P**ETRVS (inquit Franciscus Turrianus) Romæ Missam composuit, quæ omnium breuissima. In causa fuit, (vt apud quendam Simeonem Græcum Authorem notatum reperi) quòd longam moram in templo facere non esset tunc tutum, propter Christianæ gentis hostes, quibus illa vrbs Babylon magna maxime abundabat. Hæc quoque extat scripta Græcè, quæ tota est Latinè translata.

QVANDO QV IDEM autem nunc hæc D. Petri Missa ad manum non sit, quæ de illa ex ipsius ore describit D. Clemens Romanus, in medium adferemus.

### MODVS CELEBRANDORVM MYSTERIORVM A B. PETRO ACCEPTVS.

Clæ. Rõ.  
Epist. 2.  
ad fratrem  
Domini.

**S**ICVT (inquit) à B. Petro Apostolo accepimus omnium Apostolorum patre, qui clauis regni cælestis accepit, qualiter tenere debemus de sacramentis, quæ geruntur in sanctis, te ex ordine nos decet instruere.

### MINISTRI MYSTERIORVM, ET QVID ILLIS CVRANDVM.

**T**RIBVS enim gradibus commissæ sunt sacramenta diuinorum secretorum, id est, presbytero, Diacono, & ministro.

Reli-



RELIQVIAE FRAGMENTORVM COR-  
PORIS DOMINICI, CVM TIMORE CVSTO-  
DIENDAE AVT CONSVMENDAE.

**Q**VI cum timore & tremore reliquias fragmentorum corporis Dominici custodire debent, nè qua putredo in sacratio inueniatur, nè quum negligenter agitur, portioni corporis Domini grauis inferatur iniuria. Communio enim corporis Domini nostri Iesu Christi si negligenter erogetur, & presbyter minora nõ curet admonere officia, graui anathemate & digna humiliationis plaga feriat. Certè tanta in altario holocausta offerantur, quanta populo sufficere debeant. Quòd si remanserint, in crastinũ non referuẽtur, sed cum timore & tremore, clericorum diligentia consumantur.

Et iterũ: A principio Epistolæ hucusquẽ hunc locum de sacramentis delegaui benè intuendis, vbì non murium stercora inter fragmenta Dominicæ portionis appareant, neque putrida per negligentiam remaneant clericorum: & conuenientes, qui accipere sibi medicinam desiderant, putrida quum viderint, magis cum ridiculo & fastidio videantur accipere, & in peccatum magis decendant per negligentiam clericorum. Quapropter nemo clericorum vltra hæc dissimulet, aut negligere vllatenus audeat: sed libenter, quæ iussa sunt, expleat, & sacramenta diuina nequaquam negligenter contrectet.

Et infra: Tales ad ministerium eligantur clerici, qui dignè possunt Dominica sacramenta tractare. Melius est enim Domini sacerdoti, paucos habere ministros, qui possint dignè opus Dei exercere, quàm multos inutiles, qui onus graue ordinatori adducant.

DE VNIVM MINISTRORVM AN-  
TE ET POST SVMPTIONEM.

L QVI

**Q**VI autem residua corporis Domini, quæ in sacrario relictæ sunt, consumunt, non statim ad communes accipiendos cibos conueniant, nè putent sanctæ portioni commisceri cibum, qui per aqualiculos digestus, in secessum funditur. Si ergò manè Dominica portio editur, vsque ad sextam ieiunèt ministri, qui eam consumpserunt. Et si tertia vel quarta hora acceperint, ieiunèt vsq; ad vespèram. Sic secreta sanctificatione æterna custodienda sunt sacramenta.

## V A S A E T V E S T E S

## S A C R A E.

Ibidem.

**D**E Vasis sanè sacris ità gerendum est. Altaris palla, canthara, (magis em̃ placet hæc lectio, vt referatur ad calicem : quàm alia, quæ legit, Cathedra) candelabrum, & velum, si fuerint vetustate consumpta, incendio dentur: quoniam nõ licet ea, quæ in sanctuario fuerint, malè tractari, sed incendio vniuersa tradantur. Cineres quoquæ eorum baptisterio inferantur, vbì nullus transitum habeat, aut in pariete, aut in fossis pauimentorum iacentur, nè introeuntium pedibus inquinentur. Nemo per ignorantiam clericus palla mortuum credat obuoluendum, aut Diaconus ea scapulas operire velit, q̃ fuit in altari, aut certè quæ data est in mensam Domini. Qui hæc fecerit, vel leuiter quasi nihil & negligenter habuerit diuina mysteria, Diaconus triennio, sexq; mēsis à Dominico alienus erit altari, graui percussus anathemate. Quòd si clericum Presbyter non commonuerit, decem annis & quinq; mēsis excommunicatus sit, proptereà quòd de Dñicis sacramētis subiecta sibi nõ commonuerit ministeria, & postea cum grandi humilitate matri reconcilietur ecclesiæ. Pallas verò & vela, quæ in sanctuarij fordidata fuerint ministerio, Diaconi cum humilibus ministris iuxta sacrarium lauent, non eiicientes foràs à sacrario velamina Dominicæ mensæ, nè fortè puluis Domini corporis malè deciderat à



dat à sindone foris abluta, & erit hæc operati peccatū: idcirco, intra sacrarium ministris præcipimus, hæc sancta cum diligentia custodire. Sanè peluis noua comparetur, & præter hoc nihil aliud tangat. Sed nec ipsa peluis velis apponatur lauandis, nisi quæ ad Domini altaris cultum pertinent. Pallē altaris solē in ea lauentur, & in alia, vela ianuarum. De velis autem ianuarum cura sit ostiarijs ex admonitione maiorum, nè quis negligens aut ignarus, ad velum ianuę domūs dñi manus inconditè tergat, sed statim coërcitus, discat omnis homo, quia velum atrij domūs dñi sanctum est.

A c infra: Si fortè quispiam Presbyter, siue diaconus, sacrarij sindonem vel velum subtracta vendiderit, Iudę Iscariotis similis estimabitur. Qui propter cupiditatem fecerit hoc opus, nouerit se suprà dicti Iudę suscepturum pœnam.

FRAGMENTA OBLATIONVM DOMINI,  
LAICIS NON COMMUNICANDA.

PRÆCIPIMVS etiam, nè extero seu excommunicato Ecclesię siue Laico, de fragmentis oblationum Domini ponatur ad mensam. Vndè scis tu, qui passim sacrarij panes indignis impendis, vndè nôsti, si à mulieribus mundi sunt hi, quibus impendis? Hinc & Dauid, ab Abimelech sacerdote interrogatus, quum panes sibi ad comedendū posceret, si mūdus esset à muliere, quum se mūdum ante triduū profiteretur, panes propositionis manducauit. 1. Reg. 21.

ET rursū m: Calicem verò, ad perferendū sanguinem Dñi, præparatū cum tota mūditiā ministerij, minister præparet, nè non bene lotus calix, Diacono peccatum fiat offerenti.

MINISTRI ALTARIS ETIAM PROPRIAS VXORES NON NOVERINT.

AD Dñica autē mysteria tales eligantur, qui ante ordinatiōem suam cōiuges suas nō nouerint. Quòd si post ordinatiōem,

L 2 mi-

ministro altaris contigerit proprium inuadere cubile vxoris, sacrarij non intret limina, nec sacrificij portitor fiat, nec altare contingat, nec ab offerentibus holocausti oblationem suscipiat, nec ad Dominici corporis portationem accedat, nec aquam sacerdotibus porrigat ad manus: sed ostia forinsecus claudat, minora gerat officia, vrceum siue calicem ad altare nō sufferat.

CAETERARVM QVOQVE MVLIERV  
CONSORTIA DEVITENT.

Ibidem.

CLERICVS verò solus ad fœminæ tabernaculum non accedat, nec properet sine maioris natu principis iussione. Nec presbyter solus cum sola adiungatur, sed duobus adductis testibus, visitet infirmam. Nec solus cum sola fœmina fabulas misceat. Nec Archidiaconus, aut Diaconus, sub prætextu officij humilitatis, frequentet domicilia matronarum, aut fortè per clericos, aut domesticos eius, matronę mandent secreti aliquid. Si cognitum fuerit, & ille deponatur, & illa à liminibus arceatur ecclesiæ. Sed si fortè aliqua intercessio fuerit, episcopo suggeratur. Et si talis est, ad quam debeat ire pio interuentu, ipse pergat: Sin autem, de latere suo dirigat, cum duobus aut tribus, qui hoc sanare debeant. Sanè ad visitandam mulierem infirmam nullus clericus ingrediatur, nisi cū duobus aut tribus. Nemo tamen clericorum cum extranea habitet fœmina, nisi proxima aut soror fuerit. Et hoc cum magna sollicitudine fiat. Non ignoramus malitias satanæ.

ECCLESIARVM ET SACERDOTVM  
CONSECRATIO.

Ibidem.

ECCLESIAS per cōgrua & vtilia facite loca, quæ diuinis precibus sacrare oportet, & in singulis sacerdotes, diuinis orationibus Deo dicatos, poni.

Idē epi. 3.

QVONIAM (inquit idem Diuus Clemens) in alijs locis sacrificia.



ficare, & Missas celebrare non licet, nisi in his, in quibus Episcopus proprius iusserit, aut ab Episcopo regulariter ordinato, tenente videlicet ciuitatē, consecratus fuerit. Aliter enim hæc non sunt agenda, nec ritè celebranda, docente nos nouo & veteri testamēto. Hæc Apostoli à Domino acceperunt, & nobis tradiderunt: hæc nos doceamus, vobisq; & omnibus, absq; repræhensione tenere, & docere, quibus agendum est, mandamus. Vnaquæque etenim res, tempus suum habet & locum.

ALIA DE SACRIFICIO A D. PETRO  
CELEBRATO, TESTIMONIA.

CERTE Abdias post Cæsareæ narratâ D. Petri & Simonis Abd. A. post. hist. l. 1. magi disceputationem: Et postquàm (inquit) orauit, & præcepit vt die postera maturiùs conuenirent, sacrificium fecit.

D. Linus etiam cum Abdia, quum iam, nè subiret martyrium Linus de pass. Petr. Romæ, fugere statuisset D. Petrus: Proxima (inquit) nocte, celebrata oratione, valedicens fratribus, & cum benedictione illos Deo commendans, profectus est solus.

QVOd ipsum reperire est apud Egesippum iisdem planè verbis. Egesip. de excid. Hieros. l. 3. c. 2. l. 1. de diuin. offic. c. 15.

D. verò Isidorus disertis verbis: Ordo (inquit) Missæ vel orationum, quibus oblata Deo sacrificia consecrantur, primùm à sancto Petro est institutus, cuius celebrationem vno eodemq; modo vniuersus peragit orbis.

ET Albinus Flaccus Alcuinus: Missam Petrus Apostolus primus omnium Antiochi v' dicitur celebrasse. In qua tres tantummodò orationes in initio fidei proferebantur, incipientes ab eo loco, vbi dicitur: Hanc igitur oblationem. Alcuin de diuin. offic.

AC Vvalafridus Strabus: Romani quidem vsum obseruationũ à beato Petro principe Apostolorum accipientes, suis quique temporibus, quæ congrua iudicata sunt, addiderunt. Quorum morem Vvalafr. Strab. de rebus eccl. c. 22.

L 3      ideò

ideò in sacris rebus tam multæ gentes imitantur, quia & tanti magisterij ex apice Apostolico primordijs clarent, & nulla per orbem Ecclesia, æquè vt Romana, ab omni face hæreseon cunctis retrò temporibus pura permanfit.

Simeon  
Metaphr.  
in vita  
Petri.

QUIBUS consentit & Simeon Metaphrastes: Romæ (inquit) quum quotidie synaxes celebraret Petrus, & vnum DEVM patrem omnipotentem, & vnum Dominum Iesum Christum filium verum de Deo vero, & vnum Spiritum sanctum Dominum & viuificum, in synagogis & domi doceret, attraxit multos ad fidem in Christum.

Hugo de  
S. Viçt. l. 2  
de sacrâ.  
part. 6. c.  
14.  
Mart. Po-  
lonus in  
Chro. an.  
Dom. 36.  
Ibidē an.  
399.

HVG O etiam de S. Victore: Hanc Missam B. Petrus Apostolus &c. ijsdem verbis quibus suprà Alcuinus.

MARTINVS quoquè Polonus: Antiochię (inquit) Petrus primam Missam celebrauit, dicendo solum modò (præter consecrationis verba) Pater noster.

ET iterum: Quum Syluester (inquit) Pontifex, statuerit vbiquè in Ecclesijs haberi altaria lapidea: in prædicta Ecclesia non erexit altare lapideum, sed ligneum antè habitum stabilivit. Est enim altare, in quo beatus Petrus & alij successores, vsq; ad tempora Syluestri celebrasse dicuntur. Tunc enim sæuiente persecutione, certa non erat in vrbe Episcopalis statio: sed vbicunquè poterant, siue in cryptis, siue in cœmeterijs, & subterraneis, siue in domibus virorū fidelium aut mulierum, Missam celebrabant super illud altare ligneum: quod erat concauum velut arca, habens quatuor circulos in angulis, per quos quatuor presbyteri illud ad locum celebrationis deferebant. Et ob reuerentiam S. Petri & aliorum sanctorum Pontificum, statuit B. Syluester, vt nullus nisi summus Pontifex, super illud celebret: quod vsque hodiè feruatur. Sed super ipsum deposita mensa summus Pontifex celebrat solum: quæ deponitur in cœna Domini, & non reponitur, nisi in Sabbato sancto post baptismum.

GVI.



GVILIELMVS deniquè Durantus: Missam (inquit) instituit Dominus Iesus sacerdos secundum ordinem Melchisedech, quando panem & vinum in corpus & sanguinem suum transmutauit, dicens: Hoc est corpus meum, Hic est sanguis meus: & subiungens, Hoc facite in meam commemorationem. Apostoli autem hanc Missam adauxerunt, dicentes in Missa non solum verba præmissa, verum etiam Dominicam orationem superaddentes. Vnde B. Petrus sic Missam primus dicitur celebrasse in partibus Orientalibus, ubi post Domini passionem quatuor annis cathedram tenuit sacerdotalem. Deinde verò accepit cathedram Antiochiæ, ubi tres orationes ad Missam adiecit.

CAETERVM non D. Petrum solummodò, sed & ceteros omnes Apostolos sacrificasse testatur etiam iam olim D. Epiph. contra Collyridianos, qui D. Mariæ per mulieres sacrificabant: Petrus ite (inquit) & Andreas, Iacobus & Ioannes, Philippus & Bartholomæus, Thomas, Matthæus, & Iacobus Alphæi, & Iudas Iacobi, & Simon Cananæus, & Mathias, qui in complementum duodecim electus est: hi omnes electi sunt Apostoli, sacrificantes per terram Euangelium vnà cum Paulo & Barnaba ac reliquis, & mysteriorum duces cum Iacobo fratre Domini & primo Episcopo Hierosolymorum. A quo Episcopo & prædictis Apostolis, constitutæ sunt successiones Episcoporum & presbyterorum in domo Dei: & nūquam mulier inter hos constituta est. Fuerunt autem (inquit) quatuor filie Philippo Euangelistæ prophetantes, non tamen sacrificantes. Et erat Anna prophetissa filia Phanuelis, sed non sacrificium concreditum habuit.

Si quis plura huc pertinentia desideret, videat quæ scribit Abdias Babylonius de Missis DD. Apostolorum, Andree, Ioannis, Matthæi, & Thomæ: quod habet Beda de Missa D. Ioannis, ac quod habet de *πρωτοῦ* D. Ioannis Polycrates Ephesius apud Eusebium & Nicephorum.

LITURGIA

Guiliel.  
Durant.  
rat. diuin.  
l. 4. c. 1.

Epiph. l. 3.  
Tom. 2.  
hæc. 79.

Abd. hist.  
Apost. l. 3.  
s. 7. & 9.  
Beda hō.  
de fest. 10.  
an. Euāg.  
Euseb. l. 5.  
hist. Eccl.  
c. 24.  
Niceph.  
Eccl. hist.  
l. 4. c. 37.

LITVRGIA D. MARCI EVAN-  
GELISTAE, AQVILEIEN-  
SIVM APOSTOLI.

Frā. Tur.  
dog. cha-  
ract. l. 3.

**M**ISSA M (inquit Franciscus Turrianus) in Ecclesia Ale-  
xandrina Marcus composuit, quæ etiam apud nos Græcè  
extat, quæ est aliquanto breuior Missa Iacobi.

Nos, quandoquidem hæc nondùm extet, quicquid alicubi le-  
gere contigit huc spectans, in medium adferemus.

Sacerdotium D. Marci.

Hieron.  
prol. in  
Marcum.

**I**N PRIMIS autem huc pertinet illud D. Hieronymi: Ampu-  
tasse autem sibi post fidem pollicem Marcus dicitur, ut sacerdotio  
reprobis haberetur. Sed tantum consentiens fidei prædestinata  
potuit electio, ut non sic in opere verbi perderet, quod prius me-  
ruerat in genere. Nam Alexandria Episcopus fuit.

Isid. lib. 1.  
patr. noui  
testam.

**Q**UOD ipsum habet etiam D. Isidorus: Marcus (inquit) Evan-  
gelista, nè ad sacerdotium promoueretur, abscidisse sibi pollicem  
fertur. Primus tamen Alexandria cathedram tenuit.

**H**ACTENVS illi, atquæ quum sacerdotis sit ac Pontificis, (teste  
Apostolo) offerre dona & sacrificia pro peccatis, colligitur hinc, ne-  
cessariò sacrificium celebrasse.

Euseb. Ec-  
cl. hist. l.  
2. c. 16.  
Niceph.  
hist. Eccl.  
l. 2. c. 16.

**E**ODEM spectat, quæ de θεραπεύταις Alexandrinis sub D. Marco  
scribit Philo Iudæus, quippe quum scribat Eusebius Cæsarensis, &  
post eum Nicephorus, euidentissimo illo libro omnia Ecclesiæ  
instituta contineri.

Ecclesiarum erectio.

**P**OST hæc (inquiunt illi) descriptis eorum habitaculis, ut se  
habeat singulorum qualitas & situs, etiam de ecclesijs quæ aquæ  
eos sunt, ita dicit:

Philo lib.  
de vit. cō-  
templ.

**H**ABET (inquit Philo) vnusquisq; sacram ædiculam, *σεμειον*  
siue



siue μονασήριον appellatam, in qua secedentes honestæ sanctæque vitæ *μυσήρια* τελούνται, non cibum, non potum, non aliud quicquam vsui corporis necessarium eò inferentes, sed leges tantum & oracula Prophetarum, & hymnos, & alia huiusmodi: per quæ doctrina simul & pietas augeſcunt, ac perficiuntur. Per sex hebdomadæ dies in dictis monasterijs seorsum morantur singuli, & solitarij secum philosophantur: nec limen exeunt, nec intus abditi per speculam vllam foras prospiciunt. Septimo autem die velut in Collegium congressi, ordine confident pro sua quisque ætate, cum habitu decenti, intrâ quem manus tenent, dexteram inter pectus & mē-tum positam, sinistram reductam ad latus. Tunc prodiens vnus in medium, qui cæteris senior, & dogmatum peritior habetur, mira vultus & vocis grauitate, cum magna item mentis solertia disserit: haud sanè, vt Rhetores vel Sophistæ nostræ tempestatis, dicendi acrimoniam ostentans: sed exactam potiùs vim sententiarum perscrutans atque enucleans, quæ non solum infideat extremis auribus, verumetiam per auditum in animum penetret, ac tenaciter inhæreat. Reliqui omnes cum silentio auscultant, & dictorum commendationem, oculorum vel capitis nutibus dicenti solum significant. Porro commune illud monasterium, in quod septimo quoque die concurrunt, duplicem habet ambitum distinctum, vnum ad virorum, alterum ad mulierum proprios confesius. Nam docentem audiunt vnâ etiam mulieres, vtpotè eiusdem zeli atque instituti consortes. At paries vtrunque dirimens habitaculum, tribus tantum vel quatuor cubitis supra pauimentum instar propugnaculi erectus est. Reliquum spatium ad tectum vsque apertum relinquitur, duabus forsitan de causis: tum vt conueniens naturæ muliebri pudor conseruetur, tum vt ex congrua loci dispositione, facile illæ percipiant vocem differentis, nulla media obstructione præpeditam.

M HYMNO-

Euseb. &  
Niceph.  
locis cita-  
tis.

**H**AEC Philonem (inquiunt Eusebius & Nicephorus) de nostrorum θεραπευτῶν consuetudine referre, quis potest dubitare? Quod si cui adhuc videatur ambiguum, adhibebimus etiam alia eius dicta, quæ nulli omnino, nisi nostris tantummodo cōuenire, etiam infidelissimus quisque fatebitur. Ait ergo: Cum viris autem sunt & fœminæ &c. Quid autem adhuc his opus est, etiam de conuētibus eorum quæ scribit, & ut seorsum quidem viri, seorsum autem in iisdem locis fœminæ congregētur, & ut vigilias sicut apud nos fieri moris est, peragant, & maximè diebus illis, quum passionis Dominicæ solennitas celebratur, quum in ieiunijs pernoctare, & lectionibus sanctis auditum præbere consueuimus. Quæ omnia supradictus vir ex ordine, eaq; consequentia qua apud nos geruntur, expressit.

Phil. l. cit.

**V**BI tandem (inquit Philo) satîs deseruissè videtur Præses, ac feliciter cessissè tam docenti sermo conatibus certis ad scopum perductus, quàm audientibus dictorum intelligētia, plausus fit à cunctis, ad vespèram vsque simul gaudentibus. Tum exurgens vnus, hymnum canit in Dei laudem, vel recens à se factum, vel pridem ab aliquo priuscorum vatum, qui carmina & cantica permulta ipsis reliquerunt trimetri generis. Profodias item & hymnos varios, qui ad libamina, ad aram, in stationibus quoquè & choris cōcinuntur. diuersisq; in choro fiunt conuersionum vicibus, eleganter commensurati. Post illum alij quoquè singulatim canunt, ordinem suum, ac decorum optimè seruantes, cæteris interim magna cum quiete attendentibus, præterquàm ubi ad extremas certas hymni partes accinenda sunt, quæ vocant Ephymnia. Tunc enim omnes simul viri & mulieres pariter exclamant.

SACER-



## SACERDOTVM λειτουργία.

**A**DDIT autem adhuc his, (inquiunt Euseb. & Niceph.) modum præsidendi eorum, quibus Ecclesiastica Liturgiæ commissæ sunt, siue (vt vertit Rufinus) quomodo sacerdotes vel ministri exhibeant officia sua, & summam omnium Episcopalis apicis dignitatem. Hactenus illi. Quod quo loco faciat Philo, non video, nisi verbis sequentibus, vt quandoquidem nondum sacris mysterijs initiatus fuerit Philo, cætera mysteriorum secreta ignorauerit: ea verò sola narret, quæ aut eminens est conspiciendus, vel ex re latu cognouit.

ΙΝ ΟΥΕ (inquit Philo) ob reuerentiam τῆς ἱερᾶς τραπέζης, Philo loc. quæ in ἀγίῳ προνάῳ, id est, anteriore Ecclesiæ parte sita est. In ea cit. enim azymi panes, id est, absq; fermento & sales prorsus inconditi, eo quod decet simplicissima & syncerissima quæque in præstantissimam sacrorum siue sacerdotum partem, velut λειτουργία premium, deputari.

DE LITVRGIA D. MARCI APERTIO-  
RA TESTIMONIA.

**V**TVT autem illa quis intelligat, certè vita ipsius D. Marci à Notarijs, quantum apparet, primitiua Ecclesiæ conscripta, Missam ab eo celebratam docet.

**F**ACTVM est (inquiunt) vt beatissima festiuitas nostra Paschalis, id est, Dominicus dies sanctus, occurreret vicesimo die mensis Parmuthi, quod est octauo Kalendarum Maiarum: quo tempore corum Serapiaca agebatur celebritas. Hac igitur opportunitate adunati, insidiatores protinus dirigunt: qui repperunt eum orationis oblationem diuinæ Maiestati sacratissimam celebrantem.

**I**TEM venerabilis Beda: At postquam constitutis & confirmatis Ecclesijs per Libyam, Marmaricam, Ammonicam, Maij,

M 2 Pen-

Pentapolim, Alexandriam, atque Aegyptum vniuersam, ad vltimū tentus est à paganis, qui remanserant Alexandria, qui videntes eum die sancto Paschæ Missas facientem, miserunt funem in collo eius.

Ado in  
Martyrol.

ET Ado Treurenensis: Qui videntes (inquit) eum die sancto Paschæ Missas facientem, miserunt funem in collo eius, & trahebant eum ad loca Bucolicæ, quæ erant iuxta mare sub rupibus, ubi erat Ecclesia constructa. Et defluebant carnes eius in terram, ac saxa inficiebantur sanguine.

Marian.  
Scot. li. 2.  
histor.  
Anton.  
part. 1. tit.  
6. c. 16.

CITAT quoque ipsa illa verba Bedæ ex eius Martyrologio Marianus Scotus, & iisdem utitur Antoninus in Summa historiali.

## LITVRGIA D. BARNABAE MEDIOLANENSIVM APOSTOLI.

Alexand.  
Monach.  
in vita D.  
Barnabæ.

LITVRGIAE D. Barnabæ in hæc verba meminit Alexander Monachus apud Simeonē Metaphrasten: Hæc quum dixisset Barnabas, vnà cum omnibus Deum orauit, multusq; fletus hominum fuit, eò quòd dixerat, tempus propè esse quo à corpore dissoluendus foret. Ipse verò quum panem & calicem sumpsisset, & diuinæ Liturgiæ ordinem totum compleuisset, vnà cum fratribus particeps factus est Eucharistiæ sacramentorum.

## MYSTERIA CELEBRATA A D. NICOMEDE, ROMANO PRESBYTERO.

Marcel, in  
vita D. Pe-  
tron. & D.  
Nicomede-  
dis M. S.

VENIENS (inquit D. Marcellus Petri discipulus) ad Petronillā S. Nicomedes Presbyter, celebrauit mysteria Christi,  
Virgo



Virgo autem sanctissima, mox vt corporis Christi sacramentū accepit, reclinans se, in lectulo emisit spiritum.

Q V O D ipsum habet ven. Beda in hæc verba: Petronilla tertio die celebratis Dominicæ oblationis mysterijs à S. Nicomede presbytero, mox vt Christi sacramenta percepit, reclinans se, in lectulo emisit spiritum.

Beda in  
Mar. prid.  
Cal. Iunij

E O D E M pertinet illud Martyrologij Romani: Romæ via Numentana natalis Nicomedis presbyteri & martyris, sub Domitiano Imperatore. Qui quum diceret compellentibus se sacrificare: Ego nō sacrifico nisi Deo omnipotenti qui regnat in cælis, plumbatis diutissimè cæsus, migravit ad Dñm.

Martyrol.  
Rom. 17.  
Cal. Octo.

## SOLENNIA CELEBRATA A D. APHRODISIO, I. BITVRIGVM EPISCOPO.

B I T V R I G A S ciuitatem adgressus, (inquit Gregorius Turenensis) salutare omnium Christum populis nunciauit. Ex his ergo pauci admodum credentes clerici ordinati, ritum pfallendi suscipiunt: & qualiter ecclesiam construant, vel omnipotenti Deo solennia celebrare debeant, instituuntur.

Gregor.  
Tur. hist.  
Fræc. li. 1.

## MYSTERIA D. APOLLINARIS, I. RAVENNATENSIVM EPISCOPI, ET INCOLARVM DANVBII, AC DALMATARVM APOSTOLI.

M Y S T E R I A (inquiunt Protonotarij ecclesiæ primitiæ) & baptismata in domo Tribuni, B. Apollinaris agebat cum discipulis suis assidue.

Proton.  
Ecl. pri.  
in vita D.  
Apollin.

M 3 E T

Et postea: Habebat enim Christiani tuguria non longè à muro, ubi mysteria faciebant.

Et denuò: Còtigit aut post multũ temporis, dũ apud Christianos mysteria faceret in suburbano Pyrinæi senatoris, quòd subito feditio orta est.

Petr. Chry  
sol. serm.  
128.

PRO quo etiam facit D. Petrus Chrysologus: Beatus (inquit) Apollinaris primo sacerdotio solus hanc ecclesiam Rauennatem vernaculo atq; inclyto martyrij honore decorauit.

D. SAVINIANI, I. SENONENSIVM  
EPISCOPI, OFFICIUM DIVINI  
SACRAMENTI.

Vita D.  
Sauinia.  
MS. apud  
Guiliel.  
Brugen.

QUVM'QUE his & similibus verborum admonitiõibus hortaretur suos B. Pontifex Sauinianus (vt habetur in eius vita) data benedictione, postquàm diuini sacramenti peregit officium, videns caterua paganorum, quoniam diutiùs moras innecteret, intus cum grandi accedentes strepitu, beatum dignè memoriæ Sauinianũ, simulq; eius discipulũ Victorinũ circumueniunt.

D. CLEMENTIS, I. METENSIVM EPI-  
SCOPI ET BELGARVM APOSTO-  
LI, MISSARVM SOLENNIA.

Anton.  
hist. part.  
1. tit. 6. ca.  
26. 5. 1.

SEQUENTI autem die (inquit Anton.) celebratis Missarum solennijs. & cunctis adstantibus sacra cõmunionem refectis, ad locũ cauernę, sequente omni populo, accessit cũ psalmis & oratiõibus.

D. POTENTIANI, II. SENONENSIVM  
EPISCOPI, QVOTIDIANVM SA-  
CRIFICIUM.

Vita D.  
Potentiani  
MS. apud  
Guilielm.  
Brugen.

VENERABILIS, Potentianus anno elapso à martyrio Sauiniani per Ducem Seuerum, (inquit author vitę ipsius) Duci respondit intrepidus: Nos Deum in cælis habemus, cui quotidie offerimus sacrificium laudis.

LI-



LITVRGIA D. CLEMENTIS,  
ROMANI IIIII. PONTIFI-  
CIS, SEV POTIVS APO-  
STOICA.

DESCRIPTIO ECCLESIAE ET CLERI, ET  
QV D VNVSQVISQVE EX CONGREGATIS CLE-  
RICIS ET LAICIS, IN SYNAXI FACERE DEBEAT.

**Q**VVM Ecclesiam Dei conuocas (inquit D. Clemens) o Epi-  
scope, veluti magnæ naui gubernator, vbi cum omni scie-  
tia cœtus celebrari præcipiens Diaconis, tanquàm nautis, vt dispo-  
nant loca fratribus, tanquàm epibatis, cum omni diligentia & san-  
ctitate. Ac primùm sit longa domus, ad Orientē cōuersa, ex vtraq;  
parte pastophoria habēs ad Oriētem, q̄ naui habeat similitudinē:  
In eius medio sit Episcopi sedes: ad cuius vtrunq; latus consideāt  
presbyteri, & Diaconi assistant succincti & expediti. Hi enim sunt  
ad nautarum & muralium præfectōrū similitudinem. Horum cu-  
ra Laici in altera parte sedeant cum omni quiete & ordine: mulie-  
res quoquē separatim sedeant, silentium seruantes. Medius Lector  
ē loco superiori stans, legat libros Moſis, Iesu Naue, Iudicum, Re-  
gnorum, Paralipomenon, de reſtitu: præterea Iob, Solomonis, sex-  
decim prophetarum, seruata lectionum vicissitudine. Alius David  
hymnos canat, & populus initia versuum concinat. Post hæc, Acta  
nostra, & Epistolas Pauli cooperatoris nostri, quas ad Ecclesias  
misit, secundum institutionem spiritūs sancti. Deindē Diaconus  
vel Presbyter legat Euangelia, quæ ego Matthæus & Ioannes vo-  
bis tradidimus, & cooperatores Pauli Lucas & Marcus accepta vo-  
bis reliquerunt. Ac quum Euangelium legitur, omnes Presbyte-  
ri, Diaconi, & Laici assurgant cū magno silentio: Scriptum est enim:  
Tace, & audi Israel. Et rursū, Tu verò hīc sta, & audies. Deindē  
verò

Clē. Rō.  
cōst. Apo-  
stolicar.  
li. 2. c. 61.

Loquitur  
D. Clemēs  
in perso-  
na Apo-  
stolorum,  
quorum  
Missam  
describit.

verò moneant Presbyteri populum, vt sedeat, sed non omnes: ac postremus omnium Episcopus, qui gubernatori est similis. Maneant autem Ostiarij ad introitus virorum, illos custodiētes: Diaconissa, ad introitus sceminarum, more nauticorum custodum. Nam in tabernaculo testimonij, eadem seruabatur forma cum populo Dei. Si quis inueniatur extra locum sedere, increpetur à Diacono, veluti prœreta, & in suum locum reducatur. Non solum enim nauis, sed etiam mandræ habet Ecclesia similitudinem: nam sicut pastores pecudes, capras (inquam) & oves, secundum genera & ætates separant, & quælibet sui generis similes sequitur: sic in Ecclesia iuniores seorsum sedeant, si fuerit locus, alioquin maneant recti: grandiores natu, ordine sedeant: pueros stantes recipiant eorum patres & matres. Adolescentulæ rursum, si sit locus, seorsum maneant, cæteraque post mulieres stent: nuptæ, & quæ iam liberos habent, seorsum maneant. Virgines & viduæ & anus, primæ omnium vel stent, vel sedeant. Diaconus autem loca videat, vt quilibet ingrediens, in suum locum concedat, ac præter decorum nõ sedeat. Eodem modo diaconus attendat in populo, nè quis murmuret, nève conuiueat, vel nutet. Oportet enim in Ecclesia accuratè, sobriè, vigilanter manere, attentas aures habentes ad Domini sermonem. Post hæc oēs simul assurgentes, & ad Oriētem conuersi, post Catechumenorum & Pœnitentum exitum, supplicent Deo cælum celi tenenti, idque ad Orientem, in memoriam veteris possessionis Paradisi ad Orientem positi, vnde primus homo, contempto mandato, serpentis consilio obtemperans, expulsus fuit. Diaconi, absoluta oratione, alij oblationi eucharistiæ sint intenti, ministrantes corpori Domini cum timore: alij turbas videant, quietemque illis imperent. Dicat autem, qui assistit pontifici, Diaconus populo: Nè quis contra aliquem, nè quis in hypocrisi. Deindè saluent inter se viri, & inter se mulieres osculo in Domino: sed caueant, nè quis dolosè id faciat, quemadmodum Iudas osculo Dominum tradidit.

Po-



Posteà Diaconus oret pro omni ecclesiā, proque vniuerso mundo, pro suis patribus ac membris, item pro sacerdotibus, pro principibus, pro Pontifice, pro Rege, atque pro communi pace. Deinde Pontifex populo precatus pacem, eidem benedicat, quemadmodum Moyses mandauit sacerdotibus, vt benedicerent populo his verbis: Benedicat tibi Dominus, & custodiat te: Ostendat Dominus faciem suam super te, & det tibi pacem. Item episcopus oret, ac dicat: Saluum fac Domine populum tuum, & benedic hereditati tuæ, quam possedisti, & acquisiisti precioso sanguine Christi tui, & vocasti regale sacerdotium & gentem sanctam. His perfectis, sacrificium peragatur, adstante omni populo, atque secretò orante. Ac postquàm oblatum fuerit, accipiant singuli per se ordine Dominicum corpus & preciosum sanguinem, gradatim, cum pudore ac timore, tanquàm ad Regis corpus accedentes: mulieres quoque velato capite, quemadmodum eas decet, ordine accedant: custodiantur portæ, nè quis infidelis vel nondum initiatus ingrediatur.

Num. 6.

Psal. 17.

Si quis venit à parœcia frater vel soror, commendatitias literas afferens, cognoscat de ijs Diaconus: exquirens an fideles sint, an ecclesiastici, an ab hæresi non deprauati: & rursùm, sit ne nupta, an vidua. atque ita quum perspexerit illorum statum, quòd sint verè fideles, & concordēs in Dominicis rebus, deducat vnumquēque in conuenientem sibi locum. Si presbyter à parœcia venerit, recipiatur à Presbyteris in communionem. Si Diaconus, recipiatur à Diaconis. Si episcopus, vnà cum episcopo sedeat, eundem ab illo obtinens honorem. Rogabisque eum, o episcope, vt sermones habeat ad populum, ad docendum accommodatos: peregrinorum enim adhortatio & admonitio valdè accepta atque vehementer utilis esse consuevit. Nullus enim Propheta (inquit) acceptus est in patria sua. Permittes etiam ei Eucharistiam offerre: si propter reuerentiam, velut sapiens, scilicet honorem tibi re-

Ibid. c. 62.

Luc. 4.

N ser-

seruans, noluerit Eucharistiam offerre, coges eum vt vel populo benedicat. Si cum sedet is, alius quidam interueniat honestus & clarus in vita, peregrinus vel indigena: tu Episcopo, qui fortè vel verbum Dei prædicas, vel Cantorem aut Lectorem audis: noli illius personæ obsequio ministrorum verbi relinquere, vt illi primum confessum præcipias: sed mane quietus, non interrumpens sermonem vel auditionem tuam: fratres autem per Diaconos eos recipiant. Si locus desit, Diaconus excitato eo, qui iunior fuerit, non tamen iram adhibens, sed persuasionem, illum in sede collocet. Est autem æquum, vt beneuolus id per se faciat. Quod si renuerit, illum vi deturbatū, post omnes statuatur, vt discant reliqui præstantioribus cedere. Si inops aliquis, vel obscurus, vel aduena venerit, siue senex, siue adolescens ætate is sit, locusque desit, ei locum ex toto corde prouideat Diaconus, nè personis gratificari videatur, sed à Deo ministerij gratiam inire. Idem seruet Diaconissa cum aduenientibus mulieribus, pauperibus siue diuitibus.

QVOD OPORTET MANE ET VESPERE,  
ET PRAESERTIM DIE DOMINICO COE-  
TVS FREQUENTARE

Ibid. c. 63. **Q**UOTIDIE conueniatis manè ac vespere, psallentes atque orantes in Dominicis, manè dicentes psalmum sexagesimū secundum, vespere centesimū quadragesimū: maximè verò hoc seruetis in Sabbato, & in die Resurrectioni dicato. Verum in die dominico diligentius conuenite, laudem Deo laturo, qui per Iesum cuncta condidit, & illum ad nos misit, atque mori permisit, & à mortuis excitauit. Nam quam excusationem afferre potest Deo, qui in hoc die non conuenit ad audiendum salutarem de resurrectione sermonem, in quo tres orationes, stantes, concipimus in memoriā illi, qui tertia die resurrexit, in quo Prophetarum lectio habet, & euangelij prædicatio, & sacrificij oblatio, atque sacri cibi dispensatio

ET



ET iterum: Die Resurrectioni dñi dicato, (Dominicum dicimus) conuenite assidue, gratias agentes deo, & confitentes de beneficijs, quæ in nos contulit Deus, per Christum liberans nos ab ignorantia, errore, vinculis, vt careat reprehensione sacrificium nostrum, & facile ascendat in deum, qui de Oecumenica sua Ecclesia dixit: Malach. 1.  
In omni loco offeretur mihi incensum & sacrificium mundum, quoniam rex magnus ego sum, & dominus omnipotens, & nomen meum admirabile inter gentes.

QVOD NON OPORTET LAICVM SACERDOTALE OFFICIUM FACERE, AVT BAPTISMA, AVT SACRIFICIUM, AVT MANVS IMPOSITIONEM, AVT BENEDICTIONEM.

SED neq; laicos concedimus aliquod sacerdotale munus exercere, veluti sacrificium, baptismum, manuum impositionem, vel benedictionem magnam siue parua. Non enim sibi quis sumit honorem, sed qui vocatur à Deo. Nam per Episcopi manus datur hæc dignitas. Qui verò ad eam promotus non est, sed eam sibi usurpat, Oziæ poenam sustinebit. Ibid. lib. 3. cap. 10.

QVOD EXCEPTO EPISCOPO VEL PRESBYTERO, NEMINI EX RELIQUIS CLERICIS CONCESSVM EST SACERDOTALIA EXERCERE, ORDINARE AVTEM, SOLI EPISCOPO CONVENIAT.

SED neque reliquos clericos baptizare permittimus, veluti Lectores, Cantores, Ostiarios, ministros, sed solos Episcopos & presbyteros, ministrantibus illis Diaconis. Qui hoc ausi fuerint, Coritarum supplicium patietur. Non concedimus autem presbyteros ordinare diaconos, Diaconissas, Lectores, Ministros, Cantores, Ostiarios, sed solos Episcopos: Is est enim ordo, & harmonia Ecclesiastica. Ibid. c. ii. Num. 16.

N 2 DE

Ibid. lib.  
6. cap. 17.

**E**PISCOPVM & Presbyterum, ac Diaconum dicimus vnus vxoris debere constitui, siue viuât eorum vxores, siue decesserint: non licere autem ijs, si post ordinationem sine vxore fuerint, ad nuptias transire: vel si vxores habeant, cum alijs coniûgi, sed cōtentos esse ea, quam habētes ad ordinationem venerunt: Ministros quoquē, Cantores, Lectores, Ostiarios, vnus vxoris viros esse, iubemus. Si ante nuptias ad clerum venerunt, cōcedimus eis vt vxores ducere possint, si quidem hoc expetent, nē, si peccauerint, poena afficiantur. Statuimus autem, nemini licere ex clero amicam, vel ancillam, vel viduam, vel repudiatam ducere, vt etiam lex vetat. Diaconissa sit virgo casta: sin minùs, saltē vidua eligatur, quæ vnū virum habuerit, fidelis & honesta.

SERMO EPISCOPI POST LECTIONEM  
SCRIPTVRARVM.Ibid. lib.  
8. cap. 4.

**P**OST verò lectionem legis & Prophetarū, Epistolarum nostrarum, Actuum, atq; Euangelij, ordinatus saluet ecclesiam ijs verbis: Gratia Dñi Dei nostri Iesu Christi, & charitas Dei patris, & communicatio Spiritus sancti, cum omnibus vobis, Amen. Et omnes respondeāt, Et cum spiritu tuo. Post hæc verba alloquitur populum sermonibus exhortatorijs.

SERMO DIACONI PRO CATE-  
CHVMENIS.

Ibid. ca. 6.

**O**MNIBVS consurgentibus, Diaconus ascendens altum aliquem locum, pronunciet: Nē quis auditorum, nē quis infidelium. Silentioq; facto, dicat: Catechumeni, orate. Et omēs fideles orēt, attento animo dicētes: Dñe, miserere. Diaconus p̄ ipsis oret, dicens: Pro catechumenis oēs Deū oremus, vt bonus & benignus  
Do-



Dominus clementer exaudiat obsecrationes & preces ipsorum, & recipiens eorum supplicationes, tribuat eis auxilium, & concedat petitiones cordis ipsorum ad utilitatem: reuelet eis Euangelium Christi sui, illuminet eos, & instituat disciplina cognitionis DEI: doceat ipsos mandata & iudicia sua: inserat in animam eorum castum & salutarem timorem suum: aperiat aures cordis ipsorum, ut meditentur in lege sua die ac nocte: confirmet eos in pietate, vniat & connumeret in sancto ouili suo, dignos faciens lauacro regenerationis, veste immortalitatis, vera vita: liberet eos ab omni impietate, & ne det locum inimico aduersus eos: mundet eos ab omni iniquatione carnis & spiritus: inhabitet in eis & inambulet per Christum suum: benedicat introitus & exitus eorum, & dirigat vias eorum in bonum. Etiam pro eis intentè oremus, ut remissionem delictorum consecuti per baptismum, sanctis mysterijs digni fiant in mansione sanctorum. Erigite vos catechumeni, & petite pacem Dei per Christum suum, diem pacificum & sine peccato, itemque omne tempus vitæ vestræ, Christianos præfides vestros, propitium & benignum Deum, delictorum remissionem: ipsi soli ingenito Deo per Christum suum vosmet commendate: Inclina mini, & benedictionem accipite. In ijs singulis, quæ loquitur Diaconus, populus (ut prædiximus) dicat: Domine, miserere, & in primis pueruli.

BENEDICTIO EPISCOPI SUPER  
CATECHUMENOS.

**I**NCLINANTIBVS autem ipsis capita, benedicat ijs or- <sup>ibid. c. 3.</sup>  
dinatus Episcopus benedictione huiusmodi: Deus omnipotens, <sup>& 6.</sup>  
ingenite, inaccessibleis, qui es solus verus Deus, Deus & pater Christi vnigeniti filij tui, Deus paraclæti & cunctorum Dominus, qui per Christum discipulos constituisti doctores ad docendum pietatem, ipse nunc respice super Catechumenos euangelij Christi tui,

N 3                      & da

& da eis cor nouum, & spiritum rectum innoua in visceribus eorum, ad cognoscendam & faciendam voluntatem tuam in corde pleno, & volenti animo: dignos fac eos sancto baptismo, & aggrega eos Ecclesiae tuae sanctae, & participes fac sanctorum mysteriorum per Christum IESUM, qui est spes nostra, qui que pro nobis mortuus est, per quem tibi gloria: & adoratio in spiritu sancto in secula, Amen.

SERMO DIACONI PRO ENER-  
GYMENIS.

Ibid. c. 7. **P**OST hæc Diaconus dicat: Ite Catechumeni in pace. qui, postquam ieiunauerunt, dicat: Orae Energumeni, hoc est, vexati ab immundis spiritibus. Intentè omnes pro ipsis orate, vt benignus Deus per Christum increpet immundos & nequam spiritus, & eripiat seruos suos ab imperio inimici. qui increpauit legionem dæmonum & principem malorū diabolum, ipse nunc increpet pietatis rebelles, & liberet figmenta sua à vexatione ipsius, & purget ea quæ ingenti sapientia condidit. Etiam intentè oremus. Salua & excita illos Deus in virtute tua. Inclinate vos Energumeni, vt benedictionem accipiatis.

ORATIO EPISCOPI PRO  
ENERGYMENIS.

Ibid. c. 8. **E**T Episcopus oret, dicens: Qui fortem armatum ligasti, & omnia vasa eius diripuisti: qui dedisti nobis potestatem ambulandi super serpentes & scorpiones, & super omnem virtutem inimici, qui homicidam serpentem ligatum tradidisti nobis, tanquam passerem puerulis: quem cuncta pauent & horrēt à facie virtutis tuæ: qui eum deiecisti, sicut fulgur à cælo in terram, non lapsu locali, sed ab honore in ignominiam, ob voluntariam nequitiam: cuius

Iob 8. aspectus siccatur abyssos, & minæ liquefaciunt montes, & veritas Domini



mini manet in æternum:quem laudant infantes, & lactentes benedicunt: quem celebrant & adorant angeli: qui adspicit super terrã, & facit eam tremere: qui tangit montes,& fumigant: qui minatur mari, & siccat illud, & omnia flumina deserta facit: cuius nubes puluis pedum eius: qui ambulat super mare, sicut super pauimentum. Vnigenite Deus, magni Patris fili, increpa spiritus nequam, & libera opera manuum tuarum ab alieni spiritûs vexatione: quoniã tibi gloria, honor & adoratio, & per te tuo patri, & sancto spiritui in secula, Amen.

SERMO DIACONI PRO ILLV-  
MINANDIS.

**D**IACONVS dicat, Ite Energumeni: & postea dicat, Ora- Ibid. c. 9,  
te qui illuminamini. Intetẽ omnes fideles pro ipsiis oremus,  
vt Dominus illos dignos reddat, vt in Christi mortem initiati, re-  
surgant vnũ cum illo, & consortes faciat eos regni ipsius, & partici-  
pes mysteriorum eius: vniat & conscribat in numero eorum, qui  
salui fiunt in sancta eius Ecclesia. Salua & suscita illos in tua gratia.

ORATIO EPISCOPI TERTIA, SV-  
PER ILLVMINANDOS.

**C**ONSIGNATI Deo per Christum eius, inclinantes se, Ibid. c. 9,  
benedicantur ab Episcopo hac benedictione: Qui per san- & 10.  
ctos Prophetas prãdixisti ijs, qui initiantur, Lauamini, mudi esto. Isai. 1.  
te: & per Christum instituiisti spiritualem regenerationem, idem  
nunc respice super eos qui baptizantur, & benedic & sanctifica  
eos, & prãpara dignos fieri tuo dono spiritali, & vera adoptione  
filiorum, ad consequendum spiritalia tua mysteria in numero  
eorum, qui saluantur per CHRISTVM saluatorem nostrum, per  
quem tibi gloria, honor & adoratio in sancto spiritu in secula,  
Amen.

SERMO

LITVRGICON ECCLESIAE LATINAE  
 SERMO DIACONI PRO POENI-  
 TENTIBVS.

Ibid. c. 11. **E**T dicat Diaconus: Discedite illuminandi: & post hoc pronunciet: Orate poenitentes, Intentè omnes pro poenitentibus fratribus rogemus, vt misericors Deus ostendat illis viam poenitentiae: recipiat resipiscentiam & confessionem ipsorum, & conterat citò satanam sub pedibus eorum, & redimat eos à laqueis diaboli, & à fraude dæmonū, & eripiat eos ab omni verbo nefario, & ab omni opere illicito & amore prauo, & condonet eis peccata voluntaria & inuoluntaria, & deleat chirographum ipsorum, & conscribat eos in libro vitae: expiet eos ab omni piaculo carnis & spiritūs, & vniet eos, reducens ad sanctum suum ouile, quoniam ipse cognoscit figmentum nostrū: quoniam quis gloriabitur se castum habere cor? vel quis confidet se mundum esse à peccato? Omnes enim sumus poenae obnoxij. Etiam pro ipsis intentiùs oremus, quoniam gaudium fit in cælo super vno peccatore poenitentiam agente, vt declinantes omnem actionem malam, amplectantur omnia opera bona, vt benignus Deus citò eorum obsecrationibus placatus, restituat eis lætitiā salutaris, & spiritu principali confirmet eos, nè ampliùs prohibeantur communionem habere sanctorum \* sacrorum ipsius, & participes fieri diuinorum mysteriōrū, vt digni reperti adoptione filiorum, vitam æternam consequantur. Etiam omnes intentè pro eis dicamus: Domine, miserere.

Luc. 15. \* sacra-  
 mentorū.

IMPOSITIO MANVVM PRO POE-  
 NITENTIBVS.

Ibid. c. 12. **S**ALVA eos Deus, & suscita misericordia tua. Suscitati DEO per Christum, inclinate vos, & benedicimini.

EPISCOPI



EPISCOPI ORATIO SVPER  
IISDEM.

**E**Piscopus ita oret: Omnipotens æterne Deus, cunctorum Domine, creator & gubernator vniuersi, qui hominem in mundi ornatu posuisti per Christum, & dedisti ei legem naturalem & scriptam, vt viuendi normam haberet, vt rationis compos: & si in aliquo peccaret, fundamentum pœnitentiæ tradidisti ei bonitatē tuam: respice super inclinantes tibi colla animæ & corporis, quoniā tu non vis mortem peccatoris, sed pœnitentiam, vt reuertatur à via sua mala, & viuat: Qui Niniuitarum pœnitentiam admisisti, qui vis omnes homines saluos fieri, & ad agnitionem veritatis venire: qui filium, qui suas facultates luxuriosè consumpserat, paterno affectu recepisti per pœnitentiam: recipe nunc quoque supplicantium tibi pœnitentiam, quoniam non est qui non peccet in te. Si enim iniquitates obseruaueris Domine, Domine, quis sustinebit? quoniā apud te est redemptio: & reduc eos in sanctā tuam Ecclesiam, restituta illis priori dignitate & honore per Christum deū & Saluatorem nostrum, per quem tibi gloria & adoratio in sancto Spiritu in secula, Amen.

Ibidem.

Ezech. 33.

2. Tim. 2.

Luc. 15.

Psal. 129.

DIMISSIO POENITENTIVM.

**E**T Diaconus dicat: Discedite pœnitentes, & addat: Nullus ex prohibitis accedat. Fideles, flectamus genua: rogemus deum per Christum eius, omnes attentè Deum per Christum inuocemus.

Ibid.

ALLOCVTIO DIACONI PRO  
FIDELIBVS.

**P**RO pace & tranquillitate mundi & sanctarum Ecclesiarum oremus, vt cunctorum Deus suam æternam & firmam pacem  
O nobis

Ibid. c. 13.

nobis concedat, vt in stabilitate virtutis secundum pietatem perseuerantes nos custodiat. Pro sancta catholica & apostolica Ecclesia, diffusa à finibus vsque in fines, oremus, vt DOMINVS immobilem & tranquillam eam custodiat, atque conseruet vsque ad consummationem seculi, fundatam supra firmam petram. Et pro sancta parœcia huius loci oremus, vt concedat nobis cunctorum Dominus cœlestem eius spem perfectè persequi, & ei debitam orationis seruitutem sine intermissione impedere. Pro omni Episcopatu, qui est sub cœlo, rectè tractantium verbum veritatis, orate. Et pro Episcopo nostro Iacobo & parœcijs ipsius, orate. Pro Episcopo nostro Clemente & parœcijs ipsius, orate. Pro Episcopo nostro Euodio & parœcijs ipsius, orate, vt misericordiam Deus concedat eius Ecclesijs, eos esse saluos, honorabiles, longæui temporis, venerabilemque ipsorum senectutem faciat in pietate & iustitia. Et pro Presbyteris nostris orate, vt Dñs eripiat eos ab omni re incòmoda & mala, saluum & honorabile presbyteriũ eis præbeat. Pro omni in Christo Diaconatu & ministratu, orate, vt dominus inculpabilem diaconiam eis præbeat. Pro Lectoribus, Cantoribus, Virginibus, Viduis, Orphanis, orate. Pro matrimonio copulatis & liberis operam dantibus, orate, vt Dominus omnium suorum misereatur. Pro Eunuchis sanctè ambulantes, orate. Pro continenter & castè viuentibus, orate. Pro afferentibus fructus sanctæ Ecclesiæ, & facientibus pauperibus eleemosynam, orate. Et pro sacrificia & primitias offerentibus Domino Deo nostro, orate, vt sanctus Deus remuneretur ipsos cœlestibus donis, vt det ipsis in præsentem centuplum, & in futuro vitam æternam: & præstet eis pro temporalibus sempiterna, pro terrenis cœlestia. Pro nupèr illuminatis fratribus nostris orate, vt DOMINVS stabiliat eos & confirmet. Pro infirmis fratribus nostris orate, vt Dominus liberet eos ab omni ægritudine & imbecillitate, & saluos restituat sanctæ ipsius Ecclesiæ. Pro nauigantibus & viatoribus oremus. Pro ijs qui sunt in metallis, in exilio, in custodia



stodia & vinculis propter nomē Domini, orate. Pro oppressis amara seruitute, orate. Pro inimicis & odio vos prosequentibus, orate. Pro persequentibus nos propter nomen Domini, oremus, vt Dominus mitigato illorum furore, dissipet iram cōceptam contra nos. Pro ijs qui extrā sunt, & in errore versantur, orate, vt Dominus illos conuertat. Infantum Ecclesiæ memores simus, vt Dominus perfectos eos in timore suo ad adultam ætatem perducatur. Pro nobis mutuò oremus, vt Dominus seruet nos, & gratia sua custodiat vsq; ad finem, & liberet nos à malo, atq; ab omnibus scandalis operantium iniquitatem, & saluet in cæleste regnum ipsius. Pro omni anima Christiana oremus. Salua & suscita nos Deus misericordia tua. Excitemus nos orantes intentē, & mutuò nosmet commendemus Deo viuo per Christum eius.

## ORATIO PONTIFICIS.

**O**RET Pontifex, & dicat: Domine omnipotens altissime, <sup>Ibid. 14.</sup> qui in altis habitas, sanctè requiescens in sanctis, qui es sine principio, & solus dominaris, qui per Christum prædicationē verbi dedisti nobis in agnitionem gloriæ tuæ & nominis tui, quod manifestauit nobis in compræhensionem: ipse quoque nunc respice per eum super hunc gregem tuum, & libera eum omni ignorantia & opere malo, & da eum timore timere te, & benedictione te diligere, & ire à facie gloriæ tuæ. Benignus & propitius esto in precibus ipsorum, & conserua eos immobiles, culpa carentes, criminis expertes, vt sint sancti corpore & anima, non habentes maculam, neque rugam, neque aliquid huiusmodi, sed sint perfecti, & nullus inter ipsos sit mancus vel imperfectus. Adiutor potens, personarum non acceptor, succurre huic populo tuo, quem redemisti precioso sanguine CHRISTI tui, defensor, auxiliator, dispensator, custos, murus fortissimus, sepes, securitas, quoniam de manu tua nemo potest eripere: nam non

O 2

est sicut

- Ioan. 17. est sicut tu, Deus alter, quoniam in te sustinemur. Sanctifica eos in veritate, quoniam verbum tuum veritas est, qui nullius gratiam respicis, falsis rationibus non deciperis: libera eos ab omni morbo, & ab omni infirmitate, ab omni peccato, ab omni dolo & fraude: à timore inimici, à sagitta volante in die, à negotio perambulante in tenebris, & dignos fac eos vita æterna, quæ est in Christo tuo, filio tuo vnigenito, DEO & Salvatore nostro, per quem tibi gloria & honor in sancto spiritu nunc & semper, & in secula seculorum, Amen.

APPARATVS AD MYSTICVM  
SACRIFICIUM.

Ibid, c. 15.

**P**OST hoc Diaconus dicat, Attendamus. Et Episcopus salutet Ecclesiam, & dicat: Pax Dei cum omnibus vobis. Et populus respondeat: Et cum spiritu tuo. Et Diaconus dicat: Salutate vos inuicem in osculo sancto, & salutent clerici Episcopum, & viri laici laicos, & mulieres salutent mulieres. Pueri stent ad suggestum, & alius Diaconus præsit eis nè obstrepant. Et alij Diaconi deambulent, & videant viros & mulieres, nè tumultus aliquis excitetur, & nè quis murmuret, ne' ve conniueat, vel nutet. Diaconi verò maneant ad portam virorum, Hypodiaconi ad portam mulierum, nè vllus exeat, ne' ve porta aperiatur, etiam si fidelis fuerit, tempore oblationis. Vnus Hypodiaconus det aquam manibus sacerdotum, in signum puritatis animarum Deo repositarum.

Et statim Diaconus dicat: Nullus catechumenus, nullus Auditor, nullus infidelis, nullus hæreticus. Qui primam orationem perfecistis, discedite. Pueros recipite matres. Nè quis contra aliquem, Nè quis in hypocrisi. Erecti ad DOMINUM cum timore & tremore manentes, sinamus offerri. Quibus peractis, Diaconi offerant dona Episcopo ad altare, & presbyteri à dextris & à



& à sinistris aſiſtant, velut à diſcipuli aſiſtētes magiſtro. Duo Diaconi ex vtraq; parte altaris teneant flabellum confectum ex tenuibus membranis, vel ex pauonum pennis, vel ex velo, quibus leniter abigant præteruolantes beſtiolas, nè in pocula incidant.

GRATIA RV M ACTIO SIVE PRAEFATIO ANTE CONSECRATIONEM.

**O**RANS igitur per ſe Pontifex, vnà cum ſacerdotibus, induensque veſtem ſplendidam, & ſtans ad altare, trophæo crucis ſe conſignans in fronte, dicat: Gratia Omnipotentis Dei, & Charitas Domini noſtri Ieſu Chriſti, & communicatio ſpiritus ſancti ſit cum omnibus vobis. & omnes vna voce reſpondeant, Et cum ſpiritu tuo. Et Pontifex dicat: Sursùm mentem. Omnes reſpondeant, Habemus ad Dominum. Et Pontifex: Gratias agamus domino. & omnes reſpondeant, Dignū & iuſtum eſt. Pontifex dicat, Verè dignum & iuſtum eſt, ante omnia laudare te verum deum, qui es ante res generatas, ex quo omnis paternitas in cælo & in terra nominatur, qui ſolus es inge-ni-tus, ſine principio, non agnoſcens alicuius imperium aut dominium, nullius indigens, omnis boni dator, extra omnem cauſam generationemq; poſitus, ſemper in eodem ſtatu conſiſtens, ex quo omnia, quaſi ex quodam fonte in rerum naturam proceſſerunt. Tu enim es notitia carens principio, æterna viſio, inge-ni-tus auditus, ſapientia increata, primus natura, lex eſſendi, extra omnem numerum conſtitutus, omnia de nihilo produ-cens per vnigenitum filium tuum: ipſum verò ante omnia ſecula genuiſti voluntate, virtute, & bonitate immediatè filium vnigenitū, verbum, deum, ſapientiam viuentem, primogenitum omnis creaturæ, Angelum magni conſilij tui, Pontificem tuum, Regem & Dominum omnis intellectuæ & ſenſitiuæ naturæ, qui eſt ante omnia, per quem omnia. Tu enim æterne deus per ipſum cuncta feciſti, & per ipſum conuenienti prouidentia cuncta gubernas: per

ibid. c. 16.

Ephe. 3.

O 3 quem

quem enim concessisti ut res essent, per eundem fecisti ut bene essent: Deus & pater vnigeniti filij tui, qui per ipsum ante omnia fecisti Cherubin & Seraphin, secula & exercitus, Virtutes & Potestates, Archangelos & angelos: & post hæc omnia, fecisti hunc mundum visibilem, & omnia quæ in eo sunt. Tu enim es qui cælum ut fornicem statuisti, & ut pellem extendisti, & terræ molem nullo adminiculo stabiluisti, sola voluntate tua: qui constituisti firmamentum, noctem & diem parasti, qui ex thesauris protulisti lucem, & eius recessu induxisti noctem ad quietem animantium, quæ mouentur in mundo: qui solem disposuisti in potestatem diei, & lunam in potestatem noctis: qui stellarum ornatu cælum distinxisti in laudem maiestatis tuæ: qui fecisti aquam in potum & munditiam, aërem vitalem ad ducendum spiritum, vocemque formandam, per linguam percutientem aërem, auditum auxilio ipsius, ut apprehenderet sonos, & exciperet delatas sibi per aërem voces: qui fecisti ignem ad depellendas tenebras, & ad explendam necessitatem, simulque ab eo caleferemus, & illustraremur: qui immensum mare à terra segregasti, & illud nauigabile effecisti, hanc pedibus peruiam: illud etiam animantibus pusillis atque magnis auxisti, hanc mansuetis atque agrestibus referisti, plantarum varietate ornasti, herbis decorasti, floribus distinxisti, seminibus distasti: qui constituisti abyssum, & vasto hiatu eam comprehendisti, salinarum aquarum cumulatis æquoribus, & eam tenuissimæ arenæ terminis conclusisti: qui mare modò ventis in montium altitudinem extollis, modò in planitiem exæquas, & modò agitas tempestate, modò sedas tranquillitate, ut ad nauigiorum cursus sitidoneum: qui creatum per CHRISTVM à te mundum cinxisti fluminibus, alluisti torrentibus, fontibusque perennibus irrigasti, montibus circundedisti in firmissimam terræ stabilitatem: referisti enim mundum, & ornasti suauissimis plantis, & ad medicinam aptissimis, multis ac varijs animantibus, robustis atque



atque infirmis, ad esum atque ad laborem idoneis, cicuribus atque  
 feris, serpentum sibilis, & diuerforum alitum cantibus, annorum  
 recurrentibus circulis, mensium atque dierum numerosa multi-  
 tudine: solstitiorum vicissitudine, nubium imbriferarum tem-  
 pestatibus, ad fructuum maturitatem & animantium conuersatio-  
 nem stationemque ventorum flantium ad imperium tuum, ad plan-  
 tarum quoque atque herbarum multitudinem: ac non solum mun-  
 dum creasti, sed etiam mundi ciuem hominem condidisti, mundi  
 ornatum eum faciens. Dixisti enim sapientiae tuae: Faciamus homi-  
 nem ad imaginem & similitudinem nostram, & imperet piscibus  
 maris, & volatilibus caeli: ideoque composuisti eum ex anima immor-  
 tali & corpore dissolutioni obnoxio: illa de nihilo creata, hoc ex  
 quatuor elementis confecto: & dedisti ei per animam rationalem,  
 intelligentiam pietatis, & impietatis iudicium, iusti & iniusti ob-  
 seruationem: per corpus vero, quinque sensus & motum quo pro-  
 greditur. Tu enim Deus omnipotens per Christum paradisum in  
 Eden ad Orientem plantasti, & varijs plantis ad cibum aptis or-  
 nasti, & in eum quasi in lautam domum hominem introduxisti: quem  
 cum conderes, legem dedisti ei naturalem, ut intus inclusa, & apud  
 se haberet semina diuinae cognitionis. Nam quum illum in paradi-  
 sum deliciarum induxisti, omnia ei permisisti ut perciperet: Vnum  
 autem solum gustare prohibuisti, spe maiorum rerum, scilicet ut si  
 mandatum seruasset, mercedem eius immortalitatem reportaret: sed  
 cum mandatum contempsisset, & prohibitum fructum gustasset, frau-  
 de serpentis & consilio mulieris, merito illum eiecisti Paradiso, sed  
 bonitate tua non permisisti ut penitus periret, (tuum enim erat opus)  
 sed subiecta ei creatura, concessisti ut sudore ac labore victum sibi  
 quaereret, te omnia ferente, augente, ac maturante. Cumque iureiuran-  
 do ei brevis temporis soporem dederis, illum ad nouam generationem  
 reuocasti, soluto mortis termino, vitam ex resurrectione permisisti: non  
 solumque id praestitisti, sed etiam posteros suos in infinitam multitudinem  
 pro-

Gene. 1.

Gene. 3.

- Gen. 4. propagâsti: obsequentes tibi glorificâsti, rebelles supplicijs affecisti: atque Abelis quidem sancti sacrificium accepisti, Cain fratris interfectoris munus tanquàm scelerati hominis reiecisti. Præterea
- Gen. 5. Seth & Enos recepisti, & Enoch trāstulisti. Tu enim opifex es hominum, vitæ præbitor, inopiæ expletor, legum dator, eas seruantiū remunerator, violentiū vltor: qui magnum diluuiū induxisti mūdo propter multitudinem impiorum, & iustum Noe eripuisti à diluuiō in arca cum octo animis, vt esset finis præteritorū, & principium eorum, qui erant in futura successione nascituri: qui formidandum ignem quinque Sodomēnis vrbibus immisisti, & terram fructiferam in falsuginem posuisti à malitia inhabitantiū in ea, & sanctum Loth incendio liberâsti. Tu es, qui Abraam maiorum suorum impietate liberâsti, & mundi hæredem fecisti, & ci Christum tuum ostendisti: qui Melchisedech Pontificem seruitutis tuæ constituisti, patientissimum seruum tuum Iob, victorem serpentis authoris malorum declarâsti, qui Isaac filium promissionis fecisti, Iacob patrem duodecim filiorum, eiusque posteros, in numerosam sobolem propogâsti, illum verò cum septuaginta animis in Aegyptum introduxisti. Tu Domine Iosephum non neglexisti, sed præmium suæ temperantiæ ei concessisti, vt Aegyptijs imperaret. Tu Domine Hebræos ab Aegyptijs vexatos non neglexisti, vt promissa patribus suis seruares. Cumque homines naturæ legem labefactarent, & creaturam aliquandò fortuitam ducerent, aliquandò plusquàm oporteret in honore haberēt, & eam tibi Deo æquarent, non permisisti illos errare, sed excitato sancto seruo tuo Moſe, per eum, in subsidiū naturalis, scriptam legem dedisti, & creaturam ostendisti tuum opus esse, deorumque multitudinem exterminâsti. Aaron & posteros sacerdotali honore decorâsti, Hebræos peccantes puniisti, resipiscentes recepisti, Aegyptios decem plagis es vltus, diuiso mari Israelitas traduxisti, persequentes Aegyptios demersos interemisti, ligno aquam amaram dul-
- Exod. 20.
- Exod. 14.



dulcem fecisti, è dura petra aquã eduxisti, de cælo manna dediti, Exod. 16.  
 atque ex aëre ortygometræ in cibum, columnam igneam nocte  
 ad illustrandum, & die columnam nubis ad opacandum statuisti,  
 Iesum imperatorem delegisti, septem nationes Cananæorum eius Iosu. 3.  
 opera expugnasti, Iordanem aperuisti, flumina Ethan siccasti, mu- Iosu. 6.  
 ros sine machinis, sineq; hominum manu diruisti. Pro omnibus ti-  
 bi gloria Domine omnipotens. Te adorant infiniti exercitus An-  
 gelorum, Archangelorû, Thronorum, Dominationum, Principa-  
 tum, Potestatu, Virtutum, Exercituum æternorum, Cherubina, & Esaï. 6.  
 sex alas habetia Seraphina, duabus velantia pedes, duab<sup>9</sup> capita, dua-  
 bus volantia, & dicetia vnà cum millibus millum angeloûr, inces-  
 sabili voce clamantium.

## HYMNVS TRISAGIOS.

Ibidem.

ET om̃is populus simul dicat: Sanctus, sanctus, sanctus, Dominus  
 Sabaoth: Plenum est cælû & terra gloria tua, Benedictus in secula.

## PONTIFICIS ORATIO.

ET Pontifex deindè dicat: Sanctus enim es, & in omnibus san- Ibid. c. 17.  
 ctus, altissimus, & superexaltat<sup>9</sup> in secula: Sanctus & vnigeni-  
 tus filius tuus Dñs noster & Deus Iesus Christus, qui in omnibus  
 ministravit tibi Deo ipsius & Patri, in vario opificio creaturarû, &  
 in earum conuenienti prouidentia. Non permisit genus humanû  
 perire, sed post naturalem legẽ, post legis scriptę admonitionẽ, post  
 propheticas increpationes, post Angelorum tutelas, violentibus  
 naturalẽ legẽ hoĩbus vnà cû scripta, oblitterataq; memoria diluuij,  
 incendiij, plagarum Aegyptiacarû, cædis Palæstinorum, imminen-  
 teq; omnium interitu, decreuit voluntate tua, qui hominem cõ-  
 diderat, fieri homo: qui legislator erat, subijci legibus: qui Pontifex  
 erat, victima fieri: pastor, effici ouis. Teq; neũ suũ ac Patrem plac-  
 uit & conciliavit mundo, atque instanti ira omnes liberauit, Natus  
 de virgine, natus in carne, Deus, verbum, filius dilectus, primoge-  
 nitus omnis creaturæ, secundum de eo prædictas prophetias, ex se-

P mi-

\* insti-  
tutis,

Ioan. 17.

A. 1. cor. 1.

mine Dauid & Abraam, de tribu Iudæ: & conceptus est in vtero Virginis, formator omnium qui nascuntur: atque incarnatus est is, qui carnis est expers: in tempore natus, qui ab æterno est genitus: piè conuersatus est, & sanctis legibus \* instituit, omnem morbum atque infirmitatem expulit, signa ac prodigia in populo fecit: cibū, potū, somnū cepit is, qui oēs cibo indigētes alit, & replet omne animal benedictione: manifestauit nomen tuum ijs, qui id ignorabant: ignorantiam fugauit, pietatem excitauit, volūtatē tuam expleuit: opus, quod dederas illi, consummauit. Quæ oīa quum perfecisset, impiorum manibus cōprehensus, sacerdotū atq; pontificum falsi nominis, populiq; ipsius iniqui, & malitia laborantis traditione, multa passus est ab ipsis, omnemq; sustinuit ignominiam tuā permissione. Traditus est Pilato præsidi: ac iudicatus is, qui iudex erat: condemnatus est aliorum Saluator: crucifixus, qui est impassibilis: mortuus, natura immortalis: sepultus, omnium viuificator, vt passione & morte liberaret eos, ppter quos venerat, & vincula diaboli disrumperet, hominesq; ab eius fraudib; eriperet. Et resurrexit à mortuis tertia die, & per quadraginta dies versatus cū discipulis, receptus est in cælū, & sedet ad dexterā Dei & patris sui.

#### CONSECRATIO ET OBLATIO CORPORIS ET SANGVINIS DOMINI.

Ibidem.

**M**EMORES igitur eorum, quæ propter nos est passus, gratias agim; tibi Deus omnipotēs, non quātū debemus, sed quātū possumus: Et ordinationem eius implemus.

**N**A M in qua nocte tradebatur, accipiens panem in sanctas & immaculatas manus, & suspiciens in te Deum suum & patrem, frangensq; dedit discipulis, dicens: Hoc mysterium noui Testamenti: accipite, ex eo comedite. Hoc est corpus meum, quod pro multis frangitur in remissionem peccatorum. Similiter & calicem miscens ex vino & aqua, & sanctificans, tradidit eis, dicens: Bibite ex

co



eo omnes: hic est sanguis meus, qui pro multis effunditur in remissionem peccatorum. Hoc facite in meam commemorationem. Quotiescunq; enim comederitis panem hunc, & biberitis calicem hunc, mortem meam annuntiabitis donèc veniam.

MEMORES igitur passionis eius & mortis, necnon ex mortuis resurrectionis, atq; in cælos ascensionis, & futuri eius secundi aduētus, in quo veniet cum gloria & virtute iudicare viuos & mortuos, & reddere unicuique secundum opera sua: offerimus tibi regi & Deo secundum ipsius ordinationem panem hunc & calicem hunc, gratias tibi agentes, eo quod nos dignos fecisti assistere in conspectu tuo, & fungi sacerdotio tibi. Rogamusq; te, vt benignè adspicere digneris super hæc dona, pposita in conspectu tuo, tu qui nullo indiges neus, & complaceas tibi in ipsis in honorem Christi tui, & mittas sanctum Spiritum tuum super hoc sacrificium, testem passionum Domini Iesu, vt ostendat hunc panem corpus Christi tui, & hunc calicem sanguinem Christi tui, vt qui eum percipiunt, confirmentur in pietate, & remissionem peccatorum consequantur, diabolo & errore eius liberentur, Spiritu sancto repleantur, Christo tuo digni efficiantur, vitam æternam adipiscantur, te eis reconciliato Domine omnipotens.

## MYSTICA ORATIO.

ETIAM rogamus te Dñe pro sancta tua Ecclesia, quæ est à finibus vsq; ad fines, quā acquisiuiisti precioso sanguine Christi tui, vt eam quietam & tranquillam cõserues vsq; ad cõsummationem sæculi. Et pro omni episcopatu rectè tractante verbum veritatis, etiam imploramus te, & pro mei offerentis tibi tenuitate, proque omni Presbyterio, pro diaconis atq; omni clero, vt oēs à te edoctos, Spiritu sancto repleas. Etiam rogamus te domine pro Rege, & pro ijs, qui sunt in sublimitate constituti, proque omni exercitu, vt per illos pacificè viuamus, vt in quiete & cõcordia perseverantes,

Ibid. c. 18.

P 2 per

per omne tempus vite nostræ, glorificemus te per Iesum Christū, qui est spes nostra. Etiam offerimus tibi pro omnibus, qui à seculo placuerunt tibi, sanctis, Patriarchis, Prophetis, iustis, Apostolis, Martyribus, Confessoribus, Episcopis, Presbyteris, Diaconis, Hypodiaconis, Lectoribus, Cantoribus, Virginibus, Viduis, laicis atq; omnibus, quorum tu cognouisti nomina.

ETIAM offerimus tibi pro populo hoc, vt facias eum in laudem Christi tui regale sacerdotium, gentem sanctam: pro Virginibus & castitatem seruantibus: Pro Viduis Ecclesiæ: pro copulatis honorabilibus nuptijs, & filios procreantibus: pro infantibus populi tui, vt neminem nostrū reiicias. Etiam rogamus pro hac ciuitate, & habitatibus in ea: pro laborantibus infirmitate, & pro acerbam seruitutem seruientibus: pro relegatis, & publicationem bonorum perpeisis: pro nauigantibus, & pro peregrè proficiscētibus, vt sis auxiliator omnium, adiutor & opitulator. Etiam oramus te pro ijs, qui nos odio habent, & persequuntur nos propter nomē tuum: pro ijs, qui extrā sunt, & versantur in errore, vt reducas eos in bonū, & furorem eorum mitiges. Etiam rogamus te pro Catechumenis Ecclesiæ, & pro vexatis ab aduersario, & pro fratribus nostris pœnitentibus, vt illos in fide perficias, alios à vexatione mali eripias, horum pœnitentiam recipias, & indulgeas illis atq; nobis delicta nostra. Etiam offerimus tibi pro aëris salubritate, & fructuum fertilitate, vt abundè bona tua percipientes, te assiduè laudemus, qui das escam omī carni. Etiam rogamus te pro ijs, qui iusta causa impediti absunt, vt omnes nos in pietate custoditos, congreges in regnum Christi tui, Dei omnis sensitivæ intellectualis naturæ, & regis nostri, stabiles in bono, inculpabiles, crimine carentes, quoniam tibi omnis gloria, cultus, gratiarum actio, honor & adoratio Patri & filio, & sancto Spiritui & nunc & semper, & in infinita secula seculorum. Et omnis populus dicat, Amen.

P A-



## PACEM NVNCIAT EPISCOPVS.

**E**T Episcopus dicat: Pax Dei sit cum omnibus vobis. Et omnis <sup>ibid.</sup> ibid. populus dicat, Et cum spiritu tuo.

DIACONI EXHORTATIO AD ORATIONEM PRO VIVIS ET DEFUNCTIS.

**E**T Diaconus iterum pronunciet: Etiam rogemus Deum per <sup>ibid. c. 19.</sup> Christum suum. Pro dono oblato Domino Deo, oremus: vt bonus Deus suscipiat illud intercedente Christo ipseus, in caeleste altare suum in odorem suauitatis. Pro hac ecclesia, & pro populo rogemus: Pro omni Episcopatu, pro omni presbyterio, pro omni in Christo diaconia & ministerio, pro vniuerso Ecclesiae cœtu rogemus, vt Dominus omnes conseruet atque custodiat. Pro Regibus & pro ijs, qui sunt in sublimitate constituti, oremus, vt in pace per ipsos viuamus, vt quietam & tranquillam vitam agamus in omni pietate ac sanctitate: sanctorum martyrum memoriam colamus, vt digni efficiamur certamine ipsorum. Pro ijs qui in fide quieuerunt, oremus. Pro salubritate aeris & fructuum maturitate rogemus. Pro nuper illuminatis oremus, vt omnes in fide confirmentur. Excita nos Deus in gratia tua. Excitati, nos ipsos Deo per Christum eius commendemus.

## EPISCOPI ORATIO.

**E**PISCOPVS dicat: Deus magnus, & magni nominis, magnus <sup>ibid. c. 20.</sup> consilio, & operibus potens, Deus & pater sancti pueri tui Iesu saluatoris nostri, respice super nos, & super hoc ouile tuum, quod per ipsum elegisti in gloriam nominis tui, & sanctificato corpore nostro & anima, dignos nos fac, vt purgati omni inquinatio-  
ne carnis & spiritus, proposita bona consequamur, & neminem no-

strum iudices indignum, sed sis adiutor noster, auxiliator, & defensor noster per Christum tuum, cum quo tibi gloria & honor, laus, gloriatio, & gratiarum actio, & sancto Spiritui in secula, Amen.

## COMMVNIO.

Ibidem, **E**T postquam omnes dixerunt, Amen: Diaconus dicat: Attēdamus. Et Episcopus alloquatur populū ijs verbis: Sancta sanctis. Et populus subiungat, Vnus sanctus, vnus Dñs, vnus Christus, in gloriam Dei patris benedictus in secula, Amen.

GLORIA in altissimis DEO, & in terra pax hominibus bonæ voluntatis: Osanna filio David. Benedictus qui venit in nomine DOMINI: Deus Dominus, & apparuit nobis, Osanna in altissimis. Post hoc sumat Episcopus, deindē Presbyteri, & diaconi, & Hypodiaconi, & Anagnostæ, & cantores, & Ascetæ, & ex mulieribus Diaconissæ, & Virgines, & Viduæ, postea pueri & omnis populus ordine, cum pudore & reuerentia, absque tumultu. Et Episcopus det oblationem, dicēs: Corpus Christi. Et sumēs, dicat, Amē. Diaconus teneat calicem, & quandō tradit, dicat: Sanguis Christi, calix vitæ: & bibens dicat, Amen. Cū reliqui sumunt, dicatur Psalmus XXXIII.

## SERMO DIACONI POST COMMVNIONEM ET PSALMVM.

Ibid. c. 21. **P**OSTQVAM omnes sumpserunt, accipiant Diaconi reliquias, & portēt in paltophoria. Perfecto Psalmo, Diaconus dicat: Percepto precioso corpore & precioso sanguine Christi, gratias agamus ei, qui dignos nos reddidit perficiendi sancta eius mysteria: & rogamus, vt non in iudicium, sed in salutem nobis fiant, in vtilitatem animæ & corporis, in custodiam pietatis, in remissionem peccatorum, in vitam futuri seculi. Excitemur in gratia,



gratia. Nos ipsos Deo soli ingenito, Deo & Christo eius commen-  
demus.

GRATIARVM ACTIO EPISCOPI POST  
COMMVNIONEM.

**E**T Episcopus gratias agat: Domine Deus omnipotens, Pater <sup>Ibid. c. 12.</sup>  
Christi tui filij benedicti, exauditor inuocantium te in recti-  
tudine, qui scis interpellationes tacentium, gratias tibi agimus,  
quodd fecisti nos dignos participationis sanctorum mysteriorum  
tuorum, quæ præbuiſti nobis in confirmationem eorum, quæ be-  
nè cognita sunt, in custodiam pietatis, in remissionem peccatorum,  
quoniam nomen Christi tui inuocatum est super nos, & tibi con-  
ciliati sumus: qui segregasti nos à communicatione impiorum, con-  
iunge nos cum consecratis tibi, confirma nos in veritate sancti spi-  
ritus superuentione: ignorata reuela: quæ defunt, exple: cogni-  
ta corrobora: sacerdotes illuminatos tuere in seruitute tua. Reges  
conserua in pace, Magistratus in iustitia, cælum in salubritate, fru-  
ctus in fertilitate, mundum in prouidentia omni ex parte sufficiē-  
ti: nationes bellicosas reprime, errantes conuerte, populum tuum  
sanctifica, virgines conserua: matrimonio vinctos custodi in fi-  
de: ignorantes corrobora, infantes ad virilem ætatem perduc:  
nouitios confirma: catechumenos instrue, & imitatione dignos  
redde. nosque omnes congrega in regnum cælorum in Christo Ie-  
su Domino nostro, cum quo tibi gloria, honor, cultus, & sancto spi-  
ritui in secula, Amen.

BENEDICTIO EPISCOPI.

**E**T Diaconus dicat: Deo per Christum eius inclinamini, & be- <sup>Ibid. 23.</sup>  
nedictionem accipite. Et Episcopus iterum oret, dicens: Deus  
omnipotens, verus & incomparabilis, qui ubique ades, & præsens  
es in cunctis, & in nullo tanquàm ens quiddam existis, qui  
loco

loco non circumscriberis, nec tempore confenescis, nec seculis terminaris, neque sermonibus explicaris, qui generationi non es subiectus, custodia non indiges, extra interitum es positus, mutationē non recipis, qui natura es inuariabilis, qui lucem inhabitas inaccessibilē, qui natura es inuisibilis, quem vniuersales naturæ cum amore te inuestigantes cognoscunt, qui compræhenderis ab ijs, qui in charitate quærunte te: Deus Israël re vera videntis, populi tui credentis in Christum, propitius factus, exaudi me propter nomen tuum, & benedic eis, qui tibi inclinant colla sua: & concede eis petitiones cordis ipsorum, quæ sunt ad vtilitatem, & nullum ex ipsis expelle à possessione regni tui, & sanctifica eos, muni, tege, defende, libera ab aduersario, ab omni inimico domos ipsorum custodi: introitus & exitus eorum muni, quoniam tibi gloria, laus, maiestas, cultus & adoratio, & puero tuo Iesu, Christo tuo, Domino nostro, & Deo & Regi, & sancto spiritui, nunc & semper, & in secula seculorum, Amen.

## DIMISSIO POPVLI.

Ibidem.

**E**T Diaconus dicat: Ite in pace.

PRO DEFVNCTIS IN LITVRGIA  
ALLOCVTIO.

Ibid. c. 47.

**D**E ijs autem qui quieuerunt in Christo, postquàm Diaconus absoluit orationem, nè idem repetamus, (orationem illam intelligit, quam habet suprà: Pro fidelibus, & ad cætera Liturgiæ capita hîc esse refert) hæc addet: Pro quiescentibus in Christo fratribus nostris rogemus, vt benignus Deus, qui huius animam suscepit, dimittat ei omne delictum voluntariū, & inuoluntarium: & propitius illi factus, collocet eum in regione piorum & beatorum in sinu Abraham, Isaac, & Iacob, cū omnibus, qui à seculo placuerunt illi, & fecerunt voluntatē ipsius, vnde abest dolor, tristitia & suspirium.

Excite-



EXCITEMVS nos, & inuicem cōmendemus nos aeterno Deo  
per verbum, quod erat in principio.

ET EPISCOPVS DICAT:

**Q**VI immortalis natura es, & nullo fine terminaris, à quo  
omne immortale & caducum prodijt: qui rationale animal  
hominem mundi ciuem, mortale in sua constitutione fecisti, &  
promisisti ei resurrectionem: qui Enoch & Heliam mortem expe-  
riri non permisisti, Deus Abraham, Deus Isaac, Deus Iacob, non  
mortuorum, sed viuentium Deus, quoniam omnium animæ apud  
te viuunt, & iustorum spiritus in manu tua sunt, quos non attinget  
tormentum: omnes enim sanctificati sub tua manu sunt. Ipse quo-  
què nunc respice super hunc seruum tuum, quem recepisti in alte-  
ram vitam, & condona ei, si quid volens vel inuitus deliquit: & an-  
gelos placidos constitue ei, & colloca eum in sinu Patriarcharum,  
Prophetarum, & Apostolorum, & omniũ, qui tibi à seculo placue-  
runt, vbi non est tristitia, dolor, neque horror, sed cœtus piorum &  
lætantium, & terra rectorum beata videntium gloriam Christi tui,  
per quem tibi gloria, honor, cultus, gratiarum actio, & adoratio in  
sancto Spiritu in secula, Amen.

ET Diaconus dicat: Inclinamini, & benedictionem accipite. Et  
Episcopus agat gratias pro eis, ijs verbis: Salua Domine populum  
tuum, & benedic hæreditati tuæ, quam redemisti precioso sanguine  
Christi tui. Pasce illos in dextera tua, & tege illos alis tuis, & da eis  
bonum certamen certare, cursum consummare, fidem seruare con-  
stanter & laudabiliter, Per Dominum nostrum Iesum Christũ di-  
lectum puerum tuum, per quem tibi gloria, honor, & cultus in san-  
cto Spiritu in secula, Amen.

QVANDO CELEBRATVR MISSA, PRE-  
SBYTERIVM LAICVS INGRESSE NON  
PRAESVMAT.

Q SACER-

Grat. in  
decr. de  
consecr.  
dist. 2. c. Sa  
cerdotū.

**S**ACERDOTVM aliorumq; clericorū (vt citat D. Clemens papa apud Gratianum) Ecclesiæ seruientium honores, à laicorum loco discretè apparere conuenit. Quamobrem nulli laicorum liceat in eo loco, vbi sacerdotes & reliqui clerici consistunt, (quod Presbyterium nuncupatur) quandò Missa celebratur, consistere, vt liberè ac honorificè possint sacra officia \* exercere. Pars canonis, Te igitur, huic attributa. Sanctus (inquit Radulphus Tungrensis) Clemens I. natione Romanus, ante consecrationem, orationem instituisse dicitur. Vndè, Te igitur clementissime pater, à quibusdam ei tribuitur.

SACRIFICIUM D. MARTIALIS  
LEMOVICENSIVM, BURDE-  
GALENSIVM, TOLOSATVM,  
ARVERNENSIVM, AGENEN-  
SIVM, PICTAVIENSIVM, CA-  
DVRCORVM, ANICIENSIVM,  
RVTHENENSIVM, ENGOLI-  
SMENSIVM, ET MIMIATEN-  
SIVM, EPISCOPI.

#### ALTARIS CONSECRATIO.

Martial.  
Epist. 1. ad  
Burdegal.

**D**V M altaria (inquit ad Burdegaleses) dæmonum in puluerem redigerentur, aram ignoti Dei ad consecrationem reseruari iussimus: qua dedicata in nomine Domini Dei Israel, & ipsius testis Stephani, qui pro eo à Iudæis passus est, non hominis cultum, sed Dei in ea frequentatis: Stephanus enim non Deus, sed

ami-



amicus DEI fuit. qui pro testimonio eius, animam suam posuit: cuius sanguine ipsa mensa est decorata, quia suo sanguine IESVS Christus comprobatus est esse Deus: & qui crediderit, ornamenta fidei maiora perceperit.

## SACRIFICII OBLATIO.

**S**ACRIFICIUM enim Deo creatori offertur in ara, non homini, non angelo. Nec solum in ara sanctificata, sed ubique offertur Deo oblatio munda, sicut testatus est, cuius corpus & sanguinem in vitam æternam offerimus, dicens: Spiritus est Deus, & Ioan. 4. eos qui adorant eum, in spiritu & veritate oportet adorare. Ipse enim corpus habens, & immaculatum, & sine peccato, quia conceptus est de spiritu sancto, natus ex Maria virgine, in ara crucis ipsum permisit immolari. Quod autem Iudæi per inuidiam immolauerunt, putantes se nomen eius à terra abolere, nos causa salutis nostræ in ara sanctificata proponimus: scientes, hoc solo remedio nobis vitam præstandam, & mortem effugandam: hoc enim ipse Dominus noster iussit nos agere in sui commemorationem. Nam de sacrificijs idolorum, notum vobis à me factum est, quia ea maxime de causa dominabitur vobis diabolus. Et sicut communio vini Dei est vobis vita, sic participatio mensæ simulacrorum, erat vobis æterna mors, & infirmitates, & corruptiones, & nimis tribulationes huius seculi.

LITURGIA D. DIONYSII  
AREOPAGITAE, I. PARISIO-  
RVM EPISCOPI, GALLIA-  
RVM APOSTOLI.

Q<sup>2</sup>

SACRI

LITVRGICON ECCLESIAE LATINAE  
SACRI VNGVENTI, QVO ALTARIA  
ET SACERDOTES CONSECRAN-  
TVR, MYSTERIVM.

Dionys.  
Arcop.ec.  
cl. hierar.  
4.c.

**E**ST (inquit) synaxi finitimum alterum sacramentum, quod praeceptores nostri vnguenti mysterium nominant. Eodem autem modo, quo in synaxi, ordines eorū qui minū perfecti sunt, excludūtur: cū scilicet & Pontificis circū totum templū odoribus incensis referta profectio, & Psalmorum recitatio, & diuinorum scriptorum lectio antecefferit: tum Pontifex sumptum vnguentum in diuino altari, duodecim pennis obtectum locat canentibus omnibus sanctissima voce, Prophetarum qui à Deo promoti sunt, verba, quae diuino spiritu dictante exceperunt, perfectaq; in eo solenni in sanctissimis eorum, qui consecrantur cēremonijs, precatione, illud adhibet in omni ferè Pontificio munere.

CONTEMPLATIONEM, siue latiore rituum explicationē, & hīc & in sequentibus, compendij gratia, omittimus.

SOLI PONTIFICI LICITA HVIVS VN-  
GVENTI ET ALTARIS ET SACER-  
DOTVM CONSECRATIO.

Dionys.  
Arcop.ec.  
cl. hierar.  
c.4.

**I**TAQVE diuinus nos mos sanctam hierarcharum ordinum institutionem diuināq; vnguenti confectionem, atque sanctam altaris consecrationem, diuinorum Pontificum efficacibus facultatibus singulari munere attribuit.

ALTARIS CONSECRATIONIS RITVS.

Ibid. in  
cōtempl

**H**OC etiam animaduerti, diuini quoque altaris consecrationē sanctissimorū mysteriorū more & instituto sanctissimis sacri vnguenti infusionibus perfici. Est autem caelestis DEI actio omnis, diuinæ nostrae sanctificationis principium, essentia, perficiensque vis. Si enim Iesus, qui est diuinum altare nostrum, diuina est diui-



est diuinarum mentium consecratio, in quo vt scripta diuina loquuntur, consecrati, ac mysticæ omninò hostiæ instar incensi, accessum habemus, cælestibus oculis diuinū ipsum altare cernamus, in quo quæ perficiuntur, ab ipso diuino vnguento & perficiuntur, & sanctificantur omnia.

MYSTERIVM CONSECRATIONVM,  
QVÆ SACROS ORDINES CONTINGVNT.

PONTIFEX quidem (inquit) qui ad perfectionem virtutemque Pontifice dignam euehitur, vtroque genu flexo ante altare, supra caput habet libros à Deo traditos, manumque Pontificis: atque hoc modo ab eo pontifice, qui eum consecrat, sanctissimis precationibus appellationibusque consecratur. Sacerdos autem flexis ante aram genibus, capiti suo ad motam Pontificis manum dextram habet: atque ita à pontifice, qui eum consecrat, sanctis precationibus consecratur. Minister verò genu altero flexo ante altare, dextram manum Pontificis qui eum consecrat, super caput habet, ab eoque consecratur ijs precationibus & inuocationibus, quibus ministri consecrari solent. Vnicuique autem eorum signum crucis à consecrante pontifice imprimitur, & singulis sancta prædicatio, perficiensque salutatio adhibetur, omnibus Ecclesiastici ordinis consalutantibus, ac Pontifice consecratore eum, qui in aliquem ordinem Ecclesiasticum eorum, quos enumerauimus, cooptatus est.

Ibid. ca. 5.

PRECES ANTE MYSTERIA.

NEQVE Carpus (inquit) qui me Cretæ hospitio excepit, sacros mysteriorum ritus aggrediebatur, nisi prius ipsi in ijs precibus, quæ antea perfici solent, sacra & læta apparuisset visio.

Idē Epist.  
ad De-  
moph. I.  
monach.

SYNAXEOS LITURGIA.

PONTIFEX (inquit) perfectò precum sacro ad Dei altare, cum ab eo incendi odores initium fecit, sacrum obit locum.

Ibid. ca. 3.

\* quæ

cum. Reuersus autem ad diuinam aram, sacros psalmos canere incipit, canuntq; cum eo omnes ecclesiastici ordines. Deinceps à ministris sanctorum librorum lectio ordine recitatur. Ea recitata, extra templi ambitū collocantur catechumeni, & vnà cum eis energumeni, atque ij quos superioris vitæ poenitet: manent autem ij qui diuinarum rerum & adspectu digni sunt & communione. Ministrorum verò alij stant pro templi foribus, \* atq; occlusæ sunt: alij autem, aliquid aliud eorum, quæ eorū ordinem attingunt, perficiunt. Præcipui porrò atque selecti ordinis eius, qui ministrat, cū sacerdotibus in diuino altari proponunt panem, benedictionisque calicem: cū antea ecclesiastici omnes laudem hymnumq; generalem Deo tribuerint: cum quibus Pontifex sacras preces ritè perficit, sanctamq; pacem omnibus nunciat. Cū omnes se inter se salutauerūt, mystica sanctorum *δουπλέων* recitatio fit. Cumq; manus aqua abluerunt & Pontifex & sacerdotes, pontifex quidem in medio altari collocatur: circumstant autem eum soli cum sacerdotibus ministri selecti. Pontifex laudatis sacris Dei operibus, ea quæ diuinissima sunt, ritè perficit, oculisq; subiicit ea quæ propositis ritè signis laudata sunt. Donis diuinorū operum monstratis, ad sacram eorum communionem & venit ipse, & inuitat cæteros. Accepta dataq; diuina communione, in sacram gratiarum actionem desinit: cū interea multi quidem sola diuina signa considerēt, ipse aut diuino spiritu semper ad sacra principia eorū quæ perficiuntur, beatis, intentisq; contemplationibus, vt Pontificem decet, in diuini statūs puritate ducitur.

#### LITVRGIA IN CONSECRATIONE MONASTICA.

Ibid, c. 6. SACERDOS quidem (inquit) stat ante diuinum altare, precationem quæ monachos attingit, recitans ac pronuncians: is autem qui consecratur & initiatur, stat post sacerdotem, nec vtrunq;  
ge



genu flectit, nec alterum, nec caput habet suppositū diuinis libris, sed tantū præstō est sacerdoti, qui mysticam precationem in ipso recitat. Sacerdos verò ea perfectā, quum ad eum qui initiatur, venit, illum rogat primū, num remittat nuncium non solum diuini distinctisq; vitis, verum etiam visionibus: deinde perfectissimam ei vitam exponit, hoc pro testimonio dicens, eum mediam vitam superare ac transilire oportere. Quæ ubi omnia is qui initatur, continenter professus est se esse facturum, sacerdos signo crucis eum consignatum tondet, appellans tres personas diuinæ beatitudinis: omniq; veste detracta, eū alia induit, & cum alijs sanctis viris qui ad sunt, cum eum salutauit, participem facit diuinorum mysteriorum.

## AD SACRA MYSTERIA ADITVS QVI-

BVS PERMISSVS.

**A**N non hoc clamāt (inquit) etiam sacra mysteria? Neq; enim planè omnibus aditus ad sancta sanctorum interdictus est, sed proximè ad ea accedit Pontificum ordo, deinde sacerdotum, tum secundum hos, ministrorum. Ijs autem qui monachi instituti sunt, valvæ adytorum occlusæ sunt, ad quas & initiantur, & assistunt, non ut eas custodiant, sed ut agnoscant & se & ordinem suum: propiusque ad populum, quàm Ecclesiastici ordinis homines, accedunt.

## SACERDOTVM PROPRIA DIVINORVM

TRACTATIO.

**A**C mihi quidem videtur audax & temerarius, si quis ea sibi sumat quæ propria sacerdotum, neque metu & pudore, à diuinorum tractatione præter captum ac meritum deterretur: putatq; Deum ignorare, quæ ipse sibi est conscius, & sperat se decepturum eum, qui à se falso nomine appellatur pater, audetq; scelestas suas, ut ita dicam, maledictiones (neq; enim preces dixerim) in diuinis mysterijs Christi imitatione proferre.

CHRI.

LITURGICON ECCLESIAE LATINAE  
CHRISTI APPARITIO IN D. DIONYSII SACRIFICIO.

In vita  
Dionysij.  
edita per  
Hilduinū  
Abbatē.

**Q**VVM post permultas (inquit D. Visbius in vita Dionysij) & pernecessarias populi, qui eum sequendo carcerem eruperant, exhortationes, & ad absentes directa institutio-  
num præcepta, Dominica Missarum solennia, vt confirmarentur participatione corporis & sanguinis Domini nostri Iesu Christi fideles, velut iam in cælis positus celebraret: hora qua frangebatur  
\* deberēt, panis sanctus, quo ipse & populus communicare \* debebant, resplenduit huiusmodi lux de cælo super eum & omnes qui ibi aderant, qualem nemo eorum antea viderat. In qua veniens apparuit ei Dominus Iesus Christus, etiam cunctis videntibus, quibus est datum videre, cum multitudine angelorum: & accipiens panem sanctum, dedit illi, dicens: Accipe hoc chare meus, quod mox complebo tibi vnà cum patre meo, qui mecum est maxima merces tua, & his qui audierint te, salus in regno meo.

**Q**UOD ipsum repetit Hilduinus Abbas in hæc verba: Conscriptio (inquit) Visbij, quæ in tomo satis superque abdito Parisijs diuino nutu inuenta est: inter alia memoranda, sicut in ea legitis, verba Domini nostri Iesu Christi ad eum prolata, quandò facta Dionysij. cra mysteria perageret, illi cunctis videntibus apparentis, continere dignoscitur.

S. VALERII, II. TREVIRENSIVM  
EPISCOPI, VIATICI CONCESSIO.

S. Valerij  
Treur.  
vita, Tomo I. Supp.  
lij.

**I**LLVSCENTE iam quinto die, (inquit author vitæ ipsius, Iqui post excidium Treuironum hæc in chartulis scripta reperisse affirmat, Oratorium ingressus S. Valerius, viaticum quod ipse consecrauerat, accepit: & post hæc extensis inter discipulorum manus membris sacris, 4. Calend. Februar. spiritum reddidit cælo.

D. R. E.



D. REGVLI, I. ARELATENSI-  
VM ET SYLVANECTENSI-  
VM EPISCOPI, MISSA  
PVBLICA.

**A**CCIDIT autem (inquit Author vitæ ipsius) vt hora interfectionis sanctorum Martyrum, Dionysij, Rustici & Eleutherij, beatissimus præsul Regulus Arelatensi populo iam ex more Ecclesiam frequentanti, Missam publicam celebraret. Dominica oratione iam dicta, & Apostolorum nominibus recitatis, adiunxit, Et beatis martyribus, Dionysio, Rustico & Eleutherio. Quo audito, paululum stupefactus, secum mirari cepit, cur præter solitum hoc dixerat. Et ecce apparuerunt tres columbe super altaris crucem residentes, horum martyrum nomina pectoribus sanguine habentes inscripta. Quas beatus Præsul diligenter intuitus, beatum Dionysium & socios eius per coronam Martyrij celos ascendisse, per spiritum sanctum cognouit. Mox autem columbe ab oculis eius elapse sunt. Expleta autem Dominici corporis consecratione, paucis secum, quos voluit, retentis, ceteros discedere fecit. Quibus visionem quam viderat, & quod B. Dionysius & socij eius palmam martyrij suscepissent, amarissimè flens narrauit.

Id ipsvm habet D. Anton. part. 1. sum. histor. titul. 6. ca. 28. lib. 2.

D. SANCTINI, I. CARNOTENSI-  
VM, MELDENSIUM ET VIR-  
DVNENSIUM EPISCOPI,  
SACRIFICIVM.

**S**ICQVE (inquit Hincmarus Rhemensis Archiepiscopus) resuscitato Antonino, suo postea successore, per D. Sanctinum of-  
R feren-

S. Reguli  
vita MS.  
apud Gui-  
liel. Bru-  
gen.

Hincm.  
Rhemen.  
epi. de ges

stis D. Di-  
on. ad Ca-  
rol. Im-  
per. MS.

ferentes Dño sacrificium laudis, Eucharistiæ corporis & sanguinis Christi participati sunt: & accipientes cibum, cõfortati sunt, & iter cœptum aggredientes, Romam, auxiliante Dño, venerunt: & iam B. Clemente martyrio coronato, in eadem sede S. Anacletum natione Græcum de Athenis, qui fuerat à B. Petro Presbyter ordinatus, consecratum Pontificem inuenerunt.

## SECVNDI A CHRI- STO INCARNATO SECVLI, SACRIFICII RITVS.

D. ANACLETI, PAPAE ROMANI  
QVINTI, STATVTA DE SA-  
CRIFICIO, ET EO PER-  
TINENTIBVS.

DE SACERDOTVM, NEMPE EPISCO-  
PORVM ET PRESBYTERORVM, ORDINE  
BIPARTITO.

Anaclet.  
epistola 3.

**S**ACERDOTVM (inquit) ordo bipartit⁹ est, & sicut Dominus illum constituit, à nullo debet perturbari. Scitis autem à Domino Apostolos esse electos & constitutos, & postea per diuersas prouincias ad prædicandum dispersos. Quum verò messis cœpisset crescere, videns paucos esse operarios, ad eorum adiuuentum septuagintaduos eligi præcepit discipulos. Episcopi verò, Domini Apostolorum: presbyteri quoq; septuagintaduorum discipulorū locum tenent.

QVOD ipsum latiùs tractat Epistola secunda, sed compendij gratia prætermittimus.

DE



DE EPISCOPORVM, PRESBYTERORVM  
ET INFERIORVM GRADVVM OR-  
DINATIONIBVS.

**O**R DINATIONES Episcoporum (inquit ad episcopos Ita- Idē epi. 2.  
lię) auctoritate Apostolica, ab omnibus q̄ in eadem fuerint  
p̄uincia, Episcopis sunt celebrādę. Qui simul cōueniētes, scrutiniū  
diligēter agāt: ieiuniumq̄; cum omnibus celebrēt precibus, & ma-  
nus cum sanctis Euāgelijs, quę prędicaturi sunt, imponētes, Dñica  
die hora tertia orantes, sacraq̄; vnctione, exemplo Prophetarum &  
Regum, capita eorum (more Apostolorum & Moſis) vngentes, q̄a  
omnis sanctificatio, constat in Spiritu sancto, cuius virtus inuisibi-  
lis, sancto Chrismati est permixta, & hoc ritu solennem celebrent  
ordinationem. Quod si simul omnes conuenire minimē pote-  
runt, assensum tamen suis precibus prębeant, vt ab ipsa ordinatio-  
ne animo non desint. porro & Hierosolymitarum primus Archi-  
episcopus beatus Iacobus, qui Iustus dicebatur, & secūdum carnem,  
Domini nuncupatus est frater, à Petro, Iacobo, & Ioanne Aposto-  
lis est ordinatus, successoribus videlicet dantibus formam eorum,  
vt non minùs quàm à tribus Episcopis, reliquisq̄; omnibus assen-  
sum prębentibus, vltatenùs Episcopus ordinetur, & communi vo-  
to ordinatio celebretur. Reliqui verò sacerdotes à proprio ordi-  
nentur Episcopo, ità vt ciues & alij sacerdotes, assensum prębe-  
ant, & ieiunantes ordinationem celebrent: similiter & Diaco-  
ni ordinentur. Cæterorum autem graduum distributioni, trium  
veracium testimonium, cum Episcopi scilicet approbatione, suffi-  
cere potest.

QVOD SACRIFICANDVM SIT IN LOCIS  
SACRATIS, ET ADHIBITIS TESTIBVS, DIACO-  
NIS, SVBDIACONIS, ET ALIIS MINISTRIS.

**S**ACERDOTES autem (inquit alio loco) quandò dño sacri- Idē epi. 1.  
fīcāt, nō soli hoc agere debēt, sed testes secum adhibeāt, vt dño

R 2 per-

perfectè in sacris Deo sacrificare locis probentur. Ait nanque  
 auctoritas legis diuinæ: Vide nè offeras holocausta tua in omni  
 loco, quem videris, sed in loco quem elegerit Dominus Deus tu-  
 us. Episcopus Deo sacrificans, testes (vt præfixum est) secum ha-  
 beat, & plures quàm alius sacerdos. Sicut enim maioris honoris gra-  
 du fruitur, sic maioris testimonij incremento indiget. In solen-  
 nioribus quippe diebus, aut septem, aut quinque, aut tres Diaconos,  
 qui eius oculi dicuntur, & subdiaconos atq; reliquos ministros se-  
 cum habeat, qui sacris induti vestimentis, in fronte & à tergo, &  
 presbyteri eregionè dextra læuaq; cōtrito corde & humiliato spi-  
 ritu, ac prono stent vultu, custodientes eum à maleuolis homini-  
 bus, & consensum eius præbeant sacrificio.

QVOD, PER ACTA CONSECRATIONE,  
 OMNIBVS COMMUNICANDVM SIT.

Ibidem.

\*Dño(

PER ACTA aut consecratione, oēs communicent, qui nolu-  
 erint ecclesiasticis carere liminibus. Sic enim & Apostoli sta-  
 tuerunt, & sancta Romana tenet ecclesia. Seruite\* (inquit Dñs per  
 Prophetā Daud) in timore, & exultate ei cū tremore. Adorate pu-  
 rè, nè fortè irascatur, & pereatis de via. Ille enim non perit de via,  
 qui rectè graditur, & præcepta custodit Maiorum.

D. EVARISTI PAPAE VI. RO-  
 MANI, DECRETA DE CER-  
 TO MISSARVM GE-  
 NERE.

DE OBLATIONIBVS IN LEGITI-  
 MIS NVPTIIS.

ALI-



**A**LITER (inquit) legitimum, vt à Patribus accepimus, & à sanctis Apostolis, eorumque successoribus traditum inuenimus, non fit cōiugium, nisi (cætera omitto breuitatis causâ) vxor suo tempore sacerdotaliter (vt mos est) cum precibus & oblationibus à sacerdote benedicatur.

Euarist.  
Papa  
Epist. 1.

#### DE MISSA IN CONSECRATIONE ECCLESIA- RVM ET ALTARIVM.

**O**MNES Basilicæ (iuxta quod ex Decretis eiusdem à D. Burchardo citatur) cum Missa semper debet consecrari, altaria verò placuit non solum vnctione Chrismatis, sed etiam sacerdotali benedictione sacrari. Si verò altaria non fuerint lapidea, ad celebranda diuina officia non consecrentur. Vbi autem Ecclesia est, de cuius ambiguitur consecratione, à vicinis presbyteris & parochianis fideliter requiratur. Hi ergo cum cæteris omnibus in Synodali Concilio ab Episcopo pro suo sunt contestandi sacerdotio, si illorum temporibus vel antecessorum suorum, sciant Ecclesiæ illius dedicationem, die vel officio vnquam fuisse celebrem. Quod si affirmando in hoc concordant, non fiat iniuria Ecclesiæ legitimæ vel suo defensori: Sin autem, in arbitrio sit Episcopi, claudere seu aperire eam.

Decr. MS.  
cod. l. 5. c.  
8. & Tom.  
1. Conc. ac  
Burch. de  
cr. l. 3. c. 27

#### CHRISTIANORVM SVB TRA- IANO ANTELVCANI COETVS.

**A**FFIRMABANT autem (inquit Plinius Secundus, ad Traianum scribens) Christiani, quod essent soliti stato die ante lucem conuenire, carmenque Christo quasi Deo dicere secum inuicem, seque sacramento non in scelus aliquod obstringere, sed

plin 2. E.  
pist. ad  
Traian. sub  
fin. l. 10.

R 3

nè furta,

nè furta, nè latrocinia, nè adulteria committerent, nè fidem fallerent, nè depositum appellati abnegarent: quibus peractis, morem sibi discedendi fuisse, rursusq; coeundi ad capiendum cibum, promiscuum tamen & innoxium.

Tertull.  
Apol. cōt.  
gentes.

QVOD ipsum ex Plinio citat in hæc verba Tertullianus: Plinius Secundus quum prouinciam (Bithyniam) regeret, damnatis quibusdam Christianis, quibusdam gradu pulsis, ipsa tamen multitudo perturbatus, quid deceterò ageret, consuluit Traianum Imperatorem, allegans præter obstinationem non sacrificandi, nihil aliud se de sacris eorum comperisse, quàm cœtus antelucanos ad canendum cuidam Christo Deo, & ad conferendam disciplinam homicidium, adulterium, fraudem, perfidiam, & cætera scelera ab ipsis prohiberi. Tunc Traianus rescripsit, hoc genus inquirendos quidem non esse: oblatos verò, puniri oportere.

ad annum  
III.

QVAE ipsa Tertulliani verba citat Eusebius in Chronico seu potius Hieronym. inter ea quæ ad illud suis quibusdam locis interfert.

D. ALEXANDRI, VII. PA-  
PAE, ET ALIORVM PATRV  
CONCILII ROMANI, CANO-  
NES DE SACRAMENTO,  
RVM OBLATIO-  
NIBVS.

INTER MISSARVM SOLENNIA PASSIO  
DOMINI MISCENDA, QVIBVS PLA-  
CATVR DEVS.

IN



**I**N sacramentorum (inquit) oblationibus, quæ inter Missarum solennia Domino offeruntur, passio Domini miscenda est, ut eius, cuius corpus & sanguis conficitur, passio celebretur.

Alex. Pa.  
pa Epist.  
1. c. 4.

Et postea: Crimina enim atque peccata, oblati his Domino sacrificijs, delentur. Idcirco & passio eius in his commemoranda est, qua redempti sumus, & sæpius recitanda, atq; hæc Domino offerenda. Talibus hostijs delectabitur & placabitur Dominus, & peccata dimittet ingentia.

**Q**UEM locum tractat Vvalafridus Strabus: Alexander, inquit, septimus papa in numero, miscuit passionem Domini in precatione sacerdotum, quando Missæ celebrantur. Quod cum ita de eo in Pontificalibus scriptum sit, dubium videtur, utrum ille eam tantum partem actionis, qua passio Domini commemoratur, ordinaverit, vel totam à capite usq; ad ipsum locum. Sed huic secundæ æstimationi videtur contrarium, quod in ea parte sancti nominantur, qui & ante illum, & qui post illius tempora longè fuerunt: nisi dicamus, ab illo eos tantum, qui ante illum fuerunt, commemoratos: Caterorum verò nomina, suis quæque temporibus, ab alijs superimmissa. Vnde & ipsius nomen Alexandri, in sequenti ordine reperitur.

**B**ERNO verò Augiensis Abbas: De Alexandro quoque Papa, qui à B. Petro septimus erat in ordine, ita legimus: Hic passionem Domini miscuit in precatione sacerdotum, quando Missæ celebrantur.

Berno Aug.  
gient. c. 1.  
de offic.  
Missæ.

**E**T Micrologus noster: Multa tamen Canoni à sanctis Patribus inserta legimus: sicut à sancto Alexandro Papa in ordine, quinto, ipsius Dominicæ passionis, commemoratio interferi iubetur.

Microlog.  
de obseru.  
Eccl. c. 12.  
Sigebr. in  
chron. ad  
annū Dñi  
688.

**S**IGEBERTVS quoque: Hic (inquit) inseruit memoriam Dominicæ passionis ad consecrationem Eucharistiæ.

Radulph.  
Tung. de  
can. obser.  
quo  
c. 23.

**R**ADVLPHVS denique Tungrensis: Sanctus Alexander, de quo

quo suprà, ipsius Dominicæ passionis commemorationem inter-  
feri iussit. Vndè orationem, (Vndè & memores) quidam ipsi attri-  
buunt.

PANIS TANTVM, ET VINVM AQVA ML-  
XTVM, IN SACRIFICIO OFFERANTVR.

Alexand. **I**TA (inquit idem D. Alexander) vt repulsis opinionibus su-  
Papa ibid. perstitionum, panis tantum & vinum aqua permixtum, in sa-  
crificio offerantur. Non debet enim (vt à Patribus accepimus, &  
ipsa ratio docet) in calice Domini aut vinum solum, aut aqua sola  
offerri, sed vtrunque permixtum, quia vtrunque ex latere eius in  
passione sua profluxisse legitur. Ipsa verò veritas nos instruit, cali-  
cem & panem in sacramento offerre, quandò ait: Accipit Iesus pa-  
nem, & benedixit, deditque discipulis suis, dicens: Accipite & man-  
ducate: Hoc est enim corpus meum, quod pro vobis tradetur. Si-  
militer, postquam cœnauit, accepit calicem, deditque discipulis suis,  
dicens: Accipite, & bibite ex eo omnes: quia hic est calix sanguinis  
mei, qui pro vobis fundetur in remissionem peccatorum.

Microlog. de  
Eccl. ob-  
seru. c. 10. **Q**UAM ipsam quoque constitutionem citat Micrologus:  
Sanctus (inquit) Alexander papa constituit, vt panis tantum & vi-  
num aqua mixtum, in sacrificio Domini offeratur, quia de latere  
Domini sanguis & aqua simul profluxerunt. Ac in hæc verba Si-  
gehb. 10.  
co citato. gebertus: Sicut de latere crucifixi Christi Iesu effluxit sanguis &  
aqua, ita aquam vino misceri in ipsa consecratione instituit, nec vi-  
num sine aqua, nec aquam sine vino offerri debere decernens.

Mart. Po-  
lon. in  
chron. ad  
annū Do-  
mini 132. **E**t Martinus Polonus: Hic etiam statuit, vt vino aqua misce-  
retur in Missa, ad designandam vnionem Christi in Ecclesia: Et vt  
oblatio fieret ex azymo, & in modica quantitate, dicens: Hæc ob-  
latio quanto potior, tanto rarior.

**Q**UAE postrema vndè sumpserit, nescio: eadem tamen habet  
Radulphus Tungrensis loco citato.

OBLA-



OBLATIO HAEC, PVRA CONSCIENTIA  
OFFERENDA, ET AB OMNIBVS  
VENERANDA.

**N**IHIL (inquit idem D. Alexāder) in sacrificijs maius esse potest, quā corpus & sanguis Christi. Nec vlla oblatio hac potior est, sed haec omnes praecellit. Quae pura cōscientia Domino offerenda est, & pura mente sumenda, atque ab omnibus veneranda. Et sicut potior est cæteris, ita potius excoli & venerari debet. Alexand.  
Papa ibid,

AQVA SALE CONSPERSA BE-  
NEDICATVR.

**A**QVAM verò sale conspersam, populis benedicimus, ut ea cuncti adpersi, sanctificentur ac purificentur: quod & omnibus sacerdotibus faciundum esse mandamus. Ibidem.

**N**AM si cinis vitulae adpersus sanguine, populum sanctificabat atq; mundabat: multo magis aqua sale adpersa, diuinisq; precibus sacrata, populum sanctificat atq; mundat. Et si sale adperso, per Heliseum prophetam, sterilitas aquae sanata est: quanto magis diuinis precibus sacratus, sterilitatem aufert rerum humanarum, & coinquinatos sanctificat, atq; mundat, & expurgat, & cætera bona multiplicat, & insidias diaboli auertit, & ab eius phantasmatibus, ac versutibus homines defendit? Nam si tactu fimbriae vestimenti Saluatoris, saluatos infirmos esse non dubitamus: quanto magis virtute sacrorum eius verborum diuinitus sacrantur elementa, quibus saninitatem corporis & animae humana percipit fragilitas?

**I**DIPSVM ab eo constitutum testatur his verbis D. Damasus: Hic constituit aquam adspersionis cum sale benedici, siue (ut alij legunt) cum sale benedicto spargi in habitaculis hominum. Damas. li.  
Pōtif. c. 7.  
Ado in  
Martyrol.  
ad 7. No-  
nas Maij.  
Vvalafr.

**E**T IJSDem verbis Ado Treuirensis in Martyrologio.

**S**IMILITER Vvalafridus Strabus: Aquam sparsionis cum  
S sale

Strab. de  
reb. Eccl.  
c. 29.

fale benedici, & in habitaculis fidelium spargi, Alexander Papa constituit. Sicut enim populus prior legalibus institutis deseruiens, sanguine lustrabatur: ita nouus Christianorum populus, Baptismi sacramento renatus, dignè aqua benedicta adspargitur, vt sicut sanguis agni in postibus ad repellendum percussorem ponebatur, ita mysterium aquæ, corpora & loca muniat renatorum.

ET Micrologus: Alexander Papa quintus à beato Petro, constituit, vt sal & aqua benediceretur ad conspergendum populum & habitacula eorum: quod & nos in omni Dominica iuxta Canones sequimur.

Sigeb. lo  
co supra  
citato.  
Radulph.  
Tungr. lo  
co citato.

AC Sigebertus: Instituit aquam benedici & aspergi.

RADVLPHVS deniquè Tungrensis: Rursusq; præcepit populum aspergi aqua cum sale exorcizata & benedicta.

#### SACERDOTES SACRANDI.

Alexand.  
Papa E  
pist. 2.

SACERDOTES (inquit idem Alexander alibi) sibi sacri & in ordine Apostolatûs constitui voluit. Ipsi enim pro populo interpellant, & peccata populi comedunt, quia suis precibus & oblationibus ea delent atque consumunt.

### D. SIXTI I. PAPAE ROMANI VIII. CVM RELIQVIS EPI SCOPIS, CONSTITVTIONES CIRCA MISSARVM ACTIONEM.

VASA SACRA NON NISI A SACRA  
TIS MINISTRIS CONTRA  
CTENTVR.

IN



**I**N hac (inquit D. Sixtus) sede Apostolica à nobis & reliquis Episcopis, cæterisq; Domini sacerdotibus statutum est, vt sacra vasa non ab alijs, quàm à sacratis, Dominoq; dicatis contrectentur hominibus. Indignum enim valde est, vt sacra Domini vasa, quæcūq; sint, humanis vsibus seruiant, vt ab alijs quàm à Domino famulantibus, eiq; dicatis, tractentur viris, nè pro talibus præsumptionibus iratus Dominus plagam imponat populo suo, & hi etiam, qui non peccauerunt, mala patiantur, aut pereant, quia perit iustus sæpissime pro impio. Attēdite fratres, nè talia vestris in Ecclesijs permittatis deinceps fieri, nè grex precioso Christi sanguine redemptus, in præcipitium (quod absit) ruat.

**Q**UOD ipsum paucis adstruit D. Damasus: Hoc (inquit) constituit, vt ministeria siue vasa sacrata non tangerentur, nisi à ministris sacratis.

**E**T Marianus Scotus: Sixtus Papa constituit in Dēcretis, vt sacra ministeria non tractentur, nisi à sacratis ministris.

**S**IC etiam Radulphus Tungrensis: Constituit (inquit) nè sacra vasa tangerentur, nisi à ministris Domini consecratis.

Damas. l.  
Pōtif. c. 8.

Marian.  
Scot. lib.  
2. hist.  
Radulph.  
Tungr. loc.  
co sæpè citato.

**HYMNVS, SANCTVS, SANCTVS &c. INFRA  
MISSARVM ACTIONEM SIVE CANONEM  
DECANTETVR A POPVLO.**

**C**ONSTITVIT etiam, (inquit D. Damasus) vt Missarū actionem sacerdote incipiente, populus hymnum decātare: Sanctus, sanctus, sanctus, Dominus Deus Sabaoth &c.

**E**T Albinus Flaccus Alcuinus: Sixtus Papa instituit adiectionē illam primæuo Hymno, id est, Sanctus, sanctus, sanctus &c.

**B**ERNO quoque Augiensis: Non desunt (inquit) qui dicunt, Berno in Sixtum Papam supradictum hymnum, Sanctus, sanctus, sanctus, Missa ad Missam addidisse.

Dam. loc.  
citato.

Marian.  
Scot. loco  
cit.

Ac Marianus Scotus: Et infra actionem Missarum, Sanctus, & Ofanna (sic enim lego, pro eo quod est, Gloria) in excelsis cantari constituit.

Microlog.  
li. cit. c. 11.

MICROLOGVS item: Angelicus (inquit) hymnus, id est, Sanctus, sanctus, sanctus, subsequitur, quem beatus Sixtus Papa in ordine octauus constituit, vt ante sacrificium diceretur. Hunc autem hymnum & ipse sacerdos cum alijs necessariò debet dicere, nè seipsum sua prece videatur priuasse, qui & suas voces & aliorum angelicis laudibus admitti deprecatus est in præfatione.

Sigeb. vt  
suprà.

SIGEBERTVS autem: Sixtus primus hymnum instituit, Sanctus, sanctus, &c.

Radulph.  
Tungr.  
loc. cit.

RADVLPHVS etiam Tungrensis: Sixtus primus natione Romanus, successor Alexandri, qui cœpit anno Domini CXXIX. constituit, vt hymnus, Sanctus, sanctus, sanctus, ante sacrificium diceretur, dimidium de Esaia, dimidium de Euangelio sumens.

Mart. Pol.  
in chron.  
ad an. 133.

MARTINVS deniquè Polonus: Hic (inquit) constituit, vt diceretur in Missa: Sanctus, sanctus, sanctus, Dominus DEVS Sabaoth.

D. TELESPHORI IX. PAPAE,  
ET CUNCTORVM EPISCO-  
PORVM CONCILII ROMANI,  
CONSTITVTA DE MISSA-  
RVM CELEBRA-  
TIONE.

CLERICI DIE NOCTVQVE HYMNIS ET  
VIGILIIS ATQVE ORATIONIBVS  
INHAEREANT.

OMNES



**O**MNES (inquit cum suo concilio Telesphorus) clerici hy-  
mnis & vigilijs atq; orationibus Domino inhærere die no-  
ctũq; studeant.

Telesph.  
Epist. 1.

NOCTE SANCTA NATIVITATIS DOMI-  
NI MISSAE CELEBRENTVR, RELIQUIS TEMPO-  
RIBVS NON ANTE HORAM TERTIAM, ET  
HYMNVS ANGELICVS DECANTETVR  
SOLENNITER.

**N**OCTE verò sancta Natiuitatis Domini saluatoris, Missas <sup>Ibidem.</sup>  
celebrent, & hymnum angelicum in eis solenniter decantēt,  
quoniam & eadem nocte ab angelo pastoribus nunciatus est, sicut  
ipsa veritas testatur, dicens: Pastores erant &c.

**H**VIIVS cōstituti meminit etiam in hæc verba Damasus: Hic <sup>Damas. li.</sup>  
fecit, vt in Natali Domini nostri Iesu Christi noctũ Missæ celebra- <sup>Pōtif. c. 9.</sup>  
rentur, cūm omni alio tempore ante horæ tertiæ cursum nullus p-  
sumeret Missas celebrare, quia ea hora Dominus noster ascendit  
in crucem.

**E**T ven. Beda: Hic (inquit) constituit, vt in Natiuitate Dñi <sup>Beda in</sup>  
nostri Iesu Christi, Missæ nocte celebrarentur. <sup>Martyrol.</sup>  
<sup>ad 5. Janu.</sup>

**A**C Vualafrius Strabus: Telesphorus (inquit) nonus in ordine <sup>Vualaf.</sup>  
sedis Romanæ Episcopus, in Natali Domini, noctũ tres Missas ce- <sup>Strab. de</sup>  
lebrari constituit. <sup>reb. Eccl.</sup>  
<sup>cap. 21.</sup>

**E**T vt nullo alio tempore ante horæ tertiæ cursum, vllus præsu- <sup>Ibid. c. 23.</sup>  
meret Missam celebrare: qua hora Dñs noster, secundũ Marci  
Euangelium, crucifixus asseritur.

**M**ARIANVS etiam Scotus: Hic constituit, vt in nocte Nati- <sup>Mar. scot.</sup>  
uitatis Domini Missæ celebrentur. <sup>lib. 2. hist.</sup>

**R**ADVLPHVS etiam Tungrēsis: De hora Missæ celebrandæ <sup>Radulph.</sup>  
S. Telesphorus martyr natione Græcus, qui successit Sixto anno <sup>Tungr. lo</sup>  
Domini 139. constituit in nocte Natiuitatis Missas celebrari, & hy- <sup>co sep̃e ci-</sup>  
mum <sup>tato.</sup>

mnium angelicum solenniter decantari. Reliquis verò temporibus ante horam tertiam illas minimè celebrandas: quia & eadem hora Dominus crucifixus est, & super Apostolos spiritus sanctus legitur descendisse.

MARTINVS Polonus deniquè: Hic constituit, vt Missam ante tertiam nullus præsumat canere, & in Natali Domini tres Missas, cum, Gloria in excelsis Deo. Tres autem Missas in Natali Christi instituit: primam, in pullorum cantu, circa mediam noctem, quandò Christus in Bethlehem nasci dignatus est: secundam, circa auroram, quandò Christus in cunabulis est adoratus à pastoribus: tertiam, in hora diei tertia, quandò illuxit nobis dies redemptionis nostræ.

IDEM HYMNVS ANGELICVS CELE-  
BRETVR AB EPISCOPIS IN MISSARVM  
SOLENNIIS.

Teleph.  
vbi suprâ.

**A**B episcopis autem (inquit idem D. Telephorus) idem angelicus hymnus pro tempore & loco in Missarum solennijs celebrandus est, atq; solenniter recitandus.

Damas. li.  
Pōtif. c. 9.

QVOD ipsum ab illo cōstitutum asserit Damasus: Et vt ante sacrificiū hymnus diceret angelicus, Hoc est, Gloria in excelsis Deo.

Beda in  
martyrol.  
vbi suprâ.

Ac ven. Beda: Ac vt hymnus angelicus, id est, Gloria in excelsis Deo, hora sacrificij Missæ celebraretur.

Alcuin.  
de diuin.  
offic.

ALBINVS etiam Alcuinus: Telephorus natione Græcus ex Anachoreta, constituit, vt hymnus diceret angelicus ante sacrificiū.

Amal. de  
diuin. of.  
fic. l. 3, c. 8.

ET Amalarius: Telephorus natione Græcus ex Anachoreta, cōstituit, vt hymnus diceretur angelicus, hoc est, Gloria in excelsis Deo, ante sacrificium.

Hrabanus  
de inst.  
cler. lib.  
1, cap. 32.

HRABANVS quoq; Maurus: Fertur etiam & longè antè Telephorus papa constituisse, id est, IX. post Petrum, vt ante sacrificiū hymnus, Gloria in excelsis Deo, diceretur.

L A-



LATISSIME verò Vualafrius Strabus: Hymnum autem angelicum (inquit) in quo paucis verbis, quædam ab angelis circa Natiuitatem Dominicam, in laudem Dei sunt prolata, sequentes sancti patres ad communem sanctæ & indiuiduæ Trinitatis laudationem, dulcissimas & congruentissimas dictiones addiderunt: Vt sicut eius principium à cælestibus ordinatum ministris, ita etiam tota eius series diuinis esset plena mysterijs. Illum, inquam, hymnum ante sacrificium dici, Telesphorus 9. Romanorum præsul cõstituit, vt ad tantę sanctitatis celebrationem, cõgregatorum animi angelicę modulationis dulcedine mulcerentur. Sed in hoc loco quæri potest, Si idem hymnus huius Papæ temporibus ante sacrificium cœpit dici: cur longo tempore pòst, sub Cælestino legatur, tantum ante sacrificium lectionem Apostoli & Euangelium præfuisse, vt ille necessariò de Psalmis Dauid Antiphonas, quę ante ipsas lectiones cantarentur, preposuisse videatur? Vbi respondendum est, constitutum quidem fuisse à Telesphoro, vt idem hymnus in capite Missæ diceretur, sed apud posteros ipsam eius cõstitutionem intermissam, doncè à sequētibus plenius totus ordo Missę componeretur: sed ita statutum ab eo, vt ipse hymnus in summis festiuitatibus & à solis Episcopis vsurparetur, quod etiam in capite libri Sacramentorum designatū videtur, & ideo scriptum esse, vsq; ad tempora Cælestini ante sacrificium lectiones tantum habitas: vt subintelligatur, quauis ille hymnus interdum ante Missas diceretur, vt prædiximus, non fuisse tamē, quod iugiter, in omnibus Missis, ab omnibus sacerdotibus ante lectiones poneretur, antequam idem Cælestinus antiphonas ad introitum dicendas, instituit.

BERNO itē Augiēsis: Telesphor⁹ Papa cõstituit, vt ante sacrificiū hymn⁹ dicere angelic⁹, hoc est, gloria in excelsis deo. qualiter ei⁹ debeat credi testimonio, testat⁹ martyriū, quod sustinuit p̄ nō.

Berno  
Aug. de  
Mils. c. 2.

EISDEM penè verbis id ipsum testantur Marianus Scotus, li. 2. hist. Sigebertus loco suprā citato, & Radulphus Tungrensis.

S A-

LITVRGICON ECCLESIAE LATINAE  
SACERDOTIBVS QVI CORPVS DOMI-  
NI CONFICIUNT, ET A QVIBVS POPVLVS  
BENEDICITVR, OBEDIENDVM.

Teleph.  
vbi supr.

**I**P SI autem (inquit idem D. Telephorus) qui Corpus Domini proprio ore conficiunt, ab omnibus sunt audiendi, obediendi, atque timendi, & non dilacerandi: quia à quibus se populus benedici, saluari, & instrui cupit, nullatenus debet cos arguere.

D. HYGINI PAPAE ROMANI X.  
DECRETA DE MISSA ET EC-  
CLESiarVM CONSE-  
CRATIONE.

ABSQVE MISSA NON FIAT ECCLESIA-  
RVM CONSECRATIO.

Grat. de  
consecr.  
dist. 1. c.  
Omnes.

**O**MNES Basilicæ (vt citatur D. Hyginus à Gratiano) cum Missa debent semper consecrari.

QVAE ECCLESIA ITERVM SIT CON-  
SECRANDA, AVT SALIBVS TANTVM  
EXORCIZANDA.

Burch.  
Decr. li. 3.  
c. 11. & 12.  
Iuo Decr. part 3. ca.  
3. ac 4.  
Grat. ibi.  
c. Si mo-  
tum.

**S**I motum fuerit altare (vt idem citatur Decretorum D. Hygini cap. 4. ac 6. à D. Burchardo, Iuone & Gratiano) denuò cōsecratur Ecclesia. Si tantum parietes mutantur, & non altare, salibus tantum exorcizetur. Si homicidio vel adulterio Ecclesia violata fuerit, diligentissimè expurgetur, & denuò cōsecratur.

LIGNA ECCLESiarVM, IN VSVS LAI-  
CORVM NON CONVERTANTVR.

Burchard.  
Decr. li. 3.  
c. 39. grat.

**L**IGNA autem Ecclesiæ (vt citatur ex c. 6. Decretorum eiusdem à D. Burchardo & Gratiano) dedicata, non debent ad aliud



aliud opus iungi, nisi ad aliam Ecclesiam, vel igni sunt comburenda, vel ad profectum in monasterio fratribus. In Laicorum verò opera non debent admitti.

## D. PII PAPAE XI. ROMANI CONSTITVTA CIRCA SA- CRAMENTA DIVINA.

SI PER NEGLIGENTIAM ALIQUID  
DE CALICE DOMINI STILLAVERIT, POE-  
NITENTIAM SACERDOS AGAT.

**S**I per negligentiam (inquit ca. 3. Decretorum D. Pius iuxta ci-  
stationem d. Burchardi, D. Iuonis, & Gratiani) de calice sangui-  
nis Domini aliquid stillauerit in terram, lingua lambatur, tabula  
radatur. Si non fuerit tabula, vt non conculcetur, locus corrada-  
tur, & igne consumatur, & cinis intrà altare recondatur, & sacerdos  
quadraginta diebus pœniteat. Si super altare stillauerit calix, for-  
beat minister stillam, & tribus diebus pœniteat. Si super linteam  
altaris, & ad aliud stilla peruenerit, quatuor diebus pœniteat. Si vsq;  
ad tertium, nouem diebus pœniteat. Si vsque ad quartum, viginti  
diebus pœniteat, & linteamina, quæ tetigerit stilla, tribus vicibus  
minister abluat, calice superposito, & aqua ablutionis sumatur, &  
iuxta altare recondatur.

Burchard.  
decr. l. 5. c.  
47. luo  
part. 2. ca.  
56. Grat.  
de cõf. di.  
2. ca. si per

POST MISSARVM SOLENNIA EV-  
LOGIAE DOMINICIS ET FESTIS DIEBUS  
POPULO DISTRIBVANTVR.

**D**E oblationibus quæ offeruntur à populo (vt citatur à DD. Burch.  
Burchardo & Iuone c. 4. Decretorum ipsius) & consecratio-  
ni supersunt, vel de panibus, quos deferunt fideles ad ecclesiam,  
T vel cap. 37.

Burch. li.  
5. ca. 27. &  
28. luo  
part. 2.  
vel cap. 37.

vel certè de suis, Presbyter conuenienter partes incisas habeat in vase nitido & conuenienti, vt post Missarum solennia, qui communicare non fuerint parati, eulogias omni die Dominico, & in diebus festis exindè accipiant, quæ cum benedictione priùs faciat.

ARREPTITII SACRIS ALTARIBVS  
NON MINISTRENT.

Burchard. **B**ENE siquidem (vt citant ex cap.6. Decr. eius D. Burchardus, decr. li.3. ca. 72. Iuo moniacis alijsque passionibus irretitis ministeria sacra tractare non liceat. Cui præcepto consensu rationis adhibito id communiter diffinimus, vt nullus de his, qui aut in terra arrepti à demonibus eliduntur, aut quolibet modo vexationis incurfibus effervunt, vel sacris audeant ministrare altaribus, vel indiscussè se ingerant sacramentis diuinis, exceptis illis, qui corporum incommoditati dediti, siue huiusmodi passionibus in terra probantur elisi, qui tamen & ipsi, tam diù erunt ab officij sui ordine & loco suspensi, quousq; vnus anni spatio, per discretionem Episcopi, inuenientur ab incurfu demonum liberati.

PRAEDIA VSIBVS CAELESTIVM SE-  
CRETORVM DICATA, SI QVIS SVBTRAHAT,  
SACRILEGVS IVDICETVR.

Pius papa **A**D fedem autem Apostolicam (inquit idem D. Pius Epistola ad Italicas ecclesias) perlatum est, quòd sint inter vos contentiones & æmulationes: Et prædia, diuinis vsibus tradita, quidam humanis applicant vsibus, & Domino Deo (cui tradita sunt) ea subtrahunt, vt suis vsibus inferuiant. Quapropter ab omnibus illius vsurpationis contumelia depellenda est, nè prædia vsibus secretorum cælestium dicata, à quibusdam irruentibus vexentur.

Eius.



EIVSDEM PII PAPAE MISSARVM  
ACTIO.

**A**NTEQVAM (inquit Diuus Pius Papa Epistola ad Iustum Georg. Fabr. adn. in Poet. Christ. Episcopum Viennensem apud Georgium Fabricium) Roma exisset, soror nostra Euprepia, sicut benè recordaris, titulum domûs suæ pauperibus assignauit: vbi nunc cum pauperibus nostris commorantes, Missas agimus.

D. ANICETI ROMANI PAPAE  
XII. DECRETVM, CIRCA  
MISSARVM CELEBRA-  
TIONEM.

PANIS, VINVM, ET AQVA, SINE QVI-  
BVS MISSAE CELEBRARI NEQVEVNT,  
MVNDISSIME TRA-  
CTENTVR.

**P**ANES (vt citatur à DD. Burchardo & Iuone Decr. cap. 3. Burch. l. 5. c. 29. Iuo part. 2. cap. 38. Aniceti Papæ, sic enim legendum pro eo quod est, Anicij) quos Deo in sacrificium offertis, aut à vobismetipsis, aut à vestris pueris coram vobis nitidè ac studiosè fiant, & diligenter offerretur, vt panis & vinum & aqua, sine quibus Missæ nequeunt celebrari, mundissimè atque studiosè tractentur, & nihil in eis vile, nihil non probatum inueniatur, iuxta illud quod ait scriptura: Sit timor Domini vobiscum, & cum diligentia cuncta facite.

T 2 SVB

SVB ANICETO D. POLYCARPI  
APVD ROMANOS EVCHARI-  
STIAE MINISTERIVM.

**Q**VAE quum ita essent constituta, (inquit D. Irenæus cum to-  
tius Galliae Concilio, Epistola ad D. Victorem Papam, cita-  
ta ab Eusebio & Nicephoro) communicabant inter se mu-  
tuò, & Anicetus in ipsa Ecclesia Polycarpo, ob reuerentiam dun-  
taxat, quam erga illum habebat, ritus qui in Eucharistia peragi solent,  
obeundi potestatem (siue Eucharistiae ministerium, ut alij ver-  
tunt) concessit.

Euseb. l. 5.  
ca. 25. seu  
24. Nice.  
l. 4. c. vlt.

D. SOTERIS PAPAE ROMANI  
XIII. MANDATA CIRCA SA-  
CRIFICII SACRA MY-  
STERIA.

NE FOEMINAE SACRATAE SACRA VA-  
SA VEL PALLAS CONTINGANT, AVT INCEN-  
SUM CIRCVM ALTARIA PERFERANT.

**S**ACRATAS (inquit D. Soter Epistola ad Episcopos Italiae) fœ-  
minas vel monachas sacra vasa vel sacratas pallas penès vos  
contingere, & incensum circa altaria deferre, perlatum est ad Apo-  
stolicam sedem, quæ omnia reprehensione & vituperatione plena  
esse, nulli rectè sapientium dubium est. Quapropter huius sanctæ  
sedis autoritate, hæc omnia vobis refecare funditùs, quanto citiùs  
poteritis, censemus: & nè pestis hæc latius diuulgetur per omnes p-  
uincias, abstergi citissimè mandamus.

Soter pa-  
pa epist. 2.

QVOD etià de illo tradit Damasus: Hic cōstituit, ut nulla mona-  
cha pallā sacratā cōtingeret, nec incensum poneret in sancta ecclesia.

ET



ET iisdem ipsis verbis Marianus Scotus, Radulphus Tungren-  
fis, & Martinus Polonus, locis suprà citatis.

QVISQVE SACRIFICANS SACERDOTEM  
ADSTANTEM HABEAT, QUI COEPTA SACRA-  
MENTA EXPLEAT, SI NECESSITAS  
INGRVERIT.

VT illud (inquit idem D. Soter Decr. c. 8. citato à DD. Bur-  
chardo, & Iuone, ac Gratiano) diuini oraculi momentis sin-  
guli præcaueant, quo scribitur, Væ soli, quia quum ceciderit, non  
habet subleuantem: summopere verendum est nobis atque cau-  
dum, nè horis illis atque temporibus, quibus Deo psallitur vel sa-  
crificatur, vnicuique diuinis singulariter officijs insistenti, perni-  
ciosa passio, vel quælibet corporis inualitudo occurrat, quæ aut  
corpus subito subruì faciat, aut mentem alienatione vel terrore  
confundat. Pro huiusmodi ergò casibus præcauentes, necessarium  
duximus instituere, vt vbì temporis vel loci siue cleri copia suffra-  
gatur, habeat (quisquis ille) canens Deo atque sacrificans, post se vi-  
cini solaminis adiutorem, vt si aliquo casu ille, qui officia impletu-  
rus accedit, turbatus fuerit, vel ad terram elisus, à tergo semper ha-  
beat, qui eius vicem exequatur intrepidus, & officium inceptum  
adimpleat.

Burch. de  
cr. l. 3. c. 73  
Iuo parte  
2. c. 126.  
Grat. de  
consecr.  
dist. 1. c.  
Vt.

CELEBRET NEMO, NISI DVO-  
BUS PRÆSENTIBVS.

HOC quoque statutum est, (vt citatur eiusd. Decr. c. 10. ab  
iisdem) vt nullus presbyterorum Missarum solennia cele-  
brare præsumat, nisi duobus præsentibus, sibi que respondentibus,  
& ipse tertius habeatur: quia quum pluraliter ab eo dicitur, Domi-  
nus vobiscum: & illud, Orate pro me: aptissimè cõuenit, vt & ipsius  
respondeatur salutationi.

Burch. l. 3.  
c. 74.  
Iuo part.  
2. c. 127.  
Grat. de  
consecr.  
dist. 1. c.  
Hoc.

T 3

PRESBY-

LITVRGICON ECCLESIAE LATINAE  
 PRESBYTERI NON CONREGIONALES,  
 OFFERRE NON POSSINT, NISI AD HOC  
 INVITATI, ABSENTIBVS CIVITA-  
 TIS PRESBYTERIS.

Burch. li. 5. c. 45. luo part. 2. c. 54. **P**RESBYTERI (inquit idem Decr. c. 33. citato à DD. Bur- chardo & Iuone) qui conregionales non sunt, in Ecclesijs præsentibus Episcopis vel presbyteris ciuitatis, offerre non pote- runt, nec panem dare, in oratione autem calicem dabunt. Quòd si absentes sunt ciuitatis sacerdotes, & fuerint inuitati in orationem, soli possunt dare.

D. PHOTINI EPISCOPI LVG-  
 DVNENSIS, SANCTI DIACO-  
 NI VIENNENSIS, ET ALIO-  
 RVN APVD GALLIAS MAR-  
 TYRVN SVPPPLICIA, OB COE-  
 NAS AB IIS CELEBRATAS,  
 QVAS VELVT THYESTAEAS  
 CALVMNIABANTVR  
 SERVI.

Euseb. l. 5. hist. Eccl. c. 1. Niceph. l. 4. c. 16. **Q**UIDAM etiam Ethnici (vt describit Ecclesia Gallicana, in Epistola ad Ecclesias Asiae & Phrygiae apud Eusebium & Nicephorum) nostrorū serui, vnà capiebantur, (siquidē Præses oēs nos passim perquiri præceperat) qui tormenta, quæ sanctos tolerare cernebant, reformidātes, contra nos militibus, satanæ impulsu, illos ad hoc idē incitantibus, Thyestæas cœnas & incestus Oedipodis falsò



falsò cōmenti sunt: & alia quæ nobis nec eloqui, nec cogitare quidē fas esse iudicatur: Quin tale facinus aliquādò inter homines admīsum fuisse, nec credi quidem propemodū debet. Quæ sanè quum essent fama & sermone hominum passim dissipata, omnes velut immanes belluæ, contra nos furere cœperunt.

Ac paulopost: Vndè deceterò sancti martyres maiora quædā cruciamenta, quàm quæ possint oratione explicari, (idq; satana in illud pro viribus incumbente, vt aliquid talis blasphemiae contra <sup>\*eliceret</sup> Christū, ex eorum ore <sup>\*educeret</sup>) sufferre cogeantur. Supra modū igitur lethale multitudinis vniuersæ, præsidis & satellitum odium in Diaconum nomine Sanctū, Viennæ prognatum, & in Maturū etiam recēns quidē baptizatum, sed generosum tamē Christi athletam efferbuit. In Attalum porrò genere Pergamenum, columnam & stabilimentum continuum Ecclesiarum, quæ hīc sunt: in Blandinam deniquē & B. Photinum, cui Lugdunensis Episcopatus ministerium erat concreditum.

De eiusdem D. Photini sacrificio D. Euseb. Emissenus seu <sup>Eusebius</sup> <sup>Emis. hō.</sup> <sup>de sancta</sup> <sup>Blandina.</sup> <sup>tiūs</sup> Lugdunensis: Præstitit (inquit) inter ista diuina prouidentia, vt in tantis patriæ sacrificijs etiam Pontifex nō deesset. Rapitur ad impiam quæstionē grandæuus & plenus dierū beatus pater noster Photinus, Ecclesiæ huius antistes, & pro eruditionis, vt credimus, merito gregi suo iungitur, ac post Dñici corporis sacrificium, prophanis tribulationib; nouā de se hostiā Christo oblaturus infertur. — SIMILIA videre est apud Gregorium Turonensem, de gloria beatorum martyrum.

## D. ANTIMI EPISCOPI, ET CONCORDII PRESBYTERI SPOLETANI MARTYRVM SACRIFICIVM.

**T**Empore oportuno (inqt Author vitæ eius) cōsecrauit Antim<sup>m</sup> Episc. Cōcordiū Presbyterū, & cœperūt pariter orationib; <sup>Vita D.</sup> <sup>Concord.</sup> <sup>mart. Tō.</sup> <sup>1. Suriij.</sup> <sup>vacare.</sup>

vacare. Post aliquantum verò temporis, reuocatur à Comite Tusciae Torquato Concordius, atque illi Comes: Ecquid de salute tua deliberasti? Sanctus vir respondit, Salus mea Christus est, cui quotidie sacrifico sacrificium laudis.

Ado Treuiren-  
sis in logio.  
Mart. Cal.  
Ianuar.

## D. ALEXANDRI EPISCOPI ET MARTYRIS ITALI MIS- SARVM ACTIO.

Ado in  
Martyrol.  
ad 6. Cal.  
Decembr.

**Q**VVM'QUE rumor (inquit Ado Treuiren-  
sis) beatum Alexandrum ubique spargeret, Antoninus direxit antonia-  
num praesidem, ut Alexandrum Episcopum ei exhiberet. Qui in-  
uenit eum die Dominica in Ecclesia docentem, & Missas agentem:  
& sicut Imperator iusserat, apprehensum Romam perduxit. Secu-  
ti sunt autem eum Crescentianus Presbyter, Nouitianus, & Vi-  
talis.

## D. IRENAEI EPISCOPI LVG- DVNENSIS, DE SACRIFICIO ECCLESIAE TESTI- MONIA.

**I**N PRIMIS videantur quae supra hac de re ex D. Irenæo ci-  
tauimus. Deinde & hæc apud eundem reperire est:

MARCI HAERETICI SVPER CALICE VI-  
NO MIXTO, INVOCATIONIS VERBA, QVIBVS  
EVCHARISTIAM FACERE SE FINGEBAT.

PRO



**P**RO calice (inquit D. Irenæus aduersus hæreses) vino mixto fingens se Marcus gratias agere, & in multum extendens sermonem inuocationis, purpureum & rubicundum apparere facit, vt putetur ea gratia ab ijs, quæ sunt super omnia, suum sanguinem stillare in illius calicem per inuocationem eius, & valdè concupiscere præsentem ex illo gustare poculo, vt & in eos stillet quæ per magum hunc vocatur gratia. Rursus mulieribus dans calices mixtos, ipsas gratias agere iubet, præsentem se: & vbi hoc factum est, ipse alium calicem multo maiorem, quàm est ille, in quo illa seducta Eucharistiam facit, proferens, & transfundens à minori, qui est à muliere Eucharistia factus, in illum qui est ab eo allatus, multo maiorem, statim dicens ita: Illa, quæ est ante omnia, inexcogitabilis & inenarrabilis gratia, adimpleat tuum interius hominem, multiplicet in te agnitionem suam, infeminans granum sinapis in bonam terram. Et alia quædam dicens, & in infaniam mittens illam infelicem, admirabilia faciens apparuit, quâdò maior calix adimpletus est de minori calice, vt & supereffunderet ex eo.

Iren. l. i.  
adu. hæ.  
c. 1X.

**Q**UAE ipsa verba hoc modo citantur à D. Epiphanio: Pocula vino mixta, simulans se *εὐχαριστῶν*, & diutiùs extendens sermonem inuocationis, purpurea ac rubicunda apparere facit, vt putetur gratia ab his quæ sunt super vniuersa, sanguinem suum instillare in illud poculum per inuocationem ipsius: & valdè cupiant præsentem ex illo poculo gustare, vt & in ipsos instillet gratia, quæ per magum hunc inuocatur. Rursus autem mulierculis tradens pocula vino mixta, ipsas gratias agere iubet se præsentem: & quum hoc fit, ipse aliud poculum multo maius illo, super quo decepta illa gratias egit, asserens, & à minore super quo muliercula gratias egit, in hoc quod ab ipso adornatum est, transfundens, simul ita dicit: Gratia quæ est ante vniuersa, illa cogitatione incomprehensibilis & inenarrabilis, impleat tuum internum ho-

Epiph. l. i.  
Tom. 3.  
cont. hæ.

V minem

minem, & multiplicet in te agnitionem suam, consēminans in te granum sinapis in bonam terram. Et talia quædam loquutus, ubi miseram illam ad infaniam extimulauit, miraculorum editor apparet, dum magnum poculum expletur in minore, vt etiam ex ipso superfundatur.

IN ECCLESIA VERO ET EA SOLA, OFFERTVR OBLATIO QVAM CHRISTVS OFFERRE DOCVIT.

Iren. l. 3.  
cont. hæret.  
c. 33.

**Q**VONIAM ergò (inquit) nomen filij proprium patris est, & in Deo omnipotente, per Iesum Christum offert Ecclesia, benè ait secundum vtraq; Et in omni loco incensum offertur nomini meo, & sacrificium purum.

Ibid. c. 34.

**I**GITVR Ecclesiæ oblatio, quam Dominus docuit offerri in vniuerso mundo, purum sacrificium reputatum est apud Deum, & acceptum est ei.

Ac paulopòst: Sacrificia in populo Iudaico, (nam vocem similem suppleri debere, series verborum indicat) sacrificia in Ecclesia: sed species immutata est tantum.

Et postea: Hanc oblationem Ecclesia sola puram offert fabricatori, offerens ei cum gratiarum actione ex creatura eius.

NEQVE Iudæorum igitur, neque Hæreticorum synagogæ puram Deo oblationem offerunt.

**I**VDÆI autem iam non offerunt: non enim receperunt verbū, per quod offertur Deo. Sed neq; omnes hæreticorū Synagogæ. Alij enim alterum præter fabricatorem dicentes patrem, idè quæ secundum nos creaturæ sunt, offerentes ei, cupidum alieni ostendunt eum, & aliena concupiscentem. Qui verò ex defectione & ignorantiā & passione dicunt facta ea quæ sunt secundum nos, & ignorantie & passionis & defectionis fructus offerentes, peccant in patrē suum, contumeliam facientes magis ei, quàm gratias agentes.

EVCHA-



EVCHARISTIAE AVTEM CONSONA EST  
ECCLESIAE SENTENTIA, ET EVCHARISTIA  
ECCLESIAE SENTENTIAM  
CONFIRMAT.

**N**OSTRA autem consonans est sententia Eucharistiae, & Eucharistia rursus confirmat sententiam nostrā. Offerimus enim ei, quæ sunt eius, congruenter communicationem & vnitatem prædicantes carnis & spiritus. Quemadmodum enim qui est à terra panis, percipiens vocationem Dei, iam non communis panis est, sed Eucharistia, ex duabus rebus constans, terrena & cælesti: Sic & corpora nostra percipientia Eucharistiam, iam non sunt corruptibilia, spem resurrectionis habentia. Offerimus autem ei non quasi indigenti, sed gratias agentes donationi eius, & sanctificantes creaturam. Quemadmodum enim Deus non indiget eorum, quæ à nobis sunt, sic nos indigemus offerre aliquid Deo.

OFFERRE ITAQUE MVNVS AD  
ALTARE SINE INTER-  
MISSIONE.

**S**IC & ideo nos quoque offerre vult munus ad altare frequenter sine intermissione.

ID'QUE IN OMNI SIMPLICITATE  
ET INNOCENTIA.

**Q**VOD in omni simplicitate & innocentia Dominus volens nos offerre, predicauit, dicens: Quum igitur offers munus tuum ad altare, & recordatus fueris, quoniam frater tuus habet aliquid aduersum te, dimitte munus tuum ante altare, & vade prius reconciliari fratri tuo, & tunc reuersus, offer munus tuum.

V 2 ALIO.

LITVRGICON ECCLESIAE LATINAE  
ALIOQVI OFFERENTI OBLATIO  
NON PRODERIT.

**Gen. 4.** **A**B initio enim respexit Deus ad munera Abel, quoniam cum simplicitate & iustitia offerebat: Sacrificium autem Cain non respexit, quoniam cum zelo & malitia, quæ erat aduersus fratrem, diuisionem habebat in corde, quemadmodum occulta eius arguens Deus, ait: Nónne si rectè offeras, rectè autem non diuidas, peccásti? quiesce, quoniam non sacrificio placatur Deus. Si enim quis solummodò secundum quod videtur, mundè & rectè & legitimè offerre tentauerit, secundum suam animam non rectè diuidat eam, quæ est ad proximum, communionem, neque timorem habeat Dei, non per id quod rectè foris oblatum est, sacrificium ad se ducit Deum, intus habens peccatum: nec oblatio talis proderit ei aliquid, sed cessatio mali, quod est intus conceptum, nè per assimulatam operationem, magis autem peccatum ipsum, sibi homicidam faciat hominem.

PER COMMVNICATIONEM SANGVINIS  
ET CORPORIS CHRISTI, COMPROBATVR RE-  
SVRRECTIO MORTVORVM.

**Idem l. 5. adu. hæc.** **V**ANI autem (inquit alibi idem D. Irenæus) omnimodò, qui vniuersam dispositionem Dei contemnunt, & carnis salutem negant, & regenerationem eius spernunt, dicentes non eam capacem esse incorruptibilitatis. Sic autem, secundum hæc videlicet, nec Dñs sanguine suo redemit nos: neq; calix Eucharistie, communicatio sanguinis eius: neq; panis quem frangimus, communicatio corporis eius est. Sanguis enim non est, nisi à venis & carnibus, & à reliqua quæ est secundum hominem, substantia, qua verè factum verbum DE I, sanguine suo redemit nos. Quemadmodum & Apostolus eius ait: In quo habemus redemptionem per sanguinem

**1. Cor, 10.**  
**Colof, 1.**



sanguinem eius, & remissionem peccatorum. Et quoniam membra eius sumus, & per creaturam nutrimur: creaturam autem ipse nobis præstat, solem suum oriri faciens, & pluens quemadmodum vult: eum calicem qui est creatura, suum corpus cōfirmavit, ex quo nostra auget corpora. Quando ergo & mixtus calix, & fractus panis, percipit verbum Dei, fit eucharistia sanguinis & corporis Christi, ex quibus augetur & consistit carnis nostræ substantia: Quomodo carnem negant capacem esse donationis Dei, qui est vita æterna, quæ sanguine & corpore Christi nutritur, & membrum eius, quemadmodum & Apostolus ait in ea, quæ est ad Ephesios, Ephc. 5. Epist. Quoniam membra sumus corporis eius, de carne eius, & de ossibus eius: non de spiritali aliquo & inuisibili homine dicēs hæc, Luc. 24. (Spiritus enim neque ossa, nec carnes habet) sed de ea dispositione quæ est secundum hominem, quæ ex carnibus & neruis & ossibus consistit, quæ de calice, qui est sanguis eius, nutritur: & de pane, qui est corpus eius, augetur. Et quemadmodum lignum vitis depositum in terra, suo fructificat tempore: & granum tritici decedens in terram, & dissolutum, multiplex surgit, per spiritum Dei, qui continet omnia: quæ deinde per sapientiam in vsum hominibus veniunt, & sanguis Christi: sic & nostra corpora ex ea nutrita, & reposita in terram, & resoluta in ea, resurgent in suo tempore, verbo Dei resurrectionem eis donante, in gloriam Dei patris, qui huic mortali immortalitatem circumdat, & corruptibili incorruptelam gratuito donat.

I A M tum vñtatum illud, In secula seculorum.

Idem lib.  
1. cap. 1.

S E D & nos ipsi (inquit alio loco, vt citatur etiam ab Epiph-  
nio) dum ἐν τῇ ἐσχάτῃ αἰῶνι dicimus, In conas æonum,  
siue, in secula seculorum.

Epiph. 1. t.  
Tom. 2.  
hæc. 31.

V 3

D. VI

LITVRGICON ECCLESIAE LATINAE  
D. VICTORIS PAPAE XV. RO-  
MANI, STATVTVM DE NON  
DISCREPANDO IN SA-  
CRAMENTIS DI-  
VINIS.

Victor pa  
pa epist. 2. **O**PORTET vos (inquit D. Victor Papa Epistola ad Epi-  
scopos Africæ) vnanimis esse, & adminiculum vicissim fer-  
re: in recta ergò fide, & in sacramentis diuinis non discrepare, sed  
concordes esse: quia licet pauci sitis malorum comparatione, si ta-  
men concordēs fueritis, facile, auxiliante Domino, vestros insidia-  
tores superabitis. Si verò discordes (quod absit) fueritis, non supe-  
rabit, sed superabimini. Perlatum est enim ad sedem Apostoli-  
cam, aliquos vestrum, nocere fratres velle, & vt cadant, decertare.  
Similiter in sacramentis discrepare, & ob id contentiones & æmu-  
lationes inter vos fieri: à quibus dissensionibus vos auertere, & in his  
omnibus concordare, & opem ferre vicissim, mandamus. Nam si  
hoc agere citò neglexeritis, & vicissim reconciliari non studueri-  
tis, ab Apostolicæ sedis & totius Ecclesiæ communione vos pelli  
non dubitetis.

CONCILIORVM, ROMANI, GAL-  
LIARVM, ET ALIORVM DECRE-  
TVM ECCLESIASTICVM, DE  
TREMENDO PASCHATIS  
MYSTERIO DIE DO-  
MINICA CELE-  
BRANDO.

ID.



**I**N CIRCO (inquit Eusebius) Concilia & conuentus episcopo-  
rum in vnum cogeantur, & omnes vna sententia decretum ec-  
clesiasticum, nempe vt non alio die aliquandò, quàm Dominico,  
mysterium Domini resurrectionis à mortuis, celebraretur: & vt in  
hoc solo, ieiuniorum, quæ circiter Pascha fieri solent, finem face-  
remus: per literas ad omnes ecclesias scriptas, ratum faciebant. De-  
cretum autem episcoporum, qui tum erant in Palæstina conuoca-  
ti, ad hanc vsque ætatem scriptis custoditum est. In quorum Syn-  
odo Theophilus Cæsarensis ecclesiæ episcopus, & Narcissus epi-  
scopus Hierosolymorum, præsidēs fuerūt. Aliud etiam est episco-  
porum, qui Romæ similiter conueniebant, de eadem controuer-  
sia statutum: quod quidem Victorem id temporis Episcopum fu-  
isse declarat. Aliud item Episcoporum Ponti, quibus Palmas, vt  
potè antiquissimus & maximè venerandus, præsidebat. Aliud Ec-  
clesiarum Galliæ, quas Irenæus regebat Episcopus. Aliud porrò  
Ecclesiarum, quæ Ostrænam, & reliquas in eo loco ciuitates inco-  
lebant. Aliud separatim Bacchilli Ecclesiæ Corinthiorum episco-  
pi, & alia deniquè aliorum propè infinitorum, qui vno consensu,  
iudicioq; vno eandem de illius festi obseruatione tulere senten-  
tiam. Atq; istorum omnium vna hæc, quam docuimus, consentiēs  
erat decisio.

QVOD ipsum habet in hæc verba Nicephorus: Conuentus Niceph. l.  
Episcoporum varijs in locis sunt acti. Vbi quum in eandem con- 4. cap. 36.  
cessissent sententiam, postea omnibus vbiquè ecclesijs decretum

siue edictum scriptum promulgârunt & proposuerunt: vt  
de cæterò non alio, quàm Dominico, die tremen-  
dum resurrectionis & Paschatis mysterium,  
ieiunio tum soluendo, cele-  
braretur.

TER

# TERTII A CHRISTO INCARNATO SECVLI SACRIFICII RITVS.

## D. ZEPHYRINI ROMANI PAPAE XVI. CONSTITVTA CIRCA MISSARVM CELEBRATIONEM.

### PATENIS VITREIS MINISTRI VTANTVR.

Dam. lib. **H**IC (inquit D. Damasus) fecit constitutum de Ecclesia, vt  
 Pōti. c. 16. patenas vitreas ministri ante sacerdotes portarent, dum episcopus Missam celebrat.

Vualaf. de reb. Eccl. **Q**UOD ipsum repetit Vualafrius Strabus: Zephyrinus (inquit)  
 cap. 24. Pōtifex 16. patenis vitreis Missas celebrari (sic enim lego, pro celebrare) constituit.

Rad. Tūg. **A**c Radulphus Tungrensis verbis penè ijsdem.  
 loco sapē citato.

Mart. Pol. **M**ARTINVS deniq; Polonus: Fecit statutum in Ecclesia, vt  
 ad annū omnia vasa altaris essent vitrea, vel stannea.

Dñi 213. **D**VM MISSAE CELEBRANTVR, ADSTENT SACERDOTES.

Damasus **C**ONSTITVIT etiam (inquit idem Damasus) vt sacerdotes  
 vbi suprā. omnes adstarent, dum sic Missæ celebrantur.

Mar. scot. **A**c Marianus Scotus: Hic constituit, vt adstantibus sacerdotibus  
 hist. lib. 2. Missæ celebrarentur.

QVIN-



QVINTI SEPTIMII TERTVL-  
LIANI PRESBYTERI ATQVE  
AFRICANAE ECCLESIAE  
SACRI CONVENTVS,  
ET SACRIFICIA.

FALSA ETHNICORVM CALVMNIA DE  
MYSTERIIS CHRISTIANORVM, QVOS OB EA IN-  
FANTICIDAS ESSE, ET COETVS INCESTOS  
COGERE CRIMINABANTVR.

**D**ICIMVR (inquit Tertullianus) sceleratissimi, de sacramē-  
to infanticidij, & pabulo crudo, & post conuiuium incesto, <sup>Tertull.  
apol. adu.  
gent.</sup> quòd euerfores luminum, canes, lenones scilicet tenebrarum libi-  
dinum impiarum, inuerecundiam (sic enim cod. MS.) procurent.  
Dicimur tamen semper, nec vos quod tam diù dicimur, eruere  
curatis. Ergò aut eruite, si creditis: aut nolite credere, qui non  
\* eruitis. de vestra vobis dissimulatione præscribitur, nò esse, quod \* eruitis  
nec ipsi audetis eruere. Longè aliud munus carnifici in Christia-  
nos imperatis, non vt dicant quæ faciunt, sed vt negent quod sunt.  
Census istius discipline, vt iam edidimus, à Tiberio est, quod odio  
suì cœpit, simul veritas atquè apparuit inimica esse. Tot hostes ei-  
us, quot extranei, & quidem propriè ex æmulatione Iudæi, ex cõ-  
cussione milites, ex natura ipsi etiam domestici nostri. Quotidiè  
oblidemur, quotidie prodimur, in ipsis plurimùm cœtibus & cõ-  
gregationibus nostris opprimimur. Quis vnquàm taliter vagienti  
infanti superuenit? quis cruenta, vt inuenerat, Cyclopum & Sire-  
narum ora iudici (nam sic cod. MS.) reseruauit? Quis vel in vxoribus  
aliqua immunda vestigia depræhendit? Quis talia facinora

X      cùm

\*trahens cū inuenisset, celauit? aut vendidit, ipsos \* vendens homines? Si semper latemus, quando proditum est quod admittimus? Immo à quibus prodi potuit? ab ipsis enī reis non vtrique, cū vel ex ipsa formā omnibus mysterijs silentij fides debeat. Samothracia & \* Eleusi. a: a \* Eleusina reticentur: quanto magis talia, quæ prodita interim, etiam (itā quoque MS. cod.) humanam animaduersionem prouocabunt, dum diuina seruantur? Si ergo non ipsi proditores suū, sequitur vt extranei: & vnde extraneis notitia? Cū semper etiam impiæ initiationes arceant profanos, & arbitros caueant, nisi si impij minùs metuunt.

Idē l. 2. ad  
vxorem,

Et paulopòst: Benè autem, q̃ omnia tempus reuelat, testibus etiā vestris prouerbijs atq; sentētijs, ex dispositione naturæ, quæ itā ordinauit, vt nihil diū lateat, etiam quod fama nō distulit. Meritò igitur fama tam diū sola cōscia est scelerum Christianorū. Hanc indicem aduersus nos profertis, quæ, quod aliquandò iactauit, tantoq; spatio in opinionem corroborauit, vsq; adhuc probare non valuit.

#### NOCTVRNI ET ANTELVCANI CHRIS- TIANORVM CONVENTVS.

Idē l. 2. ad  
vxorem,

**Q**UIS (inquit alibi) nocturnis conuocationibus, si itā oportuerit, à latere suo eximi libenter feret? Quis denique solenni- bus Paschæ abnoctantem securus sustinebit? Quis ad cōuiuium Dñicum illud, quod infamant, sine sua suspitione dimittet?

Eodem pertinet, quod de Antelucanis cœtibus sub Traiano adduximus.

#### STATIONES ET PROCEDENDI MOS DE DIE, ET PRÆSERTIM DIE DO- MINICO.

Idem pau-  
loantè,

**V**T (inquit) si statio facienda est, maritus de die condicat ad balneas: si ieiunia obseruanda sunt, maritus eadem die cōuiuium exerceat: si procedendum erit, nunquàm magis familiæ oc-

cu-



cupatio adueniat. Quis enim sinat coniugem suam, visitandorum fratrum gratia, viciatim aliena, & quidem pauperiora quæq; tugi-  
ria circuire?

I AM & stationes (inquit alio loco) aut alij magis faciet, quàm Christo: aut & Dominico die, quando nec Christo. Idem l. de  
cor. mil.

# STATIONES ET ADGENICVLATIO- NES AD ARAM DEI.

**N**ONNE (inquit) solennior erit statio tua, si ad aram Dei ste-  
teris? Idem lib.  
de Orat.

ITEM: Aris Dei adgeniculari.

EODEM pertinet illud: Si spiritus reus apud se sit, & conscien-  
tia erubescit, quomodo audebit orationem dicere ad altare? Idem lib.  
de pœnit.  
Idem ex  
hort. cast.

# STATIONES ANTE FINEM NON SOL- VENDAE.

**S**IMILITER (inquit) de stationum diebus: Si statio de militari  
exemplo nomē accepit, (nam & militia Dei sumus) utiq; nulla  
lætitia siue tristitia obueniens castris, stationes militum rescindit.  
Nam lætitia libentiùs, tristitia sollicitiùs administrabit disciplinā. Idem lib.  
de Orat.

# IN IIS AD ORATIONEM NON PER- MITTENDA SESSIO.

**I**TEM quòd assignata oratione assidendi mos est quibusdam,  
non perspicio rationem, nisi si Hermas ille, cuius scriptura se-  
rè Pastor inscribitur, transacta oratione non super lectum assedis-  
set, verum aliud quid fecisset, id quoquè ad obseruationem  
vindicaremus. Vtique non. Simpliciter enim & nunc positum:  
Quum adorassem & assedissem super lectum ad ordinem narra-  
tionis, non ad instar disciplinæ. Alioquin nusquam erit ad-  
orandum, nisi ubi fuerit lectus. Immo contra scripturam fecerit, si  
quis in Cathedra aut subsellio federit. Porro quum perindè faciant  
nationes, adoratis sigillaribus suis residendo, vel propterea in no-  
Ibidē pau-  
loantē.

bis reprehendi meretur, quod apud idola celebratur. Eò apponitur & irreuerentiæ crimen, etiam ipsis nationibus, si quid saperent, intelligendum. Siquidem irreuerens est asidere sub conspectu, contraque conspectum eius, quem quum maximè reueraris ac veneris, quanto magis sub conspectu Dei viui angelo adhuc orationis adstante, factum istud irreligiosissimum est, nisi exprobramus Deo, quod nos oratio fatigauerit?

IPSIVS CHRISTIANORVM CONGREGATIONIS RITVS.

Ibidem. **C**OIMVS in cœtum & congregationem, vt ad Deum quasi manu facta, precationibus ambiamus, orantes. Hæc vis Deo grata est.

IPSORVM IN ORATIONE ET SACRIFICIO CÆREMONIAE.

Ibid. paulantè. **I**ELVC in cælum suspicientes Christiani, manibus expansis, quia innocuis: capite nudo, quia non erubescimus: deniquè  
Ibid. li. de sine monitore, quia de pectore oramus. Nos verò non attollimus  
Orat. tantum, sed etiam expandimus, & Dominica passione modulâtes, & orantes confitemur Christo.

Ibid. paulo post. **A**TQVI cum modestia & humilitate adorantes, magis commendamus Deo preces nostras, ne ipsis quidem manibus sublimiùs elatis, sed temperatè ac probè elatis.

Luc. 18. **N**E vultu quidem in audaciâ erecto. Nam ille publicanus, qui non tantum prece, sed & vultu humiliatus atq; deiectus orabat, iustificatio Pharisæo procacissimo discessit.

\*: at **S**ONOS etiam vocis subiectos esse oportet \*, aut quantis artibus opus est, si pro sono audiamur? Deus autem non vocis, sed cordis auditor est, sicut conspector. Dæmonium oraculi Pythij: Et multum (inquit) intelligo, & non loquentem exaudio. dei aures sonum



sonum expectant? Quomodo ergò oratio Ionæ de ventre ceti per tantæ bestia viscera, ab ipsis abyssis per tantam æquoris molem ad cælum potuit euadere? Quid ampliùs referent isti, qui clariùs adorant, nisi quòd proximis obstrepunt? Immò prodendo petitiones suas, quid minùs faciunt, quàm si in publico orent?

EODEM pertinet, quod de Marcione alibi dicit: Ad alienum <sup>Idem l. 1.</sup> cælum alij deo expanditur, in aliena terra alij deo sternitur, <sup>adu. Mar.</sup> su per alienum panem alij deo gratiarum actionibus fungitur.

ORATIONES ALIAE, ORATIONI DOMINICAE SUPERSTRVCTAE.

COMPENDIIS paucorum verborum, quot attinguntur <sup>Ibid. paulo ante.</sup> Cedicta prophetarum, euangeliorum, Apostolorum, sermones Domini, parabola, exempla, præcepta? quot simul expunguntur officia Dei? honor in patre, fides, testimonium in nomine, oblatio obsequij in voluntate, commemoratio spei in regno, petitio vitæ in pane, exomologesis debitorum in deprecatione, sollicitudo tentationum, in postulatione tutelæ. Quid mirum? Deus solus docere potuit, vt se vellet orari. Ab ipso igitur ordinata religio orationis, & de spiritu ipsius iam tunc quum ex ore diuino ferretur, animata suo priuilegio ascendit in cælum, commendans patri quæ filius docuit. Quoniam post traditam orandi disciplinam, Petite, inquit, & accipietis: & sunt quæ petuntur, pro circumstantia cuiusque, præmissa legitima & ordinaria oratione, quasi fundamento, accidentium ius est desideriorum, ius est superstruendi extrinsecùs petitiones, cum memoria tamen præceptorum, nè quantùm à præceptis, tantum ab auribus Dei longè simus. Memoria præceptorum, viam orationibus sternit ad cælum.

Idem in  
Apolog.

**N**OS (inquit idem alibi) pro salute Imperatorum Deum inuocamus æternum, Deum verum, Deum viuum, quem & ipsi imperatores propitium sibi præter ceteros málunt.

PRECANTES semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidelem, populum probum, orbem quietum, quæcunq; hominis & Cæsaris vota sunt.

Ibid. postea.

ET rursum: Oramus etiam pro Imperatoribus, pro ministris eorum & potestatibus, pro statu (ita MS. cod.) sæculi, pro rerum quiete, pro mora finis.

DIVINARVM LITERARVM COMMEMORATIO, CANTVS, CHRISTI INVOCATIO, DI-  
VINA BENEDICTIO.

Ibid.

**C**OIMVS (inquit ibidè) ad diuinarum literarum commemorationem, si quid præsentium temporum qualitas aut præmonere cogit, aut recognoscere. Certè fidem sanctis vocibus pascimus, spem erigimus, fidutiam figimus, disciplinam præceptorum nihilominus inculcationibus densamus.

Ibid. l. 2.  
ad vxorè.

ET alibi: Quid maritus suus illi, vel marito quid illa cantabit? Audiat sanè, audiat aliquid de Dei cœna, de taberna, de gehenna. Quæ Dei mentio? Quæ Christi inuocatio? Vbi fomenta fidei de scripturarum interlectione? Vbi spiritûs refrigerium? Vbi diuina benedictio?

Ibid.

ET postea: Sacrificia sine scrupulo, non muta benedictio: sonant inter duos Psalmi & hymni, & mutuò prouocant, quis melius Deo suo canet.

Idem l. 3.  
côt. Marc.

ET iterùm alibi: Sacrificium (inquit) mundum, Gloriæ scilicet relatio, & benedictio, & laus, & hymni, & munditiæ sacrificiorum.

VSL



## VSITATA ETIAM APVD APHROS,

ἐς αἰῶνα : ET, AMEN.

**Q**VALE est enim, (inquit alio loco) de Ecclesia Dei, ad (sic Idem de  
enim cod. MS.) diaboli ecclesiā tendere? de calo, quod aiunt, spect.  
in cœnū? illas manus, quas ad Dñm extuleris, postmodum laudan-  
do histrionē fatigare: ex ore quo Amen in sanctum protuleris, gla-  
diatori testimonium reddere: ἐς αἰῶνα, alij omninò dicere, nisi  
Deo & Christo?

## ADORATIO.

**N**OS (inquit) Dominum adoramus. Idem lib.  
ET paulopòst: Alioquin nusquàm erat adorandum &c. de Orat.  
vt infrà citatur latiùs.

ET rursùm, vt suprà citauimus: Quid ampliùs referent isti, qui  
clariùs adorant?

ALIBI quoquē: Vt qui meminerint, etiam per noctem ado- Idē Apol.  
randum Deum sibi esse.

ET denuò: Dominico die ieiunium nefas ducimus, vel de ge- Idem de  
niculis adorare. cor. mil.

## SACRIFICII OBLATIO.

**V**OBIS autem (inquit) nulla procedendi causā non tetrica. Idem de  
Aut imbecillis aliquis ex fratribus visitandus, aut sacrificiū cul. sœm.  
offertur, aut Dei verbum ministratur. Quoduis horum, grauita-  
tis aut sanctitatis negocium, & cui opus non sit habitu extraordi-  
nario, & composito, & soluto.

## OSCVLVM PACIS.

**A**LIA (inquit) consuetudo inualuit: ieiunantes, habita ora- Idem lib.  
tione cū fratribus, subtrahunt osculū pacis, quod est signacu- de Orat.  
lum

lum orationis. Quandò autem magis conferenda cum fratribus pax est, nisi cùm oratione commendabilior ascendit, vt ipsi de nostra operatione participant, quam auderent de sua pace fratri transigere? Quæ oratio, cum diuortio sancti osculi, integra? quem Domino officium facientem impedit pax? Quale sacrificium est, à quo sine pace receditur? Quæcunque ratio sit, non erit potior præcepti obseruatione, quo iubemur ieiunia nostra celare. Iam enim de abstinentia osculi agnoscimus ieiunantes. Sed & si qua ratio est, nè tamen huic præceptor tu sis, potes domi fortè, inter quos latere ieiunium in totum non datur, differre pacem. Vbicunquè autem alibi operationem tuam abscondere potes, debes meminisse præcepti: ita & disciplinæ foris, & consuetudini domi satisfacies. Sic & die Paschæ, quo communis & quasi publica ieiunij religio est, meritò deponimus osculum, nihil curantes de osculando, quòd cum omnibus faciamus.

SACRIFICIORVM ORATIONES ET  
PARTICIPATIO.

Ibidem. **N**ON putant (inquit) plerique sacrificiorum orationibus interueniendum, quòd statio soluenda sit, accepto corpore Domini. Ergò deuotum Deo obsequium eucharistia resoluit, an magis Deo obligat?

Ibid. l. de cor. milit. \* mādātū **E**T alibi: Eucharistiæ sacramentum & in tempore victus, & omnibus \* mundatum à Domino, etiam antelucanis cœtibus, nec de aliorum manu, quàm præsentium, sumimus.

Idem l. 2. ad vxorē. **E**ODEM pertinet & illud: De cibo, de poculo inuadere, desiderare, & mente habere.

Ibidem. **A**C illud: De cuius manu desiderabit? de cuius poculo participabit?

Idem de resurr. car. **D**ENIQUE etiam illud: Caro corpore & sanguine Christi vescitur, vt & anima de Deo saginetur.

COR-



CORPORIS DOMINI POST SACRIFICIVM  
RESERVATIO, ET ANTE OMNEM CL-  
BVM GVSTATIO.

**A**CCEPTO (inquit) corpore Domini & reseruato, vtrum- <sup>Idem lib. de orat.</sup>  
que saluum est: & participatio sacrificij, & executio officij.

Et alio loco: Quum etiam per noctem oratum exurgis, non <sup>Idem l. 2. ad vxorē.</sup>  
magiæ aliquid videberis operari? Non sciet maritus, quid secretò  
ante omnem cibum gustes? Et si sciuerit, panem non illum credit  
esse qui dicitur.

Quòd etiam pertinere videtur illud de presbyteris & diaconis: <sup>Idem l. de mongam.</sup>  
Et illi planè dabant viros & vxores, sicut & bucellas.

EXHORTATIONES, CASTIGATIONES,  
ET CENSURA EXCOMMUNICATIO-  
NIS DIVINAE.

**I**BIDEM etiam exhortationes, castigationes, & censura diui- <sup>Idem in Apolog.</sup>  
na. Nam & iudicatur magno cum pondere, vt apud certos de  
Dei conspectu: summumque futuri iudicij præiudicium est, si quis  
ità deliquerit, vt à cōmunicatione orationis & conuētūs & omnis  
sancti commercij relegatur. Præsident probati quique seniores, ho-  
norem istum non precio, sed testimonio adepti. neque enim pre-  
cio vlla res Dei constat.

COLLECTAE PRO EGENIS, NAVFRAGIS,  
ET AD METALLA CONDEMNATIS,  
AUT CAPTIVIS.

**E**TIAM si quod arce genus est, non de oneraria summa, qua- <sup>Ibidem. \* redepta</sup>  
si \* redēptę religionis congregat, modicam vnusquisque stipē  
menstrua die, vel quū velit, & si modò velit, (sicut additur in MS.  
cod.) & si modò possit, apponit: nam nemo cōpellitur, sed spontē  
Y confert.

\* iamq;  
domesti-  
cis

confert. Hæc quasi deposita pietatis sunt. nam indè non epulis, nec potaculis, nec ingratissimis volatrinis dispensatur, sed egenis alendis humanisq; & pueris ac puellis, re ac parentibus destitutis, \* ætateq; domitis senibus, item naufragis, & si qui in metallis, & qui in insulis, vel in custodijs, duntaxat ex causâ Dei sectæ, alumni confessionis suæ fiunt.

Αγάπη POST SACRIFICIVM.

Ibidem.

\* Latinos

**C**OE N A (inquit) nostra, de nomine rationem suæ (sic MS. cod.) ostendit. vocatur enim ἀγάπη id, quod dilectio penes \* Græcos est. Quantiscunque sumptibus constet, lucrum est, pietatis nomine facere sumptum. siquidem inopes quosque (itâ legit MS. cod.) refrigerio isto iuamus, non qua penes vos parasiti affectât, ad gloriam famulandæ libertatis, sub authorameto ventris inter contumelias saginandi, sed qua penes Deum maior est contemplatio mediocrium. Si honesta causâ est conuiuij, reliquum ordinê disciplinæ de causâ (sic rursus habet MS. cod.) æstimate, quod (sic denuò MS. c.) sit de religionis officio. nihil vilitatis, nihil immodestiae admittitur. non prius discumbitur, quàm oratio ad Deum prægustetur. editur, quantum esurientes capiunt: bibitur, quantum pudicis est vtile: itâ saturantur, vt qui meminerint, etiam per noctem adorandû Deum sibi esse: itâ fabulantur, vt qui sciant Dñm audire. Post aquam manualet & lumina, vt quisq; de scriptoribus sanctis, vel de proprio ingenio potest, prouocatur in mediû DEO canere: hinc probatur, quomodò biberit. Acquæ oratio conuiuium dirimit, indè disceditur non in cateruas cætionum, neque in classes discursationum, nec in eruptiones lasciuarum, sed in eandem curâ modestiæ & pudicitiae, vt qui non tam cœnam cœnauerint, quàm disciplinam.

Idem l. ad  
Martyres.

E O D E M pertinet illud: Immò & quæ iusta sunt, caro nõ amittit per curam Ecclesiæ & Agapen fratrum.

I T E M



ITEM illud, ubi eleemosynam Agapē interpretatur: De alienis <sup>Idem l. 1. adu. Mar.</sup>  
bonis ob alium Deum nomine eleemosynæ & dilectionis opera-  
tur.

AD hanc quoque alludere videtur dum dicit: Quam delictis <sup>Idem l. adu. Iudg.</sup>  
omnibus expiati sacerdotes templi spiritualis, id est, Ecclesiæ, quasi  
visceratione quadam fruerentur.

OMNI DIE VVLGATA, CONSE-  
CRATIO.

NOBIS (inquit alibi) omnis dies, etiam vulgata, consecra- <sup>Idem de ieiun.</sup>  
tione celebratur.

OBLATIONES PRO DE-  
FUNCTIS.

OBLATIONES (inquit idem Tertullianus) pro defunctis <sup>Ibid. l. de cor. milit.</sup>  
annua die facimus.

ET alibi de vidua: Pro anima eius (mariti nēpe defuncti) oret, <sup>Idem l. de Monog.</sup>  
& refrigerium interim adpostulet ei, in prima resurrectione con-  
fortium, & offerat annuis diebus dormitionis eius.

AC rursū ad virum vxore viduatū: Etiam repete apud deum, <sup>Idem ex hort. ad cast.</sup>  
pro cuius spiritu postules, pro qua oblationes annuas reddas. Sta-  
bis ergo ad Deum cum tot vxoribus, quot illas oratione comme-  
moras, & offeres pro duabus, & commemorabis illas duas per sa-  
cerdotem de monogamia ob pristinum de virginitate sancitum,  
circundatum virginibus ac vniuiris: & ascendet sacrificium tuum  
libera fronte.

OBLATIONES IN NATALITIIS  
MARTYRVM.

OBLATIONES (inquit) pro natalitijs annua die facimus. <sup>Idem l. de cor. milit.</sup>

OBLATIO IN CONCILIATIONE  
MATRIMONII.

Idem l. 2.  
ad vxorē.

**V**NDE (inquit) sufficiam ad enarrandam felicitatem eius matrimonij, quod Ecclesia conciliat, & confirmat oblatio, & obsignatum angeli renunciant, & pater \* rato habet?

SACRIFICIUM PRO SALVTE IM-  
PERATORVM.

Idem ad  
Scapulā.

**I**T AQVE & sacrificamus (inquit) pro salute Imperatoris, sed Deo nostro, & ipsius: sed, quomodò praecepit Deus, prece pura. Itā nos magis oramus pro salute Imperatoris, ab eo eam postulantes, qui praestare potest.

CALICES, QVIBVS TVM VTEBANTVR,  
DEPICI, ET QVANTVM APPARET,  
VITREI.

Idem l. de  
pudic.

**P**RAECEDANT (inquit) ipsae picturae calicum vestrorum. Et aliquantò postea: Cui ille (inquit) si fortè patrocina-  
bitur pastor, (alludens ad librum Pastoris) quem in calice depingis  
\* quæ &c. At ego pastoris eius scripturam haurio, \* qui non potest frangi.

SACRAMENTVM BENEDICTIO-  
NIS, EVCHARISTIA.

Ibid. pau-  
lopòst.

**V**T extra Ecclesiam detur &c. vt sacramento benedictionis exauthoraretur, nunquā in castra Ecclesiae reuersura.

HORAE IN ORATIONIBVS DIVINIS  
SOLENNIORES, TERTIA, SEXTA,  
ET NONA.

Ibid. l. de  
ieiun.

**P**OR RO quum in eodem commentario Lucae, & tertia hora orationis demonstratur, sub qua spiritu sancto initiati, pro ebrijs habebantur: & sexta, qua Petrus ascendit in superiora: & nona, qua templum sunt introgressi, cur non intelligamus, salua planè indiffe-



indifferentia, semper & vbiquè & omni tempore orandum? tamen  
 tres istas horas, vt insigniores in rebus humanis, quæ diem distri-  
 buunt, quæ negocia distinguunt, quæ publicè resonant, ita & solen-  
 niores fuisse in orationibus diuinis: \* quod etiam suadet Danielis <sup>+ quoniã</sup>  
 quoquè argumentum, tẽr die orantis, vtiquè per \* aliarum horarũ <sup>+ aliquarũ</sup>  
 exceptionem, non aliarum autem, quàm insigniorum exindẽ Apo-  
 stolicarum, tertiã, sextã, nonã.

ROMANAE ECCLESIAE CVM AFRICA-  
 NIS DE EVCHARISTIA CONTESSERATIO.

**V**IDEAMVS, (inquit) Romana Ecclesia quid didicerit, quid <sup>Idẽ de p.</sup>  
 docuerit, quid (sic MS. cod.) cum Africanis Ecclesijs con- <sup>ser. hæc.</sup>  
 tesserarit. Vnum Deum nouit &c. fidem aqua signat, spiritu sancto  
 vestit, eucharistia pascit.

ET alibi: Vide (inquit, Romanũ Pontificem alloquens) quàm <sup>Idem de</sup>  
 bonum & quàm iucundum habitare fratres in vnum: hoc tu psal. <sup>ieiun.</sup>  
 lere non facilè nõsti, nisi quo tempore cum compluribus cœnas.  
 Conuentus autem illi, stationibus prius & ieiunationibus operati,  
 dolere cum dolentibus, & ita demũ congaudere cum gaudenti-  
 bus nõrunt. Si & ista solennia, quibus tunc præsens patrocínatus est  
 sermo, nos quoq; in diuersis prouincijs fungimur, in spiritu inui-  
 cẽm repræsẽtati, lex est sacramenti.

EPISCOPI, PRESBYTERI, DIACONI, LE-  
 CTORIS, LAICI APVD HAERETICOS NVLLA  
 DISTINCTIO.

**N**VS QVAM (inquit) facilius proficitur, quàm in castris re- <sup>Idẽ l. de p.</sup>  
 bellum, vbi ipsum esse illic, promereri est. Itaque alius ho- <sup>scrip. adu.</sup>  
 diẽ Episcopus, cràs alius: Hodiẽ Diaconus, qui cràs lector: Hodiẽ <sup>hæretic.</sup>  
 presbyter, qui cràs Laicus. Nam & laicis sacerdotalia munera in-  
 iungunt.

LITVRGICON ECCLESIAE LATINAE  
ETHNICORVM ET CATECHVMENO-  
RVM NVLLA APVD EOS IN SACRIFICIO EX-  
CLVSIO.

Ibid. pau-  
lo prius.

**I**N PRIMIS (ait) quis catechumenus, quis fidelis, incertū est: pa-  
riter adeunt, pariter audiunt, pariter orant: etiam ethnicis, (ita  
MS. cod.) si superuenerint, sanctum canibus, & porcis margaritas,  
licet non veras, iactabunt. Simpliciter volunt esse prostrationē  
disciplinæ, cuius penes nos curam, lenocinium vocant.

MARCVS HAERETICVS OBLATIONE  
CALICIS IN MAGIAM ABVSVS.

Idem li. i.  
cōt. Marc.  
carmine.

**M**ARCVS (inquit idem alibi) per numeros argumentatus  
acutè,  
Tradidit in magicæ formam violare pudicam,  
Offerri calicem, precibusq; in sanguine verbi.

Idem li. de p̄-  
fer. hæ-  
sub finē.

OPHITAE HAERETICI SERPENTEM FAL-  
SIS SVIS EVCHARISTICIS ADHIBENT.

**A**CCESSERVNT etiam heretici (inquit) illi, q̄ Ophitæ nū-  
cupantur. Nam serpētem magnificāt intātū, vt illū etiā ipsi  
Christo p̄ferāt. Ipsum introducūt ad benedicēda \* eucharistia sua.

\* Eucharis-  
tica

D. CALIXTI PAPAE ROMANI  
XVII. STATVTVM CIRCA SA-  
CRIFICII OBLATIONEM.

Calixt.  
Papa epi.  
2. Decret.

SACERDOTIBVS POST POENITENTIAM  
DENVÒ SACRIFICIVM OFFERRE LICEAT.

**P**ORRÒ (inquit Calixtus papa, ad Episcopos Galliarum scri-  
bens) sanctus Dauid de criminibus mortiferis egit poeniten-  
tiam,



tiam, & tamen in honore permansit. Beatus quoque Petrus amarissimas lachrymas fudit, quando Dominum negasse poenituit, sed tamen Apostolus permansit. Et Dominus per Prophetam peccantibus pollicetur, dicens: Peccator in quacunque die conuersus ingemuerit, omnium iniquitatum illius non recordabor amplius. Errant enim, qui putant Domini sacerdotes post lapsum, si condignam egerint poenitentiam, Domino ministrare non posse, & suis honoribus frui, si bonam deinceps vitam duxerint, & suum sacerdotium condigne custodierint. Et ipsi qui hoc putant, non solum errant, sed etiam contra traditas ecclesiae clauces, disputare & agere videntur, de quibus dictum est: Quaecunque solueritis in terra, erunt soluta & in caelo. Alioquin haec sententia, aut Domini non est, aut vera est. Nos vero indubitanter, tam Domini sacerdotes, quam reliquos fideles, post dignam satisfactionem posse redire ad honores credimus, testante Domino per Prophetam: Nunquid qui cadit, non adiciet ut resurgat? & qui auersus est, non reuertetur? & alibi: Nolo (inquit Dominus) mortem peccatoris, sed ut conuertatur & viuat. Et Propheta Dauid poenitentiam agens, dixit: Redde mihi laetitiam salutaris tui, & spiritu principali confirma me. Ipse nanque post poenitentiam & alios docuit, & sacrificium Deo obtulit, dans exemplum doctoribus sanctae ecclesiae, si lapsi fuerint, & condignam poenitentiam Deo gesserint, utrunque facere posse.

Ezech. 18.

Matt. 18.

Hier. 8.

Psal. 40.

Ezech. 33.

Psal. 50.

EXCOMMVNICATIS NEMO IN ORATIONE COMMVNICET

**E**XCOMMVNICATOS quoque a sacerdotibus, nullus recipiat ante vtriusque partis iustam examinationem, nec cum eis in oratione, aut cibo, aut potu, aut osculo communicet, nec aue eis dicat: quia quicumque in his vel alijs prohibitis, scienter excommunicatis communicauerit, iuxta Apostolorum institutionem & ipse simili excommunicationi subiacebit.

D. V R-

D. VRBANI ROMANI XVIII.  
DECRETA CIRCA SA-  
CRA CAELESTIA.

PRAEDIA VSIBVS SACRORVM CAE-  
LESTIVM DEDICATA, NON IRRVANTVR.

Vrban. pa-  
pa Epist.  
Decret.

\*sacrorū

**A**T TENDENDVM est omnibus (inquit D. Vrbanus papa) & fideliter custodiendum, & illius vsurpationis contumelia depellenda, nè prædia vsibus \* secretorum caelestium dedicata, à quibusdam irruentibus vexentur. Quod si quis fecerit, post debitæ ultionis acrimoniam, quæ erga sacrilegos iure promenda est, perpetua damnetur infamia, & carceri tradatur, aut exilio perpetuæ deportationis vratur.

MINISTERIA SACRATA, ARGENTEA  
FACTA.

Dam. Pō-  
tif. ca. 18.

Cōci. Tri-  
bur. ca. 18.

Vualafr.  
de reb. h.

Eccl. c. 24.  
Radulph.

Tungr. lo-  
co sæpè  
citato.

**H**IC fecit (inquit Damafus) ministeria sacrata omnia argētea, & patenas argenteas 25. apposuit.

A c Concil. Triburiense: Vrbanus papa omnia ministeria sacrata fecit argentea.

E t Vualafridus Strabus: Vrbanus 18. papa, omnia ministeria sacrata, fecit argentea & patenas 25.

R a d u l p h v s quoq; Tungrensis: Sanctus verò Vrbanus papa primus argenteis constituit celebrari.

AB EODEM VRBANO PAPA CONSECRATA ECCLESIA AD PERAGENDA SANCTA DEI  
MYSTERIA.

Simeon  
Metaphr.  
in vit. D.  
Cæcil.

**C**AECILIAE autem domum (inquit D. Simeon Metaphrastes) sanctissimus Vrbanus papa consecrauit nomine sanctæ Ec-



Ecclesiæ : & illic perpetuò peraguntur sancta Domini myste-  
ria usque in hodiernum diem. In memoriam quidem marty-  
ris, gloriam autem & laudem magni Dei & saluatoris nostri IE-  
SV CHRISTI.

D. PONTIANI XIX. PAPAE  
ROMANI DECRETVM, DE  
IIS QVI CORPVS DOMI-  
NI CONFICIVNT, ET  
POPVLIS TRADVNT.

**D**E sacerdotibus autem Domini, (inquit D. Pontianus papa) D. Pötia.  
quos vos audiuius contra prauorum hominum insidias <sup>papa ep. 1.</sup>  
adiuuare, eorumq; causas portare, scitote vos in eo valde Deo pla-  
cere, qui sibi eos ad seruiendum adsciuit, & familiares intantum  
sibi esse voluit, vt etiam aliorum hostias per eos acceptaret, atq; eo-  
rum peccata donaret, sibiq; reconciliaret. Ipsi quoque proprio  
ore corpus Domini conficiunt, & populis tradunt. De illis dictum <sup>Zach. 2.</sup>  
est: Qui vos contristabit, & qui vobis facit iniuriam, recipiet id <sup>Luc. 10.</sup>  
quod iniquè gessit. Et alibi: Qui vos audit, me audit: & q vos sper-  
nit, me spernit: q autem me spernit, spernit eum qui me misit. Hi  
enim non sunt infestandi, sed honorandi. In eis quoque Dominus  
honoratur, cuius legatione funguntur.

D. HIPOLYTI PORTVENSIS  
EPISCOPI LITVRGIAE  
RITVS.

**L**VGEVNT (inquit) sub Antichristo ecclesiæ luctum ma- <sup>Hippol.</sup>  
gnum, quia nec oblatio, nec suffitus fiat, nec cultus Deo gra- <sup>Port. orat.</sup>  
de Anti- <sup>de Anti-</sup>  
tus: christ. <sup>tus: christ.</sup>

tus: Sed ecclesiarum ædes sacrae, tugurij instar erunt, preciosumq;  
corpus & sanguis Christi non exstabit in diebus illis: liturgia extin-  
guetur, psalmorum decantatio cessabit, scripturarum recitatio non  
audietur: Sed erunt apud homines tenebrae, lamentatio super lamē-  
tationem, vae super vae.

## AD SEPULCRVM IPSIVS APPOSITA

ARA, SACRAMENTI DONATRIX.

Prud. Pe-  
risteph.  
hymn. 11.

**T**ALIEVS (inquit D. Prudentius) Hippolyti corpus manda-  
tur opertis,

Propter ubi apposita est ara dicata Deo.

Illa sacramenti donatrix mensa, eadem que

Custos fida sui martyris apposita,

\* Vindictis Seruat ad æterni spem \* Iudicis ossa sepulcro;

Pascit item sanctis Tibricolas dapibus.

## D. ANTERI PAPAE XX. ROMANI, DECRETVM SIMILE.

Anter. pa-  
pa epist.  
Decret.

**A**BSIT (inquit Anterus Papa ad Episcopos Hispanos) vt qu-  
quam sinistrum de his loquar, qui Apostolico gradui succe-  
dētes, Christi corpus sacro ore conficiūt, per quos nos etiam Chri-  
stiani sumus, q̄ clauēs regni cēlorum habētes, ante iudicij diem iu-  
dicāt. Veteri quidem lege habetur, quicumq; sacerdotibus nō ob-  
temperāset, aut extra castra positus, lapidabatur à populo, aut gla-  
dio ceruice subiecta, contemptum expiabat cruore. Nunc verò in-  
obediens, spiritali animaduersione truncatur: & eiectus ab ecclesia,  
rabido dæmonum ore discerpitur.

Deut. 17.

D. FABIANI, ROMANI XXI. PA-  
PAE, INSTITVTA DE SACRO  
RITV ET DIVINO OFFICIO  
PERAGENDO.

RO-



ROMANAM ECCLESIAM IN SACRO RI-  
TV SEQVANTVR CAETERI.

**C**ONSEQVENS est, (inquit D. Fabianus Papa) debere vos <sup>Fabian.</sup> <sup>papa ep. 1.</sup> re, quæ apud Romanam in sacro aguntur ritu ecclesiam, vt eius sequentes exempla, eius veri filij inueniamini, quæ vestra est mater vocata.

PER SINGVLAS CIVITATES SEPTM  
DIACONI, CVM SVBDIACONIBVS ET ACOLYTIS  
AC SEQVACIVM ORDINVM MINISTRIS, DI-  
VINVM PERAGANT OFFICIVM.

**S**EPTM ergò Diaconos in vrbe Roma per septem regiones <sup>Ibidem.</sup> Sciuitatis, sicut à patribus accepimus, habemus: qui per singulas hebdomadas & Dominicos dies, atque festiuitatum solennia cum subdiaconibus & Acolytis, ac sequacium ordinum ministris, iniuncta sibi obseruant ministeria, & parati omni hora sunt ad diuinum officium, & quicquid eis iniungitur, peragendum. Similiter & vobis, prout opportunum fuerit, per singulas ciuitates est faciendum, vt diuinum absque vlla mora & negligentia studiosè ac solenniter agatur officium.

CVM EXCOMMVNICATIS NEMO PSAL-  
LAT AVT ORET.

**S**IC Apostoli statuerunt, dicentes: Cum excommunicatis <sup>Ibidem.</sup> (stat can. II.) non est cōmunicandum. Et si quis cum excommunicatis, auertendo regulas, scienter psallat in domo, aut simul locutus fuerit, aut orauerit, ille communione priuetur.

QVAE CIRCA DIVINA MYSTERIA VNI-  
VERSA VNIFORMITER AGIT ECCLESIA, NON  
OCIOSE CONTEMPLANDA.

Z 2 ILLA

Idē epi. 2.

**I**LLA autem (inquit idem ad Episcopos Oriētales) quę circa diuina mysteria, & erga baptizandos, in vniuerso mundo sancta ecclesia vniformiter agit, non ocioso contemplanda sunt intuitu, nē locum superuacuis intentionibus & superstitionibus faciamus.

SACERDOTES SACRIFICENT, LEUITAE MINISTRENT.

Ibidem.

**S**A CER DOTES quoq; Dominus sibi elegit, vt sacrificent ei, & offerant oblationes Domino. Leuitas quoq; sub eis esse iussit in ministerijs eorum.

TER IN ANNO QVISQVE FIDELIVM COMMVNICET.

Burchard.  
Decr. l. 5. c.  
17. Iuo  
par. 2. c. 27.  
Grat. de  
consecr.  
dist. 1. c.  
Etsi non.

**V**T si non frequentius, (citatur idē Decr. c. 4. à DD. Burchardo, Iuone & Gratiano) saltem in anno tēr homines cōmunicent: nisi fortē quis maioribus quibuslibet criminibus impediatur, in Pascha videlicet & Pentecoste, & Natali Domini.

OMNIBVS DOMINICIS DIEBVS AD ALTARE FIAT OBLATIO PANIS ET VINI.

Burchard.  
ibid c. 24.  
Iuo ibi.  
dēm c. 34.

**D**E CERNIMVS (vt citatur eiusdem Dec. c. 5. à DD. Burchardo & Iuone) vt in omnibus Dominicis diebus altaris oblatio ab omnib; viris & mulieribus fiat, tam panis quàm vini, vt per has immolationes à peccatorum suorum fascibus liberentur.

PACEM QVOQVE CVM OBLATIONE IN ECCLESIA FACERE POPVLVS ADMONEATUR.

Burchard.  
ibid. c. 25.  
Iuo ca. 35.

**O**BLATIONEM quoquē (ait idem iuxta quod ab iisdem citatur c. 10.) & pacē in ecclesia facere iugiter admoneatur populus Christianus: quia ipsa oblatio sibi & suis magnum remedium est animarum, & in ipsa pace vera vnanimitas & concordia demonstratur.

PRE-



PRESBYTER ILLITERATVS MISSAM  
NON CELEBRET.

**S**ACRIFICIVM (inquit Decr. c. 10. ab ijsdem citato) nō  
est accipiendum de manu sacerdotis, qui orationes vel actio-  
nes, & reliquas obseruationes in Missa secundum ritum implere  
non potest. Burch. lib.  
5. c. 36.  
Iuo part.  
2. l. 10.

PHILIPPI PRIMI CHRISTIA-  
NI IMPERATORIS, QVVM  
VELLET COMMVNICARE  
MYSTERIIS, POENITEN-  
TIA PVBLICA.

**D**E hoc traditum (inquit Eusebius) nobis est, quod Christia-  
nus fuerit, & in die Paschæ, id est, in ipsis vigilijs, quum inter-  
esse voluisset & communicare mysterijs, ab Episcopo loci nō prius  
esse permissum, nisi confiteretur peccata sua, & inter pœnitentes  
staret: nec vllō modo copiam sibi mysteriorum futuram, nisi prius  
per pœnitentiam culpas, quæ de eo ferebantur plurimæ, diluisset.  
Ferunt igitur, libenter eum quod à sacerdote imperatum fuerat,  
suscepisse, diuinum sibi inesse metum, & fidem religionis plenissi-  
mam rebus atque operibus comprobando. Euseb. hi-  
stor. Eccl.  
1. 6. c. 25.  
seu 27.

Quod ipsum de vtroque Philippo tradit Paulus Diaconus: Paul. Dia-  
con. hist.  
1. 10.  
Isti primi (inquit) omnium Imperatorum Christiani Romæ fa-  
cti sunt, & in die Paschæ, id est, in ipsis vigilijs, quum interesse vo-  
luissent, & communicare mysterijs, à Fabiano Episcopo Romano  
non prius est permissum, nisi confiteretur peccata sua, & inter pœ-  
nitentes staret: nec vllō modo copiam sibi mysteriorum futurā,  
Z 3 nisi

nisi prius per pœnitentiā culpas, quæ de eo ferebātur plurimæ, diluisset. Fertur igitur, libenter eum quod à sacerdote sibi imperatū fuerat, suscepisse, diuinum sibi inesse metum, & fidem religionis plenissimam, rebus atque operibus comprobans.

Ioan. Zo.  
nar. An.  
nal. Tō. 1.

IOANNES verò Zonara de Philippo Patre: Authores (inquit) quidam sunt, eum Christianam fidem amplexū, in Ecclesia communia cum Christianis vota fecisse, & peccata sua non grauatiū confessum esse. Nam quum à præposito Ecclesiæ ad communionē non admitteretur, nisi confiteri vellet, & nomen suum inter pœnitentes profiteri, haud recusasse.

Niceph. 1.  
s. c. 25.

ET similiter Nicephorus: Hunc primum aiunt ex Imperatoribus ad Christi fidem accessisse, eumq; vltimo Paschatis peruigilio, de reliquijs orationum in ecclesia participare voluisse. non prius tamen in conuentum fidelium accedere, intercessione & impedimento eius, qui tum ecclesiæ præfuit, Episcopi permissum esse, quàm confiteretur, & pœnitentium numero, qui ordine & loco suo segregati, disciplina certa explorabantur, aggregaretur: quod non aliter licere ille diceret, nisi hoc fecisset, propter multas eius noxas, cum ecclesiæ multitudine, conuentus eius festi participem fieri. Eum verò, rebus ipsis timorem diuini luminis, religionem quæ debitam ritè atque syncerè declarantem, obsequutū illi esse ferunt.

CONCILII CARTHAGINIENSIS  
SVB ANTECESSORE D. CYPRIANI,  
STATVTVM DE SACRIFICIO RRO DOR  
MITIONE.

QVOD



**Q**UOD Episcopi Antecessores nostri (inquit D. Cyprianus) Cyprian. Epist. 66.  
 religiosè considerantes, & salubriter prouidentes, censuerūt, ad Furni-  
 nē quis frater excedens, ad tutelam vel curam clericum tan-  
 nominaret: ac si quis hoc fecisset, non offerretur pro eo, nec sacri-  
 ficiū pro dormitione eius celebraretur.

D. GRATIANI PRIMI TVRO-  
 NENSIVM EPISCOPI, MYSTE-  
 RIORVM IN CRYPTIS  
 CELEBRATIO.

**P**RIMVS (inquit D. Gregorius Turonensis) Gratianus episco- Greg. Tu- ron. hist. Franc. l. 10. c. 31.  
 pus anno imperij Decij primo Turonicis à Romano Papa  
 transmissus, per cryptas & latibula cum paucis Christianis per eun-  
 dem conuersis, mysterium solennitatis diei Dominicæ celebra-  
 bat.

D. CORNELII PAPAE ROMANI  
 XXII. ET ALIORVM EA AETATE  
 SACRIFICII RITVS, ET QVAE  
 EODEM PERTI-  
 NENT.

D. CORNELIVS PER OMNIA ECCLESIA-  
 STICA OFFICIA ET DIVINAS ADMINISTRA-  
 TIONES AD EPISCOPATVM  
 PROMOTVS.

Non

Cyprian.  
Epist. 52.

**N**ON iste (inquit D. Cyprian Epistola ad Antonianum) ad Episcopatum subito praeuenit, sed per omnia Ecclesiastica officia promotus, & in diuinis administrationibus Dominum saepe promeritus, ad sacerdotij sublime fastigium cunctis religionis gradibus ascendit.

NOVATIANVS E CONTRARIO OBLATIONE ET DISTRIBUTIONE SACRAMENTI ABVSVS.

Euseb. Ec-  
cles. hist.  
1.6.c.35.  
Niceph. l.  
6.c.3.

**Q**VVM fecisset (inquit D. Cornelius Epistola ad Fabium Episcopum Antiochenum apud Eusebium & Nicephorum) oblationes ποιῆσαι τὰς προσφορὰς, & singulis partem sacramenti distribuisse porrexissetq; miseros homines & infelices pro benedictione & gratiarum actione iusiurandum dare coegit.

ATQVE suis utrisque manibus manus accipientis prae-hendens, non prius dimisit, quam hoc iureiurando eum obstrinxisset, (illius enim verbis utar) Iura mihi per corpus & sanguinem Domini nostri Iesu Christi, te nunquam nec me deserturum, nec ad Cornelium reuersurum.

AMEN DICEBAT COMMVNICANS

**A**TQVE miser homo non antè degustauit, quam ita illi se deuouisset. Et qui illum acceperat, pro Amen, quod dicere debuerat, hoc dixit: Non deinceps ad Cornelium reuertar.

QVI NOVITIANVM ORDINAVERAT  
EPISCOPVS, AD COMMVNIONEM LAI-  
CAM DVNTAXAT AD-  
MISSVS.

EX quibus



**E**X quibus Epistolis (inquit eadē Epist. D. Cornel. apud eosdē) vnus non longē pōst, peccatum flebiliter lamentatus, & idem apertē confessus, ad Ecclesiam reuēnit, quem, populo vniuerso pro eo rogante, tandē vt laicum in communionem recepimus.

Euseb. &  
Niceph. lo  
cis citatis.

IN ECCLESIA ROMANA QVAMPLVRIMI  
TVM PRESBYTERI, DIACONI, SVBDIACONI,  
ACOLYTI, LECTORES, EXORCISTAE,  
OSTIARIJ.

**I**STVM igitur (inquit apud eosdē ibidē D. Corn.) lepidū Euangelij patronum Nouatianum (itā enim haud dubiē legendum, pro eo quod est, Nouatum) omninō prāterijt, scilicet vnum solum Episcopum oportere esse in hac Ecclesia catholica, in qua tamen non ignorabat (quomodō enim poterat?) presbyteros esse quadraginta sex, Diaconos septem, subdiaconos septem, acolytos quadraginta duos, Exorcistas & Lectores vnā cum Ostiarijs quinquaginta duos.

Euseb. &  
Nic. ibid.

IPSIVS D. CORNELII SACRI-  
FICI VM.

**T**VNC miserunt se (inquit Ado Treuirensis) milites omnes ad pedes eius, orantes se baptizari. Quos vt baptizauit, obtulit pro eis sacrificium laudis: & participati sunt omnes corpore & sanguine Domini nostri Iesu Christi.

Ado in  
Martyrol.  
ad 16. Cal.

**Q**VOD iisdem verbis repetit Marianus Scotus hist. suæ lib. 2. Huc pertinet ex eiusdē Cornelij Epistola ad Lupicinum Vienne sem archiepiscopum locus, quemadmodū is apud Georgium Fabricium inuenitur, de Misis in Cryptis ab eo celebratis.

**S**CIAS (inquit) frater charissime, arcam Domini vento persecutionis acerrimē commoueri, & edictis Imperatorum Christianos vbiquē tormentis varijs affici. Nam in vrbe Roma Imperator

Georg. Fabric. com.  
in Christ.  
pōttas.

A a ad hoc

ad hoc constitutus est. Vnde neque publicè, neque in cryptis notioribus, MISSA Sagere Christianis licet. Exhortetur itaq; charitas vestra omnes credentes in Christum, nè timeant eos, qui occidunt corpus, sed potiùs eum qui habet corpus & animam perdendi potestatem. Iam plures fratrum martyrio coronati sunt. ora vt perficiamus cursum nostrum nobis à Domino reuelatù. Vale frater in Domino, & saluta omnes qui nos amant in Christo.

**D. CORNELII IN CONCILIO  
ROMANO CENSURA, VT EPI-  
SCOPI LAPSI, A SACRIFI-  
CII OBLATIONE RE-  
PELLANTVR.**

Cyprian. **Q**VVM manifestum sit, (inquit D. Cyprianus epistola ad  
Epist. 68. episcopos Hispanos) eiusmodi homines, nec ecclesiæ Christi posse præesse, nec Deo sacrificia offerre debere: maximè quum iam pridem nobiscum & cum omnibus omninò Episcopis in toto mundo constitutis, etiam Cornelius Collega noster, sacerdos pacificus ac iustus, & martyrio quoquè dignatione Domini honoratus, decreuerit eiusmodi homines ad pœnitentiam quidem agendam posse admitti: ab ordinatione autem cleri atque sacerdotali honore prohiberi.

Idē Epist. **A**D quam etiam alludit D. Cyprianus epistola ad Epictetum:  
64. Vndè (inquit) & ipsam venisse perspicimus, & credimus de Dei exploratione censuram, nè apud altare consistere, & contrectare vltèriùs perseverarent pudorem incesti, fidem perfidi, religionem prophani, diuina terreni, sancta sacrilegi.

Idē Epist. **E**ANDEM censuram ab ipso D. Cornelio adimpletam testatur  
52. his verbis D. Cyprianus epistola ad Antonianum: Tractatu ergò  
illic



illic cum collegis plurimis habito, susceptus est Trophimus, pro quo satisfaciebat fratrum reditus, & restituta multorum salus: sic tamen admissus est Trophimus, ut laicus communicet, non secundum quod ad te malignorum literæ pertulerunt, quasi locum sacerdotij usurpet.

## D. CYPRIANI CARTHAGINENSIS EPISCOPI, SACRIFICIORVM RITVS.

CYPRIANI INDESINENS IN PERSECUTIONE ET PACE SACRIFICIORVM OBLATIO.

**E**T nos quidem (inquit ad Moysen & Maximum epistola 1.) Cyprian. Epist. 16. vestri diebus ac noctibus memores, & quãdò in sacrificijs precem cum pluribus facimus, & cum in secessu priuatis precibus oramus, coronis ac laudibus vestris plenam à Domino fauentiam postulamur.

EPISTOLA quoquẽ ad Florentium Pupianum: Si Deo & Christo eius, quibus seruiò, & quibus puro atque immaculato ore sacrificia & in persecutione pariter & in pace indefinenter offero, plenissimè satisfeceris, communicationis tuæ poterimus habere rationem. Idẽ Epist. 69.

Ac ad Iubaianum: Aut quia Nouatianus altare collocare, & sacrificia offerre contra fas nititur: ab altari & sacrificijs cessare nos oportet, nè paria & similia cum illo celebrare videamur. Idẽ Epist. 73.

CONVENTVS FIDELIVM AD SACRIFICIVM.

Aa 2 QVAN-

Idem lib.  
de Orat.  
Dominic.

**Q**VANDO (inquit lib. de Orat. Domin.) in vnū cum fratribus conuenimus, & sacrificia diuina cum Dei sacerdote celebramus, verēcundiae & disciplinae memores esse debemus: Non passim ventilare preces nostras inconditis vocibus: nec petitionem commendandam modestē Deo, tumultuosa loquacitate iactare.

## ET IS IN DOMINICVM SIVE

ECCLESIAM.

Idem l. de  
oper. &  
elem.

**C**AETERVM (inquit l. de oper. & eleemos.) quā talis es, nec Operari in Ecclesia potes: Egentem enim & pauperem non vident oculi tui superfuli nigroris tenebris, & nocte contacti.

A c paulopost: Quā in Dominicum sine sacrificio venis.

PRAESERTIM IN OBLATIONIBVS MATUTINIS, NON ITEM VESPERTINIS.

Idē Epist.  
63.

**C**AETERVM (inquit Epistola ad Cēcilium) omnis religionis & veritatis disciplina subuertitur, nisi id quod spiritaliter praecipitur, fideliter referuetur: nisi si in sacrificijs matutinis hoc quis vereretur, nē per saporem vini redoleat sanguinem Christi. Sic ergo incipit & à passione Christi in persecutionibus fraternitas retardari, dum in oblationibus discit de sanguine eius & cruore confundi. Porro autem Dominus in Euangelio dicit: Qui confusus me fuerit, confundetur eum filius hominis. Et Apostolus quoque loquitur, dicens: Si hominibus placerem, Christi seruus non essem. Quomodo autem possumus propter Christum sanguinem fundere, qui sanguinem Christi erubescimus bibere? An illa sibi aliquis contemplatione blanditur, quod etsi manē aqua sola offerri videtur, tamen cū ad cœnandū venimus, mixtū calicem offerimus. Sed cū cœnamus, ad conuiuiū nostrum plebē conuocare nō possum⁹, vt sacramēti veritatē, fraternitate omni praesente, celebrem⁹.

MANE



## MANE ENIM OB RESVRRECTIONEM

DOMINI CELEBRABATUR DOMINICVM, ET  
SI CHRISTVS POST COENAM HOC  
FECERIT.

**A**T enim non manè, (addit ibidè) sed post cœnam mixtum <sup>Ibidè.</sup>  
calicem obtulit Dominus. Nunquid ergò dominicum post  
cœnam celebrare debemus, vt sic mixtum calicem frequentandis  
Dominicis offeramus? Christum offerre oportebat circa vesperam  
diei, vt hora ipsa sacrificij ostenderet occasum & vesperam mun-  
di, sicut in Exodo scriptum est: Et occident illum omne vulgus <sup>Exod. 12.</sup>  
Synagogæ filiorum Israel ad vesperam. Et iterùm in Psalms: Ad-  
leuatio manuum mearum sacrificium vespertinum. Nos autem <sup>Psal. 140.</sup>  
resurrectionem Domini manè celebramus.

STARE CVR MOS FVERIT AD  
ORATIONEM.

**Q**VANDO autem stamus (inquit de orat. Dominica) ad Ora- <sup>Idè lib. de</sup>  
tionem, fratres dilectissimi, vigilare & incumbere ad preces <sup>Orat. Do.</sup>  
toto corde debemus. Cogitatio omnis carnalis & secula-  
ris abscedat, nec quicquam tunc animus, quàm id solum cogitet  
quod precatur.

FIEBAT AVTEM AD ALTARE  
SACRIFICIUM.

**H**VC inprimis pertinent quæ suprà allegauimus ex Cypria- <sup>Epist. 63.</sup>  
no de typo Dominici sacrificij apud Salomonem, vbi etiam <sup>lib. Test.</sup>  
Altaris fit mentio, ex epistola ad Cæcil. & lib. Testim. 2. ad Quiri- <sup>3. cap. 2.</sup>  
num. Illud quoquè quod modò ex Epistola ad Iubaianum cita-  
uimus.

**I**TEM illud epistolæ 2. ad Cornelium: In tanto fratrum religio- <sup>Idem epis-</sup>  
foc; conuentu, confidentibus Dei sacerdotibus, & altari posito. <sup>stola 42.</sup>

Aa 3 ILLVD

Idem epi-  
stola 40.

ILLVD etiam de presbyteris hæreticis : aliud altare constitui, aut sacerdotium nouum fieri, præter vnum altare & vnum sacerdotium, non potest. Quisquis alibi collegerit, spargit.

Idem lib.  
de Vnit.  
Eccles.

ET quod de Nouatiano hæretico alibi adserit : Arma ille contra ecclesiam portat, cōtra Dei dispositionem repugnat: hostis altaris, aduersus sacrificium Christi rebellis, pro fide perfidus, pro religione sacrilegus, inobsequens seruus, filius impius, frater inimicus, cōtemptis episcopis & Dei sacerdotibus derelictis, constituere audet aliud altare, precem alteram illicitis vocibus facere, Dominicę hostiæ veritatem per falsa sacrificia profanare.

Idē epi. 55.

HOC deniq; epistolę ad Cornelium 7. Quid superest, quàm vt ecclesia Capitolio cedat, & recedentibus sacerdotibus, ac Domini altare remouentibus, in Cleri nostri sacrum venerandumq; confessum, simulacra atque idola cum aris suis transeant?

SVB SPECIE PANIS ET VINI CVR IN-  
STITVTVM HOC MYSTERIVM.

Idē ep. 76.

**D**ENIQVE (inquit Epistola ad Magnum) vnanimitatem Christianam firma sibi atq; inseparabili charitate connexā, etiam ipsa Dominica sacrificia declarant. Nam quandò Dominus corpus suum panem vocat de multorum granorum adunatione congestum, populum nostrum quem portabat, indicat adunatum: & quandò sanguinem suum vinum appellat, de botris atque acinis plurimis expressum, atque in vnum coactum : gregem item nostrum significat, commixtione adunatę multitudinis copulatum.

NON ALITER OFFERENDVM, QVAM  
VINO AQVA MIXTO.

Idē ep. 63.

**A**D MONITOS (inquit epistola citata ad Cęciliū de sacramento dominici calicis) nos scias, vt in calice offerendo dominica traditio seruetur, neque aliud fiat à nobis, quàm quod pro nobis  
Dñs



Dominus prior fecerit: Vt calix qui in commemorationem eius offertur, mixtus vino offeratur. Nam quum dicat Christus: Ego sum vitis vera: sanguis Christi non aqua est vtiq; sed vinum. Nec potest videri sanguis eius, quo redempti & viuificati sumus, esse in calice: quando vinum desit calici, quo Christi sanguis ostenditur, qui scripturarum omnium sacramento ac testimonio prædicatur. Inuenimus enim & in Genesi circa sacramentum Noe hoc idem præcurrisse, & figuram Dominicæ passionis illic extitisse, quod vinum bibit, quod inebriatus est: quod in domo sua nudatus est: quod fuit recubans nudis & patetibus femoribus: quod nuditas illa patris à medio filio denotata est, & foras nunciata: à duobus verò, maiore & minore, contestata: & cetera quæ necesse non est exequi: cum satis sit hoc solum complecti, quod Noe typum futuræ veritatis ostendens, non aquam, sed vinum biberit, & sic imaginem Dominicæ passionis expresse-  
Ioan. 15.  
Gen. 9.

A c pagina sequenti: In benedictione quoque Iudæ hoc idem significatur, ubi & illic Christi figura exprimitur, quod à fratribus suis laudari & adorari haberet, quod inimicorum dorsa, cedentium atque fugientium manibus, quibus crucem pertulit & mortem vicit, compressurus fuisset: quodque ipse sit leo de tribu Iuda, & recubet dormiens in Passione, & surgat, & sit ipse spes gentium, quibus scriptura diuina adiungit, & dicit: Lauabit in vino stolam suam, & in sanguine vix amictum suum. Quando autem sanguis vix dicitur, quid aliud quam vinum calicis Dominici, sanguis ostenditur? Necnon & apud Isaiam hoc idem Spiritus sanctus de Domini passione testatur, dicens: Quare rubicunda sunt vestimenta tua, & indumenta tua velut à calcatione torcularis pleni & percalcati? Nunquid rubicunda vestimenta aqua potest facere? Aut in torculari aqua est, quæ pedibus calcatur, vel prælo exprimitur? Vini vtiq; mentio est, & ideo ponitur, vt  
Gen. 49.  
Isaia 63.

D O M I N I sanguis vino intelligatur: & quod in calice  
 Domi-

Dominico postea manifestatum est, prophetis annūciantibus prædiceretur. Torcularis quoque, calcatio & pressura taxatur, quia quo modo ad potandum vinum veniri non potest, nisi botrus calcetur antè, & prematur: sic nec nos sanguinem Christi possemus bibere, nisi Christus calcatus prius fuisset & pressus, & calicem prior biberet, quem credentibus propinaret.

ET postea: Vnde apparet sanguinem Christi non offerri, si desit vinum calici: nec sacrificium Dominicū legitima sanctificatione celebrari, nisi oblatio & sacrificium nostrum responderit passioni.

PAVLO POST item: Quum ergo neque ipse Apostolus, neque angelus de cælo annunciare possit aliter aut docere, præterquam quod semel Christus docuit, & Apostoli eius annunciauerūt: miror satis, vnde hoc usurpatum sit, ut contra Euangelicam atque Apostolicam disciplinā, quibusdam in locis aqua offeratur in dominico calice, quæ sola Christi sanguinem non possit exprimere.

Psal. 22. Cuius rei sacramentum nec in Psalmis tacet Spiritus sanctus, faciens mentionem Dominici calicis, & dicens: Calix tuus inebrians quàm peroptimus. Calix autem qui inebriat, utique vino mixtus est. Neque enim aqua inebriare quēquam potest. Sic autem calix Dominicus inebriat, ut & Noë in Genesi vinum bibens, inebriatus est.

Gen. 9. Sed quia ebrietas Dominici calicis & sanguinis non est talis, qualis ebrietas vini secularis, cum diceret Spiritus sanctus in Psalmo, Calix tuus inebrians: addidit, quàm peroptimus, quod scilicet calix. Dominicus sic bibentes inebriet, ut sobrios faciat, ut mentes ad spiritalem sapientiam redigat, ut à sapore isto seculari, ad intellectum Dei vnusquisque resipiscat: & quemadmodum vino isto communi mens soluitur, & anima relaxatur, & tristitia omnis exponitur, ita è potu sanguine Domini & poculo salutari, exponatur memoria veteris hominis, & fiat obliuio conuersationis pristinæ secularis, & mœstum pectus ac triste, quod prius peccatis agentibus preme-

ba-



batur, diuinæ indulgentiæ latitia resoluatur. quod tunc demùm potest latificare in Ecclesia Domini bibentem, si quod bibitur, Dominicam teneat veritatē. Quàm verò peruersum est, quamq; <sup>Ioan. 2.</sup> contrarium, vt quum Dominus in nuptijs de aqua vinum fecerit, nos de vino aquam faciamus: cùm sacramentum quoquē rei illius admonere, & instruere nos debeat, vt in sacrificijs dominicis vinum potius offeramus?

A c iterum: Quod scilicet perspicimus & in sacramento calicis contineri. Nam quia nos omnes portabat Christus, qui & peccata nostra portabat: videmus in aqua populum intelligi, in vino verò ostendi sanguinem Christi. Quandò autem in calice vino aqua miscetur, Christo populus adunatur, & credentium plebs ei, in quē credidit, copulatur & coniungitur. Quæ copulatio & coniunctio aquæ & vini, sic miscetur in calice Domini, vt commixtio illa nō possit abinuicē separari. Vndē Ecclesiam, id est, plebem in Ecclesia constitutam, fideliter & firmiter in eo quod credidit, perseverantem, nulla res separare poterit à Christo, quo minùs hæreat semper & maneat indiuidua dilectio. Sic autem in sanctificando calice Domini offerri aqua sola non potest: nam si vinum tantum quis offerat, sanguis Christi incipit esse sine nobis: si verò aqua sit sola, plebs incipit esse sine Christo: quando autem vtrunque miscetur, & adunatione confusa sibi inuicē copulatur, tunc sacramentum spiritale & cæleste perficitur. Sic verò calix Domini non est aqua sola, aut vinum solum, nisi vtrunque sibi misceatur: quo modo nec corpus Domini potest esse farina sola, aut aqua sola, nisi vtrunque adunatum fuerit & copulatum, & panis vnius compage solidatum, Quo & ipso sacramento populus noster ostenditur adunatus, vt quemadmodum grana multa in vnum collecta, & commolita, & commixta, panem vnum faciunt: Sic in Christo qui est panis cælestis, vnum sciamus esse corpus, cui coniunctus sit noster

Bb

nume-

numerus & adunatus. Non est ergò, frater charissime, quòd aliquis existimet sequendam esse quorundam consuetudinem, si qui in präteritum in calice Dominico aquam solam offerendam putauerint: quærendum est enim, ipsi quem sint secuti. Nam si in sacrificio quod Christus obtulit, non nisi Christus sequendus est: utique id nos obaudire & facere oportet, quod Christus fecit, & quod faciendum esse mandauit.

SUB finem denique eius epistolæ: Et viderit, frater charissime, si quis de antecessoribus nostris vel ignoranter, vel simpliciter non hoc obseruauit & tenuit, quod nos Dominus facere exemplo & magisterio suo docuit: potest simplicitati eius de indulgentia Domini venia concedi, nobis verò nò poterit ignosci, qui nunc à Domino admoniti & instructi sumus, ut calicem Dominicum vino mixtum, secundum quod Dominus obtulit, offeramus.

#### ACCESSVS SACERDOTIS AD ALTARE.

Idē Epist.  
64.

**A**VDET sibi adhuc (inquit Epistola ad Epiætetum) sacerdotium quod prodidit, vindicare: quasi post aras diaboli, accedere ad altare Dei fas sit.

#### CONFESSIO PECCATORVM HIERARCHAE, ET LEVATIO MANVVM IN REPRESENTATIONEM MYSTERII CRVCIS.

Idē lib. de  
card. oper.  
Christi.

**S**ED hierarcha pius (inquit de cœna Domini) quē Spiritus sanctus compūgit, excitat, inhabitat, & sanctificat, eleuatione manuum crucis mysterium repræsentans, confidenter orat pro sua & populi ignorantia: recolens pudibundi & contriti animi confessione, quòd aliquandò præualente aduersum se peccato fuerit derelictus, iuxta illud quod Dauid plorans ait: Auertisti faciem tuam à me, & factus sum conturbatus. Et Dominus per Esaiam: Ad  
tem-

Psal. 29.  
Esai. 54.



tempus in modico derelinquam te. Verecundatur fateri, & tamen fatetur iuuentutis delicta. Sed accusatrici consciētiae necesse est coram iudice respondere: nec potest ibi esse vllum diffugium, vbi ipsa testis est quę accusat, & nihil ei potest esse occultum qui iudicat. Sed vbi cum iudice agit qui iudicatur, & ipse in partem accusatoris transiens, etiam in sua pręscriptione sententiam approbat condemnantis, experitur clementiam saluatoris.

LECTIO SCRIPTVRARVM PER LECTORES SVPER PVLPIVM.

**F**ECISSE me (inquit) sciatis Lectorem Saturum, & hypodiam Idē Epist. conum Optatum confessorem: quos iam pridē communi 24. consilio clero proximos feceramus: quādō aut Saturo die Paschę semel atq; iterū lectionem dedimus, &c.

ET de Aurelio confessore: Merebatur talis clericę ordinationis 33. vltiores gradus & incrementa maiora, non de annis suis, sed de meritis æstimandus: sed interim placuit vt ab officio lectionis incipiat.

AC de Celerino confessore: Hunc ad nos, fratres dilectissimi, Idē ep. 34. cum tanta Domini dignatione venientem, testimonio & miraculo eius ipsius, qui se persecutus fuerat, illustrem: quid aliud quā super populum, id est, super tribunal Ecclesię oportebat imponi, vt loci altioris celsitate subnixus, & plebi vniuersę pro honoris sui claritate conspicuus, legat pręcepta & Euāgelium nomini, quę fortiter ac fideliter sequitur? vox Dominū cōfessa, in his quotidie, quę Dominus locutus est, audiat? Viderit an sit vltior gradus, ad quem profici in ecclesia possit. Nihil est in quo magis cōfessor fratribus profit, quā vt dura Euangelica lectio de ore eius audiat, lectoris fidem, quisquis audierit, imitetur.

ORATIONES PRO QVAVIS NECESSITATE.

Bb 2

PRO

196  
Idē lib. ad  
Demetr.

LITVRGICON ECCLESIAE LATINAE

**P**ro arcendis (inquit lib. ad Demetrianum) hostibus & im-  
bribus impetrandis, & vel auferendis vel temperandis aduer-  
sis, rogam⁹ semper & preces fundimus: & pro pace ac salute vestra  
propitiantes ac placantes Deum, diebus ac noctibus iugiter atque  
instanter oramus.

OBLATIONES POPVLI AD SA-  
CRIFICIVM.

Idem lib.  
de oper.  
& eleem.

**L**OCVPLES & diues es, (matronam auaram alloquitur) &  
Dominicum celebrare te credis, quæ corbanam omninò non  
respicis: quæ in Dominicum sine sacrificio venis: quæ partem de  
sacrificio, quod pauper obtulit, fumis. Intuere in Euangelio vi-  
duam praeceptorum caelestium memorem, inter ipsas pressuras &  
angustias egestatis operantem, in gazophylacium duo, quæ so-  
la sibi fuerant, minuta mittentem. Quam cùm animaduerneret  
Marc. 12. Dominus & videret, non de patrimonio, sed de animo opus eius  
examinans, & considerans, non quantum, sed ex quanto dedis-  
set, respondit & dixit: Amen dico vobis, quoniam vidua ista plus  
omnibus misit in dona Dei. Omnes enim isti de eo quod abun-  
dauit illis, miserunt in dona Dei: Hæc autem de inopia sua  
Euc. 21. omnem quemcunque habuit victum misit. Multùm beata mu-  
lier & gloriosa, quæ etiam ante diem iudicij meruit iudicis voce  
laudari. Pudeat diuites sterilitatis atque infidelitatis suæ: vidua, &  
inops vidua, in opere larga inuenitur. Quumq; vniuersa quæ dan-  
tur, pupillis & viduis conferantur, dat illa quam oportebat accipe-  
re, vt sciamus quæ pœna sterilem diuitem maneat, quandò hoc do-  
cumento operari etiam pauperes debeât. Atq; vt intelligamus hæc  
opera Deo dari, & eum quisquis hæc faciat, Dñm promereri, Chri-  
stus illud Dei dona appellat, & in dona dei viduam duos quadrâtes  
misisse significat, vt magis ac magis possit esse manifestum, quia  
qui miseretur pauperis, Deum scenerat.

EODEM



EODEM pertinet & illud epistolæ ad Epictetum: Stipes & oblationes & lucra desiderant, quibus prius insatiabiles incubabant.

Idē Epist.  
64.

NOMINVM EORVM QVI OBTV-  
LERANT, RECITATIO.

**A**D communionem (inquit epistola ad Clerum l. de Lapsis) Idē Epist.  
admittuntur, & offertur nomen eorum. 10.

EPISTOLA quoquē ad episcopos Numidas de redemptione Idē Epist.  
captiuorum: Vt autem fratres nostros ac sorores qui ad hoc opus 60.  
tam necessarium promptē ac libenter operati sunt, vt semper ope-  
rentur, in mentem habeatis in orationibus vestris, & eis vicem bo-  
ni operis in sacrificijs & precibus repræsentetis, subdidi nomina  
singulorum, sed & collegarum quoquē & cōsacerdotum nostro-  
rum, qui & ipsi quum præsentēs essent, & suo, & plebis suæ nomi-  
ne, quædam pro viribus contulerunt, nomina addidi.

IN PRAEFATIONE ANTE ORATIONEM,  
SVRSVM CORDA: AC, HABEMVS AD  
DOMINVM.

**I**DEO & sacerdos (inquit l. de Orat. Domin.) ante Orationē Præ- Idem l. de  
fatione præmissa parat fratrum mentes, dicendo: Sursū corda: ora. Dom.  
vt dum respondet plebs, Habemus ad Dominum: admoneatur,  
nihil aliud se, quàm Dominum, cogitare debere.

GRATIARVM ACTIO SACERDOTIS,  
ET CAPITIS INCLINATIO.

**A**D hæc (inquit de cæna Domini) inter sacra mysteria ad Idem l. de  
gratiarum actiones conuertitur, & inclinato capite, munditia card. oper.  
cordis adepta, se intelligens cōsummatum, restitutus peccator, fan- Christi.  
ctificatam Deo animā quasi depositum custoditū fideliter reddit.

Bb 3

SAN-

SANCTIFICATIO LEGITIMA SEV  
CONSECRATIO.

Idē Epist.  
63.

**Q**VONIAM quidam (inquit sæpè dicta Epist. ad Cæcil.) vel ignoranter vel simpliciter in calice Dñico sanctificādo, & plebi ministrādo, nō hoc faciunt, quod Iesus Christus, dominus & Deus noster, sacrificij huius author & doctor fecit & docuit: religiosum pariter ac necessarium duxi, de hoc ad vos literas facere, vt si quis in isto errore adhuc teneatur, veritatis luce perspecta, ad radicem atque originem traditionis dominicæ reuertatur.

ET paulopōst: Vndē appāret, sanguinem Christi non offerri, si desit vinum calici: nec sacrificium dominicum, legitima sanctificatione celebrari, nisi oblatio & sacrificium nostrum responderit passioni.

Idem l. de  
card. oper.  
Christi.  
Luc. 22.

**I**TEM de cœna Domini: Sed ex quo à Domino dictum est, Hoc facite in meam commemorationem, hæc est caro mea, & hic est sanguis meus: quotiescunquē his verbis & hac fide actum est, panis iste supersubstantialis & calix benedictione solenni sacratus, ad totius hominis vitam salutemque proficit, simul medicamentum & holocaustum, ad sanandas infirmitates & purgandas iniquitates, existens.

PANIS COMMVNIS IN CARNEM ET SAN-  
GVINEM DOMINI MUTATIO.

Ibid.

**P**ANIS (inquit ibidē paulopōst) iste communis, in carnem & sanguinem mutatus, procurat vitam & incrementum corporibus: ideoque ex consueto rerum effectū, fidei nostrę adiuta infirmitas, sensibili argumento edocta est, visibilibus sacramentis inesse vitæ æternæ effectum.

Ac rursūm: Panis iste, quem DOMINVS discipulis porrigebat, nō effligie, sed natura mutatus, omnipotētia verbi fact⁹ est caro.

ADORA-



ADORATIO CVM PVL SATIONE  
PECTORIS.

**A**DORANS autem, fratres dilectissimi, (inquit lib. de Orat. Idem l. de dominica) nec illud ignoret, quæadmodum in templo cum ora. Dom. Phariseo Publicanus orauerit: non alleuatis in cælum impudenter oculis, nec manibus insolenter erectis, sed pectus suum pulsans, & peccata intus inclusa contestans, diuinæ misericordiæ implorat auxilium.

PASSIONIS CHRISTI  
MENTIO.

**E**T quia passionis eius mentionem (inquit Epistola ad Cæcil.) Idē Epist. in sacrificijs omnibus facimus, nihil aliud quàm quod iste se-<sup>63.</sup> cit, facere debemus. scriptura enim dicit: Quotiescunquē enim 1. Cor. 11. ederitis panem istum, & calicem istum biberitis, mortem Domini annuntiabitis, quoadusquē veniat. Quotiescunquē ergo calicem in commemorationē Domini & passionis eius offerimus, id quod constat Dominum fecisse, faciamus.

SACRIFICII VERA OBLATIO, IMMO  
IPSA PASSIO CHRISTI.

**S**A CRIFICI VM (inquit ibidē) verum & plenū tunc offert Ibid. in Ecclesia Deo Patri, si sic incipiat offerre, secundum quod ipsum Christum videat obtulisse.

Ac paulopost: Passio est enim Domini sacrificium quod offerimus.

SACRIFICII COMMVNICATIO.

**N**EC solos (inqt de cœna domini) sacerdotes ad panis huius Idem l. de card. opes. Christi. clesia ad has epulas inuitatur, æqua omnibus portio datur: integer erogatur: distributus, nō emembratur: incorporatur, nō iniuriatur: reci-

recipitur, non includitur: cum infirmis habitans, non infirmatur, nec pauperum ministerio indignatur: fides pura, mens sincera hunc habitatorem delectat, neque immensi & omnipotentis Dei magnitudinem, pauperculae domus nostrae angustia offendit vel arctat.

ET sub finem: Defæcatis animis carnis eius edulium non est horrori, sed honori, potuque sancti & sanctificantis sanguinis, spiritus delectatur. Hæc quotiès agimus, non dentes ad mordendum acuius, sed fide sincera panem sanctum frangimus & partimur: dum quod diuinum, & humanum est, distinguimus & separamus, itemq; simul separata iungentes, vnū Deum & hominē fatemur. Sed nos ipsi corpus eius effecti, sacramēto & re sacramenti capiti nostro cōnectimur & vnimur, singuli alter alterius mēbra ministeriū dilectionis pro inuicem exhibentes, communicamus charitate, participamus solitudine, eundem cibum manducantes, & eundem potum bibentes, qui de petra spiritali profluit & emānat, qui cibus & potus est Dominus noster Iesus Christus.

PER EOS QVI INTERSVNT AVT ETIAM  
PARTICIPANT DONIS, COMMEMORANDA  
CHRISTI PASSIO.

Ibidem.

**V**IDE (inquit ibidē pauloprius) quomodò his qui Christi commemorāt passionē intrā sacra officia, quasi per quosdam canales de interioribus fontibus egrediantur torrentes, & super omnes delicias lachrymis nectareis anima delectetur: quantam suauitatem animæ, inquirenti ubi sit Deus suus, suspiria contemplationis eliciant.

Ac rursū: Verūm hi, qui verbotenūs corde sicci, & mēte aridi sacris intersunt, vel etiam participant donis, lambunt quidem petram, sed indè nec mel sugunt, nec oleum: qui nec aliqua charitatis dulcedine, nec spiritūs sancti pinguedine vegetantur, nec se iudi-



iudicant, nec sacramenta dijudicant: sed sicut cibus communibus irreuerentes sacris vtuntur muneribus, & Dominicę mensę in veste lutulenta se ingerunt impudenter.

SACRIFICIO A SACERDOTE CELEBRATO, PARTEM QVILIBET ACCIPIEBAT.

**E**T alius (inquit lib. de lapsis) qui & ipse maculatus, sacrificio à sacerdote celebrato, partem cum cæteris ausus est latenter accipere: sanctum Domini edere & contrectare non potuit, cinerem ferre se apertis manibus inuenit. Documento vnus ostensum est, Dominum recedere, cū negatur: nec immerentibus ad salutem prodesse quod sumitur, quandò gratia salutaris in cinerem, sanctitate fugiente, mutetur. Idem l. de lapsis,

IN MANVS CORPVS DOMINI  
TRADEBATVR.

**A** Diaboli aris (inquit ibidē ante aliquot paginas) reuerentes, ad sanctum Domini sordidis & infectis nidore manibus accedunt: & plūs modò in Dominum manibus atq; ore delinquant, quàm quum Dominum negauerunt. Ibid.

A cursùs: Iacens stantibus, & integris vulneratus minatur: & quòd non statim Domini corpus inquinatis manibus accipiat, aut ore polluto Domini sanguinem bibat, sacerdotibus sacrilegus irascitur.

EODEM pertinet illud epistolę ad Thibaritanos: Armemus & dexteram gladio spiritali, vt sacrificia funesta fortiter respuat, & eucharistię memor, quę DOMINI corpus accepit, ipsum complectatur, postea à Domino sumptura pręmium cęlestium coronarum. Idē Epist. 56.

ILLVD quoquę libri de bono patientię: Nec post gestatam eucharistiam manus gladio & cruore maculatur. Idem l. de bō. patiēt.

Cc DOMVM

DOMVM QVOQVE SECVM ABSPORTA-  
RE EUCCHARISTIAM LICEBAT.Idem l. de  
spect.

**Q**VI festinans (inquit libro de spectaculis) ad spectaculum dimissus, (ubi videtur alludere ad illud vsitatum, *Ite Missa est*) & adhuc secum gereñs, vt assolet, Eucharistiam, inter corpora obscena meretricum tulit, plus damnationis meritis de spectaculi voluptate.

Idem l. de  
Lapf.

HVC etiam pertinet illud libri de lapsis: Et quum quædam arcam suam, in qua Domini sanctum fuit, manibus indignis tentasset aperire: igne indè surgente deterrita est, nè auderet attingere.

SOLENNIBVS QVOQVE ADIMPLE-  
TIS, DIACONVS CALICEM AD-  
MINISTRABAT.

Ibidem.

**I**GNORATIONE (inquit ibidem) obreptum est, vt sacrificantibus nobis, eam secum mater inferret. Sedenim puella mixta cum sanctis, precis nostræ & orationis impatiens, nunc ploratu concuti, nunc mentis æstu cœpit fluctabunda iactari, & velut tortore cogente, quibus poterat indicijs conscientiam facti in simplicibus adhuc annis rudis anima fatebatur. Vbi verò solennibus adimpletis, calicem Diaconus offerre præsentibus cœpit, & accipiētibus cæteris locus eius aduénit: faciem suam paruula, instinctu diuinæ maiestatis auertere, os labijs obturantibus premere, calicem recusare. Perstitit tamen Diaconus, & reluctanti licèt, de sacramento calicis infudit. Tunc sequitur singultus & vomitus. In corpore atq; ore, violato Eucharistia permanere non potuit. Sanctificatus in Domini sanguine potus, de pollutis visceribus erupit: tanta est potestas Domini, tanta maiestas. Secreta tenebrarum sub eius luce detecta sunt, sacerdotem Dei nec occulta crimina fefellerunt. Hoc  
circa



circa infantem, quæ ad eloquendum alienum circa se crimen necdum habuit ætatem.

AT verò ea quæ ætate prouecta, & in annis adultioribus constituta, sacrificantibus nobis latenter obrepfit, non cibum, sed gladium sibi sumens, & velut quædam venena letalia inter fauces & pectus sanguinem admittens, angi & anima exæstuante concludi postmodum cœpit. Et pressuram non iam persecutionis, sed delicti sui passa, palpitans & tremens cõcidit. Impunitum diù nõ fuit nec occultum disimulatæ conscientiæ crimen: quæ fefellerat hominem, Deum sensit ultorem.

PVERI QVOQUE ET PVELLÆ COMMUNICABANT.

PERTINERE huc imprimis illud, quod modò de puella <sup>Ibid.</sup> adduximus, patet ex eo quod præmittitur: Sed facinus puella commissum tam loqui & indicare non potuit, quàm nec intelligere priùs potuit, nec arcere.

DE infantibus quoquè id ipsum iam antea testatur in hæc verba: <sup>Ibid.</sup> Nõne illi, quum dies iudicij venerit, dicent: Nos nihil fecimus, nec derelicto cibo & poculo Domini, ad profana contagia spontè properauimus?

LAPSI, ANTE EXOMOLOGESIN ET ACTAM POENITENTIAM A COMMUNICATIONE ABSTENTI, ET PRESBYTERI PRO ILLIS OFFERRE PROHIBITI.

QVVM in minoribus peccatis (inquit Epistola ad Clerum <sup>Idē Epist. 10.</sup> de Lapsis) agant peccatores pœnitentiã iusto tempore, & secundum disciplinæ ordinē ad exomologesim veniāt, & p̄ m̄n̄s impositionem Episcopi & Cleri, ius communicationis accipiāt: nunc crudo tempore, persecutione adhuc perseuerante, nondū

- restituta ecclesiae ipsius pace, ad communicationem admittuntur, & offertur nomen eorum, & nondum poenitentia acta, nondum exomologesi facta, nondum manu eius ab episcopo & Clero imposita, eucharistia illis datur, quum scriptum sit: Qui ederit panem, aut biberit calicem Domini indignè, reus erit corporis & sanguinis Domini.
1. Cor. II. Idē Epist. II. ET epistola II. Illi contra euangelij legem, contra vestram quoquē honorificā petitionem ante actam poenitentiam, ante exomologesi in grauissimi atq; extremi delicti factam, ante manum ab episcopo & Clero in poenitentiam impositam, offerre lapsis pacē & eucharistiam dare, id est, sanctum Domini corpus profanare audeant: cū scriptum sit: Qui ederit panem, aut biberit calicem Domini indignè, reus erit corporis & sanguinis Domini.
1. Cor. II. Ibid. epist. 12. A c epistola 3. Nam quū in minoribus delictis, quæ non in dominum committuntur, poenitentia agatur iusto tempore, & exomologesis fiat, inspecta vita eius qui agit poenitentiam, nec ad communionem venire quis possit, nisi prius illi ab episcopo & clero manus fuerit imposita: quantò magis in his grauissimis & extremis delictis, cautè omnia & moderatè, secundum disciplinam Domini, obseruari oportet?
- Item. lib. de Laps. I TEM libro de lapsis: Mortiferos idolorum cibos adhuc penè ructantes, exhalantibus etiam nunc scelus suum faucibus, & cōtagia funesta redolentibus, Domini corpus inuadunt: quādo occurrat scriptura diuina, & clamet & dicat: Omnis mundus manducabit carnem: & anima quæcunque manducauerit ex carne sacrificij salutaris, quod est DOMINI, & immunditia ipsius super
- \* ipsam \* ipsum est, peribit anima illa de populo suo. Apostolus item 1. Cor. 10. testatur, & dicit: Non potestis calicem Domini bibere & calicem dæmoniorum: non potestis mensæ Domini communicare, & mensæ dæmoniorū. Idē contumacibus & peruicacibus cōminatur & denunciatur, dicēs: Quicunq; ederit panē, aut biberit calicem Domini



Domini indignè, reus erit corporis & sanguinis Domini. Spretis his omnibus & contemptis, vis infertur corpori eius & sanguini.

**QVI CONTRAVENERINT PRESBYTERI,  
OFFERRE NON PERMITTANTVR, ET A COM-  
MUNICATIONE ARCEANTVR.**

**I**NTERIM (inquit dicta 1. ad Clerum de lapsis Epistola) teme- Idē ep. 10.  
rarij & incauti & tumidi quidam inter vos qui hominem non cogitant, vel Deum timeant: scientes quoniam si vltra in ijsdem perseverauerint, vtar ea admonitione, qua me vti Dominus iubet, vt interim prohibeantur offerre, acturi & apud nos & apud confessores ipsos, & apud plebem vniuersam causam suam, cum Domino permittente, in sinum matris Ecclesiæ recolligi cœperimus.

EPISTOLA quoquē de Gaio Diddensi presbytero: Integre Idē ep. 28.  
& cum disciplina fecistis, fratres chariss. quod consilio collegarum meorum qui præsentes erant, Gaio Diddensi presbytero, & diacono eius censuistis non communicandum: qui communicando cum lapsis & offerendo oblationes eorum in prauis erroribus suis frequenter deprehensi, & semel atque iterum, secundum quod mihi scripsistis, à collegis meis moniti nè hoc facerent, in presumptione & audacia sua pertinaciter perstiterunt.

A c paulopost: Interea si quis immoderatus, & præceps siue de nostris presbyteris vel diaconibus, siue de peregrinis ausus fuerit ante sententiam nostram communicare cum lapsis, à communicatione nostra arceatur.

**EPISCOPI QVOQVE LAPSI SACRIFICI-  
VM OFFERRE PROHIBITI.**

**Q**UOMODO se putat posse (inquit Epistola ad Epietum) Idem epis-  
agere pro Dei sacerdote, qui obtemperauit & seruiuit diabo- stola 64.  
li sacerdotibus? aut quomodo putat manum suam trans-  
ferri

Cc 3

ferri posse ad Dei sacrificium & precem Domini, quæ captiua fuerit sacrilegio & crimini? quando in scripturis diuinis Deus ad sacrificium prohibeat accedere sacerdotes etiam in leuiori crimine constitutos, & in Leuitico dicat: Homo in quo fuerit vitium aut macula, nō accedet offerre dona Deo. Item in Exodo: Et sacerdotes qui accedunt ad Dominum Deum, sanctificentur, nē fortē derelinquat eos dominus, & iterū: Et qui accedunt ministrare ad altare sancti, non adducent in se delictum, nē moriantur. Qui ergo graui in se delicta adduxerunt, id est, qui idolis sacrificando sacrilega sacrificia fecerunt, sacerdotium DE I sibi vindicare non possunt.

PRESBYTERORVM SINGVLORVM CVM  
SINGVLIS DIACONIS OBLATIO.

Idē epi. 5. **P**RESBYTERI quoq; (inquit Epistola ad Clerū de cura pauperum & quiete plebis) qui illic apud confessores offerūt, singuli cum singulis diaconis per vices alternēt: quia & mutatio personarum, & vicissitudo conuenientium minuit inuidiam.

SACRIFICIA IN ANNIVERSARIIS  
MARTYRVM.

Idem epi-  
stola 34. **S**A CR I F I C I A (inquit epistola de Celerino) pro eis semper, vt meministis, offerimus, quotiēs martyrum passiones & dies anniuersaria commemoratione celebramus.

Idē ep. 37. **D**E N I Q V E & dies eorum (inquit epistola ad Clerum de confessoribus in carcere) quibus excedunt, adnotate, vt commemorationes eorum inter memorias martyrum celebrare possimus. Quancūq; Tertullus fidelissimus & deuotissimus frater noster, pro cetera sollicitudine & cura sua, quam fratribus in omni obsequio operatiōis impertit, (qui nec illic circa curam corporum deest) scripserit & scribat, ac significet mihi dies, quibus in carcere be-  
ati



atque fratres nostri ad immortalitatem glorioſæ mortis exitu tranſeunt, & celebrentur hîc à nobis oblationes & ſacrificia ob commemorationes eorum, quæ citò vobiſcum, Domino protegente, celebrabimus.

BIRRO, DALMATICA, ET LINEA VTE-  
BATVR D. CYPRIANVS.

**E**T ita (inquit Author Actûs paſſionis eius) idem Cyprianus <sup>Act. Paſſ. Cypri.</sup> in agrum Sexti perductus eſt, & ibi ſe lacerna & birro expoſuit, & genu in terram flexit, & in orationem ſe Domino proſtrauit. Et quum ſe dalmatica expoliâſſet, & diaconibus tradidiſſet, in linea ſtetit.

QVOD iſdem penè verbis repetit Ado Treurenſis: Et ita per- <sup>Ado in martyrol. ad 18. Caſ. lend. Oct.</sup> ductus (inquit) glorioſus martyr poſt Prætorium in agrum Sexti, exiit ſe lacerna & birro, & complicans poſuit ad genua ſua: dehinc dalmaticam tulit, & diaconibus tradidit, & ſtans in linea, ſuſtinebat ſpculatorem, cui & XXV. aureos dari præcepit.

CONCILII AFRICANI DE  
LAPSIS I. SENTENTIA DE  
ADVLTERINA NOVATIA-  
NI CATHEDRA ET SA-  
CRIFICIIS.

**Q**VVM Nouatianus ipſe (inquit epiſtola ad Stephanum I.) quæ <sup>Idē ep. 67.</sup> ſequitur, olim abſtētus, & hoſtis eccleſiæ iudicatus ſit. Et quū ad nos in Africā legatos miſiſſet, optans ad communicati-  
nem noſtram admitti, hinc à Concilio plurimorum ſacerdotum qui præſentes eramus, ſententiam retulerit, ſe foris eſſe cœpiſſe, nec poſſe à quoquam noſtrū ſibi communicari, qui epiſcopo Cornelio in Catholica eccleſia de Dei iudicio & cleri ac plebis ſuffragio ordinato, profanum altare erigere, & adulteram cathedram  
col-

collocare, & sacrilega contra verum sacerdotem sacrificia offerre tentauerit.

PATRV M AFRICANI CONCI-  
LII II. DE LAP SIS DECRE-  
TV M, DE COMMVNICATIO-  
NE LAP SIS DANDA, AC  
QVOTIDIANA SA-  
CRIFICIA.

Apud Cy.  
Epist. 54.

**A**T verò nunc (scribunt Epistola ad Cornelium) non infirmis, sed fortibus pax necessaria est: nec morientibus, sed uiuentibus communicatio à nobis danda est, vt quos excitamus & hortamur ad praelium, non inermes & nudos relinquamus, sed protectione sanguinis & corporis Christi muniamus: & quum ad hoc fiat Eucharistia, vt possit accipientibus esse tutela, quos tutos esse contra aduersarium volumus, munimento Dominicae saturitatis armemus. Nam quomodò docemus aut prouocamus eos in confessione nominis sanguinem suum fundere, si eis militaturis Christi sanguinem denegamus? aut quomodò ad martyrij poculum idoneos facimus, si non eos prius ad bibendum in Ecclesia poculum Domini iure communicationis admittimus? Et paulò post: Immodò Episcopatus nostri honor grandis & gloria est, pacem dedisse martyribus, vt sacerdotes qui sacrificia Dei quotidie celebramus, hostias Deo & victimas praebaremus.

D. LV



D. LVCII PAPAE XXIII. RO-  
MANI CONSTITVTVM DE  
MINISTRIS AL-  
TARIS.

**M**INISTRI altaris, (inquit D. Lucius, vt citatur à Gratia-  
no) Presbyteri siue diaconi, ad dominica tales eligantur of-  
ficia, qui continentiam seruent. Si verò post ordinationem suam  
ministros contigerit propriæ vxoris inuadere cubile, sacrarij non  
intrent limina, neque \* sacrarij portitores fiant, neque altare con-  
tingant, neque ab offerentibus holocausti oblationem suscipiant,  
neque ad dominici corporis \* portionem accedant, neque \* pro-  
pinquent, neque sine maioris natu autoritate maiora gerant of-  
ficia: vrceum sanè ad altare vel calicem non suggerant.

Grat. dist.  
81. ca. Mi-  
nistri

\* sacrificij

\* portati-  
onem  
\* propinēt

CONCILII AFRICANI PA-  
TRVM ID TEMPORIS  
SACRIFICIA.

**V**ICARIAS verò (inquiūt epistola ad Luciū Papam) pro no-  
bis ego & collegæ & fraternitas omnis has ad vos literas mit-  
timus, frater charissime, & representantes vobis per Epistolam  
gaudium nostrum, fida obsequia charitatis expromimus: hic quo-  
què in sacrificijs atque in orationibus nostris non cessantes deo  
patri, & Christo filio eius domino nostro gratias agere: & orare pa-  
riter ac petere, vt qui perfectus est atq; perficiens, custodiat & per-  
ficiat in vobis confessionis vestræ gloriosam coronam.

Apud Cy.  
Epist. 58.

Qui in eadem Epistola alludunt ad D. Lucij sacrificia, dum in-  
quiunt: Vt altari dei assistat Antistes.

Dd

D. STE-

D. STEPHANI ROMANI PAPAE  
XXIII. STATVTVM DE VESTI-  
MENTIS SACRATIS, ET  
SACRIFICIA.

Steph. pa-  
pa epist. 1.

**V**ESTIMENTA verò ecclesiastica (inquit D. Stephanus epistola ad Hilarium Episcopum) quib⁹ Domino ministratur, cultusque diuinus omni honorificentia & honestate, à sacerdotibus reliquisque ecclesiae ministris celebratur, & sacrata debent esse, & honesta. Quibus alijs in vsibus (quum Deo, eiusque seruitio cōsecrata & dedicata sint) nemo debet frui, quàm Ecclesiasticis & Deo dignis officijs. Quæ nec ab alijs debent contingi aut ferri, nisi à sacratīs hominibus, nè vltio quæ Balthasar regem percussit, super hæc transgredientes, & talia præsumentes, veniat diuina, & corrumpere eos faciat diuinæ vltionis iustum flagellum ad ima. Hæc illis partibus quibus moraris, & in omnibus quibus potueris, cōcētis nota facito, & obseruare Apostolica mandato autoritate: quia & nostri, nobisque commissi, in sancta Apostolica & vniuersali Ecclesia, omnes hæc obseruare, nunc & futuris temporibus professi sunt.

Dam. Pō-  
tif, l. c. 24.

**F**ACIT huius quoque statuti mentionem Damasus: Hic (inquit) constituit, sacerdotes & Leuitas vestibus sacratīs in vsu quotidiano non uti, & nisi in Ecclesia tantum.

Beda &  
Ado ad 4.  
Non. Au.

**E**T ven. Beda ac Ado Treuirensis: Hic constituit, vt sacerdotes & Leuitæ vestes sacras in quotidiano vsu non haberēt, nisi tantum in Ecclesia.

Alcuin. l.  
de diuin.  
offic.

**A**LCVINVS quoque: Stephanus natione Romanus ex patre Iobio, vt legitur in Gestis Pontificalibus, constituit sacerdotibus Leuitisque, vestes sacras in quotidiano vsu non uti, nisi in Ecclesia.

**I T E M**



ITEM Vualafrius Strabus: Stephanus autem 24. constituit, sacerdotes & Leuitas vestibus sacratis in vsu quotidiano nõ vti, nisi in Ecclesia tantum.

Vualafri.  
Strab. de  
reb. Eccl.  
cap. 24.

Ac Martinus Polonus: Hic constituit, sacerdotes & Leuitas vestes sacrata in quotidiano vsu non vti.

Mart. Pol.  
ad annũ  
257.

## EIVSDEM SACRIFICIA.

SACRIFICII porro ipsius D. Stephani papę in hæc verba meminuit ven. Beda: Beatus igitur Stephanus, post multa quę operatus est bona, missis à Valeriano militibus, iussus est decollari, qui venientes, inuenerunt eum sacrificium Deo offerentem, & decollauerunt eum in eodem loco.

Beda in  
Martyr.  
loco cit.

Et Vfsuardus: Qui quum staret intrepidus ante altaris solēnia, & iugiter cępta perficeret, in eodem loco sic à sua decollatus est sede.

Vfsuard.  
in mart.

Ado quoquę Treuirensis: Celebrabat (inquit) Missas atque Concilia per cryptas martyrum.

Ado in  
martyr.

Et paulò post: Beatus verò Stephanus perrexit cum omnibus Christianis ad Cœmeterium S. Lucinę, & multis eos consolatus sermonibus, obtulit pro eis sacrificium Deo omnipotenti. Quę gesta audiens Valerianus, misit plurimos militum, qui B. Stephanum punirent. Qui venientes, inuenerunt sacrificium Deo offerentem, intrepidum atque constantem ante altare, solennia incepta perficientem. Et in eodem loco eum in sua decollauerunt sede.

Quę verba eadem etiam reperire est apud Marianũ Scotum.

Mar. Scot.  
hist. l. 2.

MARTINVS deniquę Polonus: Hunc demum Missam celebrantem, in sua sede decollauerunt.

Mart. Pol.  
loco cit.

CONCILII AFRICANI HOC TEM-  
PORE STATVTA DE EPI-  
SCOPIS LAPSIS.

Dd 2

QVA

LITVRGICON ECCLESIAE LATINAE  
QVALES OPORTEAT DESERVIRE AL-  
TARI, ET SACRIFICIA CELEBRARE.

Apud Cy.  
Epist. 68.

**S**ED ENIM (inquiunt epistola ad Hispanos episcopos de Basi-  
lide & Martiali) desiderio huic vestro non tam nostra cōsilia,  
quàm diuina pręcepta respondent, quibus iam pridem mandatur  
voce cęlesti, & Dei lege pręscribitur, quos & quales oporteat de-  
seruire altari, & sacrificia diuina celebrare. In Exodo nanque ad  
Exod. 19. Moysen Deus loquitur & monet, dicens: Sacerdotes, qui accedunt  
ad Dominũ Deum, sanctificentur, nè fortè derelinquat illos do-  
minus. Et iterũ: Et quum accedunt ministrare ad altare sancti,  
Leuit. 21. non adducent in se delictum, nè moriantur. Item in Leuitico p-  
cipit Dominus, & dicit: Homo in quo fuerit macula & vitium, nõ  
accedet offerre dona Deo. Quę quum p̄dicta, & manifesta sint no-  
bis, pręceptis diuinis necesse est obsequia nostra deseruiant: nec per  
sonã in eiusmodi rebus accipere, aut aliqd cuiquã largiri potest hu-  
mana indulgētia, ubi intercedit & legem tribuit diuina p̄scriptio.

NON NISI IMMACVLATOS ANTISTI-  
TES ELIGI DEBERE.

**I**BIDEM paulopost: Quę ante oculos habentes, & sollicitè ac re-  
ligiosè considerantes, non nisi immaculatos & integros antisti-  
tes eligere debemus, qui sanctè & dignè sacrificia Deo offerant.

CVR CLERO CONVOCATO ELECTIO  
CELEBRABATUR.

**P**OSTEA quoquẽ: Quod ubiq; idcirco tam diligenter & cau-  
tè, conuocata plebe tota, gerebatur, nè quis ad altaris ministe-  
rium vel ad sacerdotalem locum indignus obreperet.

LAICA COMMVNIO.

**A**C rursũ: Satis gratulans, si sibi vel laico communicare  
contingeret.

SA-



SACRIFICIA OFFERRE EPISCOPI LAPSI  
NON PERMITTANTVR.

**Q**VAPROPTER quum multa sint & graua delicta,  
quibus Basilides & Martialis implicati tenentur, frustra tales  
Episcopatum sibi vsurpare conantur, quum manifestum  
sit, eiusmodi homines nec Ecclesiae Christi posse praesse, nec Deo  
sacrificia offerre debere.

CONCILII AFRICAE DE BAPTIZANDIS HAERETICIS I. SANCTIFICATIONIS EVCHARISTIAE  
TESTIMONIVM.

**P**ORRO autem (inquiunt Epistola ad Ianuarium & ceteros Episcopos Numidas) Eucharistia in altari sanctificatur. Apud Cypr. epist. 70.

CONCILII AFRICAE ET NUMIDIAE DE BAPTIZANDIS HAERETICIS II. DECRETVM, DE EPISCOPIS, PRESBYTERIS, ET  
DIACONIS HAERETICIS.

NON RECIPIENDI ILLI, NISI AD  
COMMVNIONEM LAICAM.

**A**DDIMVS planè & adiungimus, (inquiunt Epistola ad Stephanum Papam) frater charissime, cōsensu & authoritate Apud Cypr. epist. 72.

D d 3 te com-

te communi, vt etiam si qui Presbyteri aut Diaconi, qui vel in ecclesia catholica prius ordinati fuerint, & postmodum perfidi ac rebelles contra ecclesiam steterint, vel apud hæreticos à Pseudoepiscopis & Antichristis contra Christi dispositionem profana ordinatione promoti sint, & contra altare vnum atque diuinum sacrificia foris falsa ac sacrilega offerre conati sint, eos quoque hac conditione suscipi quum reuertuntur, vt communicent laici: & satis habeant quòd admittuntur ad pacem, qui hostes pacis extiterint, nec debere eos reuertentes, ea apud nos ordinationis & honoris arma retinere, quibus contra nos rebellauerint.

OPORTET ENIM QVI ALTARI ET SACRIFICIIS DESERVIVNT, IMMACULATOS ESSE.

Ibid.

OPORTET enim sacerdotes & ministros, qui altari & sacrificijs deseruiunt, integros atque immaculatos esse, quum

Leuit. 21.

Dominus Deus in Leuitico loquatur & dicat: Homo in quo fuerit macula & vitium, non accedet offerre dona Deo. Itē in Exodo hæc

Exod. 19.

eadem præcipiat & dicat: Et sacerdotes qui accedunt ad Dominum Deum, sanctificentur, nè fortè derelinquat illos Dominus. Et iterum: Et quum accedunt ministrare ad altare sancti, non adducent in se delictum, nè moriantur.

CONCILII CARTHAGINIENSIS DE BAPTIZANDIS HÆRETICIS TERTII, SIMILES SENTENTIAE.

Apud. Cy priā. Cōc. Carth. Sē. tent. 1.

SACERDOTIVM (inquit Cæcilius à Bilita) administrat profanus, ponit altare sacrilegus. Ad hæc omnia accedit & illud malum, vt antistites diaboli, audeant Eucharistiam facere.

ET



ET ideò (inquit Nouatus à Thamugade) secundùm testimonium scripturarum, & secundùm decretum Collegarum nostrorũ sanctissimæ memoriæ virorum, omnes schismaticos & hæreticos eos qui Ordinati videbantur, inter laicos recipi debere.

## ALTERIUS RVRSVM AFRICAE CONCILII STATVTA DE CLERICIS ET EORVM SACRIFICIIS.

CLERICI, TVTORES NON NOMINANDI.

GRAVITER cõmoti sumus ego & Collegæ mei (inquit Cõcilij nomine ad Furnitaneos D. Cyprianus) qui præsentibus aderat, & cõpresbyteri nostri qui nobis absidebāt, fratres charissimi, quũ cognouissemus quòd Gemini⁹ Victor, frater noster, de seculo excedēs, Geminiũ Faustinum Presbyterũ, tutorem testamento suo nominauerit, quum iam pridem à Concilio episcoporũ statutũ sit, nè quis de Clericis & Dei ministris, tutorem vel curatorem testamento suo constituat.

NON ENIM NISI ALTARI ET SACRIFICIIS VACARE DEBENT.

QUANDO singuli diuino sacerdotio honorati, & in clerico ministerio cõstituti, non nisi altari & sacrificijs deferuire, & precibus atq; orationib⁹ vacare debeāt. Scriptũ est em̃: Nemo militans Deo, obligat se molestijs secularibus, vt possit placere ei cui se p̃bavit. Quod quum de oib⁹ dictum sit, quãto magis molestijs & laqueis secularibus obligari non debent, qui diuinis rebus & spiritualib⁹ occupati, ab Ecclesia recedere, & ad terrenos & seculares actus vacare non possunt? Cuius ordinationis & religionis formã Leuitę prius in lege tenuerunt, vt quum terram diuideret, & possessiones parti-

Apud Cy.  
priā. epist.  
66.

2. Tim. 2.

Iosue 13.

parti-

partirentur vndecim tribus, Leuitica tribus, quæ templo, & altari, & ministerijs diuinis vacabat, nihil de illa diuisionis portione perciperet: sed alijs terram colentibus, illa tantum Deum coleret, & ad victum atque alimentum suum, ab vndecim tribubus de fructibus qui nascebantur, decimas reciperet. Quod totum fiebat de auctoritate & dispositione diuina: vt qui operationibus diuinis insistebant, in nulla re auocarentur, nec cogitare aut agere secularia cogerentur. Quæ nunc ratio & forma in clero tenetur: vt qui in Ecclesia Domini ordinatione clerica promouentur, in nullo ab administratione diuina auocentur, nec molestijs & negocijs secularibus alligentur, sed in honore sportulantium fratrum, tanquam decimas ex fructibus accipientes, ab altari & sacrificijs non recedant, sed die ac nocte cælestibus rebus & spiritualibus seruiant.

QVARE, SI QVIS AD TVTELAM CLERICVM NOMINAVERIT, PRO DORMITIONE EIVS NON FIAT OBLATIO.

Ibid.

ET ideo Victor quum contra formam nupèr in concilio à sacerdotibus datam, Geminium Faustinum presbyterum ausus fit tutorem constituere, non est quòd pro dormitione eius apud vos fiat oblatio, aut deprecatio aliqua nomine eius in Ecclesia frequentetur, vt sacerdotum decretum religiosè & necessariè factum, seruetur à nobis: simul & cæteris fratribus detur exemplū, nè quis sacerdotes & ministros Dei, altari eius & Ecclesiæ vacantes, ad seculares molestias deuocet.

APVD ALTARE ENIM DEI NOMINARI NON MERETVR.

Ibid. paulo ante.

NEQVE enim apud altare Dei meretur nominari in sacerdotum prece, qui ab altari sacerdotes & ministros voluit auocare.

D. SIXTI



D. SIXTI II, ROMANI PAPAE  
XXV, SACRIFICIA.

**A**D hæc beatus Sixtus (inquit Ado Treuirensis) respondit: Ado in Martyrol. 8. Idus Aug.  
Ego semper sacrificauī, & sacrificabo Deo patri omnipoten-  
ti, & Domino Iesu Christo filio eius, & Spiritui sancto, hostiam pu-  
ram & immaculatam.

**Q**UOD ipsum repetitur à Mariano Scoto hist. lib. 2.

NEMESIANI ET ALIORVM  
EPISCOPORVM AFRICAE  
MARTYRVN SACRI-  
FICIA.

**S**ED nec illo (scribit ad illos è suo exilio D. Cyprianus) fra- Cyprian. Epist. 77.  
tres dilectissimi, aliqua potest aut religionis, aut fidei iactura  
fentiri, quòd illic nunc sacerdotibus Dei facultas non datur offerē-  
di & celebrandi sacrificia diuina.

D. LAVRENTII ARCHIDIACONI  
ROMANI, SACRIFICII MI-  
NISTERIVM.

IPSI COMMISSA DOMINICI SANGVI-  
NIS DISPENSATIO.

**Q**VVM'QVE duceretur B. Sixtus, cœpit eum his verbis beatus Vita D. Sixti MS.  
Laurentius (inquit Author vetustiss. vitæ D. Sixti, Laurētij  
& aliorum) Archidiaconus compellare: Quò progredieris sine filio  
E e pater?

pater? Quò sacerdos sancte sine Diacono properas? Tu nunquam sine ministro sacrificiū offerre cōsueueras. Quid in me ergò displicuit tibi pater? Num degenerem probasti? Experire certè, vtrū idoneū ministrū elegeris, cui commisisti Dominici sanguinis dispensationem, cui consummandorū consortium sacramentorū credidisti, huic sanguinis tui consortium negas?

Ambr. of.  
fic. l. i. c.  
41.

Quoniam ipsum in hæc verba testatur D. Ambrosius: Non prætereamus sanctum Laurentium, qui quum videret Sixtum Episcopum suum ad martyrium duci, flere cœpit, non passionem illius, sed suam remansionem. Itaq; his verbis appellare cœpit: Quò properas sine filio pater? Quò sacerdos sancte sine Diacono properas? Nunquam sacrificiū sine ministro offerre consueueras. Quid in me ergò displicuit pater? Num degenerem probasti? Experire certè, vtrū idoneum ministrum elegeris. Cui commisisti Dominici sanguinis consecrationem, cui consummandorum consortium sacramentorum, huic consortium tui sanguinis negas?

Ado Treu.  
uir. in  
mart.

Ado quoque Treuirensis iisdem penè verbis, quibus suprà.

VASA SACRA QVAEDAM ETIAM AVREA,  
IUSSU D. SIXTI DIVIDENDA.

Vit. Ms.  
D. Sixti ac  
Ado in  
Mart.

ET dixit B. Sixtus ad B. Laurentium: (inquit Author suprà citatus, & Ado Treuirensis) Accipe facultates Ecclesiæ & thesauros, & diuide pauperibus quibus tibi videbitur. Accepta potestate, B. Laurentius cœpit peregrinos studiosè quærere, & vbicunquè S. clerici, vel pauperes essent absconsi, & portans thesauros, prout cuique opus erat, ministrabat.

Ambr. of.  
fic. l. 2. c.  
28.

Cui consentit & D. Ambrosius: Tale (inquit) aurum sanctus martyr Laurentius Domino reseruauit, à quo quum quærerentur thesauri Ecclesiæ, promisit demonstraturum se, sequenti die pauperes duxit. Interrogatus, ubi essent thesauri quos promiserat, ostēdit



dit pauperes, dicens: Hi sunt thesauri Ecclesiæ. Et verè thesauri, in quibus Christus est, in quibus Christi fides est. Deniquè Apostolus ait: Habemus thesaurum in vasis fictilibus. Quos meliores thesauros habet Christus, quàm eos in quibus se esse dixit? Sic enim scriptum est: Esuriui, & dedistis mihi manducare: sitiui, & dedistis mihi bibere: hospes eram, & collegistis me. Et infrà: Quod enim vni eorum fecistis, mihi fecistis. Quos meliores Iesus habet thesauros, quàm eos, in quibus amat videri? Hos thesauros demonstrat Laurentius, & vicit, quòd eos nec persecutor potuit auferre. Itaque Ioachim qui aurum in obsidione seruabat, nec dispensabat alimonie comparandæ, & aurum vidit diripi, & se in captiuitatem deduci. Laurentius qui aurum Ecclesiæ máluit erogare pauperibus, quàm persecutori reseruare: pro singulari interpretationis viuacitate, sacram mysterij accepit coronam. Nunquid dictum est sancto Laurentio: Non debuisti erogare thesauros Ecclesiæ, vasa sacramentorum vendere?

Matth. 25.

A c eadem ætate D. Prudentius,

**H**IC primus è septem viris,  
Qui stant ad arã proximi,  
Leuita sublimis gradu,  
Et cæteris præstantior:

Claustris sacrorum præerat,  
Cælestis arcanum domûs  
Fidis gubernans clauibus,  
Votasque dispensans opes.

Verfat famem pecuniæ  
Præfectus vrbi regiæ,  
Minister infani ducis,  
Exactor auri & sanguinis.

Laurentium sisti iubet:  
Exquirat arcam ditibus  
Mæsis refertam, & fulgidæ  
Montes monetæ conditos.

Hunc ( inquit ) esse vestris  
orgijs  
Morèq; & artem proditum est,  
Hanc disciplinam fœderis,  
Libent vt auro antistites.

Argenteis scyphis ferunt  
Fumare sacrum sanguinem,  
Auroque nocturnis sacris  
Astare fixos cereos.

Ec 2

Nil

Prud. peris  
steph.  
hym. 2.

Nil asperum Laurentius	Quo fungar efficacius
Refert ad ista aut turbidum,	Promissionis munere.
Sed vt paratus obsequi,	Pepigere tempus tridui,
Obtemperanter annuit.	Laudatus indè absoluitur
Est diues, inquit, non nego:	Laurentius: sponsor suus,
Habetq; nostra ecclesia	Et sponsor ingentis lucri.
Opumq; & auri plurimum:	Tribus per urbem cursitat
Nec quisquam in orbe est ditior.	Diebus, infirma agmina
Vnum sed orans flagito,	Omnesq; qui poscunt stipem,
Induciarum paululum,	Cogens in vnũ & congregans.

Serm. de  
nat. S. Lau-  
rent.

ET D. Leo papa: Leuitam (inquit) Laurentium, qui non solum ministerio sacramentorum, sed etiam dispensatione ecclesiastica substantiae praeminebat, impius persecutor efferbuit, duplicem sibi praedam de vnus viri comprehensione promittens, quem si fecisset sacrae pecuniae traditorem, faceret etiam verae religionis exortem. Armatur itaque gemina face homo pecuniae cupidus, & veritatis inimicus: auaritia, vt rapiat aurum: impietate, vt auferat Christum. Postulat, sibi ab immaculato sacrarii praefule opes ecclesiasticas, quibus auidissimus inhiabat, inferri. Cui Leuita castissimus, ubi eas repositas haberet, ostendens, numerosissimos sanctorum pauperum obtulit greges: in quorum victu atque vestitu inamissibiles condiderat facultates: quae tanto integrius erant saluae, quanto sanctius probabantur expensae. Fremit ergo praedo frustratus, & in odium religionis quae talem diuitiarum usum instituisset, ardescens, direptionem thesauri potioris aggreditur, vt apud quem nullam denariorum substantiam reperisset, illud depositum ei quod sacratius erat, diues auferret.

Ado in  
Mart. ad  
4. Id. Au-  
gust.

Ado quoque Treuirensis in passion. D. Laurent. Cui B. Sixtus omnes facultates ecclesiae & thesauros, pergens ad consonam martyrij, tradidit. Hic veniens in Caelum montem, ubi erat quaedam vidua,



vidua, in viduitate trigintaduos annos habens, in cuius domo multi Christiani, & presbyteri, & clerici, absconsi manebant, tulit vestes & thesauros ecclesiæ, & cœpit erogare.

SIMEON deniquè Metaphrastes : Cui (inquit) quum ecclesiæ <sup>Simeon Metaphr.</sup> vasa omnia commisisset: Sint hæc (inquit) apud te, & diligentissimè <sup>in Pafs. S.</sup> custodiantur, ità vt Imperatoris avarissimi cupiditas ea inuenire <sup>Laurent.</sup> non possit. Tunc B. Laurentius vasa illa omnia quæ accepit, Christianis quibusdam aurificibus vendidit, & precium quod ex illis percepit, egentibus distribuit.

## D. IUSTINI PRESBYTERI ROMANI SACRI- FICIVM.

IPSIVS SACRIFICIVM, ET EIVS

PARTICIPATIO.

BEATVS autem Iustinus (inquiūt Author qui suprà, & Ado <sup>Vit. DD.</sup> Treuirësis) Presbyter obtulit sacrificium laudis, & participa- <sup>Sixti & Laurëtij.</sup> ti sunt omnes de corpore & sanguine Domini. <sup>Ado in Martyro.</sup>

PARTIS SACRIFICII DOMVM DE-  
PORTATIO.

REGRESSVS itaque Hippolytus (inquit idem Author vbi <sup>Ibidem.</sup> de Hippolyto agit) post diem tertium, venit in domum suam, & dedit pacem omnibus seruis & ancillis suis, & communicarunt de sacrificio altaris D. Laurentij martyris.

DD. FRVCTVOSI EPISCOPI, AV-  
GVRII ET EVLOGII DIACO-  
NORVM TARRACONEN-  
SIVM, STATIO.

Ec 3

SI-

Mar. DD.  
Fruſt. Au.  
& Eulog.  
Tō. 2. vit.  
suri.

**S**I QV IDEM in carcere (inquit Author paſſionis ipſorum) quarta feria ſtationem ſolenniter celebrârunt.

FELICIS PAPAE XXVII. ET CONCILII ROMANI DECRETVM, DE MISSARVM CELEBRATIONE SVPER MEMORIIS MARTYRVM.

Felix pa-  
pa epiſt. 2.

**T**ALES autem perturbatores (inquit D. Felix papa & alij Patres Concilij Romani Epiſtola ad Galliae Epiſcopos) Eccleſiae, non ſolùm praeſentia agunt mala, ſed & memorias martyrum execrantur. Quapropter in praeſata conſtituimus Synodo, vobisq; & omnibus Eccleſijs tenendum & agendum mandamus, vt ſuper memorias martyrum Miſſae celebrentur, nè memoriae eorum à talibus extingui, aut veneratio poſſit prohiberi.

Dam. Pō-  
tif. l. c. 27.

**Q**UOD repetitur à Damaso: Hic (inquit) conſtituit, ſupra ſepulcra aut memorias martyrum, Miſſas celebrari.

Beda in  
Mar. ad 3.  
Cal. lunij.  
Vualafr.

**A**C iſdem verbis ven. Beda in Martyrologio.

**I**TEM à Vualafrido Strabo: Legitur enim Felix 27. Papa conſtituiſſe, vt ſuper memorias martyrum Miſſae celebrarentur.

ſtrab. de  
reb. Eccl.  
cap. 20.

**Q**UIBUS conſentit Marianus Scotus: Iſte decreuit Miſſas celebrari ſuper memorias martyrum.

Mar. ſco.  
hiſt. l. 2.

**R**ADVLPHVS etiam Tungrenſis loco citato, & Martinus Polonus ad annum 267.

D. LVCIANI SVCCESORIS D. CYPRIANI OBLATIO ET ALTARE.

Opt. cōtra  
Parm. li. 1.

**C**ONFERTA erat (inquit Diuus Optatus) Eccleſia, populiſ plena erat Cathedra Epiſcopaliſ, erat altare loco ſuo,



fuo, in quo pacifici Episcopi retrò temporis obtulerant Cyprianus, Lucianus, & cæteri.

# DIVI EUTYCHIANI ROMANI PAPAE XXVIII. CANONES CIRCA SACRIFICIUM ALTARIS.

AD ALTARE NON NISI FABAE ET  
VVAE BENEDICANTVR.

**I**Dcirco fratres, (inquit Diuus Eutychianus Papa Epistola Eutych. ad Bæticæ Episcopos) ista prætulimus, vt hæ species, quas nō li-  
cet offerri super altare, iuxta constitutionem Apostolorum, eorūque successorum, ad domum sacerdotum deferantur, & à sacerdotibus benedicantur, & per simplicem benedictionem benedicta, demùm à populis sumantur: Fabæ tantùm & vva, & cætera, quæ Apostoli constituerunt, super altare offerantur.

Ad quod alludens Damasus: Hic constituit fruges fabæ & vva Dam. lib. super altario benedici. Pōti. c. 28.

Et castigatiùs ven. Beda: Hic constituit, fruges super altare tantùm fabas & vvas benedici. Beda in mart. ad 6. idem Decemb.

Cvi consentit Marianus Scotus loco citato.

**L**ATIVS quoquè Vualafrius Strabus: Dum ergò quædam prohibentur offerri, ostenditur, ea à quibusdam (licet extraordinariè) oblationibus adhibita. Vndè Eutychianus 28. Sedis Romanæ præsul constituit, fruges super altare tantùm fabæ & vva benedici. Et hæc idcirco fortassè, quia vino, sanguinis Dominici mysterium celebratur: Faba verò, abstinentium cibus est: Aliàs autem diuersarū species rerū, statutū est vbilibet benedici à sacerdotibus:

vel

vel si ad altare benedicenda quælibet deferantur, speciali benedictione à consecratione Dominicorum sacramentorum omnimodis discernenda: vt sicut pro innumeris legis mandatis, breuiatum Euangelij verbum Dominus fecit super terram, ita pro diuersis sacrificiorum ritibus, simplex oblatio panis & vini fidelibus sufficiat, qui non in multitudine vmbrarum apparituram quærunt veritatem, sed eam in manifestatione factorum tenent perspicuam.

POST CIBVM NEMO SACRIFICIUM  
ACCIPIAT, NISI PRO VIATICO.

Burchard.  
decr. l. 5. c.  
35. Iuopa.  
2. cap. 45.

**Q**VI acceperit (inquit idem Canon 2. iuxta quod citatur à DD. Burchardo & Iuone) sacrificium post cibum, aut post aliquam paruissimam refectiorem, nisi pro viatico, pueri tres dies, maiores septem, clerici viginti dies pœniteant.

MISSA PRO HAERETICIS NON CAN-  
TANDA.

Grat. 11 q.  
3. c. Si quis  
Episcopus.

**S**I quis Episcopus aut Abbas (inquit idem, iuxta quod citatur à Gratiano) Presbytero, aut monacho suo iusserit Missas pro hæreticis cantare, non licet. Non enim expedit eis obedire.

CVM DALMATICA VEL COLLOBIO SE-  
PELIANTVR MARTYRES.

Dam. l. 2  
co cit.

**H**oc (inquit Damasus) constituit, vt quicumque fidelium martyrem sepeliret, sine dalmatica aut collobio purpurato nullatenus sepeliret, dum tamen huius constitutionis ad illum peruenisset notitia.

Mar. Scot.  
loc. cit.  
Mar. Pol.  
ad annū  
270.

Sic & Marianus Scotus: Hic constituit, vt nullus martyrum sine dalmatica aut collobio sepeliretur.

Et iisdem quoque verbis cum Damaso, Martinus Polonus.

D. CA II



D. CAII PAPAE XXIX. ROMANI, SACRIFICIUM ET STATVTVM DE ECCLESIASTICIS ORDINIBVS.

**V**ENIT itaque (inquit Author vitæ D. Sebastiani) dies Dominica, in qua Caius Põtifex, agēs quę Dei sunt, intrā domū Chromatij omnibus congregatis, cunctos alloquitur. Vir. D. Sebastiani. Tõ. i. Vit. Suri.

DE Episcoporum verò (inquit D. Caius papa Epistola ad Felicem Episcopum) & presbyterorum, diaconorumque & sequentium clericorum ordinationibus, sanctos Apostolos & successores eorum, & præcipuè Anacletum, & præterea alios, sufficienter statuisse cognoscimus: & idcirco non est necesse nunc replicari, nisi quod illi non statuerunt. Illud tamen nos statuentes, vobis & omnibus seruare mādamus, vt ad ordines Ecclesiasticos sic ascendant in Ecclesia, qui ordinari merētur, i. si quis Episcopus esse meretur, sit primò Ostiarius, deindè lector, postea exorcista, indè sacretur acolytus, demùm verò subdiaconus, deindè diaconus, & postea presbyter: & exindè, si meretur, Episcopus ordinetur. Caius papa Epist. i.

QVOD in hæc verba repetit Damasus: Hic constituit, vt omnes ordines in Ecclesia sic ascenderent: Si quis Episcopus fieri meretur, vt esset Ostiarius, lector, exorcista, acolytus, sequēs subdiaconus, diaconus, presbyter, & exindè Episcopus ordinaretur. Dam. lib. Põt. c. 29.

VEN. etiam Beda: Hic constituit, vt per omnes gradus ascenderet, si quis Episcopus fieri mereretur: vt esset Ostiarius, Lector, exorcista, acolytus, subdiaconus, diaconus, presbyter. Beda in Martyr. 10. Cal. Maij.

SIC & Marianus Scotus: Caius in hac Epistola constituit, vt per omnes gradus Ecclesiasticos &c. vt suprà. Mar. Scot. lib. cit.

ET prorsus iisdem verbis, quibus Beda, Martinus Polonus. Mart. Polon. ad ann. 278.

DD. DIODORI PRESBYTERI, MARTINIANI DIACONI, ET ALIORVM  
FF RO.

LITURGICON ECCLESIAE LATINAE  
ROMAE CONVENTVS, AD DIEM NA-  
TALIS DD. CHRYSANTHI ET  
DARIAE MARTYRV.

Beda &  
Ado in  
Martyr.  
Cal. De.  
cemb.

**C**ONTIGIT (inquiunt Ven. Beda & Ado Treuirensis) vt  
ad diem natalis eorum, infinita populi multitudo concurre-  
ret. Hoc nunciatum est Imperatori Numeriano, qui iussit vt in  
introitum cryptæ paries leuaretur. Ac sic factum est, vt omnes pa-  
riter dum sacramenta Christi perciperent, martyrij gloria cele-  
bres fierent. Inter quos erat Diodorus Presbyter, & Diaconus Ma-  
rianus, & plurimi clericorum.

CHRISTIANORVM FREQUENTISSI-  
MI PER LOCA SINGVLA IN TEM-  
PLIS CONVENTVS ET ECCLE-  
SIARVM AEDIFICATIO.

Euseb.  
hist. Eccl.  
lib. cap. 1.

**Q**UOMODÒ (inquit Eusebius, de initio scribens Imperij  
Diocletiani) quisquam, conuentus illos infinita hominum  
turba frequentatos, multitudines in singulis ciuitatibus coactas, il-  
lustres hominum in templis (Græcè προσευχῆσις) concursus,  
poterit oratione explicare? Vndè quum in antiquis illis ædificijs  
non satis loci haberent, ampliores Ecclesias in vniuersis vrbibus,  
fundamentis earum ad maiorem laxitatem dilatatis, erexerunt.

Niceph.  
lib 7. ca. 2.

ET ferè ijsdem verbis Nicephorus: Ostendunt id quoquè  
plurimorum millium hominum in oratorijs domibus cætus &  
conuentus habiti, quæ oratoria, quum propter angustiam,  
confluentem tantam multitudinem non caperent, cerne-  
re erat, ex paruis initijs & fundamentis, in angusta, am-  
plitudine & magnitudine admiranda, in locis  
omnibus excitari atque con-  
strui templa.

SACRI



# SACRIFICII RITVS<sup>227</sup>

## QVARTI A CHRISTO IN-

### CARNATO SECVLI.

D. MARCELLINI XXX. PAPAE ROMA-  
NI DE SACRIFICIO NON SOLVM  
DEO PATRI, SED ET FILIO IM-  
MOLANDO, RESCRIPTVM.

**E**PISTOLAE tuae sermo (inquit D. Marcellinus ad Salomo-  
nem Episcopum scribens) & commonitorij series, & libelli Marc. pa-  
pa Epi. i.  
tui textus eloquitur, quòd quidam errore decepti, dicunt, ideò Pa-  
trem maiorem filio esse, quia illi soli sacrificium immolatur.

**Q**UIBVS competens & congruum reddatur responsum, quia  
sicut patri, ita etiam filio, non solùm Christianis temporibus, ve-  
rum etiam priscis temporibus à sacerdotibus, varijs multisq; modis  
probamus, sacrificium fuisse oblatum.

**S**ACRIFICIUM itaque, quod à Christianis sacris altaribus  
admoetur, non solùm Deo patri, sed etiam filio communi de-  
uotione offertur: quoniam nec patri sine filio potest offerri, neq;  
filio sine patre sacrari.

DIOCLETIANI IMPERATORIS EDI-  
CTVM DE ECCLESIIS DESTRV-  
ENDIS, ET SCRIPTVRIS SACRIS  
IGNE COMBVRENDIS.

**A**NNO (inquit Eusebius Cæsarensis) decimonono imperij Euseb.  
hist. eccl.  
lib. 8. ca. 3.  
Diocletiani, mense Dystro (qui à Romanis Martius nomi-  
natur) quum salutaris passionis Dominicæ festum iam pro fori-  
bus esset, omnibus in locis per imperatoris literas palàm edictum  
fuit, vt tum deturbarentur Ecclesiæ, soloq; æquarentur, tum scri-  
pturæ absumerentur igni.

Ff 2 ET

Niceph.  
Ecccl. hist.  
lib. 7. ca. 3.

ET Nicephorus: Primùm quidem ubiquè circumferebantur & proponebantur imperialia edicta, vt templa solo æquarentur, diuinæ scripturæ comburerentur.

CONTINUVS MINISTRORVM DEI  
CVLTVS IN FAMILIA CONSTAN-  
TII PATRIS CONSTANTINI  
APVD GALLIAS.

Euseb. de  
vita Con-  
stantini  
libr. 1.

OMNEM (inquit Eusebius Cæsareensis) suam familiam regi Deo consecrauit, adeò vt multitudo, quæ intrà regiam ipsam coiuerit, nihil ab ecclesiæ forma distare videretur. In qua erant Dei ministri, qui còtinuos cultus pro Imperatore etiam tum obierunt, cùm piorum hominum genus, & vero Deo inseruienti-um, alibi apud gentilium multitudinem ne nominari quidem absque periculo poterat.

MARTYRVM EA TEMPESTATE IN  
DOMIBVS PRIVATIS, ET CAR-  
CERIBVS, COLLECTAE, ET  
SACRAMENTORVM CE-  
LEBRATIO.

Aug. Bre-  
uic. coll.  
cū Donatist.  
coll. 3. cap. 5.  
& contra  
Donatist.  
post coll.  
cap. 14.

CATHOLICI (inquit D. Augustinus) respondebant: multo faciliùs duodecim homines in domum conuenire potuissent eo tempore, quo etiam congregationes plebium fieri solebant, quanuis persecutione feruente, sicut ipsis gestis martyrum monstrabatur, qui confitebantur in passionibus suis, se Collectam & Dominicum egisse.

Ac paulò post: Nam & domum (inquit) priuatam Christianis congregandis præstitam constitit tempore persecutionis, sicut in quibusdam gestis martyrum legebatur.

ET rursum: Commemoratum est, usq; adeò non esse incredibile, quòd in priuatam domum pauci illi Episcopi (loquitur de Epi-



Episcopis Donatistis in Concilio Cirthenſi congregatis) perſecutionis tempore conuenerant, vt ſeruente perſecutione, etiam in carcere doceantur baptizati, (ſic enim lego, pro, baptizari) & illic à Chriſtianis celebrata ſacramenta, vbì Chriſtiani propter eadem ſacramenta tenebantur incluſi.

EODEM TEMPORE CALICVM ET  
ORNAMENTORVM VSVS  
IN AFRICA.

DIOCLETIANO (inquit D. Auguſt.) & Maximiano ſeptiès Idem cōt.  
conſulibus, quartodecimo Calendas Iunij, ex Actis (ſic enim haud  
dubiè legendum, pro eo quod eſt, exacti) \* Simmacij Felicis fla- Crescent.  
minis, perpetui curatoris Coloniae Cirthenſis: Quum ventū eſſet Grām. l. 3.  
ad domum, in qua Chriſtiani conueniebant, Felix flamen, perpe- c. 29.  
tuus curator, Paulo Epifcopo dixit: Proferre ſcripturas legis, & ſi \* Sym-  
quid aliud habetis, vt & præcepto & iuſſioni parère poſſitis. Paulus machi  
Epifcopus dixit: Scripturas Lectores habent, ſed nos quod hīc ha-  
bemus, damus. &c. Sedente itaq; Paulo Epifcopo, &c. contraſcri-  
bente Viſtore Aufidij in breue, (ſic nempe ſcriptum eſt) Calices  
duo aurei, item calices ſex argentei.

EODEM pertinet illud Optati Mileuitani: Erant Eccleſiæ ex Opt. Mi-  
auro & argento, quàm plurima ornamenta. leuit. cōt.  
Parm. l. 1

Et quod paulò poſt habet: Breuis auri & argenti, ſedenti Cæci-  
liano traditur.

TVM QVOQVE TVRONENSIS EC-  
CLEſIAE DIVINI OFFICII OC-  
CVLTA CELEBRATIO.

QVI Chriſtiani (inquit D. Gregorius Turon.) eo tempore  
videbantur, occultè & per latebras diuinum officium cele-  
brabant.

Ff 3

Greg. Tu-  
ron. hiſt.  
Franc. l. 2.  
c. vlt.

brabant. Nam si qui à Paganis reperti fuissent Christiani, aut affliciebantur verberibus, aut gladio truncabantur.

ARNOBII AFRI AETATE, SVMMMA  
DIVINORVM OFFICIORVM IN  
CHRISTIANORVM CON-  
VENTIBVS.

Arnob.  
adu. gent.  
l. 1.

**R**ELIGIONE S, inquiunt, (scribit Arnobius aduersùs gentes) impias atq; inauditos cultus terrarum in orbe tractatis. Quid, ô participes rationis, audetis homines proloqui? quid effutire? quid promere temerarię vocis desperatione tētatis? Deū principem rerum cunctarum quęcunq; sunt, Dominum summitatem omnium summorum obtinentem adorare, obsequio venerabili inuocare, in rebus festis, totis (vt itā dixerim) sensibus amplexari, amare, suspicere, execrabilis religio est & infausta, impietatis & sacrilegij plena, cæremonas antiquitus institutas, nouitatis suę superstitione contaminans.

A c paulopòst: Nihil aliud sumus Christiani, nisi magistro Christo summi regis ac principis veneratores: nihil, si consideres, aliud inuenies in ista religione versari. Hęc totius summa est actionis: hic propositus terminus diuinorum officiorum, hic finis, huic omnes ex more prosternimur, hūc collatis precibus adoramus: ab hoc iusta & honesta, & auditu eius condigna, deposcimus: nō quō ipse desideret supplices nos esse, aut amet substerni, tot millium venerationem videre: vtilitas hęc nostra est, & commodi nostri rationem spectans. Nam quia proni ad culpas, & ad libidinis varios appetitus vitio sumus infirmitatis ingentis, patitur se semper nostris cogitationibus concipi: vt, dum illum oramus, & mereri eius contendimus munera, accipiamus innocentie voluntatem, & ab omni nos labe delictorum omnium amputatione purgemus.

E t rursūm: Ergōne impię religionis sumus apud vos rei, & quòd



quòd caput rerum & columen venerabilibus adimus obsequijs, vt conuicio vtamur vestro, infausti & athei nuncupamur?

DENIQUE & postea: Sed non (inquiunt, sic ego lego) idcirco dii vobis infesti sunt, quòd omnipotentem colatis Deum: sed quòd hominem natum, & (quod personis infame est vilibus) crucis supplicio interemptum, & Deum fuisse contenditis, & superesse adhuc creditis, & quotidianis supplicationibus adoratis.

ET alibi, (quantum apparet, alludens ad calumnias ethnico- Idem l. 2.  
rum, de quibus supra) Argumenta vos nobis & suspicionum argutias proferetis: quibus ipse si Christus (cum pace hoc eius, & cum venia dixerim) populorum in conuentibus vteretur, quis acquiesceret? quis audiret? quis eum permetteret aperte aliquid iudicare?

ALIBI quoque paulo apertius: Nam nostra quidem scripta Idem sub  
cur ignibus meruerunt dari? cur immaniter conuenticula dirui? finem l. 4.  
in quibus summus oratur Deus, pax cunctis & venia postulatur magistratibus, exercitibus, regibus, familiaribus, inimicis, adhuc vitam degentibus, & resolutis corporum vinctiōe: in quibus aliud auditur nihil, nisi quod humanos faciat, nisi quod mites, verecundos, pudicos, castos, familiaris communicatores rei (ita enim legendū censeo) cum omnibus, quos solidet germanitatis necessitudine copulatio.

D. MARCELLI ROMANI PAPAE  
XXXI. MISSAE.

POSTHAEC (inquiunt Notarij Romanę Ecclesię in Vita D.  
vita ipsius) altare consecrauit, Tunc participati sunt omnes Marc. Pa.  
corpore & sanguine Domini nostri Iesu Christi. Tom. 1.  
Vit. Surijs.

Ac postea apertius: Lucina autem rogauit sanctum Marcellum Episcopum, vt domum eius Ecclesiam consecraret. Quod cum omni deuotione fecit Marcellus Episcopus. At vbi frequenter in eadem domo Missas celebrasset in media ciuitate via Latina, & audiret hoc Maximianus, (seu potius Maxentius Augustus  
iratus

iratus praecepit, ut in eadem Ecclesia plancae sternerentur ad animalia stabulanda, & eundem Marcellum Episcopum ad seruitium animalium deputavit cum custodia publica.

Dam. l.  
Pontif. c.  
31.

QUIBUS consentit Damasus: Matrona verò quaedam (inquit) nomine Lucina, vidua, quae vixerat cum viro Marco annis quindecim, & in viduitate sua habebat annos nouendecim, suscepit beatum virum, quae & domum suam nomine tituli B. Marcelli dedicauit, ubi die noctuque hymnis & orationibus, Domino Iesu Christo confitebantur. His auditis à Maxentio, misit, & tenuit iterum B. Marcellum, & iussit in eadem Ecclesia iterum plancas externi, ut ibidem animalia catabuli congregata starent, & ipsis B. Marcellus deferuiret.

D. VINCENTII DIACONI CAESAR-  
AVGVSTANI, ALTARIS MI-  
NISTERIVM.

Prudent.  
Peristeph.  
hym 5.

EXCLAMAT (inquit Prudentius) hinc Vincentius  
Leuita de tribu sacra,  
Minister altaris Dei,  
Septem è columnis lacteis.

D. EVSEBII PAPAE XXXII. ROMANI,  
IN CONCILIO STATVTVM CIR-  
CA SACRIFICII CONSE-  
CRATIONEM.

Burch. de  
cr. l. 3. c.  
99.  
Iuo part.  
2. c. 13. 4.  
Grat. de  
cōsec. dist.  
1. c. Cōsul-  
to.

HIC inter cætera (inquit Decr. suorum D. Eusebius Papa c. 51. iuxta quod citatur à D. Burchardo, Iuone, & Gratiano) prædicta, consultu omnium constituimus, ut sacrificium altaris nō in Serico panno aut tincto quisquam celebrare præsumat, sed in puro lineo (vel linteo) ab Episcopo consecrato, terreno scilicet li-  
no pro-



no procreato atq; cōtexto, sicut corpus Domini nostri Iesu Christi in sindone linea munda sepultum fuit.

SACRA LOCA CHRISTIANIS RESTITVTA A' MAXENTIO CAESARE INITIO SVI IMPERII.

**L**EGEBATUR (inquit D. Augustin.) Melciades misisse Diaconos cum literis Maxentij Imperatoris & literis Praefecti praetorij ad Praefectū vrbis, vt ea reciperent loca, quae tempore persecutionis ablata, memoratus Imperator Christianis iusserat reddi.

Aug. Breuic. coll. contr. Donatist. col. 3. & lib. post coll. c. 13.

CONVENTVS ITEM CHRISTIANI DENVO PERMISSI A' GALERIO MAXIMIANO, CONSTANTINO, ET LICINIO IMPP.

**M**ENTEM igitur (inquiunt Eusebius & Nicephorus) recol- ligens Galerius Maximianus, (itā enim rectius vertit Rufinus iuxta fastos Cōsulares, quā alij, Maximinus) & tanquā rediens ad se, primū Deo omnium rerū creatori se confitetur: deinde suis ad se accersitis, persecutionem contra Christianos sine dilatione sedare & comprimere iubet: lege & decreto imperatorio, ipsos Christianos templa sua exaedificare, rem maturare, consueta officia in illis facere, preces pro imperij statu fundere.

Euse. hist. Eccl. l. 8. c. 19. seu 29. Nicep. l. 7. c. 22. & 23.

EDICTI autem ipsius verba sunt ista: Nos idcirco, ad mansuetudinem nostram, & diurnam clementiae nostrae consuetudinem, qua omnibus hominibus veniam impartire solebamus, oculos conuertentes: libentissimè istud concessimus, vt homines denuò se liberè Christianos profiteantur, vt aedes in quibus conuenire solent, (Graecè συνήγοντο) refarciant: sic tamen, vt nihil

G g con-

contra publicam Romanorum disciplinam moliantur. Per alias item literas iudicibus significabimus, quid ipsos obseruare oporteat. Vnde Christiani hac indulgentia à nobis concessa deuincti, debent Deo suo obnixè supplicare pro nostra, pro Reip. pro sua ipsorum salute, vt quouis modo cùm publicus rerum status integer & incolumis retineatur, tum ipsi in suis familijs absq; cura & solitudine vitam traducere queant.

Euf. l. 9.  
c. 1. Ni-  
ceph. dict.  
l. c. 24.

Exequutionem eiusdem his verbis referunt Eusebius & Nicephorus: Istis igitur rebus hoc modo cõstitutis, derepentè in omnibus ciuitatibus, Christianorum conuentus frequentes in vnũ coalescẽtes, & crebros cõgressus, qui inter istos de more in ritibus suis obeundis fieri solent, tanquàm lumen quoddam post tenebras & noctem opacam effulgens, cernere licuit.

MELCIADIS SEV MILTIADIS XXXIII.  
PAPAE ROMANI DECRETA CIR-  
CA OBLATIONES IN SA-  
CRIFICIO.

Ad Altare quid iuxta Apostolorum Canones  
offerendum.

Burch. de.  
er. l. 5. c. 7.  
Iuo part.  
2. c. 17.

**H**AE species (inquit D. Melciades Decr. c. 1. apud DD. Burchardum & Iuonem) quas non licet offerre super oblata iuxta cõstitutionem Apostolorum, eorumq; successorum, ad domũ sacerdotum deferantur, & à sacerdotibus benedicantur, & simplici benedictione benedicta, demũ à populis sumantur. Fabę tantũ & vuae, nouae spicae, & oleum, & odoramaenta ad incensum, & cetera quae Apostoli constituerunt, super altare offerantur.

Oblationes mittantur per Ecclesias in signum com-  
munionis.

Dam. l.  
Pontif. c.  
3.

MELCIADES fecit, (inquit Damasus) vt oblationes consecratae, per Ecclesias ex consecratu Episcopi dirigerentur.

Ac



Ac Vener. Beda: Et hic constituit, vt ex consecratu Episcoporum oblationes ob hæreticos per Ecclesias mitterentur.

Beda in  
Mart. 4.  
Idus Decemb.

CONSTANTINI ET LICINII IMPP.  
EDICTVM, QVALE SVpra, DE  
CHRISTIANORVM  
LOCIS.

ITAQVE (inquiunt Impp. Constantinus & Licinius apud Niceph. l. 7. c. 41. Euf. l. 10. cap. 5.) & hoc in personam Christianorum discernentes statuimus: vt loca eorum in quibus antea conuenire soliti fuerant, (de quibus, prioribus etiam literis nostris alio tempore ad deuotionem tuam datis, formam & modum alium constitueramus) si ea aliqui vel à fisco nostro, vel à quopiam alio, emptione interueniente, comparauerint, ipsis Christianis absque pecunia & absque repetitione vlla precij dati, citra omnem cunctationem & deliberationem restituant. Quod si qui talia loca dono à quopiam acceperint, aut etiam ex liberalitate & munificentia nostra consecuti fuerint, ij ad Præfectum, cuiusque loci iudicis locum obtinentem, adeant, vt ipsorum per benignitatem nostram ratio habeatur. Atque ea loca omnia, nulla interposita mora, corpora Christianorum omninò reddi curabis.

SIMILE MAXIMINI CAESARIS IN  
ORIENTE EDICTVM.

LEX autem eius (inquiunt Eusebius & Nicephorus) sub Iuliano pro Christianis promulgata, talis fuit: Imperator Caesar C. Galerius (sic enim legendum patet ex fastis Consularibus, pro eo quod est, Valerius) Maximinus & cæ. Vt deinceps omnis causa dubitationis & timoris sublata sit, hoc edictum diuulgari statuimus, quò omnibus planè constet, ex hac nostra donatione, liberam esse potestatem illis, qui istam sectam

Euf. lib. 9. c. 9. seu 8. Niceph. l. 7. c. 38.

Gg 2 & re-

& religionem sequi voluerint, eam pro arbitratu sanctè, vt eorum mos fert, & augustè excolendi. Quin etiam vt Dominica & sacras ædes reficiant, à nobis concessum est.

SACRORVM MINISTRIS IMMVNITAS CONCESSA A CONSTANTINO ET LICINIO IMPERAT.

Niceph. l.  
7. c. 42.  
d. iuxta  
sanct. c. de  
Episc. &  
cler.  
Euseb. l.  
10. c. 7.

POSTEA QVAM (scribunt ad Anylinum Præconsulem Africæ apud Nicephorum & Euseb.) rebus multis constat, neglectam, contemptamque religionem, per quam summa sanctissimi cælestis numinis obseruantia, & reuerentia conseruatur, in gentia rebus publicis intulisse pericula: eamque ipsam legitimè atque sanctè receptam, & cultam, maximam Romano nomini felicitatem, plurimaque omnibus hominibus beneficia, diuina benignitate suppeditante, conciliasse: placitum nobis est, viros eos, qui debita sanctitate. & præcipua talium sacrorum cura ministerijs suis per egregium sacrae religionis cultum funguntur, laborum suorum digna referre præmia. Quam ob causam qui intrà prouinciam tibi creditam in Ecclesia Catholica sunt, cui Cæcilianus præest, functionemque & operam suam sanctissimæ religioni præstant, quos Clericos nominare solent, eos ab omnibus prorsus muneribus immunes conseruari volumus, vt nè errore aliquo aut lapsu sacrilego à cultu, qui summo numini debetur, abstrahantur: sed potius citra omnem perturbationem, religioni sacrisque suis inseruiant: Qui sanè si cultum suum, qui longè maximus est, DEO ritè exhibeant plurimum rebus publicis videntur adferre commodi & emolumenti.

CONCL



CONCILII ELIBERINI DECRETVM,  
DE ENERGVMENIS AD ALTARE  
NON ADMITTENDIS.

ENERGVMENVM (inquiunt ijdem) qui ab erratico spiritu Concil. Eliber. can. 29.  
exagitur, huius nomen neque ad altare cum oblatione esse reci-  
tandum, neque permittendum, vt sua manu in Ecclesia ministret.

CONCILII ARELATENSIS I. IN CAV-  
SA CAECILIANI, DE SACRIFI-  
CIO, CANONES.

DE Diaconibus (inquiunt) quos agnouimus, multis in locis Concil. Arel. 1. ca: 15, & 20.  
offerre, placuit minimè fieri debere.

PEREGRINO (inquiunt ijdem) Episcopo, locus sacrifican-  
di detur.

CONVENTVVM SACRORVM ET SA-  
CRIFICIORVM PLENA TANDEM,  
LICINIO INTERFECTO, PER  
CONSTANTINVM IMP. CON-  
CESSA LIBERTAS.

VNA (inquit Eusebius) erat sacri spiritus virtus & potentia, Euseb. li. 10. cap. 3.  
quæ per vniuersa Ecclesiæ membra permeauit: vna omni-  
um mens & sententia, vna & eadem fidei propensio ac studium, seu 9. cap. vlt.  
vna ex omnium ore & consentiens diuinitatis laus: perfectus eti-  
am in summis Ecclesiæ Præfectis cultus & obseruantia: accurata  
sacrorum mysteriorum administratio: decori Ecclesiæ ritus, in-  
terdum psalmorum cantu, & cæteris hymnorum diuinitus nobis  
traditorum recitationibus, nonnunquàm diuinis & mysticis my-  
sterijs exequendis celebrati: erant item arcana passionis seruatoris  
symbola.

ET paulò pòst, iuxta Rufini paraphrasin: Simpliciores (inquit)

Gg 3

quique

quique admirabantur & suspiciebant eos, qui per sapientiam verbi populos instruebant. Sapientes verò & eruditi viri præferebāt eos, quibus pura vita & sincera simplicitas offerendi Deo hostias, maiorem fidutiam dabat. Eisque immolandi sacrificij permittebatur officium, quos familiarior vitæ simplicitas in cordis puritate seruabat.

Burch. De  
cr. l. 3. c. 5.  
Iuo part.  
3. cap. 7.  
Concil.  
Tom. 1. in  
p̄fat. Do.  
nat. Con-  
stantini.

EODEM pertinet illud incerti Authoris, de munificentia Constantini erga Ecclesiam, quod Melchiadi Papæ perperam adscribitur à DD. Burchardo & Iuone: Vir religiosissimus Constantinus, primus fidem veritatis patenter adeptus, licentiam dedit per vniuersum orbem sub suo degentes imperio, nō solū fieri Christianos, sed etiam fabricari Ecclesias.

ET quod sequitur: Ab illo etenim tempore, & deinceps viri religiosissimi, non solū possessiones & prædia quæ possederant, sed etiam semetipsos Domino consecrârunt, ædificante basilicas in suis fundis, in honore sanctorum Martyrum per ciuitates, ac monasteria innumera, in quibus cætus Domino seruientium cōueniret.

Ibidem  
& apud  
Burch. li.  
3. ca. 4. ac  
Iuonem  
part. 3. c. 6.

ILLVD etiam: Deniquè Reges & Præsides ac magistratus, non solū hanc licentiam tribuere, sed etiam ipsi propria largiti sunt per vniuersa regna terrarum, vnde alerentur egentes, qui nihil in mundo possidebant, Ecclesiæque Dei fabricarentur, atque restaurarentur, Deoque & Ecclesiæ eius ritè famulantibus, seruisque illius, supplementa (vt absque necessitate essent) tribuerentur, vt hæc accipientes, possent (secundū monita Apostoli) orationes, postulationes, obsecrationes, gratiarumque actiones facere, pro omnibus hominibus, pro regibus, & qui in sublimitate sunt, vt quietam & tranquillam vitam habeant.

Damas.  
Pontif.  
cap. 34.

EODEM etiam spectant, quæ latè deducit Damasus in vita Diui Syluestri Papæ, de diuersis altaribus, calicibus, & patinis, aliisque donarijs aureis & argenteis, donatis ab eodem Constantino.



stantino, in vsum Basilicarum Romanarum, Constantinianæ, siue Lateranensis: S. Petri, sancti Pauli, sanctæ Crucis in Hierusalem, sanctæ Agnetis, sancti Laurétij, & sanctorum Petri ac Marcellini, ab eo recens erectarum, & à D. Syluestro postmodum consecratarum.

ITEM quod de portatili Ecclesia Constantini Imper. in hæc Niceph. l. 7. cap. 46. verba scribit Nicephorus: Et quum in imperiali palatio suo templum construxit, tum portatilem Ecclesiam aliam fieri sibi curauit, quæ, ubicunquè locorum esset, & maximè in bello, circumferri posset, vt ne in solitudine quidem agens, vbi opus esset, Deumq; colere, & diuina mysteria participare deberet, ædibus sacris careret, ad quam veluti ad tabernaculum semper præstò fuere sacerdotēs & diaconi, sine intermissione mysteria diuina, iuxta statas Ecclesiæ cæremonias, obeuntes.

D. SYLVESTRI PAPAE ROMANI  
XXXIII. DECRETVM DE ALTARI-  
BVS LAPIDEIS, ET OBLATIO  
INCRVENTA.

**S**YLVESTER Pontifex (inquit Martinus Polonus) quum st- Martinus Polon. ad ann. 315. tuerit ubiquè in Ecclesijs haberi altaria lapidea, in prædicta tamen Ecclesia (nempe Lateranensi) non erexit altare lapideum, sed ligneum antè habitum stabiliiuit.

DE eius autem oblatione incruenta sic habet D. Simeon Meta- Simeon Metaphr. in vita Syluestri. phrastes: Peraçto, quod præstitutum erat, ieiunio, Petrus summus Apostolorum, huic sanctissimo patri appáret in somnis, iubens vt ex sacerdotibus & Diaconis ab eo assumerentur ij, quos vocabat nominatim, & cum illis veniret ad ingressum spelûcæ, & illic Deo incruentú offerret cultum: deindè sic subiret per eos, q sunt in ipsa, gradus. Dicensq; vt alloqueretur Draconem q dicebatur, & portas ha-

habebat in ore, præcepit ut clauem ferret manibus, & nomine Domini Iesu Christi inuocato, ad se portas traheret, & in adaptatos annulos clauem iniiceret: & quum clausisset, diceret: Hæc dicit Apostolus Petrus: Hæ portæ non aperientur usque ad, vespere carentem & horribilem, diem iudicii. Atque hæc quidem sic nocturnè mandata fuerant sancto Syluestro ab Apostolo. Is autem, ut iussus fuerat, & cultum peregit, & descendit.

### EIVSDEM IN CONCILIO ROMANO DECRETA, CIRCA ALTARIS SACRIFICIUM.

A. Non nisi in lineo panno sacrificium celebrandum.

**Aët. Cōc. Roman. Tom. I.** **H**IC (habent Acta Concilij Romani) inter cætera prædicta omnium consultu constituit in Synodo, ut sacrificium altaris non in Serico panno aut tincto quisquam celebrare præsumeret, sed in puro lineo ab Episcopo consecrato, è terreno scilicet lino procreato atque contexto, sicut corpus Domini nostri Iesu Christi in sindone munda sepultum fuit.

**Dam. Pōtif. ca. 34.** **Q**UOD iisdem penè verbis Damasus repetit.  
**Beda in Marty. vi. Decemb.** **V**EN. etiam Beda: Constituit ut Ecclesiæ & altaris sacrificium in sindone linea celebraretur.

**Hrab. de instit. cleric. lib. I. cap. 33.** **H**RABANVS Maurus: Corporalis (inquit) pallium ex lino puro textum esse debet, & non ex Serico vel purpura, neque ex panno tincto, sicut à Syluestro Papa institutum inuenimus: quia in Euāgelio legitur, Sindone munda inuolutum esse à Ioseph corpus Saluatoris, & sudarium capitis eius post resurrectionem Domini, non cum lintheaminibus positum, sed seorsum inuolutum inueniri.

**V**VALAFRIDVS deniq; Strabus de rebus Eccl. c. 24. Marianus Scotus, Martinus Polonus in Chronic. & Radulphus Tugrensis de Can. obseru. ca. vlt.

B. Vt



B. Vt dalmaticis Diaconi in Ecclesia vtantur.

**I**DEM constituit, (inquit Damasus) vt Diaconi dalmaticis in Damas. Ecclesia vterentur, & palla linoſtima læua eorum tegeretur. loc. cit.

**R**EPERITVR id decretum Concilij Romani Can. 6. in hæc Cōci. Rō. can. 6. verba: Diaconi non ſint plūs vel ampliūs per Parochiarum examen, niſi duo, & Diaconi Cardinales vrbis Romæ ſeptem: ita tamen, vt dalmaticis vterentur, & palla linoſtima læuam eorum tegerent.

**E**IVS meminit & Ven. Beda: Conſtituit & dalmaticas in Ecclesia, & vt palla linoſtima (hoc enim ibi adiſciendum) eorum læua tegeretur, ſcilicet Diaconorum. Beda lo. co cit.

**E**T latiūs Alcuinus: Vſus dalmaticarum à B. Sylueſtro Papa A. l. c. de di. inſtitutus eſt: nam antea colobijs utebantur. Colobium verò eſt uin. offic. veſtis ſine manicis. Significat autem in eo quod eſt, ſine manicis, vnumquenque fidelem exercitatum eſſe debere ad bona opera exercenda. Cùm ergò nuditas brachiorum culparetur, vt diximus, à B. Sylueſtro dalmaticarum repertus eſt vſus.

**L**OCIS deniq; citatis Vualafridus, Marianus Scotus, Martinus Polonus, & Radulphus Tungrenſis.

C. Vaſa ſacrata nullus Oſtiarius, aut Lector, contingat, nullus etiam acolytus rem ſacratam porrigat alijs.

**N**VLLVS (inquit in eadem Synodo D. Sylueſter) Lector Cōc. Rō. c. 9. Burch. Decr. lib. 5. cap. 34. luo part. 2. cap. 7. vel Oſtiarius vaſa ſacrata contingat, nullus acolytus rem ſacratam à Presbytero (ſic enim legunt caſtigatiūs DD. Burchardus & Iuo) alijs porrigat, quia aliud eſt miniſter, aliud adſiſtens: niſi tantum ſupportet, quod ei ſacerdos impoſuerit ore ſuo bene dictum.

D. Non niſi in ſacratīs locis Miſſæ celebrentur.

**H**IC etiam (inquiūt Acta eiꝯdē Cōcilij) in memorata Synodo Cōc. Rō. Act. quæ ſuprà. conſtituit oīem cum conſenſu, vt nullus presbyter Miſſas

Hh

celebrare præsumat, nisi in sacris ab Episcopo locis, qui sui parti-  
ceps de cæterò voluerit esse sacerdotij.

De cōsecr.  
dist. 1. ca.  
Nullus  
Presbyter  
Missas.

Beda hist.  
Angl. lib.  
1. cap. 8.

Quod iisdem verbis repetit Gratianus.

## ECCLESIAE BRITANNICAE SACRA EO TEMPORE.

**V**B I (inquit Ven. Beda) turbo persecutionis quieuit, pro-  
gressi in publicum fideles Christi, qui se tempore discri-  
minis, syluis ac desertis abditisve speluncis occultauerant, reno-  
uant Ecclesias ad solum vsq; destructas, Basilicas sanctorum Mar-  
tyrum fundant, cōstruunt, perficiunt, ac veluti victricia signa pas-  
sim propalant, dies festos celebrant, sacra mundo corde & ore per-  
ficiunt. Mansitq; hæc in Ecclesijs Christi, quæ erant in Britannia,  
pax vsq; ad tempora Arrianæ vesaniæ.

## CONCILII ARELATENSIS II. DECRE- TVM CIRCA CORPORIS DOMI- NI MYSTERIVM.

Concil.  
Arelat. 2.  
can. 15.

**I**N secretario (inquiunt Patres) Diacono inter Presbyteros se-  
dere non liceat, vel corpus Christi, præsentem Presbytero, tradere  
non præsumat. Quod si fecerit, ab officio Diaconatus abscedat.

## D. MARCI PAPAE XXXV. ROMANI DE- CRETVM DE SYMBOLO NICENO IN MISSA CANTANDO.

Marti. Po-  
lō. Chron.  
ad ann.  
338.  
Radulph.  
Tungr. de  
canon.  
obser. cap.  
vlt.

**M**ARCVS (inquit Martinus Polonus) constituit, vt symbo-  
lum alta voce in Missa cantaretur.

**E**T latiùs Radulphus Tungrensis: Symbolum (inquit) Nice-  
num, id est, Credo in vnum Deum, sanctus Marcus natione Ro-  
manus, successor Syluestri, q̄ cœpit anno Domini CCC. XXXIX.  
vel XL. statuit, vt post Euangelium in Ecclesia alta voce di-  
catur.

CON.



CONSTANTINI IMPERATORIS EDI-  
CTVM ADVERSVS HAERETICOS,  
NE ALIBI, QVAM IN ECCLESIA  
CATHOLICA, CONVENTVS  
FIANT.

**C**ONTRA hæreticos (inquiunt Zozomenus & Nicephorus) Zozom. l. 2. cap. 30. Niceph. l. 8. cap. 32.  
legem tulit imperator, mandauitque vt templa ipsis adime-  
rentur, Ecclesijsq; adiungerentur, & neque in ædibus priuatorum,  
neq; in loco publico conuentus haberent. Quinetiam illis exposu-  
it, quod præstaret cum Ecclesia Catholica communicare, atque ad  
eam accedere hortatus est. Hac lege promulgata, istarum sectarum  
memoria magna ex parte deleta est. Nam dum superiores regna-  
rent imperatores, omnes qui Christum colebant, tametsi opinio-  
nibus dissentirent, tamen eodem in numero ac loco habebantur  
à gentilibus, & pari ratione torquebantur, nec poterant præ com-  
munibus calamitatibus curiosè in se ipsi inquirere. Et propterea  
singuli seorsum per se facilè in vnum conuenire, conuentus agere,  
crebrò in mutuum venire colloquium solèt: & licèt essent nume-  
ro pauci, non tamen disiuncti sunt. At hac lege sancita, hæretici  
propter Episcopos & clericos, qui eos assiduè obseruabant, facul-  
tatem minimè habuerunt vel palàm, vel in occulto conuentus  
peragendi. Qua de causa complures eorum admodum perterriti,  
se Ecclesiæ Catholicæ addixerunt. Alij autem, qui in eadem per-  
stabant sententia, quoniam neque in vnum conuenire permissi  
erant, neque poterant sine metu suæ opinionis fautores docere,  
idcirco nullis suæ sectæ successoribus post se relictis, è vita exi-  
uerunt.

D. FELICIS NOLANI PRESBYTERI  
MYSTERIORVM CONFECTIO.

**A**PVD NOLAM Campaniæ (inquit Ven. Beda) beati Felicis Beda in Marty. 19. Cal. Febr.  
Presbyteri. Hic à Maximo (sic enim legendum haud dubiè,  
Hh 2 pro

pro Maximiano) Nolanæ vrbs Episcopo, presbyterij honore prelatus est. Qui quum multa à perfidis pro nomine Christi patere-  
 tur, volentibusque omnibus eiusdem vrbs, vt Episcopus \* leua-  
 \* eligeret retur, non consensit, sed alterum eligens ad Pontificatus hono-  
 rem, ipse duodecim post annos, cessante persecutione, Dominica  
 die mysterijs confectis, data pace omnibus, se in pauimentum  
 oraturus proiecit: moxque beati viri anima de carnis ergastulo  
 egressa, felicia regna ipse verè Felix conscendit.

Paul. Nol.  
 Nat. Fe-  
 lic. 3.

HINC est & illud D. Paulini Nolani:  
 Te prius, alma pio celebrans altaria cultu  
 Presbyter, instituit, placido & moderamine rexit.

D. IVLII ROMANI PAPAE XXXVI.  
 STATVTVM DE IIS QVAE IN  
 SACRIFICIO OFFERENDA  
 SVNT.

Burch. de-  
 cr. li. 5. c. 1.  
 Iuo part.  
 2. c. 2. Gr.  
 de cōsecr.  
 dist. 2. c. 7.  
 Microlog.  
 cap. 19.

QVVM omne crimē (inquit D. Iulius Papa Epistola ad Epi-  
 scopos Aegypti, iuxta quod citat à DD. Burchardo ac Iuo-  
 ne, Gratiano item ac Micrologo) atq; peccatū, oblati Deo  
 sacrificijs, deleatur: quid decæterò pro expiatione delictorum do-  
 mino dabitur, quandò in ipsa sacrificij oblatione erratur? Audiui-  
 mus enim quosdam, schismatica ambitione detentos, contra diui-  
 nos ordines & Apostolicas institutiones, lac pro vino in Diuinis  
 sacrificijs dedicare: alios quoque intinctam Eucharistiam popu-  
 lis, pro completamento communionis porrigere: quosdam etiam ex-  
 pressum vinum, in sacramento Dominici calicis offerre: alios  
 verò pannum lineum multo intinctum, per totum annum re-  
 seruare, & in tempore sacrificij partem eius aqua lauare, & sic  
 offerre: quod quàm sit Euangelicæ & Apostolicæ doctrinæ  
 contrarium, & consuetudini Ecclesiasticæ aduersum, non difficile  
 ab



ab ipso fonte veritatis probatur, à quo ordinata ipsa sacramentorū mysteria processerunt. Cū enim magister veritatis, verum salutis nostræ sacrificium suis commendaret discipulis, non illis lac, sed panem tantū & calicem, sub hoc sacramento cognoscimus dedisse. Legitur enim in Euangelica veritate: Accepit Iesus panem & calicem, & benedicens, dedit discipulis suis. Cesset ergò lac \* sacrificando offerri, quia manifestum & euidens exemplum veritatis Euangelicæ illuxit, quòd præter panem & vinum aliud offerri non liceat. Illud verò, quod pro complemento communionis, intinctam tradunt Eucharistiam populis, nec hoc prolatum ex Euangelio testimonium receperunt, vbi Apostolis suum corpus commendauit & sanguinem. Seorsum enim panis, & seorsum calicis commendatio memoratur. Nam intinctum panem, alijs Christum præbuisse non legimus, excepto illo tantum discipulo, quem intincta buccella Magistri proditorem ostenderet, non quæ sacramenti huius institutionem signaret. Nam quod de expresso botro, id est, de vuarū granis populus communicatur, valde est omninò confusum: sed si necesse sit, botrus in calice comprimatur, & aqua misceatur: quia calix Dominicus, iuxta Canonum præcepta, vino & aqua permixtus debet offerri, quia videmus populum in aqua intelligi, in vino verò ostendi sanguinem Christi. Ergò cū in calice vino aqua misceatur, Christo populus adunatur, & credentiū plebs, ei in quem credit, copulatur & iungitur: quæ copulatio & coniunctio aquæ & vini, sic misceatur in calice Domini, vt mixtio illa non possit separari. Nam si vinum tantum quis offerat, sanguis Christi incipit esse sine nobis: si verò aqua sit sola, plebs incipit esse sine Christo. Ergò quandò botrus solus offertur, in quo vini \* efficacia tantum designatur: salutis nostræ sacramentum negligitur, quod aqua significatur. Non enim potest calix Domini esse aqua sola, aut vinum solum, nisi vtrunque misceatur. Et ideo, quia iam ex hoc plurima & multiplex Maiorum manauit sententia,

H h 3 tia,

tia, omnis deinceps talis error atque praesumptio cessare debet, nè peruersorum & inordinata compago, statum veritatis eneruet. Et ideò nulli deinceps erit licitum, aliud in sacrificijs diuinis offerre, nisi iuxta antiquorum sententiam conciliorum, panem tantum & calicem vino & aqua permixtum. Deceterò aliter, quàm praecceptum est, faciens, tam diù à sacrificando cessabit, quandiù legitima poenitentiae satisfactione correctus, ad gradus sui officij redeat, quod amisit.

Eiusdem testimonium de Catechumenis, ab Oblatione excludi solitis.

D. Athan.  
Apol. 2.  
contra Ar-  
rianos.

**E**X istis (inquit idem Epistola ad Episcopos Arrianos Antiochia congregatos, inserta operibus D. Athanasij) rationibus Athanasij facillè colligebamus, fieri non potuisse, ut qui morbo post ostium decumbebat, in sacris constiterit, & oblationem confecerit: nec oblationem proponi potuisse, cum intus catechumeni versarentur, quibus intus adhuc agentibus, tempus oblationis nondum esse potuit.

ROMAE EO TEMPORE D. ATHANASII EPISCOPI ALEXANDRINI SYNAXES.

Idē Apol.  
1. ad Cōst.  
Imp.

**P**ROFECTVS sum (inquit idem D. Athanasius) Alexandria, non ad castra fratris tui, aut alium quempiam, sed Romam duntaxat, me meaue Ecclesiae commendaturus. Ea enim mihi vnica cura fuit: quo tempore multus eram in synaxibus celebrandis.

Idē Apol.  
2. supradicta.

EODEM pertinet illud eiusdem de Concilio Romano: Romanae Presbyter Viton, plures episcopos quàm quinquaginta in Concilium adduxit, ubi & nostra defensio recepta fuit, nosque digni habiti sumus communione & agape.

AQVI.



AQVILEIENSIVM SYNAXIS, CUI CON-  
STANS IMP. INTERFVIT.

**Q**VINIMMO (inquit idē Athanasius) frater tuus piæ me- Idem A.  
moriæ, in huiusmodi templo quum Aquileiæ synaxis habe- Pol. 1.  
retur, ipse quoquē eò se contulit.

S. LIDORII TVRONENSIS EPISCO-  
PI PRIMAE IN EA VRBE BA-  
SILICAE ERECTIO.

**S**ECVNDVS (inquit D. Greg. Turonensis) anno Imperij Greg. Tu-  
Cōstantis I, Lidorius ordinatur episcopus. Hic ædificauit ec- ron. hist.  
clesiam primā intrā urbem Turonicā, quum iam multi Christiani Franc. l.  
essent, primāq; ab eo ex domo cuiusdā Senatoris basilica facta est. 10. c. 31.

LIBERII XXXVII. PAPAE ROMANI,  
S. PAVLINI TREVERORVM, AC  
OSII CORDVBENSIS, EPI-  
SCOPORVM SYNAXIS.

**P**ACATA (inquit loco à Theodoreto citato D. Athana- Athan. A.  
sius) Ecclesia, populoque in sacris synaxibus orante, Liberius pol de fu-  
Romanus Præsul, & Paulinus Galliarum Metropolitanus, alijque ga sua.  
boni & præclari Episcopi, veritatis præcones, aguntur, raptantur, & Theodo. l.  
in exilium mittuntur. De magno etiam & grauissimæ ætatis vi- 2. hist. Ec-  
ro, eodemque Confessore Osio, qui verè *ὁσιος* est, superfluum ar- clef. c. 15.  
bitror mentionem facere, quum nullus fortasè sit, qui cognitum  
non habeat, eum ab ipsis quoquē in exilium missum.

EODEM pertinet, quod alibi idem D. Athanasius, dictos Libe- Idem sub  
rium Papam & Osum, Italos quoquē, Gallos, Hispanos, & Aphri- finē Apol.  
canos Episcopos, in exilium à Constantio missos, suos nuncupat 2. contra  
sacrorum comministros. Arrian.

HINC

Theodor.  
l. 2, c. 16.

HINC est & illud Liberij Papæ in Dialogo cum Imp. Cōstan-  
tio apud Theodoretum : Noli (inquit) Episcoporum manu iniu-  
riam vindicare, quam Deus non ad eiusmodi facta, sed ad sancti-  
ficationem constituit.

D. EVSEBII VERCELLENSIS, ET LV-  
CIFIERI CARALITANI EPISCO-  
PORVM SYNAXES.

Athanas.  
Tom. 12.  
ad Antio-  
ch.

VERE nobis (inquit qui suprâ D. Athanasius, epistola ad  
ipsum Antiochiam scripta) sacrorum comministri, ubi sole-  
tis conuentus agere, ista iubebitis promulgari. Ibidemque omnes  
qui pacem amant, inter se concilientur, ac deinde ubi cōciliati fue-  
rint, ubicunque populis videbitur, præsente quoque vestra huma-  
nitate, synaxis celebretur, & Dñs publicè ab omnibus glorificetur.

EORVMDEM, ALIORVMQUE EPI-  
SCOPORVM CONSTANTIA, IN NON  
ADMITTENDIS AD SOLENNIA  
SECVM CELEBRANDA  
ARRIANIS.

Lucifer  
Caral. lib.  
de non cō-  
ueniendo  
cum hære-  
ticis.  
3. Reg. 13.

QVVM pacem (inquit Lucifer lib. 4. ad Imp. Constantium  
Arrianū) semper habuerit Ecclesia, & vos atq; omniū secta-  
rum hæreticos semper abiecerit, quomodo vobiscum potueramus  
conuenire ad Deum adorandum?

ET paulopost : Si homini Dei eunti in Bethel hoc repræsen-  
tatum est, cur manducasset panem, & potum sumpisset aquæ in lo-  
co prophano apud alienigenas, ut à leone interficeretur in via:  
quid nobis repræsentatum fuisset, si vobiscum Arrianis, precem fu-  
dissemus, si denique \* passos nos fuisset, omnia quæ celebramus  
Domini sacerdotes, cum pseudoepiscopis Arrianis tuis celebrare?

\* passi

AC rursùm: Quomodo esset vobis & nobis vnus loci con-  
uenticulum,



uenticulum, cùm audias item Dauid dicere in Psalmo sexto, Discedite à me, qui operamini iniquitatem?

POSTEA deniquè apertiùs: Si cibum vobiscum iubemur non sumere, credideras potuisse catholicos conuenire cum hæreticis, ad solennia cuncta celebranda vobiscum erraticis: vobiscum, per diaboli venenum ad omnem deductis ebrietatem, esse potueramus Dei cultores?

EA DE CAUSA IN D. DIONYSIVM  
MEDIOLANENSEM EPISCOPVM AD  
ALTARE IN SANCTIS SANCTO-  
RVM, AC TOLOSÆ IN IPSVM  
CHRISTVM MISSAE  
MANVS.

**M**EDIOLANENSEM (inquit D. Hilarius l. ad eundem Constantium 3. qui perperam primo loco ponitur) pijs-  
mam plebē, quam tu furore terroris tui turbasti, tribuni tui adie-  
runt sancta sanctorum, & viam sibi omni per populum crudelitate  
pandentes, protraxerunt de altario sacerdotes. Leuius te putas, sce-  
leste, Iudæorum impietate peccasse? Effuderunt quidem illi Za-  
chariæ sanguinem, sed quantum in te est, concorporatos Christo, à  
Christo discidisti.

Ac paulopost: Quos tu deinde in Ecclesiam Tolosanā ex-  
ercuisti furores? clerici fustibus cæsi, diacones \* plumbo elisi, & vt  
sanctissimi mecum intelligunt, in ipsum Christum manus missæ.

EANDEM OB CAUSAM A CONSTAN-  
TIO IMP. ARRIANO, CATHOLICORVM CONVEN-  
TVS PROHIBITI, ET ECCLESIAE EREPTAE.

**C**ONSTANTIUS (inquit D. Athanasius epistola ad  
monachos de persecutione Arrianorū) in gratiam hæreseos,  
Ii Episco.

Episcopos in exilium eiecit: populos verò, dum prohibet conuentus celebrari, à meditatione pietatis precibusq; ad Deum summo-  
 1. Reg. 22. uet ac depellit: Rursus, vt Saul Nobam ciuitatem sacerdotū euer-  
 tit, ita & iste eius sceleris magnitudinem superans, Ecclesias Domi-  
 ni hæreticis tradit.

Lucif. de Sic & Lucifer l. 3. ad Constantium: Manasses (inquit) omni-  
 Regib. A- bus idolis seruiendum esse mandauit, recedendum verò à Deo.  
 postat. Non ergò erit mirandum, si tibi vindicasti ædes, in quas colligere  
 4. Reg. 21. sumus soliti Dei populum.  
 2. Pa. 33.

Rufin. Eccl. hist. l. 1. Eodem pertinet illud Rufini: Ea tempestate facies Ecclesiæ  
 1. c. 21. fœda & admodum turpis erat. Ara nusquam, nec immolatio, nec  
 libamina,

ARIMINENSIS CONCILII PATRVM  
 CATHOLICORVM, AD CONSTAN-  
 TIVM LEGATIO, VT EPISCOPIS  
 REDITVS ET DIVINI OFFI-  
 CII PERMITTATVR CE-  
 LEBRATIO.

Athan. de NE deinceps (inquiunt epistola ad Constantium apud D.  
 Act. Syn. Athanasium, Theodoretum & Nicephorū) nos itineris la-  
 Arim. bore affligi, atq; alienos longeq; disitos à paræcijs nostris esse per-  
 Theod. 1. mittas: sed vt episcopi potius cū populo suo in pace sacris epulis &  
 2. c. 19. rebus diuinis vacare possint, pro tua salute, imperio & pace, orātes.  
 Niceph. l. 9. c. 39.

D. HILARII PICTAVORVM EPISCO-  
 PI SACRA MYSTERIA.

A. Eius hymnorum & mysteriorum libri.

Hier. ca- EST eius (inquit D. Hieronymus) & liber hymnorum, & my-  
 tal. scrip. steriorum alius.

Hrab. de DE quo & Hrabanus Maurus: Hilarius (inquit) Gallus episcopus,  
 instit. cler. Pictauis genitus, eloquētia conspicuus, hymnorum carmine primus  
 1. 2. c. 49. floruit,  
 ITEM



ITEM Concil. Tolet. 4. A nōnullis (inquit) hymni magno studio, in laudem Dei atque Apostolorum & Martyrum triumphos, compositi esse noscuntur, sicut sunt hi, quos beatissimi doctores Hilarius atque Ambrosius ediderunt.

QV AE ipsa verba citat Vvalafrius Strabus, de reb. Eccl. c. 25.

B. Hymnus, Gloria in excelsis, ab eodem auctus.

INCIPIT deindè sacerdos, (inquit D. Alcuin<sup>9</sup>) Gloria in excelsis Deo, Hymnum in natiuitate Saluatoris ab angelis decantatum: sed à B. Hilario Pictauiensi postea auctum & consummatum.

C. Mysteria per eum ad altaria celebrata.

HILARIUS (inquit D. Fortunatus) olim mysterijs deputatus, aliquandò sacris altaribus sacerdos electus est.

D. Conuentus in Ecclesiam ad secretam Sacramentorum religionem.

CONVENTVS Ecclesiarum (inquit ipse D. Hilarius) siue templi, quos ad secretam sacramentorum religionem ædificiorum septa concludunt, consuetudo nostra vel domum Dei solita est nuncupare, vel templum: scriptura quoque vel prophetica, vel Apostolica, ad demonstrationem locorum, his est vsa nominibus.

EODEM pertinet illud eiusdem ad Constantium Imperat. lib. Idem. li. 1. 1. qui perperam secundo loco ponitur: Verentes igitur illi (loquitur de Valente & alijs Arrianis Episcopis in Synodo Mediolanensi) populi iudicium, è Dominico ad palatium transeunt.

E. Diuinorum mysteriorum concelebratio, & pro Imperatoribus preces.

PERMITTAT (inquit ad Constantium ibidem) lenitas tua populis, vt quos voluerint, quos \* putauerint, quos elegerint, audiant docentes, & diuina mysteriorum solennia concelebrant, & pro incolumitate & beatitudine tua offerant preces.

Ii 2

F. Inter

F. Inter Diuinorum sacramentorum officia,  
Cantus & Responsa.

Idem in  
Psal. 65.

**A**VDIAT (inquit idem alibi) orantis populi, consistens quis extra Ecclesiam, vocem, spectet celebres hymnorum sonitus, & inter diuinorum quoque sacramentorum officia, responsionem deuotæ confessionis accipiat. Necesse est terreri omnem aduersitatem, & bellari aduersus diabolum, vinciq; resurrectionis fide mortē, tali exultantis vocis nostræ (vt dictum est) iubilo. Sciat hoc Deo placitum esse, hoc spei nostræ testimonium publicas victricesque exultationis nostræ voces personare: Quarum Prophetia non negligens est, loco alio memorans: Circuiui & immolauī in tabernaculo eius hostiam iubilationis. Et nē inanem iubilationis huius doctrinam atque obseruantiam crederemus, alibi protestatur: Beatus populus qui scit iubilationem.

Psal. 26.

Psal. 88.

G. Statio & eleuatio manuum.

Idem in  
Psal. 133.  
\* frequentia,

**S**TANDVM est ergo (inquit alio loco) in domo Domini, quia benedictio stantium placeat, & stantium in domo illa sancta & cælesti Hierusalem, & angelorum \* frequentium, ad quam, per hanc Ecclesiæ & conuentus nostri domum, scanditur.

\* precandum

ET paulopost: Eleuandæ manus sunt in sancta, non ad \* prædicandum & orandum tantum, sed etiam ad operandum.

Idem in  
Psal. 67.

H. Sacerdotum sanctificatio mysterij.

**A**D Ecclesiæ (inquit idem) decus detracta ab diabolo gētium spolia diuiduntur, atq; etiam ex his spolijs domus pulchritudo perficitur, cum in sacerdotes Dei ad mysterij sanctificationem, ab aris templisq; demonum abstrahuntur.

I. Osculum & sacerdotum benedictio.

Idem li. 3.  
ad Const.

**O**SCULO (inquit li. 3. ad Constantiū) sacerdotes excipis, quo & Christus est peditus: caput benedictioni submittis, vt fidē calces.

Idem in  
Psal. 132.

**E**ODEM pertinere videtur illud eiusdem: Benedictiones enim sola largitur Ecclesia.

Com-



L. Communio populo per presbyteros.

**E**PISCOPVS (inquit idem l. 2. ad Constantium, qui non re- Idē l. 2. ad  
ctē 3. loco collocatur) ego sum, in omnium Gallicarū Eccle- Constant.  
siarum atque Episcoporum communione, licet in exilio perma-  
nens, & Ecclesiæ adhuc per Presbyteros meos communionem dis-  
tribuens.

IVLIANI APOSTATAE IMPERATO-  
RIS CONATVS, AD TOLLENDAS  
CHRISTIANORVM SYNAXES.

**Q**VÆCUNQVE Ecclesiæ (inquit Nicephorus) suppete- Niceph.  
bant vasa sacra & donaria, ea abstulit, & in idolorum delu- li. 10. ca. 5.  
bris reposuit.

**C**ONSILIUM QVE eius fuit, (eodem teste) vt statas solitasq; Ibid. c. 20.  
multitudinis synaxes, ducibus eorum sublatis, tolleret. Itā enim  
fore arbitratus est, vt neque conuentus agere, neque docere, nobis,  
multo verò minùs de rebus diuinis participare, mysticaque & ar-  
cana sacra peragere, facile esset: & vt diuturniore tempore, in obli-  
uionem etiam religionis nostræ prorsùs perueniremus.

**O**MNEM etiam mouit (vti idem scribit) funem, vt Græco- Ibid. c. 21.  
rum mores ad nostra instituta accommodaret. Itaque in idolo-  
rum templis fieri curauit subsellia & primarios suggestus: insti-  
tuit lectiones & doctrinas, quæ tamen Græcis dogmatibus innite-  
rentur: prætereà sacerdotes & lectores more nostro, item certas  
certarum horarum & dierum preces.

**Q**UOD in hæc verba repetit Zozomenus: At verò quum ex- Zozom.  
istimaret religionem Christianam, maximam ex vita & moribus lib. 5. ca. 15.  
eorum, qui eam sequebantur, commendationem consecutam,  
instituit animo delubra gentiliū tum apparatu, tum ordine re-  
ligionis Christianæ adornare: subsellijs prætereà & primarijs sedi-  
bus, doctoribus lectoribusq; gentilis doctrinæ & exhortationum,

Ii 3 quin-

quinetiam precibus in certas horas diesq; præscriptis, monasterijs item virorum & mulierum, qui sapientiæ studio se dicauerant, collegijs etiam peregrinorum & pauperum, reliqua deniq; in egētes benignitate, religionem Gentilem nobilitare.

EO TEMPORE DONATISTARVM  
FVROR IN CATHOLICORVM  
CONVENTVS, ET ALTARIVM  
AC CALICVM CONFRA-  
CTIO.

Opt. Mi-  
leuit. lib.  
2. contra  
Parmen.

**B**ASILICAS (inquit ad illos D. Optatus Mileuitanus) inuasistis, & quum altare defenderent Diaconi Catholici, regulis plurimi cruentati sunt, duo occisi sunt.

**A**c paulò pòst: Vt omnia sacrosancta suprà memorati vestri Episcopi violarent, iusserunt Eucharistiam canibus fundi, non sine signo diuini iudicij. Nam iidem canes accensi rabie, ipsos Dominos suos, quasi latrones, sancti corporis reos, dente vindice, tãquàm ignotos & inimicos laniauērunt.

**P**OSTEA quoquē: Exorcizâstis & laulistis sine causa parietes.

**E**T iterùm: Quid (inquit) iniquius, quàm exorcizare Spiritum sanctum, altaria frangere, Eucharistiam animalibus proijcere?

Ibid. li. 6.

**R**VR SVM alibi: Quid est em̃ (inquit) tam sacrilegum, quàm altaria Dei (in quibus & vos aliquandò obtulistis) frangere, radere, remouere? In quibus vota populi, & membra Christi portata sunt: Quo Deus omnipotens inuocatus sit. Quò postulatus descendit spiritus sanctus: vndè à multis pignus salutis æternæ, & tutela fidei, & spes resurrectionis accepta est. Altaria, inquam, in quibus fraternitatis munera non iussit Saluator poni, nisi quæ essent de pace condita. Depone (inquit) munus tuum ante altare, & prius concorda cum fratre tuo, vt possit pro te sacerdos offerre.

Matt. 5.



offerre. Quid est enim altare, nisi sedes & corporis & sanguinis Christi? Hæc omnia furor vester aut rasit, aut fregit, aut remouit. Quid perditorum conductam multitudinem, & vinum in mercedem sceleris datum? Quod vt immundo ore sacrilegis haustibus biberetur, calida de fragmentis altarium facta est. Si liuoris iudicio nos (sic enim lego, pro, non) vobis sordidi videbamus, quid vobis fecerat Deus, qui \* illuc inuocari consueuerat? Quid vos offenderat Christus, cuius illic per certa momenta corpus & sanguis habitabat? Quid vos offendistis etiam vosipsi, vt illa altari frangeretis, in quibus ante nos per longa temporum spatia, sancti (vt arbitrabamini) obtulistis? Dum impiè persequimini manus nostras, illic vbì corpus Christi habitabat, feristis & vestras. Homodo Iudæos estis imitati. Illi iniecerunt manus Christo in cruce: à vobis percussus est in altari. Si Catholicos illic insectari voluistis, vel vestris illic antiquis oblationibus parceretis. Ilmodò superbus inuentus es, vbì iamdudùm humilis offerebatur. Ibi libenter peccas, vbì pro multorum peccatis orare consueueras. Hoc faciendo, in numerum sacrilegorum sacerdotum libenter intrastis, sociati sceleribus prophanorum, de quibus apud Dominum Helias propheta querelam deponit. His enim locutus est verbis, quibus & vos inter alios ab ipso accusari meruistis: Domine, inquit, altaria tua confregerunt. Dum dicit, Tua: indicat, quia res est Dei, vbì Deo aliquid à quocunque oblatum est. Sufficienter insanix vestræ, quòd membra laniastis Ecclesiæ, quòd DEI populos iamdudùm in vnitatem positos, vestris seductionibus diuistis. Inter hæc omnia vel altaribus parceretis. Cur vota & desideria hominum cum ipsis altaribus euertistis?

3. Reg. 19.  
Rom. 11.

Et postea: Hoc (inquit) immane facinus geminatum est, ibidem.  
dum fregistis etiam calices, Christi sanguinis portatores. Quorum species reuocastis in massas, mercem nefarijs nundinis procuran-

curantes, ad quam nec emptores eligere voluistis sacrilegi, dum inconsideratè vendidistis. Passi estis etiam comburi manus vestras, quibus ante nos eosdem calices tractabatis. Eam rem tamen passim vendi iussistis. Emerunt forsitan in vsus suos sordidæ mulieres. Emerunt pagani, facturi vasa, in quibus incenderent idolis suis. O scelus nefarium: ô facinus inauditum: auferre Deo quod idolis præstes. Subducere Christo, quod proficiat sacrilegio.

Ibidem.

IAM illud (repetit iterum postea) quale est, quod in multis locis etiam parietes lauare voluistis, & inclusa spatia salsa aqua adspergi (sic enim lego, pro, & spargi) præcepistis. Dicite, quid vobis fecerat locus, quid ipsi parietes, ut ista paterentur? An quia illic rogatus est Deus? An quia illic laudatus est Christus? An quia illic inuocatus est spiritus sanctus?

Ibid. sub finem.

AD hoc (deniquè inquit) basilicas inuadere voluistis, ut vobis solis cœmeteria vindicetis, non permittentes sepeliri corpora Catholica.

#### DONATI HAERETICI OBLATIONVM CATHOLICARVM CONTEMPTVS.

Idem lib. 3. contra Parmen.

DE aliorum (inquit idem D. Optatus de Donato Carthaginiensi) oblationibus nunquam est dignatus accipere: ut solus secretò nescio quid ageret, & postea cæteris perfunctoriè misceretur.

#### IOVINIANI IMPERATORIS CONVENTVVM ECCLESIASTICORVM RESTITVTIO.

Zozom. lib. 6. c. 3. Niceph. l. 10. cap. 39.

IMPERATOR (inquiunt Zozomenus & Nicephorus) Iouinianus, experientia edoctus, diuina vindicta Iulianum grauib. malis afflictum esse, ad omnes ubiquè Præfectos scripsit, ut cunctos liberè rem diuinam facere, cōuentus cogere, & Deum ex animo



mo colere, paterentur, & vt vna in imperio Romano obseruaretur fides & religio, Christianorum videlicet. Iuraque pristina Ecclesijs reddidit. Et quaecunque clero, viduis & virginibus dudum à Constantino & filiis eius, diuini cultus augendi gratia, concessa, legibusque firmata: à Iuliano autem, propter summum eius in fidem nostram odium, pessimo consilio adempta & accisa fuerant, priuilegia & beneficia restituit.

D. DONATI EPISCOPI ARETINI  
MISSAE.

**A**PVD Tusciam (inquiunt Ven. Beda, & Isuardus) ciuitate Aretio, natalis B. Donati Episcopi & martyris, qui tentus est tempore Iuliani Imperatoris. Cuius meminit beatus Gregorius, quod fractum calicem orando restaurarit.

Beda, &  
Isuard. in  
Martyr.

ET latius Ado: Quumque die quadam Missam celebrasset populo, & de corpore Christi ac sanguine ipsius populus venerabiliter recrearetur, Diaconus quidam nomine Antimus, tradebat sacrum sanguinem Christi, qui subito paganorum impulsu cecidit, & sacrum calicem comminuit. Vnde valde tristis tam ipse, quam populus Christi efficitur. Cuius tristitiam Dominus per beatum Donatum ilico releuauit. Nam collecta sunt fragmenta Dominici calicis, & beato viro allata. Quæ flens ille suscipiens, oratione facta, vas in pristinam formam restaurauit.

Ado ibid.  
ad 7. Idus  
August.

ANTE hos quoque D. Gregorius Papa: Virtutem Donati imitatus est, qui fractum calicem pristinae incolumitati restituit.

Greg. Dial. lib. 1.  
cap. 7.

ROMAE ID TEMPORIS AD MEMORIAS SANCTORVM OB-  
LATIO.

**A**POSTOLVS ait, (inquit D. Optatus Mileuitanus de Macrobio Donatista) Memorijs sanctorum communicantes.

Opt. Mileuit. li. 2.  
contra

K k Eccè Parmen.

Eccè præsentes sunt Romę duorum memoriæ Apostolorum. Dicitur, si ad has ingredi potuit, vt obtulerit illic, vbi sanctorum memorias esse constat.

D. DAMASI PAPAE ROMANI XXXVIII.  
CIRCA MISSAE CELEBRATIONEM STATUTA.

A. Altaris & Ecclesiæ dedicatio.

Damas.  
Epist. De  
cret. 4.

**C**HOREPISCOPIS (inquit D. Damasus) nec altare erigere liceat, nec ungere, aut sacrare, nec ecclesias dedicare.

B. Psalmorum cantus ante sacrificium.

Lib. Pont.  
tif. de vita  
Damas.

**H**IC constituit (inquit liber Pontificalis) vt Psalmi die noctuq; canerentur per omnes Ecclesias, qui hoc præcepit presbyteris, Episcopis, ac monasterijs.

Vualaf.  
Strab. de  
eccl. offic.  
cap. 25.

**Q**UOD iisdem penè verbis Vualafrius Strabus: Damasus (inquit) constituit, vt psalmi die noctuq; canerentur per omnes Ecclesias vel monasteria, & præcepit hoc Episcopis & Presbyteris.

Marian.  
Scot. hist.  
libr. 2.

**I**TEM Marianus Scotus: Damasus Papa 38. post Petrum, constituit, vt die noctuq; canerentur Psalmi per omnes Ecclesias.

Beda, A.  
do, Vfu.  
ard. in

**E**T Beda, Ado, & Vsuardus: Hic constituit vt Psalmi die noctuq; canerentur per omnes Ecclesias.

Martyr. 3.  
idus Dec.  
sigebert.

**S**IGEBERTVS deniquè: Instituit etiam in Ecclesia Psalmos die noctuq; cantari.

in Chron.  
ad ann.

**Q**UI omnes haud dubiè alludunt ad verba D. Hieronymi, quæ subsequuntur.

Dñi 382.

C. Psalmis additum, Gloria Patri &c.

Hier. epi.  
ad Dam.  
Tom. 1.  
Concil.

**P**RECATOR (inquit Diuus Hieronymus) cliens tuus, vt vox ista psallentium in sede tua Romana, die noctuq; canatur, & in fine psalmi cuiuslibet, siue matutinis vel vespertinis horis, coniungi præcipiat Apostolatûs tui ordo: Gloria patri, & filio,



filio, & spiritui sancto: Sicut erat in principio, & nunc, & semper, & in secula seculorum, Amen. Istud carmen laudis, omni Psalmo coniungi præcipias, vt fides 318. Episcoporum Niceni Concilij, in vestro ore pari consortio declaretur.

QVOD confirmat Albinus Flaccus: Gloria (inquit) Patri, & Filio, & Spiritui sancto. Quæ verba ad diuisionem Psalmorum, qui prius indifferenter canebantur, B. Hieronymus, Damasus Papa petente, composuit. Sed quum nequaquam id sufficeret, prædicto Apostolico iterum suggerente, addidit adhuc: Sicut erat in principio.

Alb. Flac.  
de diuina.  
offic.

ET rursum Sigebertus: Damasus (inquit) Papa instituit rogatu Hieronymi dicere in Ecclesia in fine Psalmorum: Gloria Patri, &c. Sicut erat in principio.

sigeb. vbi  
suprà.

ITEM Radulphus Tungrensis: Gloria Patri, Nicena Synodus composuit: sed Damasus Papa ad Psalmos cantari censuit.

Radulph.  
de canon.  
obseru.  
cap. vlt.

ET iisdem penè verbis Martinus Polonus ad annum 370.

D. Epistolæ & Euangelij lectio.

PETRO (inquit idem Diuus Damasus ad Hieronymum) tuam charitatem, vt sicut à rectore tuo Alexandro Episcopo nostro didicisti, Græcorum psallentiam ad nos dirigere tua fraternitas delectetur: quia tantæ apud nos simplicitatis indago est, vt tantum in die Dominica, Apostoli epistola vna recitetur, & Euangelij capitulum vnum dicatur: & nec psallentium mos tenetur, nec hymni decus in ore nostro cognoscitur.

Damas.  
epistol. 2.  
Decr.

QVOD rectius explicat Vualafrius Strabus: Videtur (inquit) non alias lectiones ante Euangelium fuisse tunc positas, nisi tantum Apostoli Pauli, quas solum nominauit, qui gesta Pontificum scripsit, cum Antiphonarum mentionem subiunxit: Quod antè non fiebat, nisi tantum Epistola beati Pauli Apostoli legabatur, & sanctum Euangelium. Quod etiam sanctus Damasus Papa ad Hieronymum scribens, penè iisdem verbis ostendit. Et for-

Vualaf.  
de reb ec.  
cle. ca. 22.

Kk 2 tasis

tasis inprimis solius Pauli lectiones eo loco legebantur: Postea autem omnibus latius augmentatis, aliae lectiones, non tantum de nouo, verum etiam de veteri (prout festorum ratio polcebat) intermixtae sunt testamento.

Radulph.  
loco cit.

ET rursum Radulphus Tungrensis: Beatus (inquit) Hieronymus presbyter Cardinalis Epistolas & Euangelia, ut hodie habet Ecclesia, collegit & ordinauit, ut in libro qui Comes dicitur, habetur, & ipse ait scribens ad Constantium Episcopum. Et Damasus Papa, ut nunc moris est, legi censuit.

E. Alleluia.

Hieron.  
ubi supra.

**V**BI (inquit ad D. Damasum D. Hieronymus) Deus & homo honorabili voce praedicatur, Alleluia semper cum omnibus Psalmis affigatur, ut in omni loco communiter respondeatur nocturnis temporibus. In Ecclesia autem, a sancta resurrectione usque ad sanctum Pentecosten finiatur: inter dierum vero spatia quinquagesimae, propter nouitatem sancti Paschae, ut vox ista laudis canatur.

Greg. 1. ad  
Ioan. sy-  
racul. A-  
mal. de  
offic. eccl.  
lib 4. c. 33.

EVNDEM locum citat D. Gregorius Papa 1. epist. citata ab Amasario: Ut Alleluia hic diceretur, (inquit) de Hierosolymorum Ecclesia, ex B. Hieronymi traditione, tempore beatae memoriae Damiani Papae, traditur tractum.

F. Symboli Constantinopolitani recitatio.

Sigeb. ad  
ann. Do-  
mini 688.  
Rupert.  
de diuin.  
offic. cap.  
21. lib. 2.

**D**AMASVS Papa (inquiunt Sigebertus & Rupertus) instituit, Credo in unum Deum, solennibus diebus cantari, ex decreto sanctae secundae vniuersalis Synodi, a 150. Episcopis Constantinopoli celebratae.

QVOD latius repetit Radulphus Tungrensis: Deinde (inquit) eiusdem symboli forma, quam Graecorum & Latinorum confessio praedicat, & quam post Nicenum Concilium sancti Patres tradiderunt in sancta & vniuersali Synodo secunda, apud Constantinopolim



polim celebrata tempore B. Damasi Papæ, circa annum Domini 387. idem sanctus Papa in solennibus diebus ad Missam cantari instituit.

G. Populi salutatio & exhortatio.

**N**EC liceat (inquit idem D. Damasus) Chorepiscopis, Epi. Damaf. Epist. Decr. 4. scopo coram posito, populum docere, aut salutare, aut exhortari.

H. Pœnitentium reconciliatio.

**N**EC publicè quidem (inquit de iisdem ibidem) in Missa Ibid. pœnitentem reconciliare.

I. Corporis & sanguinis Domini confectio.

**N**EC etiam (inquit de iisdem) præsente Episcopo, nisi eo Ibid. iubente, sacramentum corporis & sanguinis Domini conficere illis liceat.

EODEM pertinet illud eiusdem: Sacerdotum, qui proximiores Deo sunt, & proprio ore corpus Domini conficiunt. Dam. Epist. Decr. 3.

#### EIVSDEM IN CONCILIO ROMANO DECRETVM DE OBLATIONIBVS.

**H**ANC consuetudinem, (inquiunt apud Gratianum) quæ Gratian. 10. 4. 1. c. Hanc. contra sanctam Ecclesiam Catholicam agere videtur, omnino interdiximus, ut nullo modo, vlllo vnquam tempore, oblationes quæ intrâ sanctam Ecclesiam offeruntur, sub dominio laicorum detineantur, sed tantummodò sacerdotibus, qui quotidie Domino seruire videntur, illis solis liceat comedere & bibere: quia in veteri Testamento prohibuit Dominus panes sanctos comedere filijs Israel, nisi tantummodò Aaron & filijs eius, qui longè erant ab istis panibus, qui nunc in sancta ecclesia offeruntur, quia illi sub vmbra legis erant: Qui verò modò sub gratia sunt Spiritus sancti, toti mundo, Euangelio coruscante, lucidiores esse videntur.

Kk 3 D. OPTA.

## D. OPTATI EPISCOPI MILEVITANI, SACRIFICII RITVS.

## A. Altarium solennis aptatio.

Opt. cont. **D**ICEBATVR (inquit D. Optatus) illo tempore ventu-  
 Parmen. ros esse Paulum & Macarium, qui interessent sacrificio, vt  
 lib. 3. quum altaria solennia aptarentur, proferrent illi imaginem (Cæsaris nempe statuum, vt rectè interpretatur Fr. Balduinus) quam primò in altari ponerent, & sic offerretur sacrificium.

## B. Altare linteamine coopertum.

Ibid. l. 6. **Q**VIS fidelium (inquit idem alibi) nescit, in peragendis mysterijs ipsa ligna linteamine cooperiri? Inter ipsa sacramenta velamen potuit tangi, non lignum.

Ibid. **E**ODEM pertinet quod paulopòst: Exteristis (inquit) cum codicibus pallas. Nisi fallor, has purificare properastis, lauitis proculdubiò pallas.

## C. Vini vsus in sacrificio.

Ibid. l. 3. **N**AM & vinum (inquit alio loco) à peccatoribus operarijs & calcatur, & premitur, & sic indè Deo sacrificiù offertur.

## D. Populi statio.

Ibid. l. 4. **P**OPVLVS (inquit idem) in Ecclesia sedendi non habet potestatem.

## E. Communis Oratio.

Ibid. l. 3. **C**ONTRA (inquit idem) sub Macario cōmouebantur oēs, vt Deus vnus pariter in Ecclesia ab omnibus rogaretur.

## F. Oratio ad Patrem per filium.

Ibid. **P**AGANVM (inquit ibidè) vocas eum, qui Deum patrè per filium eius ante aram rogauerit?

## G. Lectionum recitatio.

Ibid. l. 6. **P**OLLVTOS (inquit idem) vocas, quia furtiuas vobiscum non legimus lectiones, aut negare vos alienas lectiones legere, si potestis: vt quid audetis Epistolas, ad Corinthios scriptas, legere,



gere, qui Corinthijs communicare noluitis? Vt quid ad Galatas, ad Thessalonicenses scriptas recitatis, in quorum communione non estis?

Et postea: An quia vobis absentibus, illic Prophetæ & Evangelia sancta recitata sunt?

Ac alibi: Per loca singula diuinum sonat vbiq̃ præconium. Non silent ora Lectorum. Manus omnium, codicibus plenæ sunt.

H. Ritus sacrificiorum solennis.

VISA est (inquit idem) puritas, & ritu solito solennis consuetudo perfecta est. Cum viderent diuinis sacrificijs, nec mutatum quicquam, nec additum, nec ablatum. Ibid. l. 3.

I. Oblatio pro Ecclesia vna.

IAM & mendacium vestrum (inquit contra eosdem) hoc loco iuste damnari potest, quo quotidie à vobis sacrificia coniunguntur. Nam quis dubitet, vos illud legitimum in Sacramentorū mysterio præterire non posse? Offerre vos Deo dicitis pro Ecclesia, quæ vna est: hoc ipsum mendacij pars est, vnam te vocare, de qua feceris duas. Et offerre vos dicitis pro vna Ecclesia, quæ sit in toto terrarum orbe diffusa. Quid si unicuique vestrum dicat Deus: Quid offeres pro tota, qui non es in tota? Ibid. l. 2.

K. Oratio pro Imperatoribus.

IAM tunc (inquit de Donato Carthaginensi) meditabatur contra. Ibid. l. 3.  
Itra præcepta Apostoli Pauli, Potestatibus & Regibus iniuriam facere, pro quibus, si Apostolum audiret, quotidie rogare debuerat. Sic enim docet B. Apostolus Paulus: Rogate pro Regibus & Potestatibus, vt quietam & tranquillam vitam cum ipsis agamus. 1. Tim. 2.

L. Corporis & sanguinis Domini in altari præsentia.

QVID enim est altare, (inquit loco supra citato) nisi sedes corporis & sanguinis Domini? Ibid. l. 6.

Et

ET paulopòst: Quid vos offenderat Christus, cuius illic per  
\* habebat? certa momenta corpus & sanguis \* habitabat?

M. Orationis Dominicæ recitatio.

Ibid. l. 2.

**E**T ENIM (inquit alibi) inter vicina momenta, dum manus  
imponitis, & delicta donatis, mox ad altare conuersi, Do-  
minicam orationem prætermittere non potestis. Et utiquè dici-  
tis: Pater noster, qui es in cælis, dimitte nobis debita & peccata  
nostra.

Ibid. l. 3.

ET rursùm: Nobis (inquit) & vobis vna est conuersatio, & si  
litigant hominum mentes, non litigant sacramenta. Vnum Deum  
rogamus, Dominica Oratio apud vos & nos vna est.

N. Pax vobiscum, in sacrificio recitatum.

Ibid.

**E**T non potuistis (inquit ad eosdem) prætermittere, quod le-  
gitimum est. Utiquè dixistis, Pax vobiscum: Cùm Deus  
contrà, pax, & ubi pax? Hoc est dicere, Quid salutas, de quo non  
habes? Quid nominas, quod exterminasti? salutas de pace, qui non  
amas.

#### D. MARTINI TVRONENSIS EPISCO- PI MISSARVM SOLENNIA.

seuer. Sul-  
pit. Dial.  
2. de vita  
s. Mart.

**M**ARTINVM (inquit Seuerus Sulpitius) vsque in eam  
horam, qua solennia populo agi consuetudo deposceret, in  
Secretario sua solitudo cohibebat. Ergò hoc secretum beati viri  
pauper ille captans, cùm ei Archidiaconus dare tunicam distulif-  
set, irrupit, dissimulatum se à clerico querens, ac algere deplorans.  
Nec mora: sanctus, paupere non vidente, intrà amphibalum sibi  
tunicam latenter educit, pauperemque coniectum discedere iu-  
bet. Dein paulopòst Archidiaconus ingressus admonet, pro con-  
suetudine expectare in Ecclesia populum, illum ad agenda Missa-  
rum solennia debere procedere. Cui ille respondens, ait: Pauperem  
priùs (de se autem dicebat) oportere vestiri, se ad Ecclesiam non  
posse



posse procedere, nisi vestem pauper acciperet. Diaconus verò nihil intelligens, quia extrinsecus indutum amphibalo, veste nudum interiùs non videbat, postremò pauperem non comparere causatur. Mihi (inquit) vestis quæ parata est, deferatur: pauper non deerit vestiendus. Arctatus demùm clericus, & necessitate compulsus, iamque felle commotus, è proximis tabernis nigerriam vestem, breuem atque hispidam, quinque comparatam argenteis rapit, atq; ante Martini pedes iratus exponit. En (inquit) vestem, sed pauper hîc non est. Ille nihil motus, iubet eum paulùm stare pro foribus, secretum utique procurans, dum sibi vestem nudus imponeret, totis viribus elaborans, ut posset occultum esse, quod fecerat. Sed quandò in sanctis viris latent ista quærentibus? Velint, nolint, cuncta produntur. Cum hac igitur, oblaturus sacrificium Deo, veste procedit. Quo quidè die (mira dicturus sum) cum iam altarium, sicut est solenne, benediceret, globum ignis de capite illius vidimus emicare, ità ut in sublime contendès, longiùs columnam, crinemq; flamma produceret.

QVOD ipsum occasione similis miraculi repetitur à D. Gregorio Turonensi, in hæc verba: Pro instructione credentium, narrare aliqua nō pigebit, qua scilicet se virtus B. Martini reuelatione reuelauit, ità ut appareret multis ignitus globus ille terribilis, qui quondam eo solennia celebrante, emerferat paucis visibilis, à capitis arce prorumpens.

Greg. Turon. de  
Glor. Cōs  
fess. c. 20.

Ac paulopost: Ingredientibus autem nobis, subitò repleuit cellulam illam fulgor terribilis. ità ut præ timore & splendore nimio, adstantium oculi clauderentur. Discurrebat autem per totam cellulam, tanquàm fulgur, non paruum nobis ingerens metum. Nec quisquam scire poterat quid hoc esset, nisi quòd omnes pauore prostrati, solo iacebant. Tunc ego: Nolite, inquam, timere, virtus est enim sanctorum, quam cernitis. Præsertim autem memoramini librum vitæ beati Martini, & recolite, qualiter verba

L I      sacrata

sacrata promenti, de capite globus ignis egressus, usque ad caelos visus est conscendisse. Ideò nē terreamini, sed ipsum nos cum sanctis reliquijs credite visitasse.

Seuer. Sulpit. Dial. 3. **E**T rursūm (narrante eodem Seuero Sulpitio) testatur Ambrosius ex praefecto, vidisse se Martini manum sacrificium offerentis, vestitam quodammodò nobilissimis gemmis, luce micare purpurea, & ad motum dexteræ, collisarum inter se fragorem audisse gemmarum.

**D. AMBROSII MEDIOLANENSIS  
EPISCOPI MISSA, ET EOD-  
DEM SPECTANTIA.**

**A.** Templorum dedicatio ad sacrificium.

Ambr. sub  
finem ex-  
hort ad  
Virg.

**T**E nunc precor (inquit D. Ambrosius, oratione de dedicatione Ecclesiæ SS. Vitalis & Agricola) ut supra hanc domū tuam, supra hæc altaria, quæ hodiè dedicantur, supra hos lapides spirituales, quibus sensibile tibi in singulis templum sacratum, quotidianus præsul intendas: orationesq; seruorum tuorum, qui in hoc loco funduntur, diuina tua suscipias misericordia. Fiat tibi in odorem sanctificationis omne sacrificium, quod in hoc templo fide integra, pia sedulitate defertur. Et cum ad illam respicis, hostiam salutarem, per quam peccatū mundi huius aboletur, respicias etiā ad has piæ hostias castitatis.

**B.** Idque cum reliquijs Martyrum.

Idē epist.  
85.

**Q**V V M basilicam (inquit alibi) dedicasset, multi tanquā vno ore interpellare coeperant, dicentes: Sic in Romana basilica dedices? Respondi, faciam, si Martyrum reliquias inuenero.

**C.** Eorundem ornatus.

Idē offic.  
l. 2. c. 21.

**M**A X I M E (inquit idem) sacerdoti conuenit, ornare Dei templum decore congruo, ut etiam hoc cultu aula Domini resplendeat.

**D. Sa-**



D. Sacerdotium consecratio per Manûs impositionem.

**M**ANVS verò (inquit) impositiones, verba sunt mystica, q- Idem in 1.  
bus cõfirmatur ad hoc opus electus, accipiens authoritatem Tim. c. 4.  
teste cõscientia sua, vt audeat vice Domini sacrificiũ Deo offerre.

E. Eorum, aliorumq; sacrificij ministrorum continentia.

**I**NOFFENSVM (inquit) exhibendum & immaculatum Idẽ Offic.  
ministerium, nec vllò coniugali coitu violandum cognoscitis, l. 1. c. 50.  
qui integro corpore, incorrupto pudore, alieni etiam ab ipso cõsor-  
tio coniugali, sacri ministerij gratiam recepistis. Quod eò non præ-  
terij, quia in plerisq; additioribus locis cùm ministerium gererët,  
vel etiam sacerdotiũ, filios susceperũt, & id tanquàm vsu veteri de-  
fendũt, quandò per interualla dierũ sacrificium deferebatur: & ta-  
men castificabatur etiam populus per biduum aut triduum, vt ad  
sacrificium purus accederet, vt in veteri testamento legimus: Et la- Exod. 19.  
uabat vestimenta sua. Si in figura tanta obseruantia, quanta in veri-  
tate? Disce sacerdos atque Leuita, quid sit lauare vestimenta tua, vt  
mundum corpus celebrandis exhibeas sacramentis. Si populus sine  
ablutione vestimentorum suorum prohibebatur accedere ad ho-  
stiam suam, tu illotus mente pariter & corpore, audes pro alijs sup-  
plicare? audes pro alijs ministrare?

F. Vasa aurea ad sacrificium initiata.

**Q**VVM esset propositum, (inquit) vt Ecclesiæ vasa iam tra- Idẽ Orat.  
deremus, hoc responsi reddidi: Me, si de meis aliquid posce- in Auxen-  
retur, aut fundus, aut domus, aut aurum, aut argentum: id tium.  
quod mei iuris esset, libenter offerre: templo Dei nil posse decerpe-  
re, nec tradere illud, quod custodiendum, non tradendum, accepe-  
rim. Deindè consulere me etiam imperatoris saluti, quia nec mihi  
expediret tradere, nec illi accipere.

E T alibi: Nos (inquit) aliquandò in inuidiam incidimus, qui Idem l. 2.  
confregerimus vasa mystica, vt captiuos redimeremus. c. 28. offic.

A c paulopòst: Aurum habet Ecclesia, non vt seruet, sed

LI 2 vtero-

vt erogat, & subueniat in necessitatibus.

Et rursum: Sanè si quis deriuat emolumenta, crimen est: Sin verò pauperibus erogat, captiuum redimit, misericordia est. Nemo enim potest dicere, cur pauper viuit? Nemo potest queri, quia captiui redempti sunt: nemo potest accusare, quia templum Dei ædificatum est: nemo potest indignari, quia humandis fidelium reliquijs spatia laxata sunt: nemo potest dolere, quia in sepulturis Christianorum requies defunctorum est: In his tribus generibus vasa Ecclesiæ etiam initiata, confringere, conflare, vendere licet. Opus est vt de Ecclesiæ mystici poculi forma non exeat, nè ad vsus nefarios, sacri calicis ministerium transferatur. Ideò intrà Ecclesiam primùm quæsitæ sunt vasa, quæ initiata non essent, deindè comminuta, postremò conflata, per minutas erogationes dispensata egentibus, captiuorum quoquè precijs profecerunt. Quòd si desunt noua, & quæ nequaquam initiata videantur: in huiusmodi vsus, quos suprà diximus, arbitror omnia piè posse conuerti.

G. Ecclesiæ conuentus ad sacrificium.

Idē Apol.  
David c.  
17.  
Cant. 8.

Cant. 8.

Psal. 50.

Idē offic.  
l. i. cap.  
33.

**M** V R I (inquit) Hierusalem, Ecclesiarum conuentus sunt, toto orbe fundati. Ecclesia enim dicit: Ego murus, & vbera mea turris. Et benè muri Hierusalem, Ecclesiarum conuenticula sunt: quoniam quisquis bona fide atque opere ingreditur Ecclesiam, fit supernæ illius ciuis & incola ciuitatis; quæ descendit de cælo. Hos muros, lapidum ædificat structura viuorum. Videns igitur Hierusalem veram & Sion, dixit: Cùm direxeris in voluntate tua Hierusalem & Sion, tunc acceptabis sacrificium iustitiæ: hoc est, sacrificium corporis Christi.

E T alibi: Augetur beneuolentia cœtu Ecclesiæ, fidei consortio, initiandi societate, percipiendæ gratiæ necessitudine, mysteriorum communione.

H. In ijs silentium & reuerentia.

A N



**A**N quicquam indignius est, (inquit) quàm oracula diuina circumsire, nè audiātur, nè credantur, nè reuelentur? circumsolari sacramenta confusis vocibus, vt impediatur oratio, pro salute deprompta omnium, cū gentiles idolis suis reuerentiam tacendo deferunt? Vndè illud exemplum proditur: Alexandro sacrificante Macedonum rege, puerulum barbarum, qui ei lumen accenderet, excepisse ignem brachio, atque adusto corpore, manifeste immobilem, nec dolorem prodidisse gemitu, nec tacito poenam indicasse fletu. Tanta in puero barbaro fuit disciplina reuerentiæ, vt naturam vinceret: atque ille non deos, qui nulli erant, sed regem timebat. Quid enim timeret eos, quos si idem ignis contigisset, arfissent? Quid, quod quidam in conuiuio patris adolescens iubetur, nè meretricios amores indicijs insolentibus prodat? Et tu in ministerio DEI virgo, gemitus, excreatus, tussis, risus abstine. Quod ille in conuiuio potest, tu in ministerio Dei non potes? Vocis virginitas prima signetur, claudat ora pudor, debilitatem excludat religio, instituat consuetudo naturam. Virginem mihi prius grauitas sua nunciet, pudore obuio, gradu sobrio, vultu modesto, & prænuncia integritatis antecant signa virtutis. Non satis probabilis virgo est quæ requiritur cū videtur. Frequens sermo est, cū plurima ranarum murmura religiosæ auribus plebis obstrepent, sacerdotem Dei præcepisse, vt conticescerent, ac reuerentiam sacræ deferrent orationi: tunc subito circumfusus strepitus quieuisse. Silent igitur paludes, homines non silebunt? Et irrationale animal per reuerentiam recognoscit, quod per naturam ignorat: hominum tantam esse immodestiam, vt plerique deferre nesciant mentium religioni, sed deferunt aurium voluptati?

I.

Inclinatio quoque &amp; prostratio.

**V**ENIT quis (inquit) in Ecclesiam, dum honorem affectat sub Imperatoribus Christianis: simulato metu orationem se fingit deferre, inclinatur, & solo sternitur, qui genu mentis non

Idem in  
Psal. 118.  
serm. 20.

Ll 3

flexe-

flexerit: Videt illum homo, & Christianum putat: videt hominem orantem suppliciter, & credit: sed Deus audit negantem.

K.

Infideles ab oblatione excludendi.

Idem lib.  
7. in Luc.  
cap. 9.

**Q**UAE lector (inquit) agnoscis, infidelis intelligere non debet: non quod cibus imperetur aut potus, sed sacrae oblationis veneranda communio reueletur. Non ergo interdictum est muneris, sed religionis mysterium, communionem nobis cum gentibus mortuis non futuram.

L.

Intra cancellos sacrificij celebratio.

Theodor.  
li. 5. ca. 17.

**T**HEODOSIUS Imperator (inquit Theodoretus) quum dona, uti solebat, obtulisset, intus propè cancellos mansit. At rursus magnus ille Ambrosius non conticuit quidem, sed locorum differentiam eum docuit. Ac primùm sciscitatur, ecqua re egeret: Et cum respondisset Imperator, se expectare diuinorum mysteriorum perceptionem, significauit illi per primarium Diaconum, qui ei ministrabat, ad loca interiora solis sacerdotibus aditum patere, eademque alijs omnibus inaccessa esse, nec debere tangi. Iubet igitur ut exeat, & cum reliquis laicis consistat. Nam purpura, (inquit) imperatores, non sacerdotes, efficit. Quam admonitionem itidem excepit lubens Imperator fidelissimus: responditque se non animi cōfidentia inductum, māsisse intra cancellos, sed hanc cōsuetudinem Cōstantinopoli didicisse. Quare habeo (inquit) etiam pro hac medicina gratiam.

Zozom.  
hist. eccl.  
l. 7. ca. 24.

**E**T post eum Zozomenus: Moris (inquit) erat, ut Imperatores dum sacris interessent, in sacrario federent, Maiestatis ergo à populi consortio separati. Ambrosius autem considerans eam consuetudinem vel ex assentatione, vel ex ordinis inscitia esse natam, Imperatori in Ecclesia locum assignauit ante sacrarij cancellos, ita ut populum Imperator, Imperatorem sacerdotes ordine sedis antecederent. Hanc autem optimam constitutionem Theodosius Imperator approbavit, & successores eius corroborauerunt, ac nos

eam



eam ex eo vsque tempore conseruatam cernimus.

NICEPHORVS quoq;: Dono (inquit) ex consuetudine obla-  
to, intrà sacros cancellos permansit, in sanctiore sacerdotum loco,  
vbì antiquitùs Imperatores consistere mos erat, propter dignitatis  
sublimitatem, à plebe segregatos. Quam rem quòd Ambrosius ad-  
ulationis magis, quàm ordinis recti, esse putabat, Imperialis quoq;  
stationis locum, ità vt par erat, in ordinem suum redegit, pro tabu-  
latis seu cancellis sacrarij sede illi designata: vt Imperator honora-  
torem quidem præ populo stationem haberet: præ illo autem, sa-  
cer ordo locum sublimiorem obtineret. Eum ordinem vt opti-  
mum Theodosius tum laudauit, posteri quoq; confirmârunt: qui  
indè ad hæc vsq; tempora seruat. Niceph.  
eccl. hist.  
li. 12. c. 41.

Ac paulò pòst: Postquàm in sacrarium ingressus est Theodo-  
sius, blandè eum, si quid vellet, Ambrosius interrogauit. Ille verò  
se ibì diuinorum mysteriorum perceptionem expectaturum es-  
se respondit, Antistes, primario diacono internuncio vsus, ei signi-  
ficauit, sacrarium interius à solis adiri sacerdotibus: reliquos autem  
omnes se aditu eius abstinere. Exeūdum igitur sibi esse, & in com-  
muni cum alijs loco standum esse: Purpuram Imperatores, non sa-  
cerdotes, facere dicens. Imperator diuinus, illi rursùm renunciari  
iussit, non temeritate se adductum, sed consuetudinem quæ Con-  
stantinopoli seruaretur, sequutum, intrà sacrarij cancellos venisse.  
Magnas verò eo etià nomine de tali institutiõe se illi gratias agere.

M.

Ad altare sacrificij oblatio.

Nec priùs (inquit Paulinus Mediolanensis presbyter) ad al-  
tare accedere voluit, nisi fide sua Imperator illum agere de-  
bere testaretur. Cui Episcopus: Ergò ago fide tua. Respondit Im-  
perator: Age fide mea. Qua sponsione iterata, iam securus peregit,  
sacerdos diuina mysteria. Paulinus  
in vita  
Ambr.

Eodem pertinet illud D. Ambrosij. Ministerium altaribus  
Christi, non obsequium hominibus, deferendum recepimus. Ambr. li.  
Offic. 1.  
cap. 26.

ET

Idē l. 4. de  
sacr. ca. 12.

ET quod alibi dicit: Forma Corporis Christi, altare est, & corpus Christi est in altari.

Idē l. 5. ca.  
2. de sacr.

Ac postea in eodem opere: Quid est enim altare, nisi forma corporis Christi?

Idem  
Epist. 85.

MULTO etiam apertius id ipsum inculcat, dum de martyribus agit, sub altari sepultis: Succedant (inquit) triumphales victimae in locum ubi Christus hostia est. Sed ille super altare, qui pro omnibus passus est: isti sub altari, qui illius redempti sunt sanguine. Hunc ego locum praedestinaveram mihi. Dignum est enim, ut ibi requiescat sacerdos, ubi offerre consuevit. Sed cedo sacris victimis dexteram portionem: locus iste martyribus debebatur. Condamus ergo reliquias sacrosanctas, & dignis aedibus inuehamus, totumque diem fida deuotione celebremus.

Idē de ijs  
qui myst.  
initiatur,  
cap. 8.

N. Altaris compositio.

VENIT igitur (inquit idem) plebs, & videns sacrosanctum altare compositum, exclamans ait: Parasti in conspectu meo mensam.

Idem lib.  
de sacr.  
4. cap. 3.

ET alibi: Venisti ad altare, vidisti sacramenta posita super altare.

Idem de  
ijs myst.  
init. c. cit.

O. Vsitatum iam tum illud, Introibo ad altare Dei.

HIS abluta (inquit) plebs, diues insignibus, ad Christi contendit altaria, dicens: Et introibo ad altare Dei, ad Deum qui laetificat iuuentutem meam. Depositis enim inueterati erroris exuijs, renouata in aquilae iuuentutem, caeleste illud festinat adire conuiuium.

Idem l. 4.  
de sac. c. 2.

ET alio loco: Veniebas ergo desiderans, utpotè qui tantam gratiam videras: veniebas desiderans ad altare, quo acciperes sacramentum. Dicit anima tua: Introibo ad altare Dei, ad Deum qui laetificat iuuentutem meam. Deposuisti peccatorum senectutem, sumpisti gratiae iuuentutem. Hoc praestiterunt tibi sacramenta caelestia.

P. Suffi-



P. Suffitus altarium.

**V**T IN AM nobis quoquē (inquit) adolentibus altaria, sacrificium deferentibus, adsistat angelus, immò præbeat se videndum. Idem in Luc. ca. 1.

Carminum & hymnorum diuinorum concentus.

**C**ONSIDERATE, (inquit) cuius Maria soror Moyfi, speciem tunc gerebat. Nōne Ecclesię, quę religiosos populi cœtus, qui carmina diuina concinerent, immolato virgo spiritu copulauit? Idem li. 1. de Virg.

ET alibi: Aures tuas (inquit) non penetrabat hymnorum spiritualium cantus. Idem ad virg. laps.

AC rursùm: Nihil incantatores valent aduersùs Ecclesiam, ubi quotidie Christi canticum decantatur. Idem li. 4. Exā. ca. 8.

APER TIVS quoq;: Hęc est enim symphonia, quādò concinit in Ecclesia diuersarum ætatum atque virtutum velut variarum chordarum indiscreta concordia. Psalmus respondetur: Amen dicitur. Hęc est symphonia, quam sciuit & Paulus, & ideo ait: Psallam spiritu, psallam & mente. Idē li. 7. in Luc. c. 15. 1. Cor. 14.

AT QV E hoc est, quod de sacrificij cæremonijs loquens, dicit: Laus Deo defertur. Idē. l. 4. de sacr. ca. 4.

EODEM pertinet illud D. Augustini: Quantum (inquit) fleui in hymnis & canticis tuis, suaue sonantis Ecclesię tuę vocibus commotus acriter: Voces illę influebant auribus meis, & eliquabatur veritas tua in cor meum, & ex ea æstuabat inde affectus pietatis, & currebant lachrymæ, & benè mihi erat cum eis. Non longè cœperat Mediolanensis Ecclesia genus hoc consolationis & exhortationis celebrare, magno studio fratrum concinentium vocibus & cordibus. Nimirum annus erat, aut non multo ampliùs, cùm Iuliana Valentiniani regis pueri mater, hominem tuum Ambrosium persequeretur hæresis suæ causa, qua fuerat seducta ab Arrianis. Excubabat pia plebs in Ecclesia, mori parata cum Episcopo suo, seruo

M m tuo,

tuo. Tunc hymni & psalmi vt canerentur secundum morem Orientalium partium, nè populus mœroris rædio contabesceret, institutum est: & ex illo in hodiernum retentum, multis iam ac penè omnibus gregibus tuis, & per cætera orbis imitantibus.

Ambr.  
Orat. ad  
popul. de  
Auxetio.

ITEM quod de hymnis suis ipse D. Ambrosius commemorat: Hymnorum meorum carminibus populum deceptum volunt. Planè nec hoc abnuo. Grande carmen istud est, & quo nihil potentius. Quid enim potētius, quàm confessio Trinitatis, quæ quotidie totius populi ore celebratur? Certatim omnes studēt fidem fateri, patrem & filium & spiritū sanctum nōrūt versibus p̄dicare.

QVORVM etiam mentionem faciūt D. Benedictus in Regula, Hrabanus Maurus de institut. cler. li. 2. c. 49. Vualafrius Strabus de reb. Eccl. c. 25. Berno de Missa c. 2. ac Decanus Tungrensis frequenter, quorum verba compendij gratia prætermitto.

R. Antiphonarum Vfus.

Paulinus  
in vit. D.  
Ambr.

HOC in tempore (inquit Paulinus Mediolanensis) primū Antiphonæ hymni ac vigilię in Ecclesia Mediolanensi celebrari cœperūt. Cuius celebritatis deuotio vsq; in hodiernum diem non solū in eadem Ecclesia, verū per oēs penè Occidentis prouincias manet.

Vual. Str.  
locis cit.  
Isid. de ec  
cles. offic.  
lib. 1. ca. 7.  
Hrab. de  
inst. cler.  
li. 2. ca. 50.  
Isaiæ 6.

QVI locus citatur ad verbum à Vualafrido Strabo.

INDIPSVM adfirmāt D. Isidorus & Hrabanus: Antiphonas (inquiūt) Græci primū composuerūt, duobus choris alternatim cōcinētibus, quasi duo Seraphim, duo quoq; Testamēta inuicē sibi conclamātia. Apud Latinos aut primus idem beatissimus Ambrosius antiphonas cōstituit, Græcorum exemplum imitatus. Exhinc in cunctis occiduis regionibus earum vsus increbuit.

Sigeb. ad  
ann. 388.

ITEM Sigebertus in Chronicis: Ambrosius ritum canendi Antiphonas in Ecclesia primus apud Latinos trāstulit à Græcis, apud quos hic ritus iam inoleuerat ex instituto Ignatij Antiocheni Episcopi & Apostolorum discipuli, qui per visiōem in cælum raptus, vidit



vidit & audiuit, quomodo angeli per Antiphonarum reciprocationem, hymnos sanctę Trinitati canebant.

QVOD paucis etiam repetit à Martino Polono in Chronicis.

LATISSIME verò omnium Radulphus Tungrēsis: Antiphona (inquit) ex Græco interpretatur vox reciproca, duobus scilicet choris alternatim psallētibz, ordine commutato, siue de vno ad vnum. Quod genus psallendi, Gręci inuenisse traduntur. Tamen ex hoc vniuersaliter in Ecclesiam Dei cantus nō fuit introductus: sed postmodum tempore Theodosij iunioris, sicut in vita B. Ambrosij legitur, in Ecclesia Mediolanensi, Cantus & hymni cęperūt frequentari. Et tempore successiuo à B. Ambrosio apud Latinos, & ad Missam, & ad alias Horas diuinas cantus publicus cum hymnis metricis est introductus. Vnde in Chronicis legitur, quod Ambrosius ritum Antiphonarum in Ecclesia canendarum primus à Gręcis transtulit ad Latinos.

s. Episcopi ad populum salutatio.

Pronūciat (inquit) episcopus huiusmodi ad populū, dicēs: Pax vobis. Ambr. de dign. sacerdot. ca. 5.

t. Populi ad obsecrandum exhortatio.

SACRIFICIA quoq; ipsa (inquit) deo probata esse nō possunt, nisi confessio vocis adspiret, quę sacerdotali oblatione, ad obsecrandam Dei gratiam populos excitare consuevit. Idem de fid. resurr.

v. Orationes quatuor.

OBSECO ergo (inquit Apostolus, teste eodem D. Ambrosio) primū fieri obsecrationes, gratiarum actiones. Prima ergo Oratio laudem debet habere Dei, Secunda supplicationem, Tertia postulationem, Quarta gratiarum actionem. Idem de sacr. lib. 6. cap. 5. 1. Tim. 2.

x. Lēctionum sacrarum lēctio.

QVANTVM (inquit) laboratur in Ecclesia, vt fiat silentium cū lēctiones legūtur? Si vnus loquatur, obstrepit vniuersis. Idē Præf. in Psal. Cū Psalmus legitur, ipse sibi est effector silentij. Omnes loquuntur, & nullus obstrepit.

Mm 2 Et

## LITURGICON ECCLESIAE LATINAE

ET alibi: Reuerētia exhibetur, quum scripturę diuinę legūtur.

AC rursū: Alius distinguendę lectioni aptior, alius psalmo gratior: alius exorcizandis, qui malo laborant spiritu, sollicitior: alius sacrario opportunior habetur. Hęc omnia spectet sacerdos: & quid cuique congruat, id officij deputet. Quō etenim vnumquęque suum ducit ingenium, aut quod officium decet, id maiore implet gratia.

EODEM pertinet & illud: Inuenit S. Iuliana in Ecclesia quod suum dicat, filium sacrarum lectionum oracula personantem.

ILLUD quoquē: Mentem tuam non ventilabat lectionum cęlestium virtus?

Y.

Prophetica &amp; Apostolica lectio.

EO tempore (inquit Seuerus Sulpitius) Ambrosius, cuius hodiē flores eloquij per totam Ecclesiam redolent, Mediolanē. si ciuitati pręerat Episcopus: cui celebranti festa Dominicę diei ista erat consuetudo, vt veniens lector cum libro, non antea legere pręsumeret, quā m nutu sanctis. pręcepisset. Factum est autem, vt illa die Dominica, prophetica lectione iam lecta, ante altare stante, qui lectionem B. Pauli proferret, beatissimus Antistes Ambrosius super altare obdormiret. Quod vidētes multi, cū nullus eum excitare pręsumeret, transactis ferē duarum aut trium horarum spatijs, excitauerūt eum, dicētes: Iam hora pręterijt, iubeat Dñs Episcopus lectori lectiōem legere: expectat enim populus valdē iam lassus. Respondēs autem B. Ambrosius: Nolite (inquit) turbari, multū mihi valet sic obdormisse, qā miraculum magnum Dominus mihi ostēdere dignatus est. Nam noueritis fratrem meum Martinum sacerdotē, de corpore egressum fuisse, me aut eius funeri obsequium prębuisse. Peractoquē ex more seruitio, capitellam tantūm vobis excitātibus, nō expleui. Tūc illi stupefacti pariter & admirātes, diē & tēpus notāt. Qui sollicitē requirētes, ipsam diē, tēpusq; reperiūt, quo beatus confessor dixerat se eius obsequijs deseruisse.

z. Euan.



2. Euangelica lectio.

**P**V L C H R E (inquit) dum legeretur hodiè Euangelium. Ambr. of. fic. l. 1. c. 8.

E T alio loco: Certè sic docuit hodierna, quæ decursa est, lectio, Idem l. 3. de Virg.  
secundùm librum Euangelij Matthæi.

A L I B I quoquè: Considerate quid lectum sit hodiè de Domino Iesu. Idem ad Grat. l. 4. de fid.

R V R S V M: Audistis quid hodiè lectum sit: Pullum sibi a sine Saluator per Apostolos iussit adduci. Quod postea denuò repetit, Idè cõtra Auxēt. de basil. non trad  
ipsum illud Euangelium explicans.

A c iterùm: Audisti frater lectionem Euangelij, in qua decursum est, quòd præteriens Dominus Iesus, vidit à generatione cæcum. Idè epist. 75. ad Bellic.

A L I O deniquè loco: Audistis hodiè in lectione decursa, quid Legio dixerit: Quid mihi & tibi est Iesu fili David? Idem de Hel. & ieiun. c. 20.

A L I O S locos eiusmodi complures in sermonibus siue tractatibus ad populum, prolixitatis vitandæ gratia omittimus.

A a. Earundem Lectionum tractatus ad populum.

**S**E Q V E N T I die, (inquit, ad Marcellinam sororem suam Idè Epist. 33.  
scribens) erat autem Dominica, post Lectiones atque tractatum.

E O D E M pertinet illud D. Augustini de D. Ambrosio: Et eum Aug. Confess. l. 6. c. 3.  
quidem in populo, verbum Dei rectè tractantem, omni die Dominico audiebam.

B b. Oblationum mos.

**H**V C imprimis pertinent verba illa suprà de Theodosio Imperatore citata, & illud Nicephori de eodem: Postquàm Niceph. eccl. hist. l. 12. c. 41.  
verò tempus aduenit, quum eum more recepto, munus ad sacram mensam offerre oporteret, lachrymans surrexit, & diuinum sacramentum ingressus est.

M m 5      D E I N-

Paulin. in  
vit. Amb.

DEINDE & illud Paulini Mediolanensis: Munera Imperatoris (Eugenij nempe) qui se sacrilegio commiscuerat, ab Ecclesia respuebantur, nec orandi illi cum Ecclesia societas tribuebatur.

Ambr.  
epist. 30.

ILLVD item D. Ambrosij ad Valentinianum Imperatorem: Certè si aliud statuitur, Episcopi hoc equo animo pati & dissimulare non possumus. Licebit tibi ad Ecclesiam conuenire, sed illic non inuenies sacerdotem, aut inuenies resistentem. Quid respondebis sacerdoti dicenti tibi: Munera tua non quærit Ecclesia, quia templa Gentilium muneribus adornâsti? Ara Christi dona tua respuit, quoniam aram simulacris fecisti.

Possid. in  
vit. Aug.

Ac quod narrat D. Possidius, Beatissimum Ambrosium, præsentem D. Augustino, in Ecclesia aliquandò tractâsse de neglecto à fidelibus gazophylacio ac sacrario.

c c. Symboli recitatio.

Ambr. in  
epist. 1. ad  
Corinth.

ORARE, dicit deprecari: prophetare autem, aduentum fore Domini, voce symboli post orationem effari.

c. 11.  
Idē Epist.  
33.

d d. Catechumenorum dimissio.

DIMISSIS (inquit) catechumenis symbolum aliquibus competentibus in baptisterijs tradebam basilicæ.

e e. Pœnitentium item exclusio.

Niceph. l.  
12. c. 41.

HVC pertinet inprimis, quod de Theodosio Imperatore scribunt locis citatis Theodoretus, Zozomenus, & Nicephorus: Quū (inquiunt) post Maximum deuictum Theodosius Mediolanum venisset, & in Ecclesiam, sicuti mos est, precatum iret, & iam ad fores eius adesset: occurrens ei Ambrosius, & purpura eius apprehensa, in multitudine media, nè sacrarum ædium vestibulū tangeret, prohibet. Resiste, inquit, virum enim impurum, & manus sanguine innocenti ferè adhuc periniquè stillantes circumferentem, fas non est, ante legitimam debitamq; pœnitentiam, sacrā ingredi ædem, aut diuinorum mysteriorum participem fieri.

Paulin. in  
vit. Amb.

ET quod de eodē facto narrat Paulinus Mediolanensis: Quod factum



factum ubi comperisset sacerdos, copiam Imperatori ingrediendi (sic enim lego, pro eo quod corruptè legitur, egrediendi) Ecclesiã denegauit, nec prius dignum iudicauit cœtui Ecclesię, vel sacramentorum communioni, quàm publicam ageret pœnitentiam.

ITEM quod ad ipsum Theodosium scribit B. Ambrosius: *Off. Ambros. epist. 28.*  
ferre non audeo sacrificium, si volueris assistere. An quod in vnus innocentis sanguine non licet, in multorum licet? Non puto. Postremò scribo manu mea quod solus legas. Ità me Dominus ab omnibus tribulationibus liberet, quia non ab homine, neque per hominem, sed apertè mihi interdictum aduertit. Cùm enim essem sollicitus, ipsa nocte qua proficisci parabam, venisse quidem visus es ad Ecclesiam, sed mihi sacrificium offerre non licuit.

EODEM spectat illud eiusdem: Occiditur & vitulus faginatus, *Idem lib. 7. in Luc. c. 15.*  
vt carnem Domini, spiritali opimam virtute, per gratiam sacramenti, mysteriorum consortio restitutus, epuletur.

f f. Neque enim omnibus conspicua alta mysteriorum.

NON (inquit) omnes vident alta mysteriorum, quia operiuntur à Leuitis, nè videant qui videre non debent: & *Idè Offic. 1. c. 50.*  
sunt, qui seruare non possunt.

c g. Aquæ & vini commixtio.

IN calicem (inquit) mittitur vinum. Et quid aliud? Aqua. Sed *Idem sacr. 1. c. 1.*  
tu mihi dicis: Quomodò ergò Melchisedech panem & vinum obtulit? Quid sibi vult admixtio aquæ? Rationem accipe. Primò omnium, figura quæ antè præcessit tempore Moyse, quid habet? Quia quum sitiret populus Iudæorum, & murmuraret, quòd aquam inuenire non posset, iussit Deus Moyse vt tangeret petram de virga. Tetigit petram, & petra vndam maximam fudit, sicut Apostolus ait: Bibebant autem de consequenti petra, *petra 1. Cor. 10.*  
autem erat CHRISTVS. Non immobilis petra, quæ populum seque-

sequebatur. Et tu bibe, ut te Christus sequatur. Vide mysterium. Moyses, hoc est, propheta: Virga, hoc est, verbum Dei. Sacerdos verbo Dei tangit petram, & fluit aqua, & bibit populus Dei. Tangit ergo sacerdos calicem, redundat aqua in calice, salit in vitam æternam, & bibit populus Dei, qui Dei gratiam consecutus est. Didicisti ergo hoc. Accipe & aliud. In tempore Dominicæ passionis, cum sabbatum magnum instaret, quia vivebat Dominus noster Iesus Christus, vel latrones: missi sunt qui percuterent eum. venientes, inuenerunt defunctum Dominum IESUM Christum. tunc unus de militibus læcea tetigit latus eius, & de latere eius aqua fluxit & sanguis. Quare aqua? quare sanguis? Aqua, ut emundaret: sanguis, ut redimeret. Quare de latere? Quia unde culpa, inde gratia. Culpa per feminam, gratia per Dominum Iesum Christum.

Ioan. 19.

H h. Missa, &amp; oblationis initium.

Idē Epist.  
33.

**I**LLIC nunciatum est, (inquit epist. ad Marcellinam) mihi, comperto, quod ad Patianam basilicam de palatio decanos mississent, & vela suspenderent, populi partem eò pergere. Ego tamen mansi in munere, Missam facere cœpi.

I i. Præfationes Ambrosianæ.

Radulph.  
Tungr. de  
cā. obseru.  
c. ult.

**P**RÆFATIONES (inquit Radulphus Tungrensis) ut dicit Gemma animæ, Dionysius Areopagita putatur composuisse. Ambrosius librum præfationum ordinavit, ex quo in Lombardica multæ præfationes allegantur. In qualibet autē Missa Ambrosiani officij, propria decantatur præfatio.

Alg. l. i. c.  
15.

**Q**UOD authenticum esse testimonium, vel illud comprobat, quod D. Algerus præfationem D. Ambrosij citet de Dominica V. post Pascha.

K k. Oratio pro Imperatoribus.

Amb. cōt.  
relat. Sym  
machi.  
Idē Ep. 29

**N**OS (inquit) ipsis imperatoribus à Christo pacem rogamus.

**E**ODEM pertinet illud eiusdem ad Imperatorem Theodosiū:  
Si



Si indignus sum qui à te audiar, indignus sum qui pro te offeram, cui tua vota, cui tuas committas preces. Ipse ergò non audies eum, quem pro te audiri velis?

L I. Oratio pro populo & Regibus.

**O**RATIO (inquit) præmittitur pro populo, pro Regibus, pro cæteris.

Idem l. 4.  
de sacr. c.

Et alibi latiùs: Hæc regula Ecclesiastica est tradita à magistro gentium, qua vtuntur sacerdotes nostri, vt pro omnibus supplicet: deprecantes pro regibus huius seculi, vt subiectas habeant Gentes, vt in pace positi, in tranquillitate mentis & quiete Deo nostro seruire possimus. Orantes etiam pro ijs, quibus sublimis potestas est credita, vt in iustitia & veritate gubernent rempublicam, supeditante rerum abundantia, vt amota perturbatione seditionis, succedat lætitia.

4.  
Idem in c.  
2. epist. 1.  
ad Timot.

M m. Oblatio.

**D**V M offero (inquit Epist. sæpè citata ad Marcellinam) raptum cognoui à populo Castulum quendam, quem Presbyterum dicerent Arriani. Hunc aut in platea offenderant transientes. Amarissimè flere, & orare in ipsa oblatione Deum cœpi, vt subueniret, nè cuius sanguis in causa ecclesiæ fieret, certè vt meus sanguis pro salute, non solum populi, sed etiam pro ipsis impijs effunderetur.

Idem Epist.  
33.

N n. Confectio sacramentorum.

**V**BI venit (inquit) vt conficiatur venerabile sacramentum, iam non suis sermonibus sacerdos, sed vtitur sermonibus Christi. Ergò sermo Christi hoc conficit sacramentum. Quis sermo Christi? Nempe is, quo facta sunt omnia. Iussit Dominus, & factum est cælum. Iussit Dominus, & facta est terra. Iussit Dñs, & facta sunt maria, Iussit Dominus, & omnis creatura generata est. Vides ergò quàm operatorius sit sermo Christi. Si ergò tanta vis est in sermone Domini Iesu, vt inciperent esse quæ non erant: quanto

Idem de sa.  
cr. d. 4. c. 4.

N n magis

magis operatorius est, ut sint quæ erant, & in aliud commutentur?

O o. Verba ipsa Consecrationis.

Idem de  
sacram. l.  
4. c. 5.

**V**IS scire (inquit) quia verbis cælestibus consecratur? Accipe quæ sunt verba. Dicit sacerdos: Fac nobis (inquit) hanc oblationem ascriptam, rationabilem, acceptabilem, quod est figura corporis & sanguinis Domini nostri Iesu Christi. Qui pridie quàm pateretur, in sanctis manibus suis accepit panem, respexit in cælum, ad te sancte pater omnipotens æterne Deus, gratias agens: benedixit, fregit, fractumque Apostolis suis & discipulis suis tradidit, dicens: Accipite, & edite ex hoc omnes. Hoc est enim corpus meum, quod pro multis confringetur. Similiter & calicem postquàm cœnatum est, pridie quàm pateretur accepit, respexit ad cælum, ad te sancte pater omnipotens æterne Deus, gratias agens: benedixit, Apostolis & discipulis suis tradidit, dicens: Accipite & bibite ex eo omnes: Hic est enim sanguis meus. Vide singula. Qui pridie, inquit, quàm pateretur, in sanctis manibus suis accepit panem. Antequàm consecraretur, panis est: ubi autem verba Christi accesserint, corpus est Christi. Denique audi dicentem: Accipite & edite ex eo omnes, hoc est corpus meum. Et ante verba Christi, calix est vini & aquæ plenus. Ubi verba Christi operata fuerint, ibi sanguis efficitur, qui plebem redemit.

P p. Per hæc verba Christi, benedictio, consecratio,  
& transsubstantiatio.

Idem de  
sacr. l. 4. c.  
4.

**T**V fortè dicis: (inquit eodem loco) Meus panis est vsitatus. Sed panis iste, panis est ante verba sacramentorum: ubi accesserit cōsecratio, de pane fit caro Christi. Hoc igitur adstruamus. Quomodò potest, qui panis est, corpus esse Christi? Consecratione. Consecratio igitur quibus verbis est, & cuius sermonibus? Domini Iesu.

Ibidem.

Ac paulopòst: Ergò tibi ut respondeam, nō erat corpus Christi ante consecrationem, sed post consecrationem dico tibi, quòd  
iam



iam corpus est Christi. Ipse dixit, & factum est: ipse mandauit, & creatum est. Tu ipse eras, sed eras vetus creatura: postea quàm consecratus es, noua creatura esse cœpisti. Vis scire quàm noua creatura? Omnis, inquis, in Christo noua creatura. Accipe ergò quemadmodùm sermo Christi creaturam omnem mutare cōsueuerit, & mutat, quandò vult, instituta naturæ. Quomodò, requiris? Accipe, & primò omnium de generatione eius sumamus exemplum. Consuetudo est, vt non generetur homo, nisi ex viro & muliere, & consuetudine coniugali. Sed quia voluit Dominus, qui hoc elegit sacramentum, & de spiritu sancto & Virgine natus est Christus, hoc est, mediator Dei & hominum homo Christus Iesus. Vides ergò, quia contra instituta & ordinem homo est natus ex virgine? Accipe aliud. Vrgēbatur populus Iudæorum ab Aegyptijs, interclusus erat mari, diuino imperio virga Moyses tetigit aquas, & se vnda diuisit: nō vtiquē secundum suæ naturæ consuetudinē, sed secundū gratiā cælestis imperij. Accipe aliud: Sitiebat populus, venit ad fontē: amarus erat fons, misit lignū sanctus Moyses in fontē, & factus est dulcis fons qui amarus erat. hoc est, mutauit consuetudinem naturæ suæ, accepit dulcedinem gratiæ. Accipe & quartum exemplum. Ceciderat ferrum securis in aquas. quasi ferrum, sua consuetudine demersum est. misit lignum Helisæus, statim ferrū eleuatum est, & aquis supernatauit, vtiquē contra consuetudinem ferri. Est enim materies grauior, quàm aquarum est elementum. Ex his igitur omnibus non intelligis, quantū operetur sermo cælestis. Si operatus est in fonte terreno, si operatus est sermo cælestis in alijs rebus, non operatur in cælestibus sacramentis? Ergò didicisti quòd ex pane corpus fiat Christi, & quòd vinum & aqua in calicem mittitur, sed sit sanguis consecratione verbi cælestis. Sed fortè dicis: Speciem sanguinis non video. Sed habet similitudinem. Sicut enim mortis similitudinem sumpsisti, ita etiam similitudinem preciosi sanguinis bibis, vt nullus

Exod. 14.

Ibid. 15.

4. Reg. 6.

N n 2 horror

Idem de  
ijs qui  
myſter.  
initiant.  
c. 19.

horror cruoris ſit, & precium tamen operetur redemptionis. Didiciſti ergò, quia quod accipis, corpus eſt Chriſti.

Et alibi latiùs: Fortè dicas: Aliud video, quomodò tu mihi aſſeris, quòd Chriſti corpus accipiam? Et hoc nobis adhuc ſuper eſt, vt probemus. Quantis igitur vtimur exemplis, vt probemus non hoc eſſe quod natura formauit, ſed quod benedictio conſecrauit, maioremque vim eſſe benedictionis, quàm naturæ, quia benedictione etiam natura ipſa mutatur? Virgam tenebat Moyſes, proiecit eam, & facta eſt ſerpens. Rurſùs apprehendit caudam ſerpētis, & in virgæ naturam reuertitur. Vides igitur prophetica gratia bis mutatam eſſe naturam & ſerpentis, & virgæ? Currebant Aegypti flumina puro aquarū meatu: ſubitò de fontium venis ſanguis cœpit erumpere. Non erat potus in fluuijs. Rurſùs ad Prophetæ preces cruor ceſſauit fluminum, aquarum natura remeauit. Circumcluſus vndiquè erat populus Hebræorum, hinc Aegyptijs valla- tus, indè mari clauſus: virgam leuauit Moyſes, ſeparauit ſe aqua, & in murorum ſpeciem congelauit, atque inter vndas via ped- ſtris apparuit. Iordanis retrorſùm conuerſus, contra naturam, in ſui fontis reuertitur exordium. Nónne claret, naturam vel ma- ritimorum fluctuum, vel fluuialis curſûs, eſſe mutatam? Siti- bat populus patrum, tetigit Moyſes petram, & aqua de petra flu- xit. Nunquid non præter naturam operata eſt gratia, vt aquam vomeret petra, quam non habebat natura? Marath fluuius ama- riſſimus erat, vt ſitiens populus bibere non poſſet. Miſit Moy- ſes lignum in aquam, & amaritudinem ſuam aquarum natura de- poſuit, quam infuſa ſubitò gratia temperauit. Sub Helifæo pro- pheta vni ex filijs prophetarum excuſſum eſt ferrum de ſe- curi, & ſtatim merſum eſt. Rogauit Helifæum, qui amiſerat fer- rum. Miſit etiam Helifæus lignum in aquam, & ferrum natauit: vtiquè & hoc præter naturam factū eſſe cognoscimus. Grauior eſt enim ferri ſpecies, quàm aquarū liquor. Aduertimus igitur maio- ris

Exod. 15.

4. Reg. 6.



ris esse virtutis gratiam, quàm naturam, & adhuc tamen propheti-  
cæ benedictionis numeramus gratiam. Quòd si tantum valuit hu-  
mana benedictio, vt naturam conuerteret : quid dicimus de ipsa  
consecratione diuina, vbì verba ipsa Domini Saluatoris operantur?  
Nam sacramentum istud quod accipis, Christi sermone confici-  
tur. Quòd si tantum valuit sermo Helix, vt ignem de cælo depo-  
neret: non valebit Christi sermo, vt species mutet elementorum?  
De totius mundi operibus legisti: Quia ipse dixit, & facta sunt: ipse Psal. 148.  
mandauit, & creata sunt. Sermo ergò Christi qui potuit ex nihilo  
facere quod non erat : non potest ea quæ sunt, in id mutare quod  
non erant? Non enim minus est, nouas rebus dare, quàm mutare,  
naturas. Sed quid argumentis vtimur? suis vtamur exemplis, in-  
carnationisquæ exemplo adstruamus mysterij veritatem. Nun-  
quid naturæ vsus præcessit, cum Iesus Dominus ex Maria nascere-  
tur? Si ordinem quærimus, viro mixta sœmina generare consue-  
uit. Liqueat igitur quòd præter naturæ ordinem Virgo generauit:  
& hoc quod conficimus corpus, ex Virgine est. Quid hîc quæris  
naturæ ordinem in Christi corpore, quum præter naturam sit ipse  
Dominus Iesus partus ex Virgine? Vera utiquè caro Christi, quæ  
crucifixæ est, quæ sepulta est: verè ergò carnis illius sacramentum  
est. Ipse clamat Dominus Iesus: Hoc est corpus meum. Ante be- Matt. 26.  
nedictionem verborum cælestium, alia species nominatur: post  
consecrationem, corpus significatur. Ipse dicit sanguinem suum.  
Ante consecrationem aliud dicitur, post consecrationem sanguis  
nuncupatur.

EODEM pertinet illud: Nos quotiescunquè sumimus sacra- Idem ad  
Grat. de  
fid. lib.  
4. cap. 5.  
menta, quæ per sacræ orationis mysterium, in carnem transfigurã-  
tur & sanguinem, mortem Domini annunciamus.

HOC etiam: Et offeras transfigurandum corpus Christi al- Idem de  
incarn.  
Dō. sacr.  
cap. 4.  
taribus.

Qq.

Christi oblatio.

Nn 3

ANTE

**A**NTE (inquit) agnus offerebatur, offerebatur vitulus, nunc Christus offertur: sed offertur quasi homo, quasi recipiens passionem, & offert se ipse quasi sacerdos, ut peccata nostra dimittat. Hic in imagine, ibi in veritate, ubi apud patrem pro nobis quasi aduocatus interuenit.

**R r.** In Christi immolatione angelorum assistentia.

Idē li. 1. in  
Luc. ca. 1.

**N**ON enim dubites (inquit) assistere Angelum: Christus assistit, quando Christus immolatur. Etenim Pascha nostrum immolatus est Christus.

Ibid. li. 8.  
in cap. 18.

**I**TEM postea: Est etiam corpus, de quo dictum est: Caro mea verè est cibus, & sanguis meus verè est potus. Circa hoc corpus verè aquilæ sunt, quæ alis circumuolant spiritualibus.

Idē li. 1. de  
sacr. ca. 2.

**E**T alio loco: Si hic est corpus Christi, hic & angeli constituti sunt. Vbi corpus, ibi & aquilæ, legisti in Euangelio. Vbi Corpus Christi, ibi & aquilæ volare consueverunt.

**s f.** Adoratio Christi.

Idē li. 3. de  
spir. sanct.  
cap. 12.

**V**IDEAMVS tamen, (inquit tractans illud psalmi: Adorate scabellum pedum eius) terram ne illam dicat adorandam Prophetæ, quam dñs Iesus in carnis assumptione suscepit. Itaque per scabellum terra intelligitur, per terram autem caro Christi, quam hodieq; in mysterijs adoramus, & quæ Apostoli in Dño Iesu adorauerunt.

Idē de in-  
carn. Dñ.  
sacr. ca. 7.

**E**ODEM spectat & illud: Nunquid quum & diuinitatem eius adoramus & carnem, Christum diuidimus?

**T t.** Verba sacerdotis post Consecrationem.

Idē l. 4. de  
sacr. ca. 6.

**D**EINDE (inquit) quantum sit sacramentum, cognosce. Vide quid dicat: Quotiescunq; hoc feceritis, toties commemorationem mei facitis, donec iterum adueniam. Et sacerdos dicit: Ergo memores gloriosissimæ eius passionis, & ab inferis resurrectionis, & in cælum ascensionis, offerimus tibi hanc immaculatam hostiam, rationabilem hostiam, incruentam hostiam, hunc panem sanctum, & calicem vite æternæ: & petimus & precamur, ut hanc oblatio-



tionem suscipias in sublimi altari tuo per manus angelorum tuorum, sicut suscipere dignatus es munera pueri tui iusti Abel, & sacrificium patriarchę nostri Abrahe, & quod tibi obtulit summus sacerdos Melchisedech.

v u. In ijs passionis Domini commemoratio.

**E**RGÒ tu audis (inquit) quod quotiescunq; offertur sacrificium, mors Dñi, resurrectio Dñi, eleuatio Dñi significetur, & remissio peccatorum: & panē istum vitę, nō quotidianū, assumis? Qui vulnus habet, medicinā requirit. Vulnus est, quia sub peccato sumus. Medicina est, cēleste & venerabile sacramentum.

Ibid. lib.  
3. cap. 4.

**E**ODEM pertinet illud: Mortem Christi orātes annunciamus. Idē lib. de  
fid. ref.

xx. Defunctorum memoria.

**O**MNIBVS (inquit ad Gratianum & Valentinianum Imp̃p.) iam defunctos vos oblationibus frequentabo.

Idē de ob-  
itu Valēr.

yy. Orationis Dominicę recitatio.

**M**EMINI (inquit) sermonis mei, cū de sacramētis tractarē. Dixi vobis, quōd ante verba Christi, quod offertur, panis dicitur: vbi Christi verba deprompta fuerint, iam non panis dicit, sed corpus appellatur. Quare ergo in Oratione Dñica, quę postea sequitur, ait: Panem nostrum? Panem qdem dixit, sed ἐπιούσιον dicit, hoc est, supersubstantialem. Non iste panis est qui vadit in corpus, sed ille panis vitę eternę, qui animę nostrę substantiam fulcit. Idēd Gręcē ἐπιούσιον dicitur.

Idē l. 5. de  
sacr. ca. 4.

zz. Eiusdem appendix.

**Q**UID sequitur? (inquit) Audi quid dicat sacerdos. Per Dñm nostrū Iesum Christum, in quo tibi est, cū quo tibi est honor, laus, gloria, magnificētia, potestas cum spiritu sancto à seculis, & nunc & semper, & in omnia secula seculorum. Amen.

Ibidē l.  
6. cap. 5.

aaa. Ad altare sacramentorum perceptio.

**L**EUITAM (inquit) vidisti, sed minister est Christi. Vidisti illum ante altaria ministrantem. Ergo chirographum tuum

Ibidē l.  
1. cap. 2.

tene-

tenetur non in terra, sed in cælo. Considera ubi capias sacramenta cælestia.

Ibid. lib.  
5. cap. 3.

**E** T postea: Ergò venisti ad altare, accepisti corpus Christi.  
**A** C paulopòst: Venisti ergò ad altare, accepisti gratiam Christi, sacramenta es cælestia consecutus.

Paul. in  
vit. Amb.

**H** V C pertinet etiam illud Paulini: Per idem tempus Nicentius quidam ex tribuno & notario, quodam pedum dolore tenebatur, ut rarò in publico videretur: cum ad altare accessisset, ut sacramenta perciperet, calcatusque casu à sacerdote, exclamaret, audiuius: Vade, & amodò saluus eris. Nec amplius doluisse pedes, tempore quo sanctus sacerdos de hac luce migravit, lachrymis testabatur.

B b b.

Manuum ad susceptionem Corporis Domini  
extensio.

Theodor.  
& Nicep.  
locis cit.]

**Q** V I E V S (inquit D. Ambrosius, apud Theodoretum & Nicephorum ad Theodosium Imperatorem) diuinum intueberis oculis templum? Quibus pedibus sanctum illud calcabis solum? Quomodò manus extolles, quæ cæde iniqua diffluent? Quomodò etiam diuinum Domini corpus eis accipies? Quomodò sanguinem preciosum ad os afferes, per quod ira transuersim actus, tantum effudisti sanguinis?

c c c.

Responsio Communicantium, Amen.

Ambr. li.  
4. de sacr.  
cap. 5.

**E** R G ò (inquit) non ociosè tu dicis: Amen, iam in spiritu confitens quòd accipias corpus Christi. Dicit tibi sacerdos, corpus Christi. Et tu dicis, Amen, hoc est, verum. Quod confitetur lingua, teneat affectus.

Idè de ijs  
q. in it. my  
ster. lib. 1.  
cap. 9.

**E** T alibi: Et tu dicis, Amen: hoc est, verum est. Quod os loquitur, mens interna fateatur, quod sermo sonat, affectus sentiat.

n d d.

Sacrificia pro defunctis.

Idè de ob  
it. Valèr.

**D** A T E (inquit) manibus sancta mysteria, pio requiem ei poscamus affectu. Date sacramenta cælestia, animam piam nostris



stris oblationibus prosequamur. Extollite populi mecum manus in sancta, ut in eo saltem munere vicem eius meritis rependamus. Nō ego floribus tumulum eius adspargam, sed spiritum eius Christi odore perfundam. Spargant alij plenis lilia calathis, nobis lilium est Christus. Hoc reliquias eius sacrobo, hoc eius gratiā cōmēdabo.

Et alibi in cōsolatoria ad Faustinum: Itaq; nō tam deplorādam Idē Epi. 8.  
q̃ prosequēdam orationib⁹ reor: Nec mœstificādam lachrymis tur-  
is, sed magis oblatiōibus, animā eius Dño commēdādam arbitror.

eee. Idq; in sepultura.

**L**VCESCENTE (inquit Paulinus) die Dominico, cū corpus Paul. in  
illius, peractis sacramētis diuinis, de Ecclesia leuaretur, portā- vic. Amb.  
dum ad basilicā Ambrosianam, in qua positus est, itā ibi dæmonū  
turba clamabat, se ab illo torqueri, ut eiulat⁹ eorum ferri nō posset.

fff. In die II. VII. XXX. & XL.

**E**IVS principis (inquit, de Theodosio agens) & maximē cōcla- Ambros.  
mauimus obitu m, & nūc quadragesimum celebramus, assiste- de obit.  
te sacris altaribus Honorio principe: qui sicut sanctus Ioseph patri Theod.  
suo Iacob quadraginta diebus humationis officia detulit, itā & hic Gen. 50.  
Theodosio patri iusta persoluit. Et quia alij tertium diem & trige-  
simum, alij septimum & quadragesimum obseruare consueuerunt,  
quid doceat lectio, consideremus.

DEEVNCTO (inquit) Iacob, pcepit Ioseph pueris sepultoribus, Ibidem.  
ut sepelirent eum. Et sepeliērūt sepultores Israel, & repleti sunt ei  
quadraginta dies. sic enī dinumerantur dies sepulture. Et luxit eum  
Aegyptus septuaginta diebus. Hęc ergō sequēda solennitas, quam  
pręscribit lectio. Sed & in Deuteronomio scriptum est: Quia plan-  
xerunt filij Israel Moysem diebus triginta, & consummati sunt di- Deut. 34.  
es luctūs.

ggg. Et in anniuersario.

**N**os quoq; ipsi (inquit) natales dies defunctorū obliuiscimur, Idem de  
& eum, quo obiērūt, diem celebri solennitate renouamus. obit. frat.  
orati. 2.

O o h h h, S

Idē li. i. de  
virg. sub  
finem.

h h h. Sacrificium in velatione & consecratione Virginum.

**M**EMORIAE (inquit) nostrę puella, dudum nobilis in seculo, nunc nobilior Deo, cum vrgeretur ad nuptias à parentibus & propinquis, ad sacrosanctum altare cōfugit. Quod enim melius virgo recurreret, quàm ubi sacrificium virginittatis offertur? Ne is quidem finis audacię, Stabat ad aram Dei pudoris hostia, victima castittatis: nunc capiti dexteram sacerdotis imponēs, precem poscens, nūc iustę impatiens morę, summum altari subiectās verticem. Num melius (inqt) mater tu me, quàm altare, velabis, quod sanctificat ipsa velamina? Plūs talis decet flammeus, in quo caput omnium Christus quotidie consecratur.

Idē instit.  
virg. ca. 8.

EODEM pertinet illud eiusdem in Oratione super virgine velanda: Hęc quoque famula tua ad huiusmodi virtutis gratiam laesita, tuis assistit altaribus, non rutilanti cęsarie flauum deferens crinem, flammeo nuptiali dicatum: sed illum crinem, quo Evangelica illa mulier sancta Maria, pedes Christi sedula pietate deterfit, & domum totam effuso impleuit vnguento, sacro offerens velamine consecrandum.

Luc. 7.  
Ioan. 12.

i i i. Sacrificium & cęremonię festi Paschę.

Idem de  
Hel. & ier.  
iun. ca. 10.

**Q**VADRAGESIMA (inquit) totis præter Sabbatum & Dominicam ieiunatur diebus. Hoc ieiuniū Dñi Pascha cōcludit. Venit iam dies resurrectionis, baptizātur electi, veniunt ad altare, accipiunt sacramēta, sitientes totis hauriūt venis. Merito dicūt singuli, refectioni spiritali cibo & spiritali potu: Parāsti in cōspectu meo mēsam, & poculum tuum inebrians quàm præclarum est?

Psal. 21.

Idē Ep. 83.

ET alio loco: Non mediocris (inquit) esse sapientię, diem celebritatis definire paschalis, & scriptura diuina nos instruit, & traditio Maiorum: qui conuenientes ad Synodum Nicenam, inter illa fidei vt vera, itā admirāda decreta, etiam super celebritate memorata, cōgregatis peritissimis calculādi, decem & nouem annorū collegere rationem, & quasi quēdam cōstituere circulū, ex quo exemplum



plum in annos reliquos gigneretur. Hunc circulum Enneadecate-  
rida nuncupauerūt, sequētes illud, q̄ non debeamus vana quadam  
opinione super celebritate huiusmodi fluctuare, sed vera ratione  
comperta, itā omnium cōcurrat affectio, vt vna nocte vbiq; sacri-  
ficium pro resurrectione Dñi deferatur.

APERITIUS deniq; Hęc illa est celestium mysteriorum gra- Idem de  
tia, hoc Paschæ donum, hæc optabilis anni festiuitas, hæc exordia Pasch. c. 5.  
gignentium rerum. Hinc vitalis lauacri sacræ Ecclesiæ editi puer-  
perio infantes, paruulorum simplicitate renati, \* baratro innocētis \* barbyte  
perstrepunt conscientiæ. Hinc casti patres, pudicæ etiam matres,  
nouellam per fidem stirpem prosequuntur innumeram. Hinc  
sub fidei arbore ab vtero fontis innocui cereorum splendet orna-  
tus. Hinc cælestis meriti sanctificantur munere, & sacramenti  
spiritualis celebri mysterio saginantur. Hinc vnus plebis gremio  
beatæ ecclesiæ nutrita fraternitas, vnica diuinitatis substantiam, ac  
virtutis trinum nomen adorātes, Psalmum annuæ festiuitatis cum  
Propheta concelebrant: Hic est dies quem fecit Dominus, exulte- Psal. 117.  
mus & lætemur in eo.

kkk.

Festorum dierum oblatio.

PLERIQUÉ (inquit) eiusmodi dies, vt statim meridianis ho- Idem in  
ris adueniēdum sit in Ecclesiā, canēdi hymni, celebrāda obla- Psal. 118.  
tio. Tūc vtiq; paratus assiste, vt accipias tibi munimentū, vt corpus ferm. 8.  
edas Dñi Iesu, in quo remissio peccatorū est, postulatio diuinæ re-  
cōciliationis, & p̄tectionis æternę. Suscipe antē Dominum Iesum  
tuæ mentis hospitio: vbi corpus eius, ibi Christus est.

lll.

Sacrificium priuatum.

PER idem tempus (inquit de D. Ambrosio Paulinus) quum Paul. in  
Romæ trans Tiberim apud quandam clarissimam inuitatur, vit. D.  
Ambr.  
vt sacrificium in domo offerret: quædam balneatrix, quæ para-  
lytica in lecto iacebat, cū cognouisset ibidē esse Domini sacer-  
dotem, in sellula se ad eandē domū, ad quā ille inuitatus venerat,

O o 2 por-

portari fecit, atq; orāti & imponenti manus vestimēta attigit. Quæ quum exoscularet, statim sanitate recepta ambulare cœpit: vt im-  
 Ioan. 14. pleretur illud Dominicum dictum ad Apostolos: Etiam maiora his facietis, credentes in nomine meo. Quod tamē signum sanitatis vt mirabile fuit, itā etiam nec occultum. Nam ego hoc post annos plurimos, sanctis viris referētibus, positus in vrbe cognoui.

m m m.

Omni saltem hebdomada offerendum.

Ambr. in  
 1. ad Tim.  
 cap. 3.

**N**VNC autem (inquit) septem diaconos esse oportet, & aliquantos presbyteros, vt bini sint per Ecclesias: & vnus in ciuitate Episcopus, ac per hoc oēs à conuentu scēminē abstinere debere, quia necesse est eos quotidie præstō esse in Ecclesia, nec habere dilationem, vt post conuentum legitimē purificentur sicut veteres. Omni enim hebdomada offerendum est, etiam si non quotidie peregrinis, incolis tamen vel bis in hebdomada: & si nō desint, qui propē quotidie baptizentur, ægri. Nam veteribus idē concessum est, quia multo tempore in templo non videbantur, sed erant priuati. Si em̄ plebeijs hominibus orationis causā ad tempus abstinere se præcipit, vt vacent orationi: quāto magis Leuitis aut Sacerdotibus, quos die noctuq; pro plebe sibi commissā oportet orare? Mundiores ergō esse debent cæteris, quia actores Dei sunt.

n n n.

Dominicis diebus assistendum diuinis mysterijs.

Idē serm.  
 1. de S.  
 Laurētio.

**Q**VVM videmus (inquit) plures ē fratribus pigrius ad Ecclesiam conuenire, & Dominicis præcipuē diebus minimē cælestibus interesse mysterijs, prædicamus inuiti: nō quò nos pigeat loqui, sed quia negligentiores prædicatio nostra grauet potius, non emendet.

ibidē.

**Q**VISQVIS enim frater Dominicis non interest sacramentis, necessariō apud deum castrorum desertor est diuinorum. Nam quomodō se excusare potest, qui sacramentorum die prandium sibi domi præparans, prandium cēleste contemnit, & ventris curam faciens, animæ suæ negligit medicinam?

AMBRO.



# AMBROSIANAE MISSAE RITVS ET ORDO.

## IN NATIVITATE DOMINI.

De Natiu.  
Dñi vide  
re est Ser.  
Ambr. 12.  
13. & 16.

A. Oratio secreta, antequàm accedat altare.

**R**OGO te altissime Deus Sabaoth, pater sancte, ut me tunica castitatis digneris accingere, & lumbos meos balteo tui amoris & timoris ambire, & renes cordis mei igne tui charitatis urere, ut pro peccatis meis possim intercedere, & adstantibus veniam peccatorum promereri, ac pacificas singulorum hostias immolare.

E Missal. Mediolan. pleraque desumpta sunt, quibus correspondent quæ de Missa Ambrosiana scribit Radulph. Tugr. Decanus de can. obseru. prop. 12. & 23. uti suis locis hac nota, R. T. adnotaui.

B. Dum accedit altare.

**M**E quoque audacter ad tuum sanctum altare accedentem non sinas perire, sed dignare lauare, ornare, & clementer suscipere, Per Christum Dominum nostrum,

C. Ingressa.

**P**VER natus est nobis, & filius datus est nobis, cuius imperium super humerum eius, & vocabitur nomen eius, magni consilij angelus.

D. Salutatio populi absque versione.

R. T.

DOMINVS vobiscum.

Responsio.

ET cum spiritu tuo.

E. Oratio super populum.

R. T.

**D**EVS qui es mundi creator & rector, da nobis in hac die incarnationis verbi & partus sacrae Mariae virginis pium celebrare consortium: ut qui per tuam gratiam sunt redempti, tua sint

Oo 3

R. T. sint protectione securi. Per eundem Dominum nostrum Iesum Christum, qui tecum viuit & regnat \* Deus, in vnitatem spiritus sancti, per omnia secula seculorum.

Responsio.

AMEN.

F. Rursùm salutatio populi & Responsio.  
DOMINVS vobiscum.

Resp.

ET cum spiritu tuo.

R. T.

G. Hymnus angelicus.

GLORIA in excelsis Deo. Et in terra pax hominibus bonae voluntatis. Laudamus te, benedicimus te, adoramus te, glorificamus te: gratias agimus tibi, propter magnam gloriam tuam. Domine Deus, rex caelestis, Deus pater omnipotens. Domine fili unigenite Iesu Christe, Domine Deus, agnus Dei, filius patris. Qui tollis peccata mundi, miserere nobis. Qui tollis peccata mundi, suscipe deprecationem nostram. Qui sedes ad dexteram patris, miserere nobis. Quoniam tu solus sanctus, tu solus Dominus, tu solus altissimus Iesu Christe, cum sancto spiritu, in gloria Dei patris, Amen.

H. Deindè.

R. T. KYRIE eleison. Kyrie eleison. Kyrie eleison.

I. Iterùm.

DOMINVS vobiscum.

Resp.

ET cum spiritu tuo.

K. Lectionis Propheticae titulus.

Præter Radulphum,  
Lect. Proph. & Apo-  
stolicę meminit etiã  
Seuerus Sulpit. loco  
suprà citato.

LECTIO Isaia Prophetæ.

L. Benedictio.

PROPHETICA doctrina repleas nos gratia diuina:  
In nomine f patris, & filij, & spiritus sancti. Amen.

M. Ipsa



M. Ipsa lectio.

R. T.  
Esaie 9.

PRIMO tempore alleuiata est terra Zabulon & terra Nephtalim, & nouissimò aggrauata est via maris trans Iordanem Galilææ gentium. Populus qui ambulabat in tenebris, vidit lucem magnā: Habitantibus in regione vmbre mortis, lux orta est eis. Multiplicasti gentem, non magnificasti lætitiā. Lætabuntur coram te sicut qui lætantur in messe, sicut exultant victores capta præda, quando diuidūt spolia. Iugum enim oneris eius, & virgam humeri eius, & sceptrum exactoris eius superasti sicut in die Madian: Quia omnis violenta prædatio cum tumultu, & vestimentum mixtum sanguine, erit in combustione & cibus ignis. Paruulus enim natus est nobis, & filius datus est nobis, & factus est principatus super humerum eius, & vocabitur nomen eius, admirabilis, consiliarius, Deus, fortis, pater futuri seculi, princeps pacis. Multiplicabitur eius imperium, & pacis non erit finis. Super folium Dauid, & super regnum eius sedebit, vt confirmet illud, & corroboret in iudicio & iustitia amodò & vsque in sempiternum, dicit Dominus omnipotens.

N. Psalmus.

R. T.

TECVM principium in die virtutis tuæ, in splendoribus sanctorum, ex vtero ante luciferum genui te.

V. Dixit Dominus Domino meo, sede à dextris meis, donèc ponam inimicos tuos scabellum pedum tuorum.

O. Denuò.

DOMINVS vobiscum.

Resp.

ET cum spiritu tuo.

P. Titulus Læctionis Apostolicæ.

R. T.

LECTIO B. Pauli Apostoli ad Hebræos.

O. Benedictio.

APOSTOLICA læctio sit nostræ salutis instructio. In nomi-

ne

ne † patris, & filij, & spiritus sancti. Amen.

R. T.

R. Ipsa lectio.

Ad Heb. 1.

**M**ULTIFARIA multisque modis olim Deus lo-  
quens patribus in Prophetis, nouissimè diebus istis locutus  
est & nobis in filio, quem constituit hæredem vniuersorum, per  
quem fecit & secula. Qui quum sit splendor &c.

R. T.

s. Alleluia cum versu.

**A**LLELUIA. Hodie in Bethleem puer natus est, & no-  
men eius sanctum & terribile.

R. T.

T. Antiphona ante Euangelium.

**G**LORIA in excelsis Deo, & in terra pax, alleluia, alle-  
luia.

v. Rursùm.

DOMINVS vobiscum.

Resp.

Et cum spiritu tuo.

x. Titulus Lectionis Euangelicæ.

LECTIO S. Euangelij secundum Lucam.

y. Benedictio.

PER Euangelica dicta deleantur nostra delicta. In nomine †  
patris, & filij, & spiritus sancti. Amen.

R. T.

z. Ipsa lectio.

Luc. 2.

EXIT edictum à Cæsare Augusto, vt describeretur vniuer-  
sus orbis. Hæc descriptio prima facta est à præside Syriæ Cyrino.  
Et ibant &c.

a a. Iterùm.

DOMINVS vobiscum.

Resp.

Et cum spiritu tuo.

b b. Item.

R. T.

KYRIE eleison. Kyrie eleison. Kyrie eleison.

c c. De



c c. Denuò.

DOMINVS vobiscum.

Resp.

ET cum spiritu tuo.

D d. Antiphona post Euangelium.

R. T.

ECC E annuncio vobis gaudium magnum, quod erit in vniuersa terra: hodiè natus est vobis saluator mundi in ciuitate Dauid: regnabit, & regni eius non erit finis.

E e. Versus.

PACEM habete.

Resp.

AD te Domine.

F f. Rursùm.

DOMINVS vobiscum.

Resp.

ET cum spiritu tuo.

G g. Oratio super sindonem.

R. T.

DEVS qui humanæ substantiæ, dignitatis tuæ gratiam contulisti, da nobis Iesu Christi filij tui diuinitatis esse consortes, qui fragilitatis nostræ dignatus est fieri particeps. Qui tecum viuit.

H h. Oblatio panis azymi cum patena.

SUSCIPE clementissime pater hunc panem sanctum, vt fiat vnigeniti tui corpus, in nomine † patris, & † filij, & spiritus † sancti. Amen.

I i. Oblatio vini aqua mixti in calice.

SUSCIPE clementissime pater hunc calicem, vinum aqua mixtum, vt fiat vnigeniti tui sanguis, in nomine † patris, & † filij, & spiritus † sancti. Amen.

K k. Orationes secretæ ad munus oblatum.

OMNIPOTENS sempiternæ Deus, placabilis, & acceptabilis sit tibi hæc oblatio, quam ego indignus pro me misero peccatore,

P p

&amp; pro

& pro delictis meis innumerabilibus tuæ pietati offero, vt veniam & remissionē omnium peccatorum meorum mihi cōcedas, & iniquitates meas nē respexeris, sed sola tua misericordia mihi profuit indigno: Per Christum Dominum.

Et suscipe sancta Trinitas hanc oblationē, quam tibi offerimus pro regimine & custodia, atque vnitāte catholicæ fidei, & pro veneratione quoquē beatæ Dei genitricis Mariæ, omniumque simul sanctorum tuorum, & pro salute & incolumitate famulorum famularumque tuorum N. & omnium, pro quibus clementiam tuam implorare polliciti sumus, & quorum quarumque elemosynas suscepimus, & omnium fidelium Christianorum tam viuorum quàm defunctorum, vt te miserante remissionem peccatorum, & æternæ beatitudinis præmia in tuis laudibus fideliter perseuerando percipere mereantur, ad gloriam & honorem nominis tui Deus, misericordissime rerum conditor: Per Christum Dominum.

Et suscipe sancta Trinitas hanc oblationem pro emendatione mea, vt munda & purges me ab vniuersis peccatorum maculis, quatenus tibi dignè ministrare merear Deus & clemētissime Domine. Benedictio Dei patris † omnipotentis, & † filij, & spiritus † sancti copiosa de cælis descendat super hanc nostram oblationem, & accepta tibi sit hæc oblatio Domine sancte, pater omnipotens, æterne Deus, misericordissime rerum conditor. Amen.

R. T.

E. I. Offerenda.

Eccē apertum est templum tabernaculi testimonij, & Hierusalem noua descendit de cælo, in qua est sedes Dei & agni: & serui eius offerunt ei munera, dicentes: Sanctus, sanctus, sanctus, Dominus Deus omnipotens, qui erat, & qui est, & qui venturus est. V. Et ecce sedet in medio eius super thronū maiestatis suæ agnus, & vox sonat ante eum, dicens: Vicit Leo de tribu Iudæ radix Dauid, & quatuor animalia requiem non habent, dicētia sedenti super thronum: Sanctus.

mm. De



M m. Denuò,

DOMINVS vobiscum.

Resp. ET cum spiritu tuo.

N n. Symbolum.

CREDO in vnum Deum, patrem omnipotentem, factorem R. T.  
 cæli & terræ, visibilibus omnium & invisibilibus: & in vnum Do-  
 minū Iesum Christum, filium Dei vnigenitum, & ex patre natum  
 ante omnia secula, Deum de Deo, lumen de lumine, Deum verum  
 de Deo vero: Genitum, non factum, consubstantialem patri, per  
 quem omnia facta sunt. Qui propter nos homines, & propter no-  
 stram salutem descendit de cælis: & incarnatus est de spiritu sancto  
 ex Maria virgine, & homo factus est. Crucifixus etiam pro nobis  
 sub Pontio Pilato, passus & sepultus est. Et resurrexit tertia die se-  
 cundum scripturas. Ascendit ad cælos, sedet ad dexteram patris.  
 Et iterum venturus est cum gloria, iudicare viuos & mortuos, cuius  
 regni non erit finis. Et in spiritum sanctum Dñm, & viuificantem:  
 qui ex patre filioq; procedit, qui cum patre & filio simul adoratur,  
 & conglorificatur, qui locutus est per prophetas. Et vnam sanctam  
 catholicam & Apostolicam Ecclesiam. Confiteor vnum baptisma  
 in remissionem peccatorum. Et expecto resurrectionem mortuo-  
 rum, & vitam venturi seculi. Amen.

O o. Rursùm.

DOMINVS vobiscum.

Resp.

ET cum spiritu tuo.

P p. Oratio super oblatam alta voce dicenda.

R. T.

Grata tibi sit, quæsumus Domine, hodiernę natiuitatis Domini  
 nostri Iesu Christi hæc oblatio. Vt tua gratia largiente, per hæc sa-  
 cro sancta commercia, in ipsius inueniamur forma, in quo & no-  
 stram credendo speramus esse substantiam. Qui tecum &c. Per  
 omnia secula seculorum. R. Amen.

Q q. Pręfatio in canonem.

R. T.

P p. 2 Do-

DOMINVS vobiscum.

Resp.

Et cum spiritu tuo.

SVRSVM corda.

Resp.

HABEMVS ad Dominum.

GRATIAS agamus Deo nostro.

Resp.

DIGNVM & iustum est.

R r. Præfatio.

Ms. VERE. Quia dignum & iustum est, æquum & salutare &c. Per Christum Dominum nostrum.

\* qui me- stitatis. O beatum & sacrosanctum Mariæ virginis vterum, \* quæ  
ruit mun- sola meruit inter mulieres suis visceribus mundi portare Domi-  
di portare num: ad nostram quoque salutem æternam edidit Christū. Gau-  
Dominū, deat itaq; vniuersus orbis, quia ex mēbris virginalibus egressus est  
Deus. Cōgratuletur innumerabilis multitudo angelorū exercitūs,  
cum quibus innumerabilem gloriam tuam canimus, sine fine di-  
centes: Sanctus.

R. T.

S s. Hymnus trishagios.

SANCTVS, sanctus, sanctus, Dominus Deus sabaoth. Pleni sunt cæli & terra gloria tua, hosanna in excelsis.

Benedictus qui venit in nomine Domini, hosanna in excelsis.

Meminit huius ipse  
Ambr. l. 4. de sacr. c.  
4. & in cap. 2. epist.  
1. ad Timoth. verbis  
suprà citatis,

r t. Oratio pro populo, Regibus, & cæ-  
teris viuīs.

TE igitur clementissime pater, per Dominum nostrū  
Iesum



**I E S V M** Christum filium tuum, supplices rogamus & petimus, vt accepta habeas, & benedicas † hæc dona, † hæc munera, † hæc sancta sacrificia illibata: In primis quæ tibi offerimus pro Ecclesia tua sancta Catholica, quam pacificare, custodire, adunare, & regere digneris toto orbe terrarum, vnâ cum famulo & sacerdote tuo Papa nostro N. & Pontifice nostro N. & famulo tuo N. Imperatore, sed & regibus & cæteris orthodoxis atque Catholicæ & Apostolicæ fidei cultoribus.

**M E M E N T O** Domine famulorum famularumque tuorum, & omnium circumstantium, quorum tibi fides cognita & nota deuotio, pro quibus tibi offerimus, vel qui tibi offerunt hoc sacrificium laudis, pro se suisque omnibus, pro redemptione animarum suarum, pro spe salutis & incolumitatis suæ, tibiq; reddunt vota sua, æterno Deo, viuo & vero.

v u. Infra actionem.

**COMMUNICANTES** & memoriam venerantes, in primis gloriosæ semperque virginis Mariæ genitricis Dei ac Domini nostri Iesu Christi, sed & beatissimorum Apostolorum & martyrum tuorum Petri & Pauli, Andreæ, Iacobi, Ioannis, Thomæ, Iacobi, Philippi, Bartholomæi, Matthæi, Simonis & Thaddæi, Xysti, Laurentij, Hippolyti, Vincentij, Cornelij, Cypriani, Clementis, Chrysogoni, Ioannis & Pauli, Cosmæ & Damiani, Apollinaris, Vitalis, Nazarij & Celsi, Protasij & Geruasij, Victoris, Naboris, Felicis, Calimeri, Materni, Eustorgij, Dionysij. Et omnium sanctorum tuorum, quorum meritis precibusque concedas, vt in omnibus protectionis tuæ muniamur auxilio. Per Christum Dominum nostrum.

Nihil obstat quod Diuus Syriacus Papa hoc Missæ adiecit scribatur, quia sub illo vixit aliquandiu D. Ambrosius qui ss. Apollinarem & cæteros Mediolanenses infra scriptos addidit.

xx.

Inuocatio sacerdotis.

**F A C** nobis Deus hanc oblationem ascriptam, rationabilem, acceptabilem, quæ nobis corpus & sanguis fiat di-

Hoc etiâ ex ipso Ambrosio descriptum est lib. 4. de sacr. cap. 5.

Pp 3 le-

lectissimi Filij tui, DE I & Domini nostri Iesu Christi.

yy. Ablutio digitorum.

LAVABO inter innocentes manus meas, & circumdabo altare tuum Domine, ut audiam vocem laudis tuæ, & enarrem universa mirabilia tua.

Etiam hæc  
Ambrosi-  
ana sunt  
loc. cit.

zz. Consecratio panis per verba Christi.

QUI pridie quam pateretur, in sanctis manibus suis accepit panem, respexit in cælum, ad te sancte pater, omnipotens æterne Deus, gratias agens, benedixit, fregit, fractumque Apostolis suis & discipulis suis tradidit, dicens: Accipite & edite ex hoc omnes. **HOC EST ENIM CORPUS MEVM**, quod pro multis confringetur.

Itē & hæc. aaa. Consecratio calicis per verba Christi.

SIMILITER etiam calicem postquam cœnatum est, pridie quam pateretur, accepit: respexit ad cælum, ad te sancte pater, omnipotens æterne Deus, gratias agens, benedixit, Apostolis [ & discipulis ] suis tradidit, dicens: Accipite & bibite ex eo omnes. **HIC EST ENIM SANGVIS MEVS.**

Ex eodem  
Ambros.  
lib. cap. 6.  
\* hæc

MANDANS quoque & dicens ad eos: Quotiescunque \* hoc feceritis, toties commemorationem meam facietis, [ mortem meam predicabitis, resurrectionem meam annunciabitis, aduentum meum sperabitis ] donec iterum adueniam.

ebb. Commemoratio, passionis, resurrectionis, & Ascensionis Domini.

Ibidem.

ERGÒ memores gloriosissimæ eius passionis, & ab inferis resurrectionis, & in cælum ascensionis, offerimus tibi hanc immaculatam hostiam, rationabilem hostiam, incruentam hostiam, hunc panem sanctum, & calicem vite æternæ.

ET petimus & precamur, ut hanc oblationem suscipias, in sublimi altari tuo per manus angelorum tuorum, sicut suscipere digna-



dignatus es munera pueri tui iusti Abel, & sacrificium patriarchæ nostri Abrahamæ, & quod tibi obtulit summus sacerdos tuus Melchisedech.

ccc. Oratio pro defunctis.

MEMENTO etiam Domine famulorum famularumque tuorum N. qui nos præcesserunt cum signo fidei, & dormiunt somno pacis: ipsis & omnibus in Christo quiescentibus locum refrigerij, lucis, ac pacis vt indulgeas, deprecamur. Per eundem Christum Dominum.

Alludit  
ad hæc eti-  
am Amb.  
de obitu  
Valenti-  
niani.

ddd. Oratio sacerdotis pro seipso.

NOBIS quoque minimis & peccatoribus famulis tuis, de multitudinem misericordiæ tuæ sperantibus, partem aliquam & societatem donare digneris cum tuis sanctis Apostolis & martyribus, cum Ioanne & Ioanne, Stephano, Andrea, Petro, Marcellino, Agnete, Cæcilia, Felicitate, Perpetua, Anastasia, Agatha, Euphemia, Lucia, Apollonia, Iustina, Sauina, Tecla, Pelagia atque Catharina. Et cum omnibus sanctis tuis: intra quorum nos consortium, non æstimator meriti, sed veniæ, quesumus, largitor admitte. Per Christum Dominum nostrum.

PER quem hæc omnia Domine semper bona creas, † sanctificas, † viuificas, † benedicis, & nobis famulis tuis largiter præstas, ad augmentum fidei, & remissionem omnium peccatorum nostrorum. Et est tibi D E O patri omnipotenti, ex ipso †, & per ipsum †, & in ipso †, omnis honor, virtus, laus & gloria, imperium †, perpetuitas †, & potestas † in vnitæte spiritus sancti: Per infinita secula seculorum. Amen.

eee. Confractio hostiæ, & commixtio  
in calice.

CORPVS tuum frangitur Christe, calix benedicitur: sanguis tuus sit nobis semper ad vitam & ad saluandas animas, Deus noster.

COM-

COMMIXTIO consecrati corporis & sanguinis Domini nostri Iesu Christi, nobis edentibus & sumentibus proficiat ad vitam & gaudium sempiternum.

R. T. fff. Confractorium siue Antiphona ad contractionem.

MAGNUM & salutare mysterium Dei nostri: quæ peperit, & mater & virgo est: quem peperit, Deus & homo est: ipse est creator omnium, filius virginis, Dominus genitricis.

Huius quoque meminit Ambrosius lib. 5. de sacr. c. 4. Ambrosius ibi lib. 6. ca. 5.

ggg. Oratio Dominica.

DIVINO magisterio edocti, & salutaribus monitis instituti, audemus dicere: Pater noster qui es in cælis &c.

Eiusdem appendix.

PER Dominum nostrum Iesum Christum, in quo tibi est, cum quo tibi est honor, laus, gloria, magnificentia, potestas cum spiritu sancto à seculis, & nunc & semper & in omnia secula seculorum. Amen.

hhh. Pacis nunciatio.

V. Pax & communicatio Domini nostri Iesu Christi sit semper vobiscum.

R. Et cum spiritu tuo.

V. Offerte vobis pacem.

R. Deo gratias.

V. Pax in cælo, pax in terra, pax in omni populo, pax sacerdotibus Ecclesiarum DEI. Pax Christi & Ecclesiæ maneat semper vobiscum.

iii. Oratio ante Communionem corporis Domini.

DOMINE sancte, pater omnipotens, æterne Deus, da mihi hoc corpus Iesu Christi filij tui Domini mei ita sumere, ut non sit mihi ad iudicium, sed ad remissionem omnium peccatorum meorum. Qui tecum.

kkk. Item ante Communionem sanguinis Domini,

PRÆ



PRÆSTA, quæſo Domine, vt perceptio corporis & ſanguinis Dñi noſtri Ieſu Chriſti, quem pro nobis dignatus es effundere, ab omni nos peccati macula purget, & ad vitam perducatur æternam, Amen.

L II. Orationes poſt ſumptionem vtriuſque.

DEO gratias, Deo gratias. Accepta Chriſti munera ſumamus Dei gratia, non ad iudicium, ſed ad ſaluandas animas Deus noſter.

CONFIRMA hoc DEVS quod operatus es in nobis, & dona Eccleſiæ perpetuam tranquillitatem & pacem. Per Dominum noſtrum.

ASCENDAT Domine oratio noſtra ad thronum Maieſtatis tuæ, & nè vacua reuertatur ad nos poſtulatatio noſtra, Domine exaudi orationem noſtram. Et clamor noſter ad te perueniat. Et nè vacua reuertatur &c.

mm. Communio adſtantium.

V. Corpus Chriſti.

R. Amen.

nnn. Tranſitorium.

GAUDE & lætare exultatio angelorum. Gaude Domini virgo, Prophetarum gaudium. Gaudeas benediſta, Dominus tecum eſt. Gaude quæ per angelum gaudium mûdi ſuſcepisti. Gaude quæ genuiſti factorem & Dominum. Gaudeas, quia digna es eſſe mater Chriſti.

ooo. Salutatio populi.

V. Dominus vobis cum.

R. Et cum ſpiritu tuo.

ppp. Oratio poſt Communionem.

REPLE, quæſumus, Domine ſamulos tuos tua ſacra benedictione: vt qui te factorem & conditorem ad eos renouandos Dominum noſtrum Ieſum Chriſtum adueniſſe confidunt, te au-

Qq thore

Hoc quo-  
q; de ſum-  
ptum eſt,  
ex Ambr.  
li. de ſacr.  
4. cap. 5.

R. T.

thore iugiter operante saluentur. Qui cum patre & spiritu sancto  
viuis & regnas.

℣℣℣. Iterum.

DOMINVS vobiscum.

R. Et cum spiritu tuo.

℞℞℞. Rursum.

R. T.

Kyrie eleison, Kyrie eleison, Kyrie eleison.

s f f. Benedictio.

R. T.

V. Benedicat & exaudiat nos Deus.

R. Amen.

℣℣℣. Dimissio populi.

PROCEDAMVS in pace.

R. In nomine Christi.

AMBROSIANAE MISSAE  
ORATIONES ET PRAEFATIONES PER RELI-  
QVVM ANNI CIR-  
CVLVM.

IN NAT. B. STEPHANI.

Oratio super populum.

sequentia ex Missal.  
Mediolā. desumpta  
sunt. Inter quæ præ-  
fationes etiam quæ-  
dam cum codice  
Ms. Guilielmitarū  
Brugē collatæ sunt.  
Quibus notulam  
MS. adiecimus.

OMNIPOTENS sempiternus Deus, qui primitias  
martyrum in sancti Leuitæ Stephani sanguine dedicasti:  
tribue, quæsumus, vt pro nobis intercessor existat, qui pro  
suis etiam persecutoribus supplicauit nominum nostrum  
Iesum Christum filium tuum. Qui tecum.

Oratio super sindonem.

DA, quæsumus, omnipotens Deus, vt beati protomar-  
tyris



tyris tui Stephani post natiuitatem Dñi nostri Iesu Christi solennia recensentes, & meritis ipsius protegamur, & precibus adiuuemur. Per eundem Dominum.

Oratio super oblatam.

Hoc munus populi tui Domine, Leuitæ & protomartyris tui Stephani deprecatione sit gratum, vt ecclesia tua eius semper intercessionibus adiuuetur, cuius sine cessatione instruitur disciplinis. Per Dominum nostrum.

Præfatio.

AETERNE Deus. Qui Leuitarum præconem vocâsti Stephanum: Hic tibi primus dedicauit martyrij nomen: Hic tibi inchoauit primus effundere sanguinem: Hic meruit videre cælos apertos, & filium stantem ad dexteram patris. In terris hominem adorabat, & in cælo filium patris esse clamabat. Hic magistri verba referebat, quia quod Christus dixit in cruce, hoc Stephanus docuit in sanguinis sui morte. Christus in cruce indulgentiam seminabat, & Stephanus pro suis lapidatoribus Dominum supplicabat. Propterea cum angelis & archang.

Oratio post Communionem.

GRATIAS tibi agimus Domine, multiplicatis circa nos miserationibus tuis, qui & filij tui natiuitate nos saluas, & B. protomartyris tui Stephani deprecatione sustentas. Per eundem Dominum.

## B. IN NAT. B. IOANNIS APOSTOLI ET EVANGELISTAE.

Oratio super populum.

DEUS, qui per os beati Apostoli tui Ioannis Euangelistæ, verbi tui nobis arcana referâsti: præsta, quæsumus, vt quod ille nostris auribus excellenter infudit, intelligentiæ competentis eruditione capiamus. Per eundem Dominum.

Qq 2 Oratio

Oratio super find.

PRAESTA, quæsumus, omnipotens Deus, ut verbum caro factum, quod B. Ioannes Euangelista prædicauit, per hoc sui mysterium habitet semper in nobis. Qui tecum.

Oratio super obl.

SUPPLICATIONIBVS Apostolicis B. Ioannis Euangelistæ, quæsumus Domine, Ecclesiæ tuæ commendetur oblatio, cuius magnificis prædicationibus eruditur. Per Dominum nostrum.

Præfatio.

M. S.

AETERNE Deus. Beati Ioannis Euangelistæ merita recolentes, quem Dominus Iesus Christus non solum peculiari semper decore ornauit, sed & in cruce positus, tanquam hæreditario munere profecutus, vicarium pro se matri filium clementer adtribuit. Quem intantum benignitas indulta præfecit, ut & factus ex piscatore discipulus, & humanæ dispensationis modum excedens, ipsam verbi tui sine initio Deitatem, præ ceteris & mente conspiceret, & voce proferret. Propterea cum angelis & archang.

Oratio post Communionem.

APOSTOLICA B. Ioannis Euangelistæ, quæsumus Domine, intercessionem nos adiuua, pro cuius solennitate percepimus tua sancta lætantes. Per Dominum nostrum.

### C. IN NAT. BEATORVM INNOCENTVM.

Oratio super populum.

LAETETVR, quæsumus, Domine Ecclesia tua de tuorum celebritate infantum, & misericordiæ tuæ iugiter experiatur effectum: quod & fragilitas humana subsistat, & diuina supplicantibus redemptio non negetur. Per Dominum nostrum.

Oratio super find.

TRE-



TRIBVE, quęsumus, omnipotens Deus, vt Innocentum sinceritatem possimus imitari, quorum tibi dicatam veneramur infantiam, Per Dominum.

Oratio super obl.

PRAESTA, quęsumus, omnipotens Deus, vt & hi martyres tui pro nobis interueniant, quorum clara prior est confessio, quàm loquela. Per Dominum nostrum.

Præfatio.

AEQVVM & salutare. Nos in preciosa morte paruulorum te, *Ms.* sancte pater omnipotens, gloriosius collaudare, quos propter filij tui Domini nostri Saluatoris infantiam, bestiali sæuitia Herodes funestus occidit. Immensa clementiæ tuæ \* dona cognoscimus. \* benefi. Fulget nanque sola magis gratia, quàm voluntas: & clara est prius <sup>cia</sup> confessio, quàm loquela. Antè passio, quàm membra passionis existerent. Testes Christi, qui eius nondum fuerant agnitores. O infinita benignitas omnipotentis, cùm pro suo nomine trucidatis, etiam nescientibus, æternæ meritum gloriæ perire non patitur, sed proprio cruore perfusis, & salus regenerationis expletur, & imputatur corona martyrij. Per eundem.

Or. post Com.

HODIERNÆ solennitatis effectu sumpsimus Domine gaudia magna de paruis, suppliciter exorantes, vt hanc abundantiam in nostra quoquē saluatione defendas. Per Dominum nostrum Iesum Christum,

D. IN ORDINATIONE B. IACOBI  
ALPHAEI APOSTOLI  
XXX. DEC.

Or. super populum.

DEVS, qui huius diei venerandam sanctamque lætitiā beati Apostoli tui Iacobi festiuitate tribuisti, da Ecclesiæ  
Qq 3 tuæ

tuæ & amare quod credidit, & prædicare quod docuit. Per Dominum nostrum Iesum Christum.

Or. super find.

TRIBVE, quæsumus, omnipotens Deus, vt cuius doctrina populus tuus ad confessionem Deitatis tuæ est institutus, eius suffragantibus meritis, diuinæ seruiat vnitati. Per Dominum nostrum,

Or. super oblata.

Supplicationibus, vt suprà in Nat. D. Ioannis.

Præfatio.

AETERNE Deus. Maiestatem tuam suppliciter deprecantes, vt digneris nos beati Iacobi Apostoli dignis precibus confouere, vt cuius victorijs sine cessatione gaudemus, protectione perpetua muniamur. Per Christum Dominum.

Or. post Com.

PIGNVS vitæ æternæ capientes, humiliter te Domine imploramus, vt Apostolicis fulti patrocinijs, quod in imagine contingimus sacramenti, manifesta perceptione sumamus. Per Dominum nostrum Iesum Christum filium tuum, qui tecum.

#### E. DOMINICA I. POST NATIVITATEM DOMINI.

Or. super populum.

RESPICE, quæsumus, Domine populum supplicantem misericordiâ tuam, ac dispone prælijs, vt te in omnibus rectore gratuletur, quia non habet nisi in tua tantum pietate fiduciam. Per Dominum.

Super find.

PATEANT aures misericordiæ tuæ, Domine, precibus supplicantium: & vt petentibus desiderata concedas, fac eos quæ tibi sunt placita, postulare. Per Dominum,

Super



Super obl.

RESPICE Domine, quęsumus, nostram propitijs seruitutem: vt quod offerimus, sit tibi munus acceptum, sit nostrę fragilitati subsidium. Per Dominum nostrum.

Pręfatio.

ÆTERNE Deus. Suppliciter implorantes, vt filius tuus Iesus Christus, qui se vsque in finem seculi suis promisit fidelibus affuturum, & pręsentię corporalis mysterijs non deferat, quos redemit, & maiestatis suę beneficijs non relinquat. Quem laudant.

Post Com.

REPLETI sumus Domine muneribus tuis: tribue, quęsumus, vt eorum emundemur effectū, & muniamur auxilio. Per Dominum nostrum.

F. INFRA OCT. NAT. DOMINI.

DEVS, qui restaurationem conditionis humanę mirabiliter operaris: tribue, quęsumus, vt simul perficiatur in nobis, quod verbi tui creauit dignatio, & quod eius hominis facti gloriosa natiuitas reformauit. Per eundem.

Super sindonem.

DEVS, qui humanum genus principaliter sauciatur, Christi tui natiuitate saluare dignatus es: pręsta, quęsumus, vt non inhecreamus perditionis auctori, sed ad redemptoris nostri consortia transferamur. Per eundem Dominum.

Super obl.

OBLATIO tibi sit Domine, quęsumus, hodiernę festiuitatis accepta, quia & nostrę reconciliationis processit perfecta placatio, & diuini cultus nobis est indita plenitudo. Per Dominum nostrum.

Pręfatio.

ACTEON

AETERNE Deus. Tuæ laudi hostiam iugiter immolantes cuius figuram Abel iustus instituit, agnus quoque legalis ostendit, celebrauit Abraham, Melchisedech sacerdos exhibuit: sed verus agnus & æternus Pontifex hodiè natus Christus impleuit. Et ideò cum angelis.

Post Com.

HIS Domine sacramentis tuus nos semper natalis instauret, cuius nouitas siugularis, humanam repulit vetustatem. Qui cum patre.

De Caléd.  
Ianuar. ha  
bet Serm.  
Ambr. 17.

G. IN OCTAVA DOMINI.

OMNIPOTENS sempiternæ Deus, qui tuæ mensæ participes, à diabolico iubes abstinere conuiuio: da, quæsumus, plebi tuæ, vt gustu mortiferæ prophanitatis abiectò, puris mentibus ad epulas æternæ salutis accedat. Per Dominum nostrum.

Super find.

OMNIPOTENS sempiternæ Deus, qui in vnigenito tuo nouam creaturam nos tibi esse fecisti, custodi opera misericordiæ tuæ, & ab omnibus nos maculis vetustatis emunda: vt per auxilium gratiæ tuæ, in illius inueniamur forma, in quo tecum est nostra substantia. Qui tecum.

Super obl.

Muneribus nostris, quæsumus Domine, precibusque susceptis, & cælestibus nos munda mysterijs, & clementer exaudi. Per Dominum.

MS.

Præfatio.

PER Christum Dominum nostrum. Qui vt nos à graui seruitute legis redimeret, circumcisionis legalis \* purificationem accepit: In qua & obseruationis antiquæ probator existeret, & humanam in se naturam vetustate expolians innouaret. Præteriti sacramentorum consummator mysterij, idem legislator & custos, præcipiens



cipiens & obediens, diues in suo, pauper in nostro. Par turturum vel duos pullos columbarum: sacrificio vix sufficit celi terreque possessor. Grandæui Simeonis inualidis gestatur manibus, à quo mundi rector & Dominus prædicatur. Accedit etiam testificantis oraculum viduę, quoniam decebat vt ab vtroque annunciaretur sexu vtriusque saluator. Quem laudant.

Super Com.

FAC nos, quæsumus Domine, multiplicatis solennitatibus iterare, quod nobis causam perpetuę saluationis operatur. Per Dominum nostrum.

## H. IN VIGILIA EPIPHANIAE DOMINI.

Orat. post Lect. 1.

**A**NNVE, quæsumus, omnipotens Deus, vt sicut scrutantibus Magis hodiè latenter est cognitus Dominus noster Iesus Christus, & adoratus à cunctis gentibus, ita & nostris sensibus manifestatus adueniat, & omni homini innotescat. Qui tecum viuit & regnat.

Or. post Lect. 2.

PRÆSTA, quæsumus, omnipotens Deus, vt saluatoris mundi, stella duce, manifestata natiuitas mētibus nostris reueletur semper & crescat, Per eundem Dominum nostrum.

Or. post Lect. 3.

DEVS illuminator omnium gentium, da populis tuis perpetua pace gaudere, & illud lumē splendidum infunde cordibus nostris, quod trium Magorum mentibus adspersisti. Per Dominū nostrū.

Or. super populum.

OMNIPOTENS sempiternæ Deus, qui verbi incarnationem præclari testimonio sideris indicāsti, quod videntes Magi, oblati maiestatem tuam muneribus adorauerunt: concede nobis, vt sem-

R r per

De Epi-  
phania  
Ser. 18. 20.  
21. & 22.

per in mentibus nostris tuę appareat stella iustitię, & noster in tua sit confessione thesaurus. Per eundem.

Super find.

ADESTO Domine supplicationibus nostris, & populo tuo, quem tibi ex omnibus gentibus elegisti, veritatis tuę lumen ostende. Per Dominum.

Super obl.

ECCLESIAE tuę, quęsumus Domine, propitius dona intueri quibus non iam aurum, thus & myrrha profertur, sed quod eisdem muneribus declaratur, Iesus Christus Dominus, noster. Qui tecum viuit & regnat.

Præfatio.

M. S. PER Christum Dominum nostrum. Qui à puerperio cælesti intulit mundo suę miracula maiestatis, vt adorandā Magis ostenderet stellam: & transacto temporis interuallo, aquam mutaret in vinum: & suo quoquē baptisate sanctificaret fluentia Iordanis, idem Iesus Christus Dominus noster. Quem vnā.

Post Commun.

LARGIRE, quęsumus, omnipotens Deus supplicibus tuis, vt quem natum in terris fatemur hominem, hunc Deum, astris quoquē fatentibus, adoremus. Qui tecum.

## I. IN FESTO EPIPHANIAE DOMINI.

Super populum.

DEVS, qui hunc diem electionis gentium primitijs consecrasti, & per luminis tui stellam, manifestum te nobis ostendi: tribue, quęsumus, vt noua cęlorum & mirabilis claritas, in nostris semper cordibus oriatur. Qui cum patre.

Annunciatio diei Paschatis per Diaconum.

NOVERIT charitas vęstra, fratres charissimi, quod annuente  
Dei



Dei & Domini nostri Iesu Christi misericordia, die tali mensis talis Pascha Domini celebrabimus.

Super find.

TRIBVE, quęsumus, omnipotens Deus, vt sicut omnes nationes veniunt gaudentes adorare Christum regem Dominum natum, ita & hæc præclara lux habitet semper in nobis. Per eundem Dominum nostrum.

Super obl.

PIETATIS tuę Domine sacramentum hodierna solennitate recolentes, pro apparitione Domini nostri IESU Christi, & pro nostrę vocationis exordijs, sacrificium tibi laudis offerimus, quod propitiatus suscipias deprecamur. Per eundem Dominum.

Præfatio.

ÆTERNE Deus. Qui te nobis super Iordanis alueum de cælis in voce tonitruī præbuiſti, vt saluatorem mundi demonstrares, & te patrem æterni luminis ostenderes, cælos aperuiſti, ærem benedixiſti, fontem purificasti, & tuum vnicum filium per speciem columbę sancto spiritu declarasti: Susceperunt hodię fontes benedictionem tuam, & abstulerunt maledictionem nostram, ita vt credentibus purificationem omnium delictorum exhibeant, & \* Deo filios generando \* adoptiuę faciant, ad vitam æternam. Nam quos ad temporalem vitam carnalis natiuitas fuderat, quos mors per pręuaricationem ceperat, hos vita æterna recipiens, ad regni cęlorum gloriam reuocauit. Per eundem Christum Dominum.

Ms.

\* Dei  
\* adoptio  
ne

Post Communionem.

CÆLESTI lumine, quęsumus, Domine semper & vbiquę nos præueni, vt mysterium, cuius nos participes esse voluisti, & puro cernamus intuitu, & digno percipiamus effectu. Per Dominum nostrum.

R r 2 x, DOM.

## K. DOM. I. POST EPIPHAN.

Super populum.

**B**ENEDICTIO, quæsumus, Domine in tuos fideles copiosa descendat, & quam subiectis cordibus expetunt, largiter consequantur: quoniam sicut superbis relistis, sic humilibus tuis gratiam benignus impendis. Per Dominum nostrum Iesum Christum filium tuum.

Super sindonem.

**V**OTA, quæsumus, Domine supplicantis populi cælesti pietate prosequere, ut quæ agenda sunt, videant: & ad implenda, quæ viderint, conualescant. Per Dominum.

Super obl.

**Q**UÆSUMUS, Domine Deus noster, ut noxijs desiderijs expeditos, deuotionem nos tibi liberam atque oblationem offerre concedas. Per Dominum nostrum.

Præfatio.

**A**ETERNE Deus, Suppliciter exorantes, ut qui te authore subsistimus, te dispensante dirigamur, non nostris sensibus relinquamur, sed ad tuæ reducti semper tramitem veritatis, hæc studeamus exercere quæ præcipis, ut dona possimus percipere quæ promittis. Per Christum.

Post Com.

**Q**UÆSUMUS, Domine Deus noster, ut quos diuinis reparare non desinis sacramentis, tuis non destituas benignus auxilijs. Per Dominum nostrum.

## L. DOM. II. POST EPIPHAN.

Super populum.

**O**MNIPOTENS sempiternæ Deus, qui cælestia simul & terrena moderaris, supplicationes populi tui clementer exaudi, & pacem tuam nostris concede temporibus. Per Dominum.

Super



Super find.

ADESTO, quæsumus, Domine supplicationibus nostris, & in tua misericordia confidentes, ab omni nos aduersitate custodi. Per Dominum.

Super oblatam.

OBLATA Domine munera sanctifica, nosque per hæc à peccatorum nostrorum maculis emunda. Per Dominum.

Præfatio.

ÆTERNE Deus. Semperque virtutes & laudes tuas labijs exultationis effari, qui nobis ad releuandos istius vitæ labores, diuersa donorum tuorum solatia, & munerum salutarium gaudia contulisti, mittēdo nobis Iesum Christum Dominum nostrum. Per quem.

Post Communionem.

AVGEATUR in nobis Domine, quæsumus, tuæ virtutis operatio, vt diuinis vegetati sacramentis, ad eorum promissa capiēda tuo munere præparemur. Per Dominum nostrum.

#### M. DOMINICA III. POST EPIPHAN.

Super populum.

OMNIPOTENS sempiternæ Deus, infirmitates nostras propitius respice, atque ad protegendum nos, dexteram tuæ maiestatis extende. Per Dominum.

Super find.

VOX clamantis Ecclesiæ ad aures Domine, quæsumus, tuæ maiestatis ascendat, vt percepta venia peccatorum, te fiat operante deuota, & te protegente secura. Per Dominum.

Super obl.

HÆC hostia Domine, quæsumus, emundet nostra delicta, & ad sacrificium celebrandum, subditorum tibi corpora mentesque sanctificet. Per.

Rr 3

Præ-

Præfatio.

AETERNE Deus. Et te in omni tempore collaudare & benedicere, quia in te viuimus, mouemur, & sumus: & nullum tempus nullumque momētum est, quod à beneficijs pietatis tuæ vacuum transigamus. Varijs etenim solennitatum causis, salutarium nobis operum tuorum & munerum memoria, præsentis vitæ tempora exornat. Vndè & nos vel innouante lætitijs præteriti gaudij, vel permanentis boni tempus agnoscentes, indefessas maiestati tuæ grates exoluimus. Per Dominum.

Post Communionem.

QVOS tantis Domine largiris refici salutaribus mysterijs, quæsumus, vt effectibus nos eorum veraciter aptare digneris. Per Dominum.

## N. DOM. III. POST EPIPHAN.

Super populum.

CONSERVA, quæsumus, Domine familiam tuam, & benedictionum tuarum propitijs vberrime purifica, vt eruditionibus tuis semper multiplicetur & donis. Per.

Super sind.

FAMILIAM tuam, quæsumus, Domine dextera tua perpetuo circundet auxilio, vt ab omni prauitate defensam, bonis cælestibus prosequatur. Per Dominum.

Super oblat.

CONCEDE, quæsumus, omnipotens Deus, vt huius sacrificij munus oblatum, fragilitatē nostram ab omni malo purget semper & muniat. Per.

Præfatio.

QVIA tu in nostra semper faciens infirmitate virtutem, Ecclesiam tuam inter aduersa crescere tribuisti, vt quum putaretur oppressa, tunc potiùs exaltata præualeret, dum simul & experi-

enti.



entiam fidei declarat afflictio, & triumphatrix semper perseverat,  
te adiuuante, deuotio. Per Christum.

Post Communionem.

QVÆSUMVS &c. vt suprâ Dom. I.

O. DOM. V. POST EPIPHAN.

Super populum.

OMNIPOTENS sempiternæ Deus, dirige actus nostros in be-  
neplacito tuo, vt in nomine dilecti filij tui mereamur bonis operi-  
bus abundare. Per eundem.

Super find.

PROPTIARE misericors Deus supplicationibus nostris, &  
populum tuum pia protectione custodi, vt qui vnigenitum tuum  
in carnem nostri corporis Deum natum esse fatentur, nulla possint  
diaboli fallitate corrumpi. Per eundem Dominum.

Super obl.

CONCEDE, vt Dom. præcedenti.

Præfatio.

AETERNE Deus. Et tibi hanc immolationis hostiam offer-  
re, quæ salutifero & ineffabili diuinæ gratiæ sacramento offertur à  
plurimis, & vnū corpus Christi, sancti spiritus infusione efficitur.  
Singuli accipiunt Christum Dominum, & in singulis portionibus  
est totus. Nec per singulos minuitur, sed integrum se præbet in sin-  
gulis. Propterea ipsi qui sumimus communionem huius sancti pa-  
nis & calicis, vnum corpus efficimur. Per ipsius itaq; maiestatem  
te supplices exoramus, vt nos ab omnibus emundes contagijs vetu-  
statis, & in nouitate vitæ perseverare concedas. Per eundem Chri-  
stum.

Citat hæc  
Præfat. D.  
Ambrosij  
titulo, D.  
Algerus  
libr. 1. de  
sacram.

Post Communionem.

PER huius Domine mysterij virtutem & vitia nostra purgē-  
tur, & iusta desideria compleantur. Per.

P. IN

## P. IN NAT. S. AGNETIS.

Super populum.

DEVS, qui vt humanum genus ad confessionem tui nominis prouocares, etiam in fragili sexu perfecisti conditionem martyrij: præsta, quæsumus, vt Ecclesia tua hoc exemplo commonita, nec pati pro te metuat, & cælestis præmij gloriam concupiscat. Per Dominum.

Super find.

DA nobis, quæsumus Domine, beatæ martyris tuæ Agnetis confidenter honorare infantiam, quæ in puellari consistens ætate, mortem pro tua confessione calcauit. Per Dominum.

Super obl.

MVNERA plebis tuæ, quæsumus, Domine lætanter offerimus, quæ in honore nominis tui & sanctæ Agnetis nobis remedia sempiterna dignanter impendant. Per Dominum.

Præfatio.

M. S.

ÆTERNE Deus. Recensentes diem beatæ Agnetis martyrio consecratum, quæ terrenæ generositatis oblectamenta despiciens, cælestem meruit dignitatem. Et societatis humanæ vota contemnens, æterni regis est sociata consortio: Et preciosam mortem, sexûs fragilitate calcata, pro Christi confessione suscipiens, simul est eius facta conformis, vt sempiternitati eius sociaretur & gloriæ. Per eundem Christum Dominum.

Post Communionem.

REFECTI cibo potuque cælesti, DEVS noster, te supplices exoramus, vt in cuius hæc commemoratione percepimus, eius muniamur & precibus. Per Dominum nostrum.

## Q. IN NAT. S. VINCENTII.

Super populum.

DEVS mundi creator & rector, qui hunc diem in Leuitæ tui Vincentij martyrio consecrasti: exaudi propitius supplices tuos, & con-



& concede, vt omnes qui martyrij eius merita veneramur, intercessionibus eius ab æternis gehennæ incendijs liberemur. Per Dominum.

Super find.

A V X I L I V M, quæsumus, Domine Maieſtati tuæ poteſtatiq̃ue ſubiectis tribue, vt quicquid actibus noſtris non meremur accipere, beati Leuitæ & martyris tui Vincentij precibus aſſequamur. Per Dominum.

Super obl.

H O S T I A S tibi Domine B. Vincentij Leuitæ & martyris tui dicatas meritis, benignus aſſume, & ad perpetuum nobis tribue provenire ſubſidium. Per Dominum.

Præfatio.

P E R Chriſtum Dominum noſtrum. Qui martyrem ſuum M. S. Vincentium vocauit ad gloriam, qui eum per martyrij vulnera cæleſtem vocauit ad palmam. Hic nempe martyr, verus Domini teſtis, non dubitauit pro Chriſto animam dare in mortem, ſciens quòd hîc non haberet ciuitatem manentem, ſed in cælo diſtributam hæreditatem per ſortem. Non timuit tortoribus in pœnis tradere membra, ſciens quòd caro ſua glorificata reſurgat, & propter dolorum flagella recipiat præmia ſempiterna. Torquetur, tûditur, flagellatur, exuritur: ſed inuictus pro ſancto nomine animus, non concutitur. \* Plûs ardet igne cæli, quàm ferri: plûs nectitur timore D E I, quàm \* ſeculi. Plûs voluit placere Deo, quàm foro: plûs <sup>\* plus ar-</sup> dilexit mori mundo, quàm Domino. Propter quod in ſancta con- <sup>\* plus dens</sup> feſione triumphans, nec in perſecutione animam ponere dubitans, carnea clauſtra relinquens, ad cæleſte regnû conſcendens, cum ſanctis omnibus exultat & gaudet. Et ideò cum. <sup>\* pœnæ</sup>

Poſt Communionem.

Q V A E S V M V S, omnipotens Deus, vt qui cæleſtia alimenta percepimus, intercedente beato Vincentio Leuita & martyre

S c tuo,

tuo, per hæc contra omnia aduersa muniamur. Per Dominum.

R. IN CONVERSIONE S. PAULI.

Super populum.

DEVS, qui vniuersum mundum beati Apostoli tui Pauli prædicatione docuisti, da nobis, quæsumus, ut cuius hodiè conuersionem colimus, per eius ad te exempla gradiamur. Per Dominum.

Super sindonem.

PRAESTA nobis, quæsumus, Domine consolationis auxilium, ut diuturnis calamitatibus laborantes, beati Apostoli tui Pauli intercessione, à cunctis tribulationibus eruiamur. Per Dominum nostrum Iesum Christum filium tuum.

Super obl.

APOSTOLI tui Pauli precibus, Domine, plebis tuæ dona sanctifica, ut quæ tibi tuo grata sunt instituto, gratiora fiant patrocinio supplicantis. Per Dominum.

Præfatio.

AETERNE Deus. Qui Ecclesiam tuam in beati Apostoli tui Pauli prædicatione constantem, nulla sinis fallacia violari: Quia nihil in vera religione manere censetur, quod eius non \* conuenit disciplinis. Quem hodiè vas factum electionis, magistrum & doctorem gentium vocandarum, mutato in Paulum nomine, collocasti. Per Christum.

\* condic-  
rit disci-  
plina.

Post Communionem.

SANCTIFICATI Domine saluari mysterio, quæsumus, ut pro nobis eius non desitoratio, cuius donasti patrocinio gubernari. Per Dominum.

S. IN NAT. S. AGATHAE.

Super populum.

INTERCESSIONIEVS beatæ virginis & martyris tuæ Agathæ, quæsumus Domine, fructum clementiæ tuæ sentiant suppli-  
can-



cantes, cuius orationibus in sancta tua Ecclesia etiam eorum deuotione efficiantur mentes. Per Dominum nostrum.

Super find.

**TRIEVE**, quęsumus, omnipotens Deus, vt sanctę virginis & martyris tuę Agathę solennitate letemur, & tantę fidei & castitatis proficiamus exemplo. Per Dominum nostrum.

Super oblat.

**FIANT** Domine tuo grata conspectui munera supplicantis Ecclesię, & vt nostrę salutis proficiant, adsit intercessio beatę tuę martyris Agathę. Per Dominum.

Pręfatio.

**AEQVVM** & salutare. Nos te in hoc præcipuę die digna laude præconij canere, in quo Agatha triumphans, hostia tuę maiestati oblata est: Cui tantam contulisti victoriam, vt ipsa sęua & aspera victtricem tremereant tormenta. Cuius lampas coruscis emicat fulgoribus, vt referatas poli ingredi valeat ianuas. O felix & inclyta virgo, quę meruit Domini pro laude fidelis martyrium sanguine clarificare suum. O illustris & gloriosa, gemino illustrata decore, quę inter tormenta aspera, cunctis præclara miraculis, & mystico pollens suffragio, Apostoli tui meruit visitatione curari. Hanc Christo nuptam susceperunt angelorum agmina, quę mentis eius sanctitatem indicârunt, & patrię liberationem. Per eundem Christum.

Post Communionem.

**EXVITEMVS** pariter de percepto pane iustitię, & de tuę Domine festiuitate martyris Agathę, quia interuentionibus tibi placentium confidimus, nobis ad perpetuam vitam profutura quę sumpsimus. Per Dominum nostrum.

**T. IN NAT. S. MATHIAE.**

Super populum.

Sf 2 DEVS,

DEVS, qui proditoris tui ruinam, nè Apostolorum tuorum numerus sacratus perfectione careret, beati Apostoli tui Mathiæ electione supplēsti: præsta, quæsumus, vt eius protegamur meritis, in cuius festiuitate annua deuotione lætamur. Per Dominum.

Super find.

DEVS, qui es vita indeficiens & salus æterna, exaudi nos clemens & propitius, vt qui ad beatissimi Apostoli tui Mathiæ festiuitatem conueniunt, eius interuentu à morte perpetua liberentur. Per Dominum.

Super oblatam.

SACRIFICIA Domine tibi laudis offerimus, beati Apostoli tui Mathiæ solennia recolentes, vt in eius fortis collegio, gratia tua opitulante, purificatis mentibus inueniri mereamur. Per Dominum.

Præfatio.

ÆTERNE Deus. Te suppliciter exorantes, vt gregem tuum pastor æterne non deſeras, sed per beatum Mathiam continua protectione custodias. Quem inter sanctos Apostolos tuos constituere dignatus es, vt quod nequissimi infidelitas dignè amiserat, istius fidelissimi constantia benè promerendo susci-peret. Et ideò cum.

Post Com.

PLACEANT, quæsumus, omnipotens Deus Maiestati tuæ sacrificia, quæ sumpsimus, & sicut beatum Mathiam Apostolorum tuorum numero sorte aggregasti, ita nos mente & corpore emundatos, eius consortio sociare digneris. Per Dominum nostrum Iesum Christum.

#### V. DOM. IN SEPTVAGESIMA.

Super populum.

PRECES populi tui, quæsumus, Domine clementer exaudi,  
vt



vt qui iustè pro peccatis nostris affligimur, pro tui nominis gloria misericorditer liberemur. Per Dominum nostrum.

Super find.

FAMILIAM tuam, quæsumus, Domine continua pietate custodi, vt quæ in sola spe gratiæ cælestis innititur, tua semper protectione muniatur. Per Dominum.

Super obl.

HOSTIAS, quæsumus, Domine nostræ deuotionis benignus assume, & sacrificijs gloriosis subditorum tibi corda purifica. Per Dominum.

Præfatio.

AETERNE Deus. Ad cuius immensam pertinet gloriam, vt non solum mortalibus tua Deitate succurreres, sed & de ipsa etiã mortalitate nostra nobis remedium prouideres, & perditos quosque, vnde perierant, indè saluares. Per Christum Dominum nostrum.

Post Com.

FIDELIS tui Deus perpetuis donis firmentur, vt eadem & percipiendo requirant, & querendo sine fine percipiant. Per Dominum nostrum.

# X. DOM. IN SEXAGES.

Super populum.

AUXILIARE Domine populo tuo, vt sacre deuotionis proficiens incrementis, & tuo semper munere gubernetur, & ad redemptionis æternæ perueniat, te deducente, consortiũ. Per Dominum nostrum.

Super find.

ECCLESIAM tuam Domine perpetua miseratione prosequere, vt inter seculi turbines constituta, & præsentis iucunditate respiret, & æternæ beatitudinis donum percipiat.

S f 3

Super

Super obl.

GRATIAS tibi referat Domine corde subiecto tua semper Ecclesia, & consequenter obtineat, vt obseruationes antiquas iugiter recensendo, proficiat in futurum. Per Dominum.

Præfatio.

ÆTERNE Deus. Qui nos de donis bonorum temporalium, ad perceptionem prouehis æternorum, Hæc enim tribuis, & illa promittis, vt & mansuris iam incipiamus inseri, & prætereuntibus non teneri. Tuum est enim omne quod viuimus, quia licet peccati vulnere natura nostra sit vitiata, tui tamen est operis, vt à terrenis ad cælestia renascamur. Per Christum.

Post Com.

REFECTI vitalibus alimentis, quæsumus Domine, ad vitam nutriamur æternam. Per Dominum.

# Y. DOM. IN QVINQVAG.

Super populum.

PRÆSTA famulis tuis Domine abundantiam protectionis & gratiæ: Da salutem mentis & corporis, da cōtinuæ prosperitatis augmenta, & tibi semper fac esse deuotos. Per Dominū.

Super find.

CONSERVA Domine familiam tuam bonis semper operibus eruditam: & sic præsentibus consolare præfidijs, vt ad superna perducas dona propitius. Per Dominum.

Super obl.

SUSCIPE, quæsumus, Domine deuotorum munera famulorum, & diuinis purifica seruientes tua pietate mysterijs, quibus etiam iustificas ignorantes. Per Dominum.

Præfatio.

ÆTERNE Deus. Qui ideò conditionis humanæ propensis precibus exoraris, vt sicut tu corripis filios ad paternam reueren-



uerentiam tardiores, ita nos solita pietate praeuenias, vt & supplices tuos fieri tribuas, & supplicantibus optata concedas. Per Christum.

Post Com.

T V O R V M nos Domine largitate donorum, & temporalibus attolle praesidijs, & renoua sempiternis. Per Dominum nostrum Iesum Christum.

2. DOM. IN CAPITE QVADRA-  
GESIMAE.

Super populum.

**C**ONCEDE nobis, omnipotens Deus, praesidia militiae Christianae sanctis inchoare ieiunijs, vt contra spirituales nequitias pugnaturi, continentiae salutaris muniamur auxilij, Per Dominum nostrum.

Super sindonem.

FAMILIAE tuae, quaesumus Domine, absolue peccata, mentesque purifica, vt venerabilis ieiunij dies congrua deuotione repetentes, quae fideliter poscimus, impetrare mereamur. Per Dominum nostrum.

Super obl.

D A nobis, quaesumus, omnipotens Deus, ieiuniorum magnifici sacramenti & dignè semper tractare mysteria, & competenter honorare primordia. Per Dominum.

Praefatio.

PER CHRISTVM Dominum nostrum. In quo ieiunantium fides alitur, spes prouehitur, charitas roboratur. Ipse est enim panis verus & viuus, qui est substantia aeternitatis, esca virtutis. Verbum enim tuum, per quod facta sunt omnia, non solum humanarum mentium, sed ipsorum quoque panis est angelorum. Huius panis alimento Moyse famulus tuus, quadra-

De Quadrag. habet serm. Ambr. 23. 24. 25. 26. 27. 33. 34. 35. 36. 37. 38. 39. 40. 79. 80. 83. 84. 85. 86. 87. 88. Memor. minit etiam Quadrag. Epist. 44. & de Heresia ac ieiun. c. 10.

quadraginta diebus ac noctibus, legem suscipiens, ieiunauit: & à carnalibus cibis, vt tuę suauitatis capacior esset, abstinuit. Vndè nec famem corporis sensit, & terrenarum oblītus escarum est, quia  
 \* glorifi- illum glorię tuę \* clarificabat adspēctus, & influente spiritu Dei  
 cabat. sermo pascebat. Hunc panem etiam nobis ministrare non \* de-  
 \* definis, finas, quem vt indefinenter esuriamus hortaris, Iesum Christum  
 & vt cum indefinē Dominum nostrum, cuius carne, dum pascimur, roboramur: &  
 ter sanguine, dum potamur, abluimur. Per quem.

Post Com.

SUMPSIMVS Domine sacramenta cælestia: proptereā deprecamur, vt quorum continua perceptione reficimur, salutari traditione letemur. Per Dominum nostrum Iesum Christum.

A. a. FERIA II.

**O**RATIONES & in hac & cæteris Quadragesimæ ferijs, prætermisimus, tum prolixitatis vitandę gratia, tum quòd ferè eadem sint cum Officio Gregoriano, ità vt ex Officio Ambrosiano illæ desumptę videantur, quare eas requirat Lector curiosus Tom. 2. Præfationes verò earundem feriarum reperiet infrà sub finem 1. Tomi cum addita litera A. quę significet, in Ambrosiano Officio easdem reperiri. Hoc interim adnotatu dignū, quòd excepta die Parasceues, nullum hīc existet Officium in ferijs sextis Quadragesimæ, præter eas quas suo loco subiecimus.

B. B. DOM. QVADRAG. DICTA, DE SAMARITANA.

Finite ingressa, preces per Diaconum pronunciata,  
 respondente choro.

**D**IVINAE pacis & indulgentię munere supplicantes, ex toto corde & ex tota mente precamur te.

R. Domine miserere.

Pro



Pro Ecclesia tua sancta catholica, quæ hîc & per vniuersum orbem diffusa est, precamur te.

R. Domine miserere.

Pro papa nostro N. & pontifice nostro N. & omni clero eorum, omnibusque sacerdotibus ac ministris, precamur te.

R. Domine miserere.

Pro famulo tuo N. imperatore, & famula tua N. imperatrice, & omni exercitu eorum, precamur te.

R. Domine miserere.

Pro famulo tuo N. rege & Duce nostro, & omni exercitu eius, precamur te.

R. Domine miserere.

Pro pace Ecclesiarum, vocatione gentium, & quiete populorum, precamur te.

R. Domine miserere.

Pro ciuitate hac & conuersatione eius, omnibusque habitantibus in ea, precamur te.

R. Domine miserere.

Pro aëris temperie, ac fructuum, & fœcunditate terrarum, precamur te.

R. Domine miserere.

Pro virginibus, viduis, orphanis, captiuis, ac pœnitentibus, precamur te.

R. Domine miserere.

Pro nauigantibus, iter agentibus, in carceribus, in vinculis, in metallis, in exilijs constitutis, precamur te.

R. Domine miserere.

Pro his qui diuersis infirmitatibus detinentur, qui que spiritibus vexantur immundis, precamur te.

R. Domine miserere.

Pro his qui in sancta tua Ecclesia fructus misericordiæ largiuntur,

T t giuntur,

giuntur, precamur te.

R. Domine miserere.

EXAUDI nos Deus in omni oratione atque deprecatione nostra, precamur te.

R. Domine miserere.

DICAMVS omnes:

R. Domine miserere.

Kyrie eleison, Kyrie eleison, Kyrie eleison.

Or. super populum.

INCHOATA ieiunia, quesumus Domine, Ecclesiae tuae benigno favore prosequere, ut obseruantiam quam corporaliter exercemus, mentibus valeamus implere sinceris. Per Dominum nostrum.

Super find.

ADESTO Domine supplicationibus nostris, ut hoc solenne ieiunium quod animabus corporibusque curandis salubriter institutum est, deuoto seruitio celebremus. Per Dominum.

Super obl.

DOMINE Deus noster, in cuius spiritalibus castris militat laudanda sobrietas, abstinentia fructuosa, & casti pectoris opulenta frugalitas: ieiunantium vota clementer adsume, & fidelibus postulatus consueta pietate succurre. Per Dominum.

Præfatio.

PER Christum Dominum nostrum. Qui ad insinuandum  
 \* humilitatis  
 \* domum  
 \* humilitatis suae mysterium, fatigatus refedit ad puteum, & à muliere Samaritana aquae sibi petijt porrigi potum, quia in ea creauerat fidei \* donum: Et ita eius sitire dignatus est fidem, ut dum ab ea aquam peteret, in ea ignem diuini amoris accenderet. Imploramus itaque immensam clementiam tuam, ut contemnentes tenebrosam profunditatem vitiorum, & relinquentes noxiarum hydriam cupiditatum, te qui fons vitae, & origo bonitatis es, semper sitiamus, & tibi ieiuniorum nostrorum obseruatione pla-



ne placeamus. Per eundem Christum.

Post Com.

TRIBVE nobis omnipotens Deus, vt dona cælestia quæ debito frequentamus obsequio, sincera professione sectemur. Per Dominum nostrum Iesum.

c c. FERIA IIII.

Præfatio.

**A**ETERNE Deus. Qui ieiunia sacro instituto exequi præcepisti: vt per hanc abstinentiam, sicut confidimus de tua misericordia, mereamur veniam delictorum. Tu enim solus Deus abluis ægritudines animarum, quæ peccati vitio irrogantur: & facis abstinentiam prodesse, quibus fuerat obligata præsumptio. Per Christum Dominum.

n d. DOM. QVADRAG. DE  
ABRAHAM.

Finita ingressa, preces.

**D**ICAMVS omnes:  
R. Kyrie eleison.

DOMINE Deus omnipotens patrum nostrorum.

R. Kyrie eleison.

RESPICE de cælo Deus, & de sede sancta tua.

R. Kyrie eleison.

PRO Ecclesia tua sancta catholica, quam conseruare digneris.

R. Kyrie eleison.

PRO papa nostro N. & pontifice nostro N. & sacerdotio eorū.

R. Kyrie eleison.

PRO vniuersis Episcopis, cuncto clero & populo.

R. Kyrie eleison.

PRO famulo tuo N. Imperatore, & famula tua N. imperatrice,  
& omni exercitu eorum.

Tt 2

R. Kyrie

R. Kyrie eleison.

PRO famulo tuo N. rege & duce nostro, & omni exercitu eius.

R. Kyrie eleison.

PRO ciuitate hac, omnibusque habitantibus in ea.

R. Kyrie eleison.

PRO aëris temperie, ac fructuum, & fecunditate terrarum.

R. Kyrie eleison.

LIBERA nos qui liberasti filios Israel.

R. Kyrie eleison.

IN manu forti & brachio excelsio.

R. Kyrie eleison.

EXVRGE Domine, adiuua nos, & libera nos propter nomen tuum.

R. Kyrie eleison, Kyrie eleison, Kyrie eleison.

Super populum.

ADIVVA Domine fragilitate plebis tuæ ieiunij sacramento, ut ad votiuos Paschalis celebritatis effectus & corporaliter gubernata cōcurrat, & per tuā gratiā deuota perueniat. Per Dñm nostrū.

Super sindonem.

SANCTIFICA Domine, quæsumus, nostra propitius ieiunia, & cunctarum nobis indulgentiam largire placatus culparum. Per Dominum.

Super obl.

OFFERIMVS tibi Domine munera supplicantes, ut quæ subditi pijs celebramus officijs, plenius affectibus exequamur. Per Dominum.

Præfatio.

AETERNE Deus, Tu es enim Dñe nouissimus pater, qui ante multa tempora, Abrahæ in semine Christi tui, Dei que, natiq; aduentum clamasti. Iam iamq; tenemus, quod olim patribus promittebas. Nam quod Abrahæ sancto gentium populus pollicetur, verissi-



verissimè ex omni gente, tribu & lingua, Christiana religio congregatur. O quàm perfida & pertinax gens Iudæorum iniqua, qui cælestem patrem recognoscere nolunt, & in semine gloriantur. O ingrata gens, multis perculsa vicibus, qui respuunt præsentem, nec valent tenere absentem. Nos verò magnis vocibus exultemus, qui & locum pariter & regnum accepimus Iudæorum. Per eundem Christum.

Post Communionem.

SUPPLICES te rogamus omnipotens Deus, ut quos tuis re-ficis sacramentis, etiam placitis moribus deseruire concedas. Per Dominum.

EC. DOM. QVADR. DE CAECO.

Preces.

DIVINAE pacis &c. ut suprà.

Super populum.

DEVS, qui hominì ad imaginem tuam cõdido, idèò das temporalia, ut largiaris æterna: Ecclesiam tuam spiritali fœcunditate multiplica, ut qui sunt generatione terreni, fiant regeneratione cælestes. Per Dominum nostrum.

Super sind.

DEVS, in cuius præcipuis mirabilibus est humana reparatio, solue opera diaboli, & mortifera peccati vincula disrumpe, ut destructa malignitate quæ nocuit, vincat potius misericordia quæ redemit. Per Dominum.

Super obl.

SUSCIPE Domine sacrificium, cuius te voluisti dignanter immolatione placari, & præsta, quæsumus, ut huius operatione mundati, beneplacitum tibi nostræ mentis offeramus affectum. Per Dominum nostrum Iesum.

Præfatio.

Tt. 3

AEQVVM

AE QVVM & salutare. Nos tibi Domine, in excelsa caelorum qui resides arce, gratias referre, & totis sensibus confiteri: Quoniam per te infirmis mundi caecitate deterfa, verum lumen emicuit, quod inter multarum tuarum virtutum miracula, caecum à natiuitate, videre iussisti. In quo genus humanum originali caligine maculatum, futuri forma expressum est. Nam illa Siloe natatoria, ad quam ille mittitur caecus, nil aliud, nisi fons sacer signatus est: Vbi non tantum corporea lumina, sed totus homo saluatus est. Per Christum.

Post Communionem.

SACRAE nobis, quaesumus Domine, mensae libatio, & pia conuersationis augmentum, & tuae protectionis continuum praestet auxilium. Per Dominum.

EF. DOM. QVADR. DE LAZARO.

Preces.

DICAMVS omnes &c. vt supra.

Super populum.

DA cordibus Ecclesiae tuae Domine, quaesumus, desideria terrenae conditionis abscindere, & caelestis vitae spiritum sensibus eius largiùs infunde: nec preualeat ille qui perdidit, sed vincat potius qui redemit, vt à vetustatis lege mundata proficiat, & ad aeternam perueniat tuo munere nouitatem.

Super find.

DEVS, qui licet salutem hominum semper opereris, nunc tamen populum tuum gratia abundantiore laxificas: respice propitius ad electionem tuam, vt paternae protectionis auxilium, & regenerandos muniat, & renatos. Per Dominum nostrum.

Super obl.

DICATAE Domine, quaesumus, capiamus oblationis effectum,



ctum, vt terrene vetustatis conuersatione mundati, celestis vitæ profectibus innouemur. Per Dominum nostrum Iesum.

## Præfatio.

PER Christum Dominum nostrum. Qui eminenti gloria maiestatis, plurima in terris mirabilia peregit, inter quæ summæ pietatis virtute quadriduanum Lazarum à nexu funeris liberauit. Iam enim teterrimo squalore subactus, in atra telluris humatus voragine, vinctus institis, quiescebat. Cuius mortem prius per soporis requiem, postmodum aperta voce Dominus discipulis referauit. Quem & amicum pia dignatione commemorans, ad claustrum ipsius spelæi properauit. Ibi quæ Iudeorum turbis adstantibus, lachrymosis oculis, infremuit ac plorauit. O quale exhibitionis miraculum, vt celorum conditor flere ante serui tumultum dignaretur. O quàm magnum & salutare mysterium, quod per resurrectionem Lazari figuraliter designatur. Ille tabo corporis dissolutus, per superni regis imperium, continuò surrexit ad vitam. Nos verò primi hominis facinore conscriptos, diuina Christi gratia ex inferis liberauit, & rediuiuos gaudijs reddidit sempiternis. Quem laudant.

## Post Com.

SATIATI munere salutari, tuam Domine misericordiam deprecamur: vt hoc eodem sacramento, quo nos temporaliter vegetas, efficias perpetuæ vitæ participes. Per Dominum nostrum.

## FERIA TERTIA.

## Præfatio.

AETERNE Deus. Qui non solum peccata ieiunantium dimittis, sed ipsos etiam peccatores ieiunando iustificas: Et reis non tantum pœnam relaxas, sed donas abstinentibus etiam præmia sempiterna. Per Christum Dominum.

eg. FE.

## gg. FERIA QVARTA.

Præfatio.

AETERNE Deus. Per hæc sacrosancta mysteria quæ in nostro ieiunio, iubente te, solenniter celebramus, tribue (quæsumus) propitiatus, ut vberior tuæ pietatis gratia redundet in nobis, ut, sicut speramus, animabus simul & corporibus tribuas æternæ vitæ salutem. Per Christum.

hh. SABBATO IN TRADITIONE  
SYMBOLI.

Super populum.

DEVS, qui humani generis ita es conditor, ut sis etiam reformator, propitiare populis adoptiuus, & nouo testamento sobolem nouæ proles ascribe, ut filij promissionis, quod non potuerunt assequi per naturam, gaudeant se recepisse per gratiam. Per Dominum.

Super sind.

DA nobis obseruantiam Domine legitimam & deuotionem perfectam, ut cum refrenatione carnalis alimonix, sancta tibi conuersatione placeamus. Per Dominum.

Super obl.

OMNIPOTENS sempiternæ Deus, qui nos ad æternam vitam in confessione tui nominis baptismatis reparas sacramento, suscipe tuorum munera & vota famulorum, ut in te sperantium & desideria iubeas perfici, & peccata deleri. Per Dominum.

Præfatio.

AETERNE Deus. Cuius nos misericordia præuenit, ut benè agamus: subsequitur, nè frustra agamus: Accendit intentionem, qua ad bona opera peragenda inardescamus: Tribuit efficaciam, qua hæc ad perfectum perducere valeamus. Tuam igitur clementiam indefessis vocibus obsecramus, ut nos ieiunij victimis, à peccatis



eat mundatos, ad celebrandam vnigeniti filij tui Domini nostri passionem facias esse deuotos. Per quem maieſt.

Post Communionem.

ADESTO Domine fidelibus tuis, & quos caelestibus reficis sacramentis, à terrenis conserua periculis. Per Dominum.

# ii. DOM. IN RAMIS OLIVARVM.

Ad Missam in Ecclesia minore.

Super populum.

DEVS, qui iuste irasceris, & clementer ignoscis, afflicti populi tui lachrymas respice, & iram tue indignationis quam iuste mere-  
mur, propitiatus auerte. Per Dominum.

Super sind.

DA nobis, quæsumus Domine, tua dignè tractare mysteria, vt miserationibus tuis congruo respondeamus obsequio, & fidutiali-  
ùs impetranda poscamus. Per Dominum.

Super obl.

EFFICIATUR Domine hæc hostia solennibus grata ieiunijs, & vt tibi fiat acceptior, purificatis eam mentibus immolemus. Per Dominum nostrum Iesum.

Præfatio.

AETERNE Deus. Qui filium tuum Dominum nostrum Ie-  
sum Christum in hunc mundum pro salute nostra misisti, vt se  
humiliaret ad nos, & nos reuocaret ad te: cui etiam, dum Hierusa-  
lem veniret adimplere scripturas, credentium turba fidelissima  
deuotione vestimenta sua cum ramis oliuarum in via sternebant:  
præsta, quæsumus, vt & nos illi fidei viam præparemus, de qua re-  
moto lapide offensionis & petra scandali, frondea opera & iustitiæ  
ramos vestigijs eius sternamus, vt vsque ad palmam victoriæ per-  
tingere mereamur. Per eundem Dominum.

Post Communionem.

Vv

PRÆ-

Minoris  
& maio-  
ris eccle-  
siarum fit  
mentio  
epist. 33.

PRAESTA nobis, omnipotens Deus, vt quia vitijs subiaceret nostra mortalitas, tua nos & medicina purificet, & communionis potentia tueatur. Per Dominum.

Ad Missam in Ecclesia maiori.

Super populum.

POPVLVM tuum Domine, quæsumus, ad te toto corde conuertere: quia quos defendis etiam delinquentes, maiori pietate tueris sincera mente deuotos. Per Dominum.

Super sind.

ASCENDANT ad te Domine supplicum preces, vt qui diu pro nostris offensionibus castigati sumus, miserationis tuæ veniam sentiamus. Per Dominum.

Super obl.

IPSA Maieitati tuæ Domine populos fideles commendet oblatio, quæ per filium tuum reconciliauit inimicos. Qui tecum viuit & regnat in vnitæte spiritûs.

Præfatio.

PER Christum Dominum nostrum. Quem ad hoc humanam carnem assumere voluisti, vt quicquid prophetales ac sanctæ clamaueŕe scripturæ, Bethleemica rura seu Hierosolymam adueniens, consummaret. Sicut igitur tunc puerili voce, turba præeunte & arborum ramis ac vestibibus viam sternente, laudatio insonabat: ita & nos diuino amore repleti, nunc Christo Domino deuotis vocibus decantemus: Sternentes deniquè vestimenta, Christo domino in itinere occurramus, aligerique sanctum hymnum honorificè nobiscum proclament, dicentes: Sanctus, Sanctus, Sanctus.

Post Com.

SANCTIFICENT nos Domine sumpta mysteria, & paschalis obseruantia sufficiens nobis tribuant facultatem. Per Dominum nostrum.

ILLVD quoquè hîc adnotatu dignum, quod hebdomada,



mada, quam olim maiorem, nos verò sanctam nuncupamus, Authentica appelletur in Ambrosiano officio.

Quam etiam vltimam appellat Ambr. epist. 33.

κ k, **FERIA QVINTA IN COENA  
DOMINI.**

DEVS, à quo & Iudas reatus sui poenam, & confessionis suæ latro præmium sumpsit, concede nobis tuæ propitiationis effectum, vt sicut in passione sua Iesus Christus Dominus noster diuersa vtrisque intulit stipendia meritorum, ita nobis ablato vetustatis errore, resurrectionis suæ gratiam largiatur. Qui tecum.

Super sind.

OMNIPOTENS sempiternus Deus, qui vitam humani generis, pro nobis filio tuo moriente, saluasti: præsta, quæsumus, vt in hac populi deuotione fructus proueniat gaudiorum. Per eundem.

Super oblat.

IPSE tibi, quæsumus, Domine sancte, pater omnipotens, æterne Deus, sacrificium nostrum reddat acceptum: qui discipulis suis in sui commemoratione hoc fieri hodierna traditione monstrauit Iesus Christus Dominus noster. Qui tecum viuit.

Præfatio.

PER Christum Dominum nostrum. Qui quum Deus esset in cælis, ad delenda hominum peccata descendit in terras: Et qui humanum genus venerat liberare, tanquam obnoxius debitor illicito precio Dominus à seruo distrahitur: Et qui angelos iudicat, in hominis iudicio est constitutus, vt hominem quem ipse fecerat, de morte liberaret. Et ideo cum angelis & archangelis.

Infra actionem.

COMMUNICANTES, & diem sacratissimum celebrantes, quo traditus est Dominus noster Iesus Christus: Tu nos Domine participes filij tui, tu consortes regni tui, tu incolas paradisi, tu angelorum comites esse iussisti, si tamen illæsa & intemerata fide

V v 2 cæle-

caelestis militiæ sacramenta seruemus. At quid desperare de tua misericordia possumus, qui tantum munus accepimus, vt talem tibi hostiam offerre mereremur, corpus scilicet & sanguinem Domini nostri Iesu Christi, qui se pro mundi redemptione, piæ illi ac venerandæ tradidit passioni : qui formam sacrificij salutis perennis instituens, hostiam se primus obtulit, & primus docuit offerri?

Post Orationem sacerdotis pro seipso.

HÆC facimus, hæc celebramus, tua Domine præcepta seruantes, & ad communionem inuiolabilem hoc \* ipsum quod corpus Domini sumimus, mortem Dominicam annunciamus. Tuum verò est omnipotens pater, mittere nunc nobis vnigenitum filium tuum, quem non quærentibus spontè misisti. Qui cum sis ipse immensus & inæstimabilis, DEVM quoquè ex te immensum & inæstimabilem genuisti : vt cuius redemptionem humano generi tribuisti, eius nunc corpus tribuas ad salutem. Per eundem.

Post confractionem.

IPSIVS præceptum est Domine, quod agimus, in cuius nunc te præsentia postulamus. Da sacrificio authorem suum, vt impleatur fides rei in sublimitate mysterij, vt sicut veritatem caelestis sacrificij exequimur, sic veritatem Dominici corporis & sanguinis hauriamus. Per eundem Christum.

Post Communionem.

DOMINE Deus noster, concede propitius, vt qui vnigeniti tui sumpsimus corpus & sanguinem, ab infidelis discipuli reddamur cecitate diuisi, qui Christum Dominum nostrum, verum Deum hominemque fateamur & colimus. Qui tecum viuit.

L I. EODEM DIE.

Benedictio olei ad vngendum tam infirmos, quàm energumenos.

DEVS.

Ex Ordi-  
ne Roma-  
no, p. 64.



**D**EVs, qui studio salutis humanæ creaturis tuis vim benedictionis indidisti, vt ad animarum nostrarum sanctificationis vtilitatem, creaturarum etiam corporalium ministerio nostris salus temporibus tribueretur: infunde sanctificationem tuâ huic oleo, vt ab his quæ vnixerit membra, fugatis insidijs aduersariæ potestatis, susceptione præsentis olei, sancti spiritûs gratia salutaris debilitatem expellat, & plenam conferat sospitatem, in nomine Domini nostri Iesu Christi.

Benedictio olei, quo vngendi sunt catechumeni.

DEVS sacramenti huius inuentor atque dispositor, qui præsentis liquoris pinguedine beatorum confirmasti corpora, cordaque pontificum: quiq; in hac creatura excellentis nobilitatem nominis, vt eos Christos faceres, indidisti: qui nitentes ac delibutos antistites iussisti participibus anteferri, dignum æstimans elementum, quo innocentia & variarum tribueretur forma virtutum: concede infusione sancti spiritûs, olim tibi placitam præsentis olei confirmes nobilitatesq; substantiâ, vt quicquid ex eo in humano genere tactum fuerit, ad naturam transeat mox supernam: nec aliquid sibi per vñctionem eius vendicet hostis antiquus, sed doleat se, telis beatæ huius propugnationis addictum, & pacis oleo vetusti furoris comprimi superbias ingemiscat. Per Christum Dominum nostrum. Per quem.

Præfatio Chrismatis.

VNANIMES atque concordēs, fratres charissimi, Dei patris omnipotentis auxilium misericordiæ deprecemur, vt hoc vnguentum quo in regali gloria populus eius vestiendus est, cœlesti benedictione & virtutis suę vigore corroboret, & tegmine eius plēbs in æternum tueatur. Præstante Domino nostro Iesu Christo, qui cum patre.

Oratio ad confirmandam Chrismatis benedictionem.

V u 5 D O.

**DOMINATOR** Domine Deus, rex vnctus, author vnguenti, speciosus forma, speciosior vnctione, sacrator ipse tuus, ipse omniū consecrator, qui vnguentum de potestate sanctificas, potestatem consecras de vnguento, de vnguento fecisti Chrisma, de Chri-smate nomen quod est super omne nomen, vt in nomine isto sit regalis vnctio Christianis: in tuo ergò nomine fiat hæc creatura iam Chrismà, & habeatur vt Chrisma, forma crucis, signum frō-tis, sacri titulus bellatoris. In hoc Chri-smate mulceatur auditus, purificetur visus, odoratus suauescat, soporetur gustus, tactus in trinitate sit solidus: vt talibus stipendijs Domini milites decora-ti, atque ambrosio rore madidi, imperanti seruiant, non suadenti, & signati Chri-smate sancto, signiferi esse mereantur cælestes. Per te Christe Iesu saluator mūdi, qui viuis & regnas Deus, per omnia secula seculorum. Amen,

**M m. FERIA VI. IN PARASCEVE.**

Post primam Lectionem.

**D**EVS, qui pro nobis filium tuum crucis patibulum subire voluisti, vt inimici à nobis expelleres potestatem: concede nobis famulis tuis, vt resurrectionis eius gloriam consequamur. Per Dominum.

Post passionem Domini secundum Matthæum.

**V. Benedictus Dominus qui viuit & regnat in secula seculorum.**

**R. Amen.**

Oratio.

**D**EVS, qui pro redemptione nostra accepisti sanguinem Christi: solue opera diaboli, & omnes laqueos disrumpe peccati, vt creaturam regenerationis, nulla polluant contagia vetustatis. Per eundem.

Iterum.

**V. Bene-**



V. Benedictus &c. vt *suprà*. R. Amen. & sic deinceps ubique, vsque ad Missam diei sabbati, loco, Dominus vobiscum.

Oratio super crucem.

IMMENSÆ pietatis Deus, qui latronem ob confessionem in hac die de cruce in paradysum transtulisti, transfer à nobis iniquitates nostras, & hæredes nos cælestium bonorum esse concede. Per Dominum nostrum.

Benedictio crucis.

BENEDIC Domine, quæsumus, hanc crucem tuam, per quam eripuisti mundum à potestate dæmonum, & superâsti passionem tua suggestorem peccati, qui gaudebat in præuaricatione primi hominis, per ligni vetiti præsumptionem, † sanctifica istud signaculum passionis tuæ, vt sit inimicis tuis obstaculum, & credentibus in te perpetuum vexillum. Qui cum patre & spiritu.

Oratio ad crucem adorandam.

DOMINE Iesu Christe, qui manus tuas in crucem misisti, & nos tuo sanguine redemisti, ignosce mihi peccatori, quia omnes culpæ meæ à te non sunt absconditæ, Veniam peto, veniam spero, veniam credo: tu, qui pius & misericors es, parce & indulge mihi. Qui cum patre & spiritu sancto &c.

Post adoratam crucem.

DEVS, qui humano generi ad imitandum humilitatis exemplum, saluatorem nostrum & carnem sumere, & crucem subire fecisti: concede propitius, vt patientiæ ipsius documenta, & resurrectionis consortia mereamur. Per eundem.

Orationes solennes.

OREMVS dilectissimi nobis.

ET ceteræ quæ habentur infrà Tom. 2.

¶ N N. SABBATO SANCTO.

Post

Post primam Lectionem Prophetica, & Euangelicam illam  
secundum Mattheum: Altera die quæ est  
post Parasceuen.

**O**MNIPOTENS sempiternæ Deus, qui in omnium  
operum tuorum dispensatione es mirabilis: intelligant re-  
dempti tui, non fuisse excellentius, quod in initio factus est mun-  
dus, quàm quod in fine seculorum Pascha nostrum immolatus est  
Christus. Qui tecum viuit.

Ad benedictionem ignis.

**D**OMINE Deus noster, pater omnipotens, qui es lumen inde-  
ficiens, & conditor omnium luminum, benedic & sanctifica hoc  
lumen, quod à te sanctificatum atq; benedictum est, qui illumi-  
nasti omnem \* mundum: vt ab eo accendamus & illuminemur  
igne claritatis tuæ, quo illuminasti Moysen famulum tuum, vt il-  
luminatis sensibus & cordibus nostris, ad vitam æternam perueni-  
re mereamur. Per Dominum.

\* hominē  
venientē  
in hunc

**D**OMINE sancte, pater omnipotens, æterne Deus, lux & splen-  
dor vniuersarum creaturarum, qui ex nihilo cuncta producere di-  
gnatus es: te humiliter deprecamur, vt hanc creaturam ignis be-  
nedicere & sanctificare digneris, in nomine dilectissimi filij tui, &  
in virtute spiritûs sancti, vt nobis ad obsequium & ad lumen esse  
facias tam animæ quàm corporis, & vt nihil in eo nobis aduersa-  
rius damni irrogare possit, sed sit nobis in adiutorium. Per eun-  
dem Dominum.

Cereorum  
Paschaliū  
meminit  
Ambr. li.  
de Pascha,  
c. vlt.

Ad benedictionem cerei paschalis per Diaconum.

**E**xultet iam angelica turba cęlorum, exultent diuina my-  
stera, & pro tanti regis victoria, tuba intonet salutaris. Gaudeat &  
tellus tantis irradiata fulgoribus, & æterni regis splendore illustra-  
ta, totius orbis sentiat se amisisse caliginem. Letetur & mater Ec-  
clesia, tanti luminis adornata fulgore, & magnis populorum voci-  
bus hæc aula resultet. Quapropter adstantibus vobis fratres charis-  
simi,



fimi, ad tam miram huius sancti luminis claritatem, vnà mecum, quæso, Dei omnipotentis misericordiam inuocate, vt qui me non meis meritis intrà Leuitarum numerum dignatus est aggregare, luminis sui gratiam infundendo, cerei huius laudem implere perficiat. Præstante Domino nostro Iesu Christo filio suo, secum vi- uente atque regnante Deo, in vnitate spiritûs sancti, Per omnia se- cula seculorum.

R. Amen.

V. Dominus vobiscum.

R. Et cum spiritu tuo.

V. Sursùm corda.

R. Habemus ad Dominum.

GRATIAS agamus Domino Deo nostro.

R. Dignum & iustum est.

V E R E, Quia dignum & iustum est, æquum & salutare, nos ti- bi semper & vbiqûe gratias agere, D O M I N E sancte, pater omnipotens, æterne Deus. Qui populorum Pascha cunctorum, non pecudum cruore nec adipe, sed vnigeniti tui Domini nostri Iesu Christi sanguine corporeq; dedicâsti, vt supposito ritu gentis ingrata, legi gratia succederet, & vna victima per semetipsam tuæ maiestati semel oblata, mundi totius expiaret offensam. Hic est agnus, lapideis præfiguratus in tabulis, non adductus è gregibus, sed euectus è cælo: nec pastore indigens, sed pastor bonus ipse tantummodò, qui animam suam pro suis posuit ouibus, & rur- sùs assumpsit, vt nobis & humilitatem diuina dignatio, & spem resurrectionis corporalis ostenderet. Qui coram tondente se nò vo- cem queruli balatus emisit, sed Euangelico proclamauit oraculo, dicens: A modò videbitis filium hominis sedentem ad dexteram maiestatis. Ipse nobis & te reconciliet, pater omnipotens, & pari tecum maiestate fultus indulgeat. nam quæ patribus in figura con- tingebant, nobis in veritate proueniunt.

X x

Post

Post accensum cereum.

Eccē iam ignis columna resplendet, quæ plebem Domini beatę noctis tempore ad salutaria fluenta præcedat, in quibus persecutor mergitur, & Christi populus liberatus emergit. nam sancti spiritus vnda conceptus, per Adam natus ad mortē, per Christū regignitur ad vitam. Soluamus igitur voluntariē celebrata ieiunia, quia Pascha nostrum immolatus est Christus, nec solū corpore epulemur agni, sed etiam inebriemur & sanguine. huius enim tantūmodō cruor nō creat piaculū bibētibus, sed salutē: ipso quoquē vescamur & azymo, quoniam non de solo pane viuit homo, sed de omni verbo Dei. Siquidem hic est panis qui descendit de cēlo, longē præstantior illo quondā manne imbre frugifluo, quo tunc Israel epulatus interijt: hoc verō qui vescitur corpore, vitæ perennis possessor existit. Eccē vetera transiērunt, & facta sunt omnia noua: nam circumcisionis Mosaicæ mucro iam scabruit, & Iesu Nauæ acuta lapidum obsoleuit asperitas: Christi verō populus insignitur fronte, non inguine: lauacro, non vulnere: Christmate, non cruore. Decet ergō in hoc Domini Saluatoris nostri vespertinæ resurrectionis aduentu, ceream nos adolere pinguedinem, cui suppetit candor in specie, suauitas in odore, splendor in lumine, quæ nec marcescenti liquore defluit, nec offensam tetri nidoris exhalat. Quid enim magis accommodum, magisque festiuium, quā Iesseico flori floreis excubemus vt tedis? præsertim cū & sapientia de semetipsa cecinerit: Ego sum flos agri & liliū conuallium. Ceras igitur nec pinus exulta defudat, nec crebris fauciata bipennibus cedrus illachrymat, sed est illis arcana de virginitate creatio, & ipsæ transfiguratione niuei candoris albescunt. Eandem verō papyrum liquida fontis vnda producit, quæ instar infantis animę, nullis articulatur sinuata compagibus, sed virginali circumsēpta materie, fit hospitalis ignibus alumna riuorum. Decet ergō aduentum sponsi, dulcatis Ecclesiam luminaribus



naribus opperiri, & largitatē sanctitatis acceptā, quanta valet deuotionis dote pensare, nec sanctas interpolare tenebras excubias, fed tedam sapienter perpetuis preparare luminibus, nē, dūm oleū candelis adiungitur, aduentum Dñi tardo prosequamur obsequio: qui certē in ictu oculi vt coruscus adueniet. Igitur in huius diei vespere, cuncta venerabilis sacramēti plenitudo colligitur: & quę diuersis sunt p̄figurata vel gesta tēporibus, huius noctis curriculo, deuoluta supplētur. Nam primū hoc vespertinū lumen, sicut illa dux Magorū stella, p̄cedit: deindē mysticę regenerationis vnda subsequitur: velut dignante Domino fluente Iordanis, tertio resurrectionem Christi vox Apostolica sacerdotis annunciat. Tum ad totius mysterij supplementum Christo vescitur turba fidelium, quę resurrectionis Dominicę diem, Christo in omnibus prosperante, suscipiat. Per bonum & benedictum filium tuum Dominum nostrum Iesum Christum, cum quo beatus viuis & regnas Deus, in vnitatis spiritūs sancti, Per omnia secula seculorum.

R. Amen.

Post II. Prophetica Lēctionem.

DEVS incommutabilis virtus & lumen æternum, respice propitius ad totius Ecclesię tuę mirabile sacramentum, & opus salutis humanę perpetuę dispositionis effectu tranquillus operare. Totusque mundus experiatur & videat, diruta erigi, veterata innouari, & per ipsum redire omnia in integrū, à quo sumpsere principium. Per Dominum nostrum.

Post III. Lēctionem.

DEVS fidelium pater summe, qui in toto orbe terrarum promissionis tuę filios diffusa adoptione multiplicas, & per paschale sacramentum Abraham puerum tuum vniuersarum, sicut iurasti, gentium efficis patrem: da populis tuis, dignē ad gratiam tuę vocationis intrare. Per Dominum.

Post IIII. Lēctionem.

X x 2

OMNI-

OMNIPOTENS sempiternae Deus, multiplica in honorem nominis tui quod patrum fidei spondidisti, & promissionis tuae filios sacra adoptione dilata: ut quod priores sancti non dubitauerunt futurum, Ecclesia tua magna iam ex parte cognoscat impletum. Per Dominum.

Post V. Lectionem.

DEVS celsitudo humilium & fortitudo rectorum, qui per sanctum Moysen puerum tuum ita erudire populum tuum sacri carminis tui decantatione voluisti, ut illa legis iteratio, fieret etiam nostra directio: excita in omnem iustificandarum gentium plenitudinem potentiam tuam, & da letitiam, mitigando terrorem: ut omnium peccatis tua miseratione deletis, quod denunciatum est in ultionem, transeat in salutem. Per Dominum nostrum Iesum.

Post VI. Lectionem.

OMNIPOTENS sempiternae Deus, spes unica mundi, qui Prophetarum tuorum praconio praesentium temporum declarasti mysteria: auge populi tui vota placatus, quia in nullo fidelium, nisi ex tua inspiratione, proueniunt, quarumlibet incrementa virtutum. Per Dominum.

Post VII. Lectionem.

OMNIPOTENS sempiternae Deus, respice propitius ad deuotionem populi renascentis, qui sicut ceruus aquarum expetit fontem: & concede propitius, ut fidei ipsius sitis, baptismatis mysterio, animam corpusque sanctificet. Per Dominum.

Benedictio Fontium.

Fons cōse-  
crati per  
signū cru-  
cis sit mē-  
tio apud  
Ambr. de  
ijs q̄ myst.  
init. c. 3. &  
4. l. i. de sa-  
ciam. c. 5.  
a, 2. c. 5.

OMNIPOTENS sempiternae Deus, adesto magnae pietatis mysterijs, adesto sacramentis: & ad creandos novos populos, quos tibi fons baptismatis parturit, spiritum adoptionis emitte: ut quod humilitatis nostrae gerendum est ministerio, tuae virtutis impleatur effectum. Per Dominum.

DEVM immensum maiestatis aeternae suppliciter exoramus, ut per verbum, & virtutē, & sapientiam suam, Dominum nostrum Ie-  
sum



sum Christum, in hoc lauacro salutari peccatorum omnium admissa concedat. Detque his sanctificationē suam aquis, vt quicunque easdem ingressi fuerint, remissionem criminum, & benedictionem consequantur. Per eundem Dominum nostrum Iesum Christum filium suum, secum viuentem atque regnantem Deum, in vnitae spiritūs sancti, Per omnia secula seculorum.

R. Amen.

OREMVS & deprecemur Dei patris omnipotentis clementiam, vt famulis suis competentibus, quos in hac hora ad hunc beatæ regenerationis fontem dexteræ suæ protectione perduxit, det gratiam misericordiæ suæ. Et corda eorum spirituali repleat intellectu, vt caeleste sacramentum plena fide & credula mente suscipiant. Nobis etiam famulis suis det veniam omnium delictorum, gloriæ suæ præsentiam tribuat, vt mysteria salutaris baptismatis sine offensione celebremus. Per Dominum, vt suprâ.

Exorcismus aquæ cum insufflatione.

ADIVRO te creatura aquæ, per Deum † verum, Deum † viuum, Deum † sanctum, qui te in principio à terra separauit, qui te de paradisi fonte produxit, & ex quatuor fluminibus totam terram rigare præcepit.

ADIVRO te per Dominum nostrum Iesum Christum filium Dei viui, qui te in Cana Galilææ signo admirabili in vinum conuertit: qui pedibus super te ambulauit, & à Ioanne in te est baptizatus: qui te amarissimam aquam per lignum passionis suæ indulcavit, & populum sitientem, te de petra producens, satiauit: & Naaman Syrum in te à lepra sua mundauit: & nomen tibi imposuit, Siloa, in qua cæcum, vt lumen reciperet, oculos lauare præcepit: Qui te de latere suo, vnâ cum sanguine produxit: Qui discipulis suis dixit: Ite, docete omnes gentes, baptizantes eos in nomine patris, & filij, & spiritus sancti. Efficere ergo aqua exorcizata, ad effugandam omnem diaboli infestationem, omneque phan-

Ioan. 9.

Ioan. 19.

Matt. 28.

Xx 3 talma

tasma inimici, & ipsum inimicum eradicandum, effugandum, atque supplantandum à seruis Dei, qui in te hodiè baptizandi sunt, accepturique remissionem omnium peccatorum suorum in nomine Dei patris omnipotentis, & in nomine Iesu Christi filij eius, qui venturus est in spiritu sancto iudicare viuos & mortuos, & seculum per ignem.

Benedictio aquæ.

Exod. 14. **SANCTIFICARE** per verbum Dei vnda cęlestis, sanctificare aqua Christi calcata vestigijs, quę mentibus pressa non clauderis, quę scopulis illisa non frangeris, quę terris infusa non deficiis. Tu sustines aridam, portas montium pondera, nec demergeris. Tu cęlorum vertice contineris, circumfusa per totum, lauas omnia, nec lauaris. Tu fugientibus Hebręorum populis, in glaciem indurata constringeris: tu rursùs altis resoluta verticibus, Nili accolas perdis, & hostilem globum freto sequente persequeris, vna eademq; es salus fidelium, & ultio criminosis. Te per Moysen percussa rupes euomuit, nec abdita cautibus, latere potuisti, cum maiestatis imperio iussa prodires. Tu gestata nubibus, imbre iucundo arua fecundas, nè siccatis exanimata visceribus, sublimes neget terra prouentus. A te principium, in te finis exultat: vel potius tum est, vt terminum nesciamus. Neque enim Domine omnipotens pater, virtutum tuarum nescij, aquarum merita laudamus, sed in his operis tui prædicamus insignia. Suscipe igitur noxios, solue captiuos, redde quod in paradiso Adam perdidit, quod vxor amisit, quod intemperantia crudelis absorbit. Da salutare potum malè saturis acerbitate pomorum, vt indigesta mortalium & annosa perniciēs, diuino soluatur antidoto. Ablue terram squaloris illu-  
nie, discute paradisi macheram flammeis obicibus fluctuantem. Pateat redeuntibus floribus, ruris ingressus: recipiant imaginem deitatis olim perditam, liuore serpentis. Quicquid noxium de præ-  
uaricatione contractum est, huius gurgitis puritate deponant. Sur-  
gant



gant ad requiem, producantur ad veniam, vt mystico corpore & sanguine innouati, & redemptos se nouerint, & renatos. Per eundem Dominum nostrum Iesum Christum filium tuum, tecum viuentem atque regnantem Deum, in vnitatis spiritus sancti, Per omnia secula seculorum.

R. Amen.

Inter infundendum chrisma.

SIT fons iste sacer, sanctificatus, perunctus, & benedictus, in nomine patris, & filij, & spiritus sancti Amen.

Post baptismum.

CELEBRATIS atque perfectis diuini baptismatis sacramentis, Domine celi & terræ, Deo patri omnipotenti, indefessas gratias referamus, ipsumque supplices postulemus, vt nos atque oem familiam suam gloriosæ resurrectionis Domini nostri Iesu Christi annuat esse participes: præstante ipso domino nostro Iesu Christo filio suo, secum viuente atque regnante, in vnitatis spiritus sancti, Per omnia secula seculi.

Ad Missam pro baptizatis.

Super populum.

DEVS, qui renatis ex aqua & spiritu sancto cælestis regni pandis introitum, auge super famulos tuos gratiam quam dedisti, vt qui ab omnibus sunt purgati peccatis, nullis priuentur promissis. Per Dominum. in vnitatis eiusdem.

Super sind.

DEVS, qui hanc sacratissimam noctem gloria Dominicæ resurrectionis illustras, conserua in noua familiæ tuæ progenie adoptionis spiritum quem dedisti, vt corpore & mente renouata, puram tibi exhibeat seruitutem. Per Dominum. in vnitatis eiusdem.

Super obl.

DEVS, cuius munere honoranda baptismatis sunt impleta mysteria, concede populo tuo, originalis delicti errore mundato, post sacratissimum fontem terram tuæ promissionis intrare,

vi

Octauæ  
baptiza-  
torum men-  
tionē fa-  
cit Ambr.  
prologo  
in Psa. 118.

vt dulcia sacramentorum tuorum iam nunc alimenta percipiat.  
Per Dominum.

Præfatio.

AETERNE Deus. Quia vetustate destructa, vitæ nobis in Christo reparatur integritas. Propterea profusis gaudijs totus in orbe terrarum mundus exultat. Sed & superne virtutes, & angelicæ concinunt potestates hymnum gloriæ tuæ, perpetim sine fine dicentes: Sanctus, Sanctus.

Post Communionem.

PRAESTA, quæsumus, omnipotens Deus, vt diuino munere satiati, & sacris mysterijs innouemur & moribus. Per Dominum. Qui tecum.

Ad Missam in Ecclesia maiore.

Adnunciatio resurrectionis Domini ter repetita.

CHRISTVS Dominus resurrexit.

R. Deo gratias.

Super populum.

OMNIPOTENS sempiternus Deus, qui in omnium operum tuorum dispensatione es mirabilis, intelligant redempti tui, non fuisse excellentius quod in initio factus est mundus, quàm quod in fine seculorum Pascha nostrum immolatus est Christus. Qui tecum.

Super sind.

DEVS, qui in solennitate paschali cælestia mundo remedia benignus operaris, annua festiuitatis huius dona prosequere, vt per obseruantiam temporalem, ad vitam perueniamus æternam. Per Dominum.

Super obl.

ACCIPERE Domine munera exultantis Ecclesiæ: & cui causam tanti gaudij contulisti, perpetuæ fructum concede lætitiæ. Per Dominum.

Præ-



## Præfatio.

AEQVVM & salutare. Nos te quidem Domine omni tempore benedicere, sed in hac potissimum nocte profusiùs exultantibus animis prædicare, quum pascha nostrum immolatus est Christus. Ille enim verus est agnus, qui abstulit peccata mundi: Qui mortem nostram moriendo destruxit, & vitam nobis refurgendo reparauit. Vnde profusis gaudijs totus in orbe.

## Infra actionem pro baptizatis.

VERE sanctus, verè benedictus Dominus noster Iesus Christus filius tuus: Qui quum Dominus esset maiestatis, descendens de cælo, formam serui, qui priùs perierat, suscepit, & spontè pati dignatus est, vt eum quem ipse fecerat, de morte liberaret. Vnde & hoc paschale sacrificium tibi offerimus pro his, quos ex aqua & spiritu sancto regenerare dignatus es, dans eis remissionem omnium peccatorum, vt inuenires eos in Christo Iesu Domino nostro. Pro quibus tibi Domine supplices fundimus preces, vt nomina eorum, pariterque famuli tui Papæ N. & Pontificis nostri N. ac N. Imperatoris, scripta habeas in libro viuentium. Per eundem.

## Post Communionem.

CIBI salutaris & poculi dona libantes, quæsumus Domine, vt qui paschale mysterium sumpsimus, prodesse nobis in perpetuum gaudeamus. Per Dominum nostrum.

## OO. IN DIE SANCTO PASCHAE.

Manè ad Missam pro baptizatis.

Super populum.

DEVS, qui humanam naturam supra primæ originis reparas dignitatem, respice ad pietatis tuæ ineffabile sacramentum, vt quos regenerationis mysterio dignatus es innouare, in his dona tuæ perpetis gratiæ benedictionisq; cõferua. Per Dominum.

Celebritatem Paschæ commemorat Ambros epist.

83. de Helia & ieiun. cap. 10. ac Li. de Pascha. Sunt etiam serm. eius de Pascha 53. et 54.

Yy

Super

Super find.

DEVS, qui credentes in te fonte baptismatis innouâsti, hanc renatis in Christo cōcede custodiam, vt nullo erroris incurſu gratiam tuæ benedictionis amittant. Per eundem.

Super obl.

SUSCIPE, quæsumus Domine, plebis tuæ & tuorum hostias renatorum, vt & confessione tui nominis & baptismo renouati, sempiternam beatitudinem consequantur. Per Dominū nostrum.

Præfatio.

ÆTERNE Deus. Et pro humani generis mirabili reparatione, exultantibus te gaudijs in hac die laudare: Quæ omnibus diebus temporibusque præcellens, & suæ crucis interitu, & beatæ resurrectionis est clara primatu. In hac enim vnigenitus tuus, vt primogenitus esset ex mortuis, ad glorificandā in se carnis nostrę animæque naturā, qua potestate occubuit, eadē resurrexit. Vndē pfusis.

Post Com.

DIGNE nos tuo nomini, quæsumus Domine, famulari salutaris cibus & sacer potus instituat, vt renouationem conditionis humanæ, quam mysterio continet, in nostris sensibus iugiter operetur. Per Dominum.

Ad Missam in Ecclesia maiore.

Super populum.

DEVS, qui ad æternam vitam in Christi resurrectione nos reparas, da populo tuo fidei speique constantiam, vt non dubitemus implenda, quæ te nouimus authore promissa. Per eundē Dominum nostrum.

Super findonem.

DEVS, qui per vnigenitum tuum eternitatis nobis aditum, deuicta morte, referâsti: erige ad te fidelium corda, vt à terrenis cupiditatibus liberati, ad cęlestia desideria transeamus. Per eundem.

Super oblat.

Q V AE-



QVAESVMVS Domine, vt iam non teneamur obnoxij damnationis humanæ sententia, à cuius nos vinculis hæc hostia paschalis \* absoluat. Per Dominum. \*absoluit.

Præfatio.

AEQVVM & salutare: Nos tibi sancte pater omnipotens gratias agere, nos deuotas laudes referre, Pater inclyte, omnium author & conditor. Quia quum Dominus esset maiestatis Christus Iesus filius tuus, ob liberationem humani generis crucem subire dignatus est. Quem dudum Abraham præfigurabat in filio, turba Moisaica immaculati agni immolatione signabat. Ipse est enim, quem sacra tuba cecinerat Prophetarum, qui omnium peccata portaret, aboleret & crimina. Hoc est illud Pascha, Christi nobilitatum cruore, in quo fidelis populus præcipua deuotione resultat. O mysterium gratia plenū, ô ineffabile diuini muneris sacramentum: ô solennitatum omnium honoranda solennitas. In qua vt seruos redimeret, mortalibus se præbuit occidendum. Quàm itaque beata mors, quæ mortis nodos resoluit. Iam nunc sentiat se tartareus princeps attritum, & nos de profundi labe \* educti, ad cæleste regnum conscendisse gratulemur. Et ideò cum angelis. \*eductos,

Post Communionem.

PERPETVO Deus Ecclesiam tuam pio fauore prosequere, vt Paschalibus resuscitata mysterijs, ad resurrectionis perueniat claritatem. Per Dominum nostrum.

pp. FER. II. IN ALBIS.

Probaptizatis.

Super populum.

DEVS, qui populum tuum de hostis callidi seruitute liberasti, preces eius misericorditer respice, & aduersantes ei tua virtute prosterne. Per Dominum nostrum.

Super sind.

Yy 2 DA,

DA, quęsumus, omnipotens Deus, vt Ecclesia tua & suorum firmitate membrorū, & noua semper fœcūditate letetur. Per Dñm.  
Super oblatam.

CLEMENTIAM tuam supplices exoramus omnipotens Deus, vt populum tuum, quem sacro baptismo renouare dignatus es, per hæc Paschalia munera, ad æternę vitę gaudia peruenire concedas. Per Dominum.

Præfatio.

AETERNE Deus. Redemptionis nostrę festarecolentes, quibus humana substantia vinculis pręuaricationis exuta, spem resurrectionis per renouatā sumpsit originis dignitatem. Per Christum.

Post Communionem.

SOLITA, quęsumus Domine, quos saluāsti pietate, custodi, vt qui tua passione sunt redempti, tua resurrectione letentur. Qui cum patre.

In Ecclesia maiore.

Super populum.

PRAESTA, quęsumus, omnipotens Deus, vt huius Paschalis festiuitatis mirabile sacramentum, & temporalem nobis tranquillitatem tribuat, & vitam conferat sempiternam. Per Dominum.

Super sind.

PERFICE Domine benignus in nobis paschalium munerum votiuā commercia, vt à terrenis affectibus liberati, ad cęleste desiderium transferamur. Per Dominum.

Super obl.

PLEBIS tuę Domine munera placatus admitte, vt quę paschalibus mysterijs exhibet, in tuę remunerationis veritate percipiat. Per Dominum.

Præfatio.

PER Christū Dñm nostrū: Qui semper in nobis Paschale perficiat sacramentū, vt per initiata remedia, cōtinuis educare nō desistat



stat augmentis. Vndè profusis gaudijs totus in orbe terrarum mundus exultat. Sed & supernæ virtutes, & angelicæ concinunt potestates, hymnum gloriæ tuæ perpetim sine fine dicētes: Sanctus.

Post Commun.

SPIRITVM in nobis Domine tuæ charitatis infunde, vt quos sacramentis Paschalibus satiasti, tua facias pietate concordēs. Per Dominum.

29. FER. III. IN ALBIS.

Pro baptizatis.

Super populum.

**D**EV S, qui Ecclesiam tuam nouo semper fœtu multiplicas, concede famulis tuis, vt sacramentum Paschale viuendo teneant, quod fide perceperunt. Per Dominum.

Super sind.

DEV S, qui renatis ex aqua & spiritu sancto cælestis regni pandis introitum: auge super famulos tuos gratiā quam dedisti, vt qui ab omnibus sunt purgati peccatis, nullis priuentur promissis. Per Dominum. in vnitāte eiusdem.

Super obl.

SUSCIPE, quęsumus, Domine oblationes familię tuę, vt sub tuę protectionis auxilio collata non perdāt, & ad æterna dona perueniant. Per Dominum.

Præfatio.

AEQVVM & salutare: Nos te quidem Domine, omni tempore benedicere, sed in hoc præcipuè die, quo Domini nostri Iesu Christi resurrectio celebratur, omni deuotione laudare. Hoc itaq; die, quo Christus à mortuis resurrexit, potestas diaboli cecidit, tartarea sunt inferni vincula resoluta, chirographum est antiquę præuaricationis extinctum, & aculeus mortis attritus. Nos quoquē de seruitutis iugo dominationis Aegypti per spirituales aquas educēs, triumphans resurrexit in gloriam. Propterea profusis.

Yy 3 Post

Post Com.

IMPLEATUR in nobis, quæsumus Domine, sacramenti Paschalis sancta libatio, nosque de terrenis affectibus, ad cæleste transferat institutum. Per Dominum.

In Ecclesia maiore.

Super populum.

Omnipotens sempiterne Deus, qui populum tuum vnigeniti tui sanguine redemisti: solue opera diaboli, rumpe vincula peccati, vt qui æternam vitam in confessione tui nominis sunt adepti, nihil debeant mortis auctori. Per eundem Dominum.

Super sindonem.

EXAUDI nos misericors Deus, & redemptionis nostræ subsidia deuota nos effice semper mente tractare. Per Dominum.

Super obl.

Sacrificia Domine Paschalibus gaudijs immolamus, quibus ecclesia tua mirabiliter pascitur, & nutritur. Per Dominum nostrum.

Præfatio.

ÆTERNE Deus. Tuam magnificentiam deprecantes, vt qui alligans fortem nostri generis inimicum, vasa eius diripere non desistis, ad confortiū nos Christi tui facias venire vincentes. Per eundem Christum Dominum.

Post Com.

CONCEDE, quæsumus, omnipotens Deus, vt Paschalis perceptio sacramenti continua in nostris mentibus perseueret. Per Dominum.

R. FER. IIII IN ALBIS.

Pro baptizatis.

Super populum.

**T**VERE Domine familiam tuam, quæsumus, paschali mysterio gloriantem: vt cuius salutarem fidei veneratur originem, iugiter instituta custodiat. Per Dominum.

Super



Super find.

DEVS conditor totius creaturæ, famulos tuos quos fonte baptis-  
matis renouâsti, quosque gratiæ tuæ plenitudine solidâsti, in  
adoptionis sorte facias dignanter ascribi. Per Dominum.

Super obl.

Clementiam tuam Domine suppliciter exoramus, vt paschalis  
muneris sacramentum, quod fide recolimus, & spe desideramus in-  
tenti, perpetua dilectione capiamus. Per Dominum.

Præfatio.

PER Christum Dominum nostrum: Qui se pro nobis obtulit  
immolandum, vt corpore eius & sanguine, quo à peccatis redempti  
sumus, ad æternam vitam sacrificijs paschalibus pasceremur. Pro-  
pterea profusis.

Post Com.

Ecclesia tua Dñe cęlesti gratia repleatur, atq; ab omnibus vitijs  
expiata, percipiat sempiternæ redemptionis augmentũ. Per Dñm.

In Ecclesia maiore.

Super populum.

DEVS, qui nos resurrectionis Dominicæ annua solennitate le-  
tificas, concede propitius, vt per temporalia festa quæ agimus, per-  
uenire ad gaudia æterna mereamur. Per eund.

Super find.

Omnipotens sempiterne Deus, qui resurgens à mortuis passio-  
ne cassata, potentior te tuis discipulis reddidisti: concede propi-  
tius, vt nos quoque maiestatis tuæ mysteria celebrantes, præsentis  
diuinæ beneficia consequamur. Qui cum patre.

Super obl.

ACCIPERE Domine preces nomini tuo dicatas, cum oblationib;  
supplicantium, vt quod mysterijs paschalibus fideliter exequuntur,  
in tuæ remunerationis veritate percipiant. Per Dominum.

Præfatio.

ÆTER.

AETERNE Deus. Quia refulsit in æternum dies nostrę resurrectionis, & glorię Domini nostri Iesu Christi: Qui idem sacerdos & hostia dignanter extitit, nō solū qui sanctificet populum, sed ipsos quoquē dicatos maiestati tuę cōmendet, Vndē profusis.

Post Com.

Ab omni nos, quęsumus Domine, vetustate purgatos, sacramenti tui veneranda perceptio, in nouam trāsferat creaturam. Qui cum patre.

Ss. FER. V. IN ALBIS.

Pro baptizatis.

Super populum.

DEVS, qui diuersitatem gentium in confessione tui nominis adunāsti, da, vt renatis fonte baptismatis vna sit fides mētium, & pietas actionum. Per Dominum.

Super sind.

DEVS, qui multiplicas sobolem renascentium, fac eos gaudere propitius de suorum venia peccatorum. Per Dominum.

Super obl.

SUSCIPE, quęsumus Domine, munera populorum tuorum propitius, vt confessione tui nominis & sacro baptismo renouati, sempiternam beatitudinem consequantur. Per Dominum.

Præfatio.

MS.

PER Christum Dominum nostrum. De cuius morte vita surrexit, de passione salus ascendit, de pœna crucis remedium pietatis, gloria de damnatione, medicina de vulnere. Vnus nanq; mori voluit, nē omnes moreremur. Immō vnus mori dignatus est, vt omnes nos perpetuō viueremus. Propterea profusis.

Post Com.

PRAESTA, quęsumus, omnipotens Deus, vt qui paschalia sacramenta percepimus, æternę vitę gaudia percipere mereamur, Per Dñm. In



In Ecclesia maiore.

Super populum.

DEVS, qui nobis ad celebrandum Paschale sacramentum libe-  
riores animos præstitisti: doce nos & metuere quòd irasceris, &  
amare quod præcipis. Per Dominum.

Super sindonem.

DEVS, qui ad æternam vitam in Christi resurrectione nos re-  
paras, erige nos ad consedentem in dextera tua nostræ salutis au-  
thorem: vt qui propter nos iudicandus aduenit, pro nobis iudi-  
caturus, mitis adueniat, Dominus noster Iesus Christus filius tuus:  
Qui tecum viuit & regnat.

Super obl.

CONCEDE, quæsumus, misericors Deus, vt quod Paschalibus  
exequimur institutis, fructiferum nobis omni tempore sentiamus:  
Per Dominum.

Præfatio.

PER Christum Dominum nostrum. Qui oblatione sui cor-  
poris, remotis sacrificijs carnalibus victimarum, \* seipsum tibi pro  
salute nostra offerens, idem sacerdos & sacer agnus exhibuit. Vn-  
dè profusis.

Post Com.

EXAUDI Domine preces nostras, vt redemptionis nostræ sa-  
cro sancta commercia, & vitæ nobis conferat præsentis auxilium, &  
gaudia sempiterna concilient. Per Dominum.

T. FER. VI. IN ALBIS.

Pro baptizatis.

Super populum.

OMNIPOTENS sempiternæ Deus, qui populum tuum  
quondam, Iordane transiecto, terram fecisti promissionis in-  
trare: præsta, quæsumus, vt significationis antiquæ & veritatis pa-

ZZ refectis

\* seipsum  
tibi sacrâ  
hostiam  
agnumq;  
immacu-  
latum sum-  
mus sacer-  
dos pro sa-  
lute nos-  
tra imo-  
lauit. Per  
quem.

refactis mysterijs, per sacramenta baptismatis, adoptionis tuæ filij, regno cælesti mereantur ascribi. Per Dominum.

Super find.

DEVS, qui credentes in te populos gratiæ tuæ largitate multiplicas, respice propitius ad electionem tuam, vt qui sacramento baptismatis sunt renati, regni cælestis mereantur introitum. Per Dominum.

Super obl.

HOSTIAS Domine, quæsumus, placatus assume, quas & pro renatorum expiatione deferimus, & pro acceleratione cælestis auxilij, Per Dominum nostrum.

Præfatio.

PER Christum Dominum nostrum: Qui secundum promissionis suæ incommutabilem veritatem, cælestis Pontifex factus in æternum, solus omnium sacerdotū peccati remissione non eguit, sed potius peccatum mūdi idem verus agnus absterfit. Per quem.

Post Com.

FAC, quæsumus, omnipotens Deus, vt qui Paschalibus remedijs innouati, similitudinem terreni parentis euasimus, ad formam cælestis transferamur authoris. Qui tecum.

In Ecclesia maiore.

Super populum.

OMNIPOTENS sempiternus Deus, qui Paschale sacramentum in reconciliationis humanæ fœdere contulisti, da mentibus nostris, vt quod professione celebramus, imitemur affectu. Per Dominum.

Super find.

DA nobis Domine, quæsumus, vt Paschalia gaudia quæ lætenter exequimur, perpetua virtute nos tueantur & saluent. Per Dominum.

Super obl.

Ac.



ACCIPERE Domine fidelium preces cum oblationibus hostiarum, vt per hæc pię deuotionis officia, ad cælestem gloriã transeamus. Per Dominum.

Præfatio.

ÆTERNE Deus. Poscentes, vt cuius muneris mysticū pignus accepimus, manifesta dona compræhendere valeamus, vt quę nobis fideliter speranda Paschale contulit sacramentum, \* attingere mereamur resurrectionis Dominicę firmitate. Per eundem.

\* per resurrectionis eius attingere mereamur ineffabile mysterium.

Post Com.

RESPICE, quæsumus, Domine populū tuum, & quem eternis dignatus es renouare mysterijs, à temporalibus culpis dignanter absolue. Per Dominum.

# VU SABBATO IN ALBIS.

Pro baptizatis.

Super populum.

DEVS, qui humani generis es reparator & rector, fac Ecclesiam tuam in noua prole semper augeri, & deuotione cunctorum crescere filiorum. Per Dominum.

Super sind.

LARGIRE, quæsumus, Ecclesię tuę Deus, & à suis semper & ab alienis abstinere delictis, vt pura tibi mente seruiens, pietatis tuę remedia sine cessatione percipiat. Per Dominum.

Super obl.

FAMILIAM tuam Domine, quam per paschalia festa lætificas, his quoquē sacrificijs emendatam, à cunctis defende periculis. Per Dominum.

Præfatio.

ÆQVVM & salutare: Nos te, omnipotēs Dñe, suppliciter exorare, vt fidelibus tuis dignanter impendas, quò & paschalia capiant sacramenta, & desideranter expectent ventura: vt in mysterijs,

Z z 2 quibus

quibus renati sunt, permanentes, ad nouam vitam his operantibus perducantur. Et ideò.

Post Communionem.

EXAUDI nos omnipotens Deus, & familiæ tuę corda, cui perfectam baptismatis gratiam contulisti, ad promerendam beatitudinem aptes æternam. Per Dominum.

In Ecclesia maiore.

Super populum.

CONCEDE, quęsumus, omnipotens Deus, vt qui festa Paschalia venerando egimus, per hæc pertingere ad gaudia æterna mereamur. Per Dominum.

Super find.

OMNIPOTENS sempiternæ Deus, quem, docente spiritu sancto paterno nomine inuocare præsumimus: effice in nobis filiorum corda fidelium, vt hereditatem promissam mereamur ingredi per debitam seruitutem. Per Dominum. in vnitate eiusdem.

Super obl.

ACCIPERE Domine fidelium preces cum oblationibus supplicantium, vt Paschalibus initiata mysterijs, ad eternitatis nobis proficiant hæc dona suffragium. Per Dominum.

Præfatio.

AETERNE Deus. Et nunc maximè gratulari, quādò dies salutis nostrę, & tuę erga nos pietatis mysteriū solenniter celebratur: quo de tenebris captiuitatis antiquę, filij lucis & libertatis effici-mur: & terrenis exuti, ad cęlestia regna trāsimus. Propterea pfusis.

Post Com.

REDEMPTIONIS nostrę munere vegetati, quęsumus Domine, vt hoc perpetuę salutis auxilium fides semper vera perficiat. Per Dominum.

XX. DOM. IN ALBIS DEPOSITIS.

Super populum.

PRAE-



**PRAESTA**, quæsumus, omnipotens Deus, vt qui Paschalia festa peregrimus, hæc, te largiente, moribus & vita teneamus. Per Dominum.

Super find.

**DEVS**, innocentiae restitutor & amator, dirige ad te tuorum corda famulorum, vt quos de infidelitatis tenebris liberasti, nunquam à tuæ veritatis luce discedant. Per Dominum.

Super obl.

**RESPICE** Domine munera exultantis Ecclesie, & salutem credentium perpetua sanctificatione sumenda concede. Per Dominum.

Præfatio.

**AETERNE** Deus. Suppliciter exorantes, nè nos ad illum finem redire actum, cui iure dominatur inimicus: Sed in hac potius facias absolutione persistere, per quam diabolus extitit, filio tuo vincente, captiuus. Et ideò.

Post Communionem.

**EXVBERET**, quæsumus Domine, mentibus nostris paschalis gratia sacramenti, vt donis tuis ipsa nos dignos efficiat. Per Dominum nostrum.

## yy. DOM. II. POST PASCHA.

Super populum.

**MISERICORS** Domine fidelium tuorum consolator & doctor, auge in Ecclesia tua desideria quæ dedisti, & de intelligenda altitudine promissionum tuarum, sperantium in te corda confirma: vt omnes adoptionis filij, lumen quod nondum ostendis, fidei oculis incunctanter intueantur, & patienter expectent. Per Dominum.

Super find.

**DEVS**, qui in filij &c. vt infra Tom. 2.

Zz 5

Super

Super oblatam.

DEVS, qui nos per huius sacrificij veneranda commercia vni-  
us summæque diuinitatis participes effecisti: præsta, quæsumus,  
vt sicut tuam cognoscimus veritatem, sic eam dignis moribus af-  
sequamur. Per Dominum.

Præfatio.

AETERNE Deus. Qui omnia elementa fecisti, & varias dis-  
posuisti temporum vices, atque homini ad tuam imaginem con-  
dito, vniuersa simul animantia rerumq; miracula subiecisti. Cui  
licet origo terrena sit, tamen regeneratione baptismatis cælestis ei  
vita confertur. Nam deuicto mortis authore, immortalitatis est  
gratiam consecutus: & præuaricationis errore cessato, viam reperit  
veritatis. Per Christum.

Post Communionem.

PRAESTA nobis omnipotens & misericors Deus, vt viuifi-  
cationis tuæ gratiâ consequentes, in tuo semper munere gloriemur.  
Per Dominum.

22. IN FESTO S. MARCI.

Super populum.

DEVS, qui hunc diem, B. Marci Euangelistę & martyris tui,  
sanguinis roseo consecrasti cruore perfusum: præsta, quæsumus, vt  
ipse apud te pro nobis existat præcipuus suffragator, qui vnigeniti  
tui fieri meruit euangelicus prædicator. Per eundem.

Super sind.

DEVS, qui nos B. Marci Euangelistę & martyris tui solennita-  
te lætificas, pietatis tuę largitate cōcede benignus, vt cuius trium-  
phum pio amore veneramur in terris, societatis eius lætitiā adipi-  
sci, te largiente, mereamur in cælis. Per Dominum.

Super obl.

HANC in cōspectu diuinæ maiestatis tuę Domine placationis  
hostiā, B. Marci Euangelistę tui intercessio deuota cōmendet: Quæ  
qui-



quidem angelicis tibi manibus oblata, tuâq; dextera benedicta, ab omni nos reddat peccatorum labe purgatos. Per Dominum.

Præfatio.

**ÆTERNE** Deus. Et te in tuorum martyrum venerari triumphis, qui eos pro fidei merito reluctantes, victricibus armis præcinxisti. Quorum pio commonitus exemplo, speiq; promissæ perpetuitate certissimus, beatus Euangelista Marcus, seculi huius momentaneis gaudijs abolitis, per diuersa martyrij ludibria, cælestium militum meruit adipisci commercia. Per Christum.

Post Communionem.

**INENARRABILIS** sacramenti suauitate resecti, quæsumus Domine, beati Marci Euangelistæ tui suffragijs, nullis vnquam impediamur terrenis actibus, te sequi omnium bonorum creatorem. Qui viuus.

**Aaa. IN FESTO SS. VITALIS ET VALERIAE.**

Super populum.

**SANCTORVM** nos, quæsumus Domine, Vitalis & Valeriæ natilitia votiuâ lætificent, & suæ beneficijs intercessionis attollant. Per Dominum.

Super sind.

**CONCEDE**, quæsumus, omnipotens Deus, vt ad meliorem vitam, sanctorum tuorum Vitalis & Valeriæ exempla nos prouocet, quatenus quorû solennia agimus, etiam actus imitemur. Per Dñm.

Super obl.

**ACCEPTA** sit in conspectu tuo Domine nostra oblatio, & eorum nobis fiat supplicatione salutaris, pro quorum solennitate defertur. Per Dominum.

Præfatio.

**ÆTERNE** Deus: Et te in omnium martyrum triumphis laudare, quoniâ tuis donis atq; muneribz, beatorû martyrum Vitalis & Val-

Horum  
Martyrû  
apud Ra  
uennam  
passio ce  
lebratur  
in Mar.  
tyrol. 28.  
April. &  
ab Ambr.  
serm. de  
Geruasio  
& Protasio.

Valeriæ passionem hodierna solennitate veneramur. Qui pro cō-  
fessione Iesu Christi filij tui diuersa supplicia sustinuerunt, & ea  
deuincens, coronam perpetuitatis promeruerūt. Per Christum.  
Post Communionem.

EXVLTET, quæsumus Domine, populus tuus, in sanctorum  
tuorum commemoratione Vitalis & Valeriæ: Et quorum votiuo  
letatur officio, suffragio releuetur optato. Per Dominum.

bbb. DOM. III. POST PASCHA.

Super populum.

**D**EVS, qui fidelium mentes vnus efficis voluntatis, da po-  
pulis tuis id amare quod præcipis, id desiderare quod pro-  
mittis: vt inter mundanas varietates ibi nostra fixa sint corda, vbi  
vera sunt gaudia.

Super find.

DEVS, qui misericordiæ ianuam fidelibus patere voluisti, re-  
spice in nos, & miserere nostris: vt qui voluntatis tuæ viam, donan-  
te te, sequimur, à vitæ nūquā tramite deuiemus. Per Dominum.

Super obl.

BENEDICTIONEM &c. vt infra Tom. 2. Dom. 3. Post oct.  
Paschæ.

Præfatio.

PER Christum Dominum nostrum. Qui humanis misertus  
erroribus, per virginem nasci dignatus est, & per passionem mor-  
tis, à perpetua nos morte liberauit, ac resurrectione sua æternam no-  
bis contulit vitam, Idem Iesus Christus Dñs noster. Quem vnā.

Post Communionem.

SACRAMENTA &c. vt infra ibidem Tom. 2.

ccc. FER. 4. MEDIANTE DIE FESTO.

id est, die xxv. post Pascha, qui inter Pascha & Pente-  
costen est medius.

Super



Super populum.

DEVS, per cuius prouidentiam nec præteritorum momenta deficiunt, nec vlla superest expectatio futurorum : tribue permanentem peractæ, quam recolimus, solennitatis effectum, vt quod recordatione percurrimus, semper in opere teneamus, Per Dominum nostrum.

Super find.

POPVLVS tuus, quæsumus Domine, renouata semper exaltet animæ iuuentute : vt qui antea in peccatorum veteris mortis venerat \* senio, nunc lætetur in pristinam se gloriam restitutum. \* senium, Per Dominum.

Super obl.

MVNERA tibi Domine oblata sanctifica, vt tui nobis vnigeniti corpus & sanguis fiant. Qui tecum viuit & regnat in vnitæte.

Præfatio.

AETERNE Deus : Per mediatorem Dei & hominum, Iesum Christum Dominum nostrum. Qui, mediante die festo, ascendit in templum docere : qui de cælo descendit, mundum ab ignorantia tenebris liberare. Cuius descensus genus humanum doctrina salutaris instruit, mors à perpetua morte redemit, ascensio ad cælestia regna perduxit, Per quem te summe pater poscimus, vt eius institutione edocti, salutaris parsimonie deuotione purificati, in tua perueniamus promissa securi, Per eundem.

Post Communionem.

ADIVVET nos, quæsumus Domine, sanctum istud Paschale mysterium, & vt deuotis hoc mentibus exequamur, obtineat. Per Dominum.

ddd. DOM. IIII. POST PASCHA.

Super populum.

DEVS, qui errantibus &c vt infra Tom. 2. post oct. Paschæ.

Super find.

Aaa

ACTIO-

ACTIONES nostras, quæsumus, Domine & adspirando præueni, & adiuuando prosequere, vt cuncta nostra operatio, à te semper incipiat, & per te cœpta finiatur. Per Dominum.

Super obl.

HIS nobis Domine. &c. vt infra ibidè.

Præfatio.

ÆTERNE Deus. Postulantes, vt tempora quibus post resurrectionem Dominus noster Iesus Christus cum suis discipulis corporaliter habitauit, pia deuotione tractemus. Quem vnà.

Post Communionem.

ADESTO nobis Domine &c. vt ibidè Dom. 3.

**ECC. IN FESTO SS. APOST. PHILIPPI  
ET IACOBI.**

Super populum.

DEVS, qui conspicias quia nos vndiquè mala nostra conturbant, præsta, quæsumus, vt beatorum Apostolorum tuorum Philippi & Iacobi intercessio gloriosa nos protegat. Per Dominum.

Super find.

INTERCESSIONIBVS nos Domine, quæsumus, sanctorum Philippi & Iacobi vbiquè confoueat, vt eorum sacra natalitia temporaliter frequentemus, & conspiciamus æterna. Per Dominum.

Super obl.

SACRIFICIUM nostrum tibi Domine, quæsumus, beatorum Apostolorum Philippi & Iacobi precatio sancta conciliet, vt in quorū honore solènter exhibetur, meritis efficiatur acceptum. Per Dominum.

Præfatio.

ÆTERNE Deus. Quia tui est operis tuæque virtutis, vt beatorum Apostolorum Philippi & Iacobi gloriosa confessio vsque in finem sæculi nobis capiat regni cælestis augmentum. Per Christum.

Post



Post Communionem.

BEATORVM Apostolorum Philippi & Iacobi honore continuo Domine plebs tua semper exultet, & his p̄sulibus gubernetur, quorum & doctrinis gaudet, & meritis. Per Dominum.

Eff. IN FESTO INVENTIONIS  
S. CRVCIS.

Super populum.

De s. Cru-  
ce Serm.  
est Amb.

DEVS, qui p̄clara salutiferæ crucis inuentione, passionis tuę miracula suscitasti: concede, vt vitalis ligni precio, æternę vitę suffragia consequamur. Qui cum patre.

Super sind.

ADESTO familiæ tuæ clementissime Deus, vt in aduersis & prosperis preces eius exaudias, & nefarias aduersariorum insidias per vexillum sanctę crucis digneris conterere, vt perennis gaudiij salutem possit, te protegente, mereri. Per Dominum.

Super obl.

SACRIFICIUM Domine quod immolamus, placatus intēde, vt ab omni nos exuat bellorum nequitia, & per vexillum sanctę crucis filij tui, ad conterendas potestatis aduersę insidias, nos in tuę protectionis securitate constituat. Per eundem.

Præfatio.

PER Christum Dominum nostrum. Cuius hodiè, dudum à M. s. Iudeis abditum, gloriosum inuentum est vexillum. Qui protoplas-  
sti facinus, quod per ligni vetiti gustum in genus humanum diriuatum est, per idem lignum simulque nostra affigens delicta delere dignatus est. Cuius typum virga tenuit in separando æquoris vndas, & viam populo per Moysen præparando securam. Per cuius quoque vmbra, aspera mors populis ligno deducta cucurrit, in quo pendens redemptor, factus est maledictum, vt à maledicto nos eriperet legis. Cuius ligni mysterio saluari credimus omnes. Per eundem.

Aaa 2 Post

## Post Communionem.

REPLETI alimonia caelesti, & spiritali poculo recreati, quæsumus omnipotens Deus, ut ab hoste maligno defendas, quos per lignum sanctæ crucis filij tui armari, ac signo illo salutifero triumphare voluisti. Per eundem Dominum.

## Ggg. DOM. V. POST PASCHA.

## Super populum.

DEVS, qui hoc nobis confers gratia, ut iusti ex impiis, & beati efficiamur ex miseris : Adesto operibus tuis, adesto muneribus, ut quibus inest fidei iustificatio, non desit perseverantiæ fortitudo. Per Dominum.

## Super sind.

AVXILIARE Domine temporibus nostris, ut tua nos ubiq; dextera protegente, & religionis integritas, & Christiani nominis securitas reparata consistat. Per Dominum.

## Super obl.

CONCEDE nobis hæc, quæsumus Domine, frequentare mysteria, quia quotiès huius hostiæ commemoratio celebratur, opus nostræ redemptionis exercetur. Per Dominum.

## Præfatio.

ÆTERNE Deus. Et maiestatem tuam indefessis precibus exorare, ut mentes nostras bonis operibus semper informes : quia sic erimus præclari muneris prompta sinceritate cultores, si ad meliora iugiter transeuntes, Paschale mysterium studeamus habere perpetuum. Per Christum Dominum nostrum. Per quem.

## Post Communionem.

TRIBE nobis, quæsumus Domine, caelestis mensæ virtute satiatis, & desiderare quæ recta sunt, & desiderata percipere. Per Dominum.

h h h. IN





tur feriri sententia, vt victoriæ palmam adeptus, & author sui esset nominis, & exemplum magistri. Per Christum Dominum.

Post Com.

PERCEPTA mysteria, quæsumus Domine, & eruditione nos instruant, & participatione restaurent, vt ad spiritualia mereamur munera peruenire. Per Dominum.

### iii. IN DIE ASCENSIONIS DOMINI.

Super populum.

**D**EVS, qui Ecclesiam tuam, euangelicæ doctrinæ exhortatione, quæ sursùm sunt, iubes sapere, & ad eandem se altitudinem, ad quam mundi Saluator ascendit, erigere: da populis tuis intellectu capere, quod multi viderunt, vt in secundo mediatoris aduentu ditentur donis, qui promissis crediderunt. Per eundem.

Super synodum.

Exaltationem conditionis humanæ, substantiæ cōditor respice Deus, vt tua dignatione mundati, sacramētis magnæ pietatis aptemur. Per Dominum.

Super obl.

Sacrificium Dñe supplices pro filij tui venerabili nunc ascensione deferimus: præsta, quæsumus, vt nos per ipsum his commercijs sacrosanctis ad cælestia confurgamus. Per eundem.

Præfatio.

PER Christum Dominum nostrum, Qui post resurrectionem suam seculis omnibus gloriosam, discipulis suis visu conspicuus, tactu quæ palpabilis, vsque in quadragesimum diem manifestus apparuit, ipsis quæ cernentibus est eleuatus in cælum. In id proficientibus intrâ has moras primitiuas, vt & certius fieret quod credidissent, & plenius discerent quod docerent. Per eundem Christum Dominum nostrum. Per quem.

Post



Post Com.

DEVS, cuius filius in alta cælorum potenter ascendens, captiuitatem nostram sua duxit virtute captiuam : tribue, quæsumus, vt dona quæ suis participibus contulit, largiatur & nobis. Qui tecum viuít.

kk. IN TRANSLATIONE S.  
NAZARII MART.

Meminit  
huius trans-  
lationis p  
S. Ambr.  
Paulin. in  
vita Am-  
br. & post  
eum Mar-  
tyrolog.

Super populum.

**P**RAEVENIANT nos, quæsumus, Domine beatissimi martyris tui Nazarij desiderata commercia, vt cuius perpetuam dignitatem sacro ministerio frequentamus in terris, & præsentia nobis subsidia postulet, & æterna. Per Dominum.

Super find.

FAC nos, quæsumus Domine, sancti martyris tui Nazarij semper festa sectari, cuius suffragijs, protectionis tuæ dona sentimus. Per Dominum.

Super obl.

FIAT Domine, quæsumus, hostia sacrandæ placabilis preciosi celebritate tui martyris Nazarij, quæ & pectora nostra purificet, & tuorum tibi vota conciliet famulorum. Per Dominum.

Præfatio.

AEQVVM & salutare. Nos tibi reddere grates, vis trina Deus, factor optime rerum. Qui cuncta proprijs animata figuris, artifice sermone facis, quiq; facta cõseruas: Qui dudum multo latitante puluere drachmâ inuenis, accensa verbi virtute lucerna, vt pateant cunctis tua munera seclis. Reddens Ecclesiæ \* secundum certaminis \* sanctam palmam. angelicos vt cernant humana lumina vultus, micent & splendida tumuli membra loco. Iam iamq; repertus olim absconditus agro, rutilat thesaurus, euâgelicis præsignat figuris: \* Et semper exultat intemerata Ecclesiæ fides, dum sacrum mercatu margaritæ lucrum

Ms.  
Simpli-  
ciani.

\* capescat lucrum \* capessat. In qua Chrifte tuus inclytus martyr geminam insignem Nazarius gestat coronam, qui meruit Domini pro laude fidelis, sanguine martyrium clarificare suum. O nimium dilecta Dei membra, Christi seruata promisso. O testis flagrantissime, nitore celi fulgide, cuius inæstimabilis odor Sabæis præpollet aromatibus. Quem pius Ambrosius sacrum locans Ecclesiæ munus, perennem reperiens patronum, dedit & medicum, propugnatorem fidei, sacri prælij bellatorem. Propterea cum ang.

Post Commun.

QVAESVMVS, omnipotens Deus, vt beati martyris tui Nazarii caelestibus mysterijs celebrata solennitas, indulgentiam nobis tuæ propitiationis acquirat. Per Dominum.

### III. DOM. POST. ASCCENSIONEM DOMINI.

Super populum.

**I**MPLORANTES Domine misericordiam tuam populos fideles propitius intueri, vt qui præter te alium non noverunt, tuis beneficijs glorientur. Per Dominum.

Super sind.

SANCTI nominis &c. vt infra Dom. 2. post Pent.

Super obl.

OBLATIO nos Domine tuo nomini dicanda purificet, & de die in diem ad caelestis vitæ transferat actionem. Per Dominum.

Præfatio.

AETERNE Deus. Poscentes vt sensibus nostris clementer infundas, ne terrenis affectibus inherendo, oculos ad caelestia non leuemus: Ne in infimis voluptatibus occupati, mentes non valeamus attollere, quod noster Saluator ascendit: ac diabolica sectando vestigia, à Christi consortio recedamus: Quia nemo potest summi



summi verique regis celsitudine delectari, nisi pestifera destructa subuersaque tyranni iura calcauerit. Per eundem.

Post Communionem.

PRAESTA nobis, quæsumus, omnipotens & misericors Deus, vt quæ visibilibus mysterijs sumenda percepimus, inuisibili consequamur effectu. Per Dominum.

Officium Mediolanen. hac septimana continet dies Rogationum, quorum officia compendij gratia prætermisimus, quòd eadem sint cum hodiernis.

mm. IN TRANSLATIONE S. VICTORIS, ET NAT. SS. FELICIS ET FORTVNATI MARTYRVM.

Super populum.

ADESTO Domine fidelibus tuis, nec vllis eos metis & corporis sinas subiaceere periculis, quos beatorum martyrum tuorum, Victoris, Felicis, & Fortunati, munit gloriosa confessio. Per Dominum.

Felices & Fortunati marty. A. quileien. meminerunt martyrologia ii. Iunij.

Super sind.

Omnipotens sempiterne Deus, fortitudo certantium, & palma martyrum, solennitatem hodierni diei propitius intueri, & ecclesiam tuam continua fac celebritate lætari: & intercessionibus beatorum martyrum tuorum, Victoris, Felicis, & Fortunati, omnium in te credentium vota perfice Per Dominum.

Super obl.

HOSTIAS Domine quas nomini tuo sacrâdas offerimus, sanctorum martyrum tuorum Victoris, Felicis, & Fortunati, prosequatur oratio, per quam nos expiari concedas & defendi. Per Dominum.

Præfatio.

AETERNE Deus. Qui es gloriosus in sanctis, & digno laudandus præconio. Tua eos gratia ex mundi accersitos illecebris, tyrannidis

MS.

B B B

nidis dirē temnere minas, seque; fecit agonizare principibus. Quā  
 pręquenti beatissimi martyres Felix & Fortunatus, alius quos pro-  
 tulit vna, æthereo afflati suffragio, profana idolorum spreuere prę-  
 stigia. Nam agnita Christi Iesu filij tui mira credulitate potentia,  
 scelestorum vitantes contagia, reliquerunt propria loca: præstan-  
 tius censes, in nemoribus inter feras æterno famulari regi, quàm  
 in sacrilegis continuatim cœtibus vanissimo degere cultu. Deni-  
 quē obtutibus crudelissimi acciti præsidis, pia confessione Christi  
 nominis indagata, atrocibus pœnarum iubentur exagitari suppli-  
 cijs. Quos celeberrimi martyres cruciatus, superno fulti superârūt  
 præsidio. Cruento postremū ceruicibus mucrone præcis, po-  
 lorum regna scandentes, Christi locari gremio meruerunt. Qui-  
 bus etiam ad iucundissimum hodiernæ festiuitatis augetur tripu-  
 dium, sacratissimi Victoris martyris translatio corporis, quæ to-  
 tius plebis celebratur lætitia. Per Christum.

Post Com.

RECREATI sacri muneris gustu, quæsumus Domine, quod  
 sumplimus, nobis non vertatur ad pœnam, sed intercedentibus  
 sanctis tuis, Victore, Felice, & Fortunato, fideliter libantibus pro-  
 fit ad veniam. Per Dominum.

### III. IN VIGILIA PENTECO- STES.

Post I. Lect.

**D**A nobis, quæsumus Domine, per gratiam spiritus sancti no-  
 uam tui paracleti spiritalis obseruantiae disciplinam, vt men-  
 tes nostrę sacro purgatae ieiunio, cunctis reddantur eius muneri-  
 bus aptiores. Per Dominum.

Post II. Lect.

Omnipotens sempiternus Deus, lumen indeficiens, qui spiritum  
 sanctum tuum, cū super aquas in mundi creationis exordio fer-  
 retur,



retur, humanæ declarasti salutis authorem: præsta, quæsumus, vt idē spiritus veritatis, Ecclesię tuæ dona multiplicet. Per Dominū.

Post III. Lect.

DEVS, qui primis temporibus impleta miracula, noui testamenti luce referasti, vt & mare rubrum, forma sacri fontis existeret, & liberata plebs ab Aegyptiaca seruitute, Christiani populi sacramenta præferret: da, vt omnes gentes Israelis priuilegium merito fidei cōsecutæ, spiritus tui præceptione regenerentur. Per Dominum. in vnitae eiusd.

Deindē benedictio Fontis, vt in Sabbato sancto Paschę, nihil immutando, præter vltimam orationem, quæ hoc modo dicitur.

CELEBRATIS atque perfectis diuini baptismatis sacramentis, Domino celi & terræ, Deo patri omnipotenti indefessas gratias referamus, ipsumque supplices postulemus, vt nos atque omnem familiam suam gratiæ spiritus sancti annuat esse participes: Præstāte Domino nostro Iesu Christo filio suo, secum viuēte atq; regnāte Deo in vnitae eiusdem.

Ad Missam.

Super populum.

Deus, cuius spiritu totū corpus Ecclesiæ multiplicatur & regiū, cōserua in noua familiæ tuæ progenie sanctificationis gratiā quam dedisti: vt corpore & mente renouati, in vnitae fidei seruētes, tibi Domino seruire mereamur. Per Dominum. in vnitae eiusdem.

Super sind.

PRAESTA, quæsumus, omnipotens Deus, vt quī, tuæ maiestatis effectu, per filij tui mirabile sacramentum, cooperante spiritu sancto, sunt renati, cælestis vitæ fiant conuersatione perpetui. Per eundem Dominum. in vnitae eiusdem.

Super obl.

VIRTVTE sancti spiritus Dñe munera nostra cōtinge, vt quod

Bbb 2 solen-

solennitate praesenti suo nomini dedicauit, & intelligibile nobis faciat, & æternum. Per Dominum. in vnitatem eiusdem.

Præfatio.

PER Christum Dominum nostrum. Qui ascendens &c. vt infra Tom. 2.

Post Com.

CONCEDE, quaesumus, omnipotens Deus, vt paschalis perceptio sacramenti, mentibus nostris continua perseueret, Per Dñm.

O O O. IN DIE SANCTO PENTECOSTES.

Pro baptizatis.

Super populum.

**P**RAESTA, quaesumus, omnipotens Deus, vt claritatis tuae super nos splendor effulgeat, & lux tuae lucis corda eorum, qui per tuam gratiam renati sunt, sancti spiritus illustratione confirmet. Per Dominum. in vnitatem.

Super sindonem.

BONORVM omniũ Deus, author atq; largitor, fac quaesumus, vt Ecclesiae tuae proles, te instituente, succrescens, in nouam filij tui creaturam, sancto fouente spiritu, nutriatur. Per eundem Dominũ nostrum Iesum Christum filium tuum. in vnitatem eiusdem.

Super obl.

MVNERA nostra Domine sancti spiritus sacrentur aduentu, per quem à peccatis omnibus absoluti, adoptionis tuae filij renascantur. Per Dominum nostrum. in vnitatem eiusdem.

Præfatio.

AETERNE Deus. Quia hodiè sancti spiritus celebramus aduentum, qui principiis nascentis Ecclesiae cunctis gentibus imbuendis, & deitatis scientiam indidit, & loquelam. In diuersitate donorum mirabilis operator vnitatis, variarumque gratiarum distri-



distributor, idem & fidei vnus effector, & prædicantium dispen-  
fator ipse linguarum. Propterea profusis gaudijs, totus in orbe ter-  
rarum mundus exul.

Post Com.

SACRIS cælestibus Domine vitia nostra purgentur, vt mune-  
ribus tuis possimus semper aptari. Per Dominum. Qui tecum viuit.

In Ecclesia maiore.

Super populum.

DEVS, qui discipulis tuis spiritum paracletum in ignis specie  
(hanc enim vocem addendam censeo) feruore tui amoris mittere  
dignatus es, da populis tuis in vnitæte fidei esse feruentes: vt in tua  
semper dilectione permanentes, & in fide inueniantur stabiles, &  
in opere efficaces. Qui viuis & regnas cum Deo patre in vnitæte  
eiusdem.

Super sind.

OMNIPOTENS sempiternæ Deus, qui Paschale sacramen-  
tum quinquaginta dierum voluisti mysterio cõtineri: præsta, vt  
gentium facta dispersio diuisione linguarum, ad vnā confessio-  
nem tui nominis cælesti munere congregetur. Per Dominum.

Super oblat.

PRAESTA Domine, quæsumus, vt secundum promissionem  
filij tui Domini nostri Iesu Christi, spiritus sanctus huius nobis  
sacrificij copiosius reuelet arcanum, & omnem ppitius referet ve-  
ritatem. Per eundem filium tuum Dominum nostrum Iesum  
Christum, qui tecum viuit.

Præfatio.

ÆQVVM & salutare: Nos in hac præcipua festiuitate gaude-  
re, qua sacratissimum Pascha quinquaginta dierum mysterijs te-  
gitur, & mysticus numerus adimpletur, & dispersio linguarum  
quæ dudum per superbiam in confusione facta fuerat, nunc per  
spiritum sanctum adunatur. Hodie enim de cælis repente sonum

Bbb 3 au-

audientes Apostoli, vnius fidei symbolum exceperunt, & linguis varijs euangelij tui gloriam cunctis gentibus tradiderunt. Per Christum Dominum nostrum. Per quem.

Post Communionem.

H AEC nobis Domine munera sumpta proficiant, vt illo iugiter feruamus spiritu, quem Apostolis tuis ineffabiliter infudisti. Qui viuís, in vnitáte.

ppp. IN FESTO S. DIONYSII MEDIO-  
LAN. EPISCOPI.

Meminic  
huius Amb.  
epist. 82.

Super populum.

D E V S, qui nos sancti Dionysij confessione gloriosa circumdas & protegis, da nobis eius imitatione proficere, & oratione fulciri. Per Dominum.

Super find.

S A N C T I Dionysij Domine confessio recensita, conferat nobis pie deuotionis augmentum, quia in nomine tuo perseverans, dignè meruit honorari. Per Dominum.

Super obl.

H O S T I A S tibi Domine pro commemoratione beati sacerdotis & confessoris tui Dionysij offerimus, quem à tui corporis vnitáte nulla tentatio separauit. Per Dominum.

Præfatio.

A E T E R N E Deus. Et confessionem sancti sacerdotis tui Dionysij memorabilem non tacere. Qui nec hereticis prauitatibus, nec seculi blandimentis à sui statûs rectitudine potuit immutari. Sed in vtroq; discrimine veritatis assertor, firmitatem tuę fidei non reliquit. Et idèd ei debitę pietatis obsequium exhibemus, quia potètiā tuā Domine, cuius gratia talis extitit, in eius solennitatibus prædicamus. Per Christum Dominum nostrum. Per.

Post Communionem.

Q V A E S V M V S Domine Deus noster, vt intercedente sancto fa-



facerdote & confessore tuo Dionysio, sacrosancta mysteria quæ  
sumpsimus, actu subsequamur & sensu. Per Dominum.

℞℞. DOM. I. POST PENTECOST.

Super populum.

DEVS in te sperantium fortitudo, adesto propitius inuocatio-  
nibus nostris, & quia sine te nihil potest mortalis infirmitas, præsta  
auxilium gratiæ tuæ, vt in exequendis mandatis tuis, & voluntate  
tibi, & actione placeamus. Per Dominum.

Super sind.

DEVS, qui te in rectis ac sinceris manere pectoribus asseris, da  
nobis tua gratia tales existere, in quibus habitare digneris. Per  
Dominum.

Super obl.

HOSTIAS nostras, tibi Domine dicatas, placatus assume, & ad  
perpetuum nobis tribue peruenire subsidium, Per Dominum.

Præfatio.

ÆTERNE DEUS. Qui Ecclesiæ filios sicut erudire non cessas,  
itâ non desinis adiuuare, vt & scientiam recta faciendi, & possibili-  
tatem capiant exequendi. Per Christum Dominum nostrum.

Per quem.

Post Communionem.

TANTIS Domine repleti muneribus, præsta, quæsumus, vt &  
dona salutaria capiamus, & à tua laude nunq̃ cessemus. Per Dñm.

℞℞. IN FESTO SS. SISINNII, MAR-  
TYRII, ET ALEXANDRI MAR-  
TYRVM.

Super populum.

EXAUDI nomine populum tuum toto tibi corde subiectum,  
& intercessionibus beatissimorum martyrum tuorum, Sisinnij, Mar-  
tyrij, & Alexandri, à præsentibus defende periculis & futuris.  
Per Dominum.

Super

Super sindonem.

MAIESTATI tuæ nos, quæsumus, Domine martyrum tuorum Sifinnij, Martyrij, & Alexandri, intercessio beata conciliet, vt qui incessabiliter actibus nostris offendimus, iustorum precibus expiemur.

Super obl.

SUSCIPE, quæsumus Domine, munera tibi reuerenter oblata, & beatissimorum martyrum tuorum, Sifinnij, Martyrij, & Alexandri, suffragantibus meritis, ad nostræ salutis remedium, prouenire concede. Per Dominum nostrum.

Præfatio.

M. S.  
Alicuius est successoris D. Ambrosij, quippe quorum reliquæ post obitum eius Mediolanum allatæ sint, teste Paulino in eius vita.

ÆTERNE Deus. Teque laudare mirabilem in sanctis tuis, Sifinnio, Martyrio, & Alexandro. Quos ante constitutionem mundi in æternam tibi gloriam præparasti, vt per eos huic mundo, veritatis tuæ lumen ostenderes. Quosque ita spiritu veritatis armasti, vt fortitudinem mortis per infirmitatem carnis euincerent. Hi sunt veri martyres, qui in Ecclesiæ prato sicut rosæ & lilia floruerunt. Quos pius sanguis in prælio confessionis roseo perfudit colore, & in præmio passionis niueo liliorum flore vestiuit Iesus Christus Dominus noster. Quem vnâ.

Post Communionem.

DIVINO munere satiati, maiestatem tuam supplices exoramus omnipotens Deus, vt intercessionibus sanctorum martyrum tuorum, Sifinnij, Martyrij, & Alexandri, proprijs careamus culpis, & tuis inhærere valeamus mandatis. Per Dominum.

ss. DOM. II. POST PENTECOST.

Super populum.

ECCLESIAE tuæ Domine voces placatus admitte, vt destructis aduersitatibus vniuersis, secunda tibi seruiat libertate. Per Dñm.  
Super



Super find.

PORRIGE dexteram tuam, quæsumus Domine, plebi tuæ misericordiam postulanti, per quam & terrores declinet humanos, & solatia vitæ immortalis accipiat, & sempiterna gaudia comprehendat. Per Dominum.

Super obl.

ADESTO Domine supplicationibus nostris, & his muneribus præsentiam tuæ maiestatis interfere: vt quod nostro seruitio geritur, te potiùs operante, firmetur. Per Dominum.

Præfatio.

ÆTERNE Deus. Maiestatem tuam suppliciter exorantes, vt ab Ecclesia tua quicquid est noxium, tua virtute repellas, & quod eidem salutare est, largiaris. Nobisque contra superbos spiritus humilitatem tribuas rationabilem custodire, & gratiam tuam clementer impendas. Nec nos humani incertos auxiliij derelinquas, sed tua, quæ falli non potest, gubernatione conserues. Per Christum.

Post Communionem.

QVOD ore sumpsimus Domine, pura mente capiamus, vt de corpore & sanguine Domini nostri Iesu Christi fiat nobis remedium sempiternum. Per eundem.

III. IN FESTO S. BARNABAE APOST.  
ET MEDIOLAN. EPISCOPI.

Super populum.

DEVS, qui beatum Barnabam in prædicatione tuis Apostolis sociasti, tribue, quæsumus, ad eius nos peruenire consortium, cuius celebramus præsentis festiuitate triumphum. Per Dominum.

Super find.

MAIESTATEM tuam Domine suppliciter deprecamur, vt sicut nos annua beati Barnabæ Apostoli veneratione latificas, ita semper ipsius supplicatione defendas. Per Dominum.

Ccc Super

Super obl.

OBLATA munera, quæsumus Domine, tua benedictione sanctifica, quæ, te donante, nos illa flamma tuæ dilectionis accendat, per quam sanctus Apostolus Barnabæ, tormenta sui corporis vniuersa deuicit. Per Dominum.

Præfatio.

AETERNE Deus. Qui Apostolorum collegio tua gratia sanctum Barnabam aggregasti, magnificis meritò præconijs extollendum. Hic namq; Cyprius ex stirpe Leuitica ortus, terrenorum contemptor, zelator cælestium, ad pedes Apostolicos agri proiecit precium. Hic ex septuagintaduobus discipulis assumptus, in Apostolum sublimatur. Hic Antiochiæ, Romæ, Mediolani, semen verbi tui disseminans, gentium multitudinem Christi conuertit ad fidem. Hic Mediolanensis Ecclesiæ primus Pontifex, perspicuis eam miraculis insigniuit. Dum enim super languidos Matthæi deponit Euangelium, infirmitates repente sanat omnium. Dumq; templo gentiliū maledicit, eius pars subito funditus corruens, multos idolorum cultores interemit. Demum multis pro tuo nomine quassatus & attritus supplicijs, per ignis incedium felix migravit ad regnum. Et ideò.

Post Communionem.

CAELESTIS mensæ dapibus recreati, quæsumus, omnipotens Deus, vt intercedente B. Barnaba Apostolo tuo, quod fideliter ore percepimus, sincera mente seruemus. Per Dominum.

VUU. DOM. III. POST PENTECOST.

Super populum.

EXAUDI Domine vocē tibi supplicantis Ecclesiæ, quæ in modum vineæ filij tui propagata cultoribus, firmis in te nititur stare radicibus: vt à præsentis seculi fluctibus aliena, pullulantis in se populi natiuitate dirata, vbertatis suæ fructibus glorietur. Per eundē.

Super sind.

DEVS,



DEVS, qui diligentibus te bona inuisibilia præparasti, infunde cordibus nostris tui amoris affectum, vt te in omnibus & super oia diligentes, promissiones tuas, quæ omne desiderium superant, consequamur. Per Dominum.

Super obl.

PROPTIARE Domine supplicationibus nostris, & has populi tui oblationes benignus assume: & vt nullus sit irritum votum, nullius vacua postulatio: præsta, quæsumus, vt quod fideliter petimus, efficaciter consequamur. Per Dominum.

Præfatio.

ÆTERNE Deus. Maiestatem tuam suppliciter deprecantes, vt qui rei sumus meritis, non efficiamur nostra duritia contumaces. Nec te proteruis sensibus accusare nitamur, cum tua nobis, quæ non meremur, beneficia retardentur. Sed hinc potius & nostras cognoscamus offensas, & opem tuam iugiter imploremus. Quia multo amplius continuata subsidia deuotis mentibus ministrabis, qui eadem largiris indignis. Per Christum.

Post Communionem.

GRATIAS tibi agimus Domine sancte, pater omnipotens, æterne Deus, qui nos corporis & sanguinis Domini nostri Iesu Christi communione satiasti, tuamque misericordiam humiliter imploramus: vt hoc tuum Domine sacramentum non sit nobis reatus ad pœnam, sed sit intercessio salutaris ad veniam, sit ablutio scelerum, sit fortitudo fragilium, sit contra mundi pericula firmamentum. Hæc nos communio purget à crimine, & cælestis gaudij tribuat esse participes. Per eundem.

xxx. INFESTO SS. CANTIANO-  
RVM MART.

Super populum.

POPVLVM tuum Dñe perpetua defensione conserua, nec diffcultè, quod pie postulat, consequatur, cui sanctorum martyrum tuorum Cantianorum merita suffragantur. Per Dñm.

Super sind.

Ccc 2 DEVS,

De ss.  
Catio, Cātiano, &  
Cātianilla, tractat  
Ambros.  
serm. 75.

DEVS, qui sanctorum martyrum tuorum Cantianorum gloriosi fecisti palmam florere certaminis, da nobis, quæsumus, hostis nostri fortia superare tentamina: & quod nostris meritis non valemus accipere, ipsorum, quorum natalitia celebramus, precibus assequamur. Per Dominum.

Super obl.

PLEBIS tuæ Domine munera benignus intende, quæ maiestati tuæ in sanctorum martyrum tuorum Cantianorum solennitatibus sunt dicata. Per Dñm.

Post Communionem.

INVOCANTES nomen tuum Domine deprecamur, vt qui patres nostros, virtute tui nominis præeunte, angelicis pastibus refecisti, nos quoq; intercessione beatorum martyrum tuorum Cantianorum, mysticis dapibus foueas & reformes. Per Dominum.

yyy. IN FESTO S. VITI MART.

Super populum.

Passio  
huius in  
Sicilia ce-  
lebratur  
in Marty.  
13. Iunij.

DA Ecclesiæ tuæ Domine, quæsumus, S. Vito intercedente, superbè non sapere, sed tibi placita humilitate proficere, vt proterua despiciens, quæcunque matura sunt, libera exerceat charitate. Per Dominum.

Super find.

DEVS, qui nos beati Viti martyris tui meritis & intercessione lætificas, concede propitius, vt qui eius beneficia poscimus, dono tuæ gratiæ consequamur. Per Dominum.

Super oblat.

MAIESTATEM tuam suppliciter imploramus, omnipotens Deus, vt sicut gloriam diuinę potētis munera, p̄ sanctis oblata testantur, sic nobis effectum tuæ saluationis impendant. Per Dñm.

ÆTERNE Deus. Beati Viti martyrio gloriantes. Cui admiranda gratia in tenero adhuc corpore virtutem fidei & patientiæ fortitudinē tribuisti, vt sæuitię persecutoris nō cederet constantia pueri-



puerilis. Quæ inter acerba supplicia nec sensu potuit terreri, nec frangi ætate, vt gloriosior fieret eius corona martyrij. Et ideo.

Post Com.

REFLECTI Domine benedictione solenni, quæsumus, vt per intercessionem sancti Viti, medicina sacramenti & corporibus nostris proficit, & mentibus. Per Dominum.

Z z z. DOM. IIII. POST-PENT.

Super populum.

DEVS, qui Ecclesiam tuam noua semper prole fecundas, auge eam quotidie credentium puritate, & diuinæ gratiæ infusione multiplica: vt repulsa impugnatione malorum omnium, in tranquillitate pacis & fidei, tuo semper ditata munere gloriatur, Per Dominum.

Super sindonem.

DEVS, qui nos &c. vt infra Tom. 2. Dom. 5. post oct. Epiphaniæ.

Super obl.

DEVS, qui legalium &c. vt infra ibidem Dom. 8. post Pentecost.

Præfatio.

IMPLOANTES clementiam tuam, vt gubernare digneris onera diuinæ militiæ sustinentes, Et quia necesse est, vt ab eo cui plus creditur, amplius exigatur: tu nostras propitius dirigas actiones, vt & proprijs non implicemur erroribus, & externis, Per Christum Dominum nostrum.

Post Com.

SIT nobis Domine, quæsumus, medicina mentis & corporis, quod de sancti altaris tui benedictione percepimus: vt nullis aduersitatibus fatigemur, qui tanti remedij participatione munimur. Per Dominum.

Ccc 3

Aaaa. IN

De inuen-  
tione cor-  
porum ho-  
rū marty-  
tractat  
Ambr. E.  
pist. 82. &  
serm. 89.  
ac 70.

AAAA. IN VIGILIIS SS. PROTASII  
ET GERVASII.

Super populum.

**M**ARTYRVM tuorum Domine Protasij & Gervasij  
natalitia praeuntes, supplices te rogamus, vt quos caelesti  
gloria sublimasti, tuis adesse cōcedas fidelibus. Per Dñm nostrū.

Super find.

**S**ANCTORVM martyrum tuorum nos Domine Protasij &  
Gervasij confessio beata communiat, & fragilitati nostrae subsidiū  
dignanter exoret. Per Dominum.

Super obl.

**S**ACRIFICIUM Domine, quod pro sanctis martyribus tuis  
Protasio & Gerasio praeuenit nostra deuotio, eorum merito no-  
bis augeat, te donante, suffragium. Per Dominum.

Præfatio.

**A**ETERNE Deus. Qui licet in omnium sanctorum tuorum  
sis protectione mirabilis, in his tamen beatissimis martyribus tuis  
Protasio & Gerasio speciale tuum munus agnoscimus: quos fra-  
tres forte nascendi, magnifica praestitisti passione germanos: vt si-  
mul essent venerandæ genitricis, & florentissimæ proles Ecclesiæ.  
Per Christum Dominum.

Post Com.

**D**A, quæsumus, omnipotens Deus, vt mysteriorum virtute  
sanctorum, Protasio & Gerasio martyribus intercedentibus,  
vita nostra firmetur. Per Dominum.

BBBB. IN FESTO EORVNDem.

Super populum.

**A**DESTO Domine supplicationibus nostris, quas in bea-  
tissimorum Martyrum tuorum Protasij & Gervasij cōme-  
moratione deferimus, vt qui nostræ iustitiæ fidutiam non habe-  
mus,



mus, eorum qui tibi placuerunt, meritis & intercessionibus adiuuemur. Per Dominum.

Super find.

**PRAESTA**, quæsumus, omnipotens Deus, vt nos geminata lætitia hodiernæ festiuitatis excipiat, quæ de beatissimorum martyrum tuorum Protasij & Geruasij glorificatione procedit, quos eadem fides & passio fecit esse germanos.

Super obl.

**PRAETENDE** munera, quæsumus, Domine altaribus tuis pro beatissimorum martyrum tuorum Protasij & Geruasij commemoratione proposita: vt sicut per hæc beata mysteria illis gloriam contulisti, ita nobis indulgentiam largiaris. Per Dominum.

Præfatio.

**AETERNE** Deus. Qui militibus tuis pro tui nominis amore certantibus, virtutem fidei contulisti: inter quos & pios fratres beatos Protasium & Geruasium aggregare dignatus es, quos pater dudum præcesserat, adeptus martyrij palmam. Hi sunt, qui vexillo cælesti signati, victricia apostoli arma sumpserunt: & à mundanis nexibus absoluti, nequissimi hostis vitiorum aciem prosternentes, liberi & expediti Christum Dominum sunt secuti. O quàm felix germanitas, quæ sacris inherendo eloquijs, nullo potuit interpolari contagio. O quàm gloriosa certaminis causa, ubi pariter coronantur, quos vnus vterus maternus effudit. Pro quorum triumphis & fecundissima mater lætatur Ecclesia, quæ per beatum Ambrosium tales meruit soboles reperire, qui sibi conferant signa virtutum & gloriam. Per eundem.

M. S.  
Simpliciani.

Post Com.

**QVOS** donis cælestibus satiasti, sanctorum martyrum tuorum Protasij & Geruasij Domine defende præsidijs, vt à noxijs omnibus expediti, post salutaria tua toto corde curamus. Per Dominum.

cccc. IN

cccc. IN VIGILIIS NATIVIT. S. IO-  
ANNIS BAPTISTAE.

Super populum.

**V**IRTUTVM cælestium Deus, qui annua beati Ioannis Baptistæ solennia nobis frequentare concedis: præsta, quæsumus, vt per te securis eadem mentibus celebremus, & eius patrocinio promerente, plenæ capiamus securitatis augmentum. Per Dominum.

Super find.

**B**EATI Ioannis Baptistæ nos, quæsumus, Domine præclara comitetur oratio:& quem venturum esse prædixit, poscat nobis habere pacatum. Qui tecum.

Super obl.

**T**VA Domine muneribus altaria cumulamus, illius natiuitatem honore debito celebrantes, qui saluatorem mundi & cecinit affuturum, & adesse monstrauit. Qui tecum.

Præfatio.

**A**ETERNE Deus. Exhibentes solenne ieiunium, quo Ioannis Baptistæ natalitia præuenimus: cuius genitor dum eum dubitat nasciturum, sermonis amisit officium: & eo nascente, & sermonis vsum, & prophetiæ suscepit donum. Cuius etiam genitrix senio confecta, sterilitate mulctata, in eius conceptu non solum sterilitatem amisit, fecunditatem acquisiuit, sed etiam spiritum sanctum, quo matrem Domini & Saluatoris agnosceret, accepit. Per quem.

Post Communionem.

**S**ANCTI nos, quæsumus, Domine Baptistæ Ioannis oratio, & assequi faciat semper mēte quę gerimus, & debite seruitutis actione sectari. Per Dominum.

ddddd. IN FESTO NATIV.  
EIVSDEM.

Super



Super populum.

**D**EVS, qui præsentem diem honorabilem nobis in beati Ioannis natiuitate fecisti, da populis tuis spiritualium gratiã gaudiorum, & omnium fidelium mentes dirige in viam salutis & pacis. Per Dominum.

Super find.

**P**RÆCURSORIS tui Ioannis Baptistæ nos, quesumus Domine, intercessio sancta commendet, vt & spiritualibus mereamur eius prædicationibus erudiri, & eò, quò præcipis, ipso iuuante, nostra possit peruenire fragilitas. Qui cum patre.

Super obl.

**R**ESPICE Domine ad hæc munera, quæ te sanctificante sacramus: Et sicut beatus Ioannes Baptista factus est præcurfor & præparator vię Domini nostri Iesu Christi, ita & pro nostris infirmitatibus intercessor existat. Per eundem.

Præfatio.

**A**ETERNE Deus. Et in die festiuitatis hodiernæ, quo beatus Baptista Ioannes exortus est, exultare: qui vocem matris Domini nondum editus sensit, & adhuc clausus vtero, aduentum salutis humanæ prophetica exultatione \* gestiuit. Qui & genitricis sterilitatem conceptus absterfit, & patris linguam natus absoluit, solusque omnium prophetarum, redemptorem mundi, quem prænuñciauit, ostendit. Hic est enim ille, cui nomen & antequàm conciperetur, dedisti: & quem spiritu sancto, priusquàm nasceretur, implēsti. Dignè natalis eius hodiè solennia recensemus: dignè inter natos mulierum nemo maior apparuit, qui Deum hominemque perfectum, filium tuum Iesum Christum Dominum nostrum, & prædicare meruit, & euidenter ostendere: Quem laud.

\* signifi-  
cavit.

Post Commun.

**T**RIBE, quesumus, omnipotens Deus, vt sicut nos donis  
D d d            celesti-

cælestibus satias, ita beati Ioannis Baptistæ protectione defendas: & quod ille de filij tui natiuitate prædicauit, nobis proficiat ad salutem. Per eundem.

EEEE. DOM. V. POST PENT.

Super populū.

**O**MNIPOTENS sempiternus Deus, in protectione fidelium populorum antiqua brachij tui operare miracula: ut hostibus nostris tua virtute compressis, secunda tibi seruiat catholica fides, & deuotio Christiana. Per Dominum.

Super sindonem

DEVS, qui creaturæ tuæ misereri potius eligis, quàm irasci: cordis nostri infirma considera, & tuæ nos gratia pietatis illustra. Per Dominum.

Super obl.

SUSCIPE munera, quæsumus Domine, quæ tibi de tua largitate deferimus, ut hæc sacrosancta mysteria, gratiæ tuæ operante virtute, & præsentis vitæ nos conuersatione sanctificent, & ad gaudia sempiterna perducant. Per Dominum.

Præfatio.

ÆTERNE Deus. Ut te authorem nostrum pronis visceribus, humana famulatio religioso excolat affectu. Et ideò obsecramus misericordiam tuam, nè pro nostra nos iniquitate condemnes, sed pro tua pietate in viam rectam semper disponas. Nec, sicut mere-mur, delinquentibus irascaris, sed fragilitati nostræ inuicta tua bonitate subuenias. Per Christum.

Post Com.

SUMPSIMVS Domine sacri dona mysterij, humiliter deprecantes, ut quæ in tui commemoratione nos facere præcepisti, in nostræ proficiant infirmitatis auxilium. Qui cum patre & spiritu.

FFFF. IN



RITVS ET ORDO.

ffff. IN VIGILIIS SS. PETRI.  
ET PAULI.

Super populum.

**F**AMILIAM tuā, quęsumus Domine, propitius intueri,  
& apostolicis fove p̄sidijs: vt eorum precibus gubernetur,  
quibus niritur, te constituente, principibus. Per Dominum.

Super find.

EXAUDI nos Deus salutaris noster, & Apostolorum Petri &  
Pauli tuere p̄sidijs, quorū donāsti fideles esse doctrinis. Qui cum  
patre.

Super obl.

MVNERA supplices Domine tuis altaribus adhibemus, vt  
quantū de nostro merito sumus formidantes, tantū beatorum  
Apostolorum Petri & Pauli, pro quorum solennitatibus offerun-  
tur, intercessione gloriemur saluandi. Per Dominum.

Præfatio.

ÆTERNE Deus. Apud quem licet beatorum Apostolorum  
Petri & Pauli continuata festiuitas, & æterna celebritas, atq; trium-  
phi cęlestis perpetuus sit natalis, nobis tamen beatę confessionis  
initia recolētibus, celebriori tribuis deuotione gaudere: vt annuus  
honor sacratissimę passioni repensus, maiorem nobis retributionis  
gratiam largiatur. Per.

Post Com.

SVMPTO Domine sacramento, beatis Apostolis Petro &  
Paulo interuenientibus deprecamur, vt quod temporaliter geri-  
mus, capiamus æternum. Per Dominum.

gggg. IN FESTO EORVNDĒM.

Super populum.

**O**Mnipotens sempiternę Deus, da populis tuis Apostolorum  
tuorum Petri & Pauli natalem plena deuotione venerari,

Ddd 2 vt

395

De sanctis  
Petro &  
Paulo  
sunt Ser.  
Ambr. 6.  
ac 67.

vt quorum doctrinis, confessione Trinitatis vnus institutus est mundus, eorum suffragantibus meritis, diuinę seruiat vnitati. Per Dominum.

Super find.

DEVS, qui confitentium tibi redemptor es animarum, quarū piscator beatus Petrus Apostolus atque omnium Pastor tua praeceptione cognoscitur: annue misericors precibus nostris, & populo tuo pietatis tuę dona concede. Qui cum patre.

Super obl.

MVNERA plebis tuę, quęsumus, Domine beatissimorū Apostolorum & martyrum tuorum Petri & Pauli fiant grata suffragijs, vt in quorum triumphis tuo nomini deferuntur, ipsorū digna efficiantur & meritis. Per Dominum.

Præfatio.

Ms.

AEQVVM & salutare. Nos tibi semper hęc & vbiquē in honore Apostolorum Petri & Pauli gratias agere: quos itā electione tua consecrare dignatus es, vt B. Petri secularem piscandi artem, in diuinum dogma conuerteres, quatenus humanū genus de profundo inferni praeceptorum tuorum retibus liberaret, & coapostoli eius Pauli mentem cum nomine mutares. Et quem prius persecutorē metuebat Ecclesia, nunc cęlestium mandatorum lętatur se habere doctorem. Paulus cęcatus est, vt videret: Petrus negauit, vt crederet. Huic claues cęlestis imperij, illi ad euocandas gentes diuinę legis scientiam contulisti. Nam ille introducit, hic aperit. Ambo igitur virtutis ęternę præmia sunt adepti. Hunc enim dextera tua gradientem in elemento liquido, dum mergeretur, erexit: illum autem tertiō naufragantem, profunda pelagi fecit vitare discrimina. Hic portas inferni, ille mortis vicit aculeum. Et Paulus capite plectitur, quia gentium caput fidei probatur. Petrus autem in cruce sursū versis vestigijs, caput omnium nostrū secutus est Christum: Quem.

Post



Post Com.

PERCEPTIS Domine sacramentis, suppliciter te rogamus, vt intercedentibus beatissimis Apostolis tuis Petro & Paulo, quę pro illorum veneranda gerimus passione, nobis proficiant ad salutem. Per.

## HHHH. DOM. VI. POST PENTEC.

Super populum.

**D**A, quęsumus, Domine populo tuo sanitatem mentis & corporis. Da vitare quod nocet, & amare quod saluet: Da vt bonis operibus inherendo, & benedici mereatur, & tua semper virtute defendi. Per Dominum.

Super sindonem.

ADES TO supplicationibus nostris, omnipotens Deus, & quibus fidutiam sperandę pietatis indulges, consuetę misericordię tribue benignus effectum. Per Dominum.

Super obl.

SANCTIFICATIONEM tuam Domine nobis his mysterijs placatus operare, quę nos & à terrenis purget vitijs, & ad cęlestia dona perducatur. Per Dominum.

Pręfatio.

AETERNE Deus. Te deprecantes, vt vna nos gratia protegat & conseruet. Et quia sine te nihil rectę valemus efficere, ipsius munere semper capiamus, vt tibi placere possimus. Per Christum Dominum nostrum. Per quem.

Post Communionem.

QVOS cęlesti Domine dono satiasti, pręsta, quęsumus, vt à nostris mundemur occultis, & ab hostium liberemur insidijs. Per Dominum.

In sequentibus Dominicis vsque ad Aduentum Domini, pręterquàm in Dominica dedicationis Eccle-

Ddd 3 siæ,

siæ, repetitur vicissim Orationes illæ & Præfationes, quas in præcedentibus post Pentecosten Dominicis, reperire est : quare superfluum foret easdem repetere. Hoc vnum adnotatu dignum putauimus, quod recenseantur in officio Ambrosiano, XV. Dominicæ post Pentecosten, V. post Decollationem S. Ioannis Baptiste, I. mensis Octobris, I. ante Dedicationem, I. Dedicationis Ecclesie, & III. post Dedicatiõem, quæ simul efficiunt Dominicas numero XXVI.

Basilicæ  
istorum  
mart. me-  
minit  
Ambros.  
epist. 35.

iiii. IN FESTO SS. NABORIS ET  
FELICIS MART. XII. IULII.

Super populum.

BENEDIC, quæsumus, Domine plebem tuam, & beatissimorum martyrum tuorum Naboris & Felicis deprecationibus confidentem, tribue consequi, quod sperare donasti. Per Dominum.

Super find.

PROTEGAT Ecclesiam tuam, Deus, oratio veneranda beatissimorum martyrum tuorum Naboris & Felicis: & quorum frequentia deuotionem impendit, perpetuè poscat redemptionis effectum. Per Dominum.

Super obl.

SANCTORVM tuorum Naboris & Felicis nobis, quæsumus, Domine pia non desit intercessio: quæ & nostra tibi munera conciliet, & tuam nobis indulgentiâ semper obtineat. Per Dominum.

Præfatio.

M. s.

PER Christum Dominum nostrum: Qui ita suorum fidelium corda ignifero amore succendit, ut & mundi caducam cõtemnant gloriam, & per tormenta adeant consortium ciuium supernorum. Ob hoc & doctissimi milites Christi Nabor & Felix, à summis terrarum digressi finibus, huic terræ se exules tradiderunt, nè cruento Cæsaris subiacerent imperio: & ut ad aulam Regis ætherei faciliùs per-



pergerent, sub chlamyde terrene militiæ latere diutiùs voluerunt, prestolantes desuper vocationem cælestis imperij. Acceptoq; cōstanter spei clypeo, sumpta fidei lorica & galea, securi incedunt in hostis aciem. Vincunt pœnarum tormenta sēuissima, carcerem & verbera, eculeum, ignem, & vngulas. Stridoribus catenarum colla subiiciūt, trahuntur à noxijs manibus vinculati. Ad vltimum mucrone sanguine fuso, triumphali gloria decorati, ad ciues superos cum palma victoriæ peruenerunt. Per eundem.

Post Communionem.

PIGNVS vitę æternę capientes, maiestatem tuam suppliciter deprecamur omnipotens Deus, vt sanctorum martyrum tuorum Naboris & Felicis fulti patrocinij, quod in imagine contigimus, manifesta perceptione sumamus. Per Dñm.

• kkk. IN FESTO S. MARCELLINAE  
VIRGINIS, XVII. IULII.

Super populum.

INTERCESSIO, quęsumus Dñe, beatissimę virginis Marcellinę, tuam pro nobis placare non desinat maiestatem: & quę tibi placuit suę mentis & corporis integritate, nostram tibi deuotam iugiter efficiat seruitutem. Per Dominum.

Super find.

INTERVENIAT pro nobis, quęsumus Dñe, beatissima virgo Marcellina, quę pro tui nominis amore, virginitatis laudatę ppositum, intemerato semper corpore & corde seruauit. Per Dñm.

Super oblat.

DEBITVM tibi Domine nostrę reddimus seruitutis obsequium, suppliciter deprecantes: vt B. virginis Marcellinę suffragantibus meritis, plebis tuę dona sanctifices, quia pro eius honorabili inter sanctas virgines cōfessione, laudis tibi hostias immolamus. Per Dominum.

Præfatio.

ÆTERNÆ Deus, Gloriosę virginis Marcellinę pferenda merita  
recolen-

Celebrat  
hęc suam  
sororem  
Ambr. li.  
tribus de  
virg. &  
epist. 33.

recolentes: quam tanto munere sublimare dignatus es, vt nō solum integritatis donum illibata mente seruaret, verum etiam euangelica præfulgens lampade, bonorum operum incrementis excreset, & virtute fidei virgo prudentissima præpolleret. Quæ etiam terræ generositatis insignia, Christi filij tui seruitute nobilitans, cælesti facta est thalamo multiplici decore condigna: intantum, vt beatorum comitatu germanorum, velut duarum alarum fulta remigio, ad cælestem gloriam læta conscenderet, & cum eisdem immarcescibilem perpetuæ vitæ coronam acciperet. Per eundem Christum.

Post Communionem.

CÆLESTIVM sacramentorum refecti libamine, & præsentis festiuitatis gaudio saginati, supplices te Domine deprecamur, vt cuius congratulamur tripudio, eius semper protegamur auxilio. Per Dominum.

LIII. IN FESTO S. MATERNI EPI-  
SCOPI, XVII. IULII.

Meminit  
huius Be-  
da in Mar-  
tyr. 15. Ca-  
len. Aug.

Super populum.

**B**EATI Confessoris tui Materni atque Pontificis fac nos Do-  
mine miranda præconia confiteri, vt eius adiuti præfidijs, ma-  
iestati tuæ iugiter mereamur esse deuoti. Per Dominum.

Super sind.

AD SIT nobis Domine, quæsumus, sancta precatio beati Pō-  
tificis tui Materni, quæ nos à terrenis affectibus incessanter expe-  
diat, & cælestia desiderare perficiat. Per Dominum.

Super obl.

SACRANDVM tibi Domine munus offerimus, quo beati sa-  
cerdotis tui Materni solennia recolentes, purificationem quoquæ  
nostris mentibus imploramus. Per Dominum.

Præfatio.

AETERNE



**AETERNE** Deus. Suppliciter exorantes, vt dum beati Materni confessoris tui merita veneramur, auxilium nobis tuæ propitiationis acquisisse gloriemur: nec desperemus de veniæ largitate, quam per eos qui tibi placuerunt, suppliciter exposcimus. Per Christum.

Post Com.

**BEATI** confessoris tui Materni, quæsumus Domine, à malis omnibus gloriosa nos semper merita tueantur, in cuius solennitate percepimus tua sancta lætantes. Per Dominum.

mmmm. **IN FESTO S. MARIAE MAGDALENÆ.**

Super populum.

**DEVS**, qui per os B. Marię Magdalenę, Dominicę resurrectionis gaudium, primùm sanctis Apostolis præloquendo innotescere voluisti, vt ipsa in secundo Adam fieret nuncius vitę, quę in primo propinauerat poculum mortis: tribue, quæsumus, vt eius precibus infirmitas nostra roboretur in terris, de cuius profectibus angeli gratulantur in cælis.

Super sindonem.

**SANCTAE** Marię Magdalenę Domine supplicationibus tribue nos foueri: vt cuius venerabilem solennitatem pio celebramus obsequio, eius intercessionibus commendemur. Per Dominum.

Super obl.

**MVNERA** nostra, quæsumus Domine, B. Marię Magdalenę gloriosa merita tibi reddant accepta, cuius oblationis obsequium vnigenitus filius tuus clementer suscepit impensum. Qui tecum viuit.

Præfatio.

**AEQVVM** & salutare: Nos te pater omnipotens omni tempore glorificare, & in die festiuitatis hodiernę B. Marię Magdalene. Ms.  
Ecc      le-

Ienę exultantibus animis prædicare. Quam sic tui amoris igne accendere dignatus es, vt ad Christi filij tui vestigia deuota corrueret, & eadem nardi pisticę preciofo vnguento perfunderet. Osculari quoquę ac lachrymis rigare, & capillis non cessat extergere, donęc audire promeruit, Dimissa sunt tibi peccata, vade in pace. O beata fides, diuinę misericordię munita præsidio. O digna cõuersio, quę tantum munus accepit: vt quę antea draconis antiqui, suis meritis, faucibus tenebatur adstricta, Dominicę resurrectionis gaudia primùm sanctis Apostolis nunciauit liberrima facta. Per eundem.

Post Communionem.

SUMPTO Domine vnico ac salutari remedio, corpore scilicet & preciofo sanguine tuo, ab omnibus malis, quęsumus, B. Marię Magdalenę patrocinijs eruamur. Qui cum pat.

Fit huius  
mentio in  
Marty. &  
passio ei  
excusa cū  
Abdia de  
vit, apost.

IN FESTO S. APOLLINARIS  
EPISCOPI ET MART. XXIII. IULII.

Super populum.

**M**AIESTATIS tuę clementiam suppliciter deprecamur, Omnipotens & misericors Deus, vt sicut vnigeniti filij tui agnitionem per beatissimi sacerdotis & martyris tui Apollinaris prædicationem, populorum cordibus infudisti, ita & nos, ipsius opitulantis meritis, fidei stabilitate firmemur. Per eundem.

Super sind.

BEATI sacerdotis & martyris tui Apollinaris annua festiuitate lætantes, clementiam tuam supplices exoramus, omnipotens Deus, vt sicut ille ob tanti agonem certaminis triumphali redimitus exultat corona, ita & nos orationum illius suffragio, temptationum tela superantes, brauiο lætemur æterno. Per Dominum.

Super obl.

FAMVLATVS nostri sacrificio, clementissime Deus, quod in  
com-



commemoratione celeberrimi sacerdotis & martyris tui Apollinaris tripudianter offerimus, tuę, quęsumus, dignanter pręsentiam interfere maiestatis, ipſius vt meritis & tibi ſit acceptabile, & nobis proſit ad veniam. Per Dominum.

Pręfatio.

PER Chriſtum Dominum noſtrum. Cuius potentię ſeptus p̄. M. s. ſidio Apollinaris digniſſimus pręful, à principe Apoſtolorum Petro Rauennam mittitur, Ieſu de nomine incredulis nunciare. Qui dum mira virtutum illic ſigna conferret in Chriſto credentibus, ſæuis verberum flagellis ſæpè conteritur, & ſenile iam corpus ab impijs horrendis cruciatibus laniatur. Sed nè de ſuis vexationibus fideles trepident, in virtute nominis Ieſu Chriſti ſigna Apoſtolica perficit poſt tormenta. Puellam reſuscitat mortuam, viſum conſpicuum cęcis reddit, & muto reſtaurat loquelam. Obſeſſam à dęmonio liberat, contagionem mundat leproſi, diſſoluta morbo ſannat peſtifero membra, portentum ſimulacri ſimul cum templo deiecit. O digniſſimus admiratione præconi j Pontifex, qui cum Pontificij dignitate Apoſtolicam promeruit accipere poteſtatem. O fortiſſimus athleta Chriſti, qui ætatis iam frigefcente calore, cōſtanter in pœnis eundem Ieſum Dei filium mundi p̄dicat redemptorem. Quem vnà.

Poſt Communionem.

PRAESTA, quęsumus, omnipotens Deus, vt nullis nos permittas perturbationibus concuti, quos in Apoſtolicę confeſſionis petra ſolidâſti. Per Dominum.

oooo. IN FESTO S. IACOBI APOST.

Super populum.

DA nobis, quęsumus, Domine Deus noſter, vt ſicut in commemoratione beati Apoſtoli tui Iacobi temporali gratulamur officio, ità cum ipſo in tui vultûs delectatione perpetuo lætemur adſpectu. Per Dominum.

Ecc 2 Super

Super find.

SOLENNITATIS Apostolicę multiplicatione gaudētes, clementiam tuam deprecamur omnipotens Deus, vt tribuas iugiter nos eorū & confessione benedici, & patrocinijs cōfoueri. Per dñm.

Super obl.

OBLATIONES populi tui Domine, quæsumus, beati Apostoli tui Iacobi passio gloriosa conciliet: & quę nostris nō sunt apta meritis, fiant tibi placita eius deprecatione. Per Dominum.

Præfatio.

AETERNE Deus. Quia licet nobis salutem semper operetur diuini celebratio sacramenti, propensius tamen confidimus affuturam, dum sancti Apostoli tui Iacobi meritis & interuenientibus precibus exhibetur. Per Christum.

Post Communionem.

BEATI Apostoli tui Iacobi, in cuius hodiē festiuitate corpore & sanguine tuo nos refecisti, quæsumus Domine, intercessione nos adiuua: vt eius precibus gubernemur, cuius vtimur, te constituente, doctrina. Qui cum patre & spiritu sancto.

De sanctis  
Nazario  
& Celso  
est ferm.  
Amb, 92.

pppp. IN VIGILIIS SS. NAZARII  
ET CELSI.

Super populum.

DEVS humani generis conditor & redemptor, qui ineffabili pietatis munere martyrum tuorum gloriosa certamina potentissimus largitor remuneras: præsta, quæsumus, Ecclesię tuę, quæ sanctorum martyrum Nazarij & Celsi lætatur triumphis, & à peccatorum seruari contagijs, & quod illi te confitendo meruerūt percipere, hoc populus tuus eorum consequi mereatur suffragijs. Qui viuis & regnas.

Super find.

PRAESTA, quæsumus Dñe, vt sicut populus Christianus martyrum tuorum Nazarij & Celsi temporali solēnitate cōgaudet, ita perfrua-



fruaturs æterna: & quod votis amantissimè celebrat, compleatur effectu. Per Dominum.

Super obl.

HOSTIAS tibi Domine pro sanctorum martyrum tuorum Nazarij & Celsi commemoratione deferimus, suppliciter exorantes, vt indulgentiam nobis pariter conferant & salutem. Per Dominum.

Præfatio.

AEQVVM & salutare: Nos tibi Domine cæli terræque, Deus pater, gratias agere, quas hîc & per vniuersum mundum Ecclesia tua, sancta catholica, omnium viuentium mater, in honore nominis tui, per officia spiritalis obsequij, quotidiana deuotione & annua festiuitate multiplicat. Quæ fidelium tuorum innumeris passionibus compta, & beatissimorum martyrum tuorum Nazarij & Celsi sanguine decorata, à dextris sempiternę maiestatis assistens, tot nûc illustrata patrocinij gaudet, quot pignora persequente mundo transmisit ad cælum. Magnum hoc Domine pietatis tuæ & ineffabile sacramentum, vt de illorum potius salute letetur Ecclesia, quos punisse mundus exultat. Atque illos magis acquisisse gaudeat, quos pro veritate certantes seculi gladius interemit. O beata mater, natorum suorum glorificata tormentis, quos non planctu, non gemitu ad inferna deducit, sed ad cælestia & æterna migrantes, perpetua laude prosequitur. Per Christum Dominum.

Post Communionem.

PRAESTA, quęsumus, omnipotens Deus, vt sanctorum tuorû Nazarij & Celsi cælestibus mysterijs celebrata solennitas, indulgentiam nobis tuæ propitiationis acquirat.

2999. IN FESTO EORVNDEN,  
XXVIII IULII.

Super populum.

Eee 3

EX-

**E**XAUDI Domine preces nostras, vt populus tuus qui sub tantis sanctorum martyrum tuorum Nazarij & Celsi patrocinijs est constitutus, & à suis offensionibus liberetur, & ab omnib⁹ tueatur aduersis. Per Dominum nostrum Iesum Christum.

Super find.

**T**RIBVE nobis, quæsumus, omnipotens Deus, sanctorum tuorum Nazarij & Celsi desiderata commercia: vt quorum perpetua dignitate sacra mysteria frequentamus in terris, & præsentia nobis subsidia postulent, & æterna. Per Dominum.

Super obl.

**S**VSCIBE, quæsumus, Domine munera populi tui, pro martyrum tuorum Nazarij & Celsi festiuitate sanctorum, & sincero nos corde perfice benignus acceptos. Per Dominum.

Præfatio.

M. S.

**A**EQVVM & salutare. Nos tibi summe Deus gratias agere, & in hac triumphali die nostræ deuotionis pandere vota, in qua martyr sanctus roseo lustratus cruore Nazarius, cæleste meruit conscendere regnum. Qui dum per innumera tormentorum acerba supplicia crudeliùs vexaretur, tyrannicam rabiem fidei constantia superabat. Nec potuit persecutorum illatis cedere minis, quandò pro se certante ipse author victoriæ Christus Dominus dimicabat. Ducitur intereà ad templum idolis prælibare profanis, quorum portenta, diuino fultus præsidio, mox vt ingressus est, redegit in puluerem. Ob hoc & liquidas maris in vndas longiùs à terra proiectus, angelici muneris famulatu, solida inter fluctus vestigia præfigebat. O felix & inclytus Domini præliator, qui mundi congressus principi, innumeram populi multitudinem vitæ sociauit æternæ. Inter quos & sacri plij bellatorem, Celsum videlicet fidelissimum testem, dum martyrij docuit certare ad palmam, pariter meruerunt cælestis patriæ peruenire ad regnum. Per Christum.

Post



Post Com.

PROTEGE, quęsumus, Domine plebem tuam, & festiuitatem  
martyrum tuorum Nazarij & Celsi, quam nobis tradis assidue, de-  
bitam tibi persolui precibus concede sanctorum. Per Dominum.

rrrr. IN FESTO S. MARTHÆ VIRG.  
ET HOSPITÆ DOMINI.

Super populum.

OMNIPOTENS clementissime Deus, cuius filius in  
œde B. Marthę hospitari dignatus est: da, quęsumus, vt eius  
meritis, quę illum suscepit placide, in œde polorum misericorditer  
hospitari valeamus. Per eundem filium.

Super find.

DA, quęsumus, misericors Deus, vt qui B. Marthæ filij tui ho-  
spitę festiuitatem colimus, eius meritis à cunctis aduersitatibus libe-  
remur. Per eundem.

Super obl.

SUSCIPE & sanctifica Adonai Deus hoc munus oblatum, &  
concede, vt ad salutem nostram carnem & sanguinem filij tui me-  
ritis illius suscipiamus, quæ illum gratanter hospitio suscepit. Qui  
tecum viuit & regnat.

Præfatio.

AETERNE Deus, Et in celebritate beatissimę Marthæ impe-  
ratorem cælorum dignis laudibus extollere, quem in suis ædibus  
hospitio deuota suscepit, & pietatis obsequium ei sollicita mini-  
strauit. Vndè & quadriduanum fratrem suum Lazarum ab infe-  
ris resuscitari obtinuit, & in aula cęlestis imperij cum eodem  
hospite Christo inseparabiliter sociari promeruit. Quem laudant  
angeli.

Post Com.

Quęsumus, omnipotens Deus, vt pijs sacramentis quę sumpsi-  
mus,

mus, & meritis B. Marthæ filij tui hospitæ, ad gaudia pertingamus æterna. Per eundem.

Facit huius mensuram  
suprà Ambr. in can.  
Miss.  
Sfff. IN FESTO S. CALIMERI EPI-  
SCOPI ET MART. VLT. IVL.

Super populum.

**O**MNIPOTENS sempiterne Deus, solennitatē huius diei propitius intueri, & Ecclesiam tuam intercessione beati Calimeri pontificis & martyris tui, continua fac celebritate gaudere, omniumque in te credentium vota perface. Per Dominum.

Super find.

**D**EVS author mundi & conditor, qui sanctis tuis in confessione tui nominis virtutem atque victoriam contulisti: præsta populo tuo, ut cuius annua celebritate deuotis exultat obsequijs, eius suffragijs tuæ pietatis consequatur auxilium. Per Dominum.

Super obl.

**O**MNIPOTENS sempiterne Deus, qui beatum Calimerum martyrem tuum pontificalibus infulis decorasti: præsta, quæsumus, nos eius exemplo & magnifico interuentu, tibi dignè munera consecrare, ac mundi gloriam mente despicere, & cælum semper ambire. Per Dominum.

Præfatio.

**A**ETERNE Deus. Et in hac die, quam beati Calimeri passio consecrauit, & nobis venerabilem exhibuit, prædicare. Qui euangelica prædicatione imbutus, doctrinis celestibus educatus, electione dignitatis conspicuus, & martyr insignis, & sacerdos refulsit egregius. Per Christum.

Post Com.

**D**EVS, qui es tuorum antistitem potentissimus illustrator, tribue, quæsumus, ut per hæc sacramenta quæ sumpsimus, & beatissimi pontificis & martyris tui Calimeri magnificis exemplis pariter



riter & monitis informati, seculi istius caliginem sine periculo transeamus. Per Dominum.

TTTT. IN FESTO SS. MACHABAEORVM MART. ET DEPOSIT.  
S. EVSEBII PRESBYT.

De S. Eu-  
sebio Ver-  
cellensi tra-  
ctat Amb.  
epist. 82.

Super populum.

**A**DESTO Domine supplicationibus nostris, & interces-  
sionibus beatissimorum martyrum tuorum Machabæorū,  
perpetuam nobis misericordiā benignus impende. Per Dominum.

Super find.

ANNE nobis, quæsumus, omnipotens Deus, vt sanctorum  
martyrum tuorum Machabæorum suffragijs adiuuemur: vt sicut  
eis copiosa victoria dedit triumphum, ita & nobis cōtinuum præ-  
stet auxilium. Per Dominum.

Super obl.

SUSCIPE, quæsumus Domine, & sanctifica hoc sacrificiū po-  
puli tui, vt quod in honore beatissimorū martyrum tuorum Ma-  
chabæorum, offertur ad gloriam, nobis tribuas ad salutem perpetuā.  
Per Dominum.

Præfatio.

AEQVVM & salutare: Nos in honore nominis tui Domine,  
sanctos martyres tuos Machabæos annua festiuitate cum omni ad-  
miratione præferre, natiuitate fratres, passionem germanos, quos glo-  
riosa mater vtero concepit & mente: vt quos secundum carnē ge-  
nerat mundo, eosdem omnipotenti Deo spiritu fecunditatis ge-  
neraret ad gloriā: Nam qui nati fuerant carnaliter ad mortem, re-  
ligiosè moriebantur ad vitā. Abscinduntur lingue, cutes capitū au-  
feruntur: & inter hæc gloriosissimi iuuenes non dolebāt quod cru-  
delius punirentur, sed exultabant quod gloriosius interirent, vt  
inuicem sibi essent & solatium, & exemplum. Post quos omnes

Ffff & ipsa

& ipsa exultans sanguinis mater & fidei, nouissimè subsecuta est: non ut vltima esset, sed ut fructus ventris sui præmitteret Deo, & pignora sua secura sequeretur. Quid illud, quantaque exultatione dicendum est, quod passionis ipsorum die, de hoc mundo profectus est ad æternam sedem testis fidei, & veritatis confessor Eusebius? Qui etiam die, quo passi sunt martyres veterum præceptorum, eodem die noui testamenti propugnator assumptus est. Illi discesserunt, Iudaicę legis mandata seruantes: hic requieuit, inseparabilis Trinitatis asserens vnitatem. Quam laudant.

Post Com.

PRAESTA, quęsumus, omnipotens Deus, ut quorum memoriam sacramenti participatione recolimus, fidem quoque proficiendo sectemur. Per Dominum,

Meminit  
& huius  
Ambr. in  
Can. Miss.

VUUU. IN FESTO S. PERPETVÆ  
MATRIS S. NAZARII, IIII.  
AVGVSTI.

Super populum.

DEVS, qui B. Perpetuę vterum glorioso martyre Nazario tua gratia fecundasti: da, quęsumus, ut eius meritis adiuti, sincera fide & sanctis operibus fecundemur, & perpetuam in cælis gloriam consequamur. Per Dominum.

Super sindonem

OMNIPOTENS sempiternus Deus, qui per beatam Perpetuam, Affricanum eius coniugem cum filio Nazario ad lucem fidei, tuę gratiæ dono conuertisti: præsta, quęsumus, ut relictis vitiorum tenebris, ad te qui es lumen indeficiens, conuertamur. Per Dominum.

Super obl.

NOSTRÆ deuotionis munera Domine, in honore S. Perpetuę tuis altaribus offerentes, maiestatem tuam suppliciter exoramus,



mus, vt & tibi grata semper existant, & ad salutem nostram proficiant. Per Dominum.

Præfatio.

**ÆTERNE Deus:** Qui tuæ maiestatis potentiam in sexu fœmineo multipliciter operosam & mirabilem manifestans, beatam Perpetuam sic tuæ gratiæ radio illustrasti, vt execrato gentilitatis errore, ab Apostolorum Principe baptizata, non solum filium Nazarium ad Christi cultum flecteret, sed & Affricanum eius infidelis virum, Iudaici ritûs cultorem, fidelis mulier duplici lucro ditata, Christianorum collegio sociaret. Hæc misericordiæ operibus exuberans, indigentibus subuenit, & afflictos miseria consolatur. Hæc beatorum martyrum corpora pio tradidit studio sepulchris, hæc miris corruscans virtutibus, & in sinceritate fidei & operum sanctitate perseverans, carnis deferens claustrum, læta migrat ad Christum. Quem laudant.

Post Com.

**CONCEDE,** quæsumus, omnipotens Deus, vt sacramentum corporis & sanguinis Domini nostri Iesu Christi, quod ad S. Perpetuæ laudem percepimus & honorem, in nobis mentis & corporis medicinam salutiferam operetur. Per eund.

**XXXX. IN VIGILIIS S. LAURENTII.**

De hoc s.  
habet Ser.  
Ambr. 1.  
& 2.

Super populum.

**ANNVE** nobis, quæsumus, omnipotens Deus, vt beati Leuitæ & martyris tui Laurentij veneranda solennitas & deuotionem nobis augeat, & salutem. Per Dominum.

Super sind.

**DEVS,** cuius \* claritatis ardore beatus Laurētius Leuita & martyr edaces incendij flammæ, contempto persecutore, deuicit: cō-  
cede propitius, vt omnes qui martyrij eius merita veneramur, protectionis tuæ muniamur auxilio. Per Dominum.

Ffff 2 Super

Super obl.

**S**VSCIP E Domine hæc munera populi tui, quæ tibi in B. Leuitæ & martyris tui Laurentij festiuitate offerimus, vt per eadem sicut confidimus, tuæ pietatis sentiamus auxilium. Per Dominum.

Præfatio.

**A**E QVVM & salutare: Nos tibi omnipotens Domine gratias agere, B. Laurētij Leuitæ & martyris tui solennitatē celebrātes. Cui fidem confessionemq; non abstulit ignis accēsus, sed vt clariùs luceret, accendit. Nam sicut aurum flammis nō vritur, sed probatur: sic beati Martyris sancta substantia non consumitur, sed apparatus cælestibus ornamentis. Per Christum Dominum.

Post Commun.

Indulgentiam tuam Domine nobis, quæsumus, sancti Laurentij postulet grata precatio, per dilectissimum filium tuum, Deum, Dominum, & Saluatorem nostrum. Qui tecum.

yyy. IN FESTO EIVSDEM.

Super populum.

**A**NNVE, quæsumus, omnipotens Deus, vt sicut beatus Leuita & martyr tuus Laurentius, ignium globos, te protegēte, euasit: ita fidelis populus huius aduersitatem seculi, te auxiliante, euadat. Per Dominum.

Super find.

**B**EATI Leuitæ & martyris tui Laurentij nos, quæsumus Domine, foueant continuata præsidia: Quia non desinis propitius intueri, quos promissis auxilijs cōcesseris adiuuari. Per Dominum.

Super obl.

**V**T grata tibi sit, quæsumus Domine, nostræ seruitutis oblatio, beatus Leuita & martyr tuus Laurentius natalitio suo obtineat. Per Dominum.

Præ-



## Præfatio.

**AETERNE** Deus: Qui hodierna die Leuitæ tui Laurentij fidem auream igne ardentissimo comprobâsti, vt esset tibi hostia viua, hostia sancta, in odorem suauitatis accensa. O gloriosi certaminis virtus, ô inconcussa constantia mentis. Stridunt membra viuentis super craticulam imposita, & prunis sèquentibus anhelantis, vt & tibi hostia fieret, & ad triumphum martyrij intrepidus perueniret. Per Christum.

## Post Communionem.

**CONSERVA** in nobis Domine munus tuum: & quod, te donante, pro solennitate B. Leuitæ & martyris tui Laurentij percepi-  
mus, \* ad salutem nobis præstet & pacem. Per Dominum.

\* id salutē

## zzzz. IN FESTO S. HIPPOLYTI.

## Super populum.

**INTERCESSIO** Domine beati Hippolyti martyris tui, & tuam nobis nō desinat placare iustitiam, & nostrum tibi deuotum efficere famulatum. Per Dominum.

## Super find.

**SANCTI** martyris tui Hippolyti Domine, quæsumus, veneranda festiuitas, salutaris auxiliij nobis præstet augmentum. Per Dominum.

## Super obl.

**OFFERIMVS** tibi Domine preces & munera, quæ vt tuo sint grata conspectui, beati martyris tui Hippolyti precibus adiue-  
mur. Per Dominum.

## Præfatio.

**AETERNE** Deus. Nosque in hac solennitatis die, beati martyris tui Hippolyti, ad tui nominis gloriam exultare. Quia te verum ducem considerans, miles tuus esse maluit, quàm dux militum comprobari. Beatumque Laurentium suæ custodiæ mancipatum,

Fff 3 non

non persecutus est, sed secutus. Qui cum thesauros Ecclesie discutit, inuenit thesaurum, non quem tyrannus eriperet, sed quem pietas possideret. Inuenit thesaurum, unde vera diuitiae peterentur. Spreuit fauorem tyranni, ut cum regis perpetui gratia probaretur. Membris diuidi non refugit, ne nexibus diuelleretur æternis, quia solum vite dilexit authorem. Quem vnà tecum.

Post Communionem.

SACRAMENTI tui Dñe communio sumpta nos saluet, & in tuę veritatis luce confirmet. Per Dominum nostrum.

AAAAA. IN VIGILIIS ASSUMPTIONIS  
MARIAE.

Super populum.

SVBVENIAT Dñe plebi tuę Dei genitricis oratio. Quam etiam per conditionem carnis migrasse cognouimus, in celesti tamę gloria pro nobis orare sentiamus. Per Dñm.

Super sind.

MAGNA est Domine apud clementiam tuam Dei genitricis oratio, quam idcirco de presenti seculo transtulisti, ut pro peccatis nostris apud te fidutialiter intercedat. Per Dominum.

Super oblat.

SUSCIPE, quęsumus, Domine sacrificium placationis & laudis: quod nos interueniente sancta Dei genitrice, semperque virgine Maria, cuius festiuium Assumptionis diem celebramus, & perducatur ad veniã, & ad perpetuã gratiarũ cõstituatur actionẽ. Per dñm.

Præfatio.

PER Christum Dominum nostrum. Et in huius diei veneranda festiuitate gaudere, in qua sancta DEI genitrix mortem subiit temporalem, nec tamen mortis nexibus deprimi potuit, quæ filium tuum Dominum nostrum de se genuit incarnatum. Cuius intercessione quęsumus, ut mortem euadere possimus animarũ. Per eundem.

Post



Post Communionem.

MENSÆ cælestis participes effecti, imploramus clementiam tuam Domine Deus noster, vt qui festa Dei genitricis colimus, à malis imminetibus eius intercessionibus liberemur. Per Dominum.

abbbb. IN FESTO ASSVMPTIONIS  
EIVSDEM.

Super populum.

OMNIPOTENS sempiternus Deus, qui terrenis corporibus, verbi tui veritatis filij vnigeniti, p̄ venerabilem ac gloriosam, semperq; virginem Mariam, ineffabile mysterium coniungere voluisti: petimus immensam clementiam tuam, vt quod in eius veneratione deposcimus, te propitiante, consequi mereamur. Per Dominum.

Super sind.

CONCEDE nobis, quæsumus, omnipotens Deus, ad B. Mariæ semper virginis gaudia æterna pertingere, de cuius nos veneranda assumptione tribuis annua solennitate gaudere. Per Dominum.

Super obl.

INTERCESSIO, quæsumus Domine, B. Mariæ semper virginis munera nostra commendet, nosq; in eius veneratione tuæ maiestati reddat acceptos. Per Dñm.

Præfatio.

AEQVVM & salutare: Nos te \* in tuis sacratissimis virginibus, \* in veneratione sacrarum virginū. exultantibus animis laudare, benedicere, & prædicare. Inter quas beata Dei genitrix intemerata virgo Maria, gloriosissimè fulget, cuius assumptionis diem omni deuotione colendum, præsentis sacrificio celebramus. Per Christum.

Post Communionem.

CÆLESTI munere satiatis, quæsumus, omnipotens Deus, tua nos pro-

protectione custodi, & castimoniam & pacem mentibus nostris atque corporibus, intercedete sancta Maria, propitiatus indulgeas: ut veniente sponso filio tuo unigenito, accensis lampadibus, eius digni prestolemur occursum. Qui tecum.

cccc. IN FESTO SS. MAMMETIS ET AGAPITI, XVII. AVGUST.

Super populum.

**A**VXILIVM tuum Domine nobis, quaesumus, placatus impende, & intercedentibus sanctis martyribus Mammete & Agapito, dexteram super nos tue propitiationis extende. Per Dominum.

Super find.

SANCTORVM Martyrum tuorum Domine Mammetis & Agapiti merita nos preciosa tueatur: in quibus tuae maiestatis opera predicantes, & praesens capiamus adiutorium, & futurum. Per Dominum.

Super obl.

SUSCIPE Domine munera, quae in eorum tibi solennitate deferimus, quorum confidimus patrocini liberari. Per Dominum.

Præfatio.

M. 5.

AETERNE Deus, Gloriosique martyris tui Agapiti, perennis diem triumphi debita veneratione recolere: Qui dum adhuc puerilibus degens sub annis, fidei virtute proficeret, ætatisque modum mente transcenderet, seculi contemnendo ludibria, & principum abolenda prestigia, martyrij corona superna liber petijt atria. Tuo etiam Domine amore succensus Mammes beatissimus martyr, gloriosam promeruit consequi certaminis palmam. Qui pestiferam sacrilegorum plebem despiciens, maluit habitare cum beatis, quam mundi commoda cum infidelibus possidere. Ob hoc &

voce



voce diuina admonitus, Euangelium inuenire meruit, vt qui polluta incredulorum despexit colloquia, sui cōditoris verbo sedulus perfrui mereretur. Cui & bestia, depōita feritate, famulari non desinunt, dum suorum vberum fructus Christi famulo spontē ministrant. Mittitur interea, vt exhibeatur carnifici, qui paratus dimicare pro Christo, ad stadium deuotus occurrit. Illic pēnarum acerbitate vexatus, Dei filium voce libera profitetur. Suspen- sus denique torquetur, carceris squalori subiicitur, ferarum horrendis moribus exhibetur, camino vrendus includitur, iniquorum traditur manibus lapidandus: sed feralis illa insatianda rapacitas, mitis efficitur, & igneus globus incolumem Christi martyrem conseruauit. O ineffabilis æterni regis potentia, ô admiranda clementia redemptoris, qui \* ob martyrum dignitatem dat intellectum be-<sup>+pro mar</sup> stijs, & elementis propriam tollit virtutem, vt vniuersi qui tibi<sup>tyrum di-</sup> feruiunt, te Deum verum glorificent, te omnium discant esse fa-<sup>gnitate</sup> ctorem, Per eundem.

Post Com.

PROTEGAT, quæsumus, Domine populum tuum & participatio cælestis indulta conuiuij, & precatio collata sanctorum.  
Per Dominum.

DDDD. IN FESTO S. BARTHO-  
LOMAEI.

Super populum.

OMNIPOTENS sempiternæ Deus, qui huius diei venerandam sanctamq; lætitiā B. Apostoli tui Bartholomæi festiuitate tribuisti, da Ecclesiæ tuæ, quæsumus, & amare quod credit, & prædicare quod docuit. Per Dominum.

Super sindonem.

SYMPPLICATIONIBVS Apostolicis beati Bartholomæi Domine, quæsumus, Ecclesiæ tuæ commendetur oratio, cuius  
Ggg ma-

magnificis prædicationibus eruditur. Per Dominum.  
Super obl.

HÆC hostia Domine, quæsumus, beati Bartholomæi Apostoli intercessionibus, & ab occultis reatibus Ecclesiam tuam semper expediat, & manifestis conueniēter expurget. Per Dominum.  
Præfatio.

ÆTERNE Deus. Qui discipulis Christi tui prædicantibus Trinitatem, tuam mundo mirabiliter dignatus es ostendere maiestatem. Inter quos beatissimum Bartholomæum, magna virtutum prorogatiua colendum, benigna tuī prospectio ad populum misericorditer direxit longinquum. Quem licet humana penitus conuersatione remotum, tibi tamen prædicationum augmento meruit consignare vicinum. O quantis præconijs Apostolum mirabilem celebrandum, cui dum ad seminandam fidem, proximorum corda non sufficerent populorum, alatis quasi vestigijs extremos terrarum fines penetrauit Indorum. Hic, cum languentium innumera caterua templum ingressa esset dæmonicum, effecit illico, ut nullum cultoribus dæmon præberet responsum. Regiam à diabolica contagione liberauit puellam, solutisque nexibus, patri repræsentauit sanissimam. Rex reginaque simul baptizantur, cum gente, vrbiumque duodecim accolę te Deum patrem omnipotentem corpore sequuntur & mente. Ad extremum verò, idolorum  
\* Polemij delatione Pontificū, \* Polimij regis frater tyrannus, B. Apostolum in fide constantem, cæsum atque excoriatum, acerrimam fecit suscipere mortē. Qui tñ mortis perferendo discrimē gloriosi certaminis, ad cæleste regnum secum reportauit triumphum. Per eundem.

Post Communionem.

SUMPSIMVS Domine pignus salutis æternę, B. Bartholomæi Apostoli tui solennia celebrantes: p̄sta, quæsumus, ut cuius in terris merita veneramur, eius precibus ad gaudia pertingamus æterna.  
Per Dominum.

Ecce. IN



RITVS ET ORDO.  
EEEE. IN FESTO S. GENESII,  
XXV. AVGVST.

Super populum.

**B**EATI martyris tui Genesij nos faciat, quęsumus Do-  
mine, passio veneranda latantes, & vt eam sufficienter  
recolamus, dignos efficiat. Per Dominum.

Super find.

**S**ANCTI martyris tui Genesij merita nos, quęsumus Dñe,  
preciosa tueantur, in quibus tuę maiestatis opera prædicantes, & p-  
sens capiamus adiutorium, & futurum. Per Dominum.

Super obl.

**H**OSTIAS, quęsumus Domine, quas in solennitate beati  
martyris tui Genesij sacris altaribus exhibemus, propitius respice,  
vt nobis indulgentiam largiendo, tuo nomini dent honorem. Per  
Dominum.

Præfatio.

**A**EQVVM & salutare: Nos tibi, omnipotens Domine, gratias  
agere, & in hac triumphali die, consona exultatione laudare: Qua  
beatus Genesius celeberrimus martyr, pro Christi confessione  
nominis, mortem suscipere non expauit. Hic dum terreno im-  
perio inimicę artis placeret industria, renuit mundanę delectatio-  
nis lætitiā, vt esset gaudiorum cęlestium perennis possessor. Nam  
cū vnda sacri dilueretur baptismatis, & intrā cęli secreta suę cō-  
fessionis authorem videre promeruit, & sanctum spiritum in co-  
lumbę specie sibi adesse cognouit. O beata fides, diuino fulta præ-  
fidio. O digna conuersio, Deifico lustrata decore: quę antè me-  
ruit gloriam videre cælestem, quā pro ipsius authoris gloria  
in agone certāset. Hic etiam innocentum animas, **C H R I-**  
**S T I** pro nomine damnatas morti, & intrā cælestia regna con-  
spexit, & qua esset luce collocandus, agnouit. Sic nimirum

Ggg 2 coram

419

Fuit is passus Are-  
lati sub Dioclet.  
vt testantur mar-  
tyrol. & Euseb.  
Emis. ac Greg.  
Turon. de mart.  
cap. 67. cum 3.  
sequent.

coram tyranno stetit immobilis, vt post varias minas verberumq; terrores, per sui sanguinis effusionem, & nobis gloriosum se martyrem, & caelestium ciuium monstraret esse consortem. Per eundem Christum.

Post Communionem.

PLEBEM tuam Domine B. martyr tuus Genesius interuētor attollat, & quam de suo facit martyrio gratulari, dignam imploret tuæ pietatis existere sacramentis. Per Dominum.

ffff. IN DECOLLATIONE S. IOANNIS BAPTISTAE.

Super populum.

**P**ROTEGAT Ecclesiam tuam Deus oratio veneranda beatissimi præcursoris & martyris tui Ioannis Baptistæ, & cui frequentiam deuotionis impendit, perpetuæ poscat redemptionis effectum. Qui cum patre.

Super sind.

PERPETUIS nos Domine, quæsumus, sancti Ioannis Baptistæ tuere præsidij: & quanto fragiliores sumus, tanto magis necessarijs attolle suffragijs. Per Dominum.

Super obl.

AUXILIENTUR nobis, Domine, B. præcursoris & martyris tui Ioannis Baptistæ veneranda merita passionis, & hæc nobis hostia tuæ placationis existat. Qui cum patre.

Præfatio.

AEQVVM & salutare: Nos tibi omnipotens Domine gratias agere, teque omni tempore benedicere, & in hac præcipui festiuitate diei laudare. In quo beatus Ioannes Baptista martyrij est coronam adeptus, quo inter natos maior nemo extitit mulierum. Nuptias prohibendo illicitas, gloriosum martyrij triumphum, capite truncatus, obtinuit. Et Dñm Iesum Christum, mūdi  
sal-



saluatorem venisse corporali presentia demonstravit: eius quoque descensionem præcurrens, inferis nunciauit. Et ideò cum.

Post Com.

SANCTI Ioannis Baptistæ & martyris tui Domine, quæsumus, veneranda festiuitas, salutaris auxiliij nobis præstet effectum. Per Dominum.

ggggg. IN FESTO S. EUPHEMIAE,  
XVI. SEPT.

Meminit  
Ado in  
Martyrol.

Super populum.

CONCEDE, quæsumus, omnipotens & misericors Deus, vt beata Euphemia, quæ virginitatis pariter & martyrij promeruit palmam, intercessionibus suis & presentis vitæ remedia nobis conferat, & æternam salutem. Per Dominum.

Super find.

DEVS, qui B. virgini & martyri tuæ Euphemie pro tuo nomine dimicanti, fidem & constantiam præbuiisti: concede nobis supplicantibus, vt sicut illa horrenda vicit augmenta pœnarum, ita & nos seuisimi hostis vitia, te auxiliante, vincere valeamus. Per Dominum.

Super obl.

MVNERA quæsumus Domine, quæ in B. Euphemie celebritate deferimus, ita gratie tuæ efficiantur accepta, sicut eius tibi placitum extitit passionis certamen. Per Dominum.

Præfatio.

PER Christum Dominum nostrum. Per quem virgo alma triumphatrix Euphemia, virginitatis retinens mitram, passionis meruit vestiri corona. Cuius precibus inimicus hostis euincitur, priscus aduersarius superatur. A fornacis igne virgo sospes eripitur, duri lapides in puluerem conuertuntur. Feræ mansuescunt,

Citat hæc  
præfatio.  
nē Iacob  
Bergom.  
de claris  
mulieris  
bus c. 104.

Ggg 3 col.

collaque submittunt, atque omnia pœnarum supplicia eius oratione superantur. Nouissimè gladij mucrone confossa, carnea relinquens claustra, cœlesti choro iungitur læta. Hæc sacra virgo tibi Domine Ecclesiam tuam commendet: Hęc pro nobis peccatoribus interpellat, hæc vota nostra, vt virgo vernula illibata, tibi præsentet. Per eund.

Post Com.

SANCTIFICET nos Domine, quęsumus, tui perceptio sacramenti, & intercessio B. martyris tuę Euphemie, tibi reddat acceptos. Per Dominum.

Memine-  
runt Mar-  
tyrol.

HHHHH. IN FESTO S. EVSTORGII  
EPISCOPI MEDIOL. XVIII.  
SEPTEMBR.

Super populum.

**B**EATI sacerdotis & confessoris tui Eustorgij nos, quęsumus, Domine foueat preciosa confessio, & pia iugiter intercessio tueatur. Per Dominum.

Super sind.

VOTA populi tui Domine propitius intende, & cuius nos tribuis annua solennia celebrare, fac gaudere suffragijs. Per Dominum.

Super obl.

PRO sancti confessoris tui Eustorgij commemoratione, munera tibi Domine, quę debemus, exoluimus: præsta, quęsumus, vt remedium nobis perpetuę salutis operetur. Per Dominum.

Præfatio.

AETERNE Deus: Quando enim tibi sufficienter Domine referre gratias valeamus? qui idè nos solennitatibus martyrum atq; confessorum frequenter exerces, vt & deuotione continua excites ad profectum, & fragilitatem nostram pijs intercessoribus benignus



nignus attollas : Et quæ proprijs non meremur operibus, tibi placitis suffragatoribus impetremus. Inter quos debitæ pietatis obsequium sancto sacerdoti & confessori tuo Eustorgio exhibentes, potentiam tuam Domine, cuius gratia talis extitit, prædicamus, atque per eum nobis indulgentiam credimus non negandam. Per Christum.

Post Com.

QVÆSVMVS, omnipotens Deus, vt hodiernæ munus, solennitatis acceptum, & corporibus nostris salutem præstet, & mentibus. Per Dominum.

iiii. IN FESTO S. MATTHÆI.

Super populum.

**P**RÆSTA, quæsumus, omnipotens Deus, vt qui iugiter beati Apostoli & Euangelistæ tui Matthæi defensione munimur, nec succumbamus vitijs, nec opprimamur aduersis. Per Dominum.

Super sind.

BEATI Apostoli & Euangelistæ Matthæi Domine precibus adiuuemur, vt quod possibilitas nostra non obtinet, eius nobis intercessione donetur. Per Dominum.

Super obl.

BEATI Apostoli & Euangelistæ tui Matthæi supplicationibus Domine, quæsumus, tibi nostra grata sint munera, in cuius solennitate tuis altaribus exhibentur. Per Dominum.

Præfatio.

ÆTERNE Deus : Qui Ecclesiam tuam in tuis fidelibus ubique pollentem, apostolicis facis constare doctrinis : præsta, quæsumus, vt per quos initium diuinæ cognitionis accepit, per eos usque in finem sæculi, capiat regni cælestis augmentum. Per Christum.

Post

Post Communionem.

PERCEPTIS Domine sacramentis, beato Matthæo Apostolo tuo & Euangelista interueniente, deprecamur, vt quæ pro eius celebrata sunt gloria, nobis proficiant ad medelam. Per Dominum.

De Dedit  
cat. Eccles  
fiæ est  
Ser. Amb.  
89.

LIIII. DOM. III. OCTOBR. IN DE-  
DICATIONE ECCLESIAE  
MAIORIS.

Super populum.

DEVS, qui de viuis & electis lapidibus æternum nomini tuo condishabitaculum, da ædificationi huic incrementa iustitiæ, vt ab omnibus hinc inuocantibus nomen tuum, protectionis tuæ auxilium sentiat, Per Dominum.

Super sindonem.

OMNIPOTENS sempiternæ Deus, qui in omni loco dominationis tuæ totus assisistis, & totus operaris: adesto inuocationibus nostris, & huius domus, cuius es fundator, esto protector. Nulla hinc nequitia contrariæ potestatis obstat, sed virtute sancti spiritus operante, fiat hinc tibi semper purum seruitium, & deuota libertas. Per Dominum. in unitate eiusd.

Super obl.

DEVS, qui sacrandorum tibi author es munerum, ad sanctificationem loci huius propitius adesse dignare, vt qui hæc in tui nominis honore condiderunt, protectorem te habere in omnibus mereantur. Per Dominum.

Præfatio.

PER Christum Dominum nostrum: Qui eminentiam acceptæ Ecclesiæ tradidit, quam pro honore percepto & reginam constituit, & sponsam. Cuius sublimitati vniuersa subiecit, ad cuius iudicium consentire iussit è cælo. Hæc est mater omnium viuentium,



tiū, filiorum numero facta sublimior, quæ per spiritum sanctum quotidie Deo filios procreat, cuius palmitibus mundus omnis impletus est. Quæ propagines suas ligno baiulante suspensas, erigit ad regna cælorum. Hæc est ciuitas illa sublimis, iugo montis erecta, perspicua cunctis, & omnibus clara. Cuius conditor & inhabitator est idem Dominus noster Iesus Christus filius tuus. Quem vnâ.

Post Commun.

BENEDICTIONIS tuæ, quæsumus Domine, plebs tibi sacra fructus reportet & gaudium: vt quod in huius festiuitatis die, corporali seruitio exhibuit, spiritaliter se retulisse cognoscat. Per Dominum.

mmmm. IN DEDICATIONE ECCLESIAE MINORIS.

Super populum.

DEVS, qui loca nomini tuo dicata sanctificas, effunde super hanc orationis domum gratiam tuam, vt ab omnibus hic te inuocantibus, auxilium tuæ misericordiæ sentiat. Per Dominum.

Super sind.

POPVLVM tuum Domine propitius intueri, & in templo nomini tuo ædificato, tuam pietatem inuocantes, miserationis tuæ potiantur auxilio. Per Dominum.

Super obl.

QVÆ in hoc altari propolita munera Domine oculis tuæ maiestatis offerimus, sancti tui N. quæsumus supplicationibus propitius assume. Per Dominum.

Præfatio.

AETERNE Deus: Qui hanc Ecclesiam nomini tuo dicatam, M. S.  
annua festiuitate illustras, atque mysticis ornatam virtutibus, de  
H h h ter-

terris mittis ad cælum. Hæc est enim Domine mater viuentium, vita & salus omnium in te credentium. Hæc est sponsa agni tui, mirabili ipsius illustrata decore: pro qua clementissime pater unigenitus tuus crucem pertulit, & aduersarium vicit. Vnde & à dextris tuis in cælestibus constituta, ac suorum ciuium decorata virtute, maiestatem tuam trina voce interpellare non cessat. Quam laudant,

Post Com.

DEVS, qui Ecclesiam tuam sponsam vocare dignatus es, vt quæ habet gratiam per fidei deuotionem, haberet etiam ex nomine pietatem: da, vt omnis hæc plebs nomini tuo seruiens, huius vocabuli consortio digna esse mereatur. Per Dominum nostrum,

nnnn. IN FESTO S. LVCAE.

Super populum.

**I**NTERVENIAT pro nobis, quæsumus Domine, sanctus tuus Lucas Euangelista, qui crucis mortificationem iugiter in suo corpore pro tui nominis honore portauit. Per Dominum..

Super find.

PRÆSTA, quæsumus Domine, vt B. Lucæ Euangelistæ suffragijs, cuius natalitia celebramus, hæc plebs tua semper & sua vota depromat, & desiderata perficiat. Per Dominum.

Super obl.

DONIS cælestibus da, quæsumus Domine, nos libera mente seruire, & munera quæ deferimus, interueniente B. Euangelista tuo Luca, & medelam nobis operentur, & gloriam. Per Dominum.

Præfatio.

ÆTERNE Deus: Et te in tuis sanctis collaudare, benedicere & prædicare. Qui eos dimicantes contra antiqui hostis machinamenta & proprii corporis blandimenta, inexpugnabili virtute rex  
glo-



gloriæ roborâsti. Ex quibus beatus Euangelista tuus Lucas assumpto fidei scuto, & galea spei salutis, & gladio spiritûs sancti, viriliter contra vitiorum incentiua pugnauit, & Euangelicę nobis dulcedinis fluentia deduxit. Vndè petimus Domine immensam clemētiam tuam, vt qui eum tot meritorum donâsti prærogatiuis, nos eius & informes exemplis, & meritis adiuues gloriosis. Per Christum.

Post Com.

PRAESTA, quæsumus, omnipotens Deus, vt quod de sancto altari tuo accepimus, precibus B. Euangelistę tui Lucę sanctificet animas nostras, quò tui esse possimus. Per Dominum.

Ooooo. IN FESTO SS. SIMONIS  
ET IVDÆ.

Super populum.

PROTECTOR in te sperantium Deus, familiam tuam propitius respice, & per beatos Apostolos tuos Simonem & Iudam à cunctis eam aduersitatibus, potentiæ tuę brachio defende. Per Dominum.

Super sind.

DEVS mundi creator, qui beatos Apostolos Simonem & Iudā nominis tui gloria sublimâsti: exaudi populum tuum, cum sanctorum tuorum tibi patrocinijs supplicantem, vt pacis dono proficiat, ad fidei & charitatis augmentum. Per Dominum.

Super obl.

GLORIAM Domine sanctorum Apostolorum & martyrum tuorum perpetuam celebrâtes, quæsumus, vt eandem sacris mysterijs expiati digniùs celebremus. Per Dominum.

Præfatio.

AETERNE Deus: Te in tuorum Apostolorū Simonis & Iudę glorificantes honore. Qui & illis tribuisti beatitudinem sempiternam,

H h h 2 nam,

nam, & infirmitati nostræ talia præstitisti suffragia, per quæ eam, te donante, apprehendere valeamus. Per Christum.

Post Com.

QVÆSVMVS, omnipotens Deus, vt fideles tui venerandas assidue celebrantes sanctorum tuorum passionibus, & copiam perpetuæ deuotionis inueniant, & salutis æternæ suffragia maiora conquirant. Per Dominum.

Fit horū  
mentio  
apud Am-  
br. in ex-  
hort. ad  
Vig.

ppppp. IN FESTO SS. VITALIS ET  
AGRICOLAE, IIII. NOVEMB.

Super populum.

SANCTORVM martyrum tuorum Vitalis & Agricolæ, quæsumus Domine, natalitia nobis votiua resplendeant, & quod illis contulit excellentia sempiterna, fructibus nostræ deuotionis accrescat. Per Dominum.

Super sind.

OMNIPOTENS sempiternus Deus, qui in sanctorum martyrum tuorum Vitalis & Agricolæ cordibus flammam tuæ dilectionis accendis, da mentibus nostris eandem fidei charitatisque virtutem, vt quorum gaudemus triumphis, proficiamus exemplis. Per Dominum.

Super obl.

HOSTIAS tibi Domine pro sanctorum martyrum tuorum Vitalis & Agricolæ commemoratiōe deferimus, suppliciter deprecantes, vt & indulgentiam nobis pariter conferant, & salutem. Per Dominum.

Præfatio.

ÆTERNE Deus: Qui sanctorum tuorum certamina ad copiosam perducis victoriam, atque perpetuum largiris triumphum, vt in exemplum Ecclesiæ tuæ per innumera proficiant secula: præsta nobis per eorum, quorum festa celebramus, intercessionem,



nem, tuæ pietatis æterno perfrui auxilio. Per Christum.

Post Communionem.

**P R A E S T A**, quæsumus, omnipotens Deus, vt sanctorum martyrum tuorum Vitalis & Agricolæ cælestibus mysterijs celebrata solennitas, indulgentiam nobis tuę propitiationis acquirat. Per Dominum.

℟℞℞℞℞. **IN FESTO S. MARTINI  
EPISCOPI.**

Super populum.

**E X A V D I** Domine populum tuum, tota tibi mēte subiectum, & B. Martini sacerdotis tui atque Pontificis supplicatione custodi, vt corpore & corde protectus, quod piè credidit, appetat: & quod iuste sperat, obtineat. Per Dominum.

Super lind.

**A D E S T O** quæsumus, Domine plebi tuę, & intercessione B. sacerdotis & confessoris tui Martini, confidenter tribue consequi, quod sperare donasti. Per Dominum.

Super obl.

**B E A T I** sacerdotis & confessoris tui Martini, quæsumus Domine, nobis pia non desit intercessio, quæ & munera nostra conciliet, & tuam nobis indulgentiam semper obtineat. Per Dominum.

Præfatio.

**A B Q V V M** & salutare: Nos te, omnipotens Domine, in beati sacerdotis & confessoris tui Martini laudibus honorare. Qui sancti spiritus tui dono repletus, ita in ipso tyrocinio fidei perfectus inuentus est, vt Christum texisset in paupere, & vestem quam egenus acceperat, mundi Dominum induisset. O felix largitas, qua diuinitas operitur. O chlamydis gloriosa diuisio, quæ militem texit & regem. Inestimabile donum est, quod vestire meruit veritatem. Dignè huic confessionis tuæ præmia contulisti, dignè ei Arriano-

H h h 3 rum

rum subiaccit feritas, dignè tanto amore martyrij, persecutoris tormenta non timuit securus. Quanta, putamus, erit glorificatio passionis, quandò pars chlamydis sic exitit preciosa? Et quid erit pro oblatione integri corporis recepturus, qui pro quantitate vestis exiguae, & vestire Deum meruit, & videre? O animi imitanda benignitas, ô virtutum veneranda potentia. Sic egit suscepti pontificatus officium, vt per formam probabilis vitæ, obseruantiam exigeret disciplinæ. Sic Apostolica virtute sperantibus contulit medicinam, vt alios supplicationibus, alios \* visu saluaret. Hæc tua est Domine virtus & gloria. Per eundem.

Post Communionem.

**SUMENTES** Domine gaudia sempiterna de participatione sacramenti & defestiuitate B. Martini confessoris tui, suppliciter deprecamur, vt quæ sedula seruitute, te donante, gerimus, dignis sensibus tua munera tractemus. Per Dominum.

De sex hebdomad. Aduent. in Ambrosiano officio, fit mentio apud Radulph. Tungr. de can. obser. cap. 16. **RRRR. DOM. I. DE ADVENTV DOMINI, PROXIMA POST MARTINI FESTVM.**

Super populum.

**DEVS**, qui in vnigenito tuo nouam creaturam nos tibi esse fecisti, respice propitius in opera misericordiæ tuæ, & in aduentu filij tui, ab omnibus nos maculis vetustatis emunda. Per eundem.

Super find.

**EXCITA** potentiam tuam Deus, & veni, vt hi qui in tua pietate confidunt, ab omni inimici aduersitate liberentur. Qui cum patre.

Super oblat.

**SACRIFICIIS** præsentibus Domine quæsumus, intende placatus, vt & deuotioni nostræ proficiant, & salutem. Per Dominum.

Præfatio.

**ÆTERNE**



**ÆTERNE** Deus: Cui proprium ac singulare est, quod bonus es, & nulla vnquàm à te es commutatione diuersus: Propitiare supplicibus, & Ecclesię tuę misericordiam quam confitetur, ostende: manifestans plebi tuę vnigeniti tui mirabile sacramentum: vt in vniuersitate nationum perficiatur, quod per verbi tui Euangelium promisisti. Et habeat plenitudo adoptionis, quod prętulit te. stificatio veritatis. Per eundem.

Post Communionem.

**SUMPTIS** muneribus Domine, quęsumus, vt cum frequentatione mysterij, crescat nostrę salutis effectus. Per Dñm.

ssss. **IN FESTO S. ROMANI EPISCOPI ET MART. XVIII. NOVE MB.**

Super populum.

**PLEBS** tua Domine B. sacerdotis & martyris tui Romani te glorificatione magnificet, & eodem semper precante, te mereatur habere rectorem. Per Dominum.

Super sind.

**PRECES** populi tui Domine, quęsumus, clementer exaudi, vt B. sacerdotis & martyris tui Romani meritis adiuuemur, cuius passionē lætamur. Per Dominum.

Super obl.

**SACRIFICIUM**, quod tuę Domine obtulimus maiestati, intercedente B. Pontifice & martyre tuo Romano, nobis ad veniam nostrorum proficiat peccatorum, & tuę miserationis semper tribuat solatium. Per Dominum.

Præfatio.

**ÆTERNE** Deus: Et in hoc præcipuè die triumphalem hostiam offerre, in quo beatissimus Antistes & martyr tuus Romanus, fidei pro plebe immolatus extitit. Qui sanctam salutis dum non permittit inimico adiri domũ, ipse templũ tibi dicatur & victima.

O fe-

Celebrat  
hunc Præ-  
dentius  
πρίστει-  
φάνων  
hymn. 10.

O felix hostia, gemino illustrata decore, in quo pastor immolatur & agnus, sacerdos & innocens. O beata praelia, quæ tanto non cessere terrori. O felix lingua, Christi nobilitata præconio, interpretis animi, cordis ministra, quæ \* te Deo loquente nunquam defuit. Sed hoc mirabile donum, munus tuum est, Domine, ut mutis loquelam, percitis claudis gradum, surdis fruendam reddas audientiam. Per eundem.

Post Communionem.

SATIASTI Domine familiam tuam muneribus sacris: eius, quæsumus, semper intercessiōe nos refoue, cuius solēnia celebram⁹. Per Dominum.

TTTT. DOM. II. DE ADVENTU  
DOMINI.

Super populum.

**D**ONA, quæsumus, omnipotens Deus cunctæ familiæ tuæ hanc voluntatem, Christo filio tuo Domino nostro venienti, in operibus iustis aptè occurrere, ut eius dexteræ sociati, regnū mereantur possidere celeste. Per eundem.

Super find.

TRIBVE, quæsumus Domine, sperantibus fidei charitatisque augmentum, ut quod veritatis tuæ dono promittitur, tua gratia compleatur. Per Dominum.

Super obl.

CONCEDE nobis, quæsumus, omnipotens Deus, ut, sacramenti Dominici nobis operante virtute, ipsius æternitatis mereamur esse consortes, qui mortalitatis nostræ dignatus est fieri particeps. Qui tecum vivit.

Præfatio.

M. S.

PER Christum Dominum nostrum: Cuius incarnatione salus facta est mundi, & passione redemptio procurata est hominis procreati,



creati. Ipse nos, quæsumus, ad æternum perducatur præmium, qui redemit de tenebris infernorum. Iustificetque in aduentu secundo, qui nos redemit in primo. Quatenus illius nos à malis omnibus defendat sublimitas, cuius nos ad vitam erexit humilitas. Per quem.

Post Com.

PROSINT nobis Domine, quæsumus, frequentata mysteria: quæ nos à cupiditatibus terrenis expediant, & instituât amare cælestia. Per Dominum.

VUUUU. IN FESTO S. CAECILIAE.

Super populum.

**D**EVS, cui beata Cæcilia ita deuotione placuit castitatis, ut coniugem suum Valerianum, affinemque Tiburtium tibi fecerit consecrari. Nam & angelo deferente micantium odoriferas florum coronas, palmam martyrii perceperunt: Tribue, quæsumus, ut ea intercedente pro nobis, beneficia tui muneris percipere mereamur. Per Dñm.

Super find.

SANCTAE martyris tuæ Cæciliæ Domine supplicationibus tribue nos foueri, ut cuius venerabilem solennitatem celebramus obsequio, eius intercessionibus commendemur & meritis. Per Dominum.

Super obl.

TRIBUE, quæsumus, virtutum cælestium Deus, ut sacrificia pro sanctæ Cæciliæ solennitate delata, desiderium nos temporale doceant habere contemptum, & ambire dona faciant cælestium gaudiorum.

Præfatio.

PER Christum Dominum nostrum: Per quem sancta Cæcilia cælesti dono repleta, ut martyrii palmam assumeret, ipsum mun-

I i i dum

dum est cum thalamis execrata. Testis est Valeriani cōiugis & Tiburtij, puocata cōfessio, quos angelica manu odoriferis florib<sup>9</sup> coronâsti. Viros virgo duxit ad gloriâ, mūdus agnouit quātū valedat deuotio castitatis. Quæ ita pmeruit, vt martyres efficerentur, & iter regis gloriæ cum angelis graderetur. Huius, te Dñe largiēte, gaudia celebramus, & ea fide qua mundi caligo deterfa est, ad æternitatis tuę deprecamur præmia peruenire. Et ideò.

Post Communionem.

HÆC nos Domine gratia tua, quæsūmus, semper exerceat, vt & diuinis instauret nostra corda mysterijs, & S. Cæciliæ martyris tuæ commemoratione lætificet. Per Dominum.

xxxxx. DOM. III. DE ADVENTV  
DOMINI.

Super populum.

OMNIPOTENS Christe filius Dei, in die natiuitatis tuæ propitius ad saluandum in te populum veni, vt benignitate solita, ab omni dubietate & metu tēporis nos iubeas liberari. Qui cū patre.

Super find.

DOMINE sancte, pater omnipotens, æterne Deus, creator humanæ substantiæ, qui verbum tuum in virginis vterum venire voluisti, supplicantium tibi preces benignus intende. Per eundem.

Super obl.

SACRIFICIUM tibi Domine celebrādum placatus intende, quod & nos à vitijs nostræ conditionis emundet, & tuo nomini reddat acceptos. Per Dominum.

Præfatio.

M. s. PER Christum Dominum nostrum. Cuius præstolamur aduentum qui causâ salutis humanæ sic est dignatus vterum virginis introire, vt & nobis \* viam salutis tribueret, & à tuæ maiestate Dei.



RITVS ET ORDO.

Deitatis nunquàm deesset, idem Iesus Christus Dominus noster.  
Quem vnà tecum.

435  
tis imbue  
ret.

Post Communionem.

MISERICORDIAM tuam supplices exoramus, omnipotens  
Deus, vt hoc tuum Domine sacramentum non sit nobis reatus ad  
pœnam, sed fiat intercessio salutaris ad veniam. Per Dominum  
nostrum.

yyyy. IN VIGIL. S. ANDREAE.

Super populum.

**A**POSTOLICIS Dñe, quæsumus, nos attolle p̃sidijs, vt cui-  
us solennia pr̃uenimus, eius precibus adiuuemur. Per Do-  
minum.

Super sind.

**D**A nobis, quæsumus, Domine Deus noster, B. Apostoli tui An-  
dreæ intercessionibus subleuari, vt per quos Ecclesiæ tuę superno  
munere rudimenta donâsti, per eos subsidia perpetuæ salutis im-  
pendas. Per Dominum.

Super oblat.

**P**RÆSTA, quæsumus Domine, vt per intercessiõem B. Apo-  
stoli tui Andreæ hæc nobis prosit oblatio, quam immolando totius  
mundi tribuisti relaxari delicta. Per Dominum.

Præfatio.

**P**ER Christum Dominum nostrum. Per quem B. Apostolus M. S.  
Andreas tantum cœlesti gratia eminet præcipuus, quantum etiam  
B. Petri Apostoli germanitate demonstratur esse præclarus: vt quos  
vna genitrix edidit mundo, vna regeneratione per crucis patibu-  
lum collocarentur in cœlo. Et ided.

Post Communionem.

**B**EATI Andreæ Apostoli supplicatione, quæsumus Domine,  
plebs tua benedictionem percipiat: vt de eius meritis fideliter glo-  
rietur, & sempiternis valeat cõsortijs sociata letari. Per Dominum.

Iii 2 zzzz. IN

435  
AMBROSIANAE MISSAE  
zzzzz. IN FESTO EIVSDEM.

Super populum.

**D**EVS, qui hunc diem beati Apostoli tui Andreę martyrio consecrasti, da nobis de eius festiuitate lætari, vt apud misericordiam tuam, & exemplis eius adiuuemur, & meritis. Per Dominum.

Super sindonem.

**D**A tuorum, quæsumus, Domine habitator æterne sanctorum, vt beati Apostoli tui Andreę preciosa natalitia non solum ministerio corporali, sed & mentis veneremur affectu. Per Dominum.

Super obl.

**S**ACRIFICIUM nostrum tibi Domine beati Andreę Apostoli tui precatio sancta conciliet, vt in cuius honore solenniter exhibetur, eius meritis efficiatur acceptum. Per Dominum.

Præfatio.

M s.

\*consec  
sione

**A**ETERNE Deus. Adest enim nobis dies magnifici votiua mysterij, qua venerandus Andreas germanum se beati Petri Apostoli, tam prædicatione Christi tui, quam \* conuersatione monstrauit. Et Apostolicę numerum dignitatis, simul passione suppleuit & gloria: vt id quod libera prædicauerat voce, nec pendens taceret in cruce. Authoremque vitæ perennis tam in hac vita sequi, quam in mortis genere meruit imitari: vt cuius præcepto terrena in semetipso crucifixerat desideria, eius exemplo ipse patibulo figeretur. Vtrique igitur germani piscatores, ambo cruce eleuantur ad cælum: vt quos in huius vitæ cursu tua gratia tot vinculis pietatis constrinxerat, hos similis in regno cælorum neceret & corona: & quibus vna erat causa certaminis, vna retributio esset & præmij. Per eundem.

Post



Post Commun.

QVÆSVMVVS omnipotens Deus, vt quos diuina tribuis participatione gaudere, intercedente beato Apostolo tuo Andrea, humanis non sinas subiaccere periculis. Per Dominum.

AAAAAA. DOM. IIII. DE ADVENTV  
DOMINI.

Super populum.

**P**RAESTA, quæsumus, omnipotens Deus, vt aduentus gloriosissimi filij tui & peccata nostra abluat, & populo tuo pacem conferat, & salutem. Qui tecum.

Super sind.

OMNIPOTENS sempiternæ Deus, qui per aduentum vnigeniti filij tui Domini nostri Iesu Christi, noua luce radiare dignatus es: concede nobis, vt sicut eum per virginis partum in forma nostri corporis meruimus habere participem, ita & in regno gratiæ, eius mereamur esse consortes. Qui tecum.

Super obl.

DEVOTIONIS nostræ tibi Domine, quæsumus, hostia iugiter immoletur: quæ & sacris peragat instituta mysterijs, & salutare tuum nobis mirabiliter operetur. Per Dominum.

Præfatio.

AETERNE Deus, \*Cui proprium est veniam delictis impendere, quàm pœnaliter imminere. Qui fabricam tui operis per eundem rursus lapidem dignatus es erigere, nè imago quæ ad similitudinem tuâ facta fuerat viuens, dissimilis haberetur ex morte, munus veniabilis indulgentiæ præstitisti: vt vndè mortem peccatum contraxerat, indè vitam pietas repararet immensa. Per Christum Dominum.

M. S.

\* Cui tam

Post Com.

ANIMAE nostræ, quæsumus, omnipotens Deus hoc potiantur

Iii 3      deside

desiderio, vt à tuo spiritu inflammentur, & diuino munere satiati, ante conspectum venientis Christi filij tui, velut clara luminaria fulgeamus. Per eund.

¶ bbbbbb. IN FESTO S. DALMATII  
MARTY. V. DECEMB.

Fit mētio  
in marty  
rol.

Præfatio.

Ex M.S.  
cod.

**T**E collaudare in omni tēpore & benedicere Domine Deus noster. Qui B. martyri tuo Dalmatio certamen pro cōfessione tui nominis tribuisti, vt magnum illud nomen vnigeniti tui, quod est super omne nomen, Regibus & potestatibus seculi voce libera confiteretur, pro quo preciosum sanguinem fudit. O quàm beata Pedonensum populi plebs, quæ talem apud Dominum meruit habere pastorem. Multos enim, in corpore degens, doctrinis almis atque exemplis, huius à seculi atque vanitatibus mundi, ad lumen fidei suæ, gloriam regni cælestis diuino munere destinauit. Pro qua nos deuotissimè te Domine deprecamur, vt beatus Dalmatius venerandus martyr, fidei suæ nos documentis informet & meritis tueatur, vt cuius natalitia deuotione recolimus, eius suffragijs perpetuum apud te consortium mereamur.

Episcopi  
huius Ve  
ronensis  
memine  
runt Mar  
tyrol. &  
Greg. 3.  
dial. c. 14.

¶ cccccc. IN FESTO S. ZENONIS EPI  
SCOPI, VIII. DECEMB.

Super populum.

**O**MNIPOTENS sempiternè Deus, qui beatum Zenonem confessorum tuum pontificalibus infulis decorasti, fac nos, quæsumus, eius exemplo & magnifico interuentu, mundi gloriam mente despiciere, & cælum semper ambire. Per Dominum.

Super find.

DEVS,



DEVS, qui præsentem diem beati Zenonis Pontificis tui glorioso exitu fecisti solennem, præsta ipsius nos apud te continuis adiuuari suffragijs, & magnificis intercessionibus confoueri. Per Dominum.

Superobl.

ABSIT Ecclesiæ tuæ Deus præclara B. Zenonis intercessio, quæ & munera nostra oculis tuæ maiestatis acceptabilia faciat, & te nobis placabilem reddat. Per Dominum.

AETERNE Deus, beati Pontificis & confessoris tui Zenonis merita recolentes, quem tua gratuita benignitate ita pontificatus officio & fidei munere sublimare dignatus es, ut & immensis virtutibus coruscaret, & sanctæ humilitatis propositum non deferret. Nam & Galieni principis filiam, à potestate demonis eripuit, & multorum languores potenti virtute curauit. Persensit etiam Athesis fluuius, quid tanti valeat præfulis virtus, dum suum ultra morem excedens litus, templi sacrati non ausus est ingredi aditus. Dignè igitur in tuo nomine ipsius præconia non tacemus: dignè ipsius miracula festiuis laudibus conclamamus, dignè cum ipso, tibi Domine, bonorum omnium largitori, gratiarum vota persoluimus, Per Christum Dominum,

Post Com.

BEATI Pontificis & confessoris tui Zenonis, quæsumus Domine, à malis omnibus gloriosa nos semper merita tueantur, in cuius solennitate percipimus tua sancta lætantes. Per Dominum.

DDDDDD. IN FESTO S. SYRI EPI-  
SCOPI PAPIENSIS. IX.  
DECEMB.

Memine-  
runt etiã  
huius mar-  
tyrolog.

Superpopulum.

OMNI

**O**MNIPOTENS sempiternus Deus, tribue nos semper & ubique sacratissimis gloriosi Pontificis tui Syri muniri suffragijs, ut eius opitulantibus meritis, famulatûs nostri tibi placere possint obsequia. Per Dominum.

Super find.

**P**OPULI tui precibus annue, quesumus, clementissime Deus, & quos diei presentis lætari fecisti tripudio, beatissimi antistitis tui Syri supplicationibus exoratus, æterno fac sanctorum tuorum interesse consortio. Per Dominum.

Super obl.

**M**VNERA hæc pietati tuæ clementissime pater, in venerandi Pontificis & confessoris tui Syri honore oblata, quesumus, ut ipsius obtentu & tuæ maiestati efficiantur accepta, & nostræ fragilitati salutaria reddantur munimina. Per Dominum.

Præfatio.

**M. s.** **A**EQVVM & salutare: Nos tibi omnipotens pater sine cessatione immensas gratias agere, & in hac celebritate consonas nostrę  
 \* peragere deuotionis \* pangere laudes. In qua celeberrimus antistes tuus Syrus, expleto confessionis suæ cursu, æthereum migravit ad regnum. Hic est gregis tui pastor eximius, qui Apostolico instructus dogmate, innumeram populi multitudinem prædicationis sanctæ documentis pariter & exemplis imbuens, de morte reuocavit ad vitam. Hic \* nanque  
 \* nempè est bonus ille & fidelis seruus, qui acceptum Dominici thesauri prudenter studuit duplicare talentum. Vnde  
 \* schema- & Euangelico decoratus \* stemmate, & virtutum efficacia sublimatus, cum pontificali dignitate Apostolicam promeruit accipere potestatem. Per Christum.

Post Com.

**D**EVS, qui nos & celestibus pascere sacramentis, & beati cōfessoris & antistitis tui Syri non desinis fouere præsidijs: præsta, quesumus, ut quod illi gloriam contulit sempiternam, nobis optatam



tam conferat gratiam. Per Dominum.

EEEEEE. DOM. V. DE ADVENTV  
DOMINI.

Super populum.

**P**RECES populi tui Domine, quæsumus, clementer exaudi, vt qui de aduentu vnigeniti filij tui secundum carnem lætantur, in secundo cum venerit in maiestate sua, præmium capiāt vitæ æternæ. Per eund.

Super sindonem.

**D**EVS, qui hominem delapsum in mortem conspiciens, vnigeniti filij tui aduentu redimere voluisti: præsta, quæsumus, vt qui eius gloriosam incarnationem fatetur, ipsius etiam redemptoris confortia mereantur. Per eundem.

Super obl.

**P**ROPITIVS, intue Domine, quæsumus, munera, quæ tuis altaribus exhibemus, & quod à nostra fragilitate defertur, tua virtute sacretur. Per Dominum.

Præfatio.

**P**ER Christum Dominum nostrum. Cuius diuinę natiuitatis potentia, ingenita virtutis tuę genuit magnitudo: Quem semper filium & ante tempora æterna generatum, quia tibi pleno atq; perfecto æterni patris nomen non defuit, prædicamus: Verum etiam honore, maiestate atq; virtute æqualem tibi cum sancto spiritu confitemur, dum trino vocabulo vnicam credimus maiestatem. Quam laudant ang.

Post Communionem.

**R**EPLETI cibo spiritalis alimonie, te Domine supplices deprecamur, vt huius participatione mysterij doceas nos terrena despicere, & amare cęlestia. Atq; omni nexu mortiferę cupiditatis absolutos, regni perpetuę libertatis confortes efficias. Per Dominum.

K k k

FFFFF. IN

## P f f f f f. IN FESTO S. LVCIAE.

Super populum.

**D**E V S, qui B. Luciae pro gemina virginitatis & martyrij victoria binam laureolam tua gratia contulisti: da, quaesumus, vt de carne, mundo, & diabolo triumphantes, celestem gloriam consequamur. Per Dominum.

Super sind.

**O**MNIPOTENS sempiternus Deus, qui beatam Luciam dirae passionis & virginalis munditiae meritis, beatis martyribus & virginibus aggregasti: da, quaesumus, vt quam festiuis honoribus veneramur, fidei & sanctorum operum gressibus imitemur. Per Dominum.

Super obl.

**S**ic tibi Domine nostrae deuotionis munera, quae tibi pro honore B. Luciae offerimus, sint accepta, vt & peccata nostra deleas, & nos per tuam gratiam ad vitam aeternam perducas. Per Dominum.

Praefatio.

**A**ETERNE Deus: Qui B. Luciae in agone martyrij inexpugnabilis fidei fortitudinem tua gratia praestitisti, per quam contemptas incendij & gladij poenas constanter superans, de Paschasij tyranni sauitia feliciter triumphauit. O mira & incomprehensibilis tua Domine potentia, qui ipsam adhuc iuuenulam, in sexu fragili victricem in supplicijs reddidisti, & ingressam regni celestis ianuam, pro gemina virginitatis & martyrij victoria, duplici laureola coronasti. Per Christum.

Post Commun.

**P**RAESTA, quaesumus, omnipotens Deus, vt sacramentum corporis & sanguinis Domini nostri Iesu Christi, quod in festiuitate B. Luciae virginis & martyris tuae sumpsimus, ad salutem nostrarum proficiat animarum. Per eundem.

G g g g g g. S A B-



ggggg. SABBATO ANTE DOM. VI.  
DE ADV. DOMINI.

Super populum.

**A**DSPICE de cēlo, & veni, & multiplica fidē populi tui,  
vt per te consequatur augmentum, per quem sumpsit initiū.  
Qui cum.

Super sind.

CONSCIENCIAS nostras, quęsumus, omnipotens Deus quo-  
tidiē visitando purifica, vt veniens filius tuus Dominus noster, pa-  
ratam sibi in nobis inueniat mansionem. Qui cum.

Super obl.

MVNERA populi tui Domine clementer assume, vt qui pri-  
mum vnigeniti filij tui aduentum tripudianter celebrare deside-  
rant, in secundo cū venerit, æternę vitę remedia percipere me-  
reantur. Per eund.

Pręfatio.

ÆQVVM & salutare: Nos B. Marię semper virginis solen- M. S.  
nia celebrare, quę paruo vtero Dominum cēli portauit, & re-  
demptorem mundi angelo pręnunciante, verbum carne mortali  
edidit saluatorem. Quem castis concepit visceribus clausa ingre- aliquid  
diens, & clausa relinquens. Quem vnā. deest.

Post Com.

QVÆSUMVS, Domine Deus noster, vt sacrosancta mysteria  
quę pro reparationis nostrę munimine contulisti, & pręsens no-  
bis remedium esse facias, & futurum. Per Dominum.

hhhhh. DOM. VI. DE ADV.  
DOMINI.

Super populum.

**P**RECES populi tui, quęsumus Domine, clementer exau-  
di, & concede propitius, vt gloriosum vnigeniti tui aduen-  
tum,

Kkk 2

tum, per intercessionem B. & gloriosæ semperq; virginis Mariæ, cum omni pace & gaudio celebremus. Per eundem.

Super find.

DEVS, qui de B. Mariæ virginis partum, sine humana concupiscentia procreatum, in filij tui membra venientis, paternis fecisti præiudicijs non teneri: præsta, quæsumus, ut eius creaturæ nouitate suscepta, vetustatis antiquæ contagijs eruamur. Per eundem.

Super obl.

ALTARI tuo Domine supposita munera spiritus sanctus assumat, qui B. Mariæ viscera sui splendoris veritate repleuit. Per Dominum. in vnit.

Præfatio.

M. s.

ÆQVVM & salutare: nos tibi, Domine Deus omnipotens, gratias agere, & cum tuæ inuocationis virtutis, B. Mariæ virginis festa celebrare. De cuius ventre fructus effloruit, qui panis angelici munere nos repleuit. Quod Eva vorauit in crimine, Maria restituit in salute. Distat opus serpentis & virginis. Indè fusa sunt venena discriminis, hinc egressa sunt mysteria saluatoris. Indè se præbuit tentantis iniquitas, hinc redemptoris est opitulata maiestas. Indè partus occubuit, hinc conditor resurrexit. A quo humana natura non iam captiua, sed libera restituitur. Quod in Adam perdidit parente, Christo recepit authore. Quem vnà.

Post Com.

ADESTO nobis omnipotens Deus, ut quæ fideliter sumpsimus mente & corpore, B. Mariæ piæ matris & perpetuæ virginis intercessione, custodiamus. Per Dominum.

iiii. IN FESTO S. THOMAE.

Super populum.

DEVS,



**D**E vs, tuorum gloria sanctorum, præsta, quæsumus, vt beati Apostoli tui Thomæ, cuius festa gerimus, sentiamus auxilium. Per Dominum.

Super find.

**ADIVVET** familiam tuam tibi Domine supplicando venerandus Thomas Apostolus, & pius interuentor efficiatur, qui tui nominis extitit prædicator. Per Dominum.

Super obl.

**DEBITVM** tibi Domine nostræ reddimus seruitutis, suppliciter exorantes, vt suffragijs beati Thomæ Apostoli in nobis tua munera tuearis, cuius honorando confesionem, laudis tibi hostias immolamus. Per Dominum.

Præfatio.

**AETERNE** Deus. Qui Ecclesiam tuam Apostolorum tribuisti doctrina consistere, de quorum collegio est beatus Thomas, cuius hodiè natalitia celebrantes, tua Domine præconia non tacemus. Et ideò.

Post Communionem.

**CONSERVA** Domine populum tuum, & quem sanctorum tuorum præsidijs non desinis adiutare, intercessione beati Apostoli tui Thomæ perpetuis tribue gaudere remedijs. Per Dominum.

kkkkkk. **MISSA DE EXCEPTATO.**

**QV**id sibi hoc velit, nescio, nisi fortè quòd hæc Missa fieret, si quandò post Dominicam VI, alia Dominica ante Vigiliam Natiuitatis Domini occurreret.

Super populum.

**EXCITA** Domine, quæsumus, potentiam tuam, & veni, vt ab imminētibus peccatorum nostrorum periculis, te mereamur protegente eripi, & te miserante saluari. Qui cum patre.

Kkk 3 Super

Super find.

PRÆSTA, quæsumus, omnipotēs Deus, vt filij tui ventura solennitas & præsentis nobis vitæ remedia conferat, & præmia æterna concedat. Per eundem.

Super obl.

HÆC hostia Domine, quæsumus, emundet nostra delicta: vt sicut adoranda filij tui natalitia præuenimus, sic eius munera capiamus sempiterna gaudentes. Per eundem.

Præfatio.

M. s. AETERNE Deus: Et maiestatem tuam humiliter exposcere, vt ita nos vnigeniti tui in præsentī seculo illustret aspectus, qualiter nos à culpis omnibus emundatos inueniat secundus eius aduentus. Per quem.

Post Communionem.

LAETI Domine frequentamus salutis humanę principia, quę trina celebratio, beatę complectitur mysterio Trinitatis. Qui viuīs & regnas Deus, Per omnia sec.

### LIIII. IN VIGILIA NATIVITATIS DOMINI.

Post I. Lectionem.

OMNIPOTENS sempiternus Deus, qui in filij tui Dñi nostri natiuitate tribuisti totius religionis initium perfectiōnemq; constare: da nobis, quæsumus, in eius portionem censerī, in quo totius salutis humanę summa consistit. Per eundem.

Post II. Lect.

DEVS, qui populo tuo plenę præstitisti redemptionis effectum, vt non solum vnigeniti tui natiuitate corporea, sed etiam crucis eius patibulo saluaretur: huius, quæsumus, fidei famulis tuis tribue firmitatem, vt vsque ad ꝓmissum glorię tuę præmium, ipso gubernante, perueniant. Qui tecum.

Post



Post III. Lect.

EXAUDI nos Domine redemptor noster beata tempora celebrantes, quibus tua cœlestis æternitas, humanis infusa pectoribus, assumpsit hominem liberandum. Qui cum patre.

Super populum.

DEVS, qui hunc diem sacratissimum per incarnationem verbi & partum Mariæ virginis cōsecrasti, da populis tuis in hac celebritate consortium, vt qui tua gratia sunt redempti, tua sint protectione securi. Per eundem.

Super sind.

DEVS, qui humanæ substantiæ dignitatem mirabiliter condidisti, & mirabilius reformasti: da nobis, quesumus, Iesu Christi filij tui diuinitatis esse consortes, qui humanitatis nostrę dignatus est fieri particeps. Qui tecum.

Super obl.

PRAE cæteris solēnitatibus gloriantes, hodiē tibi Domine vota perfoluimus: quia ipse, cuius corpus immolamus, immaculatus agnus est editus, Iesus Christus Dominus noster. Qui tecum viuit.

Præfatio.

PER Christum Dominum nostrum: Cuius hodiē faciem in confessione præuenimus, & voce supplici exoramus, vt superuenturę noctis officijs nos ita peruigiles reddat, vt sinceris mentibus eius percipere mereamur natale venturum. In quo inuisibilis ex substantia tua, visibilis per carnem apparuit in nostra. Tecumque vnus, non tempore genitus, non natura inferior, ad nos venit ex tempore natus. Per quem.

M. 5.

Post Communionem.

SACROSANCTI corporis & sanguinis Domini nostri Iesu Christi refectione vegetati, supplices te exoramus omnipotens Deus, vt hoc remedium singulare, ab omnium peccatorum contagione purificet, Per eundem.

mmmmmm. IN

## mmmmmm. IN NOCTE NAT. DOM.

Super populum.

**D**EVS, qui hanc sacratissimam noctem veri luminis fecisti illustratione clarescere: da, quæsumus, ut cuius lucis mysteria in terra cognouimus, eius quoque gaudijs in cælo perfruamur. Qui tecum.

**C**ONCEDE, quæsumus, omnipotens Deus, ut quos sub peccati iugo vetusta seruitus tenet, eos unigeniti tui noua per carnem natiuitas liberet. Per eundem.

Super obl.

**A**CCEPTA tibi sit Domine, quæsumus, hodiernæ festiuitatis oblatio, ut tua gratia largiēte, per hanc sacrosancta commercia, in illius inueniamur forma, in quo tecum est nostra substantia. Qui tecum.

Præfatio.

M. s.

**A**ETERNE Deus: Quia nostri saluatoris hodiē lux vera processit, quæ clara nobis omnia & intellectu manifestauit, & visu. Et ideo.

Post Communionem.

**D**A nobis, quæsumus, Domine Deus noster, ut quæ natiuitatem Domini nostri Iesu Christi frequentare gaudemus, dignis conuersationibus ad eius mereamur pertingere consortium. Per eundem.

## nnnnnn. IN AVRORA NAT. DOM.

Super populum.

**A**DESTO Domine supplicationibus nostris, ut populus tuus qui te factore conditus, teque est reparatus auctore, te etiam iugiter operante saluetur. Per Dominum.

Super sind.

**O**MNIPOTENS sempiternæ Deus, qui in filij tui Domini nostri Iesu Christi natiuitate tribuisti totius religionis initium perfectionemque; cōstare, da nobis, quæsumus, ut super. in vig. Nat. Domini ad I. Lect.

Super obl.

**D**EVS, qui natiuitatis tuæ exordium pro nostra necessarium saluatione duxisti, respice propitius ad munus totius Ecclesiæ tuæ, &



& quos similes ad imaginem tuam fecisti, similiores obseruatione perforce mandatorum. Qui cum.

Præfatio.

**ÆTERNE** Deus, Et te in omnibus prædicare mysterijs, hodiè quia nostri saluatoris lux vera processit, quæ clausam nobis omnibus vitam reddidit: vt non solum præsentem suo splendore dirigeret, sed ad ipsam nos maiestatis immensæ gloriam perduceret intuendam. Per Christum.

Post Communionem.

**PLEBS** tua Domine eius participatiõe semper gaudeat sacramenti, quod in Christi Domini sui incarnatione cognouit. Qui tecum viuit.

ooooo. PRO DEFUNCTIS.

**QVIA** orationes cum Gregorianis penè eadè sunt, solas Præfationes adiiciemus.

Pro defuncto Episcopo.

Præfatio.

**A****ETERNE** Deus, Suppliciter deprecâtes, vt famulus tuus, cui dedisti Ecclesiæ tuæ gubernacula, dū viueret in hoc mundo, nūc carnis ergastulo liberatus, & p̄sulibus Apostolicę dignitatis cōsociatus, vitæ æternæ præmiū consequi mereatur: vt quorum est secutus officium, habere possit & meritum. Sicq; in beatorū tabernaculis spirituū cōstitutus, euasisse se carnales gloriatur angustias, diemq; iudicij cū fiducia & voto exultatiōis expectet. Per Christū.

Pro defuncto sacerdote.

Præfatio.

**ÆTERNE** Deus: Qui famulum tuum tuæ propitiationis ministrum sacerdotemq; esse voluisti, qui tibi agni tui vnici corpus immolaret & sanguinem. Petimus ergò immensam clementiam tuam, vt hoc sacrificium seruitutis nostrę pro eius amore oblatum, ipsi nunc pro sit ad veniam, qui olim illud pro Ecclesiæ tuæ statu atq; regimine, maiestati tuæ immolabat.

Pro defuncto, in die septimo vel trigésimo.

LII

Præ-

## Præfatio.

PER Christum Dominum nostrum: Per quem salus mundi, per quem vita omnium, per quem resurrectio mortuorum. Per ipsum te Domine suppliciter deprecamur, ut animæ famuli tui, cuius diem septimum celebramus, indulgentiam largiaris perpetuam: atque contagijs mortalitatis exutam, in æternæ saluationis partem restituas. Per eundem.

Pro defuncto in eius anniuersario.

## Præfatio.

Anniuer-  
sarij fit  
mentio  
apud eun-  
dem de  
obitu sa-  
tyri fra-  
tris.

ÆTERNE Deus. Cuius imperio nascimur, cuius arbitrio regimur, cuius mysterio redempti sumus. Cuius etiam præcepto in terram, de qua sumpti sumus, præuaricationis lege dissolui mur, atque tuo nutu, resurrectionis ad gloriam, pulvis ex homine in hominem reparatur. Nostri est Domine meriti, quod perimus: tuæ verò pietatis & gratiæ, quod morte cōsumpti, rediuiuo cinere perpetuam renouamur ad vitam. Per Christum.

Pro defuncto in die obitus.

## Præfatio.

PER Christum Dominum nostrum. In cuius aduentu, cūm geminam iusseris sistere plebem, iubeas & famulum tuum à numero discerni malorum. Quem vnà tribuas pœnæ æternæ euadere flammæ, & iustæ potiùs adipisci præmia vitæ. Induique iubeas deuicta morte nitorem, semperque inextinctam habere luminis auram. Eique concedere dignare perpetuam præclaro in corpore vitam, nox ubi nulla suas defendit atra tenebras. Ut securus de salute placidis letetur in oris, semperque victurus, semperque in luce futurus. Per eundem.

Pro pluribus defunctis.

## Præfatio.

M. 5.

ÆTERNE Deus. Qui es assumptor animarum sanctarum. Quanuis enim mortis humano generi illata conditio, pectora hu-  
ma-



mana mentesque contristet, tamen clementiæ tuæ dono, spe futuræ immortalitatis erigimur, vt memores salutis æternæ, non timemus lucis huius subire dispendium. Quia misericordiæ tuæ munere, fidelibus vita mutatur, non tollitur, & in timoris tui obseruatione defunctis domicilium perpetuæ felicitatis acquiritur. Tibi igitur clementissime pater supplices fundimus preces, & maiestatem tuâ deuotis mentibus exoramus, vt animæ famulorum famularumque tuorum, quorum diem commemoratiōis celebramus, mortis vinculis absolutæ, transitum mereantur ad vitam. Per Christum.

Alia.

AETERNE Deus. Qui inter tristissimas sequentis procellas mortis, in te credentibus, sanctorum consortium, & animarum & corporum in beata æternitate vigorem, atque gloriosam nobis sperare resurrectionem, passionis tuæ munere præstitisti: Te supplices exoramus, vt omni labentis peccati errore discusso, sanctificatas indulgētia tua animas famulorum famularumque tuorum in sanctorum Patriarcharum sinu suscipias: Quatenus illic requie fruētes perpetua, pmissæ sibi resurrectionis gloriam cum sanctis tuis præstolentur æternam. Per Christum.

HACTENVS Missæ Ambrosianæ Orationes & Præfationes, si non in vniuersum omnes, certè præque (vt ex notis additis in margine & prolegomenis nostris constat) verè à D. Ambrosio in lucem editæ. Quæ verò sequuntur de ipso diuo Ambrosio & fratre eius diuo Satyro, aut D. Simpliciani sunt, aut alterius cuiuspiam ex proximis diui Ambrosij successoribus. Idem esto iudicium de illis Præfationibus suprâ positis, in quibus beati Ambrosij nominatim fit mentio, quibus ad marginem adiecimus notam hanc, Simpliciani. Existimatur author diuus Simplicianus.

LII 2 pppppp. IN

PPPPPP. IN DIE BAPTISMI S. AMBRO-  
SII, XXX. NOVEMB.

Super populum.

**D**EVS, qui per sanctum baptismū B. Ambrosium tui nomi-  
nis cōfessorem esse signāsti: pręsta, quęsumus, vt eius meri-  
tis protegamur, in cuius festiuitate annua deuotione letamur.  
Per Dominum.

Super find.

**D**EVS, qui per vndas regenerationis B. confessorem tuum Am-  
brosum à cōtagiōe vetusti criminis \* diluisti, ablutumq; purifi-  
cationis lauacro, doctorem pręcipuum atque catholicę fidei pro-  
pugnatorem efficere dignatus es: pręsta, quęsumus, vt ipso inter-  
cedente, vitiorum nostrorū possimus abluere maculas, & tibi Do-  
mino sinceris mentibus deferuire. Per Dominum.

Super obl.

**D**EVS, qui ad laudis tibi hostias immolādas hodię B. Ambro-  
sium sacro baptismo purificāsti, concede propitius, vt eo pro no-  
bis interueniente, & hęc tibi grata sint munera, & ad sanctificatio-  
nem nostram proueniant. Per.

M s.

Pręfatio.

**AETERNE** Deus: Qui confessorem tuum B. Ambrosium  
tanti pręconij es gratia prosecutus, vt te mirabilem in eius cunctis  
actibus declarares. Et vt ostenderes quantum Ecclesię doctorem  
elegeris, circa hunc & ante sacramenta baptismatis operaris insi-  
gnia. Et priusquā gregis tui consors existeret, eius à populo  
pastor exposcitur. Hodierna deniquē die sacro purificatum  
baptismo tanto munere cęlitūs decorāsti, tantaque virtu-  
te solidāsti constantiā, vt per eum exclusa torquerentur  
dæmonia, Arrianorum impietas propulsa tabesceret, ac  
fecu-



secularium principum colla tuo iugo subacta, redderentur humilima. Cuius flores eloquij vt fructificarent in populo, eius sunt mirifico confirmati exemplo: Quatenus & officij sui author existeret, & tibi Domino duplicata reportaret talenta. Per Christum Dominum.

Post Com.

SUMPSIMVS Domine sacri dona mysterij, humiliter deprecantes, vt quibus hanc baptismatis diem B. Ambrosij voluisti esse solennem, ei que adstitisti, in cælesti regno nos iubeas esse confortes. Per Dominum.

qqqqq. IN VIGILIA ORDINATIONIS S. AMBROSII.

Super populum.

DEVS, qui B. Ambrosium Pontificem sanctorum meritis cœquasti, concede propitius, vt qui ordinationis eius festa præcolimus, vitæ quoque imitemur exempla. Per Dominum.

Super sind.

EXAUDI Domine preces nostras, & intercessione B. sacerdotis & confessoris tui Ambrosij, nos tuere ubique præsidij. Per Dominum.

Super obl.

HÆC hostia, quesumus Domine, quam in solennitate B. confessoris tui Ambrosij deferimus, & vincula nostræ prauitatis absoluat, & tuæ nobis misericordiæ dona conciliet. Per Dominum.

Præfatio.

ÆTERNE Deus. Sancti confessoris tui Ambrosij merita venerantes, tuamque clementiam deprecantes, vt qui donis tuis hinc exitit gloriosus, apud te noster existat interuentor. Per Christum.

LII 3

Post

Post Com.

PER huius Domine operationē mysterij, & vitia nostra purgentur, & intercedente B. confessore tuo Ambrosio, iusta desideria compleantur, Per Dominum.

RRRRR. IN DIE ORDINATIONIS  
EIVSDEM, VII. DECEMB.

Super populum.

DEVS mundi author & conditor, qui presentem diem beati Ambrosij sacerdotij electione consecrasti: presta, quaesumus, populo tuo, vt cuius annua celebritate deuotis exultat obsequijs, eius suffragijs tuæ pietatis beneficium consequatur, Per Dominum.

Super sind.

CREATOR & conditor omnium Deus, qui per summum sacerdotem & verum pontificem filium tuum, Dominum nostrū Iesum Christum sacerdotale culmē & pontificale sceptrum in seruo tuo Ambrosio hodierno die consecrasti: consecrationis ipsius solennia, eo intercedente sanctifica, & plebem tuam benedicere dignare. Per eundem Dominum.

Super obl.

INTERVENTV B. Ambrosij sacerdotis & cōfessoris tui Domine, his muneribus tibi oblatis, benedictionem effunde de cælis. Quō ex eis sumentes, ab omnibus culpis liberemur, & cælestibus gaudijs repleamur. Per Dominum.

Præfatio.

AETERNE Deus. Qui in Ecclesia tua sancta catholica ita sacerdotes disponis & ordinas, vt efficias tibi Ecclesiam non habentem maculam neque rugam. Inter quos B. Ambrosium Confessorem tuum præcipuum elegisti: vt fasce seculari disposito, & publico honore abiecto, iudicem gregis tui efficeres, & pastorem,



storem. Per Christum.

Post Com.

REPLETI Domine muneribus tuis, quæ de festiuitate beati sacerdotis & confessoris tui Ambrosij percepimus: te suppliciter exoramus, vt eorum emundatos effectû, tibi facias acceptos. Per Dominum.

SSSS IN DEPOSITIONE S. AMBROSII, QVAE CELEBRATUR FERIA V. PASCHAE.

Ad 4. April. huius meminerunt Martyrol.

Super populum.

DEVS, qui propter Ecclesiæ tuæ gubernacula disponenda, sic eius principes sublimasti, vt minimos quosque non deseras: præsta, quæsumus, vt Apostolicæ fidei doctrinæque vestigia \* vel longè sequamur imitando, quæ licet infirmo comitatur \* vel à officio. Per Dominum.

Super sindonem.

SANCTI Ambrosij nos Domine iugiter prosequatur oratio, vt quod petitio nostra non impetrat, ipso pro nobis interueniente præstetur. Per Dominum.

Super obl.

HÆC nobis sacrificia Deus, intercedente beatissimo confessore tuo Ambrosio, & actione permaneant, & operatione firmantur. Per Dominum.

Præfatio.

PER Christum Dominum nostrum. In cuius salutifera resurrectione profusis gaudijs totus in orbe terrarum mundus exultat. Quo etiam præclarissimæ solennitatis die exaggeratis tripudijs sancta mater lætatur Ecclesia, quod gloriosus antistes Ambrosius æthereum migravit ad regnum. Et ideo.

Post Communionem.

HÆC

HAEC nos communio Domine purget à crimine, & intercedente B. Pontifice & Confessore tuo Ambrosio, caelestibus remedijs faciat esse intentos. Per Dominum.

Habet de T t t t t. IN DEPOSITIONE S. SATY-  
RI FRATRIS S. AMBROSII,  
XVII. SEPTEMBR.

Habet de  
obit. Sa-  
tyri Am-  
br. Orat.  
funebres  
duas, qua-  
rum secū-  
da de fide  
resurr. in-  
scribitur.

Super populum.

DEVS, qui B. Satyrum tui nominis confessorem mirabili-  
ter effecisti: praesta, quaesumus, ut eum pro nobis iugiter apud  
te interuēto rem sentiamus, de cuius hīc mirifico pignore gratula-  
mur. Per Dominum.

Super sind.

OMNIPOTENS sempiternus Deus, qui B. Satyro inter pro-  
cellas maris & turbines naufraganti admirabilem fidei constantiā  
tribuisti, concede propitius, ipsius nos orationum suffragio, inter  
mundana discrimina solidissimum semper inuenire tutamen. Per  
Dominum.

Super obl.

TRIBE, quaesumus, omnipotens & misericors Deus, ut  
beatissimi confessoris tui Satyri dignē venerabilem memoriam  
recentes, eius obtentu quod offerimus, fiat munus acceptum,  
qui se tibi per sanctae vitae munditiam obtulit hostiam viuam, ho-  
stiam sanctam, hostiam incontaminatam. Per Dominum.

Præfatio.

M. S.

AETERNE Deus. Tuam incessanter gloriam collaudantes,  
tuamque in sanctis tuis magnificentiam praedicantes. Qui tantum  
fidei cumulum B. confessori tuo Satyro gloriosi Pontificis Am-  
brosij germano, tua gratia praestitisti, ut eius in multis exercitijs  
consors effectus, probatissimus athleta Christi filij tui ipsius indu-  
stria censeretur. Nam & in ipso tyrocinio fidei ita clarus enituit,

vt



vt \* cū in mari naufragium pateretur, quanuis adhuc nondū  
 baptismo sancto perfusus, de tuo tamen non sit diffusus auxilio.  
 \* Nam sacramētum Dominici corporis sudario inditum, collo cir-  
 cū dedit, & se tali remigio fultum, spumanti aq̄ori committere  
 non expauit. Sed tua potentissima dextera, quæ Apostolorum  
 principem Petrum in fluctibus, nē mergeretur, erexit, hunc quo-  
 quē non dissimili potentia illæsum atque incolumem, perduxit  
 ad littus. Hæc tuæ est Domine virtutis operatio. Et ideo cum ang.  
 \* inter  
 vndas pe-  
 lagi cū  
 dissoluta  
 compage  
 nauis, du-  
 rum fuis-  
 set p̄pessus  
 excidium.  
 \* sacramē-  
 tū deniq̄

Post Com.

FIANT nobis Domine, quæsumus, sumpta libamina, interce-  
 dente B. confessore tuo Satyro, perpetuæ salutis commercium,  
 quæ illi inter æquoreas vndas facta sunt liberationis præsidium.  
 Per Dominum.

## SYNODI PLENA- RIAE CAPVENSIS PATRVM ALTARIS MINISTE- RIVM.

QVVM ex his igitur (inquit D. Ambrosius, de Synodo Ambros.  
 Capuana ad Theophilum scribens Alexandrinum, hanc & epist. 78.  
 sequentem epistolam) Synodi constitutis speraremus iam reme-  
 dium datum, finemq̄; oblatum discordiæ, scribit sanctitas tua ite-  
 rum fratrem nostrum Flavianum ad precum auxilia, & Imperia-  
 lium rescriptorum suffragia remeausisse. Frustrā ergo tantorum Sa-  
 cerdotum fusus labor, iterum ad huius seculi iudicia reuertendū,  
 iterum ad rescripta, iterum vexabuntur sacerdotes, senes transfre-  
 tabunt maria: iterum inualidi corpore, patriam peregrino muta-  
 bunt solo: iterum sacrosancta altaria deferentur, vt in longinqua  
 proficiscamur.

M m m      M A-

MARIi VICTORINI APHRI, DE OB-  
LATIONIS ECCLESIASTICAE ORA-  
TIONE TESTIMO-  
NIVM.

Marius  
Vict. l. 2.  
aduer. Ari-  
anum.

Ioan. 6.

**O**μοούσιον lectum negatis, (inquit contra Arrianos scribēs Vi-  
ctorinus) sed si aliqua similia, vel similiter denominata lecta  
sunt, iure pari & istud denominatum accipere debemus. Audi ora-  
tionem oblationis, quoniā vita est Deus, & æterna vita. Nos Chri-  
stiani, id est, qui in Christum credimus, docemur in Euangelio:  
quomodò Deum patrem rogare debeamus: in qua oratione cū  
multa petimus, tum petimus panem, qui panis vita est, sic enim  
dictum est: Hic enim est panis, qui de cælo descendit. Hanc vitā  
& Christi & Dei, id est, æternam, quo nomine ipse dicit? *ἐπιούσιον*  
*ἄρτον*, ex eadem *οὐσία* panem, id est, de vita Dei, consubstantialē  
vitam. Vndè enim filij Dei erimus, nisi participatione vitæ eter-  
næ, quam nobis Christus à patre adferens dedit? Hoc ergò est,  
*δὸς ἡμῖν ἐπιούσιον ἄρτον*, id est, vitam in eadem substantia: Etenim  
si quod accipimus, corpus Christi est: ipse autem Christus vita  
est, quærimus *ἐπιούσιον ἄρτον*. diuitiæ enim in Christo corpora-  
liter habitant. Græcum igitur Euangelium habet, *ἐπιούσιον*, quod  
denominatum est à substantia, & utique Dei substantia. Hoc Latini  
vel non intelligentes, vel non valentes exprimere, non potuerunt  
dicere, & tantummodò quotidianum posuerunt, non *ἐπιούσιον*.  
Est ergò & nomen lectum, & in Deo substantia: & dici potest  
Græcè, quod etiam si Latinè non exprimitur, dicitur tamen Græ-  
cè, quia intelligitur.

D. SYRICII, PAPAE ROMANI XXXIX.  
CIRCA MISSARVM CELEBRA-  
TIONEM DECRETA.

Ad Missas



Ad Missas celebrandas Episcopi auctoritas requisita.

**H**IC constituit (inquit liber Pontificalis) vt nullus presbyter Missas celebraret per omnem hebdomadam, nisi consecratum Episcopi loci designati susciperet declaratum, quod nominatur fermentum.

Liber Pō.  
tit. c. 39.

**Q**UOD iisdem verbis D. Iuo repetit.

Iuo part.  
2. ca. 63.

In canone Missæ additum illud, Communicantes.

**S**YRICIVS papa (inquit Radulphus Tungrensis) natione Romanus, qui cœpit anno Domini 388. secundum quædam Chronica, instituit in canone Missæ, Communicantes & memoriam venerantes

Radulph.  
Tungr. de  
canon. obs.  
ser. c. 23.

Sacris mysterijs interesse, at non communicare, quibusdam permissum.

**D**E quibus (inquit Epistola ad Tarraconensem Episcopum) quia iam suffragium pœnitendi non habent, id diximus decernendum, vt sola intrâ Ecclesiâ fidelibus oratione iungatur: sacrę mysteriorum celebritati, quanuis non mereantur, intersint: à Domineque autem mensę conuiuio segregentur, vt hac saltem districtione correpti, & ipsi in se sua errata castigent, & alijs exemplum tribuant, quatenus ab obscenis cupiditatibus retrahantur.

Syric. pa.  
pa epist. 1.  
c. 5.

**Q**UOD à Gratiano repetitur in Decret.

Gratiā. 33.  
q. 2. c. De  
his verò.

Ad sacrificij oblationem continentia præscripta.

**Q**UARVM (inquit ibidem) sanctionum sacerdotes omnes atque Leuitę insolubili lege constringimur, vt à die ordinationis nostrę, sobrietati ac pudicitię & corda nostra mancipemus & corpora, dum modò per omnia Deo nostro in his, quę quotidie offerimus, sacrificijs placeamus.

Ibid. c. 7.

Ac paulopost: Hi verò, qui illiciti priuilegij excusatione nituntur, vt sibi asserant veteri hoc lege concessum: nouerint

M m m 2 se ab

LITVRGICON ECCLESIAE LATINAE

se ab omni Ecclesiastico honore, quo indignè vsi sunt, Apostolica sedis auctoritate deiectos, nec vnquàm posse veneranda attrectare mysteria, quibus se ipsi, dum obscœnis cupiditatibus inhiant, priuauerunt.

Gratian. 82. dist. c. QVÆ repetuntur etiam in Gratiani Decr.

Plurimos  
&c. Quia  
aliquanti.

CONCILII ROMANI SVB EO PONTIFICE STATVTVM, DE SACRIFICII MINISTRORVM CONTINENTIA.

Concil.  
Rom. c. 9.

**P**RAETEREA (inquiunt Patres epist. citata in Concilio Telenſi, seu potiùs Teleptenſi) quod dignum & pudicum & honestum est, suademus vt sacerdotes & Leuitæ cum vxoribus suis non coëant, quia in ministerio diuino quotidianis necessitatibus occupantur. Ad Corinthios nanq; sic Paulus scribit, dicens: Abstinete vos, vt vacetis orationi. Si ergò laicis abſtinentia imperatur, vt possint deprecantes audiri: quanto magis sacerdos utique omni momento paratus esse debet, munditię puritate securus, nè aut sacrificium offerre, aut baptizare cogatur?

1. Cor. 7.

CONCILII CARTHAGINIENSIS, QVOD II. NVNCVPANT, DE MISSA CANONES.

Sacrificij ministrorum continentia.

Concil.  
Carth. 2.  
can. 2.

**A**VRELIVS Episcopus (vti acta Synodi attestatur) dixit: Quum in preterito Concilio de continentia & castitatis moderamine tractaretur, gradus isti tres, conscriptione quadam, castitati, per consecrationes, annexi sunt. Faustinus Episcopus dixit: Placet vt Episcopi, presbyteri & Diaconi, vel qui sacramenta contrectant, pudicitia custodes, ab vxoribus se abstineant. Ac deindè ab omnibus Episcopis dictum, Placet, vt Episcopi, presby-



presbyteri, & Diaconi, vel qui sacramenta contrectant pudicitia custodes, etiam ab vxoribus se abstineant: Placet, vt in omnibus & ab omnibus pudicitia custodiat, qui altario deferuiunt.

QVEM ipsum Canonem repetit Balsamon patriarcha in Syn. Balf. Syn. Carthag. cā. 3. & 4.  
odo Carthaginensi, ex omnibus illic celebratis Synodis in vnum collecta, verbis nonnihil immutatis.

In publica Missa pœnitentium reconciliatio, presbytero non permissa.

RECONCILIARE (inquit ibidem Aurelius Episcopus) Concil. eiusd. can. 3.  
quenquam in publica Missa, presbytero non licere, hoc omnibus placet.

QVOD explicatur à Balsamone in hæc verba: Illud autem reconciliare in publico rei sacræ ministerio, est eiusmodi: Ij quibus pœna, quæ aliàs pœnitentia dicitur, iniuncta est, & ab Ecclesia arcentur, non permittuntur cum fidelibus consistere, sed per se Deum laudare non prohibentur. Quandò autem à pœna absoluti fuerint, tunc consistunt cum fidelibus, & publicè seu palàm Deum cum populo laudant.

Ab excommunicato sacrificia separatim non celebranda.

NEC illud prætermittendum est, (inquit ibidem Alypius Tagastensis Episcopus) vt si quis fortè presbyter ab Episcopo suo correptus, aut excommunicatus, tumore vel superbia inflatus, putauerit separatim Deo sacrificia offerenda, vel aliud erigendum altare, contra Ecclesiasticam fidem disciplinamq; crediderit, non exeat impunitus. Concil. eiusd. can. 3.

Ac paulò pòst: Ab vniuersis Episcopis dictum est: Si superbia (quod absit) inflatus, fecernendum se ab Episcopi sui communionem duxerit, ac separatim cum aliquibus schisma faciès, sacrificium Dei obtulerit, anathema habeatur, & locum amittat.

M m m 3 E v n.

Bals. ibid.  
c. 10. & 11.

EVNDEM verò reperire est etiam apud Balsamonem.  
Agenda non celebranda à Presbytero, in consulto  
Episcopo.

Concil.  
ciusd.  
can. 9.

NVMIDIUS (ut ibidem commemoratur) Episcopus Mascu-  
litanus (nam sic legendum, alibi adnotavi) dixit: In quibusdam lo-  
cis sunt presbyteri, qui aut ignorantes simpliciter, aut dissimulan-  
tes audaciter, praesente & incòsulto Episcopo, complurimis in Do-  
micilijs agant Agenda, quod disciplinæ incongruum cognoscit ef-  
se sanctitas vestra. Genedius Episcopus dixit: Fratris & coepiscopi  
nostri dignæ suggestioni respondere non immoremur. Ab uni-  
uersis Episcopis dictum est: Quisquis presbyter, incòsulto Episco-  
po, Agēda in quolibet loco voluerit celebrare, ipse honori suo cō-  
trarius existit.

Contigit Cōciliū  
Hipponēse Theo-  
dosio III. & Ha-  
būdātio Cofs. Car-  
thaginienſe verò  
3. Caſario & At-  
tico Cofs. quarto  
poſt anno.

CONCILII HIPPONENSIS, E QVO  
IN CONCILIVM, QVOD III. CAR-  
THAGINIENSE NVNCVPATVR,  
TRANSLATI SVNT, CANONES  
CIRCA SACRIFICIVM MISSAE.

Lectoribus interdicta populi salutatio.

Concil.  
Hippon.  
cā. 2. Cōc.  
Carthag.  
3. ca. 4.  
Bals. syn.  
Carthag.  
3. can. 16.

**L**ECTORES (inquiunt Patres) populum non saluent.  
QVOD pulchrè sic explicat Balsamon: Prohibitum est autē  
lectoribus, nē, dum ministerio suo funguntur, ad populum conuer-  
tantur & adorent: ut qui solos tunc debent sacerdotes & antistites  
adorare, & nō laicos qui in Ecclesia congregantur. Ipsi enim sunt  
sacratī: populus verò procū est à sacerdotio & consecratione.

Catechumeni non communicent.

Concil.  
Hipp.  
Can. 4.  
Carthag.  
3. ca. 5.

SACRAMENTA (inquiunt) catechumenis non dentur.  
QVOD latiùs sic habet Carthaginienſe Concilium: Item pla-  
cuit ut etiam per solēnissimos paschales dies sacramētum catechu-  
menis non detur, nisi solitum sal, quia si fideles per illos dies sacra-  
mētum non mutant, nec catechumenis oportet mutari.

Neque



Neque defunctis Eucharistia detur.

CORPORIBVS (inquiunt) defunctis Eucharistia non detur. Hippon.

Ac latiùs Carthag. Item placuit, vt corporibus defunctorum Eucharistia non detur. Dictum est enim à Domino: Accipite, & edite. Cadavera aut, nec accipere possunt, nec edere. Cauendum est etiam, nè mortuos baptizari posse, fratrum infirmitas credat, cum Eucharistiam mortuis non dari animaduernerit.

QVOD iisdem verbis repetit Balsamo.

Bals. ibid.  
c. 18. ac 20.

In precibus semper ad Patrem dirigatur oratio.

NEMO (inquiunt, vt latiùs habet Carthag. Concil.) in precibus vel patrem pro filio, vel filium pro patre nominet. Et cum altari assistitur, semper ad patrem dirigatur oratio. Et quicumq; sibi preces aliundè describit, non eis vtatur, nisi priùs eas cum instructionibus fratribus contulerit.

Hipp. &  
Carth. 3.  
can. 23.

REPETITVR aut hic ipse Canon à Micrologo in hæc verba: Iterum tertium Carthaginiese Concilium c. 23. Nullus ad altare patrem pro filio, vel filium pro patre nominet, sed semper ad Patrem orationem dirigat, nec qualibet oratione vtatur nisi probata.

Micr. c. 3.

In sacramentis aliud non offeratur, quàm panis & vinum aqua mixtum.

In sacramentis (inquiunt ibidem) corporis & sanguinis Domini, nihil ampliùs offeratur, quàm ipse Dominus tradidit, hoc est, panis & vinum aqua mixtum. Nec ampliùs in sacrificijs offeratur, quàm de vuis & frumentis.

Hippon.  
Concil.  
can. 25.  
Carth. 3.  
ca. 24.

QVI Canon disertis verbis paulo latiùs citatur in Concilio Africano, quod non aliud quàm Centonem Latinum continet Conciliorum omnium Africæ, quomodò dictum est suprà de Concilio Carthaginensi apud Balsamonem.

Concil.  
Afr. c. 4.

A ieiunis sacramenta altaris celebrentur.

SA-

Concil.  
Hipp. ca.  
30. Carth.  
3. ca. 29

SACRAMENTA (inquiunt ibidè) altaris, non nisi à ieiunis hominibus celebrentur, excepto vno die anniuersario, quo Cœna Domini celebratur. Nam si aliquorum, pomeridiano tempore defunctorum, siue Episcoporum, seu clericorum, siue cæterorum, commendatio facienda est, solis orationibus fiat, si illi qui faciunt, iam pransi inueniantur.

Concil.  
Afric. c. 8.  
Vualaf.  
strab. de  
reb. Eccl.  
ca. 19.

ET repetitur idem Canon in Concilio Africano.

QVEM pulchrè in hæc verba interpretatur Vualafrius Strabus: Hoc quoquè commemorandum videtur, quòd ipsa sacramenta quidam interdum ieiuni, interdum pransi percepisse leguntur, vt legitur in Canonibus Concilij Africani, capitulo octauo, his verbis: Vt sacramenta altaris non nisi à ieiunis hominibus celebrentur, excepto vno die anniuersario, quo cœna Domini celebratur, & reliqua. Isti quidem eo die post prandium communicandum esse censebant, quia Dominus post legalis Paschæ cœnam, noui testamenti sacramenta legitur discipulis tradidisse. Alij verò, secta quadam singulari, non semel in anno, sicut superiores, sed crebrius ante Sacramentorum perceptionem cibis corporalibus refici debere iudicâtes, post prandia & plenitudinem stomachi, quasi confirmati, sacris rebus necessitate corporea communicabant.

Ibidem.

ET paulò post: Illud verò quod superiores in anniuersario cœnæ Dominicæ pransi, communicare permisi sunt, ex occasione suprâ exposita, emeruisse videtur. Sed à sequentibus honesta & rationabili deliberatione statutum esse cognoscitur, vt omni tempore à ieiunis sacrosancta celebrentur mysteria. Non enim idèd prandere, & postea communicare debemus, quia Dominus completor legis, author gratiæ, prius legale Pascha perfecit, deindè sacramenta euangelica instituit: Sicut nec prius corporaliter cogimur circumcidi, & postmodum baptizari, cum sciamus Dominum nostrum factum ex muliere, factum sub lege, primò secundum legis statuta circumcisum, ac deinceps ad expletionem omnis iustitiæ,



tiæ, lauacri salutaris subisse, nobisq; consecrâsse primordia. Ergò à ieiunis semper celebrari debere eadem sacramenta, & generalis totius iam comprobât vsus Ecclesiæ, & dicta Synodi Bracarenfis ostendunt. vbi etiam suprâ memorata in die cœnæ Dominicæ communicatio, post solutum ieiunium, anathematis interpositione abscinditur.

D. BRICTII TVRONENSIS EPISCOPI  
MISSARVM SOLENNIA.

**B**RICTIVS Episcopus Turonis expulsus, (inquit D. Gregorius Turonensis) Romam veniens, cuncta quæ pertulerat, Papæ refert. Qui ad sedem Apostolicam residens, plerunq; Missarum solennia celebrans, inibi quicquid in sanctum Dei deliquerat, deflendo diluit. Gregor. Turon. hist. frâc. li. 2, c. 10.

D. AVRELII CARTHAGINIENSIS  
EPISCOPI SACRIFICIVM.

**O**RATE (inquiunt DD. Augustinus & Alypius ad illum scribentes) pro nobis, digni exaudiri: cum tanto quippe sacrificio acceditis ad Deum syncerissimæ dilectionis & laudis eius in operibus vestris: orate, vt & in nobis hæc luceant, quoniâ nouit ille quem oratis, cum quanto nostro gaudio in vobis luceant. August. epist. 77.

D. SIMPLICIANI MEDIOLANENSIS  
EPISCOPI SACRORVM  
MINISTERIVM.

**D**E Donatistis (inquiunt superscripti Cõcil. Carth. 3. Patres) & Concil. Carth. 3. c. 48. Balf. Concil. Carthag. ca. 51. pueris qui à Donatistis baptizâtur, placuit vt interrogemus fratres & nostros in sacris cõministros (sic vertit Balsamonis interpres) Syricium & Symplicianum.

IN AFRICA SACRA MYSTERIA  
ANTE PVGNAM CVM GILDONE TYRANNO.

Nnn

IGI-

Paul. O.  
ros. li. 7.  
ca. 36.

IGITUR Mascelzel iam indè à Theodosio sciēs (inquit Paulus Orosius) quantum in rebus desperatissimis oratio hominis per fidem Christi à clementia Dei impetraret, Caprariam insulam adiit, vnde secum sanctos seruos Dei aliquot permotos precibus suis sumpfit, cum his, orationibus, ieiunijs, psalmis dies & noctes continuans, sine bello victoriam meruit, ac sine caede vindictam.

\* Arda-  
logio.  
\* Ame-  
deram.

\* Ardalio, fluminis nomen est, quod fuit inter Thebastem & Metrideram ciuitates, vbi cum parua manu, hoc est, cum quinque millibus (vt aiunt) militum, cōtra septuaginta millia hostium castra metatus, cū interiecta mora excedere loco, oppositasque preiacentis vallis angustias transgredi vellet, intercurrente nocte, beatum Ambrosium Episcopum Mediolani, paulò antè defunctum, per somnium sibi videre visus est, significantem manu, & impacto ad humum ter baculo, dicentem: Hic, hic, hic. Quod ille prudenti coniectura intellexit, merito annunciantis, fidem victoriæ, verbo locum, numero diem significari. Substitit, ac tertio demum die, per noctem orationibus hymnisque peruigilem, ab ipsis caelestium sacramentorum mysterijs, in hostem circumsusum processit. Et cū ad eos, qui primi occurrerant, pia pacis verba iactaret, signiferum quendam insolenter obliſtentem, & iamque pugnam excitantem, gladio percussit in brachio, eumque manu debilem, ipso vulnere coëgit prouum inclinare vexillum. Quo viso, reliquæ cohortes deditionem iam fieri priorum existimantes, certatim sese ad Mascelzelem signis tradidère cōuersis.

IN HISPANIIS, PRUDENTIO TESTE,  
DAPES AC PRECES MYSTICAE.

Sacrificium cum cereis.

Prudent.  
Cathemer.  
hymno 5.

A. Prudentius in hymno cerei Paschalis:  
Hæc (inquit) olim Patribus præmia contulit  
Insignis pietas Numinis vnici,  
Cuius subsidio nos quoque vescimur,

Pascen-



Pascentes dapibus pectora mysticis.

Ac paulò pòst:

Nos festis trahimus per pia gaudia  
Noctem Concilij, vota que prospera  
Certatim vigili congerimus prece,  
Exstructoque agimus liba sacrario.  
Pendent mobilibus lumina funibus,  
Quæ suffixa micant per laquearia:  
Et de languidulis fota natatibus,  
Lucem perspicuo flamma iacit vitro.  
Credas stelligeram desupèr aream  
Ornatam geminis stare trionibus,  
Et qua Phosphoreum temo regit iugum,  
Parsim purpureos spargier Hesperos.

Idque in altari.

Huc pertinet, quod habet de D. Vincentio.

Sed mox subactis hostibus,  
Iam pace cunctis red dita,  
Altar' quietem debitam  
Præstat beatis osibus.  
Subiecta nam sacrario,  
Imamque ad aram condita,  
Cælestis auram muneris  
Perfusa subtèr hauriunt.

Item & illud de ieiunio.

Altaris aram quod facit placabilem.

Cantus in diuinis officijs.

Te mente (inquit alibi) pura & simplici,  
Te voce, te cantu pio,  
Rogare curuato genu,  
Flendo & canendo discimus.

Idem Per  
risteph.  
hymno 5.

Idem Ca.  
themer.  
hymno 7.

Ibid. hy  
mno 2.

LITURGICON ECCLESIAE LATINAE  
CONCILII CARTHAGINIENSIS QVOD  
IIII. NVNCVN PANT, CANONES  
CIRCA SACRIFICIVM.

Ordinatio Presbyteri, Diaconi, Subdiaconi, Acolyti,  
Exorcistæ, Lectoris, ac Ostiarij, ad  
sacrificij ministeria.

Concil.  
Carth. 4. **L**ATE, modus ordinandi hos ministros sacrificij, tractatur  
can. 3. 4. 5. huius Concilij initio, per septem Canones, quos prolixita-  
6. 7. 8. tis vitandæ gratia omittimus: suffecerit, locum commonstrasse Ca-  
& 9. tholico Lectori.

Ad oblationem consecrandam inuitentur Episcopi  
& Presbyteri in alijs Ecclesijs.

ibid. c. 33. **E**PISCOP I (inquiunt) vel presbyteri, si causâ visitandæ Ec-  
clesiæ, ad alterius Ecclesiam venerint, in gradu suo suscipian-  
tur, & tam ad verbum faciendum, quàm ad oblationem conse-  
crandam, inuitentur.

Diaconus corpus Domini, iussu presbyteri, in ne-  
cessitate administret.

ibid. c. 38. **E**T Diaconus (inquiunt) præsentem presbytero, Eucharistiam  
corporis Christi populo, si necessitas coget, iussus erogat.

Diaconus tantum tempore oblationis aut lectionis  
Albam induat.

ibid. c. 41. **V**T Diaconus (inquiunt) tempore oblationis tantum vel le-  
ctionis alba vtatur.

Cum hæreticis non orandum.

ibid. c. 72. **C**VM hæreticis (inquiunt) nec orandum, nec psallendum.  
Neque cum excommunicatis.

ibid. c. 73. **Q**VI communicauerit (inquiunt) vel orauerit cum excom-  
municato, siue clericus, siue laicus, excommunicetur.

Pro



Pro pœnitentibus, casu ante reconciliationem defunctis, oblationes fiant.

Pœnitentes (inquiunt) qui attentè leges pœnitentię exequuntur, si casu in itinere, vel in mari mortui fuerint, ubi eis subueniri non possit, memoria eorum & orationibus & oblationibus commendetur.

Pœnitentes semper genua flectant.

Pœnitentes (inquiunt) etiam diebus remissionis genua flectant. Ibid. c. 82.

Vsq; ad Missam Catechumenorum nullus ab Ecclesia arceatur.

V T Episcopus (inquiunt) nullum prohibeat ingredi Ecclesiã, Ibid. c. 84. & audire verbum Dei, siue gentilem, siue hæreticum, siue Iudæum, vsq; ad Missam Catechumenorum.

Solennis conuentus Ecclesię non prætermittatur.

Q V I die (inquiunt) solenni, prætermisso solenni Ecclesię cõ- Ibid. c. 88. uentu, ad spectacula vadit, excommunicetur.

Oblationes disidentium non recipiantur.

Oblationes (inquiunt) disidentium fratrum, neque in sacrario, Ibid. c. 93. neq; in gazophylacio recipiantur.

Neq; eorum qui pauperes opprimunt.

E O R V M (inquiunt) qui pauperes opprimunt, dona à sacerdotibus refutanda. Ibid. c. 94.

Oblationes defunctorum, Ecclesijs non negandæ.

Q V I oblationes (inquiunt) defunctorum aut negant Eccle- Ibid. c. 95. sijs, aut cum difficultate reddunt, tanquàm egentium necatores excommunicentur.

# QVINTI A CHRI- STO INCARNATO SECVLI SACRIFICII RITVS.

D. ANASTASII ROMANI PAPAE XL.  
STATVTVM CIRCA SACRI  
FICIVM.

Standum esse dum leguntur Euangelia.

Anast. pa-  
pa epist. 1.  
decret.

**S**IGNIFICASTIS enim (inquit ipse D. Anastasius, Episcopis Germaniæ & Burgundiæ) quosdam sacerdotes in Ecclesia, quandò leguntur Euangelia, sedere, & Domini saluatoris verba non stantes, sed sedentes audire, & hoc ex Maiorum traditione se accepisse narrant: quod vt nullatenus deinceps fieri sinatis, Apostolica autoritate mandamus. Sed dum sancta Euangelia in Ecclesia recitantur, sacerdotes & ceteri omnes præsentes, nõ sedentes, sed venerabiliter curui, in conspectu sancti Euangelij stantes, Dominica verba intentè audiant, & fideliter adorent.

Lib. Pon-  
tif. c. 40.

**C**VIVS statuti mentionem facit & Liber Pontificalis: Hic (inquit) constituit, vt quotiescunque sancta Euangelia recitarentur, sacerdotes non federent, sed curui starent.

Bed. mar-  
tyrolog.  
ad VI.

Cal. Maij.

Amal. de

offic. diuini.

l. 3. c. 18.

Vvalafr.

de reb. Ec-

cles. c. 22.

**Q**VAE ipsa verba reperiuntur & in Bedæ martyrologio, sed mendose hætenus adscripta D. Anacleto papæ, atque adeò transferenda ex die VI. ad V. Cal. Maias, ubi huius fit Pontificis mētio.

Citantur etiam ab Amalario Treuirensi.

**I**TEM à Vvalafrido Strabo, qui eius ritus causam hanc addit, vt videlicet humilitatem, quæ à Domino Deo docetur, etiam ore demonstrarent.

A Ma-



A Mariano deniquè Scoto, Radulpho Tungrensi, & Martino Polono ad annum Domini 404.

Marian.  
Chrō. l. 2.  
Radul. de  
Canon.  
obseru. c.  
vlt.

EIVSDEM SIVE ALTERIVS ROMANI PONTIFICIS SACRIFICIA SVPER RELIQUIIS SS. PETRI ET PAULI.

**M**ALE ergò facit (inquit D. Hieronym. Vigilantium arguens) Romanus Episcopus, qui super mortuorum hominum Petri & Pauli, secundum nos, ossa veneranda: secundum te, vilem puluisculum, offert Domino sacrificia, & tumulos eorum Christi arbitratur altaria?

Hieron.  
contra Vigilant.

MANICHAEORVM HAERETICORVM FLAGITIOSA MYSTERIA.

**A**LIVANTI verò (inquit idem diuus Anastasius) Manichæi, qui ità se demerferunt, vt nullum his auxiliantis remedium posset subuenire, subditi legibus, secundum Christianorum principum constituta: nè sanctum gregem sua contagione polluerent, per publicos iudices perpetuo sunt exilio relegati: & omnia, quæ tam in scriptis, quàm in occultis traditionibus suis habent prophana vel turpia, vt nôset populus, quid fugeret aut vitaret, oculis Christianæ plebis certa manifestatione probauimus: adeò, vt ipse, qui eorum dicebatur Episcopus, à nobis tentus, proderet flagitiosa in suis mysterijs, quæ teneret, sicut Gestorum vos series poterit edocere.

Anast. papa epist. 1.  
Decret.

**E**t Theodoretus: Præstigijs quoquè egregiè vtuntur, scelera sua mysteria peragentes. Ea de causa valdè difficiiliter elui potest,

Theod. hæret. fab. l. 1. c. vlt.

\* ipsis potest eorum doctrina, & qui execrandis eorum Orgijs interfuerit, eorumq; particeps extiterit, valdè est difficile transmutare à perniciem animis afferentium Dæmonum operatione, qui \* ipsos initiantium decantationibus eorum animas alligant.

August.  
hær. 46.

QVORVM expressiùs in hæc verba mentionem facit D. Augustinus: Qua occasione (inquit) seu potiùs execrabilis superstitionis quadam necessitate, coguntur electi eorum, velut Eucharistià conspersam cum semine humano sumere, vt etiam indè, sicut de alijs cibis, quos accipiunt, substantia illa diuina purgetur. Sed hoc se facere negant, & alios nescio quos sub nomine Manichæorum facere affirmant. Detecti tamen sunt in Ecclesia, sicuti scis, apud Carthaginem, iam te ibi Diacono constituto, quandò instante Vrso Tribuno, qui tunc domui regiæ præfuit, aliqui adducti sunt.

Leo papa  
de ieiun.  
decimi  
mensis  
serm. 5.

D. Leo quoquè: De sacris tamen eorū, inquit, quæ apud illos tam obscœna sunt, quàm nefanda, quod inquisitioni nostræ Dñs manifestare voluit, non tacemus, nè quisquam putet nos de hac re dubiè famæ & incertis opinionibus credidisse. Residentibus itaq; mecum Episcopis ac presbyteris, ac in eundem confessum Christianis viris ac nobilibus congregatis, electos & electas eorum iussimus præsentari. Qui cū de peruersitate dogmatis sui, & de festiuitatum suarū consuetudine multa referarēt, illud quoquè scelus, quod eloqui verecundum est, prodiderunt, quod tanta diligentia inuestigatum est, vt nihil minùs credulis, nihil obtræctoribus relinqueretur ambiguum. Aderant enim omnes personæ, per quas nefandum facinus fuerat perpetratum, puella scilicet, vt multum decennis, & duæ mulieres, quæ ipsam nutrierāt, & huic sceleri præpararant. Præstò erat etiam adolescentulus vitiator puellæ, & Episcopus ipsorum detestandi criminis ordinator. Omnium par fuit horum & vna confessio, & patefactum est execratum, quod aures nostræ vix ferre potuerunt. Qualia repetit ipse epist. 2. & 91. siue 93.

MON-



MONTANISTARVM QVOQVE HÆ-  
RETICORVM SCĒLERATA  
MYSTERIA.

**P**RAETERMITTO (inquit D. Hieron. aduersus eos scribens) scelerata mysteria, quæ dicuntur de lactente puero, & de victuro martyre confarrata. Mâlo, inquam, non credere: sit falsum omne quod sanguinis est.

Hieron.  
ad Mar.  
cellam ad-  
uer. Mon-  
tan.

Ac Epiphanius: In hac verò (inquit) heresi, aut in coniugata eius Quintillianorum, siue Priscillianorum, & \* Pepugianorū appellata, horrendum ac nefarium quoddam opus fieri dicunt. Puerum enim quendam valdè infantem, in festiuitate quadam per totum corpus æreis aciculis compungētes, sanguinem ipsius sibiipsis comparant, ad apparatus videlicet sacrificij.

Epiph. cō-  
tra her. li.  
2.

Et Theodoretus: De mysterijs autem nonnulla quidam iactant. Sed illi non fatentur, & suā accusationem, calumniam appellant.

Theodor.  
Fab. hæ.  
l. 3. c. 2.

D. quoquē August. Sacramenta perhibentur funesta habere. Nā de infantis anniculi sanguine, quem de toto eius corpore minutis punctiōum vulneribus extorquent, quasi Eucharistiam suam cōficere perhibentur, miscētes eum farinē, panemq; indè facientes: qui puer, si mortuus fuerit, habetur apud eos pro martyre: si autem vixerit, pro magno sacerdote.

Aug. hæ.  
26. & 27.

Atque adeò ad hæc & Manichæorum sacrificia haud dubiè alibi quoquē ubiquē alludit D. Hieron. quum hæreticorum polluta vocat sacrificia aut sacrilega, cuiusmodi loci passim occurrunt in 12. Prophetas.

D. HIERONYMI STRIDONENSIS  
PRESBYTERI SACRIFICIA, ET  
QVAE EODEM PERTI-  
NENT.

Ooo

QVO-

## Quotidiana sacrificia.

Hierō qu.  
2. ad Hi.  
dibiam.

**N**EC Moyses (inquit D. Hieron.) dedit nobis panem verum, sed Dominus Iesus: ipse conuiuia, & conuiuium: ipse comedens, & qui comeditur. Illius bibimus sanguinem, & sine ipso potare nō possumus, & quotidie in sacrificijs eius de genimine vitis veræ, & vineæ Sorec, quæ interpretatur electa, rubentia musta calcamus, & nouum ex his vinum bibimus de regno patris.

Idem in  
Ezech. c.  
45. l. 13.

Huc pertinet & illud eiusdem: Qui autem talis extiterit, ut ministret in sanctuario, atrium ingrediatur interius, & offerat semper Deo sacrificium, ita ut verus sacerdos sit, immo imitator eius, de quo scriptum est: Tu es sacerdos in æternum secundum ordinem Melchisedech: iste nullam habebit hereditatem, nisi Deum, qui est hereditas eius.

Idem l. 2.  
in Isai. c. 5.

ILLUD etiam: Et quotidie cælesti pane saturati, dicimus: Gustate & videte quā suavis est Dominus.

Idē Tract.  
de duobus  
filijs.

ITEM illud: Vitulus saginatus, qui ad pœnitentię immolatur salutem, ipse saluator est, cuius quotidie carne pascimur, cruore potamur.

## Sacerdotum ea de causa continentia.

Idem. l. 1.  
aduers. Ios  
uin.

NON (inquit, explicans Apostoli locū) dicit: Eligatur Episcopus, qui vnā ducat vxorem, & filios faciat, sed qui vnā habuerit vxorem, & filios in omni subditos disciplina. Certè confiteris non posse esse Episcopum, qui in Episcopatu filios faciat. Alioquē, si deprehensus fuerit, non quasi vir tenebitur, sed quasi adulter damnabitur. Aut permitte sacerdotibus exercere opera nuptiarum, ut idem sint virgines quod mariti: aut si sacerdotibus non licet vxores tangere, in eo sancti sunt, quia imitantur pudicitiam virginalem. Sed & hoc inferendum: Si laicus & quicumque fidelis orare non potest, nisi careat officio coniugali: sacerdoti, cui semper pro populo offerenda sunt sacrificia, semper orandum est.

Si



Si semper orandum est, ergò semper carendum matrimonio. Nam & in veteri lege, qui pro populo hostias offerebant, non solum in domibus suis non erant, sed purificabantur, ad tempus ab vxoribus separati, & vinum & siceram non bibebant, quæ solent libidinem prouocare.

Et alibi: Quòd si indignè accipiunt mariti, non mihi irascantur, sed scripturis sanctis, immò Episcopis & Presbyteris & diaconis, & vniuerso choro sacerdotali & leuitico: qui se nouerunt hostias offerre non posse, si operi seruiant coniugali.

Idē Apo-  
logia ad-  
uer. Iouin.

Ac rursùm: Si laicis imperatur, vt propter orationem abstineant se ab vxorum coitu, quid de Episcopo sentiendum est, qui quotidie pro suis populiq; peccatis, illibatas Deo oblaturus est victimas? Relegamus Regum libros, & inueniemus sacerdotem Abimelech de panibus propositionis noluisse prius dare Dauid & pueris eius, nisi interrogaret, vtrum mundi essent pueri à muliere: non utique aliena, sed coniuge. Et nisi eos audisset ab heri & nudius tertius vacasse ab opere coniugali, nequaquam panes, quos prius negauerat, concessisset. \* Tamen interest inter propositionis panes & corpus CHRISTI, quantum inter vmbra & corpora, inter imaginem & veritatem, inter exemplaria futurorum, & ea ipsa, quæ per exemplaria præfigurabantur.

Idē epist.  
ad Tit. c.  
i.

Eodem spectat & illud: Apostoli, vel virgines, vel post nuptias continentes, Episcopi: presbyteri, diaconi, aut virgines eliguntur, aut vidui, aut certè post sacerdotium in æternum pudici.

Idē Apost.  
cit.

ILLVD quoquē: Quid facient Orientis Ecclesiæ? Quid Aegypti & sedis Apostolicæ, quæ aut virgines clericos accipiunt, aut continentes: aut si vxores habuerint, mariti esse desistunt?

Idem ad-  
uer. Vigil.

Conuentus ad sacrificium festis diebus etiam  
martyrum.

O O O 2 DICAT

DICAT aliquis: (inquit) Si dies obseruare non licet, & menses & tempora & annos, nos quoquē simile crimen incurrimus, quartam sabbati obseruantes, & parasceuen, & diem Dominicam, & ieiunium Quadragesimæ, & Paschæ festiuitatem, & Pentecostes lætitiā, & pro varietate regionum, diuersa in honorem martyrum tempora constituta. Ad quod qui simpliciter respondebit, dicet: nō eosdem Iudaicę obseruationis dies esse, quos nostros. Nos enim nō azymorum Pascha celebramus, sed resurrectionis & crucis. Nec septem iuxta morem Israel numeramus hebdomadas in Pētecoste, sed spiritūs sancti veneramur aduentum. Et nē inordinata congregatio populi fidem minueret in Christo, propterea dies aliqui cōstituti sunt, vt in vnum omnes pariter veniremus. Non quō celebrior sit dies illa qua conuenimus: sed quō, quacunq; die conueniendum sit, ex conspectu mutuo lætitiā maior oriatur. Qui verō oppositæ quęstioni acutiùs respondere conatur, illud affirmat: oēs dies æquales esse, nec per parasceuen tantum Christum crucifigi, & die Dominica resurgere: sed semper sanctum resurrectionis esse diem, & semper eum carne vesci Dominica. Ieiunia autem, & congregationes inter dies, propter eos à viris prudentibus constitutos, qui magis seculo vacant, quàm DEO: nec possunt, immò nolunt, toto in Ecclesia vitæ suæ tempore congregari, & ante humanos actus, Deo orationum suarum offerre sacrificium. Quotus enim quisque est, qui saltem hæc pauca quę statuta sunt, vel orandi tempora, vel ieiunandi, semper exerceat? Itaque sicut nobis licet vel ieiunare semper, vel semper orare, & diem Dominicam, accepto DOMINI corpore, indefinenter celebrare gaudentibus: non ita & Iudaïs fas est omni tempore immolare agnum, Pentecosten agere, tabernacula figere, ieiunare quotidie.

Distinctus sacerdotum à laicis locus.

Idē l. 13. in  
Ezech. c.  
43.

FABRICATI sunt (inquit, verba Ezechielis explicans) limen suum,



suum iuxta limen meum, vt nihil interesset inter sacrum & prophanum: & postes suos iuxta postes meos, vt vnus laicorum & sacerdotum esset introitus. Vndè & Apostolus dicit: Probet autem se homo, & sic accedat ad corpus & sanguinem Domini. Et vt grauius faceret quod dicebat, sequentem iungit versiculum: Et murus erat inter me & eos: vt sacerdotalia sacrificia, & loca sacramentorum corporis & sanguinis Christi, breuissimus murus diuideret.

Statio diebus Dominicis & Paschali tempore.

**MVLTA** (inquit) quæ per traditionem in Ecclesijs obseruantur, auctoritatem sibi scriptæ legis vsurpauerunt, velut in lauacro tẽ caput mergitare: deindè egressos, lactis & mellis prægustare cõcordiam, ad infantie significationem: die Dominico, & per omnem Pentecosten, nec de geniculis adorare.

Idem ad.  
uers. Lu.  
cifer.

**CVIVS** traditionis rationem reddens alibi: Pentecosten, (inquit) tempus lætitiæ atque victoriæ, quo non genua flectimus, nec curuamur, sed cum Domino ad cælorum alta sustollimur.

Idẽ Pro  
log. in  
Com. epi.  
ad Ephes.

Alijs diebus genuflexio.

**QVOTIDIE** (inquit) in oratione flexis genibus loquor.

Idem ad  
Abigañ.

Orationis, alię cęremoniæ.

**AD** orationem (inquit) assisto: non orarem, si non crederem: sed si verè crederem, illud cor quo Deus videtur, mundarem, manibus tunderem pectus, genas lachrymis rigarem, corpore inhorrescerem, ore pallerem, iacerem ad Domini mei pedes, eosq; fletu perfunderem, crine tergerem, hærerem certè trunco crucis, nec priùs dimitterem, quàm misericordiam impetrarem. Nunc verò creberrimè in oratione mea, aut per porticus deambulo, aut de scenore computo, aut abductus turpi cogitatiõe, etiam quę dictu erubescenda sunt, gero. Vbi est fides? sicine putamus orasse Ionam? sic tres pueros? sic Daniele inter leones? sic certè latronem in cruce?

Idem ad.  
uers. Lu.  
cifer.

Sacrificij ad altare celebratio.

Ooo 3 QVAM-

Ibidem.

QVAMOBREM (inquit) oro te, vt aut sacrificandi ei licentiam tribuas, cuius baptisma probas : aut reprobas eius baptisma, quem non existimas sacerdotem. Neque enim fieri potest, vt qui in baptismo sanctus est, sit apud altare peccator.

Idem ad Rustic. monach.

H v c pertinet & illud: Ità age, & viue in monasterio, vt clericus esse merearis, vt adolescentiam tuam nulla sorde commacules: vt: daltare CHRISTI quasi de thalamo virgo procedas.

Idem ad Oceanū.

H o c etiam: Heri catechumenus, hodiè Pontifex: heri in amphitheatro, hodiè in Ecclesia: vespere in circo, mane in altario: dudum fautor histrionum, nunc virginum consecrator.

Idem in Isai. c. 60. lib. 17.

ILLVD quoque: Quòd autem in Hebraico scriptum notauimus, Arietes Nabaioth ministrabunt tibi, & offerent super placabili altari meo: propriè super his intelligitur, qui de gentibus electi in sacerdotium, ministri sunt saluatoris.

Idque cum mundis & candidis vestimentis.

Idem lib. 1. adu. Pelag.

QVAE sunt, rogo, (inquit) inimicitiae contra Deum, si tunicam habuero mundiorum: si Episcopus, presbyter, & diaconus, & reliquus ordo Ecclesiasticus, in administratione sacrificiorum candida veste processerint?

Ibi quotidiana sacerdotum oratio.

Idem contra eundem l. 2.

SACERDOTVM (inquit) quotidie ora concelebrant, ὁ μόνος ἀναμάρτητος, quod in lingua nostra dicitur: Qui solus est sine peccato. Quæ laus, iuxta sententiam tuam, frustra Deo reputatur, si est communis cum cæteris.

Concentus in Dei laudibus.

Idem ad Damasc. de duob. fil.

MAHALATH, inquit, chorus in vnum concinēs, dicitur. Male autem quidam de Latinis, symphoniam putant esse genus organi, cum concursus in Dei laudibus concentus, hoc vocabulo significetur. συμφωνία quippe, consonantia exprimitur in Latino.

Amen



Amen Concelebratio.

ROMANAE (inquit) plebis laudatur fides. Vbi alibi tanto studio & frequentia, ad Ecclesias & ad Martyrum sepulcra concurratur? Vbi sic ad similitudinem celestis tonitru, Amē reboat, & vacua idolorum templa quatiuntur? Non quod aliam habeant Romani fidem, nisi hanc quam omnes Christi Ecclesie, sed quod deuotio in eis maior sit & simplicitas ad credendum.

Idē Præfat. in l. 2. cōm. epi. 1 ad Galat.

Lectioes scripturarum.

QVID ministrum Christi, famulum tibi facis? ille in Ecclesia legit.

Idem de vitando susp cōtū bernio.

LECTIONES etiam à D. Hieronymo in vnum collectas, habes infra Tom. 2. in eiusdem Lektionario.

Alleluia.

ALLELUIA à D. Hieronymo in Ecclesiam Latinam introductum, habes suprā ex verbis ipsius & D. Gregorij I, dum D. Damasi meminimus.

Idē Epist. ad Dam. Greg. epi. 62. ad Ios

EODEM pertinet & illud: Hebræo, Græco, Latino, Syroque sermone, resonabāt Psalms, & aurata tecta templorum, resonans in sublime quatiebat Alleluia.

han. Syrac. Hierō. in Epitaph.

ITEM quod Vigilantio inter cætera obijcit: Nunquā, nisi in Pascha, Alleluia cantandum dicit.

Fabiole. Idē adu. Vigilant.

Lectio Euangelij per Diaconum.

EVANGELIUM (inquit) Christi quasi Diaconus lectitabas, Idque accensis cereis.

Idē ad sabinianum Diac.

NAM & absque martyrum reliquijs (inquit) per totas Orientis Ecclesias, quandò legendum est Euangelium, accenduntur luminaria iam sole rutilante, non vtiq; ad fugandas tenebras, sed ad signum lætitiæ demonstrandum.

Idē adu. Vigil.

Offerendi mos ad altare.

SED alia, inquit, vt antè perstrinxi, monachorum est causa, alia clericorum. Clerici pascunt oues, ego pascor. Illi de altario viuunt, mihi

Idem ad Heliodorum.

mihi quasi infructuosæ arbori, securis ponitur ad radicem, si munus ad altare non defero. Nec possum obtēdere paupertatem, cū in Euangelio anum viduam duo, quæ sola sibi supererant, æra mittentem, laudauerit Dominus.

*Idem ad Nepotiā.* EODEM pertinet illud: Sed quasi Leuita & sacerdos viuo de decimis: & altari seruiens, altaris oblatione sustentor: habens victum & vestitum, his contentus ero: & nudam crucem nudus sequar.

Offerentium nomina, ad id vsque temporis publicata per Diaconum.

*Idē in Hierem. ca. 11. lib. 2.* AT nunc (inquit) publicè recitantur offerentium nomina, & redemptio peccatorum mutatur in laudem: nec meminerunt viduæ illius in Euangelio, quæ in gazophylacium duo æra mittendo, omnium diuitum vicit donaria.

*Idem in Ezech. c. 18. lib. 6.* ET rursū: Publicè (inquit) diaconus in Ecclesijs recitat offerentium nomina: tantum offert illa, tantum ille pollicitus est, placetq; sibi ad plausum populi, torquente eos conscientia.

Catechumenorum exclusio, quam Marcion hæreticus improbabat.

*Idē in c. 6. epist. ad Galat. 1. 3.* MARCION (inquit tractans illud, Communicet autem is qui catechizatur &c.) hunc locum ita interpretatus est, vt putaret fideles & catechumenos simul orare debere, & magistrum communicare in oratione discipulis: illo vel maximè elatus, quod sequatur, in omnibus bonis: Cū vtiq; si de oratione sermo fuisset, non debuerit ei p̄cipi, qui catechizatur: sed ei, qui se catechizat, id est, non discipulo, sed magistro.

Sanctus, sanctus, sanctus.

*Idē prol. de 42. mansion.* HIS (inquit) duabus manibus, quasi duobus Seraphim, in confessionem sanctę Trinitatis erumpimus, dicentes: Sanctus, sanctus, sanctus, Dominus Deus Sabaoth.

Solennis oratio & imprecatio.

SA-



SACERDOTES quoque (inquit) qui Eucharistiæ seruiunt, & sanguinem Domini populis eius diuidunt, impiè agunt in legem Christi, putantes *ευχαριστία* imprecantis facere verba, non vitam: & necessariam esse tantum solennem orationem, & non sacerdotum merita, de quibus dicitur: Et sacerdos in quo fuerit macula, non accedet offerre oblationes Domino.

Idē in 50.  
phon. c. 3.

Ac paulopost: Sacerdotes quoque, qui dant baptismum, & ad Eucharistiam Domini imprecantur aduentum, faciunt oleum Christum, manus imponunt, catechumenos erudiunt, Leuitas & alios constituunt sacerdotes.

Corporis & sanguinis Domini per sacerdotes confectio.

ABSTINUIT (inquit) ut de his quicquam sinistrum loquar, qui Apostolico gradui succedentes, Christi corpus sacro ore conficiunt, per quos & nos Christiani sumus.

Idē epi. ad  
Heliōd.

ITEM Epistola ad Euangelum: (sic enim MS. cod. pro Euangelium) Ad quorum preces Christi corpus sanguisque conficitur.

Idem ad  
Euagr.  
Idē cōtra  
Lucifer.

Ac rursū: Hilarius (siue Hilarus, ut MS. aliquot codices) quum Diaconus de Ecclesia recesserit, solusque, ut putat, turba sit mundi, neque Eucharistiam conficere potest, Episcopos & presbyteros non habens, neque baptisma sine Eucharistia tradere.

ET iterum: Quanto magis Pontifex & Episcopus, quem oportet esse sine crimine, tantarumque virtutum, ut semper moretur in sanctis: & paratus sit victimas offerre pro populo, sequester Dei & hominum, & carnes agni sacro ore conficiens, quia sanctum oleum Dei sui super eum est?

Idē ad Fa-  
biol. de  
veste sa-  
cerd.

Christi quoque immolatio.

Hoc conuiuium (inquit) quotidie celebratur, quotidie pater filium recipit, semper Christus credentibus immolatur.

Idem ad  
Damaſc.  
de duo-  
bus filiis.

Orationis Dominicæ in sacrificio quotidiana recitatio.

Ppp

Sic

Idem lib.  
3. adu.  
Pelag.

Sic docuit (inquit) Apostolos suos, ut quotidie in corporis illius sacrificio credentes audeant loqui: Pater noster qui es in caelis, sanctificetur nomen tuum.

Lego: \*  
sumptioe

Ac paulò post: Panem quotidianum, siue super omnes substantias, venturum Apostoli deprecantur, ut digni sint \* assumptione corporis Christi.

Et rursus: De baptismatis fonte surgentes, & regenerati in Dominum Salvatorem, impleto illo, quod de se scriptum est: Beati quorum remissae sunt iniquitates, & quorum tecta sunt peccata: statim in prima corporis communiōe Christi dicunt, Et dimitte nobis debita nostra.

Corporis Domini administratio & sumptio

Idē adu.  
Lucifer.

EPISCOPI (inquit) est, corpus Domini ad tractare, & de sublimi loco Eucharistiam ministrare populo.

Idē cōtra  
Iouin. l. 2.

EODEM pertinet illud: Quasi nō & nos Christi corpus æqualiter accipiamus. Vna est in mysterijs sanctificatio domini & serui, nobilis & ignobilis, regis & militis: quanquā pro accipientium meritis, diuersum fiat quod vnum est. Qui enim indignè manducauerit & biberit, reus erit violati corporis & sanguinis Christi.

Manuum extensio & osculum in com.

munione.

Idem ad  
Theoph.  
Alexandr.

QUISQUAMNE tibi (inquit) inuitus communicat? Quisquamne extensa manu vertit faciem, & inter sacras epulas, Iudæ osculum porrigit?

In communicatione responsio,

Amen.

Ibid. paulo  
antē.

Si munera (inquit) nostra absque pace offerre non possumus, quanto magis & Christi corpus accipere? Qua conscientia ad Eucharistiam Christi accedam, & respondebo, Amen, quum de caritate dubitem porrigentis?

Benedictio sacerdotis.

Si



Si presbyter, (inquit, tractans de sacris ordinibus) Christum cōsecrat, cū in altario Dei sacramenta benedicit: benedicere populo nō debet, q̄ Christum etiam meruit cōsecrare? Ac paulopōst: Hoc in Ecclesijs tuis faciant, quod Romæ, siue quod in Oriēte, quod in Italia, quod in Creta, quod in Cypro, quod in Africa, quod in Illyrico, quod in Hispania, quod in Britannia, quod etiam ex parte per Gallias, quod in omnibus locis vbi humilitas perseverat.

Idē epist.  
ad Rustic.  
Narbon.

QVEM locum tanquā ipsius scētum genuinum, in hæc verba citat Micrologus: Beatus Hieronymus, sanctæ Romanæ Ecclesiæ Cardinalis presbyter, qui sub beato Damaſo, & post ipsum vsq; ad Sixtum successorem eius, Ecclesiasticis institutis inuigilauit: ipse, inquam, Rustico Narbonensi Episcopo, de Ecclesiasticis Ordinibus scribens, presbyteros à benedictione super populum, non prohibendos esse asserit.

Microlog. de  
diuin. ob.  
seru. c. 21.

Sacrificia diei Dominici.

QVOD si idē (inquit libi D. Hieron.) vigilias in Basilicis martyrum existimas respuēdas, nē sēpē videamur Pascha celebrare, & non solennes post annum exercere vigilias: ergo & die Dominico non sunt Christo offerēda sacrificia, nē resurrectionis Domini crebrò pascha celebremus, & incipiamus non vnum Pascha habere, sed plurima.

Hieron.  
adu. Vi-  
gilant.

Oblatio in reconciliatione Pœnitentium,

SACERDOS quippe (inquit idem alio loco) pro laico offert oblationem suam, imponit manum subiecto, reditum sancti spiritus inuocat: atq; ita eum qui traditus fuerat satanæ in interitū carnis, vt spiritus saluus fieret, indicta in populum oratiōe, altario reconciliat, nec prius vnum membrum restituit sanitati, quā omnia simul membra confluerint.

Idē adu.  
Lucifer.

D. EXUPERII THOLOSÆ EPISCO-  
PI SACRAMENTORVM AD-  
MINISTRATIO.

Ppp 2 QVI

Hieron.  
Prolog. in  
Zachar.

QVI Pontifex (inquit, ad eum scribens, D. Hieron.) Domini es, & calcas in fine mundi torcularia, vt sitientibus populis sanguinis Christi vinum tribuas.

Idem ad  
Rustic.  
monach.

EODEM pertinet illud de eodem, persecutionis Vandalorum siue Gothorum tempore: Nihil illo ditius, qui corpus Domini vimineo canistro, sanguinem portat in vitro.

### D. NEPOTIANI PRESBYTERI MINISTERIVM CHRISTI.

In ministerio certæ tunicæ vsus.

Idē in epist.  
raph. Ne-  
pot.

QVIS (inquit idem D. Hieron.) crederet in tali illum tempore nostræ necessitudinis recordari, & luctante anima, studiorum scire dulcedinem? Adprehēsa auunculi manu, hanc, inquit, tunicam, qua utebar in ministerio Christi, mitte dilectissimo mihi, & tate patri, fratri collegio.

Altaris, velorum, sacrarum, vasorum vsus, & ornatus basilicarum.

ERAT ergo sollicitus, (inquit idem) si niteret altare, si parietes absq; fuligine, si pauimenta tersa, si ianitor creber in porta, vela semper in ostijs, si sacrarium mundum, si vasa luculenta, & in omnes ceteronias pia sollicitudo disposita: non minus, non maius negligebat officium: vbicunq; eum queres, in Ecclesia inuenires.

Ac paulopost: Basilicas item Ecclesiarum, & martyrum conciliabula, diuersis floribus & arborum comis, vitiumq; pampinis adumbravit: vt quicquid placebat in Ecclesia, tam dispositione quam visu, presbyteri laborem & studium testaretur.

### GETARVM RELIGIO IN CIRCVNFERTENDIS ECCLESIA RV M TENTORIIS.

Idē Epist.  
ad Lactā.

GETARVM (inquit idem D. Hieron.) rutilus & flauus exercitus, Ecclesiarum circūfert tentoria, & ideo forsitan contra nos æqua pugnat acie, quia pari religione confidunt.

R V.



RVFINI AQVILEIENSIS PRESBY-  
TERI SACRIFICIA.

Quotidiana sacrificia.

**L**ATIBVLVM (inquit, psalmi locum explicans) suum <sup>Rufin.</sup> tenebras posuit, quia celeste suum sacramentum nobis in <sup>com. in</sup> obscuracione constituit. Hinc est, quòd sacramentum corporis & <sup>Psal. 17.</sup> sanguinis Christi quotidie tractamus: nec tamen lucem, nec gloriam eius, quam fide credimus, oculis adhuc videre valemus. <sup>Idem in</sup>

**E**ODEM & illud pertinet: Parua (inquit) erat Ecclesia, cùm <sup>Psal. 21.</sup> in vna gente tantum, id est, in Iudæa notus erat Deus. Modò magna est, quia toto terrarum orbe diffusa: in ea quotidie laudes Deo referuntur, vota & sacrificia persoluntur: non in abscondito, propter timorē persequentium: sed in manifesto, in cōspectu credentium.

**I**TEM illud: Vnde & laudes & sacrificia non cessat celebrare <sup>Idem in</sup> Ecclesia. <sup>Psal. 26.</sup>

In ijs adoratio.

**I**N eo (inquit alibi) quod ait, Vniuersi fines terræ: & Vniuersa <sup>Idem in</sup> fæ familiæ gentium: insinuat, in omni parte mundi, & in omni <sup>Psal. 21.</sup> gente coli & adorari Dominum. Præuidebat vir sanctus futurum, quod nos modò videmus adimpletum.

**A**c paulopost: Gustauerunt & probauerunt, quoniam suauis <sup>Ibid.</sup> est Dominus, & ideo adorauerunt.

CONCILII CARTHAGINIENSIS, QVOD VOCANT, CIRCA SACRIFICIVM CANONES.

Acta huius Synodi post Consulatum Stiliconis XVI. Cal. Iulias, & sub Vincentio ac Frauita Consulibus, (qui idem annus est) idibus septembris satis testatur, eodē tempore publicatos esse Canones illos, qui titulo Concilij V. Carthaginensis sunt editi, & pro iisdem habendos: quare & nos hic simul, tanquàm eiusdem Concilij, citauimus.

Diebus Paschæ, Dominicis, & alijs celebribus spectacula conuentum Ecclesiæ non impediunt.

Ppp 3 NEC-

Concil.  
Afric. c. 28  
Balsam.  
cōcil. Car.  
thag. c.  
64.

**N**EC NON & illud petendum (inquiunt Patres in Actis eius Synodi, vt in Concilio Africano & apud Balsamonē recitantur) vt spectacula theatrorum cæterorumq; ludorum, die Dominica vel cæteris religionis Christianæ diebus celeberrimis amoueantur, maximè, quia sancti paschæ octauarum die populi ad circum magis, quàm ad Ecclesiam conueniunt.

Non recitetur Episcopi nomen inter sacerdotes, qui Ecclesiæ hæredes extraneos vel hæreticos seu paganos prætulerit.

Cōc. Afri. **I**TEM constitutum est (inquiunt Patres eiusdem synodi) vt si quis Episcopus hæredes extraneos à consanguinitate sua, vel hæreticos etiam consanguineos aut paganos, Ecclesiæ prætulerit, saltem post mortem anathema ei dicatur, atq; eius nomen inter Dei sacerdotes nullo modo recitetur.

Altaria, in quibus nullæ sunt conditæ martyrum reliquiæ, ab Episcopis euertantur.

Cōc. Cart. **I**TEM placuit (inquiunt iidem, tum locis citatis, tum in ipsis qui s. c. 14. extant Canonibus eius Concilij titulo) vt altaria, quæ passim per Afric. cōc. agros & per vias, tanquàm memoriæ martyrum constituuntur, in c. 50. quibus nullum corpus aut reliquiæ martyrum conditæ probatur, Balsam. ab Episcopis, qui locis eisdem præfunt, si fieri potest, euertantur. Si conc. Car. autem hoc per tumultus populares non finitur, plebes tamen ad- thag. c. 86. moneantur, nè illa loca frequentent, vt qui rectè sapiunt, nulla ibi superstitione deuinci teneantur. Et omninò nulla memoria martyrum probabiliter acceptetur, nisi vbì corpus aut aliquæ reliquiæ sunt, aut origo alicuius habitationis, aut possessionis, aut passionis fidelissima origine traditur. Nā quæ per somnia & per inanes quasi reuelationes quorumlibet hominum vbicunquè cōstituuntur altaria, omni modo reprobentur.

**GREGORII CORDVBENSIS EPISCOPI MISSAE QVOTIDIANAE.**

**THEO-**



**T**HEODOSIVS (inquit Vvalafridus\* Strabo) religio-  
sus imperator, laudauit Gregorium Cordubensem Episco-  
pum, quòd omni die Missas explicans, eorum martyrum quorum  
Natalitia essent, nomina plura commemoraret.

Vvalafr.  
Strab. de  
reb. Eccl.  
c. 28.

**D. INNOCENTII PAPAE ROMANI  
XLI. DECRETA CIRCA MYSTE-  
RIORVM CONFECTIONE-  
NEM.**

In conficiendis mysterijs instituta Apostolorum & Roma-  
nae Ecclesiae seruanda.

**S**I instituta (inquit D. Innocentius ad Decennium Eugubinū  
Episcopum) Ecclesiastica, vt sunt à beatis Apostolis tradita, in-  
tegra vellent seruare Domini sacerdotes, nulla diuersitas, nulla va-  
rietas in ipsis ordinibus & consecrationibus haberetur. Sed dum  
vnusquisq; non quod traditum est, sed quod sibi visum fuerit, hoc  
æstimat esse tenendū, indè diuersa in diuersis locis vel ecclesijs aut  
teneri, aut celebrari videntur: ac fit scandalū populis, qui dum ne-  
sciūt traditiones antiquas, humana præsumptione corruptas, putāt  
sibi aut Ecclesias nō conuenire, aut ab Apostolis vel ab apostolicis  
viris contrarietate inductā. Quis enim nesciat, aut nō aduertat, id,  
quod à principe Apostolorū Petro Romanæ Ecclesie traditū est,  
ac nunc vsq; custoditur, ab omnibus debere seruari, nec superindu-  
ci aut introduci aliquid, quod aut autoritate non habeat, aut aliū-  
dè accipere videatur exemplū? præsertim cū sit manifestū, in oēm  
Italiā, Gallias, Hispanias, Aphricā atq; Siciliā, insulasq; interiacētes,  
nullum instituisse Ecclesias, nisi eos, quos venerabilis Apostolus  
Petrus aut eius successores, constituerint sacerdotes? Aut legant,  
si in his prouincijs alius Apostolorum inuenitur aut legitur do-  
cuisse. Quod si non legunt, quia nusquam inueiunt: oportet eos  
hoc sequi, quod Ecclesia Romana custodit, à quā eos principium  
acce-

Innocent.  
I. init. E-  
pist. 1.

accepisse, non dubium est, nè, dum peregrinis assertionibus studet, caput institutionum videantur omittere. Sæpè dilectionem tuam ad urbem venisse, ac nobiscum in Ecclesia cōuenisse, & quem morem vel in consecrandis mysterijs, vel in ceteris agendis arcanis teneat, cognouisse, dubium non est. Quod sufficere in informationem Ecclesiae tuæ vel reformationem (si præcessores tui minus aliquid, aut aliter tenuerunt) satis certum haberem, nisi de aliquibus consulendos non esse duxisses. Quibus idcirco respondemus, non quòd te aliqua ignorare credamus, sed vt maiori autoritate vel tuos instituas, vel si qui à Romanæ Ecclesie institutionibus errant, aut commoneas, aut indicare non differas, vt scire valeamus, qui sint, qui aut nouitates inducūt, aut alterius Ecclesie, quàm Romanæ, existimant consuetudinem esse seruandam.

Pax indicenda non ante, sed post, confecta mysteria.

Ibid. c. 1. PACEM ergò (inquit ibidè) asseris ante confecta mysteria quosdam populis imperare, vel sibi inter sacerdotes tradere: cū post omnia, quæ aperire non debeo, pax sit necessariò indicenda, per quam constet, populum ad omnia, quæ in mysterijs aguntur, atq; in Ecclesia celebrantur, præbuisse consensum, ac finita esse, pacis concludentis signaculo demonstrantur.

\* Strabi: Eodem pertinet illud de ipso, Vvalafridi \* Strabonis: Pacem ante communionem dari, Innocentius papa decretis suis instituit: scilicet, vt quod in oratione sancta sub sponsione remissionis præmittimus, pacatos nos ipso opere demonstramus.

Microlog. c. 18. QVOD paucis repetitur à Micrologo & Mariano Scoto, Sigeberto, ac Martino Polono in Chronicis, item Radulpho Tungrēsi, de canon. obseru. c. vlt.

Nomina recitanda non ante precem sacerdotis, sed inter ipsa mysteria.

Innocent. ibid. c. 2.

DE nominibus autem (inquit loco citato D. Innocentius) recitandis



citandis antequàm precem sacerdos faciât, atq; eorum oblationes, quorû nomina recitanda sunt, sua oratione commendat: quàm superfluum sit, & ipse pro tua prudentia recognoscis, vt, cuius hostiâ necdûm Deo offeras, eius antè nomen insinues, quanuis illi incognitum sit nihil. Priùs ergò oblationes sunt cõmendandę, ac tunc eorû nomina, quorum sunt oblationes, edicēda: vt inter sacra mysteria nominentur, non inter alia, quæ antè præmittimus, vt ipsis mysterijs viam futuris precibus aperiamus.

Biduo ante Pascha sacramenta non celebranda.

CONSTAT, (inquit ibidẽm) Apostolos biduo isto & in mæro- ibid. c. 4.  
re fuisse, & propter metum Iudęorû se occuluisse. Quod vtiquè nõ dubiũ est, intantũ eos ieiunasse biduo memorato, vt traditio Ecclesię habeat, isto biduo sacramenta penitus non celebrari.

QVEM locum, vt probent Ecclesię adhuc hodiẽ obseruatam consuetudinem de feria 6. passionis Domini, qua consecratio nulla fit, sed solo corpore communicat sacerdos à præcedente die reseruato: citant Alcuinus de diuinis offic. pag. 57. Amalar. l. 1. c. 53. & l. 4. c. 20. ac Hrabanus de instit. cleric. l. 2. c. 27.

Consecrata Episcopi oblatio, quam fermentum nuncupabant, solis mittatur presbyteris ciuitatis.

DE fermento verò (inquit idem) quod die Dominica per ti- Ibid. c. 5.  
tulos mittimus, superfluè nos consulere voluisti, cùm omnes Ecclesiæ nostræ intrà ciuitatem sint constitutæ. Quarum Presbyteri, quia die ipsa propter plebem sibi creditam, nobiscum conuenire non possunt, idcirco fermentum, à nobis confectum, per acolytos accipiunt, vt se à nostra communione, maximè illa die, nõ iudicent separatos. Quod per parochias fieri debere non puto, quia nec longè portanda sunt sacramenta: nec nos per cœmeteria diuersa constitutis presbyteris destinamus, quum ipsi presbyteri eorum conficiendorum ius habeant atq; licentiam.

QVOD quid sibi velit, & hîc & suprà in decretis Syricij & Mel- Auth. in-  
cert. de di-  
u. off. l. 1.

Q q q

chiadis

chiadis Pontificum, interpretatur Author quidam incertus MS. librorū quinq; apud doctis. virum Melchiorē Hittorpiū: Legitur (inquit) constituisse S. Syricius Papa, vt nullus Presbyter Missas celebraret per omnem hebdomadam nisi consecratum episcopi loci designati susciperet declaratum, quod nominatur fermentū: iuxta quod B. Melchiales Papa primū fecit oblationes cōsecratas ab Episcopis, propter hereticos per Ecclesias dirigi, quæ certi gratia mysterij declarātur sub nomine fermenti. Dñs em̃ & saluator noster docet cauendū esse à fermento pharisæorū, quod Euangelista exponit, doctrinā esse & traditiones eorū, dicēs eos sine causā colere Deum, docētes doctrinas & mandata hominū. Qui cū negligent azyma synceritatis & veritatis ritē comedere in noua cōspersione, qua per nouitatē fidei vnus panis & vnū corpus multi dicimur existere: nesciunt forsītā discernere vetus fermentū, quod dicit Apostolus esse fermentū malitiæ & nequitię. Propter hanc igitur heresim pharisæorum, qui dicuntur diuisi, ab vnitāte s. ordinis Ecclesiastici, siue propter communionē episcoporum, qua significatur debere presbyter perseuerare in doctrina Apostolorū atq; Apostolicorū virorum, quorum successores sunt Episcopi: ppter hæc, inquit, iubetur, sicut in libro de gestis pōtificialibus legitur, vt nullus presbyterorū Missas celebrare præsumat per omnem hebdomadā, nisi consecratum Episcopi loci designati suscipiat declarātū, quod nominatur fermentum. Hinc etiam S. Papa Innocētiū, scribens ad Decentium Episcopum: De fermento, inquit, quod die Dominico per titulos mittimus &c.

Sacerdotibus etiam à proprijs vxoribus abstinentum propter quotidiana sacrificia.

Idem Innocent.  
epist. 2. ca.  
9.

Prætereā (inquit idē D. Innocent. scribēs Victricio Rothomagensi Episcopo) quod dignū & pudicū & honestū est, tenere Ecclesia omnimodò debet, vt sacerdotes & Leuitæ cum vxorib⁹ suis nō coeāt, quia ministerij quotidiani necessitatibus occupātur, Scriptū est



est enim: Sancti estote, quoniam & ego sum sanctus, Dñs Deus vester. Leuit. 11.  
g. & 20. b.  
 Nā si priscis tēporibus, de v̄glo Dei sacerdotes anno vicis suæ non  
 discedebāt, sicut de Zachar. legimus, nec domum suā omninò tā- Luc. 1.  
 gebant, quibus vtique propter iobolis successione vxorius vsus fue-  
 rat relaxatus, quā- Leuit. 21. c  
Num. 18. ia tribu, & praterq̃ ex semine Aaron, ad sa-  
 cerdotiū nullus merat p̄ceptus accedere: quanto magis hi sacer-  
 dotes vel Leuitæ pudicitia ex die ordinationis suæ seruare debēt,  
 quibus vel sacerdotiū, vel ministeriū sine successione est, nec p̄-  
 terit dies, qua vel à sacrificijs diuinis, vel à baptismatis officio va-  
 cēt? Nā si B. Apostolus Paulus ad Corinth. scripsit, dicēs: Abstinete 1. Coria. 7.  
 vos ad tēpus, vt vacetis orationi, & hoc vtique laicis p̄cepit: mul-  
 to magis sacerdotes, quibus & orandi & sacrificandi iuge officium  
 est, semper debebunt huiusmodi cōsortio abstinere. Quòd si cōta-  
 minatus fuerit carnali cōcupiscentia, quo pudore sacrificare vsur-  
 pabit? aut qua conscientia, quo ve merito exaudiri posse se credit,  
 quum dictū sit, Oīa munda mundis, coinquinatis aut & infidelib' Tit. 1.  
 nihil mundum? Sed fortē licere hoc credit, quia scriptū est, Vnius 1. Tim. 3.  
 vxoris virum. Non permanentē in concupiscētia generandi, dixit,  
 sed propter futuram cōtinentiam. Neq; enim integros corpore nō Tit. 1.  
Rom. 8.  
 admisit, qui ait: Vellem autem omnes sic esse, sicut & ego.

Alio quē omni Ecclesiastico honore priuentur.

Proposuiſti (ingr̄ idē D. Innocēt. epist. ad Exuperiū Tholofanū Idē epist.  
3. c. 1.  
 Episcopū) quod de his obseruari debeat, quos in diaconi ministe-  
 rio, aut in officio presbyteri positos, incōtinentes esse aut fuisse, ge-  
 nerati filij, pdiderunt. De his & diuinarū legum manifesta est di-  
 sciplina, & beatæ recordationis viri Syricij Episcopi monita eui-  
 dentia cōmeârunt, vt incontinentes, in officijs talibus positi, omni  
 Ecclesiastico honore priuarētur, nec admitterētur accedere ad mi-  
 nisteriū, qđ sola cōtinentia oportet impleri. Est em̄ vetus admodū  
 sacre legis autoritas, iam indē ab initio custodita, quòd in templo Luc. 1.  
 anno vicis suæ habitare p̄cepti sunt sacerdotes, vt seruiētes sacris

Qq q 2 obla-



- oblationibus, puros & ab omni labe purgatos, sibi vendicent diuina ministeria, neque eos ad sacrificia sit admitti, qui exercent vel cum vxore carnale consortium, quia scriptum est: Sancti g. & 20, b. estote, quia & ego sanctus sum, Dominus DEVS vester. Quibus utique propter sobolis concubinem vsus fuerat relaxatus, quia ex alia tribu ad sacerdotium nullus fuerat praeceptus Num. 18. accedere: quanto magis hi sacerdotes vel Leuitae pudicitiam ex die ordinationis suae seruare debent, quibus vel sacerdotium, vel ministerium sine successione est, nec preterit dies, qua vel à sacrificijs diuinis, vel à baptismatis officio vacent? Nam si B. Paulus 1. Corin. 7. Apostolus ad Corinthios scribit, dicens: Abstinete vos ad tempus, vt vacetis orationi: & hoc utique laicis praecepit: multo magis sacerdotes, quibus & orandi & sacrificandi iuge officium est, semper debebunt ab huiusmodi consortio abstinere. Qui si cõtaminatus fuerit carnali concupiscẽtia, quo pudore vel sacrificare vsurpabit? aut qua conscientia, quo ve merito exaudiri se credit, quũ dictum sit, Oĩa munda mũdis, coinquinatis aut & infidelibus nihil mundum? Sed 1. Tim. 3. fortassè hoc licere credit, quia scriptũ est, vnus vxoris virũ. Nõ de Tit. 1. permanẽte in concupiscẽtia generandi, hoc dixit, sed propter cõtinentiam futurã. Neq; enim integro corpore non admisit, qui ait: 1. Corin. 7. Vellem autem vos sic esse, sicut & ego. Quod & apertiũs declarat, dicens: Qui aut in carne sunt, Deo placere nõ possunt. Vos aut iam nõ estis in carne, sed in spiritu. Et, Habentem filios: non, generantem, dixit. Sed ea planè dispar & diuersa sentẽtia est. Nam si ad aliquos forma illa Ecclesiasticę vitę, pariter & discipline, quę ab Episcopo Syricio ad prouincias cõmeauit, non probabitur peruenisse: his ignorationis venia remittitur, ita vt deceterò penitus incipiãt abstinere. Et ita gradus, in quibus inuẽti fuerint, sic retinent, vt eis nõ liceat ad potiora cõscendere. Quibus in beneficio esse debet, quòd huncipsum locũ, quem retinẽt, non amittũt. Si qui aut scisse formã viuẽdi, missam à Syricio, detegẽtur, neq; statim cupiditates libi-



libidin is abieciſſe, illi ſunt modis omnibus ſubmouendi, quia poſt admonitionē cognitā, præponendam arbitrati ſunt voluptatem.

EODEM pertinet illud eiſdem ad Maximum & Seuerum de Idē epi. 5. ijs, qui in ſacerdotio filios procreârūt: Eos qui talia perpetrâſſe dicuntur, iubebitis in medio collocari: diſcuſſisquē obiectionibus, quæ iſtis præbyteris impinguntur, ſi conuicti fuerint, à ſacerdotali remoueantur officio: quia ſi ſancti non ſunt, ſancta tractare non poſſunt, atque alieni efficiantur à miniſterio, quod viuendo illicitè polluerunt.

In aliena parochia, inconſulto eiſ loci Epiſcopo, nè Epiſcopus quidem diuina myſteria celebret.

NOMENTANAM (inquit idem ad Florentium Tiburtinēſem Epiſcopum) ſiue Felicientem parochiam, ad ſuam diœceſim à maioribus pertinentem, inuaſiſſe te, atque illic diuina celebrâſſe myſteria, inconſulto eodem ac neſciente, non ſine dolore conqueſtus eſt. Quod ſi verum eſt, non leuiter te culpam incurriſſe cognoſcas. Idē epi. 8.

Communibus orationibus plùs ſtudendum, quàm priuatis.

QVIA (inquit epiſt. ad DD. Aurelium & Auguſtinum) communibus & alternis plùs agimus orationibus, quàm priuatis. Idē ep. 10.

DE quo eiſ loco ſic Micrologus & poſt eum Radulphus Tūgrenſis. Sunt & aliæ (inquit) multæ orationes, quas quidam ad pacem & communionem priuatim frequētant, ſed diligentiores antiquiorum traditionum obſeruatores, nos in huiusmodi priuatis orationibus breuitati ſtudere docuerunt, potiusquē publicis precibus in officio Miſſæ occupari voluerunt. Nam beatus Innocentius Papa, ſcribens ſancto Auguſtino & Aurelio epiſcopis, aſſerit q̃ plùs communibus & publicis, quàm ſingularibus & priuatis orationibus, proficere poterimus. Microl. de eccl. obſer. cap. 18. Radulph. ca. vlt.

Qq̃ 3 Laica

Laica tantum tribuatur communio clericis ab hæresi redeuntibus.

Idē epist. 22. ca. 4. NOSTRAE verò lex est Ecclesiæ, (inquit idem ad Episcopos Macedoniæ) venientibus ab hæreticis, qui tamen illic baptizati sint, per manûs impositionem laicam tantum tribuere communionem, nec ex his aliquem, in clericatûs honorem vel exiguum subrogare.

Presbyterorum officium, sacramenta conficere, populis distribuere, & Missas complere, secundum consuetudinem.

Ibid. ca. 5. NUNC illud, (inquit ibidem) quod superest, interrogo, quum se presbyterum à Bonoso confideret ordinatum, si non sacramenta confecit, si non populis distribuit, si non Missas secundum consuetudinem compleuit.

Sub hoc primum Pōtifice cō-  
tigisse hoc concilium, satis pa-  
tet ex epist. Innocentij 24. ad  
Synodum Toleranam: quam  
contigisse verisimile est Sti-  
licone 11. & Antonino cons.

### CONCILII TOLETANI I. DE SACRIFICIO CA- NONES.

Pœnitentes nō admittantur ad id officij, vt Apostolum aut Euangelium in Ecclesia legant.

Concil. Tolet. 1. can. 2. ITEM placuit, (inquiunt huius Concilij Patres) vt pœnitentes non admittantur ad clerum, nisi tantum si necessitas aut vsus exegerit: & tunc inter Ostiarios deputentur, vel inter Lectores, ita vt \* epistolâ Euangelia aut \* Apostolum non legant.

Immò Diaconi post pœnitentiam sacra tractare non permittuntur.

Ibidem. SI autem antè (inquiunt) ordinati sunt Diacones, inter subdiacones habeantur, ita vt manum non imponant, nec sacra contingant.

Sacrificio quotidiano intersint omnes clerici.

Ibid. ca. 3. PRESBYTER (inquiunt) vel diaconus, vel subdiaconus, vel quilibet Ecclesiæ deputatus clericus, si intrâ ciuitatem fuerit, vel in loco, in quo Ecclesia est, aut castella, aut vici sunt, aut villa, si ad Ecclesiam,



clesiam, aut ad sacrificium quotidianum non venerit, clericus non habeatur: si castigatus, per satisfactionem veniam ab episcopo noluit promereri.

Nunquam communicantes, abstineantur.

DE his (inquiunt) qui intrant in Ecclesiam, & deprehenduntur <sup>Ibidem</sup> <sup>ca. 13.</sup> nunquam communicare, ad moneantur. Quod si non communicant, ad poenitentiam accedant. Si communicant, non semper abstineant. Si non fecerint, abstineantur.

Accepta à sacerdote Eucharistia si quis non sumpserit, appellatur.

SI quis aut (inquiunt) acceptam à sacerdote Eucharistiam non <sup>Ibidem</sup> <sup>ca. 14.</sup> sumpserit, velut sacrilegus propellatur.

CONCILII CVIVSDAM CARTHAGINIENSIS CANON. DE PRECIBVS ET PRAEFATIONIBVS ADPROBATIS. <sup>Contigit hoc Concilium Honor. VII. & Theodos. II. Cons. quod plenarium fuit totius Africae.</sup>

PLACUIT (inquiunt Patres, ut citatur hic Canon in Africa <sup>Afric. concil. ca. 70.</sup> <sup>Balsam. Carthag. Concil. ca. 106.</sup> no Concilio & apud Balsamonem) hoc, ut preces quae probatae fuerint in Concilio, siue Praefationes, siue commendationes, seu manus impositiones, ab omnibus celebrerentur: nec aliae omnino contra fidem proferantur, sed quaecumque cum prudentioribus fuerint collatae, dicantur. Quem sane Canonem tanquam etiam Carthaginensis Concilij citat Valafrid. Strabus de rebus Eccl. c. 22.

ALARICI GOTTHORVM REGIS, IN VRBIS ROMAE EXPVGNATIONE, ERGA ECCLESIAS ET VASA SACRA REVERENTIA.

Adest (inquit Paulus Orosius) Alaricus, trepidam Romam obsider, tur- <sup>Paul. Oros. l. 7. aduers. pag. c. 29.</sup> bat, irrumpit. Dato tamen precepto prius, ut si quae in sancta loca, precipueque in sanctorum Apostolorum Petri & Pauli basilicas confugissent, hos in primis inuiolatos securosque esse sineret. Et paulopost: Discurrentibus itaque per urbem barbaris, forte unus cothorum, idemque potes & Christianus, sacram

sacram Deo virginem iam ætate prouectam, in quadam ecclesiastica domo reperit: cumq; ab ea aurum argentumque honestè exposcere, illa fidei constantia esse apud se plurimum, & mox proferendum spondit, ac protulit. Dumque expositis opibus attentum barbarum magnitudine, & pondere, ac pulchritudine, ignota etiam vasorum qualitate \* videret, virgo Christi ad barbarum ait: Hæc Petri Apostoli sacra ministeria sunt. Præsume, si audes: de facto tu videris. Ego, quia defendere nequeo, \* contendere nō audeo. Barbarus verò ad reuerentiam religionis, timore Dei & fide virginis motus, ad Alaricum hæc per nuncium retulit, qui continuo reportari ad Apostoli basilicam vniuersa, vt erant, vasa imperauit: virginem etiam, simulque omnes, qui se adiungerent, Christianos eodẽ cum defensione deduci. Ea domus à sanctis sedibus longo (vt ferunt) & medio interiectu vr̃bis aberat. Itaque magno spectaculo omnium, disposita per singulos singula, & super capita elata palam aurea atque argentea vasa portantur, exercitis vndique ad defensionem gladijs, pia pompa munitur. Hymnis Deo Romanis barbarisq; concinentibus, publicè canitur. Personat latè in excidio vr̃bis salutis tuba, omnesque etiam in abditis latentes inuitat ac pulsat. Concurrunt vndique ad vasa Petri, vasa Christi: plurimi etiam pagani Christianis professione, si non fide, admiscetur: & per hoc tamen ad tempus, quo magis confundantur, eundunt. Quanto copiosius aggregantur Romani confugientes, tanto auditiùs circumfunduntur barbari defensores. O sacra & ineffabilis diuini iudicii discretio. O sanctum istud & salutare flumen, quod \* per arua exortum, dum beato alueo in sanctorum fedes tendit, oberrantes periclitantesq; animas in salutis sinum pia rapacitate peruexit.

DONATISTARVM EPISCOPO-  
RVM SACRIFICIA.

SED



SED iterum attendant, (inquit D. Augustinus, contra Parmeniani epistolam scribens) vtrum saltem Optatus habuerit aliquam maculam, aut aliquod vitium? Non vsque adeo cæci sunt, vt istius vitam omninò immaculatam, & omninò vitio carentem fuisse respondeant. Cur ergò accedebat dona offerre Deo, & ab eo cæteri coniunctis manibus accipiebant, quod maculosus & vitiosus obtulerat?

ET rursùm contra literas Petilian: Per hanc sententiam Apostolicam, Omnia munda mundis: etiam vos Optati (Gildonianum illum intelligere videtur) sacrificio non estis polluti, si facta eius displicebant vobis. Nam utiq; panis illius, luctus erat, sub cuius iniquitatibus Africa tota lugebat: sed panem luctus omnibus vobis communem esse, omnium vestrum malum schismatis facit.

EODEM pertinet, quod toties Donatistis opponit communia cum Catholicis sacramenta, vnde & fratres eos nuncupat D. Augustinus.

ET imprimis illud eiusdem: Pro infirmis, pro carnaliter sapientibus, pro animalibus & carnalibus, tamen pro fratribus nostris, eadem sacramenta celebrantibus, & si non nobiscum, eadem tamen: vnū Amen respondētibus, & si non nobiscum, vnū tamē: hortamur medullas charitatis vestrae, fundatis ad Deum preces pro eis.

EODEM spectat illud, quod in collatione illa celeberrima Donatistarum cum D. Augustino, tanquàm ipsis omnia essent & integra Ecclesiae sacramenta, Catholicum id volebat nuncupare Gaudentius ipsorum Episcopus, quod sacramētis plenum est, vt ita suam Ecclesiam Catholicam faceret.

ILLUD item Patrum Cirthenis Concilij (quod perperam Zephyrē inscribitur) post dictam collationem Cirthē in Numidia celebrati: Si verò id quod vobis prestitit Deus, non contempseritis, & post causam tam diligēter actam, & tam diligēter manifestatā, peruersam consuetudinē relinquentes, paci Christi & vnitati cōsensueritis, de vestra correctione gaudebimus: & sacramēta Christi quę in

R r r      fa-

August.  
cōtr. Parm.  
l. 2. c. 7.

Idē cōtra  
Petil. lib.  
2. ca. 52.

Idem in  
Psalm 32.  
concil. 2.  
sub finē.

Acta Col-  
lationis  
MS. apud  
fr. Baldui-  
num.  
August.  
epist. 49.

August.  
Epist. 152.

sacrilegio schismatis ad iudicium habetis, vtilia & salubria vobis erunt, cum in Catholica pace habueritis caput Christum, ubi charitas cooperit multitudinem peccatorum.

### EORVNDem CONTRA SACRIFICIA CATHOLICORVM, CALVMNIA.

Idē epist.  
48. ad  
Vincent.  
Rogati.  
Itam.

**Q**UAM multis (inquit idem D. August. de ijs loquens, qui à Donatistis seducti erant) aditum intrandi obserabant (sic enim lego, pro, obseruabant) rumores maledicorum, qui nescio quid aliud nos in altare Dei ponere iactitabant.

### PAGANORVM ITEM ADVERSVS SACRIFICIUM CALVMNIA.

Idē adu.  
Manich.  
l. 20. c. 13.

**Q**UOMODò ergò (inquit) comparas panem & calicem nostrum, & parem religionē dicis, errorē lōgē à veritate discretum: peius desipiēs, quàm nōnulli, qui nos, propter panem & calicem, Cererē ac Liberum colere existimāt? Quod idēdò commemorandum putauī, vt aduertatis, ex qua vanitate veniat etiam illud vestrum, quòd propter sabbatū, Saturno dicatos fuisse patres nostros putatis. Sicut em̄ à Cerere & Libero Paganorū dijs lōgē absumus, quāuis panis & calicis sacramentū (quod itā laudāstis, vt in eo nobis pares esse volueritis) nostro ritu amplectamur: itā patres nostri longē fuerunt à Saturniacis catenis, quāuis pro tempore prophetiæ, sabbati vacationem obseruauerint.

Cōtigit vtrunq; hoc  
cōc. eodē tēpore, vt  
ex eorū epist. & res  
spōsis patet Innoc.  
papæ apud D. Aug.  
ep. 90. 91. 92. & 93.

### PATRVm CONCILII CARTHAGINENSIS CONTRA PELAGIVM ET CAELESTIVM, BENEDICTIONES ET PRECES SVPER POPVLVM.

Cōci. Carthag. epi.  
ad Innocēt. papā.

**C**ONTRADICITVR etiam (inquiunt Epist. ad D. Innocēt. papam de Actis eius cōcilij scripta) istorū cōtentione Benedictionibus nostris, vt incassū super populum dicere videamur, quicquid eis à Dño precamur, vt rectē ac piē viuēdo illi placeant.

vel



vel illa, quę pro fidelibus precatur Apostolus, dicēs: Flecto genua mea ad patrem Dñi nostri Iesu Christi, ex quo omnis paternitas in cælo & in terra nominatur, vt det vobis secūdum diuitias glorię suę, virtute corroborari per spiritum eius. Si ergo voluērimus benedicēdo super populum dicere, Da illi virtutē Dñe, corroborari per spiritum tuum, istorum nobis disputatio contradicit, adfirmans liberum negari arbitrium, si hoc à Deo poscitur, quod in nostra est potestate.

CONCILII MILEVITANI, IN NVMDIA CONTRA EOSDEM, CANON QVALIS SVpra, DE ORATIONIBVS SEV MISSIS ADPROBATIS.

**P**LACVIT etiā & illud, (inquiunt eius Cōcilij Patres) vt preces vel orationes, seu Missę, quę probatę fuerint in Cōcilio, siue Præfationes, siue commendationes, seu manūs impositiones, ab omnibus celebrentur. Nec alię omninò dicantur in Ecclesia, nisi quę à prudētioribus tractatę, vel comprobatę in Synodo fuerint, nè fortē aliquid contra fidem, vel per ignorantiam, vel per minus studium sit compositum.

Concil.  
Mileu.  
cap. 12.

QVI citatur non modò à Vvalafrido, etiam huius Cōcilij titulo, sed & à Micrologo ca. 5. Concilij Africanę Prouincię octauo titulo, alludens ad Africanorum Conciliorū Centonē Latinum, qui ità collectus videtur à quopiam eius ætatis Episcopo, sicuti à Martino Episcopo Bracarēsi Gręcorum Conciliorum Canones.

D. PAVLINI NOLANI EPISCOPI ARCANORVM DEI MINISTERIVM.

Ad sacerdotium initiatio.

Barchinone (inqt de se D. Paulinus) die Dñi quo nasci carne dignat⁹ est, repētina (vt ipse testis est) vi multitudinis, sed credo ipsius

Paulin.  
Nolan.  
epi. 6. ad  
seuerum.

R r r 2 ordi-

lego\*cor-  
reptus,

Mutilus  
videtur  
locus.

ordinatione \* correctus, & presbyteratu initiatus sum. Fateor inuitus, non fastidio loci, (nam testor ipsum, quia & ab æditui nomine & officio optaui sacram incipere seruitutē) sed vt aliò destinatus, alibi (vt scis) mente compositus & fixus, nouum insperatumq; placitum diuinę volūtatis expaui. Data igitur ceruice in iugū Christi, video maiora me meritis & sensibus opera tractare: iamq; arcanis & penetralibus Dei summi receptum & insertum communicare cęlestia, & Deo ꝑpius admotū in spiritu ipso Christi & corpore & splendore versari, vix adhuc intellectū sacrę molis capio mentis angustijs, & onus muneris mei, conscius infirmitatis, horresco: sed is qui sapiētiam paruulis dedit, & ex ore infantium atq; lactētium ꝑficit laudem sibi, potēs est in me etiā opus suum perficere, & munus ornare, vt se dignum faciat, quem ab indigno vocauit. Scito tamen, voti communis, eodem Dño ꝑstante, saluam esse rationē. Nam ea cōditione in Barchinonenſi Ecclesia consecrari adductus sum, vt ipsi Ecclesię nō alligarer, in sacerdotium tantū Dñi, non etiam in locū Ecclesię, dedicatus. Veni igitur, si placet, ante Pascha, (quod nobis optatius est) vt sacras ferias, me sacerdote, concelebres.

Altaris Dei ministerium, & hostiæ immolatio.

Idē Epist.  
4. ad A.  
mandum.

PRAEVENI igitur (inquit alibi) à Dño, & apprehensi ab eo, quem necdūm apprehēdimus, deferuimus altario Dei, & mēsis salutaribus ministramus, iam nomine officioq; seniores, sensu adhuc paruuli, & sermone lactentes. Quod ministerium vt benè ministrē, & gradum bonū mihi acquiram, & sciam qualiter oporteat me in domo DEI conuersari, & tractare mysterium pietatis, tu dñe venerabilis & frater, & dñe in Christo, nobis ora Dominum.

Idē carm.  
ad Cy-  
ther.

ET alibi:

Tuncambo nexi ad inuicē dextras damus

In osculo pacis sacræ:

Et immolamus hostiam laudis Deo,

Gratesque Christo reddimus.

Ecclesiæ



Ecclesiæ vniuersę pro defunctis supplicatio.

**D I V** (inquit ad illum scribens D. Augustinus) sanctitati tuæ August. de  
cura pro  
mort. c. 1. coëpiscopo & venerande Pauline, rescriptorum debitor fui, ex quo mihi scripsisti per homines filię nostrę religiosissimę Florę, quærens à me, utrũ pro sit cuiq; post mortem, quòd corpus eius apud Sancti alicuius memoriam sepelitur. Hoc enim abs te vidua memorata petiuerat pro defuncto in eis partibus filio suo, & rescripseras consolans eam, idq; etiam nuncians de cadauere fidelis iuuenis Cynegij: quod materno & pio affectu desiderauit, esse completum, vt videlicet in beatissimi Felicis confessoris Basilica poneretur. Qua occasione factum est, vt per eosdem perlatores literarum tuarum etiam mihi scriberes, ingerens huiuscemodi quęstionem: atque vt responderem, quid indè mihi videretur, exposcēs, nec tacens ipse quid sentias. Nam dicis videri tibi, non esse inanes motus animorum religiosorum atque fidelium, pro suis ista curatium. Adiungis etiam vacare non posse, quòd vniuersa pro defunctis Ecclesia supplicare cōsueuit: vt hinc & illud coniici possit, homini prodesse post mortem, si fide suorum humando eius corpori talis prouideatur locus, in quo appareat opitulatio etiam isto modo quęsita sanctorum.

Sacri cœtus in solennitate D. Felicis.

**N O S T I S** (inquit) eum morem, vt ieiunare solemus  
Ante diem, & sero libatis vespere sacris,  
Quisq; suas remeare domos: tunc ergò solutis  
Cœtibus à templo Domini, postquàm data fessis  
Corporibus requies, sumpta dape: cœpimus hymnis  
Exultare Deo, & psalmis producere noctem.

Et alibi.

**A V R E A** nunc niueis ornantur limina velis  
Clara coronantur densis altaria lychnis,  
Lumina ceratis adolentur odora papyris.

R r r 3

Nocte

Idem nat.  
7. B. Felic.  
cis.

Idem nat.  
3. B. Felic.

Nocte dieq; micant, sic nox splendorq; diei  
Fulget, & ipsa dies caelesti inlustris honore,  
Plus micat, innumeris lucem geminata lucernis.

Basilicarum ad immolationem hostiae, ædifi-  
catio.

Idē epist. PROSPECTVS verò (inquit) basilicæ, non vt vſitator mos  
ad Amād. est, orientem spectat, sed ad Domini mei B. Felicis basilicam per-  
tinet, memoriam eius adspiciens, tamen cum duabus dextra leuaq;  
\* cōchulis \* chonculis intrā spatiosum suū ambitū apsis sinuata laxetur: vna  
earum immolanti hostias iubilationis antistiti patet: altera post  
sacerdotem capaci sinu receptat orantes.

Ibid. A c paulopōst, alludens ad cōsuetudinem etiam hodiē vſitatā:  
Itē dextra leuaq; crucibus minio superpictis hæc epigrammata sunt:  
Ardua floriferæ crux cingitur orbe coronæ,  
Et Domini fuso tincta cruore rubet.

DEINDE post integram basilicę triplicis descriptionem, men-  
tionem faciēs secretariorū duorū, quæ nos hodiē sacraia vocamus:  
Hi versus (inquit) indicāt officia singulorū: A dextera apsidis.  
H I C locus est, veneranda penus qua conditur, & qua  
Promitur alma sacri pompa ministerij.

Earundem dedicatio cum reliquijs.

Idē epist. TESTIS est Deus mihi, (inquit de eadē basilica loquēs) quòd  
11. ad Se. si vel scrupulū sacri cineris habuissemus, suprà quàm nobis ad ba-  
uerum. silicam, quæ proximè in nomine Domini consummabitur, dedi-  
candam necessarium erat, misissemus vnanimitati tuæ.

Idē epist. E T alibi expressiūs: Basilica illa, quę ad Dominimediū (itā D.  
13. ad Se. Felicem plerunq; nuncupat) nostrum communē patronum, in no-  
uer. mine Dñi Christi iam dedicata celebratur, quatuor eius basilicis  
addita, reliquijs apostolorū & martyrorū intrā apsidē trichora sub  
altaria sacraia, nō solo B. Felicis honore venerabilis est. Itē de ba-  
siliica Fundana: Verūm hanc basiliculā de benedictis Apostolorū  
ibid. & mar-



& martyrum reliquijs sacri cineris, in nomine Christi, sanctorum  
sancti, & martyrum martyris, & Dominorū Domini, cōsecrabunt.

Idq; etiam cum hostiæ celebratione.

H v c pertinet & illud eiusdem:

Nanq; hodiè bis eam geminata nouatio comit,  
Dum gemina antistes gerit illic munera Christi,  
In geminos adytum venerabile dedicat vsus,  
Castifico socians pia sacramenta lauacro.

Sic pariter templum nouat hostia, gratia fontem.

Panis benedicti siue Eulogiæ ad amicos missio in vni-  
tatis symbolum.

PANEM (inquit) Campanū de cellula nostra tibi pro eulogia  
misimus, tantū meritis in Domino tuis freti, vt plena ad te perfe-  
rendum suū gratia crederemus: tu licet vberioribus micis à Domi-  
ni mensa iam saturatus sis, dignare & à peccatoribus acceptum in  
nomine Domini panem, in eulogiam vertere.

A c rursū: Panem vnum quem vnanimi tatis indicio misi-  
mus charitati tuæ, rogamus accipiendo benedicas.

A L I O loco deniquè: Panem vnum sanctitati tuæ vnanimi tatis  
gratia misimus, in quo etiam Trinitatis soliditas cōtinetur. Hunc  
panem eulogiam esse, tu facies dignatione sumendi.

E T alibi: Nè vacuum fraternæ humanitatis officium videre-  
tur, de buccellato Christianæ expeditionis, in cuius procinctu  
quotidiè ad fragilitatis annonam militamus, panes quinque tibi pa-  
riter & filio nostro Licentio misimus. Nō enim potuimus à bene-  
dictione secernere, quem cupimus eadem nobis gratia penitus an-  
nectere.

DELPHINI BURDEGALENSIS EPI-  
SCOPI, ECCLESIA RV M AD HO-  
STIAS DEDICATIO.

VISI

Idem nat.  
10. B. Feli-  
cis.

Idē epist.  
1. ad scuc.

Idē epist.  
1. ad D.  
August.

Idē epist.  
ad D. Aly-  
pium.

Idē epist.  
ad Roma-  
niam, inter  
Epist. D.  
Aug. ad-  
scriptus,  
num. 113.

Idē Epist.  
2. ad Del.  
phin.

**V**ISIBILITER autem (scribit ad ipsum D. Paulinus) nobis operaris in fabricis Ecclesiarum, vt partem nobis facias cum illa, cuius domus à Christo meruit visitari, qui ab ea edificatione tunc synagogæ, quod nunc Ecclesia est, testimonium religiosæ plebis acceperat. Fatemur venerandę pietati tuæ, legētibus nobis illam epistolę partem, qua Alingonensi Ecclesię nouam filiam te authore progenitam, iam in nomine Domini vsq; ad dedicationis diem creuisse signabas, ita exultasse spiritum nostrum in Deo saluatore nostro, vt tanquā in præsenti dedicantium cœtibus interessemus, illa de psalmis prophetici gaudij verba caneremus: Exultate Deo adiutori nostro, sumite psalmum, & date tympanum. Tollite hostias, & introite in atria Domini, adorate Dominum in aula sancta eius.

SEVERI SVLPITII BITVRICENSIS  
EPISCOPI, AD EVNDEM VSVM BA-  
SILICAE, PETITIS AD EAM RE-  
LIQVIIS, ERECTIO.

Idē epist.  
11. ad Sc.  
uerum.

**F**RATER Victor (inquit ad illum rescribens D. Paulinus) inter alias operum tuorum & votorū narrationes retulit nobis, desiderare te ad basilicam, quam modò apud Primuliacū nostrum, maiorem priore condideris, de sacris sanctorum reliquijs benedictionem, qua adornetur domestica tua Ecclesia, vt fide & gratia tua dignum est.

Sed quia nos nō habuimus huius muneris copiā, & ille se spem eiusdem gratię copiosam habere dixit, à sancta Siluia, quæ illi de multorum ex Oriente martyrum reliquijs spondisset, inuenimus, quod dignè & ad basilicę sanctificationem vobis, & ad sanctorum cinerum cumulandā benedictionem mitteremus, partē particulæ de ligno diuinæ crucis, quod nobis bonum benedicta Melania ab Hierusalem, munere sancti indē Episcopi Ioannis, attulit.

ET



ET alibi: Quòd si Dominus desiderium animę vestrę fecerit, secundum fidem vestram adiiciens ornatui & sanctificationi operum vestrorum, vt sacros cineres de sanctis gloriosorum Apostolorum aut martyrum reliquijs adipiscamini, qui huius voti præsumptione vos aliam apud Primuliacum nostrum, & priore maiorem basilicam preparasse cognouimus, dignum opere fidei vestrę, & operis fideliter elaborati dedicatione proculdubio celeberrima, sanctorum reliquijs decens arbitramur, vt hoc etiam quod de cruce mi mus, pariter depositum, sacratumq; veneremini. Quod si ita placuerit, placitum vestrum hi (si videbitur) versiculi nunciabunt: **D I V I N V M** veneranda tegunt altaria scædus,

Compositisq; sacra cum cruce martyribus.

Cuncta salutiferi coeunt insignia Christi,

Crux, corpus, sanguis, martyr is ipse Deus.

Illa cibum vitę mortalibus, illa coronas,

Quę Domino famulos participant, peperit.

In cruce fixa caro est, qua pascor: de cruce sanguis

Ille fluit, vitam quo bibo, corda lauo.

Christe, tuo coeant simul hæc tua dona Seuero,

Porticus & testis sit crucis ista tuę.

Carne tua viuat, tuus illi pocula sanguis

Præbeat, in verbo viuat agatq; tuo.

A c paulò pòst: Si verò magis placeat vobis, hanc de cruce benedictionem ad quotidianam tutelam atque medicinam in promptu habere, nè semel condita in altario, non semper ad manum, vt vsus exigit, præstò sit: sufficit & illa ad basilicę consecrationem gratia, si Dominus eam Apostolis & martyribus †: quorum ve-

Rursùm  
aliquid  
deest.

tos titulus indicabit:

**P I G N O R A** sanctorum, diuinę gloria mensę

Velat apostolicis edita corporibus.

Sff Vota

Vota sacerdotis, viuentum & commoda, paruo  
Pulvere, sanctorum mors preciosa iuuat.

D. ITEM VICTRICII ROTHOMAGEN-  
SIS EPISCOPI, MORINORVM ET NER-  
VIORVM APOSTOLI, ECCLESIA-  
RVM NOVA CONSTITVTIO.

Idē epist.  
2. ad Vi-  
ctric.

**I**N terra Morinorum (inquit eius laudes prædicans Paulinus) situ orbis extrema, quā barbaris fluctibus fremens tundit Oceanus, gentium populi remotarum, qui sedebant in latebris, via maris arenosa, extra Iordanem, antequam pinguescerent fines deserti in ea, orata sibi per tuam sanctitatē à Domino luce gaudentes, corda aspera, Christo intrante, posuerunt. Vbi quondam deserta siluarum ac littorum, pariter in tota aduenæ Barbari (sic enim lego, pro eo, quod est, Barbaria) aut latrones incolę frequentabāt, nunc venerabiles & angelici sanctorum chori vrbes, oppida, insulas, siluas, Ecclesijs & monasterijs plebe numerosis, pace consona celebrant. Quod quāquā totius Gallię populis & ubiquē gentiū Christus operetur, qui totum orbem circuit, quęrens dignos se, & per nationes in animas sanctas se transfert, & in vijs directionis ostendit se hilariter, & omni prouidentia occurrit matoribus suis: tamen in remotissimo Neruici littoris tractu, quem tenui antehac spiritu fides veritatis afflauerat, te (itā enim legendum, pro eo, quod est, et) potissimū in vas electionis excerptis, in te prima refulsit, clariūs inualuit, ardentius & propius apparuit, & in quo sanctificaret illic nomen suum, & per cuius nomē etiam solis ab occasu in oēm terrā sonus eius exiret, adsumpsit. Deniquē nunc Rothomagū & vicinis antē regionibus tenui nomine peruulgatum, in longinquis etiam prouincijs nominari venerabiliter audimus, & inter vrbes sacratis locis nobiles, cum diuina laude numerari.

Ibid.

A c paulopost: Vbi quotidiano sapienter psallentium per frequentes



quentes Ecclesias & monasteria secreta concentu, castissimis ouium  
tuarum & cordibus delectantur & vocibus.

ATQVE in locis iisdem celebrata ab eodem sacrificia, satis indi-  
cat epistola suprà citata ad eundem D. Victricium D. Innocentij pape,  
scripta de continentia ministrorum Ecclesie ob quotidiana sacri-  
ficia.

Innocent.  
Pap. epist.  
2. c. 9.

EODEM verò pertinere videtur illud D. Augustini, Ad Ocea-  
ni etiam littora in Occidentalibus partibus Ecclesiam peruenisse  
iam nouimus.

August.  
epist. 80.  
ad He-  
sych.

### FLORENTII TIBURTINENSIS EPI- SCOPI OBLATIONES.

DEVS, (inquit ad illum scribens D. Paulinus) qui te amante  
nostri facere dignatur, non iuxta meritum malum faciens, sed  
secundum diuitias bonitatis sue, ut nobis adiutorium, de patrocinio  
orationum tuarum, tibi merces, de proximorum etiam minorum magna  
charitate cumuletur, memorem te nostri perpetuo faciat, omnibus  
orationibus tuis & oblationibus curam nostre salutis immisceat.

Paulin.  
epist. ad  
Flor.

EODEM pertinet, quod suprà adduximus ex epistola ad ipsum  
D. Innocentij pape.

Innoc. pa-  
pa epist. 8.

### NICETAE DACORVM ET GETARVM APOSTOLI ET EPISCOPI, SA- CRA LITATIO.

DIVVS Paulinus ad Nicetam stylium vertens, qui Nolam ad D.  
Felicis reliquias peregrinatum venerat, sic ipsum alloquitur:

Idem nat.  
9. D. Felic.

Ingredere hæc, Psalmis recinens antistes & hymnis,

Et mea vota refer Domino, & tua gaudia votis

Iunge meis, celebrans communis festa patroni.

\* Hora opportuna pro peccatore rogabis,

\* Tēpore  
oportuno

Gaudentem Dominum te confessoris honore.

Hoc duce, proclui tua tramite vota ferentur.

Felix diuinas tibi præuius ibit ad aures,

SSf . 2

Teq;

Teque sacris psalmis, simul & deuota litante  
Obsequia, placido descendet numine Christus,  
Vt populum templumque sacra caligine velet,  
Infundens niueam per operta sacraria nubem.

EODEM pertinet illud D. Paulini, de eiusdem reditu in Daciã:  
QVIS mihi pennas daret vt columbę,  
Vt choris illis citus interessẽm:  
Qui Deum Christum, duce te, canentes

Sidera pulsant?

AVDIENT Amen tremefacta cete,  
Et sacerdotem Domino canentem,  
Lætã lasciua procùl admeabunt

Monstra natatu.

Item illud:

MOS vbi quondam fuerat ferarum,  
Nunc ibi ritus viget angelorum,  
Et latet iustus, quibus ipse latro

Vixit in antris.

Illud quoque:

TE patrem dicit plaga tota Boreæ  
Ad tuos fatus Scytha mitigatur,  
Et sui discors fera, te magistro,

Pectora ponit.

ET Getæ currunt, & vterque Dracus,  
Qui colit terrę medio, vel ille  
Diuitis multo boue pelleatus

Accola ripæ.

ORBIS in muta regione per te  
Barbari discunt resonare Christum  
Corde Romano, placidamque casti

Viuerẽ pacem.

HIS



His precor, cùm te domus alma sancto  
 Cœperit fratrum numerosa cœtu  
 In choris, & nos pietate chari  
 Pectoris abde.

D. AVGVSTINI HIPPONENSIS EPI-  
 SCOPI SACRIFICIA ET EORVN-  
 DEM RITVS.

Sacrificium soli Deo offerendum.

**S**A CR I F I C I V M certè (inquit D. Augustinus) nullus homi- August.  
de ciuit.  
Dei, lib.  
10. ca. 4.  
 num est, qui audeat dicere deberi, nisi Domino soli. Multa  
 deniquè de cultu diuino v̄surpata sunt, quæ honoribus deferuntur  
 humanis, siue humilitate nimia, siue adulatione pestifera: ità tamē,  
 vt quibus ea deferuntur, homines haberentur, qui dicuntur colen-  
 di & venerandi: si autem eis multum additur, & adorandi. Quis ve-  
 rò sacrificandum censuit, nisi ei, quem Deum aut sciuit, aut puta-  
 uit, aut finxit?

A c postea in eodem opere: Quibus igitur (interrogat) ange- Ibidem  
ca. 16.  
 lis de beata & sempiterna vita credendum esse censemus? Vtrum  
 eis, qui se religionis ritibus coli volunt, sibi sacra & sacrificia flagi-  
 tantes à mortalibus exhiberi, an eis, qui hunc omnem cultum vni  
 DEO creatori omnium deberi dicunt, ei que reddendum vera  
 pietate præcipiunt?

D E I N D E post multa quæstioni respondens: Si qui ergò (in- Ibidem.  
 quit) angeli sibi expetunt sacrificium: præponendi eis sunt, qui nō  
 sibi, sed Deo creatori omnium cui seruiunt. Hinc enim ostendūt,  
 quàm sincero amore nos diligunt, quandò per sacrificium non si-  
 bi, sed ei nos subdere volunt, cuius & ipsi contemplatione beati  
 sunt, & ad eum \* non peruenire quærunt, à quo ipsi non recesserūt.

E O D E M pertinet illud eiusdem: Proinde verum sacrificium, \* nos  
Idē cōtra  
Fauft. Ma.  
nich. lib.  
20. ca. 18.  
 quod vni vero debetur Deo, quo eius altare solus Christus imple-

S s s 3

uit,

uit, in victimis pecorum imitata dæmonia, sibi arroganter expo-  
 1. Cor. 10. scunt. Vndè dicit Apostolus: Quæ immolât gētes, dēmonijs immo-  
 lant, & nō Deo: non quod offerebatur culpans, sed quia illis offere-  
 batur. Hebræi aut̃ in victimis pecorum, quas offerebāt Deo, multis  
 & varijs modis, sicut re tanta dignum erat, prophetiam celebrabāt  
 futuræ victime, quam Christus obtulit. Vndè iam Christiani, per-  
 acti eiusdem sacrificij memoriam celebrant, sacrosancta oblatione  
 & participatione corporis & sanguinis Christi.

Idque non inuisibile modò, sed & visibile.

Augu. de  
 ciuit. Dei  
 li. 10. c. 19.

QVI autem putant (inquit) hæc visibilia sacrificia dijs alijs con-  
 gruere, illi verò tanquàm inuisibili inuisibilia, & maiori maiora,  
 meliori; meliora, qualia sunt puræ mentis & bonæ voluntatis of-  
 ficia: profectò nesciunt hæc ità esse signa illorum, sicut verba sonā-  
 tia, signa sunt rerum. Quocircà sicut orantes atq; laudantes ad eum  
 dirigimus significantes voces, cui res ipsas in corde, quas significa-  
 mus, offerimus: ità sacrificantes, non alteri visibile sacrificium offe-  
 rendum esse nouerimus, quàm illi, cuius in cordibus nostris inuisi-  
 bile sacrificium nos ipsi esse debemus. Tunc nobis fauent, no-  
 bisq; congaudent, atq; ad hoc ipsum nos pro suis viribus adiuuant  
 angeli quicq; virtutesq; superiores, & ipsa bonitate ac pietate poten-  
 tiores. Si aut̃ illis hæc exhibere voluerimus, non libenter accipiunt,  
 & cùm ad homines ità mittūtur, vt eorū præsentia sentiatur, apertis-  
 sime vetant. Sunt de his exempla in literis sanctis. Putauerunt qui-  
 dam deferēdum angelis honorē, vel adorando, vel sacrificādo, qui  
 debetur Deo, & eorū sunt admonitione prohibiti, iussiq; sunt hæc  
 ei deferre, cui vni fas esse nouerūt. Imitati sunt angelos sanctos eti-  
 am sancti homines dei. Nam Paulus & Barnabas in Lycaonia facto  
 quodam miraculo sanitatis, putati sunt dii, eisq; Lycaonij immo-  
 lare victimas voluerūt, quod à se humili pietate remouētes, eisq;  
 in quem crederent, annunciauerunt Deum.

Apocal.  
 19. & 22.

Act. 14.

Idē cōtra  
 aduer. le.

ET alibi refellens Manichæos, sacrificiū visibile reprobātes: De  
 sacri-



sacrificio (inquit) iste valdè nihil sapit: & ideò fallitur, quia iam sacrificia talia non offert Dei populus Deo, posteaquàm venit vnicum sacrificium, cuius vmbre fuerunt illa omnia, non hoc improbantia, sed hoc significàtia. Sicut enim res vna multis locutionibus & multis linguis significari potest: sic vnum verum & singulare sacrificium, multis est antea sacrificiorum significatum figuris. De quibus singulis hìc disputare quàm sit longum, videtis. Vnum tamen sciant insipientes, tardi ad intelligendum, & precipites ad reprehendendum, quod demon sibi sacrificium nõ exigeret, nisi Deo vero deberi sciret. Falsus enim Deus sic se vult honorari ab eis quos decipit, quomodo verus Deus honoratur ab eis quibus consulit. Et maximè sacrificium est, quod precipuè debetur Deo. Nam obsequia cetera, quæ diuinitati exhibentur, ausi sunt sibi etià superbiè fastu homines arrogare. Rarissimi autem commemorantur, qui sibi vt sacrificaretur, cum regia potestate possent, ausi fuerint imperare. Quicumque tamè ausi sunt, per hoc se deos haberi voluerunt.

A c paulò pòst: Quod est aut sacratius laudis sacrificium, quàm in actione gratiarum? Et vnde maiores agenda sunt Deo gratiæ, quàm pro ipsius gratia per Iesum Christum Dñm nostrum? Quod totum fideles in Ecclesiæ sacrificio fieri sciunt, cuius vmbre fuerunt omnia priorum genera sacrificiorum.

Ad sacrificij oblationem, templa, altaria, sacerdotia  
soli Deo instituta.

Hoc sanè (inquit) nec in ista breuitate ptereundum est, quod templum, sacerdotè, sacrificiũ, & alia quæcũque ad hæc pertinetia, nisi vni vero Deo deberi nõssent dii falsi, hoc est, dæmones, qui sunt puaricatores angeli, nõquàm hæc sibi à cultoribus suis quos decipiunt, expectissent. Verum hæc cum exhibetur Deo secundum eius inspirationem atque doctrinam, vera religio est: cum autem demonibus secundum eorum impiam superbiã, noxia superstitio. Quapropter qui Christianas literas vtriusque testamèti sciunt, non hoc culpant in sacrilegis ritibus  
Paga-

Idem E.  
pist. 49. ad  
Deogr

Paganorum, quòd instruant templa, & instituunt sacerdotia, & faciunt sacrificia, sed quòd hæc idolis & demonijs exhibeant.

Idē de ci-  
uit Dei  
li. 7. c. 27.

ET alibi: Si templo, si sacerdote, si sacrificio, quod Deo vero debetur, colatur aliquod elementum mūdi, vel creatus aliquis spiritus, etiam si non immundus & malus, non ideò est malum, quia illa mala sunt quibus colitur: sed quia illa sunt talia, quibus solus ille colendus sit, cui talis cultus seruitusq; debetur.

Idem cōt.  
Faust. Ma-  
nich. lo-  
co cit.

R V R S V M alio loco: Et tamen volo, mihi dicatis, vndè ista omnia, quæ laudatis in vobis, his nominibus appelletis, vt dicatis templum, aram, sacrificium. Si enim vero Deo ista vera non debentur, cur laudabiliter in vera religione prædicantur? Si autem Deo vero verum sacrificium ritè debetur, vndè etiam diuini honores rectè appellantur: cetera quæ dicuntur sacrificia, ad similitudinem fiunt cuiusdam veri sacrificij.

Basilicæ item in honorem martyrum, sed Deo fabricatæ.

Eo. li. c. 21.

POPVLVS (inquit) Christianus, memorias martyrum religiosa solennitate concelebrat, & ad excitandam imitationem, & vt meritis eorum consocietur, atque orationibus adiuuetur: ita tamē, vt nulli martyrum, sed ipsi Deo martyrum, quantum in memorias martyrum, constituamus altaria. Quis enim antistitum, in locis sanctorum corporum assisens altari, aliquandò dixit, Offerimus tibi Petre, aut Paule, aut Cypriane? sed quod offertur, offertur Deo, qui martyres coronauit, apud memorias eorum quos coronauit, vt ex ipsorum locorum admonitione maior affectus exurgat, ad acundam charitatem, & in illos quos imitari possumus, & in illum quo adiuuante possumus. Colimus ergò martyres eo cultu dilectionis & societatis, quo & in hac vita coluntur sancti homines Dei, quorū cor ad talem pro euangelica veritate passionem paratum esse sentimus. Sed illos tanto deuotiùs, quanto securiùs post incerta omnia superata: quanto etiam fidentiore laude prædicamus, iam in vita feli-



feliciore victores, quàm in ista adhuc vsque pugnantes. At illo cultu, quæ Græcè Iatria dicitur, Latinè vno verbo dici non potest, cum sit quædam propriè diuinitati debita seruitus, nec colimus, nec colendum docemus, nisi vnum Deum. Cum autem ad hunc cultum pertineat oblatio sacrificij, vndè idololatria dicitur eorū, qui hoc etiam idolis exhibent: nullo modo tale aliquid offerimus, aut offerendum præcipimus, vel cuiquam martyri, vel cuiquam sanctæ animæ, vel cuiquam angelo: & quisquis in hunc errorem delabitur, corripitur per sanam doctrinam, siue vt corrigatur, siue vt caueatur. Ipsi enim sancti, vel homines, vel angeli, exhiberi sibi nolūt, quod vni Deo deberi nōrunt. Apparuit hoc in Paulo & Barnaba, Actor. 14.  
\* cis  
 cum cōiūcti miraculis, quæ per eos facta sunt, Lycaonij, \* tāquàm dijs immolare voluērūt: cōscisis em̄ vestimētis suis, cōsitētes & persuadētes se deos nō esse, ista sibi fieri vetuerūt. Apparuit & in angelis, sicut in Apocalypsi legimus, angelum se adorari prohibentem, Apocal.  
19. & 22.  
 ac dicentē adoratori suo: Cōseruus tuus sum & fratru tuorū. Ista sibi planè superbi spiritus exigūt, diaboli & angeli eius, sicut per omnia templa & sacra gētilium. Quorū similitudo in quibusdā etiam superbis hominib⁹ expressa est, sicut de Babylonix quibusdā regibus memorię commēdatū tenemus, Vndè S. Daniel accusatores ac Dan. 4.  
 persecutores pertulit, q̄ regis edicto proposito, vt nihil à quoquā deo peteretur, nisi à rege solo, Deū suum, hoc est, vnū & verum deum, adorare deprecariq; deprehensus est. Qui autē se in memorijs martyrum inebriāt, quomodò à nobis approbari possunt, cum eos, etiam si in domibus suis id faciāt, sana doctrina cōdemnet? Sed aliud est, quod docemus: aliud, quod sustinemus: aliud, quod præcipere iubemur: aliud, quod emendare præcipimur: & donc̄ emendemus, tolerare compellimur. Alia est disciplina Christianorum, alia luxuria vinolentorū, vel error infirmorū. Veruntamē & in hoc ipso distant plurimū culpæ vinolentorū, & sacrilegorum. Longè quippe minoris peccati est, ebrium redire à martyribus, q̄ vel ieiun-

T t t

num

num sacrificare martyribus. Sacrificare martyribus, dixi: non dixi, sacrificare Deo in memorijs martyrum, quod frequentissimè facimus, illo duntaxat ritu, quo sibi sacrificari noui testamenti manifestatione praecepit: quod pertinet ad illum cultum, quæ latria dicitur, & vni Deo debetur.

Idē de ci.  
uit. Dei  
li. 8. c. 27.

ALIO item loco: Nec tamen nos (inquit) eisdem martyribus templa, sacerdotia, sacra, & sacrificia constituimus: quoniam non ipsi, sed Deus eorum nobis est Deus. Honoramus sanè memorias eorū, tanquā sanctorum hoīm Dei, qui vsq; ad mortem suorum corporū pro veritate certârūt, vt innotesceret vera religio, falsis religionibus fictisq; conuictis: quod etiam si qui antea sentiebant, timendo reprimebant. Quis autē audiuit aliquandō fideiū stantem sacerdotē ad altare, etiam super sanctū corpus martyris, ad Dei honorē cultumq; constructū, dicere in precibus: Offero tibi sacrificiū Petre, vel Paule, vel Cypriane, cū apud eorum memorias offeratur Deo, qui eos & homines, & martyres fecit, & sanctis suis angelis cēlesti honore sociavit: vteā celebritate & Deo vero de illorū victorijs gratias agamus, & nos ad imitationem talium coronarū atq; palmarū, eodem inuocato in auxilium, ex eorū memoriæ renouatione adhortemur? Quæcunq; igitur adhibetur religiosorum obsequia in martyri locis, ornāmēta sunt memoriarū, nō sacra vel sacrificia mortuorū, tanq̃ deorū. Quicunq; etiā epulas suas eō deferūt, quod qdem à Christianis melioribus nō fit, & in plerisq; terrarū nulla talis est cōsuetudo: tñ quicunq; id faciūt, quas cū appo- fuerint, orāt, & auferūt, vt vescantur: vel ex eis etiā indigētibus largiantur, sanctificari ibi eas volūt per merita in nomine Dñi martyrum. Non autē ista esse sacrificia martyrum nouit, qui nouit vnū quod Deo illic offertur, sacrificium Christianorum.

Ibid. lib.  
21. c. 10.

Et postea in eodem opere: Nos autem martyribus nostris non templa sicut dijs, sed memorias sicut hominibus mortuis, quorum apud Deum viuunt spiritus, fabricamus: nec ibi erigimus altaria, in qui-



in quibus sacrificemus martyribus, sed vni Deo, & martyrum, & nostro, sacrificium immolamus: ad quod sacrificium, sicut homines Dei, qui mundum in eius confessione vicerunt, suo loco & ordine nominantur: non tamen à sacerdote, qui sacrificat, inuocantur. Deo quippe, non ipsis sacrificat, quanuis in memoria sacrificet eorum: quia Dei sacerdos est, non illorum. Ipsum verò sacrificium, corpus est Christi, quod non offertur ipsis, quia hoc sunt & ipsi.

Consecrata iam tum illa omnia signo crucis.

CRVCIS (inquit) caractere basilicæ dedicantur, altaria consecrantur, altaris sacramenta cum interpositione Dominicorum verborum conficiuntur: sacerdotes & Leuitæ per hoc idem signum ad sacros ordines promouentur. Et vniuersaliter omnia Ecclesiastica sacramenta, in huius virtute perficiuntur.

Idē serm.  
19. de sacram.  
entis.

Etiam reliquijs insignita.

ACCEPERAT autē (inquit) ab amico suo terram sanctam, de Hierosolymis allatam, ubi sepultus Christus, die tertio resurrexit: eamque suspenderat in cubiculo suo, ne quid mali etiam ipse pateretur. At ubi domus eius ab illa infestatione purgata est, quid de illa terra fieret, cogitabat: quam diutius in cubiculo suo reuerentiæ causa habere nolebat. Fortè accidit, ut ego & collega tunc meus Episcopus Synicēsis Ecclesiæ Maximinus, in proximo essemus: ut veniremus, rogauit: & venimus. Cumque nobis omnia retulisset, etiam hoc petiuit, ut infoderetur alicubi, atque ibi orationū locus fieret: ubi etiam possent Christiani, ad celebranda, quæ Dei sunt, congregari. Nō restitimus, factum est. Erat ibi iuuenis paralyticus rusticanus, qui hoc audito, petiuit à parentibus suis, ut illum ad eum locum sanctum non cunctanter afferrent. Quò cum fuisset allatus, orauit: atque inde continuò pedibus suis saluus abscessit.

Idē de ci.  
uit. Dei  
1.22. c.8.

In usum quoque celebrandorum sacramentorum vasa consecrata.

T t t 2 S E D -

Idem in  
Psal. 113.  
Concil. 2. SEDENIM (inquit) & nos pleraque instrumenta & vasa ex huiusmodi materia vel metallo habemus in vsum celebrandorū sacramentorum, quæ ipso ministerio consecrata, sancta dicuntur in eius honore, cui pro salute nostra indè seruitur. Et sunt pfectò etiam ista instrumenta vel vasa, quid aliud, quàm opera manuum hominum? Veruntamen nunquid os habent, & non loquentur? Nunquid oculos habet, & non videbūt? Nunquid eis supplicamus, quia per ea supplicamus Deo?

Sacrificia quotidiana in Africa.

Idē de ci-  
uit Dei  
I. 10. c. 20. CHRISTVS (inquit) sacerdos est, ipse offerens, ipse & oblatio. Cuius rei sacramentū quotidianum esse voluit Ecclesiæ sacrificiū, cū ipsius corporis ipse sit caput, & ipsius capitis ipsa sit corpus, tā ipsa per ipsum, quàm ipse per ipsam suetus offerri. Huius veri sacrificij multiplicia variaq; signa, erant sacrificia prisca sanctorum, cū hoc vnū per multa figuraretur, tanquàm verbis multis res vna diceretur, vt sine fastidio multū commēdaretur. Huic summo veroq; sacrificio, cuncta sacrificia falsa cesserunt.

Idē ep. 36. ET rursū: Sacrificiū laudis ab Ecclesia toto orbe \* diffusum, diebus omnibus immolatur.

Alibi Sabbato tantū & Dominico diebus, vel dominico tantū.

Idē epist.  
118. ad Ianuar. ca. 2. ALII (inquit) quotidie communicant corpori & sanguini Dominico, alij certis diebus accipiunt. Alibi nullus dies intermittitur, quo non offeratur: Alibi Sabbato tantū & Dominico, alibi tantū Dominico.

Populi conuentus ad sacrificia.

Idē ferm.  
254. de tempore.  
Idem ad Ianuar. epist. cit. cap. 18. IN cōgregatiōe (inquit) Christiana quātūm pertinet ad participationē & cōmunionē sacramētorū, multiplicati sunt sup numerū. ET alibi: Quando autem nō est tempus, quum in Ecclesia fratres congregantur, sancta cantandi? &c. vt infra latiūs de psalmorū & hymnorum cantu.

EODEM



EODEM & illud pertinet: Quærenti peregrino, ubi ad Catholicam conueniatur: nullus hæreticorum vel basilicam suam, vel locum audebit ostendere.

Idem cõt.  
epist. Ma-  
nich. c. 4.

ITEM illud: Dies anniuersarius Ordinationis domini senis Aurelij craftinus illucescit, rogat & admonet per humilitatem meam charitatem vestram, vt ad basilicam Fauſti deuotiſſimè venire dignemini.

Idē ſerm.  
33. de ver-  
bis Domi-  
ni ſecundū  
Lucam.

In eo pars certa ſceminis deputata.

CARTHAGINE (inquit) Innocentia religioſiſ. ſcēmina in mamilla cancrum habebat. Admonetur in ſomnis appropinquāte Paſcha, vt in parte ſcēminarum, obſeruanti ad baptiſterium, quæcunque illi baptizata primitus occuriſſet, ſignaret ei locum ſigno crucis Chriſti: fecit, & conſeſtim ſanitas ſecuta eſt.

Idem de  
ciuit. Dei  
l. 22. c. 8.

Stationes Dominicis diebus, & Paſchali tempore.

PROPTER hoc (inquit) ieiunia relaxamus, & ſtantes oramus, quod eſt ſignum reſurrexionis. Vndè etiam omnibus diebus Dominicis ad altare id obſeruatur.

Idē epist.  
119. ad Ia-  
nuar. c. 15.

Ac paulopòſt: Vt autem ſtantes in illis diebus & omnibus Dominicis oremus, vtrū vbiq̃ ſeruetur, ignoro: tamen quid in eo ſequatur Eccleſia, dixi, vt potui, & arbitror eſſe manifeſtum.

Ibid. c. 17

Aliàs genuflexio, extenſio manuum, proſtratio, & ſimiles cēremoniæ.

NAM & orantes (inquit) de membris ſui corporis faciūt quod ſupplicantibus congruit, cū genua figunt, cū extēdunt manus, veletiam proſternuntur ſolo, & ſi quid aliud viſibiliter faciunt: quanuis eorum inuiſibilis voluntas, & cordis intentio Deo nota ſit: nec ille indigeat his indiſijs, vt humanus ei pandatur animus: ſed his magis ſeipſum excitat homo ad orandum, gemendumq̃ humilius atq; ſeruentiùs. Et neſcio, quomodò, cū hi motus corporis fieri, niſi motu animi præcedente, non poſſint, eiſdem rursùs exteriùs viſibiliter factis, ille interior inuiſibilis, qui eos fecit, au-

Idem de  
cura pro  
mort. c. 3.

T t t 3 getur:

getur : ac per hoc cordis affectus, qui, vt fierent ista, præcessit, quia facta sunt, crescit.

Oratio Orientem versus.

Idem l. 2. de serm. Domini in monte c. 9. Accommodatissima (inquit) ista similitudo est, vt spiritualiter tantum interesse videatur inter iustos & peccatores, quantum corporaliter inter celum & terram. Cuius rei significanda gratia, cum ad orationes stamus, ad Orientem conuertimur, vnde celum surgit: non tanquam ibi sit Deus, & quasi cæteras mundi partes deseruerit, qui ubique præsens est, non locorum spatijs, sed maiestate potētis: sed vt admoneatur animus ad naturam excellentiorē se cōuertere, id est, ad Dominum, cum ipsum corpus eius quod est terrenum, ad corpus excellentius, id est, ad corpus cæleste conuertitur.

Sacrificij ad altare oblatio.

Idem de ciuit. Dei l. 10. c. 5. Hoc est (inquit) sacrificium Christianorum: multi vnū corpus sumus in Christo: quod etiam sacramēto altaris fidelibus noto frequentat Ecclesia, ubi ei demonstratur, quod in ea oblatione, quam offert, ipsa offeratur.

Idem de Trinit. l. 3. c. 10. Et rursū: Sicut infantes nō nouerūt quod in altari ponitur, & peracta pietatis celebratione cōsumitur, vnde vel quomodo cōficiatur, vnde in vsum religionis assumatur. Et si nunquā discāt experimento vel suo vel aliorum, & nunquā illam speciē rerum videant, nisi inter celebrationes sacramentorum, cum offertur & datur, dicaturq; illis autoritate grauissima, cuius corpus & sanguis sit: nihil aliud credent, nisi omninō in illa specie Dominum oculis apparuisse mortalium, & de latere tali percusso, liquorem illum omninō fluxisse.

Idē epist. ad Calul. 36. H v c: & illud pertinet de Urbico calumniatore: Iste autē qui vetera transisse sic dicit, vt in Christo cederet ara altari, gladius ieiunio, precibus ignis, pani pecus, poculo sanguis, nescit altaris nomē magis legis & prophetarum literis frequentatum, & altare D E O prius in tabernaculo, per Moylen factū esse collocatum: Aram quo-



quoque in Apostolicis literis inueniri, vbi martyres clamant sub ara Dei. Dicit cefsisse ieiunio gladium, nō recordans illū quo milites Euangelici armantur, ex vtroq; testamento gladiū bīs acutū. Dicit cefsisse precibus ignem, quali non & tunc preces deferebantur in templum, & nunc à Christo ignis est missus in mundū. Dicit cefsisse pani pecus, tanquā nesciens, & tunc in Domini mensa panes propositionis poni solere, & nunc se de agni immaculati corpore partem sumere. Dicit cefsisse poculo sanguinem, nō cogitans etiam nunc se accipere in poculo sanguinē. Quanto ergo melius & congruentius vetera transisse, & noua in Christo facta esse sic diceret, vt cederet altare altari, gladius gladio, ignis igni, panis pani, pecus pecori, sanguis sanguini?

**I T E M** illud de Martyrum sepultura sub altari: Videte autē, quem locum martyres apud homines mereantur, qui apud Deum locum sub altario meruerunt. Dicit enim sancta scriptura: *Vidi enim sub ara Dei animas occisorum propter verbum D E I, & propter testimonium I E S V quod habebant. Sub ara, inquit, Dei vidi animas occisorum. Quid reuerentiū, quid honorabiliū dici potest, quā sub illa ara requiescere, in qua D E O sacrificium celebratur, in qua offeruntur hostiæ, in qua Dominus est sacerdos, sicut scriptum est, Tu es sacerdos in æternum secundum ordinem Melchisedech? Rectè sub altario iustorum animæ requiescunt, quia super altare corpus Domini offertur. Nec immeritò illic iusti vindictam sanguinis postulant, vbi etiam pro peccatoribus Christi sanguis effunditur. Conuenienter igitur, & quasi pro quodam consortio ibi martyribus sepultura decreta est, vbi mors Domini quotidie celebratur, sicut ipse ait: Quotiescunquē hæc feceritis, mortem meam annuntiabitis donèc veniam: scilicet vt qui propter mortem eius mortui fuerant, sub sacramenti eius mysterio requiescant. Non immeritò, inquam, consortio quodam illic occisis tumulus constituitur, vbi occisionis Dominicę mem-*

*Idē ferm.  
11. de san-  
ctis.  
Apoc. 6.*

*1. sal. 109.*

*1. Cor. 11.*

membra ponuntur, ut quos cum Christo vnius passionis causa deuinxerat, vnius etiam loci religio copularet.

Id quod; intus, populo foris existente.

Idem l. 1. **POPVLVS** autem, inquit, cuius ille sacerdos est, adhuc foris  
cōt. epist. gemit. Nam cum Episcopus solus intus est, populus & orat cum  
Parm. c. 7. illo, & quasi subscribens, ad eius verba respondet, Amen.

Idem l. de **EODEM** pertinere videtur illud eiusdem de verbis illis, Sur-  
bon vi. sum corda, & quæ sequuntur: Hæc verba, vnde sint, intus, qua fan-  
duit, c. 16. ctione & quanta sanctitate commendentur, agnoscis.

Psalmorum & hymnorum cantus.

Idem lib. **INTER** hæc Hilarius quidam (inquit librum suum citans cō-  
retract. 2. tra eundem scriptum, qui hodiè desideratur) vir Tribunitius lai-  
c. 21. cus catholicus, nescio vnde aduersus Dei ministros, ut fieri asso-  
let, irritatus, morem, qui tunc esse apud Carthaginem coeperat, ut  
hymni ad altare dicerentur de psalmorum libro, siue ante oblati-  
onem, siue cum distribueretur populo quod fuisset oblatum, ma-  
ledica reprehensione, ubicunque poterat, lacerabat, asserens fie-  
ri non oportere. Huic respondi iubentibus fratribus, & vocabatur  
liber ipse, contra Hilarium. Hic liber sic incipit, Qui dicunt mē-  
tionem.

Idē epist. **ET** latius alibi: Sine dubio (inquit) faciendum est, maximè  
119. ad la. illud quod scripturis defendi potest, sicut de hymnis & psalmis  
nuar. c. 18. canendis, cum & ipsius Domini, & Apostolorum habeamus do-  
& 19. cumenta & exempla & præcepta de hac re tam vtilia. Admouen-  
dum piè animum, & accendendum diuinæ lectionis affectum, va-  
ria consuetudo est, & pleraque in Africa Ecclesiæ membra pigrio-  
ra sunt: ita ut Donatistæ nos reprehendant, quod sobriè psalli-  
mus in Ecclesia diuina cantica Prophetarum, cum ipsi ebrietates  
suas ad canticum psalmorum humano ingenio compositorum,  
quasi tubas exhortationis inflamment.

Kyrie eleison, siue, Domine miserere.

SICVT



SIC VT enim (inquit sub finem collationis cum Pascétio Ar-  
 riano) Græca lingua, quod est homouſion, vna dicitur vel creditur  
 à fidelibus Trinitatis omninò ſubſtantia, ſic vna rogatur, vt miſe-  
 reatur, à cunctis Latinis & Barbaris vnius Dei natura, vt à laudi-  
 bus Dei vnius nec ipſa lingua barbara ſit, vt Latinis, aliena. Latinè  
 enim dicitur, Domine miſerere.

Episcopi proceſſio.

INDE (inquit, miraculum narrans factum ante cancellos mar-  
 tyris D. Stephani) ad me curritur, vbi ſedebam iam proceſſurus.

Idem de  
 ciuit. Dei  
 1. 22. c. 8.

A c paulopòſt: Procedimus ad populum. plena erat Eccleſia.

Eiuſdem ſalutatio populi.

SALVTAVI (inquit) populum.

Ibid.

Scripturarum diuinarum lectio.

FACTO tandè (inquit) ſilètio, ſcripturarū ſunt lecta diuina ſolènia.

Ibid.

ET alibi: Interceſſerunt, (inquit) vt intermitteremus textum  
 huius Epiſtolæ, quædam pro diebus feſtis ſolennia lectionū, quæ  
 non potuerunt niſi legi, & ipſa tractari.

Idē tract.  
 9. in epiſt.  
 Ioannis.

Prophetica nempe lectio.

LECTIONES (inquit) diuinorum eloquiorum, quum recitarètur,  
 audiuiſimus. Lectio prima prophetica, quid nobis commendauerit,  
 me commemorante, recolite.

Idē ſerm.  
 236. de  
 tempore.

Apoſtolica lectio, Pſalmus, Euangelium.

Apoſtolum audiuiſimus, Pſalmum audiuiſimus, Euangelium au-  
 diuiſimus: conſonant omnes diuinę lectiones.

Idē ſerm.  
 7. de verb.  
 Apoſt.

ET latiùs alio loco: Primam lectionem audiuiſimus Apoſtoli:  
 Fidelis ſermo & omni acceptiõe dignus, quia Chriſtus Ieſus venit  
 in mundum peccatores ſaluos facere, quorum primus ego ſum. Sed  
 ideò miſericordiam conſecutus ſum, vt in me oſtenderet Chriſtus  
 Ieſus omnem longanimitatem ſuam, ad informationem eorū qui  
 credituri ſunt illi in vitam æternam. Hoc de Apoſtolica lectione  
 percepimus. Deindè cantauimus pſalmum, exhortantes nos inui.

Ibidem  
 ſerm. 10.  
 1. Tim. 1.

Pſal. 94.

V v v cèm,

Luc. 17. cèm, vna voce, vno corde dicentes: Venite, adoremus & prosternamur ei, & fleamus corā Domino qui fecit nos, & ibi pręueniamus faciē eius in confessione, & in Psalmis iubilemus ei. Post hæc Euāgelica lectio, decem leprosos mundatos nobis ostendit, & vnum ex eis alienigenam, gratias agētem mundatori suo. Has tres lectiones, quantum pro tempore possumus, pertractemus.

Idem de verb. Domini, secund. Luc. cā ser. 33. Psal. 79. A L I B I quoquē: Lectiones sanctę propositę sunt, & quas audiamus, & de quibus aliquid sermonis, adiuuante Domino, proficimus. In lectione Apostolica gratię aguntur Deo de fide gentiū, utiquē idēd, quia ipse fecit. In Psalmo diximus, Deus virtutū, conuertere nos, & ostēde faciē tuā, & salui erimus. In Euāgelio ad cēnā

Idem serm. 49. de tēpore. vocati sumus, immō alij vocati, nos non vocati, sed ducti: nō solū ducti, sed etiam coacti. Sedenim audiuius, quia homo fecit cēnā magnam. Et rursūm: Diuinę lectiones omnes itā sibi connectuntur, tanquā vna sit lectio, quia omnes ex vno ore procedūt. Audiuius Apostolicam lectionem, & fortē aliquē moueat quod ibi scriptum est: Secundū iustitiā quę ex lege est, qui fuerim sine querela. Audi Psalmum interiora dicentem: Tibi soli peccaui. Audistis & Euangelium istis lectionibus concordare: Volūtas (inquit) patris est, ut quę dedit mihi, non pereant.

Alleluia Dominicis diebus & Paschali tempore. Idē epist. 19. ad Iac. nuar. c. 17. Vt autem (inquit) alleluia, per illos solos dies quinquaginta in Ecclesia canteretur, non vsq; quaquē obseruatur. Nam & in alijs diebus varię cantantur alibi, ipsis autem diebus vbiquē.

Ibid. c. 15. S V A E verō Ecclesię consuetudinē explicans: Omnibus, inquit, diebus Dominicis Alleluia canitur, quod significat actionē nostrā futuram non esse nisi laudare Deum, sicut scriptū est: Beati qui habitant in domo tua Domine, in secula seculorum laudabunt te.

Idem epist. 86. ad Casul. E T alibi: Quibus (inquit) tantum modō diebus in multis Ecclesijs, in omnibus autem maximē cantatur alleluia, quam vocē laudis esse nullus Christianus, quālibet imperitus, ignorat.

E o-



EODEM pertinet illud: Est enim Alleluia, & bis Alleluia, quod nobis cantare certo tempore solenniter moris est, secundum Ecclesiae antiquam traditionem. Neque enim & hoc sine sacramento certis diebus cantamus alleluia. Certis quidem diebus cantamus alleluia, sed omni die cogitamus.

Idem in  
Psal. 106.

ITEM illud: Videamus fratres, si his diebus per totum orbem terrarum frustra dicatur Amen, & Alleluia.

Idem in  
Psal. 21.

Euangeliorum certae quibusque festis diebus

Lectiones.

MEMINIT (inquit) sanctitas vestra, Euangelium secundum Ioannem, ex ordine lectionum nos solere tractare. Sed quia nunc interposita est solennitas sanctorum dierum, quibus certas ex Euangelio Lectiones oportet in Ecclesia recitari, quae ita sunt annuae, ut aliae esse non possint: ordo ille quem susceperamus, necessitate paululum intermissus est, non omissus.

Idem prol.  
in Epist. 1.  
Ioan.

Et expressius alio loco: Resurrectio Domini nostri Iesu Christi, & hodie recitata est: sed de altero libro Euangelij, qui est secundum Lucam, Primum enim lecta est secundum Matthaeum: hesternum autem die secundum Marcum: hodie secundum Lucam. Sic habet ordo Euangelistarum. Sicut enim passio ipsius ex omnibus Euangelistis conscripta est, sic dies isti septem vel octo durant spatium, ut secundum omnes Euangelistas resurrectio recitetur. Passio autem quia uno die legitur, non solet legi nisi secundum Matthaeum. Volueram aliquando, ut per singulos annos secundum omnes Euangelistas etiam passio legeretur: factum est: non audierunt homines quod consueuerunt, & perturbati sunt.

Idem  
serm. 144.  
de tempore.  
Matt. 28.  
Marc. 16.  
Luc. 24.

Sermo ad populum in Exedra.

VBI autem (inquit) ventum est ad sermonis mei locum, dixi pauca pro tempore, & pro illius iocunditate laetitiae.

Idem de  
ciuit. Dei  
1, 22. c. 8.

Ac paulo post: Sequenti itaque die, post sermonem redditum, narrationis libellum in crastinum diem populo recitandum promisi. Quod cum ex Domino Paschae die tertio fieret, in gradibus Exedrae, in qua

V V V 2 de

de superiore loquebar loco, feci stare ambos fratres, cum eorū legeretur libellus.

Post sermonem, Catechumenorum dimissio.

Idē serm.  
227. de tē.  
pore.

Idē tract.  
96. in Iōā.

POST sermonem (inquit) Missa fit Catechumenis: Manebunt fideles, venietur ad locum orationis.

C A V S A M verò explicat alibi: Etsi Catechumenis fideiū sacramenta nō produntur, nō ideò fit, quòd ea ferre non possunt, sed vt ab eis tāto ardētius cōcupiscātur, quāto eis honorabilius occultant̃.

Oblationes fidelium.

Idem  
Epist. 187.

O B L A T I O verò (inquit ad Bonifaciū comitē, qui quēdam ab Ecclesia rapuerat) domūs tuæ, à clericis nē suscipiatur, indixi: Cōmunionemq; tibi interdico, donèc peracta pro ausibus vel errore à me definita tibi met pœnitentia, & tempore condonato, pro hoc factō, corde contrito & humiliato, dignū offeras sacrificiū neo.

Idem  
Epist. 122.

E T alibi: Ora Deum pro eis (loquitur de captiuis virginibus apud Barbaros) & roga, vt etiam ipsas doceat talia dicere, qualia suprà memoratus sanctus Azarias, inter cætera in oratione & cōfessione sua fudit ad Deum. Sic enim sunt illæ in terra captiuitatis suæ, quo modo erant illi in ea terra, vbi nec sacrificare more suo poterant Domino, sicut nec istæ possunt, vel ferre oblationem ad altare

Daniel. 3.

Dei, vel inuenire ibi sacerdotem, per quem offerant Deo. Donet ergò eis Dominus, vt ei dicant, quòd Azarias dixit in consequentibus precum suarum: Non est in hoc tempore princeps & Propheta & dux, non holocausta, neq; oblatio, neq; supplicationes, nec locus ad sacrificandum in conspectu tuo.

Agendi ordo, quem vniuersa seruat Ecclesia.

Idē epist.  
118. ad las  
nuar. c. 6.  
1. Cor. 11.

V N D E intelligi datur, (inquit explicans illud Apostoli: Cetera, quū venero, disponā) quia multū erat, vt in Epistola totum illum agēdi ordinem insinuaret, quem vniuersa per orbē seruat Ecclesia, ab ipso ordinatum esse, quod nulla morum diuersitate variatur.

Communis oratio, voce Diaconi indicta.

H v c



H v c pertinet illud supracitatum : Aut communis oratio voce Diaconi indicitur. Idē epist.  
119. ad Ia-  
nuar. c. 18.

Antistitum clara voce deprecatio.

H v c quoque illud eiusdem loci : Aut antistites clara voce deprecantur.

Precationes ante consecrationem.

PRECATIONES (inquit, loco etiam longè supracitato, de Idē epist.  
59. ad  
Paul. q. 5. Apostolorū sacrificio) accipiamus dictas, quas facimus, antequam illud quod est in Domini mensa, incipiat benedici.

Exhortationes ad populum, & Orationes pro infidelibus, catechumenis, & fidelibus.

D I C ergò (inquit ad Vitalem fautorem Pelagianorum) aper. Idē epist.  
106. tissimè, nos pro ijs, quibus Euangelium prædicamus, non debere orare, vt credant, sed eis tantummodò prædicare. Exerce cōtra orationes Ecclesiæ disputationes tuas, & quādo audis sacerdotem Dei ad altare exhortantē populum Dei, ora pro incredulis, vt eos Deus conuertat ad fidem : & pro catechumenis, vt eis desiderium regenerationis inspiret, & pro fidelibus, vt in eo quod esse cœperunt, eius munere, perseuerent : subfanna pias voces, & dic te non facere quod hortatur, id est, Deū pro infidelibus, vt eos fideles faciat, non rogare, eò quòd nō sint ista diuinæ miserationis beneficia, sed humanæ beneficia voluntatis.

A c sub finem eiusdem epistolæ: Nunquid & orare prohibetis Ibidem. Ecclesiam pro infidelibus, vt sint fideles, pro ijs qui nolunt credere, pro ijs qui ab eius lege doctrinaque dissentiant, vt legi eius doctrinæque consentiant, vt det illis Deus quod per prophetam promisit, cor cognoscendi eum, & aures audiendi, quas utique acceperant, de quibus Saluator ipse dicebat: Qui habet aures audiendi, audiat?

E τ paulò pōst : Si autem, quod magis credo, sentis atque consentis, orare nos Deum debere ac solere pro nolentibus credere, vt

V v v 3      velint

velint credere: & pro eis qui aduersantur & contradicunt legi eius atq; doctrinæ, vt ei credant atq; sectentur.

Idem de  
bon. per-  
seu. c. 22.

ALIBI quoq; Atq; vtinam tardi corde & infirmi, qui nō possunt, nec nondū possunt, scripturas vel earū expositiones intelligere, sic audirent, vel non audirent in hac quæstione disputationes nostras, vt magis intuerentur orationes suas, quas semper habuit & habebit Ecclesia ab exordijs suis, donēc finiatur hoc seculū. De hac em̄ re, quā nunc aduersus nouos hæreticos, non commemorare tantū, sed planē tueri & defensare compellimur: nūquā tacuit in precibus suis, etsi aliquandō in sermonibus exerēdam, nullo urgente aduersario, putauit. Quandō em̄ non oratum est in Ecclesia pro infidelibus atq; inimicis eius, vt crederent?

Idem  
hæret. 88.

R V R S V M de ipsis Pelagianis agens: Destruunt etiam orationes quas facit Ecclesia, siue pro infidelibus & doctrinæ Dei resistentibus, vt conuertantur ad Deum: siue pro fidelibus, vt augeatur eis fides, & perseuerent in \* eo.

\* ca.

Responsio Amen.

Idē epist.  
iam cit.

N V N Q V I D vbi audiēritis, sacerdotem Dei ad eius altare populum hortantem ad Deū orandum, vel ipsum clara voce orantem, vt incredulas gentes ad fidem suam venire compellat, non respondetis, Amen?

Idem de  
bon. per-  
seu ca. 23.

E T alibi: Aut quis sacerdotem super fideles Dñm inuocātem, si quandō dixit, Da illis Dñe in te perseuerare vsq; in finem: non solum voce ausus est, sed saltem cogitatione reprehendere, ac non potius super eius talem benedictionem, & corde credēte, & ore cōfistente respondit, Amen?

Adhortatio, Sursūm corda: Responsio, Habemus ad  
Dominum.

Idē lib. de  
ver. reli-  
g. ca. 3.

S I (inquit) per Vrbes & Castella, vicos & agros etiam villasque priuatas, intantū apertē persuadetur & appetitur à terrenis auersio, & in vnū Deū verumq; conuersio, vt quotidie per vniuersum orbem



orbem humanum genus vna penè voce respódeat, fursùm corda se habere ad Dñm : quid adhuc oscitamus crapulam hesternam, & in mortuis pecudibus diuina eloquia perscrutamur?

**A**c alio loco: Vt anima Christiana non frustrà audiat, Sursùm cor, nec frustrà respondeat se habere ad Dominum.

Idē epist.  
156. ad  
Probam.

**E**t rursùm : Et illud quod inter sacra mysteria cor habere fursùm iubemur, ipso adiuuante id valemus, quo iubente admonemur.

Idem de  
bon. vi  
dui. c. 16.

**I**TERVM alibi: Quòd ergò in sacramentis fidelium dicitur, vt corda fursùm habeamus ad Dñm, munus est Domini.

Idem de  
bon. per  
seu. ca. 13.

**T**RACTANS etiā illud Psalmi, Quoniam ad te Dñe animam meam leuauit: Certè (inquit) rectè admonet membra sua, vt fursùm corda habeant. Audiant ergò, & faciant: leuent ad cælum, quod malè est in terra. Ibi enim non putrescit cor, si leuetur ad Deum.

Idem in  
Psal. 85.

**A**LLVDIT eodè & illud eiusdem: Quum ad illum fursùm est, eius est altare cor nostrum, eius vnigenito cum sacerdote placamur.

Idē de ei  
uit Dei  
li. 10. c. 4.

Adhort. Gratias agamus Domino Deo nostro. Resp.

Dignum & iustum est.

**E**t ideò (loco citato de bon. viduit.) sequitur, vt de hoc tanto bono fursùm leuati cordis, nō nobis gloriam, quasi \* nostrarū vi-  
rium tribuamus, sed Domino Deo nostro gratias agamus.

Idem de  
bon. vi  
dui. c. 16.

**L**ATVS idipsum habet cit. c. de bon. per se. De quo (inquit) munere ipsi Dño Deo nostro gratias agere, à sacerdote post hanc vocem, qbus hoc dicitur, admonetur, & dignū & iustū esse respondent. Cū enī non sit in nostra potestate cor nostrum, sed diuino subleuetur auxilio, vt ascēdat, & quæ fursùm sunt sapiat, vbi Christus est in dextera Dei sedēs, non quæ super terram: cui de hac tāta re agenda sunt gratiæ, nisi hoc faciēti Domino Deo nostro, q nos per tale beneficiū liberādo, de profundo huius mūdi elegit, & prædestinavit ante constitutionem mundi?

Idem de  
bon. per  
seu. c. cit.

EODEM

Idē epist.  
57. ad Dar-  
danum.  
1. Cor. 10.

EODEM pertinet & illud: Huius corporis vnitas nostro sacri-  
ficio commendatur. Quod breuiter significauit Apostolus, dicēs:  
Vnus panis, vnum corpus multi sumus. Per caput nostrum recon-  
ciliamur DEO, quia in illo est diuinitas vnigeniti facta particeps  
mortalitatis nostræ, vt & nos participes ei⁹ immortalitatis effemus.  
Hoc sacramentum longè est à cordibus sapientium, superborum,  
& idè non Christianorum, ac per hoc nec verè sapientium. Illo-  
rum etiam dico sapiētium, qui cognouerunt Deum, quia cogno-  
scentes Deum, sicut dicit Apostolus, non sicut Deum glorificaue-  
runt, aut gratias egerūt. Nōsti autem, in quo sacrificio dicatur, Gra-  
tias agamus Domino Deo nostro. A cuius sacrificij humilitate lō-  
gè abest typhus & cothurnus illorum.

Idem de  
spir. &  
lit. ca. 11.

ITEM illud: Theosebia, si ad verbi originem Latine expressam  
interpretaretur, Dei cultus dici poterat, qui in hoc maximè consti-  
tutus est, vt anima ei non sit ingrata. Vndè & in ipso verissimo, &  
in singulari sacrificio, Domino DEO nostro agere gratias admo-  
nemur.

Idē epist.  
120. ad  
Honor.  
cap. 19.

ILLVD quoque libri de gratia noui testamenti: Hinc gratias  
agimus Domino Deo nostro, quod est magnum sacramentum in  
sacrificio noui testamenti: quod vbi, & quandò, & quomodò offe-  
ratur, cū fueris baptizatus, inuenies.

Idē serm.  
super illud,  
Cōfiteor tibi  
Domine  
pater.  
Idem E-  
pist. cit.

DENIQV è & illud: Nōrunt fideles, vbi & quandò dicatur,  
Gratias agamus Domino Deo nostro. Quis autem gratias agit, ni-  
sì qui sursū cor habet ad Dominum?

ALLVDIT huc etiam Epist. ad Vitalem supracitata, sub finē:  
Si sentis atque consentis, debere nos etiam Deo agere gratias ac so-  
lere pro talibus, quòd ad fidem eius doctrinamque conuersi, vo-  
lentes ex nolentibus fiant, oportet sine dubitatione fatearis volū-  
tates hoīm Dei gratia præueniri, & vt bonū velint homines quod  
nolebant, Deum facere: qui rogatur vt faciat, & cui nos nouimus  
agere gratias, dignum esse cū fecerit.

Oratio



Oratio pro omnibus, & pro Imperatoribus.

HÆC autem causa (inquit) præcipua fuit ista dicendi, vt his breuiter perstrictis atq; significatis, non putaretur negligendū esse quod sequitur: Pro omnibus hominibus, pro Regibus, & ijs qui in sublimitate sunt.

Idē epist.  
59. ad Paul.  
lin. qu. 5.

Memoria martyrum, & nominum eorundem recitatio.

PERHIBET (inquit) præclarissimum testimonium Ecclesiastica autoritas, in qua fidelibus notum est, quo loco martyres, & quo defunctæ sanctimoniales ad altaris sacramenta recitentur.

Idem de  
sanct. vir.  
gin. c. 45.

QVOD magis explicat in hæc verba: Ideoq; habet Ecclesiastica disciplina, quod fideles nouerunt, cum martyres eo loco recitantur ad altare Dei, ubi non pro ipsis oretur, pro cæteris autem commemoratis defunctis oretur. Iniuria est em̃ pro martyre orare, cuius nos debemus orationibus commendari.

Idem de  
verb.  
apost.  
serm. 17.

ET eisdem penè verbis alibi: Hoc (inquit) beati martyres ardenti dilectione fecerunt, quorum si non inaniter memorias celebramus, atque in conuiuio, quo & ipsi saturati sunt, ad mensam Domini accedimus, oportet vt quemadmodum ipsi, & nos talia præparemus. Ideò quippe ad ipsam mensam non sic eos commemoramus, quemadmodum alios qui in pace requiescunt, vt etiam pro eis oremus, sed magis, vt orēt ipsi pro nobis: vt eorum vestigijs adhæreamus, quia impleuerunt ipsi charitatem, qua Dominus dixit non posse esse maiorem.

Idem in  
Euang.  
Traët. 84.

EODEM & illud pertinet: Ad quod sacrificium, sicut homines Dei, qui mundum in eius confessione vicerunt, suo loco & ordine martyres recitantur.

Idē de ci.  
uit. Dei  
li. 21. c. 10.

Orationes in benedictione siue sanctificatione eius quod oblatum est.

ORATIONES (inquit Epist. citata ad Paulinū Nolanū) dicamus, quū benedicatur & sanctificatur, & ad distribuendū cōminuitur.

Idē epist.  
59. ad  
Paul. qu. 5.

Ac paulò pōst: Ideò in huius sanctificatione & distributionis

Xxx præ-

præparatione, existimo Apostolū iussisse propriè fieri προσευχᾶς, id est, orationes, vel (vt nonnulli minùs peritè interpretati sunt) adorationes: hoc est enim ad votum, quod vsitatiùs in scripturis nuncupatur εὐχῆ.

Signi crucis adhibitio.

Idem tract. 64. in Euāg. Quid est (inquit) quòd omnes nouerunt, signum Crucis, nisi crux Christi? Quod signum nisi adhibeatur siue frontibus credentium, siue ipsi aqua qua regenerantur, siue oleo qua Chrismate vnguntur, siue sacrificio quo aluntur: nihil eorum ritè perficitur. Quomodò ergò per id quod mali faciunt, nihil boni significatur, quandò per crucem Christi, quam fecerūt mali, in celebratione sacramentorum eius bonum nobis omne signatur?

Idē ferm. 181. de tēpore, ca. 3. I T E M ferm. de Vigilia Pētecostes: Elegit verò crucem, quæ seu motu manūs exprimitur, qua & contra inimici versutias munimur. Hoc enim signo crucis consecratur corpus Dominicum, sanctificatur fons baptismatis, initiantur etiā presbyteri & ceteri gradus Ecclesiastici, & omnia quęcunq; sanctificantur, hoc signo Dominicæ crucis cum inuocatione nominis Christi, consecrantur.

Idē ferm. 12. de sanct. E O D E M pertinet illud supracitatū: Crucis charactere altaris Sacramenta cum interpositione Dñicorum verborū, conficiuntur.

Mystica consecratio.

Idem de Trinit. lib. 3. c. 4. P O T V I T tamen (inquit) Apostolus Paulus significando prædicare Dñm Iesum Christū, aliter per linguā suā, aliter per Epistolā, aliter per sacramentū corporis & sanguinis eius. Nec linguam quippe eius, nec membranas, nec atramentū, nec significātes sonos lingua editos, nec signa literarū cōscripta pelliculis, corpus Christi & sanguinē dicimus, sed illud tātū, quod ex fructibus terræ acceptū, & prece mystica consecratū, ritè sumimus ad salutē spiritālē in memoriam pro nobis Dñicæ passionis: Quod cū per manus hoīm ad illam visibilē speciē perducitur, nō significatur vt sit tam magnū sacramentū, nisi operante inuisibiliter spiritu Dei.

E. T.



ET alibi: Cur autem arbitretur Faustns parem nobis esse religionem circa panem & calicem, nescio: cum Manicheis vinum gustare non religio, sed sacrilegium est. In vna enim agnoscunt Deum suum, in cupa nolunt, quasi aliquid eos calcatus & inclusus offenderit. Noster autem panis & calix, non quilibet quasi propter Christum in spicis & in sarmentis ligatum, sicut illi desipiunt, sed certa consecratione mysticus fit nobis, non nascitur. Proinde quod non ita fit, quanuis sit panis & calix, alimentum est refectionis, non sacramentum religionis.

EODEM pertinet illud eiusdem: Precē sacerdotis, verbis & mysterijs Euangelicis confirmatam.

Panis & vini in corpus & sanguinem Domini  
conuersio.

DOMINVS (inquit apud Bedam D. August. in 1. Cor. 10.) Iesus, ab eis quorum oculi tenebantur ne illum agnoscerent, in fractione panis voluit agnosci. Nouerunt fideles, sciunt quid dicam. Nouerunt Christum in fractione panis. Non enim omnis panis, sed accipiens benedictionem, fit Corpus Christi.

QVAE postrema periodus citatur etiam de Consecr. dist. 2. c. Non omnis.

EODEM pertinet & illud lib. Sententiarum D. August. per Prosperum, iuxta quod à Gratiano citatur: Nos autem in specie panis & vini quam videmus, res inuisibiles, id est, carnem & sanguinem honoramus: nec similiter comprehendimus has duas species, quemadmodum ante consecrationem comprehendebamus: cum fideliter fateamur ante consecrationem panem esse & vinum quod natura formauit, post consecrationem verò carnem Christi & sanguinem, quod benedictio consecrauit.

Christi immolatio.

NONNE semel (inquit) Christus immolatus est in seipso, & tamen in sacramento non solum per omnes Paschae solennitates, sed omni die

XXX 2 popu-

53.  
Idē eō.  
Faust. Ma  
nich. lib.  
20. cap. 13.

Beda cō.  
cx Augu.  
ad ca. 10.  
Epist. 1.  
ad Cor.

Gratiam,  
de Con-  
secr. dist.  
2. c. Nos.

Idē epist.  
23. ad  
Bonif.

populis immolatur: nec utiq; mentitur, qui interrogatus, eum responderit immolari? Si enim sacramenta quandam similitudinem earū rerū, quarum sacramēta sunt, non haberēt, omninō sacramenta non essent.

Idē epist.  
86. ad Ca-  
sul.

ET alibi: Sacrificium laudis ab Ecclesia, toto orbe diffusa, diebus omnibus immolatur.

Idē cōtra  
adu. leg.  
& proph.  
1. 1. ca. 20.

ITEM alio loco latiūs: Sanē de apocryphis iste posuit testimonia, quē sub nominibus Apostolorū, Andreæ, Ioannisq; cōscripta sunt. Quæ si illorū essent, recepta essent ab Ecclesia, quæ ab illorū tem-

Psal. 49.

poribus per Episcoporū successiones certissimas, vsq; ad nostra & deinceps tempora perseverat, & immolat Deo in corpore Christi sacrificiū laudis, ex quo Deus deorum locutus, vocavit terrā à solis ortu vsq; ad occasum. Hæc quippe Ecclesia est Israel secūdum spiritū, à quo distinguitur ille Israel secūdum carnē, qui seruiebat in vmbris sacrificiorū, qbus significabatur singulare sacrificium, quod nūc offert Israel secūdum spiritū, cui dictū atq; prædictū est: Audi populus me, & loquar tibi: Israel, & testificabor tibi: & cætera quæ iā suprà cōmemorauī. De huius em̄ domo nō accipit vitulos, neq; de gregib⁹ eius hircos. Iste immolat Deo sacrificiū laudis, nō secūdum ordinē Aaron, sed secūdum ordinē Melchisedech. Quod in Psalmo positū est, quē Dñs Iesus in Euāgelio de se cōscriptum esse testatur, quærēs à Iudæis respondētibus Christū filium esse Dauid, quod solū de illo carnaliter nouerāt, quomodō eum Dauid in spiritu dixerit Dñm. Tunc em̄ huius psalmi cōmemorauit exordiū: Dixit Dñs Dño meo, sede à dextris meis, Donēc ponā inimicos tuos scabellum pedum tuorū. Ibī quippe & hoc dictū est, Iurauit Dñs, & nō pœnitebit eum: tu es sacerdos in æternū secūdum ordinem Melchisedech. Nouerūt qui legūt, quid protulerit Melchisedech, quādō benedixit Abraham. Et qui iam sunt participes eius, vident tale sacrificium nūc offerri Deo toto orbe terrarum.

Idem de  
catacly-  
smo ca. 4.

ET libro seu potiūs sermone de Cataclysmo, tractans illud: Nec relin-



relinquetis quicquam vsque ad manè: Hoc (inquit) nunc agitur. Comeditur enim agnus nunc per noctem huius seculi, vt cùm manè illud venerit, quod vesperum non habebit, non iam offeratur sacrificiũ imaginis agni, sed \* ipsum agnum, quem quotidiè immolamus, comedimus, & cuius sanguinem bibimus.

forſ. \* ipſe  
agnus, quē

Corporis Domini adoratio.

EXPLICANS illud Pſalmi: Et adorate ſcabellum pedum eius, quoniam ſanctum eſt: Quid (inquit) habemus adorare? Scabellum pedum eius. Suppedaneum dicitur ſcabellum. Quod dicunt Græci ὑποπόδιον, dixerunt Latini ſcabellum: & alij dixerunt ſuppedaneum. Sed videte fratres, quid nos iubeat adorare. Alio loco ſcriptura dicit, Cælum mihi ſedes eſt, terra autem ſcabellum pedum meorum. Ergò terram nos iubet adorare, quia dixit alio loco, quòd ſit ſcabellum pedum Dei? Et quomodò adorabimus terram, cùm dicat apertè ſcriptura, Dominũ Deum tuum adorabis: & hic dicit, Adorate ſcabellum pedum eius? Exponens autem mihi, quid ſit ſcabellum pedum eius, dicit: Terra autem ſcabellum pedum meorum. Anceps factus ſum, timeo adorare terram, nè damnet me, qui fecit cælum & terram. Rurſum timeo non adorare ſcabellũ pedum Domini mei, quia Pſalmus mihi dicit: Adorate ſcabellum pedum eius. Quæro, quid ſit ſcabellum pedum eius, & dicit mihi ſcriptura: Terra ſcabellum pedum meorum. Fluctuans, conuerto me ad Chriſtum, quia ipſum \* quæro \* hoc quæ-  
hic, & inuenio, quomodò ſine impietate adoretur terra, ſine im-  
pietate adoretur ſcabellum pedum eius. Suſcepit enim de terra terram, quia caro de terra eſt, & de carne Mariæ carnem accepit. Et quia in ipſa carne hic ambulauit, & ipſam carnem nobis manducandam ad ſalutem dedit: nemo autem iſtam carnem manducat, niſi priùs adorauerit: inuentum eſt, quemadmodum adoretur tale ſcabellum pedum Domini, & non ſolùm non peccemus adorando, ſed peccemus non adorando. Nunquid autem caro vi-

Idem in  
Pſal. 98.

Eſai. 66.

Matth. 5.

Deut. 6.  
Matth. 4.

ro,

X x x 3 uiſicat?

uificat? Ipse Dominus dixit, cum de ipsa commendatione eiusdem terræ loqueretur: Spiritus est qui uiuificat, caro autem nihil prodest. Ideò & ad terram quamlibet cum te inclinas atque prosternis, non quasi terram intuearis, sed illum sanctum, cuius pedum scabellum est quod adoras: propter ipsum enim adoras: ideò & hinc subiecit: Adorate scabellum pedum eius, quoniam sanctum est. Quis sanctus est? In cuius amore adoras scabellum pedum eius. Et cum adoras illum, nè cogitatione remaneas in carne. & à spiritu non uiuificeris.

Idem in  
Psal. 21.  
enarr. 1.

ITEM super illud alterius Psalmi: Manducauerunt & adorauerunt. Manducauerunt (inquit) corpus humilitatis Domini sui etià diuites terræ, nõ sicut pauperes saturati sunt usque ad imitationem, sed tamen adorauerunt.

Idem in  
Psal. 48.  
conc. 1.

ET alio loco hoc ipsum tractans: Quomodo manducabunt pauperes? Edent pauperes, & saturabuntur: Quid edunt? Quod sciunt fideles. Quomodo saturabuntur? Imitando passionem Domini sui, & non sine causa accipiendo precium suum. Edent pauperes, & saturabuntur, & laudabunt Dominum qui requirunt eum. Diuites quid? Etiam ipsi edunt. Sed quomodo edunt? Manducauerunt & adorauerunt omnes diuites terræ. Non dixit, Manducauerunt & saturati sunt: sed, manducauerunt & adorauerunt. Adorant quidem Deum, sed humanitatem nolunt exhibere fraternam. Manducant illi, & adorant: manducant illi, & saturantur, tamen omnes manducant.

Idem epist.  
120. ca. 27.

Psal. 21.

LATIVS verò ad ipsum lib. de gratia noui testameti ad Honoratum, ubi eundem Psalmum pulchrè explicat: Neque enim frustra ita distincti sunt, ut de pauperibus supra diceretur: Edent pauperes, & saturabuntur. Hinc verò, Manducauerunt & adorauerunt omnes diuites terræ. Et ipsi quippe adducti sunt ad mensam Christi, & accipiunt de corpore & sanguine eius: sed adorant tantum, non etiam saturantur, quoniam non imitantur. Manducantes enim pauperem, dedignantur esse pauperes.

1. Pct. 2.

Ac



Ac paulopòst: Sed quia Deus excitauit eum à mortuis, & donauit ei nomen quod est super omne nomen, vt in nomine Iesu Philip. 2. flectatur omne genu cælestium, terrestrium, & infernorum: fama celsitudinis eius, & gloria nominis eius in Ecclesia vsq; quaquè diffusa, permoti, & ipsi veniunt ad mensam, manducant & adorât, non tamen saturantur, quia non esuriunt & sitiunt iustitiam.

Commemoratio mortis, resurrectionis, & ascensionis  
Domini.

D. Augustinum hac de re citat Micrologus in hæc verba: Item ibi: Vndè & memores Domine nos serui tui, quidam Natiuitatē Domini commemorant, cū iuxta Apostolum in eiusmodi sacrificio, non Natiuitatem Domini, sed mortem eius annunciare debemus. Vndè & sanctus Ambrosius in libris Sacramentorū: Quotiescunquè, inquit, offertur sacrificium, mors Domini, resurrectio Domini, ascensio Domini significatur. Quod & S. August. sua attestazione confirmat. Quapropter & nos ibi tantū \* passionis, resurrectionis, & ascensionis commemoramus.

Microlog. de  
Eccl. ob.  
seru. c. 13.

\*passionē,  
resurrecti-  
onem &  
ascensio-  
nem

At q̄y i hoc hodiè quidē reperitur in serm. 28. de verb. Dñi, verū nō aliud est, quā rhapsodia ad verbū descripta ex l. 5. Ambrosij de sacram. c. vlt. desideratur itaq; quod ille citauit.

Memoria defunctorum.

H v c in primis pertinet quædam loca supracitata de memoria sanctorum, quæ indicant, alio loco martyrum, alio defunctorum memoriam fieri.

ITEM, In libris (inquit) Machabæorum legimus oblatum pro mortuis sacrificium. Sed & si nusquā in scripturis veteribus omninò legeretur, non parua est vniuersæ Ecclesiæ, quæ in hac consuetudine claret, autoritas: vbi in precibus sacerdotis, quæ Domino Deo ad eius altare funduntur, locum suum habet etiam commendatio mortuorum.

Idem Au-  
gust. l. de  
cura pro  
mort. c. 1.

Ac

Ibid. c. 4. A C paulopost: Non sunt prætermittendæ supplicationes pro spiritibus mortuorum, quas faciendas pro omnibus in Christiana & Catholica societate defunctis, etiam tacitis nominibus quorūq; sub generali commemoratione suscepit Ecclesia: vt quibus ad ista defunt parentes, aut filij, aut quicunq; cognati, vel amici, ab vna eis exhibeantur pia matre communi.

Idē serm. de verb. Apostoli 34. E T alibi: Orationibus verò sanctæ Ecclesiæ & sacrificio salutari, & eleemosynis quæ pro eorum spiritibus erogantur, non est dubitandum mortuos adiuuari, vt cum eis misericordiùs agatur à Domino, quàm eorum peccata meruerunt. Hoc enim à patribus traditum vniuersa obseruat Ecclesia, vt pro eis qui in corporis & sanguinis Christi communione defuncti sunt, cum ad ipsum sacrificium loco suo commemorantur, oretur, & pro illis quoquē id offerri commemoretur. Cum verò eorum commendandorū causa opera misericordiæ celebratur, quis eis dubitet suffragari, pro quibus orationes Deo non inaniter allegantur?

Idem de ciuit. Dei l. 20. c. 9. R V R S V M alio loco: Neque enim piorum animæ mortuorum separantur ab Ecclesia, quæ etiam nunc est regnum Christi. Alioquin nec ad altare Dei fieret eorum memoria in communione corporis Christi.

Idem Cōfess. l. 9. c. 11. Q V A traditione instructa D. Augustini mater Monica, iam moritura hoc vnum petijt: Ponite corpus hoc vbi cunquē, nihil vos eius cura conturbet. Tantum illud vos rogo, vt ad Domini altare, memineritis meū vbi fueritis.

Ibid. c. 13. Q V O N repetens D. August. Tantummodò (inquit) memoriā suā ad altare tuum fieri desiderauit, cui nullius diei prætermissione seruiērat, vnde sciret dispensari victimam sanctam, qua deletū est chirographum, quod erat contrarium nobis.

A T Q V E adeò eius dicti memor, sic Deum precatur: Inspira Domine Deus meus, inspira seruis tuis fratribus meis, filiis tuis dominis meis, quibus & voce & corde & literis seruiō, vt quot  
quot



quot hæc legerint, meminerint ad altare tuum Monicę famulę tuam, cum Patricio quondam eius coniuge, per quorum carnem introduxisti me in hanc vitam, quemadmodum, nescio. Meminerint cum affectu pio parentum meorum in hac luce transitoria, & fratrum meorum sub te patre in matre catholica, & ciuium meorum in æterna Hierusalem, cui suspirat peregrinatio populi tui ab exitu usque ad reditum: & quod à me illa poposcit extremum, vberiùs ei preestetur in multorum orationibus, tam per confessiones, quàm per orationes meas.

Comminutio ad distribuendum.

HVC pertinet illud supracitatum: Et quum ad distribuendum comminuitur.

ITEM illud ex sententijs D. August. à D. Prospero collectis, citatum à Gratiano: Quum frangitur hostia, dum sanguis de calice in ora fidelium funditur, quid aliud, quàm Dominici corporis in cruce immolatio, eiusque sanguinis de latere effusio designatur?

Deinde Oratio Dominica.

QVAM totam (inquit) petitionem ferè omnis Ecclesia Dominica oratione concludit.

ET alibi: Scitis quò accessuri sumus, quòd priùs dicturi sumus, Dimitte nobis debita nostra.

ITEM alio loco: In Ecclesia enim ad altare Dei quotidie dicitur ista Oratio Dominica, & audiunt istam fideles. Non ergò timeamus nè minùs illam teneatis diligenter, quia etsi quis vestrum non poterit tenere perfecte, audiendo quotidie tenebit.

ET rursùm: Ecce ubi peracta est sanctificatio, dicimus orationem Dominicam, quam accepistis & reddidistis.

Tunso pectoris ad illud eiusdem orationis, Dimitte nobis debita nostra.

SI falsum est, (inquit) vnde quotidie tūdimus pectora? Quod nos quoque Antistites ad altare assistentes, cum omnibus facimus.

Yyy Ac

Idē epist.  
sep̄cit. ad  
Paulin.

Gratian.  
decr. de  
consecr.  
dist. 2. c.  
Cum frā-  
gitur.

August. ad  
Paulin, lo-  
co cit.

Idē serm.  
237. de tē-  
pore.

Idē epist.  
42. inter  
homil. 30.

Idē serm.  
de Vigil.  
Paschæ.

Idē serm.  
10. inter  
homil. 30.

Ac paulo pòst: Nam si nò habemus peccata, & tundètes pectora dicimus, Dimitte nobis debita nostra: ex hoc ipso certè & grauitè, nullo dubitante, peccamus, cùm inter ipsa sacramenta mentimur.

Post hanc, pacis osculum.

Idè ferm.  
cit. de Vi-  
gil. Pasch.

POST ipsam (inquit) dicitur, Pax vobiscum: & osculantur se Christiani in osculo sancto. Sed pacis Christi signum, quod ostèdunt labia, fiat in conscientia: id est, quomodò labia fratris tui accedunt, sic cor à corde non recedat.

Benedictio super populum.

Idè epist.  
sèpè cit. ad  
Paulin.

Interpellationes autem (inquit) siue, vt veteres codices habent, postulationes, fiunt, cùm populus benedicitur. Tunc enim Antistites vultu aduocati, susceptos suos per manùs impositionem misericordissimè offerunt potestati.

Amalar.  
in Prolog.  
de Eccles.  
offic.

QUEM locum satis aptè sic interpretatur Amalarius: In oratione (inquit) quam dicit sacerdos post comminationè (itè enim prorsùs legendum, pro eo quod est, communionem) dicit S. Augustinus, benedicere sacerdotem populum, & transire populum ad manus sacerdotis. Hæc consuetudo nò obseruatur apud nos vsq; quaquè: nisi fortè id sit transire populū ad manus sacerdotis, quod est, accipere ab eo sacramenta corporis Domini, quod penè omnis Romana Ecclesia & Orièntalis per omnes solènes dies agit: & id sit benedici, quòd comeditur cibus Dominicus.

Idem l. 1.  
c. 34.

Ac rursùm alibi: Simulq; hoc notandum, quòd orationè illà quam Episcopi, sicut (nam & sic legendum, pro, siue) aduocati, solent facere super populum cum signo sanctæ crucis, ille solebat facere eam, postquàm comminuebat corpus Domini ad distribuendum: quam orationem vocat Postulationes.

Psalmus in distributione eius quod oblatum est.

August. 1.  
Retract. 2.  
c. 21.

HVC pertinet illud supracitatum contra Hilarium Tribunium de psalmis & hymnis: Siue ante oblationem, siue quum distribueretur populo quod oblatum est.

Par.



Partem etſi quilibet accipiat, Chriſtus tamē permanet integer.

INVITAT (inquit quodam ſerm. de verbis Euangelij, qui deſideratur) Dominus ſeruos, vt præparet eis cibum ſeipſum. Quis audeat manducare Dominum ſuum? & tamen ait, Qui manducat me, viuít propter me. Quandò manducatur, vita manducatur: nec occíditur vt manducetur, ſed mortuos viuíficat. Quandò manducatur, reficit, ſed non deficit. Manducatur Chriſtus: viuít manducatus: quia reſurrexit occiſus: nec quandò manducatur, partes de illo facimus. & quod in ſacramento ſic fit, nōrunt fideles, quemadmodum manducant carnem Chriſti. vnusquiſq; partem ſuam accipit. per partes manducatur, & manet integer totus: per partes manducatur in ſacramento: manet integer totus in cælo: manet integer totus in corde tuo.

Apud Beſdam in c. 10. ep. 2. ad Corinth. Et Gratiā. de cōſecr. diſt. 2. c. Inuitat.

Viris in manus, ſceminis in linteo mundo traditum  
corpus Domini.

OMNES viri (inquit D. Auguſt.) quandò communicare deſiderāt, lauāt manus ſuas, & oēs mulieres nitida exhibēt linteamina, vbì corpus Chriſti accipiāt. Non eſt graue, quod dico, fratres: quomodo viri lauāt aqua manus ſuas, ſic eleemoſynis lauēt conſcientias ſuas. Similiter & mulieres, quomodò nitidum linteolum, vbì corpus Chriſti accipiant: ſic corpus caſtum & cor mundū exhibeāt, vt cum bona conſcientia Chriſti ſacramenta ſuſcipiant.

Auguſt. ſerm. 251. de tēpore.

Paruuli etiam cōmunicabant.

VND E & ipſi paruuli (inquit idem) ſi in illa parua ætate moriūtur, vtiquē ſecundum ea quæ per corpus geſſerūt, id temporis quo in corpore fuerunt, quandò per corda & ora geſtantium crediderunt, vel non crediderūt, quandò baptizati, vel non baptizati ſunt, quandò carnem Chriſti manducauerunt, vel non manducauerūt, quandò & ſanguinem biberunt, vel non biberunt: ſecundum hæc ergò quæ per corpus geſſerunt, nō ſecundum ea, quæ, ſi diū hīc viuerent, geſturi fuerant, iudicantur.

Idē epiſt. 106. ad Vital.

Yyy 2 Eo-

idē epist.  
23. ad Bo-  
nif.

Cypr. lib.  
de lapsis.

Cyprian.  
ibidē.

EODEM pertinet illud, vbi Cyprianum interpretatur: Isto sensu rectè intelligi potest, quod scripsit beatus Cyprianus in epistola de Lapsis, cū eos qui tempore persecutionis, idolis immolauerant, arguens: Ac nē quid deesset, inquit, ad criminis culmulum, infantes quoquē parentum manibus impositi vel attrectati, amiserunt paruuli, quod in primo statim natiuitatis exordio fuerant consecuti. Amiserunt, dixit, quantum attinuit ad illorum scelus, à quibus amittere coacti sunt. Amiserunt in eorum mente ac voluntate, qui in illos tantum facinus commiserunt. Nam si in seipsis amisissent, remansissent vtiquē diuina sententia, sine vlla defensione, damnandi. Quòd si sanctus Cyprianus arbitraretur, non eorum defensionem continuò subijceret, dicens: Nōne illi, cū iudicij dies venerit, dicent: Nos nihil fecimus, nec derelicto cibo vel poculo D O M I N I, ad prophana contagia spontè properauimus: perdidit nos aliena perfidia: parentes sensimus parricidas. Illi nobis Ecclesiam matrem, illi patrem D E V M negauerunt, vt dum parui & improvidi, & tanti facinoris ignari, per alios ad consortium criminis iungimur, aliena fraude caperemur. Hanc defensionem non subneckeret, nisi iustissimam crederet, & in D E I iudicio paruulis profuturam. Si enim verè dicitur, Nos nihil fecimus: anima quæ non peccauerit, ipsa cur morietur? nec illi peribunt sub Dei iusto iudicio, quos parentes suo scelere, quantum ad seipsos attinet, perdiderunt. Illud verò, quod in eadem commemoratur Epistola, quandam paruulam, turbatis in fugā parentibus, nutrici derelictā, atq; ab eadē nutrice dæmonū sacrilegijs impactā, postea in Ecclesia, illatā sibi Eucharistiam, miris motibus respuisse: Idē mihi videtur diuinitus factum, nē maiores putarent nihil se in paruulos in illa iniquitate peccare, sed potiùs intelligerent, per illum significantem quodam modo gestum corporis eorum, qui loqui nō poterāt, se mirabiliter admoneri, quid ipsi facere deberēt, qui



qui post tantum illud nefas sacramentis salutaribus irruebant, unde se vtique pœnitendo abstinere deberent. Nec cùm tale aliquid diuina prouidentia per infantulos agit, ipsos id agere scientia vel ratione credendum est. Neque enim, quia cuiusdam prophetæ demerentiam Deus voluit, etiam asina loquente coërcere, idèò admiranda est asinorum sapiëntia. Porro sicut per animal irrationale sonuit aliquid homini similimum, quod miraculo diuino, non cordi asinino, tribuendum sit: ita potuit omnipotens per infantis animam, non ubi ratio nulla erat, sed ubi adhuc sopita erat, gestu corporis eius ostendere, quid illi, qui & in se, & in paruulos suos peccauerant, curare deberent.

ITEM illud quod suprà de sacrificio ad altare, ex lib. 3. de Trinitate, adduximus.

Gratiarum actio post communionem.

QUIBUS peractis (inquit) & participato tanto sacramento, gratiarum actio cuncta concludit, quam in his etiam verbis vltimam commendauit Apostolus.

Idè epist.  
sæpè cit.  
ad Paulin.

QUEM locum sic explicat D. Amalarius: Iuxta (inquit) Augustinum, quartus ordo Orationum, gratiarum actione omnia concludit: hoc est, quando populus respondet, Deo gratias.

Amal. in  
prol. & li.  
1. de Eccl.  
offic. c. 34.

Catechumenis etiam traditus panis sanctificatus, alius à corpore Christi.

NON vniufmodi (inquit) est sanctificatio. Nam & Catechumenos secundum quendam modum suum, per signum Christi, & orationem manûs impositionis puto sanctificari, & quod accipiunt, quanuis non sit corpus Christi, sanctum est tamen, & sanctius, quam cibi quibus alimur, quoniam sacramentum est.

Idè li. de  
pecc. me-  
rit. & re-  
miss. lib.  
2. ca. 26.

Post sacrificium Agapes.

NEC sacrificia (inquit) eorum vertimus in Agapes, sed sacrificium illud, quod paulo antè commemorauimus, intelleximus, dicente Domino: Misericordiam volo \* quam sacrificium. Agapes enim

Idè cõtra  
Faust. lib.  
20. ca. 20.  
Matt. 12.

Yyy 3 nostra

Osee 6.

nostrę pauperes pascunt, siue frugibus, siue carnibus. Pascitur enim creatura Dei, quę hominis dapibus congrua est.

Ac paulopost: Quoniam plerunq; in agapibus etiã carnes pauperibus erogatur, misericordiã Christianorũ similem dicitis sacrificijs Paganorum, quorum nonnullis in hoc quoq; similes estis.

Per sacrificium vera peccatorum remissio.

Idẽ in Leuit. qu. 57. Ioan. 6.

SED quum Dñs dicat, (inqt) Nisi mādūcaueritis carnẽ meam, & biberitis meum sanguinem, non habebitis vitam in vobis: quid sibi vult, quod à sanguine sacrificiorum, quę pro peccatis offerebantur, tantoperẽ populus prohibetur, si illis sacrificijs vnum hoc sacrificium significabatur, à quo vera fit remissio peccatorũ: à cuius tamen sacrificij sanguine in alimentum sumẽdo, non solũ nemo prohibetur, sed ad bibendum potiũs omnes exhortantur, qui volunt habere vitam?

Idẽ de ciuit. Dei li. 20. c. 25. 1. Ioan. 4.

ET alibi: Filios autẽ Leui, & Iuda, & Hierusalem, ipsam Dei Ecclesiam debemus accipere, non ex Hebræis tantũ, sed ex alijs etiam gentibus congregatã, nec talem, qualis nũc est, vbĩ si dixerimus, quia peccatũ non habemus, nos ipsos seducimus, & veritas in nobis nõ est: sed qualis tũc erit velut area per ventilationẽ, ita per iudiciũ purgata nouissimũ, eis quoq; igne mundatis, quibus talis mundatio necessaria est: ita vt nullus omninò sit, qui offerat sacrificium pro peccatis suis. Omnes em̃ qui sic offerunt, profectò in peccatis sunt, pro quibus dimittendis offerũt, vt cũ obtulerint, acceptumq; Deo fuerit, tunc dimittantur.

Sacrificia malorum, bonis non obsunt.

Idem cõt. Parmen. lib. 1. c. 6.

SACRIFICIA ergò (inquit) impiorũ ei sipsis oberunt, qui offerunt impiẽ. Nam vnum atq; idem sacrificiũ, propter nomen Dñi quod inuocatur, & semper sanctũ est, & tale cui fit, quali corde ad accipiendum accesserit. Qui em̃ manducat & bibit indignẽ, iudiciũ sibi manducat & bibit. Non ait alijs, sed sibi. Qui ergò manducat dignẽ & bibit, gratiam sibi manducat & bibit.

1. Cor. 11.

Ac



**A**c rursùm: Nos (inquit) dicimus tale cuiq; sacrificium fieri, qualis accedit vt offerat, & qualis accedit vtumat, & eos de sacrificijs talium manducare, qui ad illa tales accedunt, quales & illi sunt. Itaque si offerat Deo malus, & accipiat indè bonus, talis cuiq; esse, qualis quisque fuerit: quia & illud scriptum est, Omnia munda Tit. 1. mundis.

**A** ieiunis offerendum, nisi fortè feria V. Cœnæ Domini.

**I**LLVD (inquit) magis mouere debet homines, vtrùm iam re- Idè epist. 118. ad Ianuar. c. 6.  
fecti illa die, vel offerrent vel sumerent Eucharistiam &c. vt suprâ de sacrificio Apostolico, p. 51.

**E**T deindè: Sed nonnullos probabilis quædam ratio delectauit, Idem c. 7.  
vt vno certo die per annũ, quo ipsam cœnam Dñs dedit, tanquàm ad insigniorem commemorationem post cibos offerri & accipi liceat corpus & sanguis Dñi. Honestiùs aut arbitror ea hora fieri, vt qui etiam ieiunauerit, post refectionem quæ hora nona fit, ad oblationem possit occurrere. Quapropter neminem cogimus Dñica illa cœna prandere, sed nulli etiam contradicere audemus: hoc tamen non arbitror institutum: nisi quia plures & propè omnes in plerisq; locis eo die cœnare consueuerunt. Et quia nonnulli etiam ieiunium custodiunt, manè offertur Christo, propter prandentes, quia ieiunia simul & lauacra tolerare non possunt: ad vespèram verò, propter ieiunantes.

**E**o die, an manè & vespere, an verò vespere duntaxat offerendum.

**S**I verò (inquit) in aliena patria cùm peregrinetur, vbì maior Ibid. c. 4.  
& frequentior est populus Dei, vidit, verbi gratia, bis offerri quinta sabbati hebdomadæ vltimæ quadragesimæ, & manè & ad vespèrā, veniensq; in patriā suā, vbì fine diei mos est offerri, malè illiciteq; fieri contendat, quoniam alibì aliter ipse viderit: puerilis est sensus ille, cauendus in nobis, tolerandus & corrigendus in nostris.

**A**c

A c paulò post: Quæris enim his verbis, quid per quintam feri-  
am ultimæ hebdomadis Paschæ fieri debeat: An offerendum ma-  
nè, & rursus post cœnam, propter illud quod dictum est: Simili-  
ter postquàm cœnatum est: An ieiunandum, & post cœnam tan-  
tummodò offerendum: An etiam ieiunandum & post oblatio-  
nem, sicut facere solemus, cœnandum. Ad hæc itaque respondeo,  
vt quid horum sit faciendum, si diuinæ scripturæ præscribit autho-  
ritas, non sit dubitandum, quin ità facere debeamus vt legimus, &  
iam non quomodò faciendum, sed quomodò sacramentum intel-  
ligendum sit, disputemus. Similiter etiam si quid horum, tota per  
orbem frequentat Ecclesia. Nam hoc quin ità faciendum sit, dispu-  
tare, insolentissimæ insanix est. Sed neque hoc, neque illud inest  
in eo quod tu quæris. Restat igitur vt de illo tertio genere sit,  
quod per loca regionesque variatur. Faciat ergò quisque quod in  
ea Ecclesia, in quam venit, inuenerit. Non enim quicquam eorùm  
contra fidem sit, aut contra mores, hinc vel indè meliores. His em̃  
causis, id est, aut propter fidem, aut propter mores, vel emendari  
oportet quod perperam fiebat, vel institui quod non fiebat. Ipsa  
quippe mutatio consuetudinis, etiam quæ adiuuat vtilitate, noui-  
tate perturbat. Quapropter quæ utilis non est, perturbatione infru-  
ctuosa consequenter noxia est. Nec idèd putari debet institutum  
esse multis locis, vt illo die post refectionem offeratur, quia scri-  
ptum est identidè: Et calicem accipiens post cœnam, dicens, &c.  
Ipsam enim potuit appellare cœnam, qua iam corpus acceperant,  
1. Cor. 11. vt deindè calicem acciperent. Apostolus nanque alibi dicit: Con-  
uenientibus ergò vobis in vnum, non est Dominicam cœnam mā-  
ducare, Hanc ipsam acceptionem Eucharistiæ, Dominicam cœ-  
nam vocans.

Sacrificium priuatum.

Idè de ci- V I R Tribunitius (inquit) Hesperius, qui apud nos est, habet  
uir. Dei in territorio Fussalensi fundum, Cubedi appellatum: vbi cùm af-  
1, 22, ca. 8. flicio-



fictione animalium & feruorum suorum, domum suam spirituum malignorum vim noxiam perpeti comperisset, rogauit nostros, me absente, presbyteros, vt aliquis eorum illò pergeret, cuius orationibus cederent. Perrexit vnus, obtulit ibi sacrificium corporis Christi, orans, quātū potuit, vt cessaret illa vexatio. Deo protinūs miserante, cessauit.

Sacrificium in designatione Episcopi.

AVGVSTINVS (vti est in gestis designationis Eradij successoris eius) Episcopus dixit: Benè habet, vt ea quæ Dei sunt, circa sacrificium eius agere valeamus, in qua hora supplicationis nostræ, maximè commēdo charitati vestræ, vt omnes vestras causas & negotia intermittatis, & pro ista Ecclesia & pro me, & pro presbytero Eradio, Domino precem fundatis.

Apud eū.  
dē ep. 100.

Sacrificia pro defunctis.

NEQVE negandum est, (inquit) defunctorum animas pietate suorum viuentium releuari, cū pro illis sacrificium mediatoris offertur, vel eleemosynæ in Ecclesia fiunt. Sed eis hæc profunt, qui cū viuerent, vt hæc sibi postea prodesse possent, meruerunt. Est enim quidam viuendi modus, nec tam bonus, vt non requirat ista post mortem: nec tam malus, vt ei non profint ista post mortem. Est verò talis in bono, vt ista non requirat: & est rursus talis in malo, vt nec his valeat, cū hæc vita transierit, adiuuari. Quocircā hic omne meritum comparatur, quo possit post hanc vitam releuari quispiam vel grauari. Nemo autem se speret, quod hic neglexerit, cū obiērit, apud Deum promereri. Non igitur ista quæ pro defunctis commendandis frequentat Ecclesia, illi Apostolicæ sunt aduersa sententiæ, qua dictū est: Omnes em̄ ad stabimus ante tribunal Christi, vt referat vnusquisq; secundū ea quæ per corpus gessit, siue bonum, siue malum: quia etiam hoc meritum sibi quisque, cū in corpore viueret, comparauit, vt ei possent ista prodesse. Non enim omnibus profunt. Et quare non omnibus

In Enchi.  
ad Laur.  
cap. 109.

2. Cor. 5.

Z z z pro.

profunt, nisi propter differentiam vitæ quam quisque gessit in corpore? Cùm ergo sacrificia siue altaris, siue quarumcunque elemosynarum, pro baptizatis defunctis omnibus offeruntur, pro valdè bonis gratiarum actiones sunt: pro non valdè malis, propitiations sunt: pro valdè malis, & si nulla sunt adiumenta mortuorum, qualescunque viuorum cõsolationes sunt. Quibus autem profunt, aut ad hoc profunt, vt sit plena remissio, aut certè tolerabilior fiat ipsa damnatio.

*Idè lib. de cur. pro mort. c. 4.* E T alibi: Hæc ità (inquit) soluitur quæstio, quoniam quodam vitæ genere acquiritur, dum in hoc corpore viuitur, vt aliquid adiuuent ista defunctos: ac per hoc secūdum ea quæ per corpus gesserunt, eis, quæ post corpus religiosè pro illis facta fuerint, adiuuentur. Sunt enim quos nihil omninò adiuuant ista: siue pro eis fiant, quorum tam mala sunt merita, vt neq; talibus digni sint adiuuari: siue pro eis, quorum tam bona, vt talibus non indigeant adiumentis. Genere igitur vitæ, quod gessit quisque per corpus, efficitur, vt profint vel non profint, quæcunq; pro illo piè fiunt, cùm reliquerit corpus. Nam meritum, per quod ista profint, si nullum comparatum est in hac vita, frustrà quæritur post hæc vitam. Ità fit, vt neque inaniter Ecclesia vel suorū cura pro defunctis, quod potuerit religionis impendat: & tamen ferat vnusquisq; secūdum ea quæ per corpus gessit, siue bonū, siue malū, red dēte Dño vniciq; secūdum opera eius. Vt em̃ hoc quod impēditur, possit ei pdesse post corpus, in ea vita acquisitū est, quam gessit in corpore.

*Idem ibi. dēm c. 18.* DE I N D È quum verba sua citasset ex lib. I. de Ciuit Dei, ca. 12. de sepultura quæ mortuis rectè impenditur, & deindè explicasset, tum quòd profit sepultura apud Memorias martyrum, tum alia multa eodè spectantia, sic tandè concludit: Quæ cū ità sint, non existimemus ad mortuos, pro quibus curam gerimus, peruenire, nisi quod pro eis siue altaris, siue orationum, siue elemosynarum sacrificijs solenniter supplicamus; quanuis non pro qui-



quibus fiunt, omnibus profint, sed ijs tantum, quibus, dum viuunt, comparatur vt profint. Sed quia non discernimus qui sint, oportet ea pro regeneratis omnibus facere, vt nullus eorum pretermittatur, ad quos hec beneficia possint & debeant peruenire. Melius enim supererunt ista eis, quibus nec obsunt, nec profunt, quam eis deerunt quibus profunt. Diligentiùs tamen facit hæc quisque pro necessarijs suis, quòd pro illo fiat similiter à suis.

Ac rursùm quæstionem tractans: Vtrum oblatio quæ fit pro quiescentibus, aliquid eorum conferat animabus, nihil aliud adfert, quàm locos iam citatos de Cura pro mortuis ad Paulinum Nolanum, ac ex Enchiridio ad Laurentium.

Idē q. 2. ad  
Dulcitiū.

Eodem pertinet illud ad Aurelium Carthaginensē Episcopum, ubi per Concilium prohibenda censet conuiuia à sacris locis & defunctorum exequijs: Sed quoniam (inquit) istæ in Cæmeterijs ebrietates & luxuriosa conuiuia, nō solum honores martyrum à carnali & imperita plebe credi solent, sed etiam solatia mortuorum: mihi videtur faciliùs illis dissuaderi posse istam scditatem ac turpitudinem, si & de scripturis prohibeatur, & oblationes pro spiritibus dormientium, quas verè aliquid adiuuare credendum est, super ipsas memorias non sint sumptuosæ, atque omnibus petentibus sine typho & cum alacritate præbeantur, neque vendantur. Sed si quis pro religione aliquid pecuniæ offerre voluerit, in præsentī pauperibus erogetur. Ità nec deferere videbuntur memorias suorum, quod potest gignere non leuem cordis dolorē: & id celebrabitur in Ecclesia, quod piè honesteq; celebratur.

Idem epi.  
64.

Item quod de funere narrat suæ matris Monicæ: Psalterium (inquit) arripuit Euodius, & cantare cœpit Psalmum. Cui respondamus omnis domus: Misericordiam & iudicium cantabo tibi Domine. Audito autem quid ageretur, conuenerunt multi fratres ac religiosæ scemine, & de more illis, quorum officium erat, funus curantibus, &c.

Idē Con-  
fess. lib.  
9. cap. 12.  
Psalm. 110.

Zzz 2 Ac

A c deindè: Quum eccè corpus elatum est, imus & redimus sine lachrymis. Nam neq; in eis precibus quas tibi fudimus, cum offerretur pro ea sacrificium precij nostri, iam iuxta sepulcrum posito cadauere, priusquam deponeretur, sicut illic fieri solet, nec in eis precibus ego fleui, sed toto die grauiter in occulto mœstus eram, & mente turbata rogabam te, vt poteram, q̃ sanares dolorem meum, nec faciebas.

Possid. in ILLVD deniquè, quod de ipsius D. Augustini funere narrat  
vit. Aug. D. Possidius: Membris om̃ibus sui corporis incolumis, intergro ad-  
spectu atq; auditu, & vt scriptum est, nobis adstantibus & videntibus, ac cum eo pariter orantibus, obdormiuit in pace cum patribus suis, enutritus in bona senectute: & nobis coràm positis, pro eius commédanda corporis depositione, sacrificium Deo oblatum est, & sepultus est.

Pro non baptizatis verò, sacrificium non fiat.

Idem de anim. & eius orig. lib. I. c. II. S A L V A (inquit) fide Catholica & Ecclesiastica regula, nulla ratione conceditur, vt pro non baptizatis cuiuslibet ætatis hominibus, offeratur sacrificium corporis & sanguinis Christi.

Idem lib. 2. cap. 15. E T postea: Nec quisquam pro eis obtulit, vel oblaturus est sacrificium, quod iste etiam pro non baptizandis censuit offerendum.

Ibidem. li. 3. ca. 12. A c latius: Noli credere, nec dicere, nec docere, sacrificiũ Christianorum pro ijs, qui non baptizati de corpore exierint, offerendum, si vis esse catholicus. Quia nec illud quod de Machabæorum libris commemorasti, sacrificium Iudeorũ, pro eis qui non circumcisi de corpore exierint, ostendis oblatum. In qua tua sententia tam noua, & cõtra Ecclesię totius autoritatẽ disciplinamq; prolata, verbo etiã insolētissimo vsus es, dicēs: Pro his sanè oblatiões assiduas, & offereda iugiter sanctorũ censeo sacrificia sacerdotũ: vt te homo laicus sacerdotibus D E I nec discendo subderes, nec saltem simul quærendo misceres, sed censendo præponeres.

E O D E M



EODEM pertinet illud : Non omninò ambigendum est ista Idē serm.  
prodesse defunctis, sed talibus, qui ità vixerint ante mortē, vt pos- de verb.  
sint eis hæc vtilia esse post mortem. Nam qui sine fide quæ per Apostoli  
dilectionem operatur, eiusque sacramentis de corporibus exierūt, 34.  
frustrà illis à suis huiusmodi pietatis impenduntur officia, cuius,  
dum hic essent, pignore caruerunt.

D. ZOZIMI ROMANI PAPAE XLII.  
STATVTVM DE ECCLESIA-  
STICIS MINISTERIIS.

**H**AEC autem (inquit D. Zozimus ad Hefychium Saloni- Zozim.  
tanum episcopum) in singulis gradibus obseruanda sunt tem- pap. epist.  
pora. Si ab infantia Ecclesiasticis ministerijs nomen dederit, inter  
lectores vsq; ad vicesimum ætatis annum, cōtinuata obseruatione,  
perduret. Si maior iam & grandæuus accesserit, ità tamen, vt post  
baptismum statim se diuinæ militiæ desideret mācipari, siue inter  
lectores, siue inter exorcistas quinquennio teneatur : exindè aco-  
lytus, vel subdiaconus, quatuor annis, & sic ad benedictionem dia-  
conatūs (si meretur) accedat : in quo ordine quinque annis, si in-  
culpatè se gesserit, hæreere debet. Exindè suffragantibus stipēdijs,  
per tot gradus datis propriæ fidei documētis, presbyterij sacerdo-  
tium poterit promereri. De quo loco (si eò illū exactior ad bonos  
mores vita perduxerit) summum pontificatum sperare debet.

D. EVODII VZALENSIS IN AFRI-  
CA EPISCOPI SACRAMENTORVM  
CELEBRATIO, DVM IN AFRICAM  
AB OROSIO PRESBYTERO AD-  
FERRENTVR D. STEPHA-  
NI RELIQUIAE.

Author  
miracul.  
D. Steph.  
apud Vza-  
lin, c. 1, in-  
ter Serm.  
D. August.  
recens edi-  
tos à I.  
Vlimme-  
rio.

**A**LIA (inquit author miraculorum D. Stephani in Ecclesia Vzalsensi, iussu ipsius Euodij conscriptorum) virgo sacra ad locum antiquorum martyrum in suburbio ciuitatis constitutorum, qui Felix & Gemnadius nuncupantur, videbatur sibi iter facere per somnium, non ea via qua de ciuitate pergi assolet compendiosa, sed (id enim desiderabatur) aliquantulum deuia & flexuosa. Per hanc videt aduentare innumeros populos, gaudentes sanè atq; psallètes, & ceteros luminaria cum grandi celebritate gestantes, & quasi quendam candidatum comitantes, eiq; iteratis vocibus inclinantes, Confessor Christi, confessor Christi.

**I**GITVR post quadraginta fermè dies, ex quo ista reuelata sunt, in loco memoratorum Martyrum (nam & hoc deerat) nostrorum, quò illa pergentem se viderat, susceptis ibi reliquijs, atq; sacramentis fidelium celebratis, exindè cantantes atque psallentes, cum immensæ multitudinis choris ad ciuitatem regredi cœpimus, per illam verè (sic enim lego, pro, verò) viam, quæ puellæ monstrata est. Portabantur autem sancti Episcopi gremio residentis in vehiculo, sanctę reliquiæ.

**I**AM verò sicut ostensum erat puellę, ità cereis luminaribusq; fulgebant. Eandem quoquè, quam illa per visionem viderat, nos etiam intrauimus Ecclesiam.

**E**ODEM pertinet quod sequitur: Eodem nanque die quo ingressi sunt Ecclesiam beati Stephani sanctę reliquiæ, in ipso principio canonicarum lectionum, epistola quoquè ad nos delata cuiusdam sancti Episcopi, Seueri nomine, Minoricensis insulæ, de pulpito in aures Ecclesiæ cum ingenti fauore recitata est. Quæ continebat gloriosi Stephani virtutes, quas in insula memorata per præsentiam reliquiarum suarum in salutem omnium illic credentium perfecerat Iudæorum.

CONCILII



CONCILII TELENSIS (SEV POTIVS  
TELEPTENSIS) STATVTVM, DE  
SACERDOTVM, OB QVOTI-  
DIANA SACRIFICIA,  
CONTINENTIA.

**P**ERTINET huc, quòd confirmetur hoc Concilio, epi-  
stola Decretalis D. Syricij papæ ad Episcopos per Africā:  
cuius verba videre est suprà, de sacerdotum & Leuitarum etiam  
cum suis vxoribus continentia.

Cōcil. Te-  
lenf. Act.  
Syricij pa-  
pæ epist.  
ad Afric.  
episc.

ATQVI neque in Hispaniæ oppido Tela, neque in Latij op-  
pido Telleno, hoc Concilium cōtigisse, sed potiùs in Telepte By-  
zacenę prouinciæ ciuitate, colligere est: tum quòd in actis Byza-  
cenum hoc Concilium nuncupetur, tum quòd illi præfederit Do-  
natianus ille senex Teleptensis Episcopus, primas Byzacenę pro-  
uincię, cuius frequens mentio est in cæteris Africæ concilijs.

D. BONIFACII XLIII. PAPAE RO-  
MANI SACRA MYSTERIA, ET  
STATVTA DE IIS.  
DEM.

Inter ipsa mysteria preces pro Imperatoribus.

**E**CCE enim (inquit D. Bonifacius Papa epistola ad Hono-  
rium Augustum) inter ipsa mysteria, inter preces suas, quas  
pro vestri felicitate dependit imperij, teste (apud quem & de cuius  
sede agitur) S. Petro, sollicitis pro religionis obseruantia vocibus  
clamat, cum sollicita petitione miscetur oratio, nè nos in varias res  
semel euulsa, distrahat à DE I cultu solito, tentatore sollicitante,  
discordias.

Bonifac.  
pap. epist.  
1.

Oblationes discordantium non recipiantur.

Discordantium (inquit alibi) fratrum oblationes, iuxta antiqui  
canonis diffinitionem, nullo modo recipiendas esse censemus.

Ex libr. 4.  
Can. anti-  
qu. c. 21.

Ante

Ibid.

Ante reconciliationem nemo communicet.

PERSONIS tamen discordantibus, id speciali diffinitione precipimus, ut eos ante reconciliationem vera innectat, quam ullus eorum accedere ad altare Domini audeat, vel gratiam communionis sanctae percipiat: sed geminato tempore per poenitentiam compensabunt, quo discordiae seruiérunt.

Pallam sacratam etiam monacha ne contingat.

Lib. Pontif. c. 42.

HIC Bonifacius (inquit author libri Pontificalis) constituit, ut nulla mulier, etiam (sic enim legendum, pro eo quod est, aut) monacha, pallam sacratam contingeret aut lauaret, aut incensum poneret in Ecclesia, nisi minister.

QVOD repetitur à Sigeberto in Chronicis, Radulpho Tugrensi, c. ult. & Martino Polono in Chronicis.

## D. MAXIMI TAVRINENSIS EPISCOPI DIVINAE FUNCTIONES ET RELIGIONIS ARCANVM.

Sacerdotum diuinæ functiones.

Maximus  
homil. de  
dict. Isai.  
Caupones  
tui &c.

HOC increpat (inquit D. Maximus) in eis, quod quum functionum diuinarum essent praesules, sectatores rerum facti sunt terrenarum.

Religionis arcanum.

Idem

hom. 7. de  
Epiph.  
Ibid. hō. 1.

QVOD aquae (inquit) transformantur in vinum, religionis designatur arcanum.

ET alibi explicatiùs: Quod aquae nouo sunt ordine in vina mutatae, noui nobis poculi praelibatum est sacramentum.

Idem hom.  
ex Isaiā  
suprà cit.

EODEM pertinet & illud de sacerdotibus: Qui sitientibus populis ministrant poculum saluatoris.

Ritus solennitatis Paschalis &amp; Pentecostes.

Idem

hom. 1. de  
Pentec.

NÔSSE (inquit) vos credo fratres, quae sit ratio, quod venerabile hanc Pentecostes diem non minore lætitia celebramus, quam sanctum



Etum Pascha curauimus: & quòd eadem deuotioe huius solénitatis obseruantiam decurrimus, sicut illius obsequia festiuitatis impleuimus. Tunc enim, sicut modò fecimus, ieiunauimus sabbato, vigilias celebrauimus, orationibus pernoctanter institimus.

Paschali tempore & Dominicis diebus stationes.

SCIRE debet (inquit) sanctitas vestra, fratres, hanc sanctâ Pen- Idem de  
tecostes diem qua ratione curemus, vel cur istorum quinquaginta ead, hom.  
dierum numero sit nobis iugis & continuata festiuitas, ita vt hoc 3.  
omni tempore neq; ad obseruandû indicamus ieiunia, neq; ad exorandum Deum genibus succidamus: sed, sicut Dominica solemus facere, erecti & feriatî resurrectione Domini celebramus. Dominica enim nobis ideò venerabilis est atq; solennis, quia in ea saluator velut sol oriens, discussis infernorum tenebris, luce resurrectionis emicuit: ac propterea ipsa dies ab hominibus seculi, dies Solis vocatur, quòd ortus eam sol iustitiæ Christus illuminet. Instar ergò Dominicæ, tota quinquaginta dierum curricula celebrantur, & omnes isti dies, velut Dominici, deputantur. Resurrectio enim Dominica est. Nam in Dominica resurgens Saluator, reuersus ad homines est: & post resurrectionem, tota quinquagesima cum hominibus commoratus est. Aequalis ergò eorum, necessarium, vt esset festiuitas, quorum æqualis esset quantitas.

Aliæ in Ecclesiarum frequentatione ceremoniæ.

RECTE (inquit) frater frequentabis Ecclesiam, si gressus tuos Idem hom.  
lethalibus laqueis auida illa non implicet & inuoluat vsura. Rectè 3. de qua-  
orabis Dominum tuum, si precibus tuis obuia tibi cordis tui non drag.  
obstat inuidia. Rectè contundes manibus pectus, si omnem indè furem malignę voluntatis excusseris.

In oratione etiam manuum eleuatio.

IPSIVS enim (inquit) incessus hominis, cùm manus leuauerit, Idem de  
crucem pingit: atque ideò eleuatis manibus orare præcipimur, vt Crucē &  
ipso quoque membrorum gestu passionem Domini fateamur. Sepult. Do  
mini ho-  
mil. 2.

A a a a

Tunc

Tunc enim citius nostra exauditur oratio, cum Christum quem mens loquitur, etiam corpus imitatur. Hoc etiam exemplo Moyses sanctus, cum contra Amalech bellum gereret, non armis, non ferro, sed eleuatis ad Deum manibus, eum superauit.

Altare priusquam quis accedat communicaturus, reconcilietur fratri.

Idē hom.  
de s<sup>t</sup>es  
phan.

**AUDIAT** (inquit) non me, sed ipsum Dominum suum: Si (inquit) offers munus tuum ad altare, & ibi recordatus fueris quia frater tuus habet aliquid aduersum te, relinque ibi munus tuum ante altare, & vade: prius reconciliare fratri tuo: & tunc veniens, offeres munus tuum. At nos pugnas habentes intrinsecus, & dolos in corde versantes, quasi qui bonam conscientiam habeamus, praesumimus accedere ad altare, non timentes quod scriptum est: Qui manducat & bibit indignè, iudicium sibi manducat & bibit.

**D. CAELESTINI ROMANI PAPAE  
XLIIII. SACRIFICIA, ET CIR-  
CA EA CONSTITV-  
TVM.**

In Romana Ecclesia Antiphonae ex Psalmis ante sacrificium institutae.

Author l.  
Pontif. c.  
42.

**HIC** (inquit de D. Caelestino papa liber Pontificalis) constituit, ut Psalmi Dauid 150. ante sacrificium psallerentur antiphonatim ex omnibus: quod antea non fiebat, sed tantum Epistolae B. Pauli recitabantur, & sanctum Euangelium. Hic fecit constitutum de omni Ecclesia, maximè & de religionibus, quod hodie archiuis Ecclesiae tenetur reconditum.

Alcuin. de  
diuin. off.  
p. 78.

**QVONIAM** sic pulchrè interpretatur Alcuinus: Hoc officium (inquit) Missae addidit Caelestinus papa, & constituit, ut psalmi CL. ante sacrificium psallerentur antiphonatim ex omnibus, quod antea non fiebat, nisi tantum Epistola Pauli recitabatur, & sanctum Euangelium.



gelium, & sic Missa celebrabatur. Quod nos ita intelligimus, quia ex omnibus psalmis exciperet antiphonas, quæ psallerentur in officio Missæ: nam antea inchoabatur Missa à lectione, Qui mos adhuc retinetur in vigilia Paschæ & Pentecostes.

IDI P S V M iisdem verbis repetit Amalarius.

Amala. de  
Eccl. offic.

Consentit & Hrabanus Maurus in hæc verba: Sedenim in initio mos iste cantandi non erat, qui nunc in Ecclesia ante sacrificium celebratur, sed tantum (sic enim lego, pro, tamen) epistolæ Pauli recitabantur, & sanctum Euangelium. Cælestinus autem XLV. Episcopus post Petrum Romanæ Ecclesiæ, traditur primus statuisse, ut psalmi CL. ante sacrificium psallerentur antiphonatim ex omnibus.

l. 1. c. 5.  
Hraban.  
de instit.  
cler. l. 2. c.  
32.

ET Vualafrius Strabus: Antiphonas (inquit) ad Introitum dicere Cælestinus papa instituit, sicut legitur in gestis Pontificum Romanorum, cum ad eius usque tempora, ante sacrificium lectio una Apostoli tantum, & Euangelium legeretur.

Vualafri.  
de reb. Eccl.  
c. 22.

Repetantur item verba Pontificalis libri à Bernone Augienfi de Missa c. 1. & Mariano Scoto l. 2. hist.

SIGEBERTVS & post eum Martinus Polonus de eodem scribunt in hæc verba: Hic constituit, ut psalmi David, ante sacrificium canerentur antiphonatim ex omnibus: quod antea non fiebat, nisi tantum epistola B. Pauli & sanctum Euangelium recitabatur. Ex hoc instituto, excerpti ex psalmis introitus, Gradalia, Offertoria ante sacrificium, communiones (sic enim MS. codices, pro, communionis) inter communicandum, cum modulatione, ad Missam in ecclesia Romana cantari cœperunt.

Sigebert.  
ad an. 416.

ET alibi: Cælestinus papa, Introitus, Gradalia, Offertoria & Communiones, ex psalmis modulari antiphonatim instituit.

Idem ad  
an. 688.

RADVLPHVS denique Tungrensis latissimè. Cælestinus (inquit) primus natione Romanus, qui cœpit anno Domini 418. constituit, ut psalmi David C. & L. ante sacrificium canerentur antiphonatim

Radulph.  
ad observ.  
can. c. 25.

Aaa 2 natim

natim ex omnibus, quod antè non fiebat, nisi tantum epistola beati Pauli, & sanctum Euangelium recitabatur. Ex hoc instituto excerpti ex psalmis Introitus, Gradualia, Offertoria ante sacrificium, communionem inter communicandum, cum modulatione ad Missam in Ecclesia Romana cantari coeperunt secundum Sigebertum & alios in Chronicis. Non autem intelligendum, quod Cælestinus primò introduxit psalmos dici particulatim ante sacrificium, immò ab initio diu ante eum à patribus sunt seruati. Vnde Cassianus libro tertio de institutis monachorum, c. decimo. Verum ne hoc quidem ignorandum, die Dominica vnam tantummodò Missam ante prandium celebrari. In qua Psalmodum atque orationum seu lectionum pro ipsius collectæ vel communionis Dominicæ reuerentia solennius aliquid impendentes, in ipsa tertiam sextamque pariter consummatam reputat. Quoties igitur idem à diuersis constitutum reperitur, intelligi debet, quod posterior constitutum vel obseruatum à prioribus, vel innouauit, vel autorizauit, vel emendauit, declarauit, publicauit, aut quid simile fecit.

In obsecrationibus sacerdotalibus die Parasceues  
orationes solennes.

Cælest.  
pap epist.  
1.

Q V V M enim (inquit ipse D. Cælestinus papa epistola ad Episcopos Galliarum contra Pelagium & Cælestium) sanctarum plebium præsules mandata sibi met legatione funguntur: apud Diuinam clementiam humani generis agunt causam, & tota secum cōgemiscente Ecclesia, postulant & precantur: ut infidelibus donetur fides, ut idololatram ab impietatis suæ liberentur erroribus, ut Iudeis, ablato cordis velamine, lux veritatis appareat: ut hæretici, catholicæ fidei perceptione, resipiscant: ut schismatici spiritum rediuitæ charitatis accipiant: ut lapsis poenitentiae remedium conferatur: ut denique catechumenis, ad regenerationis sacramenta perductis, cælestis aula misericordiae referetur.

HVNNI,



HVNNI, SVEVI, VANDALI ET BVR-  
GUNDIONES, IN HISPANIIS ET GAL-  
LIIS, AD CATHOLICAE ECCLE-  
SIAE RITVM CONVERSI.

**Q**UANTVM (inquit Paulus Orosius) si ob hoc solum Bar- Paulus  
Oros. l. 7.  
c. 41. cōtra  
pagan.  
bari Romanis finibus immisi forent, q̄ vulgò per oriētem  
& occidentem Ecclesiæ Christi Hunnis, Sueuis, Vanda-  
lis, & Burgundionibus, diuersis & innumeris credentium populis  
replentur, laudanda & adtollenda misericordia DEI videretur:  
quandoquidem, & si cum labefactione nostrī, tantæ gentes agni-  
tionem veritatis acciperent, quam inuenire utiq; nisi hac occasi-  
one, non possent.

ET alibi expressius de Burgundionibus: Burgundionū (inquit) ibi. ca. 32.  
nouorum hostium nouum nomen, qui plūs quàm octoginta mil-  
lia (vt ferūt) armatorum, ripe Rhēni fluminis infederūt. Hos quō-  
dā, subacta interiore Germania, à Druso & Tiberio adoptiuis fi-  
lijs Cæsaris, per castra dispositos, aiunt in magnam coaluisse gen-  
tem: atque etiam itā nomen ex opere præsumpsisse, quia crebra  
per limitem habitacula constituta, Burgos vulgò vocant, eo-  
rumq; esse præualidam & perniciosam manum, Galliæ hodieque  
testes sunt, in quibus præsumpta possessione consistunt: quanuis p-  
uidentia Dei oēs Christiani modò facti, catholica fide, nostrisque  
clericis quibus obedirent receptis, blandè, mansuetè, innocen-  
terque viuant, non quasi cum subiectis Gallis, sed verè cum fratri-  
bus Christianis.

Quo loco dum clericorum sit mentio, nō dubium quin & il-  
lis sacrificia v̄sitata fuerint.

D. AMATORIS ANTISSIODORENSIS  
EPISCOPI SACRAE BENEDICTIO-  
NES IN ORDINATIONE D. PA-  
TRICII EPISCOPI.

Aaaa 3 PA

Beda vit.  
D. Patri.  
cij lib 1.

**P**ATRICIUS autem (inquit ven. Beda) & qui cum eo erant, declinauerunt iter ad quendam mirae sanctitatis hominem, summum episcopum, Amatorē nomine, in propinquo loco habitantem: ubi S. Patricius sciens, quae superuentura essent illi, episcopali gradu ab eodem archipræsule Amatore sublimatus est. Sed & alij nonnulli clerici ad officium inferioris gradus ordinati sunt. Eodem verò die, quo S. Patricius sacris benedictionibus consecratus est, conuenienter hoc psalmistae canticum, in choro psallentium clericorum decantatum est: Tu es sacerdos in aeternum secundum ordinem Melchisedech.

#### D. PATRICII SCOTORVM APOSTOLI SACRIFICIUM.

Idē Beda  
loco cit.

**H**VC in primis pertinet, quod de illius aduentu Magi praedicabant, teste eodem Beda: Adueniet totius artis magister cum signo suae crucis, & de altari sacramentorum conuertet animas ad Christum, & omnis populus Christianorum respondebit, Amen.

Ibidem.

DEINDE & illud eiusdem Bedae: Appropinquauit autem Pascha, (inquit) quod primum in hac insula, non sicut quondam in terra Gesen celebratum est, sed sicut Dei filius in cena sua cum discipulis corpus & sanguinem suum in redemptionem nostram consecrauit.

AC paulopost: Venerunt (inquit) in campum illum maximum, Breg nūcupatum, fixoque ibi tentorio, debita Paschae vota in sacrificium laudis, cum omni deuotione S. Patricius cum suis omnibus altissimo Deo, secundum prophetę vocem, reddidit.

#### EIVSDEM MISSA IN SYNODO.

Ibid. l. 2.

**D**EINDE (inquit idē ven. Beda) sanctissimus Patricius Episcopus venit ad fontem, qui dicitur Debach, in lateribus Crochon contra ortum solis, cum tribus episcopis & multis clericis, ut haberent conciliū de Ecclesiasticis rebus, & federunt iuxta fontem.

ET



ET non multò pòst: Tunc baptizauit filias Regis duas S. Patricius, & induit eas veste alba & candida. Quæ cùm essent baptizatae, postulauerunt videre faciem Christi. Et dixit eis S. Patricius episcopus: Nisi gustaueritis de corpore & sanguine Christi, & nisi mortem corporis senseritis, non potestis Christum videre in gloria sua. Dixerūt, Da nobis sacrificium corporis & sanguinis Christi, vt soluamur à corruptione carnis, & videamus sponsum nostrum qui in celis est. Tunc Missam celebrante sancto Patricio, communicauerunt filij regis cum spe magna & fide perfecta: & cùm communicassent, statim requieuerunt in pace. Ibidem.

VANDALORVM ARRIANISMO IAM  
INFECTORVM, IN ECCLESIAS AFRI  
CAE, SACRIFICIIS SVBLATIS,  
CRVDELIS GRASSATIO.

BREVI consequenti tempore (inquit Diuus Possidius Calamensis Episcopus) diuina voluntate & potestate euenit, (sic enim lego, pro, praeuenit) vt manus ingens, diuersis telis armata & bellis exercitata, immanium hostium Vandalorum & Alanorum, commixtam secum habentes Gothorum gentem, aliarumq; diuersarum gentium personas, ex Hispaniæ partibus transmarinis, nauibus Africæ influxisset & irruisset: vniuersa per loca Mauritaniarum, etiam ad alias nostras transiens prouincias & regiones, omni seuiens crudelitate & atrocitate, cuncta quæ potuit, expoliatione, cædibus, diuersisque tormentis, incendijs, alijsque innumerabilibus & infandis malis depopulata est, nulli sexui, nulli parcens ætati, nec ipsis DEI sacerdotibus vel ministris, nec ipsis Ecclesiarum ornamentis seu instrumentis vel ædificijs. Et hanc ferocissimam hostium grassationem & vastationem ille homo Dei Augustinus, & factam fuisse & fieri, non vt ceteri homines, sentiebat & cogitabat: sed altius & profundius eam considerans, Possid. sub finem vitæ D. Augustini.

& in

& in his animarum præcipuè vel pericula, vel mortes præuidens, solito amplius (vt scriptum est, Qui apponit sciētiam, apponit dolorem : & cor intelligens, quali tinea ossibus) fuerunt ei lachrymæ panes die ac nocte, amarissimamque & lugubrem, præ cæteris suæ senectutis, iam penè extremam ducebat ac tolerabat vitam. Videbat enim ille homo Dei ciuitates excidio perditas pariter cum ædificijs, villarumque habitatores alios hostili nece extinctos, alios effugatos atque dispersos: Ecclesias sacerdotibus ac ministris destitutas, virginesque, sacras & quosque continentes ubique dissipatos: & in his alios defecisse tormentis, alios gladio interemptos esse, alios in captiuitate, perdita animi & corporis integritate ac fidei, malo more ac duro hostibus deferuire. Cernebat etiam hymnos Dei & laudes de Ecclesijs deperisse, ædificia Ecclesiarum quamplurimis locis ignibus concremata esse: solennia quoque, quæ Deo debentur, de proprijs locis defecisse: sacrificia ac sacramenta diuina vel non queri, vel querenti qui tradat, non faciliè reperiri: in ipsas montium syluas & cauernas petrarum & speluncas confugientes, vel ad quascunque munitiones, alios fuisse expugnatos & interfectos, alios necessarijs sustentaculis euolutos atque priuatos, vt fame contabescerēt: ipsosque Ecclesiarum præpositos & clericos, qui fortè Dei beneficio vel eos non incurrerant, vel incurrentes euaserant, rebus omnibus expoliatos atque nudatos, egentissimos mendicare, nec eis omnibus ad omnia, quibus fulciendi essent, subuenire posse. Vix tres superstites videbat ex innumerabilibus Ecclesijs, hoc est, Carthaginiensem, Hipponensem, & Cirthensem, quæ Dei beneficio excisæ non sunt, & earum permanent ciuitates, & diuino & humano fultæ præsidio, licet post eius obitum vrbs Hipponensis incolis destituta, ab hostibus fuerit concremata.

Victor  
Vticenf.  
lib. 1. de  
persec.  
Vandal.

ET post eum Victor Vticensis: Sexagesimus (inquit) nunc, vt clarum est, agitur annus, ex quo populus ille crudelis ac sæuus Vandalicæ gentis, Africæ miserabilis attigit fines, transuadens facili



cili transitu per angustias maris, qua inter Hispaniam Africamque æquor hoc magnū & spatiosum bisseis millibus, angusto se limite coarctauit. Transiens igitur quantitas vniuersa calliditate Geiserici regis, vt famam terribilem suæ faceret gentis, ilicò statuit omnem multitudinem numerari vsque ad illam diem, quam huic luci vt-  
 rus profuderat ventris. Qui reperti sunt senes, iuuenes, paruuli, ser-  
 ui vel domini, octoginta millia numerari. Quæ opinio diuulgata  
 vsque in hodiernum, à nescientibus armatorum tantus numerus  
 æstimatur, cū sit nunc exiguus & infirmus. Inuenientes igitur  
 pacatam quietamque prouinciam, speciositatem totius terræ flo-  
 rentis, quaquauersum impietatis agminibus impendebant, deua-  
 stando depopulabatur, incendio atque homicidijs totum extermin-  
 nantes. Sed nec arbutis fructiferis omnino parcebant, nè fortè quos  
 antra montium aut prærupta terrarum, vel seclusa quæque occul-  
 tauerant, post eorum transitum illis pabulis nutrentur: & sic ea-  
 dem atque iterum tale crudelitate furentibus, ab eorum contagio-  
 ne nullus remansit locus immunis. Præsertim in Ecclesijs basili-  
 cisque & cæmeterijs & monasterijs sceleratius fruebant, & cum  
 maioribus incendijs domus orationis magis quàm vrbes cunctaq;  
 oppida concremarent, ubi fortè venerabilis aulæ clausas repererūt  
 portas, certatim ictibus dextralium aditum referabant, vt rectè tūc  
 diceretur: Quasi in sylua lignorum securibus cōscidere ianuas eius  
 in id ipsum, in securi & ascia deiecerunt eam, incenderunt igni san-  
 ctuarium tuum, & in terra polluerunt tabernaculum nominis tui.  
 Quanti tunc ab eis præclari pontifices & nobiles sacerdotes, diuer-  
 sis pœnarum generibus extincti sunt, vt traderent si quid auri vel  
 argenti proprium vel Ecclesiasticum haberent? Et dum hæc quæ  
 erant, vrgentibus pœnis facilius proderentur, iterum crudelibus  
 tormentis oblatores vrgebant, autumantes quandam partem, non  
 totum, esse oblatum: & quanto plūs dabant, tanto ampliūs quempi-  
 am habere credebāt. Alijs palorū vectibus ora referantes, fœtidum

Psal. 73.

B b b b

cœ-

coenū ob cōfessionem pecunię, faucibus ingerebant. Nonnullos in frontibus & tibijs neruis remugientibus torquendo cruciabant. Plerisq; aquam marinam, alijs acetū, amurcam, liquamenq;, & alia multa atq; crudelia, tāquā vtribus imbutis ori impositis, sine misericordia porrigebant. Non infirmior sexus, nō consideratio nobilitatis, nō reuerētia sacerdotalis, crudeles animos mitigabat: quin immò ibi exaggerabatur ira furoris, vbi honorem conspexerant.

CAELII SEDVLII PRESBYTERI, LIBAMINA SECVNDVM ORDINEM MELCHISEDECH.

sedul.  
oper. Pa.  
sch. libr. 3.

**D**Eniquē (inquit) Pontificum princeps summusq; sacerdos,  
Quis nisi Christus adest? gemini libaminis author,  
Ordine Melchisedech, cui dantur munera semper  
Quæ sua sunt, segetis fructus, & gaudia vitis.  
Eodē pertinet illud de Christo:

**Ibid. li. 4.** Nam corporis atque  
Sanguinis ille sui postquā duo munera sanxit,  
Atque cibum, potumq; dedit, quo perpete nunquā  
Esuriant, sitiantq; animæ sine labe fideles:  
Protinus in Iudam, sedes vbi liuor habebat,  
Spiritus intrauit teterrimus.

**Ibidem.** Item illud:  
Corpus, sanguis, aqua, tria vitæ munera nostræ:  
Fonte renascentes, membris & sanguine Christi  
Vescimur, atque ideo templum Deitatis habemur.

DIVI SIXTI III. PAPAE XLV. ROMANI, BASILICARVM ET ALTARIVM ERECTIONIO.

Hic



**H**IC (inquit Author libri Pontificalis) fecit basilicam sanctæ Mariæ matris Domini, quæ ab antiquis Liberi cognominabatur, iuxta macellum Libyæ, ubi obtulit hæc: Altare argenteum purissimum, pensans libras 300. Calices ministeriales aureos \* duos, pensantes singuli libras singulas. Calices ministeriales argenteos 10, pensantes singuli libras 3.

Auth. lib.  
Pontif.  
cap. 45.

\* tres

Ac non multò post: Item fecit Sixtus Episcopus confessionem beati Laurentij martyris cum columnis porphyreticis, & ornauit \* transennam, & altare & confessionem S. martyris Laurentij de argento purissimo. Fecit altare pensans lib. 50.

\* exedrā  
\* suggestū

#### CASTI EPISCOPI, A SYNODO ROMANA HIEROSOLYMAM DESTINATI MISSÆ.

**V**ENIENTES autem in urbem Hierusalem, (sicuti est in Actis Synodi) introierunt feria VI. Castus, Felix, & Abundius Episcopi, Archidamus, Petrus, & Demetrius presbyteri, & Lollianus ac Leo Diaconi, cum Euphemio Episcopo, & iam sabbato suspenderunt eos ab inuicem à communione. Feria autem prima, celebrata sunt Missæ à Casto Episcopo, qui directus fuerat à Sixto Episcopo & coepiscopis suis, & à Synodo.

Act. syn.  
Rom. sub  
Sixto pa.

#### CARTHAGINI A VANDALIS ERPTA VASA SACRA, ET DIVINI CVLTVS LOCA.

**A**ETIO (inquit D. Prosper Rhegiensis Episcopus) rebus, quæ in Gallijs componebatur, intento, Gensericus, de cuius amicitia nihil metuebat, XIII. KAL. Nou. Carthaginē dolo pacis inuadit, omnesq; opes eius, excruciatu diuerso tormētorū genere ciuibus, in ius suū vertit, nec ab Ecclesiarū spoliatioe abstinēs, quas & sacris vasibus exinanitas, & sacerdotum administratione priuatas, non iam diuini cultus loca, sed suorum iussit esse habitacula: in

Prosper in  
Chron. ad  
ann. 442.

Bbbb 2 vni-

vniversum captiui populi ordinem sequus, sed precipue Nobilitati & religioni infensus, vt non discerneretur, hominibus magis, an Deo, bellum intulisset.

QVAE ipsa verba repetit Marianus Scotus hist. sue lib. 2.

MYSTERIORVM DIVINORVM, EC-  
CLESIIIS IAM ABLATIS, VBI PO-  
TERANT, PER EPISCOPOS  
AFRICAE CELEBRATIO.

Vict. vtic.  
libr. 1. de  
persecut.  
Vandal.

**R**ECEDENTES (inquit idem Victor) qui supererant magni sacerdotes, à Geiserico duce, tristitia & mœrore confecti, cœperunt, qualiter poterant & vbi poterant, ablati Ecclesijs, diuina mysteria celebrare.

INDE CONSECVTVM NOVVM GEI-  
SERICI FERALE DECRETVM, VT  
NULLVS IMMOLANDI NO-  
STRIS CONCEDERETVR  
LOCVS.

Ibidem.

**E**T vt ad id redeamus, (inquit deinceps idem Victor) vnde digressi sumus, terret præceptis feralibus, vt in medio Vandalorum nostri nullatenus respirarent, neque vsquam orandi aut immolandi concederetur gementibus locus, vt manifestè tunc prophetiæ vaticinium compleretur: Non est in hoc tempore princeps aut propheta vel dux, neque locus ad sacrificandum nomini tuo.

Dan.

RHEGIENSIS CONCILII, DE OB-  
LATIONE CANONES.

Chorepiscopo non nisi in absentia Episcopi  
ante presbyteros offerre liceat.

ADDI-



**A**DDITVR (inquiunt Patreseius Synodi) nè vnquàm in ciuitatibus, nisi sub episcoporum absentia, offerre p̄sumat, nec ordinare vel vltimū clericū, nec in ea (itā nāq; lego, pro, eadē) quidem Ecclesia, quæ illi cuiuscunq; misericordia fuerit attributa, nec vlli episcoporum vel succedente ætate, assumpto aliquo, in rudimentis suis huic in aliquo quasi pro ætatis reuerentia, cedere liceat: nec vsquàm ipsi quidpiam de episcopalibus officijs vsurpare, p̄terquàm in Ecclesia, quam cuiusquā misericordia fuerit adeptus, in qua ei solūm neophytos confirmare, & ante presbyteros offerre conceditur. \* adeptus

Liceat illi etiam in Ecclesia benedicere populo, quod presbyteris priuatim duntaxat concessum erat.

ET inter minutas (inquiunt) has discusiones & indefinitas, visum est, omni presbytero per familias, per agros, per priuatas domos pro desiderio fidelium habere facultatem benedictiones aperire, quod nonnullas iam prouincias habere occurrit. Huic autem etiam in ecclesiarum plebibus, per loca tamen magis, quàm per vrbes, hoc idem visum esse tribuendum. Ibid. c. 4.

PER GALLIAS ID TEMPORIS, MIS-  
SARVM PSALMODIAE ET SACRI-  
FICII RITVS, A MONASTERIIS  
ORIENTIS DIVERSVS.

Clausula Psalmi, Gloria Patri, quum in Oriente oratio Psalmi succedat, & glorificatio Antiphona terminetur.

**I**LLVD etiam (inquit Ioannes Cassianus) quod in hac prouincia vidimus, vt vno cantante, in clausula psalmi, omnes adstantes concinant cum clamore, Gloria patri & filio & spiritui sancto, nusquàm per omnem Orientem audiuius, sed cum omniū silentio ab eo qui cātat, finito psalmo, orationē succedere: hāc verò glorificationē Trinitatis, tantūmodò solere antiphona terminari. Ioan. Cassian. de instit. c. 8. nob. l. 2. c. 8.

Bbbb 3 Cano-

Canonicae Orationes quotidianæ ad Horas, tertiam, sextam,  
& nonam: illic verò Sabbato & Dominica tan-  
tùm quum communicant.

Ibid. l. 3. c.  
2.

PRECES (inquit idem) & Orationes per singula momenta  
miscentes, in his officijs quæ nos statuto tempore celebramus, to-  
tum diei tempus adsumunt. Quamobrem, exceptis vespertinis ho-  
ris ac nocturnis congregationibus, nulla apud eos per diem publi-  
ca solennitas, absq; die sabbati vel Dominica celebratur, in quibus  
hora tertia sacræ communionis obtentu conveniunt.

Ad Collectam post Psalmum genuflexio, quum alibi  
statio servaretur.

Ibid. l. 2. c.  
7.

Hæc igitur prædictas orationes (inquit idem Cassianus pri-  
mùm Constantinopolitanus, deindè Lirinentis insulæ monachus  
& Eremita) hoc modo incipiunt atque consummant per The-  
baidem & Aegyptum constituti, ut finito psalmo non statim  
ad incurvationem genuum corruant, quemadmodum faciunt in  
hac regione nonnulli, qui nedùm benè finito Psalmo in orationē  
procumbere festinamus, ad celeritatem Missæ quantocyus pro-  
perantes. Cuius dum volumus excedere modum, quæ antiquitus à ma-  
ioribus statutus est, supputantes residuorum psalmorum numerum,  
ad finem tendere perurgemur, de refectioe potius lassæ corporis  
cogitantes, quàm orationis utilitatem & commoda requirentes.  
Apud illos ergò non ita est, sed antequàm flectât genua, paulisper  
orant: & stantes, in supplicatione maiorem temporis partem ex-  
pendunt. Itaque post hæc puncto brevissimo procidentes humi,  
velut adorantes tantum diuinam clemenciam, summa velocitate co-  
surgunt, ac rursus erecti, expansis manibus, eodem modo quo prius  
stantes orauerant, suis precibus intentius immorantur. Cum autè  
is qui orationem collecturus est, de terra surrexerit, omnes pariter  
surgunt: ita ut nullus, nec antequàm inclinetur ille, genuflectere:  
nec, cum de terra surrexerit, remorari præsumat, nè non tam secu-  
tus



tus fuisse illius conclusionem qui precem colligit, quam suam celebrasse credatur.

Eodem & illud pertinet: Hoc quoque nosse debemus, à vespera Sabbati, quæ luceſcit in diem Dominicum, vsq; in vesperam sequentem, apud Aegyptios genua non curuari: sed nec totis quidem quinquagesimæ diebus.

Ibid. c. 18.

Dominicis diebus, quum plures nonnunquam in Occidente, apud Aegyptios vna duntaxat Missa celebrata.

VERVM (inquit) ne hoc quidem ignorandum, die Dominico vnam tantummodò Missam (hæc haud dubiè de Missæ sacrificio loquitur, quam alibi sacrosancta mysteria nūcupauit, dicēs à Christo esse cœnantibus Apostolis initiata) ante prandiū celebrari: in quapsalmorum atq; orationum seu lectionum pro ipsius collectæ vel communionis Dominicę reuerētia, solennius aliquid ac propēsius impendētes, in ipsa tertiam sextamq; pariter consummatā reputāt.

Ibid. l. 3. c.

11.

Ibid. c. 3.  
& coll. 22.  
c. 4, 6, & 8.

# D. LEONIS MAGNI XLVI. PA- PAE ROMANI, SACRIFI- CII RITVS.

Basilicæ vni Deo dedicatæ in honorem  
martyrum.

QVOD nōnulli etiam (inquit D. Leo papa) Christiani adeo se religiosè facere putant, vt priusquàm ad B. Petri Apostoli basilicā, quæ vni deo viuo & vero est dedicata, pueniant, superatis gradibus, quibus ad suggestū arę superioris ascenditur, cōuerso corpore ad nascentē se solē reflectant, & curuatis ceruicibus in honorē se splendidi orbis inclinent. Quod fieri passim ignorantix vitio, partim paganitatis spiritu, multum tabescimus & dolemus.

Leo papa  
serm. 7. de  
nat. Dom.

Earundem ornatus.

SI (inquit alibi) ipsam Orationis domū propēsiore tunc cura & ampliore

Idē serm.  
3. de Qua-  
drag.

ampliore cultu, quantum possumus, adornamus: nonne dignum est, ut anima Christiana, quæ verum viuumq; Dei templum est, speciem suam prudenter exornet, redemptionis suæ celebratura sacramentum?

Conuentus ad ecclesiam, etiam in Natalibus Martyrum.

Idē serm.  
de Ma-  
chab.

GRATIAS (inquit) dilectissimi, agamus Dño Deo nostro, quod quanta sit huius diei solennitas, etiam si ego taceam, cōuentus vester ostendit. Tam enim conspiranti studio & deuoto animo conuenistis, ut festiuitatis magnificentiam, et si sermo nō indicet, congregatio tamen ipsa testetur, & recte.

Oblatio Domini, quæ veteribus successit sacrificijs.

Idē serm.  
s. de pas-  
sch, Dom.

TRAXISTI (inquit) Domine omnia ad te, ut quod in vno Iudææ tēplo obumbratis significationibus tegebatur, pleno apertōq; sacramento, vniuersarum ubiq; nationum deuotio celebraret. Nunc enim & ordo clarior Leuitarum, & dignitas amplior seniorum, & sacratior est vnctio sacerdotum: quia crux tua omnium fons benedictionum, omnium est causa gratiarū, per quam credenti. Iatur virtus de infirmitate, gloria de opprobrio, vita de morte. Nunc etiam carnalium sacrificiorum varietate cessante, omnes differētias hostiarum, vna corporis & sanguinis tui implet oblatio, quoniam tu es verus agnus Dei, qui tollis peccata mundi, & ita in te vniuersa perficis mysteria, ut sicut vnum est pro omni victima sacrificium, ita vnum de omni gente sit regnum.

Sacrificium iteretur in festiuitatibus, si vnicum populis non sufficiat.

Idē epist.  
79. seu 81.  
ad Diosc.  
Alexand.

UT autem (inquit) in omnibus obseruātia nostra cōcordet, illud quoque volumus custodiri, ut quum solēnior festiuitas cōuentum populi numerosioris indixerit, & ad eam tanta multitudo conuenerit, quam recipere basilica simul vna non possit, sacrificij oblatio indubitāter iteretur, nē his tantum admissis ad hanc deuotionem,



tionē, qui primi aduenerint, videātur hi, qui postmodū cōfluxerint, non recepti: quū plenū pietatis atq; rationis sit, vt quotiēs basilicam, in qua agi, præsētia nouæ plebis impleuerit, totiēs sacrificiū subsequens offeratur. Necesse est autem, vt quædam pars pupuli sua deuotione priuetur, si vnus tantū Missæ more seruato, sacrificiū offerre non possint, nisi qui prima diei parte conuenerint. Studiosē ergo dilectiōem tuam & familiariter admonemus, vt quod nostræ consuetudini in forma paternæ traditionis insedit, tua quoq; cura non negligat, vt per omnia nobis & fide & actibus congruam. Propter quod remeanti filio nostro Possidonio presbytero, hanc ad fraternitatem tuam epistolam dedimus perferendam, qui nostris processionebus atq; ordinationibus frequenter interfuit.

Etiam septiēs aut nouiēs vno die à D. Leone aliquandō celebrata Missarum solennia.

FIDELIUM (inquit Vualafrius Strabus) relatione virorū in nostram vsq; peruenit notitiam, Leonem papam (sic ut ipse fatebatur) vna die vij. vel ix. Missarum solennia sæpius celebrasse.

Vualafri.  
de reb. Eccl.  
clesi, c. 21.

Apostolica lectio.

Prædicaturus verbis (inquit supradictus D. Leo papa) dilectissimi, sacratissimum maximumq; ieiunium, quo aptius vtar exordio, quàm vt verbis Apostoli, in quo Christus loquebatur, incipiam, dicamq; quod lectum est: Ecce nunc tempus acceptabile, ecce nunc dies salutis?

Leo serm.  
4. de quadragesima.

Euangelica lectio.

QUANVIS (inquit) sciam dilectissimi, quòd sanctitatem vestram hodiernæ festiuitatis causa non lateat, eamq; secundum consuetudinem euangelicus vobis sermo reserauit.

Idem serm.  
3. de Epiphania.

ET alibi: Cuius facti memoriā meritò placuit honore annuo celebrari, vt dū euangelica historia incessanter recēsetur, semper se intelligentiū sensibus inferat saluiferū mysteriū per insigne miraculū.

Idem serm.  
5. de eadem.

Cccc Si-

SIMILES sunt loci (vt nē sim prolixior) serm. 1. & 13. de pas. Domini. Serm. 2. de Pascha, & serm. de transfigur. Domini, qui potiùs inscribi debet iuxta Micrologum de eccl. obser. c. 29. De verno ieiunio in Dominica.

Post sacram lectionem sacerdotis exhortatio.

Idē serm.  
2. de Pa.  
scha iam  
citatur.

SED adijciendum est etiam (inquit) nostri sermonis officium, vt sicut pia expectatione deprecare vos consuetudinis debitū sentio, ita solennitati sacratissimæ lectionis subiungatur exhortatio sacerdotis.

Incensum post Offertorium.

Radulph.  
Tungr. de  
can. obser.  
c. ult.

IN quibusdam Chronicis (inquit Radulphus Tungrensis) legitur, quod Leo primus, de quo infra, constituit, vt finito Offertorio, super oblatam incensum in memoriam mortis Christi ponatur.

Illud, Orate pro me &c. D. Leoni adscriptum.

Ibid.

ERECTVS autem (inquit idem) presbyter, populum hortatur ad orandum, dicens: Orate pro me. Quod Leoni Papæ ascribitur.

Natiuitatis Christi in sacrificio crebra mentio.

Leo serm.  
6. de nat.  
Domini.

OMNIBUS quidem (inquit) diebus, dilectissimi, atque temporibus, animis fidelium diuina meditantium, Domini & Saluatoris nostri ex matre virgine ortus occurrit, & mens ad confessionem sui authoris erecta, siue in gemitu supplicationis, siue in exultatione laudis, siue in sacrificij oblatione versetur, nihil crebrius, nihilque magis fidenter spiritali attingit intuitu.

Supplicatio Ecclesiæ pro Imperatoribus.

Idē epist.  
24. & 25.  
ad Theod.  
Imper.

Cupiēsq; (inquit) per omnia placere DEO, cui pro vobis ab Ecclesia supplicatur.

Nominum Episcoporum Catholicorum ad altare recitatio.

DE



DE nominibus autem (inquit) Dioscori & Eustatij ad sacrum altare nō recitandis, dilectionem tuam hoc decet custodire, quod nostri ibidem constituti, faciendum esse direxerint, quodque honorandæ sancti Flauiani memoriæ non repugnet, & à gratia tua Christianæ plebis animos non auertat. Nam iniquum nimis est atque incongruum, eos qui innocentes & catholicos sua persecutione vexârunt, sanctorum nominibus sine discretione misceri: cū damnatam impietatem non deserentes, ipsi se sua prauitate condemnēt, quos conuenit aut percelli pro perfidia, aut laborare pro venia.

Idē epist.  
38. siue  
40. ad A.  
natol. Cō-  
stantin.

EODEM & illud pertinet: Neque prius in Ecclesia, cui te Dominus voluit præsidere, cuiusquam talium (vt antè iam scripsimus) nomen ad altare recitetur, quàm, quid de eis constitui debeat, rerum processus ostendat.

Idem ad  
eundem  
ep. 44. seu  
46.

Si de veritate corporis & sanguinis Domini ambigatur, non sunt vera sacrificia.

ALITER enim (inquit) in Ecclesia Dei, quæ corpus est Christi, nec rata sunt sacerdotia, nec vera sacrificia, nisi in nostræ proprietate naturæ verus nos Pontifex reconciliet, verus immaculati agni sanguis emundet. Qui licet in patris sit dextera constitutus, in eadem tamen carne, quam sumpsit ex virgine, sacramentum propitiationis exequitur.

Idem di-  
cta Epist.  
40. c. 2.

ET apertius alibi: Tunc enim & sacrificij munda est oblatio, & misericordiæ sancta largitio, quandò ij, qui ista dependunt, quid operetur, intelligunt. Nam dicente Dño, Nisi mādūcaueritis carnem filij hominis, & biberitis eius sanguinem, non habebitis vitam in vobis: sic sacræ mensæ communicare debetis, vt nihil prorsus de veritate corporis Christi & sanguinis ambigatis.

Idē serm.  
6. de ieiū.  
7. mensis.

Additum illud Canoni à D. Leone, Sanctum sacrificium, immaculatam hostiam.

Hic (inquit libri Author Pontificalis) constituit, vt intra

Auth. l.  
Pontif. c.  
46.

Cccc 2 Actio-

Actionem sacrificij diceretur: Sanctum sacrificium, immaculatam hostiam, & cætera.

Quod iisdem verbis repetit Ven. Beda in martyrologio, Ber-  
no Augiensis de Missa c. 1. Marianus Scotus hist. l. 2. Sigebertus in  
Chronicis ad annū Dñi 442. Microl. de eccl. obseru. c. 12. Martin<sup>9</sup>  
Polonus ad annum 444. Actionē sacrificij, Canonē interpretātes.

Vvalafr.  
de eccl.  
reb, c. 21.

Vvalafridus verò Strabus paulò latiùs: Leo quoquē (inqt) apud  
Romanos Pontificatum agens, cōstituit, vt intrā Actionē sacrificij  
diceretur: sanctum sacrificiū, & reliqua. De hoc etiā queri potest,  
vtrū ab eo loco, quæ sequūtur, addiderit, vel ipsā tantū verba,  
id est, sanctum sacrificiū, immaculatā hostiā, eo loco intermiscue-  
rit. Quod quia manifestè non legimus, nolumus diffinire.

Benedictio sacerdotum.

Microl. de  
Eccl. ob-  
seru, c. 21.

MAGNVS Leo (inquit Micrologus) & B. Gelasius papa Da-  
masi successores, in ecclesiasticis officijs apprimè eruditi, in decre-  
tis suis, vbi diligentissimè, quid presbyteris liceat, quid ve non li-  
ceat, describunt: nullatenùs illis benedictionem, nisi episcopo præ-  
sente, interdiciunt.

Responsio, Amen, post communionem.

Leo papa  
ferm. 6. de  
ieiun. 7.  
mensis.

Hoc enim (inquit dictus Leo papa) ore sumitur, quod fide cre-  
ditur: & frustrā ab illis Amen respondetur, à quibus contra id quod  
accipitur, disputatur.

Diuinorum mysteriorum in Pascha communis  
celebratio.

Idē ferm.  
10 de qua-  
drag.

Cognoscimus (inquit idem) ad celebrandum Paschæ diem,  
meritò nos quadraginta dierum ieiunio preparari, vt digni possi-  
mus diuinis interesse mysterijs. Non enim summos tantū anti-  
stites, aut secundi ordinis sacerdotes: non solos sacramentorum  
ministros, sed omne corpus ecclesiæ, vniuersumque fidelium nu-  
merum, ab omnibus contaminationibus oportet esse purgatum.

CON-



CONCILII ARAVSICANI I. CANO-  
NES CIRCA SACRIFICIVM.

Energumeni iam baptizati, si purgari se curent, ad com-  
munionem admittendi.

**E**NERGVMENI (inquiunt Hilarius Arelatenſis, Eucherius <sup>Concil. 1.  
Araufic.  
cap. 14.</sup> & Salonius, cæteriſque eius Synodi Patres) iam baptizati, ſi de purgatione ſua curent, & ſe ſollicitudini clericorum tradant, monitiſq; obtemperent, omnimodò communicent, ſacramēti ipſius virtute vel muniendi ab incurſu dæmonum, quo infeſtantur, vel purgandi, quorum iam oſtenditur vita purgator.

In vnum propoſitio Sacramenti conſecretur.

ADMIXTIONEM (inquiunt) Eucharistiæ, ſimul ſacrandam <sup>ibid. c. 17.</sup> cenſuimus.

A VT iuxta aliam editionē: Cū capſa & calix inferendus eſt, & admixtione Eucharistiæ conſecrandus.

Euangelia audiant etiam Catechumeni.

EVANGELIA (inquiunt iuxta editionem meo iudicio caſti. <sup>Ibid. c. 18.</sup> gatiorem) placuit deinceps catechumenis legi, apud omnes prouinciarum noſtrarum Eccleſias.

Ad fidelium verò benediſtionem etiam domeſticam non admittantur.

Ad fidelium (inquiunt iuxta eandem editionem) benediſtio- <sup>Ibi c. 20.</sup> nem, etiam inter domeſticas orationes, inquantū caueri poteſt, ſegregandi: informandiſq; ſunt, vt ſe reuocent, ad ſignandos vel benedicendos ſe, ſemotē offerant.

D. EVCHERII LVGDVNENSIS EPI-  
SCOPI OBLATIO DO-  
MINICA.

Cccc 3 Hvc

suprà pa.  
7. ex co-  
ment. Eu-  
cherij in  
Genef.

Idē Euch.  
qu. 2. in  
epist. 1. ad  
Corinth.

Ibi. 13. in  
Genef.  
cap. 49.

Idem in  
Euang.  
Matth.  
quæst. 11.

Concil.  
Vasenf.  
cap. 2.

**H**VC pertinet inprimis, quod suprà adduximus, de sacrificio secundum ordinem Melchisedech, quod à Christianis offertur toto orbe terrarum.

**DE**INDE & istud super illo Apostoli, Nunquid domos non habetis &c. Quod in hæc verba explicat: Apud Corinthios quondam, sicut alibi asserunt, praua inualerat consuetudo, Ecclesias passim dehonestare conuiuijs, in quibus vefcebantur ante Dominicam oblationem.

**E**ODEM pertinet illud eiusdem: Aser Christus est, cuius panis pinguis factus est, caro scilicet eius, quæ est esca sancta sanctorum, quam quisquis manducat, viuet in æternum.

**I**TEM illud: Regnum DEI Ecclesia est, in qua quotidie bibit sanguinem suum Christus per sanctos suos, tanquam caput in membris suis.

### CONCILII VASENSIS I. CANONES DE DEFUNCTORVM OBLATIONIBVS.

Pœnitentium subito defunctorum Oblationes accipiantur, & commemorationes eorum fiant in salutaribus sacris.

**H**ORVM (inquiunt Patres) qui pœnitentia accepta, bono vitæ cursu, satisfactoria compunctione viuentes, sine communionem, inopinato nonnunquam transitu, in agris aut in itineribus, præueniuntur, oblationem recipiendam, & eorum funera, ac deinceps memoriam, Ecclesiastico affectu prosequendam: Quia nefas est, eorū cōmemorationes excludi à salutaribus sacris, quæ ad eadē sacra fidei affectu cōtendentes, dum se diutius reos statuūt, & indignos salutiferis mysterijs iudicant, ac dum purgatiores restitui desiderāt, absq; sacramentorū viatico intercipiūtur, quibus fortasse nec absolutissimam reconciliationem sacerdos denegandam putasset.

Qui defunctorum retinent oblationes, excommunicentur.

QVI



QVI oblationes(inquiunt) defunctorum retinent,& Ecclesijs tradere demorantur, vt infideles sunt ab Ecclesia abijciendi: quia vsq; ad inanitionem fidei peruenire certum est hanc diuinæ pietatis exacerbationem: quia & fideles de corpore recedentes, votorum suorum plenitudine,& pauperes consolatualimonie,& necessaria sustentatione fraudantur.

PATRV M CONCILII ARAVSICANI  
II. BASILICAE DEDICATIONIO.

QVVM ad Dedicationem (inquiunt) basilicæ, quam Illustrissimus præfectus & patricius, filius noster Liberius in Arausica ciuitate, fidelissima deuotione construxit, Deo propitiantes,& ipso inuitante, conuenissemus.

Concil.  
Arausic.  
II. in initio.

CONCILII VASENSIS II.  
CIRCA MISSAS CANONES.

ET hoc placuit (inquiunt Cæsarius & D. Prosper, cæteri que eius Concilij Patres) vt omnes presbyteri, qui sunt in parochijs constituti, secundum consuetudinem, quam per totam Italiam satis salubriter teneri cognouimus, iuniores Lectores quoscunq; secum in domo, ubi habitare videntur, recipiant:& eos quomodò boni patres, spiritualiter nutriendos, psalmos parare, diuinis lectionibus insistere,& in lege Domini erudire contendant.

Concil.  
Vasens. 2.  
cap. 1.

A Diaconis Euangelia & Homiliæ SS. Patrum recitentur.

SI (inquiunt) presbyter, aliqua infirmitate prohibente, per se ipsum non potuerit prædicare, sanctorum patrum homiliæ à diaconibus recitentur. Si enim digni sint Diaconi, quæ Christus in Euangelio locutus est, legere: quare indigni iudicentur sanctorum patrum expositiones publicè recitare?

Ibid.ca.2.

Ky-

Kyrie eleison in omnibus Ecclesijs frequentius dicatur.

Ibid. ca. 3. **E** T quia (inquiunt) tam in sede Apostolica, quàm etiam per totas Orientales atq; Italiae prouincias, dulcis & nimium salubris cōsuetudo intromissa est, vt Kyrie eleison frequentius cum grandi affectu ac compunctione dicatur: placuit etiā nobis, vt in omnibus Ecclesijs nostris ista cōsuetudo sancta, & ad matutinum, & ad Missas, & ad vesperam, Deo propitiante, admittatur.

In omnibus Missis, etiam pro Defunctis, tē Sanctus, dicatur.

Ibid. c. 4. **E** T in omnibus Missis (inquiunt) siue matutinis, siue Quadragesimalibus, siue in illis, quæ pro defunctorum commemorationibus fiūt, semper **SANCTVS**, Sanctus, Sanctus, eo ordine, quo ad Missas publicas, dici debeat: qā tam dulcis & desiderabilis vox, etiam si die noctuq; possit dici, fastidium non poterit generare.

Nomen papæ Romani recitetur.

Ibidem. **E** T hoc nobis (inquiunt) iustum visum est, vt nomen Domini Papæ, quicumq; sedi Apostolicę præfuerit, in nostris Ecclesijs recitetur.

Post, Gloria patri, semper addatur, Sicut erat in principio.

Ibid. c. 5. **E** T quia non solum (inquiunt) in sede Apostolica, sed etiam per totum Orientem, & totam Africam vel Italiam, propter hereticorum astutiam, qua Dei filium non semper cum patre fuisse, sed à tempore cœpisse blasphemant, in omnibus clausulis post **GLORIA** patri &c. **SICVT** erat in principio, dicitur: etiam & nos in vniuersis Ecclesijs nostris hoc ita dicendum esse decreuimus.  
**D. PROSPERI RHEGIENSIS EPISCOPI, ORATIONVM COMMVNIVM CELEBRATIO, ET SACRIFICIVM.**

Lex supplicationis Ecclesiæ pro omnibus.

QVAM



**Q**VAM legem supplicationis (inquit D. Prosper, explicans locum Apostoli 1. Tim. 2.) ita omnium sacerdotum & omnium fidelium deuotio concorditer tenet, vt nulla pars mū-

Prosper  
de vocat.  
gēt. l. 1.  
cap. 4.

di sit, in qua huiusmodi Orationes non celebrētur à populis Christianis. Supplicat ergò vbiq; Ecclesia Deo, non solum pro sanctis & in Christo iam regeneratis, sed etiam pro omnibus infidelibus, & inimicis crucis Christi, pro omnibus idolorum cultoribus, pro omnibus qui Christum in membris ipsius persequuntur, pro Iudæis, quorum cæcitati lumen Euangelij non refulget, pro hæreticis & schismaticis, q̄ ab vnitæ fidei & charitatis alieni sunt. Quid aut pro istis petit, nisi vt relictis erroribus suis, cōuertantur ad Deum, accipiant fidem, accipiant charitatem, & de ignorantia tenebris liberati, ad agnitionem veniant veritatis?

Sacrificij extra Ecclesiam Catholicam locus non est.

**S**I CVT (inquit, verba D. Augustini citans) videndum est, quid, & cui offeras: ita etiam considerandum est, vbi offeras. Quia veri sacrificij extra Catholicam Ecclesiam locus non est.

Idē sentē.  
ex D. Au.  
gust, c. 15.

Quod ipse sic carmine reddidit:

Sic tamen, vt nōrit, qui reddit vota Tonanti,

Idē epigr.  
15.

Vnum diuinis cultibus esse locum

In toto mundo, quem vera Ecclesia præbet,

Et sine quo nullum iustitiæ est meritum.

Sacro libamine pasci, magnum præsidium.

Magnum (inquit) præsidium est, sacro libamine pasci,

Ibi, epigr.  
70.

Si cor participis crimina nulla premunt.

Nam geminat sibi met peccati pondera, quisquis

Quæ bona sunt, \* sumit: quæ mala, non refugit,

\* spernit:

Oblationes fidelium quotidianæ.

**L**AC (inquit) & lanas ouium Christi, oblationibus quotidianis ac fidelium gaudentes, accipimus.

Idē de vi-  
ta cōtēpl.  
li. 1. ca. 21.

D d d d Per

Per sacerdotes Deus placatur.

Ibid. c. 25. PER tales (inquit) Deus placatur populo, populus instruitur Deo.

Deum facilius placabunt, qui vltro ob peccata occulta, se ab altaris ministerio separant.

Ibidem  
li. 2. ca. 7. QVAPROPTER Deum (inquit) sibi facilius placabunt illi, qui non humano conuicti iudicio, sed vltro crimen cognoscunt, quia aut proprijs illud confessionibus produnt, aut nescientibus alijs, quales occulti sunt, ipsi in se voluntariae excommunicationis sententiã ferunt, ab altari cui ministrabant, non animo, sed officio separati.

### CARPENTORACTENSIS CONCILII, DE MISSIS STATVTVM.

Concil.  
Carpentor.  
epist. ad  
Agretiũ.

QVAPROPTER (inquiunt) hoc communi in Christo deliberatione sancimus, vt, quia filium nostrum Protadium statuta canonibus per vos inserta, & vos simili sententia constringunt: vsq; emisso anno Missas facere non præsumas: quia æquum est, vt quod apud Antistites Deo medio statuitur, inuiolabiliter Deo propitio conseruetur.

### PRISCILLIANISTARVM SACRA INCESTA.

Leo papa  
epist. 91.  
siue 93.

QVOD autem (inquit D. Leo papa ad Turibium Asturicensem Episcopũ) de Manichæorũ fœdissimo scelere, hoc etiã de Priscillianistarũ incestissima consuetudine olim reperiunt, multumq; vulgatum est. Qui enim per omnia sunt impietate sensuum pares, non possunt in sacris suis esse dissimiles.

### AD ILLOS DENO INVESTIGANDOS INDICTA HISPANIARVM SYNODVS.

HA-



**H**ABEATUR ergò (inquit ibidè) inter vos episcopale Cōcilium, & ad eum locum, qui omnibus opportunus sit, vicinarum prouinciarum conueniāt sacerdotes, vt secūdum ea, quæ ad tua cōsulta respondimus, plenissimo disquiratur examine, vt si sint aliqui inter episcopos, q̄ hui⁹ hereseos cōtagio polluantur, à comuniōe sine dubio separandi, si nefandissimam sectam per omnium sensuum prauitates damnare noluerint.

Ibidem.

MANICHAEORVM ROMAE SIMVLATA COMMVNIO IN PVBLICIS CONVENTIBVS.

**Q**VVM (inquit idem) ad tegēdam infidelitatem suam nostris audeant interesse mysterijs, ità in sacramentorum communione se temperāt, vt interdum tutius lateant: ore indigno Christi corpus accipiunt, sanguinem autem redemptionis nostræ haurire omninò declināt. Quod ideò vestram volumus scire sanctitatem, vt nobis huiuscemodi homines & his manifestetur indicijs, & quorum deprehensa fuerit sacrilega simulatio, notati & prodi, à sanctorum societate, sacerdotali authoritate pellantur. De talibus enim B. Paulus Apostolus Ecclesiam Dei prouidè monet, dicens: Rogamus autem vos fratres, vt obseruetis eos, qui dissensiones & offendicula præter doctrinam, quam vos didicistis, faciūt, & declinate ab illis. Huiuscemodi enim Christo Domino non seruiūt, sed suo ventri: & per dulces sermones & benedictiones seducunt corda innocentium.

Idē serm.  
4. de Quatdrag.

CL. MARIi VICTORIS MASSILIENSIS, DE ECCLESIAE SACRIFICIO TESTIMONIUM.

**M**Elchisedech (inquit) vinumque & panem ab cæde reuerso Obtulerat, rex ille Salem, qui munere tali Mystica præmisit summi libamina Christi:

Cl. Mar.  
Victor. li.  
3. in Gen.

D d d d 2 Cuius

Cuius de manibus sumens Ecclesia corpus  
Viuificum panem, caelesti pota cruore est.

Idē epist.  
ad sal.  
monem  
Abbat.

Eodē pertinet illud eiusdem:  
Si Domini templum supplex orator adisti,  
Immo & custodem templi, populiq̃ue magistrum,  
Quot tu isthic homines, tot Christi altaria cernis.

SYNODI ROMANAE CONTRA PRAE-  
DATORIAM EPHESINAM SYNODVM,  
ERRORIS EVTYCHETIS PER MY-  
STERIVM CORPORIS ET SAN-  
GVINIS DOMINI CON-  
FVTATIO.

Concil.  
Rō. epist.  
apud Les  
on. papā  
22. siue 23.

**I**N quibus (inquiunt, praeside D. Leone papa, eius Concilij Pa-  
tres) isti ignorantiae tenebris, in quo haec tenēs desidia torpore  
iacuere, ut nec auditu discerent, vel lectione cognoscerent, quod  
in Ecclesia DEI in omnium ore tam consonum est, ut nec ab  
infantium linguis veritas corporis & sanguinis Christi inter com-  
munis sacramenta fidei taceatur? Quia in illa mystica distributio-  
ne spiritualis alimoniae hoc impartitur, hoc sumitur, ut accipientes  
virtutem caelestis cibi, in carnem ipsius, qui caro nostra factus est,  
transeamus.

ATTILAE HVNNORVM REGIS IN  
SACERDOTES ET ECCLESIAS  
GALLIARVM, PRAESERTIM IN  
METENSI VRBE, CRV-  
DELITAS.

Greg. Tu-  
ron. hist.  
Franc. lib.  
2, cap. 7.

**I**GITUR \* Chuni (inquit Diuus Gregorius Turonensis) à Pan-  
nonijs egressi, ut quidam ferunt, in ipsa sanctae Paschae vigilia, ad  
Metensem urbem, reliqua depopulando, perueniunt, tradentes urbē  
incen-



incendio, & populum in ore gladij trucidantes, ipsosq; sacerdotes  
Domini ante sacrosancta altaria perimentes.

D. NICASII RHEMENSIS EPISCO-  
PI MISSARVM SOLENNIA.

**R**HEMIS (inquit Vsuardus in Martyrolog.) passio S. Ni-  
casij martyris, qui Missarum solennibus pactis, à Vuandalis  
(seu potius Hunnis) intrà Ecclesiam Rhemensem passus est mar-  
tyrium.

Vsuard. in  
martyrol.  
14. Decemb.

VASATENSIS EPISCOPI GRATIA-  
RVM ACTIONIS MISSA.

**P**VLLVLANTE (inquit Sigebertus) intrà Gallias Arria-  
na hæresi, quæ inæquales credēs esse personas sanctę Trinita-  
tis, dicebat filium minorem esse patre, spiritū verò sanctum mino-  
rem patre & filio, Dominus errantes corrigit, ostendens plano mi-  
raculo Deum in tribus personis vnus & æqualis esse substantiæ, nec  
debere ab indignis de diuinitate tractari. Nam Vasatenſi vrbe ab  
Hunorum obsidione liberata per diuinum auxilium, cū Epi-  
scopus pro gratiarum actione Missam populo celebraret, respiciēs  
fursūm, vidit desuper altare, quasi de camera templi cadere æqua-  
liter tres guttas æqualis magnitudinis crystallo clariores, quę simul  
defluentes & in vnum coniunctæ, quali vnam gemmā pulcherri-  
mam effecerūt, qnam cū in medio crucis aureæ & gemmatæ po-  
suiſſent, alię gemmę ceciderūt: seorsūm verò posita, infirmis dabat  
sanitatem. Adorantibus verò imaginem sanctę crucis, augebat de-  
uotionē: quia pijs & mundis clara, & immūdis obscura videbatur.

Sigebert.  
in Chron.  
ad an. Do-  
mini 453.

SALVIANI MASSILIENSIS PRE-  
SBYTERI SOLENNIA  
SACRA.

Ad Ecclesias & altaria concursus.

D d d d 3 ECCLE

saluan.  
Mafsil. l.  
3. de iudi.  
& promd.  
Dei.

**E**CCLESIAS (inquit Saluianus) vel potiùs templa atque altaria Dei, minoris reuerentiæ quidam habent, quàm cuiuslibet minimi ac municipalis iudicii domum. Siquidem intrà ianuas non modò illustrium portarum, sed etiam præsidum aut præpositorum, non omnes passim intrare præsumunt, nisi quos aut iudex vocauerit, aut negotium traxerit, aut ipsa honoris proprii dignitas introire permiserit: ità vt si quispiam ingressus insolenter fuerit, aut cædatur, aut propellatur, aut aliqua verecūdia atq; existimationis suæ labe mulctetur. In templa autem, vel potiùs in altaria atque in sacraia Dei, passim omnes sordidi ac flagitiosi sine vlla penitus reuerentia sacri honoris irrumpunt, non quia nō omnes ad exorandum Deum currere debeant, sed quia qui ingreditur ad placandum, non debet egredi ad exacerbandum. Neque eiusdem officij est, indulgentiam poscere, & iracūdiam prouocare. Nouum siquidem monstri genus est: eadem penè omnes iugiter faciunt, quæ fecisse se plangunt. Et qui intrant ecclesiasticam domum, vt mala antiqua defleant, exeunt, & quid dico exeunt, in ipsis penè hæc orationibus suis ac supplicationibus moliuntur. Aliud quippe ora hominum, aliud corda agunt.

Ibid. l. 7.

EODEM pertinet, quod cōqueritur de frequentatis magis spectaculis quàm ecclesijs: Si quandò (inquit) vsu venit, quod scilicet sepe euenit, vt eodem die & festiuitas ecclesiastica, & ludi publici agantur: quæro ab omnium conscientia, quis locus maiores Christianorum virorum copias habeat, cauea' ne ludi publici, an atrium Dei? & templum magis sectentur, an theatrū? dicta euangeliorum magis diligant, an thymelicorum: verba vite, an verba mortis: verba Christi, an verba mimi? Non est dubium quin illud magis amemus, quod antè ponimus. Omni enim feralium ludicrorum die, quamlibet ecclesiæ festa fuerint, nō solūm ad ecclesiā nō veniunt, qui Christianos se esse dicūt: sed si qui inscij fortè venerūt, dum in ipsa ecclesia sunt, si ludos agi audiunt, ecclesiam derelinquunt.

Cere-



## Cæremoniæ in Ecclesia.

AD domos videlicet (inquit) statim Dominicas currimus, cor- <sup>Ibid.</sup>  
pora humi sternimus, mixtis cum fletu gaudijs supplicamus.

Sacerdotum diuinarum rerum administratio.

ET post hæc (inquit idem in opere titulo Timothei ad eccle- <sup>Idem l. 2.  
ad eccl. ca  
thol. cōtr.</sup>  
siam contra auaritiam edito) parum est successoribus Apostolorū,  
id est, Leuitis ac sacerdotibus, tanta diuinarum rerum administra- <sup>auarit.</sup>  
tione fungentibus, si ipsi tantum diuites fuerint, nisi etiam hære-  
des diuites derelinquant.

Eorundem sacra solennia.

DENIQUE si vult (inquit priori illo opere) quispiā scire, quid <sup>Idem de  
indic. l. 3.</sup>  
in templo huiusmodi homines cogitauerint, videat quid sequatur.  
Siquidem consummatis solennibus sacris, statim ad consuetudina-  
ria omnium studia discurrunt.

Ad aras munera.

ILLVSTRAMVS (inquit alibi) donarijs sacra limina, aras mu- <sup>Ibid. l. 6.</sup>  
neribus.

In ijs Euangeliorum lectio.

HVC pertinet illud suprà citatum: Dicta euangeliorum magis <sup>Ibid.</sup>  
diligant, an thymelicorum.

Postulationes item ad Deum pro rebus præsen-  
tibus.

REMOVET igitur (inquit) à se curā mortalium Deus. Et quæ <sup>Ibid. l. 1.</sup>  
ergò nobis diuinæ religionis est ratio, quæ vel causa Christum  
colendi, vel spes propiciandi? Si enim negligit DEVS in hoc se-  
culo genus hominum, cur ad cælum quotidie manus tendi-  
mus? cur orationibus crebris misericordiam DEI quærimus?  
cur ad ecclesiasticas domos, currimus? cur ad altaria supplica-  
mus? Nulla est enim nobis ratio precandi, si spes tollitur impe-  
trandi. Vides ergò quàm stulta atque inanis sit huius persuasionis  
assertio, quæ utique si recipitur, nihil penitus de religione seruat.

Sed

Sed ad illud fortè confugies, vt dicas nos metu futuri iudicij Deū colere, & ideò omnium præsentium officiorum cultu elaborare, vt in die futuri seculi mereamur absolui. Quid ergò sibi vult Apostolus Paulus, præcipiens quotidie in Ecclesia ac iubens, vt offeratur iugiter Deo nostro orationes, obsecrationes, postulationes, gratiarum actiones? & hæc omnia quam ob causam? quam vtique, nisi (vt ipse dicit) vt quietam & tranquillā vitam agamus in omni castitate? Pro præsentibus, vt videmus, Domino supplicari iubet.

Christus in altari.

Ibid. l. 6. SPERNITVR (inquit) Dei templum, vt concurratur ad theatrum. Ecclesia vacuatur, circus impletur. Christum in altario dimittimus, vt adulterantes visu impurissimo, oculos ludicrorū turpium fornicatione pascamus.

### CONCILII ARELATENSIS III. DE SACRIFICIO MISSAE CA- NONES.

Intra annum Missas episcopus non celebret, qui canones Ordinationum non obseruauerit.

Concil. Arelat. 3. c. 3. ET ideò (inquiunt Cæsarius & alij eius Concilij patres) quicumq; ab hac die contra ea, quæ superius sunt compræhensa, clericum ordinare præsumpserit, ab ea die, qua ei potuerit hoc approbari, anno integro Missas facere non præsumat. Quam rem si quis obseruare noluerit, & contra constitutum fratrum faciens, Missas celebrare præsumpserit, ab omnium fratrum \* charitate no-  
\* commu- uerit se alienum.  
nione

Eucharistia inueterata, igne comburatur.

Iuo Decr. part. 3. c. 59. OMNE (inquiunt iisdem can. 5. iuxta quod citat D. Iuo) sacrificium sordida vetustate perditum, igne comburendum est, & cinis iuxta altare sepeliendus.

Qui sacrificium non benè custodiërit, poeniteat.

QVI



**Q**VI non benè (inquiunt ijdem can. 6. iuxta quod citatur à D. Iuone & Gratiano) custodierit sacrificium, & mus vel aliquod aliud animal comederit illud, quadraginta dies pœniteat. Qui aut perdidit illud in ecclesia, aut ei<sup>9</sup> pars ceciderit, & inuēta non fuerit, triginta dies pœniteat. Perfundens aliquid super altare de calice, quandò offertur, sex dies pœniteat: aut si abundantius, septem dies pœniteat. Qui autem perfundit dum solennitas Missæ celebratur, quadraginta dies pœniteat. Si verò, celebrata Missa, presbyter neglexerit accipere sacrificium, similiter quadraginta dies pœniteat. Et qui accipit sacrificium pollutus nocturno tempore, septem dies pœniteat. Diaconus obliuiscens offerre orationē, donè offeratur lintheamen, quandò recitantur nomina paufantiū, similiter pœniteat. Qui negligentiam erga sacrificium fecerit, ut in eo vermis consumptus sit, & ad nihilum deuenerit, tres quadagesimas cum pane & aqua pœniteat. Si integrum inuentum fuerit, & in eo vermis, comburatur, & cinis sub altare recòdatur: & qui neglexerit, quaternis diebus suam negligentiam soluat. Si cum amissione saporis decoloratur sacrificium, viginti dies expleantur ieiunio: conglutinatum verò, septem dies, qui merferit, pœniteat.

In Missa populus non discedat, nisi iam completa, & benedictione sacerdotis accepta.

**I T E M** (inquiunt aut huius, aut alterius, quod non exstat, Concilij Arelatēsis patres, iuxta quod citatur à DD. Burchardo & Iuone) cū ad celebrandam Missam in Dei nomine cōuenit populus, non antè discedat, quàm Missæ solennitas compleatur, & ubi Episcopus defuerit, benedictionem accipiat sacerdotis.

Burch. l. 3.  
decr. c. 29.  
Iuo part.  
3. c. 34.

**GEISERICI, ROMA CAPTA, SACRO-  
RVM VASORVM DIRE-  
PTIO.**

**Eccc IS**

Ioan. Zo-  
nar An-  
nal. Tom.  
in Marti-  
ano Impe-  
rat.

**I**S igitur (inquit Ioann. Zonara de Geiserico agens) cum classe & copijs magnis Romam venit: Maximo, cum indè profugisset, à suis occiso, vrbe citra laborem potitur, & omnes eius diuitias, sacrarum ædium aurea donaria, & gemmis ornata, nonnulla etiã vasa è templo Hierosolymitano à Tito allata, aurea & ipsa, vnà cum Eudoxia, & duabus eius filiabus, in Africam secum abportat.

Niceph. l.  
13, c. 11.

**Q**UOD paucis sic repetit Nicephorus: Multa quoquè indè ecclesiastica & preciosa abstulit vasa, inter quæ non pauca etiam Hebraica fuere, quæ Vespasianus & Titus, Hierosolymis vastatis, Romam secum attulerant.

DE GRATIAS CARTHAGINIENSIS  
EPISCOPI, CAPTIVORVM ROMA-  
NORVM, VASIS SACRIS DI-  
VENDITIS, REDEM-  
PTIO.

Vict. Vti-  
cens. de  
persecut.  
Vand. l. 1.

**S**TATIM (inquit Victor Vticensis) fategit vir Deo plenus & charus, vniuersa vasa ministerij aurea vel argentea distrahere, & libertatem de seruitute barbarica liberare.

MAVRIS CONVERSIS, PRESBYTER ET  
MINISTRI DESTINATI A ROMA-  
NO PONTIFICE.

Ibid.

**M**ITTUNT (inquit idem Victor) per itinera distenta deserti: peruenitur tandè ad ciuitatem Romanam. Rogatur Episcopus, vt presbyterum & ministros credenti populo destinaret. Explet cum gaudio, quod petebatur, Pontifex. Dei constituitur ecclesia: baptizatur multitudo maxima Barbarorum, & de lupis grex fecundus multiplicatur agnorum.

D. VA.



D. VALERIANI ABENSIS PROVIN-  
CIAE ZEUGITANAE EPISCOPI  
MARTYRIVM, QVOD DIVINA SA-  
CRAMENTA NOLLET  
TRADERE.

**A**CCENDITVR propter hæc (inquit idem) aduersus <sup>Ibid.</sup>  
DEI Ecclesiam Geisericus. Mittit Proculum quendam in  
prouinciam Zeugitanam, qui coarctaret, ad tradendum ministe-  
ria diuina vel libros, cunctos Domini sacerdotes, vt primò armis  
nudaret, & ità faciliùs inermes hostis callidus captiuâset. Quibus  
se non posse tradere clamitantibus, ipse rapaci manu cuncta depo-  
pulabatur, atque de pallis altaris, prò nefas, camisias sibi & femora-  
lia faciebat. Qui tamen Proculus huius rei executor, frustatim  
sibi comedens linguam, in breui turpissima consumptus est mor-  
te. Tunc enim sanctus Valerianus Abensis ciuitatis Episco-  
pus, dum viriliter, sacramenta diuina nē traderet, dimicâset, fo-  
râs ciuitatem singularis iussus est pelli, & ità præceptum est, vt nul-  
lus eum neque in domo, neque in agro dimitteret habitare. Qui  
in strata publica multo tempore nudo iacuit sub aëre, annorū erat  
plūs lxxx.

QVOD repetunt Ven. Beda & Vsuardus in hæc verba: Apud <sup>Beda &</sup>  
Aphricam B. Valeriani Episcopi & confessoris, qui cū esset an. <sup>Vsuard. in</sup>  
norum plūs quàm octoginta, extra ciuitatem singularis expelli <sup>Martyrol.</sup>  
iussus est: & ità præceptum, vt nullus eum neque in domo, neque  
in agro dimitteret habitare, sed in strata publica multo tempore  
nudo sub aëre iacens, in confessione Catholicæ veritatis & defen-  
sione sanctimonij, cursum beatæ vitæ compleuit.

QVOD paucis item Sigebertus in Chronicis.

Eccc 2 ALIO.

LITVRGICON ECCLESIAE LATINAE  
ALIORVM IN APHRICA OB CELE-  
BRATAM SOLENNITATEM  
PASCHALEM MAR-  
TYRIVM.

Viā. v-  
tic., loc. ci-  
tat

**Q**VODAM tempore (inquit idem Victor) Paschalis so-  
lennitas agebatur, & dum in quodam loco, qui Regia voca-  
tatur, ob diem Paschalis honoris, nostri sibimet clausam  
Ecclesiam referarent, compererūt Arriani: statim quidā presbyter  
eorum Antiot nomine, congregata secum armatorum manu, ad  
expugnandam turbam accenditur innocentum. Introeunt euagi-  
natis spatibus, arma corripunt, alij quoque tecta conscendunt, & per  
fenestras Ecclesiae sagittas spargunt. Et tunc fortē canente populo  
Dei, lector vnus pulpito sistens, alleuiaticum melos canebat. Quo  
tēpore sagitta in gutture iaculatus, cadente manibus codice, mor-  
tuus post cecidit ipse. Nam & alij quā plurimi sagittis & iaculis  
in medio crepidinis altaris probantur occisi. Nam qui gladijs tunc  
interempti non sunt, postea pœnis attriti, regio iussu omnes penē  
necati sunt, præsertim maturioris ætatis.

EORVNDem VANDALORVM, IN COR-  
PVS ET SANGVINEM DOMINI  
CONTVMELIA.

Ibid.  
ser. Thas-  
mugade

**A**LIBI nanq; (inquit) sicut \* Thimazadæ contigit, Gali-  
bus, vico Ammonia, vel alijs in locis, tempore quo sacra-  
mēta Dei populo porrigebātur, introeūtes, maximo furore cor-  
pus Christi & sanguinem pauimentis sparserunt, & illud pollutis  
pedibus calcauerunt.

RENOVATA ROMAE A D. LEONE PA-  
PA, SACRA VASA, POST CLADEM  
VANDALICAM.

HIC



**H**IC (inquit Author Libr. Pontificalis) post cladem Vandalicam, renouauit omnia ministeria sacrata argentea per oēs titulos. Auct. lib. Pontif. cap. 46.

AD SYNODVM VENETICAM A SE IN  
ITALIA INDICTAM CONTRA PELAGIANOS, STATVTVM D. LEONIS  
PAPAE, DE TRANSLATIONE  
CLERICORVM AD ALIAS  
ECCLESIAS.

**I**LLAM quoquē partem (inquit D. Leo papa, Nicetæ scribens Aquileiensi Episcopo, prouinciæ Veneticæ Metropolitano) ecclesiasticæ disciplinæ, qua olim à sanctis patribus, & à nobis sæpè decretum est, vt nec in presbyteratûs gradu, nec in diaconatûs ordine, nec in subsequenti officio clericorum ab Ecclesia ad Ecclesiam cuiquam transire sit liberum, vt in integrum reuoces, admoneamus. Vt vnusquisque, non ambitione illectus, non cupiditate seductus, non persuatione hominum deprauatus, ibi, vbi ordinatus est, perseueret : ita vt si quis sua quærens, non quæ Iesu Christi, ad plebem & Ecclesiam suam redire neglexerit, & ab honoris priuilegio, & à communionis vinculo habeatur extraneus. Leo papa epist. 84. siue 86.

VICTORIANI VOCONII SEV  
BVCONII, CASTELLANI MAV-  
RITANIAE EPISCOPI, SA-  
CRAMENTORVM  
LIBER.

**V**OCONIVS Castellani (inquit Gemnadius Massyliensis Mauritaniae oppidi Episcopus) scripsit aduersus Ecclesiae inimicos Iudæos & Arrianos & alios hæreticos. Composuit etiam sacramentorum egregium volumen. Gemnad. in Catal. script. illust.

Eccc 3 MV-

LITURGICON ECCLESIAE LATINAE  
MVSÆI MASSYLIENSIS PRESBY-  
TERI, LECTIONVM ET SA-  
CRAMENTORVM LIBRI.

Ibidem.

**M**VSÆVS (inquit idem) Massyliensis Ecclesiæ presbyter, vir in diuinis scripturis doctus, & in earum sensibus subtilissima exercitatione limatus, lingua quoquē scholasticus, hortatu S. Venerij Episcopi, excerptis ex sanctis scripturis lectiones totius anni, festiuis aptas diebus, responsoria etiam psalmorum & capitula, tempori & lectionibus congruentia : quod opus tam necessarium à lectoribus in Ecclesia probatur, vt expetitur, & solitudinem tollat & moram, plebique ingerat scientiam, celebritatem & decorem. Sed & ad personam sancti Eustasij Episcopi, successoris prædicti hominis Dei, composuit sacramentorum egregium & nō paruum volumen, per membra quidem pro opportunitate officiorum & temporum, pro lectionum textu, psalmorumque ferie & decantatione discretum: sed supplicandi Deo, & contestandi beneficiorum eius soliditate suū consentaneum : quo opere, grauissimi sensus & castigatæ eloquentiæ agnouimus virum. Homilias dicitur etiam declamasse : quas & haberi à fidelibus viris cognoui, sed ego non legi. Moritur Leone & Maiorano regnantibus.

D. HILARII PAPAE ROMANI  
XLVII. CORPORIS ET SAN-  
GVINIS DOMINI  
MYSTERIVM.

Corpus Christi in singulis partibus totum  
accipitur.

Gratian.  
de cōsecr.  
dist. 2. ca.  
vbi.

**V**BI pars est (inquit Diuus Hilarius papa, iuxta quod citatur à Gratiano) corporis, est & totum. Eadem ratio est in corpore Domini, quæ in manna, quod in eius figura præcessit. De quo



quo dicitur : Qui plus collegerat, non habuit amplius : neque qui minus parauerat, habuit minus. Non enim est quantitas visibilis in hoc æstimanda mysterio, sed virtus sacramenti spiritualis.

Corporis Christi in altari veritas.

CORPVS Christi (inquit idem apud eundem) quod sumitur in altari, figura est, dum panis & vinum videtur extrà : veritas autem, dum corpus & sanguis CHRISTI in veritate interiùs creditur.

Ibid. c.  
Corpus

CONCILII TURONICI I. CANO-  
NES, DE MINISTRORVM AL-  
TARIS CONTINENTIA OB  
QVOTIDIANA SA-  
CRIFICIA.

SI vniuersis (inquiunt eius Synodi Patres) fidelibus, secundùm Apostolicam doctrinam, castitas custodienda indicitur, vt qui habent vxores, ita sint, quasi non habentes: quanto magis sacerdotes Dei ac Leuitę, diuino mancipati altario, custodire debent, vt nõ solum cordis, verùm etiam puritatem corporis seruantes, pro plebe supplicaturi, preces illorum ad diuinum mereantur introire auditum? quia secundùm authoritatem Apostoli, qui in carne sunt, Deo placere non possunt. Vos autem non estis in carne, sed in spiritu. Et iterùm, Omnia munda mundis, coinquinatis autem & infidelibus nihil est mundum, sed polluta est eorum & mens, & conscientia. Cùm ergò laico abstinencia imperetur, vt possit orationi vacans, & Deum deprecans, exaudiri: quãto magis sacerdotibus vel Leuitis, qui omni momento parati esse debent, in omni munditia & puritate securi, nè aut sacrificium offerre, aut baptizare, si id temporis necessitas poposcerit, cogantur imparati aut immundi? Qui si cõtaminati fuerint carnali concupiscentia, qua fronte excusabunt? quo pudore vsurpabunt? qua conscientia, quo merito exaudiri se credent?

Concil.  
Turon. 1.  
cap. 1.

Rom. 8.  
Tit. 1.

1. Cor. 7.

Et

Eiusd.  
can. 2.

ET licet à patribus nostris de commissa autoritate id fuerit constitutum, vt quicunque sacerdos vel Leuita, filiorum procreationi operari dare fuisset conuictus, à communione Dominica abstinere: nos tamen huic districtioni moderationem adhibentes, & iusta constitutione mollientes, id decreuimus, vt sacerdos vel Leuita coniugali concupiscentiæ adhærens, vel à filiorum procreatione non desinens, ad altiorem gradum non conscendat, neque sacrificia DEO offerre, vel plebi ministrare præsumat.

CONCILII VENETICI GALLIARVM  
CANON, DE SERVANDO  
EODEM SACRORVM  
RITV.

Concil.  
Venet.  
cap. 15.  
\* ordi-  
num &

RECTVM quoque duximus, (inquiunt D. Perpetuus Turenensis, alijq; eius Synodi patres) vt vel intrà prouinciam nostram sacrorum \* & ordo psallendi vna sit consuetudo, vt sicut vnam cum Trinitatis cōfessione fidem tenemus, vnam & officiorum regulam teneamus, nè, variata obseruatione, in aliquo obseruatio nostra discrepare credatur.

CONCILII ROMANI STATV.  
TVM SVB HILARIO PAPA,  
DE CLERICIS VXORES  
DVCENTIBVS.

Gesta syn.  
Rom. Hil.  
lar. papa  
sub anē.

TIBERIVS (vti habent gesta Synodi post recitatas literas Tarraconensis Prouinciæ Hispaniarum Synodi) episcopus Sabinensis dixit: Prosteor me statuta sedis Apostolicæ in omnibus custodire: & si in Ecclesia mea clericorum aliquem, cōtra præcepta sanctorum canonum depræhendero aut mulierem duxisse, aut duas habere vxores, ab Ecclesiastico officio separari.

D. SIM-



D. SIMPLICII ROMANI PAPAE  
XLVIII. STATVTVM DE EC-  
CLESIASTICIS MINISTE-  
RIIS.

**Q**VI illicite (inquit) à Gaudentio Aulinensis Ecclesiæ fa. simpl pap  
cerdote contra statuta Canonum sunt prouecti, ab Ecclesi- pa epist. 3.  
asticis ministerijs sint remoti.

CLAVDIANI MAMERTI VIENNEN-  
SIS GALLIARVM EPISCOPI, MIS-  
SARVM SOLENNIA, ET \*LETA-  
NIARVM INSTITVTIO.

**R**EFERT Auitus Viennensis Episcopus (D. Gregorio Tu- Greg. Tu.  
ronensi teste) in quadam Homilia, quam de Rogationibus ron. hist.  
scripsit, has ipsas Rogationes, quas ante Ascensionis Dominicæ Franc. lib.  
triumphum celebramus, à Mamerto ipsius Viennensis vrbs epi- 2. cap. 34.  
scopo, cui & hic eo tempore præerat, institutas fuisse, dum vrbs illa  
multis terreretur prodigijs. Nam terræmotu frequenter quatieba-  
tur: sed & ceruorum atque luporum feritas, portas ingressa, per to-  
tam (vt scripsit) urbem nihil metuens oberrabat. Cumque hæc per  
anni circulum gererentur, aduenientibus Paschalis solennitatis die-  
bus, expectabat misericordiam DEI plebs tota deuotè, vt vel hic  
magnæ solennitatis dies huic terrori terminum daret. Sed in ipsa  
gloriosæ noctis vigilia, dum Missarum celebrarentur solennia, sub-  
itò palatium regale intramuraneum diuino igne succenditur, pa-  
uore omnibus perterritis, & Ecclesiam egressis redentibus, nè aut  
hoc incendio vrbs tota cõsumeretur, aut certè disrupta tellure de-  
hisceret, sanctus sacerdos prostratus ante altare, cum gemitu & la-  
chrymis Domini misericordiam imprecatur. Quid plura? penetra-  
uit excelsa poli oratio pontificis inclyti, restinxitq; domus incen-  
dium flumen profluentium lachrymarum. Cumque hæc ageren-  
tur, adpropinquante Ascensione, vt iam diximus, maiestatis Do-

Ffff mini-

minicę, indixit populis ieiunium, instituit orandi modum, edendi seriem, erogandi hilarem dispensationem. Cessantibus quoque exindē terroribus, per cunctas prouincias dispersa facti fama, cunctos sacerdotes imitari commonuit, quod sacerdos fecit ex fide: quę usq; nunc in Christi nomine, per omnes Ecclesias in compunctione cordis & contritione spiritus celebratur.

#### D. SIDONII APOLLINARIS AVERNENSIS EPISCOPI MISSAE.

Ibi. c. 22.

**C**ONTIGIT autem quadam die, (inquit idem D. Gregorius Turonensis) vt S. Sidonius ad festiuitatem basilicę monasterij, cuius suprà meminimus, inuitatus accederet: ablatoque sibi nequiter libello, per quem sacrosancta solennia agere consueuerat, ita paratus\* à tempore cūctum festiuitatis opus explicuit, vt ab omnibus miraretur, nec putaretur ab adstantibus, ibi dē hominem locutum fuisse, sed angelum. Quod in pfatione libri, quem de Missis ab eo compositis, coniunximus, plenius declarauimus.

\* lego: ex tempore

Ibid. 27.

Sidon.

Apollin.

epist. ad

Basilium.

**P**ERTINET eodē, quod adfert ex eiusdem D. Sidonij Epistola, de Euarigis Regis Ostrogothorum in Gallijs seuitia: Nam & ipsos sacrorum templorum aditus spinis iusserat obserari, vt ritas ingrediendi, obliuionem faceret fidei.

#### IDACII CLARI IN HISPANIIS EPISCOPI, AD ALTARE SACRIFICII.

Idacij Clari contra Varidadū Arrianū.

**S**I verò dixerint (inquit disputans contra Arrianos) in hoc patet filio maior esse docetur, quia illi soli sacrificium immolatur. Resp. Vt vanę propositioni vestrę absque vlla subtilitate aut compositione verborum, à nobis competens & congruum reddatur responsum: Sicut patri, ita etiam filio, non solum Christianis temporib; verumetiam à prisca temporis sacerdotibus, multis varijsq; modis pbamus sacrificium fuisse oblatum, Daniele propheta di-

Daniel. 3.



ta dicēte: Nō est locus, inquit tres pueri, ad sacrificādum nomini tuo, & inuenire misericordiam, sed in anima & spiritu humilitatis suscipiamur, & sicut in holocausto arietū & taurorū, & multitudine agnorum pinguium, ita fiat sacrificiū nostrum in conspectu tuo hodiē, vt placeat tibi. Et vt filium fuisse agnoscas, cui hi tres pueri sacrificium se fassi sunt obtulisse, ex ipsius regis ac tyranni, qui eos in fornacem ignis mitti preceperat, cōfessione addisce, q se cum tribus quartum in ipso æstuātis camini incēdio sociatum p̄didit cōspexisse. Nōne, inquit, tres viros misimus in fornacem victos? Et dixerūt ei: Verē Rex. Et dixit: Ecce ego video quatuor viros solutos, & deambulantes in medio ignis, & corruptio nulla est in eis, & adpectus quarti similis est filio Dei. Idem Dei filius per prophetam loquitur, dicens: Ab ortu solis vsque ad occasum sacrificium offertur nomini meo, & oblatio munda: quia magnum est nomē meum in gentibus, dicit Dominus. Et Dauid in Psalmis Psalm. 67. ait: In templo tuo Hierusalem tibi offerunt reges munera. Et vt hęc de filio Dei se dixisse doceret, in alio Psalmo loquitur, dicens: Psalm. 71. Reges Tharsis & insulæ munera offerent, reges Arabum & Saba dona adducent, & adorabunt eum omnes reges terræ, omnes gētes feruient ei. Et vt hęc omnia superiūs designata \* à patre, filio Dei for. \* non Patri soli, sed & doceamus fuisse oblata, in natiuitate eiusdem filij Dei, quæ secundum carnem facta est, probamus fuisse completa, Euangelio comprobante: Quod cū natus esset Iesus in Bethleem Iudæ, in diebus Herodis regis, ecce Magi ab Oriente venerūt Hierosolymam, Matth. 2. dicentes: Vbi est qui natus est rex Iudæorum? Et infrā: Et intrantes in domum, inuenerunt puerum & Mariam matrem eius: & p̄cidentes, adorauerunt eum: & apertis thesauris suis, obtulerunt ei munera. Sacrificium itaq;, quod à Christianis sacris altaribus ad-mouetur, non solum D E O patri, sed etiam filio communi deuotione offertur: quoniam nec patri sine filio potest offerri, neque filio sine patre sanciri.

Ffff 2 AB

LITVRGICON ECCLESIAE LATINAE  
AB HVNERICO GEISERICI FILIO, IN-  
TIO REGNI PERMISSI SPIRI-  
TALES CONVENTVS.

Viſt. Vti-  
cenſ. de  
perſecut.  
Vandal.  
lib. 2.

**M**ORTVO igitur Geſerico (inquit Viſtor Vticenſis) Hu-  
nericus maior filius patri ſuccedit. Qui primordiꝝ regni, vt  
habet ſubtilitas Barbarorum, cœpit mitiꝝ & moderatiꝝ agere, &  
maximè circa religiõem noſtram, vt etiam vbi antea ſub rege Gei-  
ſerico præiudicatum fuerat, nè ſpirituales fierent conuētus, conuen-  
ticula concurrerent populorum.

EIVSDEM EDICTVM, QVO CATHO-  
LICIS PERMITTEBAT MISSARVM  
ACTIONEM, DVMMODO IDEM  
ARRIANIS EPISCOPIS  
LICERET.

Viſt. ibi.

**I**VSSIT vobis (inquit, eodem teſte, in Ediſto ſuo Hunericus)  
Dominus dici, quia Imperator Zenon, & nobiliſſima Placidia,  
per Alexãdram virum illuſtrem ſcripſerũt, petẽtes vt Eccleſia Car-  
thaginis, religiõis veſtrę, proprium episcopum habeat: hoc fieri præ-  
cepit, atq; eis reſcripſit, vel legatis ab eis directis dici iuſſit, vt ſicut pe-  
tiẽrũt, vobis episcopum quem voluẽritis, ordinẽtis: eo ſub tenore,  
vt noſtrę religiõis Episcopi, q̃ in Cõſtãtinopoli ſunt, & p̃ alias p̃-  
uincias Oriẽtis, ex eiꝝ præcepto, Episcopi liberũ arbitrium habeãt in  
Eccleſijs ſuis, quibus voluẽrint linguis populo tractare, & legem  
Chriſtianam colere, quemadmodũ vos hĩc vel in alijs Eccleſijs  
quæ in p̃uincijs Africanis cõſtitutę ſunt, liberum arbitrium habe-  
tis in Eccleſijs veſtris Miſſas agere vel tractare, & quæ legis veſtrę  
ſunt, quemadmodũ vultis facere.

NON MVLTTO POST, EPISCOPORVM,  
CVM ALIIS NVMERO III. MILLIBVS,  
D.CCCC.LXVI IN EXILIVM ACTORVM,  
DIVINA MYSTERIA,

QVI-



**Q**VIBVS (inquit idem) prosequar fluminibus lachrymarū, <sup>Ibid.</sup>  
 quandò Episcopos, presbyteros, diaconos, & alia Ecclesiæ  
 mēbra, id est, quatuor millia, DCCCCLXVI. ad exiliū eremi  
 destinauit? in quibus erāt podagrici q̄ plurimi, alij per ætatē anno-  
 rū à lumine tēporali priuati. In quorū erat numero B. Felix Abdi-  
 ritanus Episcopus, habens iam in Episcopatu XLIII.

Congregantur vniuersi in Siccensē & Larensem ciuitates, vt  
 illuc occurrentes Mauri, sibi traditos ad eremum perduxissent.

ILLIC clamantibus & dicētibz ingenti vociferatione, Chri-  
 stiani sumus, Catholici sumus, Trinitatem Deum inuiolabilē cō-  
 fitemur: includuntur grauiori quidem, sed adhuc latiori custodia,  
 vbī nobis copia dabatur & introire, & verbum admonitionis fra-  
 tribz facere, & diuina mysteria celebrare.

#### IN ITINERE VOCES FIDELIUM AD MARTYRES, DIVINVM SACRIFI- CIUM DESIDERANTIVM.

**Q**VANTAE (inquit idem) tunc multitudines de diuersis regi- <sup>Ibid.</sup>  
 onibus & ciuitatibus, ad visendos Dei martyres occurrerint  
 populorū, testantur viæ vel semitæ: quæ cum agmina venientiū ne-  
 quaquā caperent, vel vertices montiū & valliū, concurrēs turba fi-  
 delium inæstimabilis descendebat, cereos manibus gestātes: suosq;  
 infantulos vestigijs martyriū proijcientes, ista voce clamabāt: Qui-  
 bus nos miseros relinqtis, dum pergitis ad coropas? qui hos bap-  
 tizaturi sunt paruulos fontibus aquæ perennis? qui nobis pœnitētiæ  
 munus collaturi sunt, & recōciliatiōis indulgētia obstrictos pecca-  
 torū vinculis soluturi? Quia vobis dictum est, Quæcūq; <sup>Matt. 18.</sup>  
 super terrā, erunt soluta & in cælis. Qui nos solēnibus orationibus  
 sepulturi sunt morientes? à quibus diuini sacrificij ritus exhibendus  
 est consuetus? vobiscum & nos licebat pergere, si liceret, vt tali mo-  
 do filios à patribz nulla neccsitas separaret.

Ffff 3 D. Fe-

LITURGICON ECCLESIAE LATINAE  
D. FELICIS II. PAPAE ROMANI XLIX.  
IN CONCILIO ROMANO STATUTA, DE  
ORATIONIS PUBLICAE VARIA  
COMMUNIONE.

Episcopi & Diaconi in Africa rebaptizati, pœnitentes, ab Oratione tam catechumenorum quàm fidelium excludantur.

Felix 2.  
pap. epist.  
Decr. c. 2.

**Q**VOS (inquit Felix papa II. vulgò III.) Episcopos, presbyteros, & diaconos fuisse constiterit, vsq; ad exitus sui diem, in pœnitentia (si resipiscunt) iacere conueniet: nec orationi non modò fidelium, sed nec catechumenorum omnimodis interesse, quibus communio laica tantùm in morte reddenda est.

Clerici, monachi, aut virgines Dei rebaptizati, biennio Oblationes offerre non permittantur, sed socientur tantùm in oratione popularibus.

Felix papa  
ibid. c. 3.

**T**RIBVS (inquit) annis inter Audientes sint: septem autem annis subiaceât inter pœnitentes manibus sacerdotum: duobus autè annis oblationes modis omnibus non finantur offerre, sed tantùm

\* popula-  
ribus.

modò \* secularibus in oratione socientur.

Pueris verò & puellis aliquandiù in pœnitentia constitutis, communio non denegetur.

Ibid. c. 4.

**P**VERIS autem, quibus (inquit) quòd adhuc impuberes sint, à puritate vocabulũ est, seu clericis, siue laicis, aut etiã similibus puellis, quibus ignorantia suffragatur ætatis, aliquandiù sub manũ impositione detentis, reddenda communio est: nec eorum expectanda pœnitentia, quos excipit à coërcitione censura.

Catechumeni deniquè rebaptizati, post triennium primùm ad orationes Catechumenorum admittantur.

Ibid.

\* præteri-  
mus.

**N**EC Catechumenos nostros, qui sub tali professione baptizati sunt, \* prætermittimus: quia non est causa dissimilis (sicut iisdem sancti Canones ordinârunt) eius, qui quolibet modo Christũ quem semel confessus abiurauit, tribus annis inter audiētes sint, & postea cum



cum Catechumenis permittantur orare, per manūs impositionem communionis catholicæ gratiam percepturi.

SYNODI ROMANÆ SVB HOC FELICE CONTRA PETRVM GNAPHV-  
VM ANTIOCHENVM EPISCOPVM  
DECRETVM, VT NON ADIICIATVR  
HYMNO TRISHAGIO, QVI CRV-  
CIFIXVS ES PRO NOBIS.

**N**AM quod (inquit Felix epistola sua nomine Synodi ad Pe-  
trum Antiochenū episcopū) post illud, Sanctus immortalis,  
quod est Spiritus sanctus, tunc infer, Qui pro nobis crucifixus es,  
miserere nobis, quaternitatēq; nō Trinitatē, populo insinuare vi-  
deris. Nempe si ex humana traditione manasset hæc laus, nō ita in-  
cautē crucē infereres laudi, in qua filij appellatio, fortis scilicet, po-  
nitur. Quoniā verò ab angelis nobis laus ista pfluxit, qui ante crucē  
dicebāt: Sanctus, sanctus, sanctus: sicut respicere Isaias meruit: post  
crucē verò cū laude clamabāt, Sanctus Deus, sanctus fortis, sanctus  
ī immortalis. Deniquē cū terremotu Cōstantinopolis quateretur,  
populusq; in cāpo oraret, infātulus, toto populo spectāte cū Proclo  
ciuitatis Episcopo, in cælū per vnā horā rapt⁹ est, ibiq; huiusmodi  
didicit hymnum. Rursūmq; descēdens, nunciauit, quē in æthere  
audiērat: dicens de cēlo, quasi de multitudine pfallentium, huius-  
modi laudes insonuisse auribus suis, dictūq; sibi, vt eam laudatio-  
nem populo indicaret. Quam vbi populi inceperant, ciuitatem re-  
ceperunt, Deoque per huiusmodi laudem propicio facto, ab im-  
minenti ira liberati sunt. At tu quā temerē, vt scripturas diuinas  
reliquis, ita & angelorum laudem peruertere præsumpsisti.

Itē epist. ad Zenonē Imperat. Post hæc aut omnia impia, & blasf. In iisd.  
phemiæ suæ præsumpta, & deprauationē trisagiæ deprecationis, cū act.  
illis audire voluit, Qui crucifixus es pro nobis, multa incōueniētia  
effecit, multūq; à nobis, & in Christo dilectis fratribus nostris,  
qui

Felix papa  
& Syn.  
Roman.  
.epist. ad  
Petrum  
Antioch.  
in Act. 5.  
syn.

qui in Oriente sunt, & à venerabili Accio vestrę regalis & à Deo amata ciuitatis Archiepiscopo admonitus, conuerti noluit.

HVNERICI TYRANNI NOVAE PERSECUTIONIS PRAETEXTVS, QVOD CATHOLICI MISSAS CELEBRASSENT IN SORTIBVS ARRIANORVM.

Viſt Vti-  
cenſ. de  
perſec. Vā-  
dal. vbi  
ſup.

**C**OGITAT (inquit Viſtor Vticenſis) aduerſus Eccleſiam Dei, vt qui mēbra aliqua abſciderat, totū laniando perderet corpus. Nam die Aſcenſionis Dñi, legatus Zenonis Imperatoris, regina pręſente, legendū in media eccleſia Epifcopo Eugenio dirigit pręceptū, quod etiam vniuerſæ Africę, veredis currētibus, deſtinauit: Rex Hunericus Vandalorum & Alanorū, vniuerſis Epifcopis Omouſianis: Non ſemēl, ſed ſępiūs conſtat prohibitum, vt in ſortibus Vandalorum ſacerdotes veſtri conuentus minimē celebrarēt, nē ſua ſeductione animas ſubuerterēt Chriſtianas. Quam rem ſpernentes plurimi, reperi ſunt contra interdictū Miſſas in ſortibus Vandalorum egiffe, aſſerentes ſe integram regulam Chriſtianę fidei tenere. Et quia in prouincijs à Deo nobis conceſſis, ſcandalum eſſe nolumus &c.

QVONIAM poſtremum ſic intelligebāt Catholici, quaſi diceret: In prouincijs noſtris Catholicos eſſe nolumus.

Apud eundem  
Viſt. initio l. 3.

HVNC ipſum autē prętextum poſtea denuō allegat in Ediſto ſuo Hunericus, quod anno 8. ſui regni iſtdem penē verbis repetijt.

VICTORIS CARTENNAE MAVRITANIAE  
EPISCOPI, IN LIBELLO FIDEI HVNE-  
RICO TRADITO, MENTIO ILLIVS,  
SANCTVS, SANCTVS, SANCTVS, IN MY-  
STERIIS TVNC VSITATI.

PER-



**P**ERFECTAM (inquit Victor Cartennæ, libello fidei non Geiserico, (vti Gennadius) sed Hunerico potiùs, vti Victor asserit Vticenlis, tradito,) Trinitatem adorantes, & magnificantes, sicut in mysterijs ore nostro dicimus, ita conscientia teneamus: Sanctus, sanctus, sanctus, Dominus Deus Sabaoth. Ter dicētes, sanctus, vnam omnipotentiam confitemur, quia vna est religio, vna glorificatio Trinitatis.

Apud cū  
dē sub fi.  
nem l. 2.

IN TIPASENSI CIVITATE, OB MY-  
STERIA PVBLICE CELEBRATA,  
IVSSV HVNERICI OMNIVM  
LINGVAE EXCISAE, QVI TA-  
MEN LOQVI NON DE-  
STITERVNT.

**I**N Tipasensi verò ciuitate (inquit idem Victor) quod gestum est Mauritaniæ maioris ciuitate, ad laudem Dei insinuare festi-  
nemus. Dum suæ ciuitati Arrianum, Episcopum ex Notario, Cyri-  
lam, ad perdendas animas ordinatum vidissent: omnis simul ciuitas  
euectiōe nauali de pximo cōfugit, relictis paucissimis, qui aditum  
nō inuenerāt nauigādi. Quos Arrianorum Episcopus primò blan-  
dimentis, postea minis compellere cœpit, vt eos faceret Arrianos,  
Sed fortes in Domino, nō solum suadētis infantiā irriserūt, verum-  
etiam publicè mysteria diuina, in domo vna congregati, celebrare  
cœperūt. Quod ille cognoscēs, relationē occultè Carthaginem ad-  
uersus eos direxit. Quæ cū regi innotuisset, comitem quendam  
cū iracūdia dirigēs, pcepit vt in medio foro cōgregata illuc omni p-  
uincia, linguas eis & manus dextras \* radicibus abscideret. Quod  
cū factum fuisset, spiritu sancto præstante, ita loquuti sunt & lo-  
quuntur, quomodo antea loquebantur.

Idē ibid.  
lib. 3.

\* radi-  
cibus

Fit huius eiusdem miraculi mentio, Theodorico & Venan-  
tio Cons. apud Marcellinum comitem.

Marcell.  
Com. in  
Chron.

Gggg

ITEM

ITEM apud Iustinianum Imperatorem l. 2. C. de Offic. prætoris Africæ.

DIVVS Gregorius deniquè idipsum narrat in Dialogis, libr. 3. ca. 32.

D. GELASII, L. PAPAE ROMANI HYMNII, ET SACRAMENTORVM ORATIONES, PRÆFATIONES QVE AC DECRETA, CIRCA VENERANDA MYSTERIA.

Hymni, orationes, ac præfationes, ab ipso compositæ.

Auth. lib.  
Pontif.  
cap. 50.

**F**ECIT (inquit liber Pontificalis) hymnos in modum B. Ambrosij Episcopi. Ac deindè fecit etiam & sacramentorum præfationes & orationes cauto sermone.

QV AE ijsdem verbis repetitur à Sigeberto ad ann. 487. ac Radulpho Tungrensi de Canon. obseru. c. ult.

Alcuin.  
de diuin.  
offic.

DE præfatione item communi sic Alcuinus: Hanc (inquit) exhortatiõem quæ sequitur, (nempe, Verè dignū & iustum est &c.) Gelasius composuisse dicitur.

Vualaf.  
de reb. ec-  
cles. c. 25.

VVALAFRIDVS verò Strabus de hymnis in hæc verba: Et de Gelasio scribitur, quòd tractatus & hymnos, in morem B. Ambrosij composuerit.

Ibid. c. 22.

ITEM de Orationibus: Nam & Gelasius (inquit) Papa, ita tam à se, quàm ab alijs compositas preces, dicitur ordinasse.

Berno  
Augiens.  
cap. 1.

BERNO rursùm Augiensis de ijsdem: Orationes autem, (inquit) quas collectas dicimus, à diuersis authoribus compositæ creduntur, à Gelasio præfule Romano, & beato Gregorio papa. Undè & in vita ipsius legimus: Sed & Gelasianum codicem de Missarum solennijs, multa subtrahens, pauca conuertens, nonnulla superadijciens, in vnus libelli volumine coarctauit. Quod

VO-



volumen, Librum sacramentorum prætitulauit.

CITAT autem verba Ioannis Diaconi, vitæ Diui Grego-  
rij lib. cap.

QUI Berno etiam Gelasiani Ordinis meminit: Vtique (in-  
quit) secundum consuetudinem antiquam, Gradualia, sicut nõ so-  
lùm in nostris libris habetur insertum, sed etiam vt in quodam  
ordine, secundum S. Gelasij papæ authoritatem, reperi prætitulatum.

Ibdē, ca. 7.

ITEM Sigebertus: Gelasius papa Collectas & præfationes com-  
posuit.

Sigeb. ad  
ann. 685.

MARTINVS deniq; Polonus de his omnibus hæc habet: Hic  
fecit Orationes, Tractat, & hymnos, sicut Ambrosius: & Præfatio-  
nem Missæ composuit, Verè dignū & iustum est, quotidiano vsui.

Mart. Po-  
lon. ad  
ann. 493.

Presbyteris non liceat præsentē Episcopo, nisi iubeantur, actio-  
nem sacram supplere, aut veneranda tractare mysteria.

NEC minùs etiam (inquit epistola ad Episcopos per Lucaniam,  
Brutium, & Siciliam) presbyteros, vltra modum suum tendere, p-  
hibemus: Nõ præsentē quolibet antistite, nisi fortassè iubeantur,  
vel orationis, vel actionis sacrę supplendę sibi præsumat esse licen-  
tiam: neq; sub eius adspectu, nisi iubeantur, aut sedere præsumant,  
aut veneranda tractare mysteria.

Gelas. pa-  
pa. Epist.  
i cap. 8.

Diaconis quoq; neq; in presbyterio residere liceat, cum diui-  
na celebrantur, neq; sacrum corpus Dñi prærogadi, nisi ab-  
sentibus Episcopis & Presbyteris, ius habeant.

DIACONOS quoq; (inquit) propriam constituimus seruare  
mensuram, Nõ in presbyterio residere, cum diuina celebratur, vel  
ecclesiasticus habetur quicunq; tractatus. Sacri corporis prærogatio-  
nem, sub cõspectu Pontificis seu presbyteri, nisi his absentibus, ius  
non habeant exercendi.

Ibid. c. 9.  
& 10.

Dæmoniis ministeria sacrosancta tractare non  
liceat.

VSQVE AD Eò sanè cõperimus (inquit) illicita quæq; prorsum-

Ibid. c. 21.

Gggg 2 pere,

pere, vt dæmoniis similibusq; passionibus irretitis, ministeria sacrosancta tractare tribuatur. Quibus si in hoc opere positis, aliquid propriæ necessitatis occurrat: quis de sua fidelium salute confidet, vbi ministros ipsos curationis humanæ tanta perspexerit calamitate vexari? Atque idè necessariò remouendi sunt, nè quibuslibet, pro quibus Christus est mortuus, scandalum generetur infirmis. Postremò, si corpore sauciatus fortassis aut debilem, nequaquam sancta cõtingere lex diuina permittit: quanto magis doni cælestis dispensatores esse non conuenit, quod est deterius, mente perculsos?

Nouæ basilicæ neq; consecrentur sine præcepto sedis Apostolicæ, neq; in defunctorum incertorum nomine.

Ibid. c. 6. **BASILICAS** (inquit ad eosdem Italiæ Episcopos) nouiter institutas, non petitis ex more præceptionibus, dedicare non audeat, nec ambiant sibi vindicare clericos potestatis alienæ.

Ibid. c. 27. **ET** iterum: De locorum cõsecratione sanctorum, quanuis superius strictim fuerit comprehensum, nobis quoq; patefactum est, quòd absq; præcepto sedis Apostolicæ, nonnulli factas Ecclesias vel oratoria sacrare præsumant: hoc sumus tamè indicio detestabiliore permoti, qd in quocunq; nomine defunctorum, & (quantum dicitur) nec omninò fidelium, cõstructiones ædificatas sacris processionibus audacter instituere memorantur.

Fœminæ sacris altaribus ministrare non permittantur.

Ibid. c. 28. **NIHILO** minùs (inquit) impatienter audiuius, tantum diuinarum rerum subisse despectum, vt fœminæ sacris altaribus ministrare ferantur: & cuncta quæ nõ nisi virorum famulatui deputata sunt, sexum, cui non competit, exhibere.

Hæretici Episcopi defuncti nomen, in Ecclesiastica recitatione ascribi non liceat.

Idē epi. 5.  
ad Anast.  
Imperat.

Quo (inquit Epist. ad Anastasium Imp. de Acacio) in sua perfidia & damna,



damnatione moriente, tam eius in Ecclesiastica recitatione nō potest nomen ascribi, quā externae contagium non debet communicationis admitti.

EODEM pertinet, quod ex Epistola ad Dardanī Episcopos citat Gratianus: Qui (inquit) meruit ab Apostolica communione secludi, in hac eadem persistens damnatione defunctus est, absolutionē, quam superstes nō quæsiuit, omninō nec meruit, nec mortuus iam potest impetrare. Siquidem iplis Apostolis Christi voce delegatum est: Quē ligaueritis super terram. Et reliqua. Ceterū de eo qui in diuino iudicio est constitutus, nobis fas non est aliud decernere, præter id, in quo cum dies supremus inuenit; atq; ideo, nisi eius nomine refutato, cæterisq; confortibus huius erroris, cum nullo prorsus eorum participare debetis mensē Dominicæ puritatē, quam Maiores nostri semper ab hæretica magnoperè serauerunt pollutione discretam.

EPISCOPI SYPONTINI MISSAE IN MONTE GARGANO IN DEDICATIONE ECCLESIAE S. MICHAELIS ARCHANGELI.

INTERVM (inquiunt Ven. Beda & Ado Treuirensis) Romano Pontifice (quem Gelasium fuisse tradit Sigebertus) & Syptino Episcopo, de consecratione loci ipsius querētibus, ac propterea tri-duanum ieiunium cum ciuibus suis celebrātibus, nocte ieiunij suprema sanctus Michael Episcopo Syptino per visionem appārens, monuit vt intrarent ecclesiam quam ipse dicauit, & Missas iuxta morem ibi agerent.

MISSAS autem postridiē & deinceps ibi celebratas, indicat ipsa Dedicationis historia, ex qua verba prædicta constat desumpta, inter Homilias Doctorum edita: Missarum itaq; celebratione completa, magno attoniti gaudio, quique redierūt in sua. Episcopus autem delegato ministrorum, cantorum, sacerdotumque officio, &

Gggg 3 man-

Grat. 24.  
qu. 2. Nec  
quisquis.

Matt. 18.

Ven. Beda  
& Ado  
Treuir. in  
Martyrol.  
3 Cal. Oct.  
Sigebert.  
in Chron.  
ad an. 488.

Relatio  
Dedicat.  
Eccl. 5.  
Michaelis

mansione constructa, omnem ibidem quotidie psalmodum, hymnorum, Missarumque cursum, congruo praecepit ordine celebrari.  
**GENNADII PRESBYTERI MASSYLIENSIS, DE EVCHARISTIAE OBLATIONE DOGMA.**

Gennad.  
de eccl.  
dogm. c.  
75.

**I**N eucharistia (inquit Gennadius confessione suae fidei ad Gelasium papam, quae perperam D. Augustino inscribitur titulo de ecclesiasticis dogmatibus, quum illi hunc librum adscribant, eodem titulo nominatim Vualafrius Strabus de reb. eccl. c. 21. Algerus l. 1. de corpor. & sang. Domini c. 21. ac B. Thomas super 1. c. Matth. & Quotlib. 11. art. 2. ipse quoque Sigbertus & Honorius in Catal. script. priori titulo eundem citent) non debet pura aqua offerri, ut quidam sobrietatis falluntur imagine, sed vinum cum aqua mixtum: quia & vinum fuit in redemptionis nostrae mysterio, cum dixit, Non bibam amodo de hoc genimine vitis: & aqua mixtum, non quod post cenam dabatur, sed quod de latere eius lancea perfollo aqua cum sanguine egressa, vinum de vera eius carnis vite cum aqua expressum ostenditur.

**ANASTASII II. ROMANI PAPAE LI. STATUTA DE ECCLESIAE MYSTERIIS.**

Anast. 2.  
papa ad  
Anast. August. c. 8.

**V**NDE (inquit Anastasius 2. papa) quum sibi sacerdotis nomen vindicauerit condemnatus, in ipsius verticem superbiae tumor inflicus est: quia non populus, qui in mysterijs donum ipsius sitiebat, exclusus est: sed anima sola illa, quae peccauerat, iusto iudicio propriae culpae erat obnoxia.

Heretici nomen in ecclesia non recitetur,

Ibid. c. 1.

**LEGATIONE** (inquit idem) itaque fungimur, pro Christo, nec eos propter offensionem vel scandalum patiamini publice nominari, quorum merita vel actus illum iudicem latere non possunt, in cuius iam sunt iudicio constituti.

ET



ET rursum: Precamur itaq; clementiam vestram, vt specialiter nomen taceatur Acacij, vt quod multis ex causis scandalum vel offendiculum ecclesiæ concitauit, speciali appellatione taceatur.

EODEM pertinet & illud: Ideò ergò & ipse Acacius, cuius nomen dicimus reticendum. Ibid. c. 8.

### GVNTHAMVNDI IN AFRICA ECCLESIA- RVM RESTITVTIO.

GVNTHAMVNDVS (inquit) rex in Africa ecclesias Catholicorum à patruo suo Hunerico vel auo Geiserico clausas, aperuit, & omnes Dei sacerdotes, petente Eugenio Carthaginienfì Episcopo, ab exilio reuocauit. sigebert. Chron. ad an. 492.

## SECVLI A CHRIS- TO INCARNATO SEXTI, SACRIFICII RITVS.

### D. SYMMACHI PAPAE ROMANI LII. STATVTVM CIRCA SACRI- FICIA.

Omni die Dominico & in Natalitijs martyrum, Hymnus,  
Gloria in excelsis, dicatur ante sacrificium.

**H**IC (inquit liber Pontificalis) constituit, vt omni die Dominico, vel natalitijs martyrum, hymnus, Gloria in excelsis, diceretur. Lib. Pontif. c. 52.

QVOD iisdem verbis repetit Alcuinus li. de diuinis offic. Amalarius de eccles. offic. c. 8. Berno Augiensis de Miss. c. 2. & Martinus Polonus anno Domini 1101.

ITEM Hrabanus Maurus: Telesphorus (inquit) papa fertur constituisse, vt ante sacrificium hymnus, Gloria in excelsis, dicatur: Hraba de instit. cler. l. 1. c. 32.

dicatur: quod tamen modò non semper agitur, sed in diebus tantùm Dominicis, & in sanctorum festiuitatibus, quod Symmachus papa ità fieri mandauit.

Vualaf.  
de reb. ec-  
cl. c. 22.

ET Vualafrius Strabus: Huic assertioni (inquit) videtur illud suffragari, quod legitur, Symmachum Romanorum præfulē constituisse, vt omni Dominica vel Natalitijs sanctorum, Gloria in excelsis deo, diceretur. Aut enim (sicut prædiximus) illum hymnū Telesphorus non apposuit, aut si fecit, statutum illius longo tempore imperfectum remansit.

sigeber.  
in  
Chron.

SIGEBERTVS etiā: Hic Symmachus (inquit) cōstituit omni die Dominico vel Natalitijs martyrum, Gloria in excelsis Deo, ad Missas cantari, quem hymnum Telesphorus septimus à Petro Papa, nocte tantùm Natalis Domini ad Missas à se in ipsa nocte institutas, cantari instituit, & in eo ad angelorum verba, quæ sequuntur, adiecit.

Microlog.  
de  
eccl. obser.  
c. 45.

MICROLOGVS quoque: Symmachus (inquit) papa constituit, vt in Dominicis diebus & natalitijs martyrum, hymnus Gloria in excelsis, dicatur: quod & nos obseruamus in omni Dominica, & in festis nouem lectionum, excepto, infra Aduentum Domini, & à Septuagesima vsque ad Pascha: in ijs tamen diebus natalitia Apostolorum & festa S. Marię iuxta Romanam consuetudinem, Gloria in excelsis, recipiunt.

SYNODI QVARTAE ROMANAE SVB  
SYMMACHO PAPA DECRETVM, DE  
MISSIS IN SCIO EPISCOPO PER  
PRESBYTEROS NON CE-  
LEBRANDIS.

Syn. 4.  
Rom. sub  
sym. papa  
in fine.

QVIS QVIS verò (inquiunt Patres) clericorū, post hanc formā à nobis prolatā, quocunq; sacro Deo loco in ecclesia Romana Missas celebrare præsumpserit, præter conscientiam papę Symmachi, dum viuuit, statutis canonicis velut schismaticus percussatur.

LAV-



LAVRENTII MEDIOLANENSIS ET  
D. PETRI RAVENNATIS EPISCOPO-  
RVM MISSAE. ET IN IIS PA-  
PAE MENTIO.

**D**EINDE (inquit Ennodius Diaconus de Synod. sub Ennod.  
Symmach. papa) post questionum torrentes, venerabilem diac. l. de  
Laurentium & Petrum episcopos, à communione papæ se suspen- dict. syn.  
disse replicatis: & quicquid prouidit cautio conuocatorum, ducitis  
ad crimē impetiti. Vllōne ergo tempore dum celebraretur ab his  
sacra Missarum, à nominis eius commemoratione cessatū est? vn-  
quā pro desiderijs vestris sine ritu catholico & canonico more,  
semiplenas nominatim antistites hostias obtulerunt?

EODEM pertinet illud ipsius Symmachi papæ ad eūdem Lau- Sym. papa  
rentium: Benè venerandis initiandus altaribus, & in laica conuer- epist. 2.  
satione quod sacrum esset, elegisti.

**I**TEM quod de se scribit ipse D. Petrus Chrysologus Rauēnas: Pet. Chry.  
Omnibus quidē ecclesijs venerationem me debere profiteor, & fi- fol. serm.  
delissimam seruitutē, sed Corneliensi ecclesiæ inseruire peculia- 165.  
rius, ipsius nominis amore compellor. Cornelius nanq; memoriæ  
beatissimę vita clarus, cunctis virtutum titulis vbiquē fulgēs, ope-  
rum magnitudine notus vniuersis, pater mihi fuit: ipse me per  
Euangelium genuit, ipse pijsimè nutriuit, ipse sanctus sancta  
instituit seruitute, ipse Pontifex sacris obtulit & consecrauit alta-  
ribus. & idēd mihi clarum, colendum, mirabile Cornelij nomen.

**I**LLVD etiā eiusdem, interpretantis parabolam duorum fi- Idem  
riorum: Hic est vitulus, qui in epulum nostrum quotidie ac iu- serm. 5.  
giter immolatur.

D. TVLGENTII RVSPENSIS BYZA-  
CENAE PROVINCIÆ EPISCOPI  
DIVINA SOLENNIA.

Hhhh Diui-



Diuina sacramenta solenniter celebrata in eius ordinatione.

Auth. vitę  
D. Fulgę-  
tij. **C**ELEBRATA sunt eodem (inquit Author Vitę ipsius) die diuina solenniter sacramenta, & de manibus B. Fulgętij cōmunicans omnis populus, letus abscessit.

Toti Trinitati offertur sacrificium corporis & sanguinis Christi.

Fulgent. l.  
2. qu. 1. ad  
Monimū.

**A**D quęstionem Monimi de sacrificio corporis & sanguinis Christi, quod pleriq; soli Patri existimant immolari, respondens D. Fulgentius, postquā deduxit ex veteri testamento, Altaria non ad aliud cōstituta fuisse, nisi ad offerendum sacrificiū neo, & sacrificia Abrahę, Isaac, & Iacob, etiam filio fuisse oblata, sic tandem concludit: Ecce amicorum Dei sacrificio, prorsus Ecclesię catholicę cōcordat oblatio. Quę sic sacrificat patri, vt simul omni sacrificet Trinitati. Quoniam & sancti patriarchę, sacrificiū quod filio iuebantur offerre, sciebant se patri simul & filio, placitis obsequijs exhibere. Idcirco autem eis diuinitus iuebatur, vt filio altare construerent, non quia sacrificandum non esset patri, sed vt quod immolabatur à sanctis, simul filio immolaretur & patri. Neque vt preponendus esset patri filius, sed nē putaretur genitori genitus in aliquo postponendus.

Ibid.

Et paulopòst, post allatum testimonium Prophetę Sophonię de sacrificio, (vti loquitur) quod nunc in ecclesia geritur, nempo illud, Qui dispersi sunt, offerent mihi hostias in illa die, sic infert: Ecce ille qui se expectandum in die resurrectionis suę precipit, ipse sibi hostias ab omnibus gętibus offerendas ostendit, vt agnosceretur sacrificium illud esse acceptabile Deo, quod communiter patri & filio supplex offert fidelium puraque deuotio.

Idę ferm.  
de Epiph.

Eodem pertinet illud eiusdem de oblatione Magorū: In oblatione thuris confunditur Arrianus, qui soli patri sacrificium debere contendit.

Ora-



Oratio quidem ad patrem dirigitur, sed Consummatio filij  
& spiritus sancti nomen complectitur.

SI qui verò (inquit) Catholici fideles, huius sacramenti nunc Idem loc.  
vsq; videbantur ignari, deinceps scire debet, omne cuiuslibet ho- cit. ad Mo-  
norificentia & sacrificij salutaris obsequium, & patri, & filio, & spi- nimum.  
ritui sancto, hoc est, sanctæ Trinitati, ab Ecclesia catholica pariter  
exhiberi, in cuius utriusque vno nomine manifestum est, sanctum quoque  
baptisma celebrari. Neque enim præiudicium filio vel sancto  
spiritui comparatur, dum ad patris personam precatio ab offerente  
dirigitur, cuius consummatio, dum filij & spiritus sancti comple-  
ctitur nomen, ostendit nullum esse in Trinitate discrimen. Quia  
dum ad solius patris personam honoris sermo dirigitur, bene cre-  
dentis fide tota Trinitas honoratur. Et cum ad patrem litantis de-  
stinatur intentio, sacrificij munus omni Trinitati vno eodemque  
offertur litantis officio. Nos itaque dum Trinitati, quæ vnus & ve-  
rus est Deus, vnum sacrificium offerimus, vanis hæreticorum non  
moueamur obiectis.

Verba illa Canonis Græcorum, & quantum apparet, tum  
etiam Afrorum, Mittas spiritum tuum sanctum su-  
per nos &c. quomodo intelligenda.

IAM nunc (inquit post hæc) etiam illa nobis est de spiritus san- Ibid. qu. 2.  
cti missione quæstio reuoluenda, Cur scilicet, si omni Trinitati sa-  
crificium offertur, ad sacrificandum oblationis nostræ munus, san-  
cti spiritus tamen missio postuletur. Quasi verò (ut ita dicam) ipse  
pater Deus, à quo spiritus sanctus procedit, sacrificium sibi oblatum  
sanctificare non possit, aut ipse filius sanctificare nequeat sacrificium  
corporis sui, quod offerimus nos, cum corpus suum ipse sanctifica-  
uerit, quod obtulit, ut redimeret nos. Aut ita spiritus sanctus ad  
consecrandum Ecclesiæ sacrificium mittendus sit, tanquam pater  
aut filius sacrificantibus desit.

ET post multa, primam ponit hanc propositionem. Quum ergò, Ibid.

H h h h 2 sicut



sicut diximus, tota Trinitas vnitatē deitatis suae naturaliter immēsa infinitaque permaneat, & sic localiter nusquam sit, vt tamen nusquam desit, atque ita sit vbique tota, vt nec per partes creaturae totius particulariter diuidi, nec vniuersitate totius possit creaturae concludi, quoties spiritus sanctus ad consecrandum sacrificium à patre poscitur. Prima est fidei ratio, primaque cunctis Christianis salubriter retentanda cautela, vt sancti spiritus nullatenus localis cogitetur aut existimetur aduentus.

Ibid.

DEINDE & alteram hanc: Quocirca, sicut dicit Apostolus, spiritalibus spiritalia comparantes, vt in spiritu, qui vtique naturaliter Deus est, nihil corporale, nihil locale, nihil temporale, nihil mutabile cogitantes, considerare debemus, nomine spiritus sancti nonnunquam dona spiritalis gratiae nuncupari.

Ibid.

POSTEA ita concludit: Quum ergo sancti spiritus ad sacrificandum, totius Ecclesiae sacrificium postulatur aduentus, nihil aliud postulari mihi videtur, nisi vt per gratiam spiritalem, in corpore Christi (quod est Ecclesia) charitatis vnitas iugiter indurupta feruetur.

Ibid.

AC paulopost idem repetens: Dum itaque (inquit) Ecclesia Spiritum sanctum sibi caelitibus postulat mitti, donum sibi charitatis & vnanimitatis postulat à Deo conferri. Quando autem congruentius, quam ad consecrandum sacrificium corporis Christi, sancta Ecclesia (quae corpus est Christi) spiritus sancti deposcat aduentum, quae ipsum caput suum, secundum carnem de spiritu sancto nouerit natum?

Ibid.

1. Petr. 2.

ET iterum latius: Hae itaque spiritalis aedificatio corporis Christi, quae fit in charitate, cum scilicet secundum B. Petri sermonem, lapides viui aedificantur in domum spiritalem, & sacerdotium sanctum, offerentes spirituales hostias, acceptabiles Deo per Iesum Christum. Hae, inquam, aedificatio spiritalis, nunquam opportunius peti, quam cum ab ipso Christi corpore (quod est Ecclesia)

fia)



fia) in sacramēto panis & calicis ipsum Christi corp⁹ & sanguis offertur. Calix enim quem bibimus, communicatio sanguinis Christi est: & panis quem frangimus, participatio corporis Domini est. Quoniam vnus panis, vnum corpus multi sumus, omnesq; de vno pane participamus. Et propterea petimus, vt scilicet ea gratia, qua factum est, vt Ecclesia Christi corpus fieret: eadem gratia fiat, vt omnia membra, charitatis manente compage, in vnitae corporis perseuerent.

In isto sacrificio, gratiarum actio est, pro carne & sanguine, à Christo oblato.

FIRMISSIMÈ tene, (inquit idem lib. de fide ad Petrum diaconum, qui D. Augustino perperam adscribitur, quum titulo Fulgentij cite à Bertramo heretico) & nullatenus dubites, ipsum vni-  
genitum Deum, verbum carnem factum, se p nobis obtulisse sacrificium, & hostiam Deo in odorem suauitatis: cui cum patre & spiritu sancto à Patriarchis, Prophetis, & sacerdotibus tempore veteris testamēti animalia sacrificabant: & cui nūc, id est, tempore noui testamenti, cum patre & spiritu sancto, cum quibus illi est vna diuinitas, sacrificium panis & vini, in fide & charitate, sancta Ecclesia catholica per vniuersum orbem terrarū offerre non cessat. In illis enim carnalib⁹ victimis figuratio fuit carnis Christi, quam p peccatis nostris ipse sine peccato fuerat oblaturus: & sanguinis, quem erat effusus in remissionem peccatorum nostrorum. In isto autē sacrificio, gratiarum actio atq; commemoratio est carnis Christi, quam p nobis obtulit, & sanguinis quem, p nobis idem Deus effudit. De quo B. Paulus dicit in Actibus Apostolorum: Attēdite vobis & vniuerso gregi, in quo vos spiritus sanctus posuit Episcopos regere Ecclesiam Dei, quam acquisiuit sanguine suo. In illis ergo sacrificijs quid nobis esset donandum, figuratè significabatur. In hoc autem sacrificio, quid nobis iam donatum sit, euidenter ostenditur. In illis sacrificijs prænunciabatur filius Dei pro impijs occi-

Idem lib.  
de fide ad  
Petrum  
Diacon.  
cap. 19.

Acto. 20.

H h h 3 den-



Rom. 5.

dendus: in hoc autem pro impijs annunciatu occisus, testante Apostolo: quia Christus, cum adhuc infirmi essemus, secundum tempus, pro impijs mortuus est: & quia cum inimici essemus, reconciliati sumus Deo per mortem filij eius.

### CONCILII AGATHENSIS CIRCA MISSARVM CELEBRATIONEM CANONES.

Digamis presbyteris, consecrandi: diaconis, ministrandi officium adimatur.

Concil.  
Agath.  
cap. 1.

**P**LACUIT (inquiunt D. Caesarius Arelatensis, alijq; eius synodi Patres) de digamis aut interuptarum maritis, quanquam aliud patrum statuta decreuerunt: vt qui hucusq; ordinati sunt, habita miseratione, presbyteri vel diaconi nomen tantum obtineant: officium vero consecrandi, presbyteri: & ministrandi, diacones non praesumant.

Altaria vnctione & sacerdotali benedictione sacrandi.

Eiusd.  
cap. 14.

**ALTARIA** (inquiunt) placuit, non solum vnctione Chrismatis, sed etiam sacerdotali benedictione sacrari.

Præter præcipuas festiuitates, in Oratorijs Missas celebrare liceat.

Ibid. c. 21.

**S**I quis etiam (inquiunt) extra parochias, in quibus legitimus est ordinariusq; conuentus, oratorium in agro habere voluerit, reliquis festiuitatibus, vt ibi Missas teneat propter fatigationem familiaræ, iusta ordinatione permittimus: Pascha vero, Natali Domini, Epiphania Dñi, Ascensione Dñi, Pentecoste, & Natali S. Ioannis Baptistæ, & si qui maximi dies in festiuitatibus habentur, non nisi in ciuitatibus, aut in parochijs teneant. Clerici vero, si qui in festiuitatibus, quas supra diximus, in oratorijs (nisi iubente aut permittente Episcopo) Missas facere aut tenere voluerint, à communione pellantur.

Post Antiphonas Collectæ in Missis recitentur.

E 7



ET quia conuenit (inquiunt) ordinē Ecclesię ab om̃ibus æqualiter custodiri, studendum est, sicut ubiq; fit, vt post Antiphonas collectiones per ordinem ab Episcopis vel presbyteris dicantur, & hymni matutini vel vespertini decantentur diebus omnibus: & in cōclusionē matutinarum, vel vespertinarum & Missarum, post hymnos, capitella de psalmis dicātur, & plebs collecta oratiōe ad vesp̃eram, ab Episcopo cum benedictione mittatur.

Missas die Dominico ante benedictionem sacerdotis, nemo egredi præsumat.

MISSAS (inquiunt) die Dominico secularibus totas audire: *Ibi. c. 47.* speciali ordine præcipimus, itā vt ante benedictionem sacerdotis, egredi populus nō p̃sumat. Quod si fecerint, ab Episcopo publice confundantur.

Si qui laicorum, Solennitatibus Paschæ, Natalis Domini, aut Pentecostes nō interfuerint, triennio excōmunicētur.

VT ciues (inquiūt) qui superiorum solēnitatum, id est, Paschę ac natalis Dñi, vel Pentecostes festiuitatibus, cum Episcopis interesse neglexerint, (quum in ciuitatibus, communionis vel benedictionis accipiendę causā positos se nōsse debeāt) triennio à communione priuentur Ecclesię. *Ibid. c. 63.*

Eadem plectantur pœna negligētes clerici, ac presbyteri & diaconi, si per tres hebdomadas abfuerint.

SI qs (inquiūt) in clero cōstitutus, ab Ecclesia sua diebus solēnibus defuerit, id est, Natiuitate Dñi, Epiphania, Pascha, vel Pētecoste, dum potiùs \*singulari lucro \*studeat, q̃ seruitio Dei parere: cō- \*seculari- uenit, vt triēnio à cōmunionē suspendatur. Similiter diaconus, vel bus lucris presbyter, si per tres hebdomadas ab Ecclesia sua defuerit, huic da- studet, mnationi succumbat.

Vasa Dñica contingere ministris in sacris nō liceat.

QVONIAM (inquiunt) nō oportet in sacros ministros licēti- *Ibi. c. 66.* am habere, in secretariū (quod Gręci Diaconion appellāt) ingredi, & cōtingere vasa Dñica, D. CAE.

LITVRGICON ECCLESIAE LATINAE  
 DIVI CAESARII ARELATENSIS  
 EPISCOPI, DE DIVINIS  
 MYSTERIIS MISSARVM  
 ADMONITIO.

Donèc compleantur diuina myſteria, nemo egrediatur, niſi  
 neceſſitas aut infirmitas vrgeat.

Caſar.  
 Arel. hō.  
 5. de Di-  
 uin. myſt.

**R**OGO vos (inquit D. Cēſarius Arelatēſis homilia, quam hui-  
 us argumenti integram conſcripſit, perperam adſcriptam D.  
 Auguſtino in eius Milleloquio) fratres chariſſimi, & paterna pieta-  
 te commoneo, vt quotiēs aut in die Dominico, aut alijs maioribus  
 feſtiuitatibus Miſſæ fiunt, nullus de Eccleſia diſcedat, donèc diui-  
 na myſteria compleantur.

ET poſt aliquot paginas: Vndè iterum atq; iterum rogo, pari-  
 ter & cōteſtor, vt omni die Dominico, & præcipuè in maiorib; fe-  
 ſtiuitatibus, donèc diuina myſteria compleatur, nullus de Eccle-  
 ſia abſcedat: niſi fortè, (de quib; ſuprà diximus) quos aut grauis in-  
 firmitas, aut publica neceſſitas ſtare diutiùs non permittit.

Sacras itaque lectiones audire non ſufficiat.

Ibidem.

ET quanul; (inquit) multi ſint, de quorum fide & deuotione  
 gaudeamus: ſunt tamen plures minùs de ſalute ſuæ animæ cogi-  
 tantes, qui lectis diuinis lectionibus, ſtatim de Eccleſia foràs ex-  
 eunt: cū tamen etiam dum ipſæ lectiones leguntur, aliqui ex illis  
 ita ocioſis & ſecularibus fabulis occupentur, vt eas nec ipſi audi-  
 ant, nec alios audire permittant. Iſti tales minùs à nobis culparen-  
 tur, ſi ad Eccleſiam non venirent: quia ibi probantur ampliùs Do-  
 minum lædere, vbi peccatorum potuerant indulgentiam prome-  
 reri. Vndè rogo vos fratres, vt humilitatis noſtræ ſuggeſtionem  
 non ſolùm patienter, ſed etiam libenter accipiat.

Miſſæ fiunt conſecratione corporis & ſanguinis Domini, &  
 non alibi quàm in domo Dei.

St



Si enim (inquit) diligenter attēditis, cognoscetis, quia tunc *Ibidem.*  
non sunt Missę, quando diuine lectiones in Ecclesia recitantur,  
sed quando munera offeruntur, & corpus vel sanguis Domini  
consecratur. Nam lectiones siue propheticas, siue Apostolicas,  
siue Euangelicas, etiam in domibus vestris vel ipsi legere, aut a-  
lios legentes audire potestis. Consecrationem verò corporis &  
sanguinis Christi, non alibi nisi in domo dei audire vel videre  
poteritis.

Quarè, non nisi post orationem dominicam &  
sacerdotis benedictionem egredi liceat.

Ideò qui vult (inquit) Missas ad integrum cum lucro sue ani- *Ibidem.*  
mę celebrare, vsquequò oratio Dominica dicatur, & benedi-  
ctio populo detur, humiliato corpore & compuncto corde se  
debet in Ecclesia continere.

Frustrà alioquē dicitur: Sursum corda, si nemo est qui  
respondeat.

Quum enim (inquit) maxima pars populi, immò quod peius *Ibidem.*  
est, penè omnes recitatis lectionibus exeunt de Ecclesia, cui di-  
cturus sacerdos, Sursum corda? Nunquid respondere possunt:  
quando deorsum in plateis & corpore simul & corde disce-  
dunt?

Neque simul concini poterit: Sanctus, sanctus,  
sanctus, aut oratio dominica. *Ibidem.*

Vel qualiter (inquit) cum tremore simul & gaudio clama-  
bunt: Sanctus, sanctus, sanctus, benedictus qui venit in nomine  
Domini? Aut quando oratio Dominica dicitur, quis est qui hu-  
militer vel veraciter clamet, Dimitte nobis debita nostra, sicut  
& nos dimittimus debitoribus nostris?

Sacerdote orante, aut Diacone clamante, fle-  
ctamus genua, procumbant omnes.

*Idem hom.  
30 de geni.  
flecti.*

Rogo vos & admoneo (inquit, latè hoc argumētum tractās)  
fratres charissimi, vt quociuscunq; iuxta altarium à clericis ora-  
tur, aut oratio diacono clamante indicitur, non solum corda,  
sed etiam corpora fideliter inclinetis. Nam dum frequenter sic  
Iiii ut oportet

ut oportet, & diligenter attendo diacono clamante, flectamus  
genua, maximam partem populi, velut columnas, erecto fla-  
re conspicio: quod Christianis, dum in Ecclesia oratur, omni-  
nò nec licet, nec expedit. Non enim propter nos, sed propter  
vos, diaconus clamat.

\* ad Dei      Fiat id ipsum, clamante diacono: Humiliate vos \* ad be-  
nedictionem.

Ibidem.      Et illud similiter (inquit) admoneo, fratres charissimi, quo-  
tiès diaconus clamauerit, ut vos ad \* benedictionem inclinare  
debeatis, & corpora & capita fideliter inclinetis: quia benedi-  
ctio nobis, licet per hominem, non tamen ab homine datur:  
nec attendatis si fortè negligens est, qui exhibet. Sed Dominum  
respicite qui transmittit. Benedictio enim quæ vobis datur, ros  
& pluuia cælestis esse cognoscitur.

#### D. REMIGII RHEMENSIS ARCHIEPISCOPI SACRIFICIA.

Hincma-      Pertinet huc inter alia, quod de vase sacro, versibus ab illo  
rus initio in scripto, scribit in vita eius Hincmarus Rhemenfis Episcopus.  
vitæ S. Re-      Sed & in versibus metricis ab ipso compositis, & iussione illius  
migi].      à quodam vase ab eo consecrato sculptis, ita legimus.

Hauriat hinc populus vitam de sanguine sacro,

Iniecto, æternus quem fudit vulnere Christus.

Remigius reddit Domino sua vota sacerdos.

Forfan le-      Quod vas vsque ad nostra tempora perdurauit, donec fu-  
gendum:      sum in redemptionem datum est Christianorum, ut à ministris  
Remedius,      diaboli Nortmannis redimeret precium argentei calicis, quos  
constat ex      de potestate tenebrarum redemerat effusus sanguis calicis, Chri-  
preceden-      sti videlicet passionis.

Hincmari.

#### CONCILII ILERDENSIS IN HISPANIA DE MINISTRIS ALTARIS DECRETVM.

Cōcil. Iler.  
c. 1.

De his clericis (inquiunt Patres) qui in obfessionis necessi-  
tate positi fuerint, id statutum est, ut qui altario ministrant, &  
Christi



Christi corpus & sanguinem tradunt, vel vasa sacro officio deputata contrectant, ab omni humano sanguine, etiam hostili, se abstineant. Quòd si in hoc inciderint, duobus annis tam officio, quàm communione corporis domini priuentur.

CONCILII VALENTINI HISPANIAE CANONES CIRCA MISSAE SACRIFICIUM.

In Missa post Apostolum, ante munerum illationem legatur Evangelium.

Inter (cetera inquit Patres) hoc esse censuimus obseruandum, vt sacrosancta Euangelia ante munerum illationem in Missa catechumenorum, in ordine lectionum post Apostolum legantur, quatenus salutaria praecepta Domini nostri Iesu Christi, vel sermones sacerdotis, non solum fideles, sed etiam catechumeni ac poenitentes, & omnes, qui è diuerso sunt, audire licitum habeant. Sic enim pontificum praedicatione audita, nonnullos attractos ad fidem euidenter scimus. Concil. Valent. c. i.

Post oblatum in commendatione eius sacrificium, statim

Episcopus sepeliatur.

Episcopus (inquiunt) qui post mortem fratris ad sepeliendum eum solet inuitatus occurrere, infirmum magis, & adhuc in corpore positum, admonitus visitare non differat, vt aut de releuatione confacerdotis amplius gaudeat, aut certe de ordinatione domus suae fratrem admoneat, eiusque probabilem voluntatem in effectum transmittat, ac recedentem à seculo, post oblatum in eius commendatione sacrificium Deo, mox sepulturae tradat diligentissimè, & superius constituta canonicè non differat adimplere. Ibid. c. 4.

D. HORMISDAE PAPAE ROMANI LIII.  
DECRETA CIRCA ALTARIS  
MINISTERIUM.

In Ecclesia etiam consecrata absque Episcopi permisso altare non erigatur.

Nullus

Nullus

sanctificatum vel permissum, vt sit discretio inter sacrum & non sacrum. nec dedicationem fingat, nisi sit\*. Quod si fecerit, degradetur, si clericus est: si verò laicus, anathematizetur.

Deponatur qui non ordinatus, sacrum ministerium vsurpa-uerit.

*Microlog. de eccl. obser. c. 8.* Beatus Hormisdas (inquit Micrologus) à sancto Petro quinquagesimus tertius, capitulo tertio, illum deponit, quicumque non ordinatus, officium ordinati vsurpauerit, quod vtique non ex consecratione, nec ex Ecclesiastica consuetudine vsquam promeruit.

CONCILII EPAVNENSIS SVB SIGISMVND  
DO BVRGVNDIONVM REGE, CIRCA  
DIVINI OFFICII CELEBRATIONEM  
CANONES.

Ordinem Metropolitani, in diuinis officijs sequantur ceteri.

*Epaun. Cōcil. c. 27.* Ad celebrandū (inquiunt DD. Auitus Viennēsis, ac Gregorius Lingonensis ceteriq; eius synodi Patres) diuina officia, ordinem, quem metropolitani tenent, prouinciales obseruare debent.

*Ibidē. c. 26.* Altaria nisi lapidea non consecrentur.

Altaria (inquiunt) nisi lapidea infusione Chrismatis non sacrentur.

*Ibidē. c. 25.* Sanctorum reliquiæ in oratorijs villaribus non ponantur.

Sanctorum (inquiunt) reliquiæ in oratorijs villaribus non ponantur, nisi forsan clericos cuiuscūq; parochiæ vicinos esse contingat, qui sacris cineribus psallendi frequentia famulentur.

D. ALCIMI AVITI VIEN. EPISC. HOSTIAE  
CHRISTI CORPORIS OBLATIO.

*Alcim. Auit. Car. sacror. l. 5. de transf. maris rubri.* Ergo (inquit) agnosce tuum in nobis rex Christe cruorem,  
Atq; tuos educ Aegypti carcere seruas,  
Et quocunq; loco sanctus mactaberis agnus,  
Inq; cibos sanctum porrexerit hostia corpus  
Christe tuum, non attingat tua dextera vindex.

Preter-



Præterea veterem exutos formamq; virumq;  
In vitæ nouitate tuum fac sumere corpus,  
Et sacrum æterni calicis potare cruorem.

Eodem pertinet illud eiusdem:

Dum sacrum populo victum, candentia manna  
Ferrent, & cæli frugem terrena viderent,  
Mystica quæ longè prædiceret ante figura,  
Virgineo ex vtero, purum sine semine, Christi  
Edendum, nobisq; aliquando corpus edendum:  
Quas caperet, pascendus homo, de sede superna  
Illabente Deo, sanctis altaribus escas.

Ibidē non  
multo post.

### CONCILII TARRACONENSIS CANONES DE DIEI DOMINICI SOLENNIBVS.

Nullus (inquiunt Patres) Episcoporum aut presbiterorum, Tarracon.  
vel clericorum, die dominico propositum cuiuscunque causæ Con. c. 4.  
negocium audeat iudicare, nisi hoc tantum, vt Deo statuta so-  
lennia peragant.

Et iterum: Ea scilicet conditione seruata, vt omnis clerus die Eiusd. c. 7.  
sabbati ad vespem sit paratus, quô facilius die dominico solē-  
nitas cum omnium præsentia celebretur: ita tamen, vt omnibus  
diebus vespers & matutinas celebrent, quia desistente clero,  
quod est pessimum, comperimus in Basilicis nec luminaria mi-  
nistrari.

### AVRELIANENSIS CONCILII. II. DE MISSA- RVM CELEBRATIONE CANONES.

Solennia Paschæ, Natalis Domini, vel quadragesimæ, nemo  
in villa celebret.

Aureli. C. 8  
cil. c. 27.

Vt nulli (inquiunt eius Synodi Patres, inter quos D. Gildar-  
dus Rotomagensis Episcopus) ciuium, Paschæ, Natalis Domi-  
ni, vel quadragesimæ solēnia in villa liceat celebrare, nisi quem  
infirmas probabitur tenuisse.

Iiii 3

Ante

Ante completam missam & benedictionem sacerdotis,  
nemo egrediatur.

Quum ad celebrandas (inquiunt) Missas in Dei nomine con-  
Eius. c. 23. uenitur, populus non ante discedat, quàm Missæ solennitas com-  
pleatur: & ubi Episcopus non fuerit, benedictionem accipiat  
sacerdotis.

Die Dominico, nisi infirmus, Ecclesiæ non desit  
Episcopus.

Eius. c. 33. Episcopus (inquiunt) si infirmitate non fuerit impeditus, Ec-  
clesiæ cui proximus fuerit, die Dominico deesse non debet.

### CONCILII GERVNDENSIS, DE MISSAE ORDINE CANONES.

Vnum ordinem missæ omnis Tarraconensis prouincia  
obseruet.

Ut institutio Missarum, (inquit Ioannes Tarraconensis ali-  
Gerund. que eius concilij Patres) sicut in Metropolitana Ecclesia agitur,  
Cōcil. c. 1. ita in dei nomine in omni Tarraconensi prouincia tam ipsius  
Missæ ordo, quàm psallendo vel ministrando, consuetudo ser-  
uetur.

Secunda litanæa, à Cal. Nouemb. in Sabbati vespere  
Missæ facta finiatur.

Eiusd. c. 2. Item secunda Litaneæa (inquiunt) facienda est Kalend. No-  
uemb. ea tamen conditione seruata, ut si iisdem diebus Domi-  
nica intercesserit, in alia hebdomada, secundum prioris absti-  
nentie obseruantiam, à quinta feria incipiatur, & in sabbati ves-  
pere Missæ facta finiatur, quibus tamen diebus à carnibus & vi-  
no decreuimus abstinendum.

### CONCILII CAESARAVGVSTANI DE CON- VENTIBVS ECCLESIAE ET EVCHA- RISTIA CANONES.

Quadragesimæ tempore Ecclesijs suis intersint fideles,  
neq; in villis conuentus agant.

Cōcil. Cæ-  
saraugust.  
c. 2.

Nec Quadragesimæ (inquiunt Patres) diebus ab Ecclesijs fi-  
deles desint. Et ad alias villas agendorum conuentuum causa  
non conueniant. Eucha-



Eucharistia accepta, consumatur in Ecclesia.

Eucharistia (inquiunt) gratiam si quis probatur acceptam Eiusc. 1. non consumpsisse in Ecclesia, anathema sit in perpetuum. Ab vniuersis Episcopis dictum est: Placet.

D. IOANNIS PAPAE LIIII. ROMANI  
SACRIFICIA.

Ideoque (inquit Epistola ad Zachariam archiepiscopum) tan Ioan. papa  
ta urgente necessitate, summo pore vestra Apostolicaq; autho. 1. epist. 1.  
ritate, & reliquos Episcopos oportet reprimere infelios, rele-  
uare oppressos, vtabq; graui (Domino auxiliante) difficultate,  
ipso gratanter omni tempore sacrificare mereamur illa si.

IN ECCLESIA D. BENEDICTI, MISSARVM  
SOLENNIA PRO DN FVNCTO.

Quumq; (inquit D. Gregorius papa vitam D. Benedicti de- Gregor. pa  
scribens) in eadem Ecclesia Missarum solennia celebrarentur, pa 1. epist. 1.  
atq; ex more Diaconus clamaret, Si quis non communicat, det 1. 2. Dial. c.  
locum: nutrix earum, quæ pro eis oblationem Domino offerre 13.  
consueuerat, eas de sepulchris suis progredi & exire videbat.  
Quod dum sæpius cerneret, quia ad vocem diaconi clamantis  
exibant foras, atq; intra Ecclesiam permanere non poterant, ad  
memoriam reduxit, quæ vir Dei illis adhuc viuentibus manda-  
uit. Eas quippe se cõmunionem priuare dixerat, nisi mores suos  
& verba corrigerent. Tunc seruo Dei cum graui mœrore indi-  
catum est: qui manu sua protinus oblationem dedit, dicens: Ite, &  
hanc oblationem pro eis offerri Domino facite, & vltius ex-  
communicatæ non erunt. Quæ dum oblatio pro eis fuisset im-  
molata, & à diacono iuxta morem clamatum est, vt non commu-  
nicantes, ab Ecclesia exirent, illæ exire ab Ecclesia vltius visæ  
non sunt, Quæ ex re indubitater patuit, quia dum inter eos, qui  
cõmunionem priuati sunt, minimè recederent, cõmunionem à  
Domino per seruum Domini recepissent.

FELICIS III. VVLGO IIII. ROMANI PA-  
PAE LV. DE MISSARVM CELEBRA-  
TIONE DECRETA.

iiii 4

Missæ

Missarum celebratio, nisi in locis Domino  
sacris absq; necessitate non fiat.

**Felix papa** 3. epist. 1. De Ecclesiarum (inquit Felix papa 3. ad vniuersos Episcopos scribēs) consecratione, & de Missarū celebrationibus, nō alicubi quā in sacris Domino locis, absq; magna necessitate fieri debere liquet omnibus, quibus sunt nota noui ac veteris testamenti praecepta. Tabernaculū verò Mosen Domino praecepte fecisse, & sacrasse cū mensa & altari eius, & cæteris vasis vtenilibus ad diuinum cultum explendū legimus, & nō solum diuinis praeceptis ac precibus, ea sacrasse, sed etiam sancti olei vntione, Domino iubente, perlinisse nouimus.

Non nisi etiam in altaribus, cum vestibus  
ac vasis sacris.

**Ibidē paulo post.** Qualiter autem (inquit) hæc facta sint, & quomodò ipsa sacra non alij, quàm sacerdotes sacra vntione delibuti, Duoque cum vestibus sanctis sacriati, & leuitæ tractabant ferebant, erigebant, & deponebant, in ipsis institutionibus, quæ (Domino iubente) per Mosen conscriptæ sunt, in lege Domini reperiuntur.

**Ibidē post multa.** Et latius: Iudæi ergò loca, in quibus Domino sacrificabant, diuinis supplicationibus consecrabant, nec habebant supplicationibus consecrata, nec in alijs quam in Deo dicatis locis munera Domino offerebant. Si enim Iudæi, qui vmbra legis deseruiebant, hæc faciebant: multò magis, quibus veritas patefacta est, & gratia & veritas per Iesum Christum data est, templa Domino ædificare, & (prout melius possumus) ornare, eaque diuinis precibus, & sanctis vntionibus suis cum altaribus & vasis, vestibus quoque & reliquis ad diuinum cultum explendum vtenilibus, deuotè & solenniter sacrare, & non in alijs locis, quàm in Domino sacris ab Episcopis, & non à chorepiscopis, qui sepè prohibiti sunt, nisi (vt prædictum est) summa exigente necessitate, Missas celebrare, nec sacrificia offerre Domino debemus.

In



In summa verò necessitate, non in domibus, sed in  
tabernaculis & altaribus, ab Episcopis sacra-  
tis, sacrificia offerantur.

Ibid. con-  
sequenter.

Et hoc si summa (inquit) necessitas agere compulerit, non  
in domibus, quia in sacris canonibus sacrificia in domibus of-  
ferri prohibita sunt: sed in tabernaculis, diuinis precibus à pon-  
tificibus dicatis, & in mēsis Domino sacratis, & sacra vnctione  
à pontificibus delibutis, pro summa (vt præfixum est) necessi-  
tate, & non pro libito cuiusquam & pigritia agatur.

Alioquin satius, Missam non cantari aut audi-  
ri, quàm in alijs locis.

Ibid.

Satius ergò est (inquit) Missam, non cantare, aut non audire,  
quàm in illis locis, vbi fieri non oportet: nisi (vt sæpè dictum  
est) pro summa contingat necessitate, quoniam necessitas non  
habet legem. Vndè scriptum est: Vide nè offeras holocausta  
tua in omni loco, quem videris, sed in loco quem elegerit Do-  
minus Deus tuus.

Deut. 12.

Sic enim id non licet, sicut nec sacer-  
dotibus non licet offerre.

Ibid. de in-  
ceps.

Et sicut (inquit) non alijs, quàm sacrați Domino sacerdotes,  
debent Missas cantare, nec sacrificia super altare offerre: sic nec  
in alijs, quàm in præfatis Domino sacratis locis, Missas cantare,  
aut sacrificia offerre licebit.

\* Suefsio-  
nenſis

D. MEDARDI \* SVESSONIENSIS EPIS. POST  
MORTEM MIRACVLVM, HOCTEMPORE,  
INTER MISSARVM SOLENNIA.

Greg Tu-  
ron. de  
glor. con-  
ſeſ. c. 93.

Factum est autem (inquit Gregorius, Turonensis) dum Mis-  
sæ celebrarentur, vt resolutis neruorum arentibus ligaturis, gra-  
tias confessori referens, & ad sanctum altare accedens, gratiam  
benedictionis acceperit incolumis.

BONIFACII II. PAPAE ROMANI LVI. CIR-  
CA MISSAM DECRETVM.

Kkkk Hic

Mart. Po- Hic (inquit Martinus Polonus) constituit (seu potius consti-  
lon ad an. tutum innouauit) vt clericifint à laicis separati in celebratione  
531. Missarum.

**EVLALII CARTHAGINENSIS EPIS. DENOMINIBVSEXCOMMUNICATORVMADALTARIA NON RECITANDIS CONSENSVS.**

Eulal.  
Carth. e-  
piscop.  
in exem-  
plari pie-  
cum.

Promittens (inquit) Epistola ad Bonifacium II. Papam) sequestratos à communione Ecclesiæ catholicæ, non consentientes sedi Apostolicæ, & eorum nomina inter sacra non esse recitanda mysteria.

**CONCILII TOLETANI II. CANON DE CLERICIS EXTRANÆARVM CONSORTIO FRVENTIBVS.**

Concil. To-  
let. 2. c. 3.

Sanè deinceps (inquit Iustus Vrgellitanus, alijque eius concilij patres) post datam hanc admonitionem, qui quis earum consortio frui voluerit, nouerit se non solum à clericatus officio retrahi vel Ecclesiæ foribus expelli, sed etiam omnium catholicorum, clericorum vel laicorum communione priuari, nulla prorsus vel colloquij consolatione relicta, quatenus male consuetudinis abrasa rubigo, in posteris radices suæ veneno serpere non possit.

Anathema post mortem non aliud esse, quàm erasionem è sacris Dyptichis, in quibus nomina catholicorum defunctorum, continebantur, tractauimus Adnot nostris in D. Cyprianum epist. 66 ad finorita.

nos.  
Justin. Im-  
perat sub  
finem fid.  
ad Ioan.  
pap.

Super hæc omnia (inquit Iustinianus Imperator) quis ignorat ea, quæ nostris temporibus in Ecclesia antiquioris Romæ contra Dioscorum acta sunt? Qui quum nihil in fidem peccasset, tamen propter solum ecclesiasticum ordinem, post mortem ab eadem sancta Ecclesia Romana anathematizatus est.

**SYNODI ROMANAE, IN DIOSCORVM SCHISMATICVM ANATHEMA POST MORTEM.**

IOAN.



IO ANNIS II. ROMANI LVII. PAPAE, SVPPLI-  
CATIONES PRO SALVTE REGNANTIVM.

Precor (inquit ad illum scribens Magnus Aurelius Cassio-  
dorus Senator) vt viuaciùs oretis pro salute regnantium.

Ac paulo pòst: Nihil ergò timemus, talibus Patronis Aposto-  
lis, si oratio non desistat Antistitis.

Et sub finem Epistolæ: Diuinitas supplicationibus vestris tri-  
buat, quibus superna gratia probetur indulta.

Cassiodo-  
rus sena-  
tor varia-  
rum lib. II.  
epist. ad  
Ioan. pap.

MAGNIAVRELIICASSIODORISENATORIS  
POSTEA MONACHI ET ABBATIS APVD  
RAVENNAM VIVARIENSIS SACRA-  
MENTORVM CELEBRATIO.

Cui enim potest (inquit Cassiodorus, tractans illud, Tu es  
sacerdos in æternum secundum ordinem Melchisedech) vera-  
citer & euidenter aptari, nisi Domino saluatori, qui corpus &  
sanguinem suum in panis ac vini erogatione salubriter conse-  
crauit, sicut ipse in Euangelio dicit: Nisi manducaueritis car-  
nem filij hominis, & biberitis eius sanguinem, non habebitis  
vitam æternam? Sed in ista carne ac sanguine nil cruentum, nil  
corruptibile mens humana concipiat: nè sicut dicit Apostolus:  
Qui enim corpus Domini indignè manducat, iudicium sibi  
manducat: sed viuificatricem substantiam atque salutarem, &  
ipsius verbi propriam factam, per quam peccatorum remissio, &  
æternæ vitæ dona præstantur. Quem ordinem per mysticam si-  
militudinem Melchisedech iustissimus rex instituit, quando  
Domino panis & vini fructus obtulit. Constat enim pecudum  
victimas perisse, quæ fuerunt ordinis Aaron: & Melchisedech  
manere potius institutum, quod toto orbe in sacramentorum  
erogatione celebratur.

Cassiodor.  
in Psalm.  
109.

Ioan. 6.

1. Cor. II.

Kkkk 2

D.A.G.A.

628 LITVRGICON ECCLESIAE LATINAE  
D. AGAPITI PAPAE LVIII. ROMANICON.  
STANTINOPOLI MISSARVM SOLENNIA.

Gregorius Dialog. l. 1. c. 3. Post nō multū verò tēporis (inquit Gregorius papa t.) exigēte causa Gothorum, vir quoq; beatissimus \* Agapitus huius sanctae Romanae Ecclesiae pontifex: cui, Deo dispensante, deferuio, ad Iustinianum principem accessit. Cui adhuc pergenti, quadam die in Graeciarum iam partibus curandus oblatum est mutus & claudus, qui neque vlla verba edere, neque ex terra vnquā surgere valebat. Cumque hunc propinqui illius flentes obtulissent, vir Domini sollicitō requisit an curationis illius haberēt fidem. Cui dum in virtute Dei ex autoritate Petri fixam salutis illius spem habere se dicerent: protinūs venerandus vir orationi incubuit, & Missarum solennia exorsus, sacrificium in conspectu Dei omnipotentis immolauit. Quo peracto, ab altari exiens, claudimanum tenuit, atque assistente & aspiciente populo eum mox à terra in proprijs gressibus erexit. Cumque ei Dominicum corpus in os mitteret, illa diu muta ad loquendum lingua, soluta est. Mirati omnes, flere praegaudio coeperunt: eorumque mentes ilicō metus & reuerentia inuasit: cum videlicet cernerent quid \* Agapitus facere in virtute Domini ex adiutorio Petri potuisset.

D. SILVERII LIX. PAPAE ROMANI DE  
COMMVNIONE IN SOLENNITATIBVS  
DECRETVM.

Iuo Decret. part. 2. c. 29. Singulis diebus Dominicis (inquit Decret. suorum c. 3. iuxta quod à D. Iuone citatur) in Quadragesima, praeter hos qui excommunicati sunt, & praeter illos qui in publica poenitentia sunt, sacramenta corporis & sanguinis Christi sumenda sunt: & in coena Domini: in vigilia Paschae, & in die resurrectionis Domini, & in Pentecoste: & in Natali Domini penitus ab omnibus communicandum est.

VVITE



VVITEGIS GOTHORVM IN ITALIARE-  
GIS, IN LOCA SACRA GRASSATIO.

Gothi verò duce VVitege, (inquit Paulus diaconus) urbem Paul. dia. obsidentes, vniuersa per circuitum direptionibus & incendijs con. hist. l. absumunt, Quosunque Romanos reperiunt, gladio extin- 16. guunt, cuncta loca sacra denudantes, ipsis etiam venerabilium martyrum tumulis manus impias inferunt, continuè urbem impugnant.

VIGILII ROMANI PAPAE LX. MISSA-  
RVM SOLENNIA.

Non omittenda coniunctio, & in illo: Glo-  
ria Patri & filio & spiritui sancto.

Illud autem nouelli (inquit scribens Eutherio siue Elenthe-  
rio Episcopo) esse iudicamus erroris, quòd cum in fine Psalmo- Vigil. papæ  
rum ab omnibus catholicis ex more dicatur, Gloria Patri, & fi- epist. i. c. i.  
lio, & spiritui sancto: aliqui, sicut indicas, subducta vna sylla-  
ba coniunctiua, perfectum conantur minuere vocabulum Tri-  
nitatis, dicendo: Gloria patri, & filio spiritui sancto.

In nouarum fabricarum erectione celebra-  
da Missarum solennia.

De fabrica verò (inquit) cuiuslibet Ecclesiæ, si diruta 1bid. c. 4.  
fuerit instauranda, & si in eo loco consecrationis solennitas  
debeat iterari, in quo sanctuaria non fuerint, nihil iudicamus  
officere, si per eam minimè aqua exorcizata benedicta iacetur:  
quia consecrationem cuiuslibet Eccl. in qua spiritus sancti ara  
non ponitur, celebritatem tantum scimus esse Missarum. Et i-  
dedò si qua sanctorum basilica à fundamentis fuerit innouata, si-  
ne aliqua dubitatione, cum in ea celebrata fuerit Missarum so-  
lennitas, totius sanctificatio consecrationis implebitur. Si ve-  
rò sanctuaria, quæ habebat, ablata sunt, rursus earum reposi-  
tione, & Missarum solennitate, reuerentiam sanctificationis  
accipiet.

Kkkk 3 Ordo

Ordo precum siue Canon, in solennitate Missæ  
semper idem seruandus.

Ibid. c. 3.

\* diuer-  
sum. Ordinem quoque precum (inquit) in celebritate Missarū  
nullo nos tempore, nulla festiuitate significamus habere \*  
diuisum, sed semper eodem tenore, oblata Deo munera con-  
secrare.

In festiuitatibus interim Paschæ, Ascensionis, Penteco-  
stes, Epiphaniæ, & sanctorum solennibus, adiectis  
aliquot capitulis, per cetera ordo con-  
suetus seruetur.

Ibid.

Quoties vero (inquit) Paschalis, aut Ascensionis Domini,  
vel Pentecostes & Epiphaniæ, Sanctorumque Dei fuerit agen-  
da festiuitas, singula capitula diebus apta coniungimus, quibus  
commemorationem sanctæ solennitatis, aut eorum faciamus,  
quorum natalitia celebramus: cætera verò ordine consueto  
prosequimur.

Canonica precis ex Apostolica traditione conte-  
xtus, à Vigilio papa transmissus.

Ibid.

Quapropter & ipsius (inquit) precis textum direximus sub-  
tèr adiectum quem (Deo propicio) ex Apostolica traditio-  
ne suscepimus. Et ut charitas tua cognoscat quibus locis aliqua  
festiuitatibus apta connectes, paschalis diei preces similiter ad-  
ieciimus.

#### PRIMASII VTICENSIS IN APHRICA IVSTI- NOPOLIM EPISCOPI SACRIFICIA.

Ecclesiæ sacrificia.

Primas.

lib. 1. in A.  
pocal. c. 8.

Et accepit (inquit Primasius, explicans illud Apocalypsis,  
accepit angelus thuribulum, & impleuit illud ex igne anæ, &  
misit in terram) Dominus corpus, id est, Ecclesiam, & perficien-  
do patris voluntatem, impleuit illum ex igne anæ, id est, ex po-  
testate soluendi atque ligandi, quæ consistit in sacrificijs & pro-  
pitiatione Dei. Hinc etiam dicitur: Qui facit angelos suos spi-  
ritus,



ritus, & ministros suos ignem ardentem. In his enim accepit Ecclesia omnem potestatem in cælo & in terra : Domini Dei sacrificium perficit, offerente Domino se principaliter.

Eodem pertinet illud, vbi locum Danielis interpretatur : In medio hebdomadis, hostiâ dicit sacrificiûque deficere, quod in Ecclesia solenniter immolatur: antichristi scilicet tunc seminata præualente. Idē in c. 11.

#### Ad altare mortuorum memoria.

Neque enim (inquit) piorum animæ mortuorum separantur ab Ecclesia, quæ nunc etiam est regnum Christi : Aloquin nec ad altare Dei fieret eorum memoria, in communicatione corporis Christi.

Ibi. in c. 19

#### IVNILII APHRI EPISCOPI, DE SACERDOTVM VESTIBVS, AC CORPORE ET SANGVINE DOMINI TESTIMONIUM.

Typis (inquit) accidunt quædam ante legem, vt Abel à fratre occisus, Christi passionem præfigurabat, & Noë arca Ecclesiam & cætera similia. Quædam vero sub lege: vt ipsius Moyli mors & Iesu gloria. Quædam sub gratia, vt Baptizatorum indumenta, & sacerdotum vestes, & Dominici corporis participatio, & similia alia. Iunil de tre occisus, Christi passionem præfigurabat, & Noë arca Ecclesiam & cætera similia. Quædam vero sub lege: vt ipsius Moyli mors & Iesu gloria. Quædam sub gratia, vt Baptizatorum indumenta, & sacerdotum vestes, & Dominici corporis participatio, & similia alia.

CONCILII AVRELIANENSIS II. QVOD PERPERAM III. INSCRIBITVR CANONES, DE MISSARVM CELEBRITATE. Concilium hoc prius contigisse illo quod sequitur, patet rum ex anno consulis Paulini, tum ex Ioanne le Maijes, qui alterum illud sub Honorato, posterius facit isto concilio, cui Albinus Andegauensis interfuit. Item ex quibusdam exemplaribus, qui hic legunt: Anno Vigesimo Childecberti regis.

Missarum celebritas hroa  
tertia inchoetur.

Kkkk 4 De

Concil.  
Aurel.  
3 c. 14.

De missarum (inquiunt Lupus Lugdunensis, Albinus Andeganiensis, D. Gregorius Lingonensis, cæteri que patres) celebritate in præcipuis duntaxat solennitatibus, id observari debet, ut hora tertia Missarum celebratio in Dei nomine inchoetur, quo facilius intra horas competentes, ipso officio expedito sacerdotes possint ad vespertina officia, id est, in vespertino tempore convenire, quia sacerdotem vespertinis officiis ab Ecclesia, talibus præcipue diebus, nec decet deesse, nec convenit.

A Missarum celebritate cesset, qui in diœcesi aliena altaria consecraverit.

Eiusd. can. 15. Episcopus (inquiunt) in diœceses alias, ad alienos clericos ordinandos, vel consecranda altaria, irruere non debet. Quod si fecerit, remotis his, quos ordinaverit, altaris tamen consecratione manente, transgressor canonum, anno à Missarum celebritate cessabit.

Ante Dominicam orationem, & benedictionem

Episcopi si adsit, à Missis nemo discedat.

Eiusd. c. 28 De Missis (inquiunt) nullus laicorum antè discedat, quàm Dominica dicatur oratio. Et si Episcopus præsens fuerit, eius benedictio expectetur.

Sacrificia nemo cum armis spectet.

Ibid. Sacrificia verò (inquiunt) matutina, Missarum, siue vespertina, ne quis, cum armis pertinentibus ad bellorum usum, spectet, Quod qui fecerit, in sacerdotis potestate consistat, qualiter eius districtione debeat castigari.

### CONCILII AVRELIANENSIS III. QVOD PER PERAM II. INSCRIBITVR, CANON; DE OBLATIONIBVS DEFVNCTORVM.

Concil.  
Aurel. 2. c. 15. Oblationes (inquiunt Honoratus Bituricensis alijque Patres) defunctorum, qui in aliquo crimine fuerint interempti, recipi debere censemus, si tamen non ipsi sibi mortem probentur proprijs manibus intulisse.

ARA-



TOMVS PRIMVS. 633  
**ARATORIS ROMANI SVBDIACONI, DE DI-**  
**ACONORVM SACRO MINISTERIO**  
**TESTIMONIVM.**

Iura ministerij (inquit) sacris altaribus apti,  
 In septem secuere viros, quos vndiq; lectos  
 Leuitas vocitare placet: quam splendida cœpit  
 Ecclesiæ fulgere manus, quæ pocula vitæ  
 Misceat, & latices cum sanguine porrigat agni.  
 Huic numero delatus honor, sublimia secum  
 Sacramenta gerit, per quæ nunc longius ire  
 Non patitur mensura viæ, nè plura locutus,  
 Inueniar dixisse minùs. Sit cura ministris,  
 Officium librare suum, quo laudis amictu  
 Hunc deceat lucere chorum, quem mysticus ordo  
 Consecrat in numero, cui dant cælestia formam.

Arat. histo.  
 Aët. Apo.  
 l. i.

**ARVERNENSIS CONCILII CIRCA OFFICI-**  
**VM SACRI MYSTERII CANONES.**

Nè pallis altaris defunctorum, etiam sacerdotum  
 corpora, inuoluantur.

Obseruandum (inquiunt Honoratus Bituricensis, qui su-  
 prà & alij aliquot Patres) nè pallis vel ministerijs diuinis, defun-  
 ctorum corpuscula obuoluantur. Cō. Aruer.  
l. c.

Item paulò pòst. De opertorio Dominici corporis, seu pal-  
 la altaris, nunquàm sacerdotis corpus, dum ad tumulum euehi-  
 tur, obtegatur: quia sacro velamine vltibus suis reddito, dum  
 honorantur corpora, altaria polluuntur.

Neque verò ministeria diuina, ad nuptiarum ornatum  
 præstentur.

Nec ad nuptiarum ornatum ministeria diuina præstentur, Eiusd. c. 5.  
 nè, dum improborum contactu, pompaque secularis luxuria Eiusd. c. 7.  
 polluuntur, ad officium sacri mysterij videantur indigna.

Diuina mysteria in festiuitatibus diuinis in Oratorio  
 non celebrentur.

LIII

Si

614 LITURGICON ECCLESIE LATINAE

Si quis (inquiunt) ex presbiteris, aut diaconis, qui neq; in ciuitate, neq; in Parochijs Canonicus esse dinoscitur, sed in villulis habitans, in Oratorio sancto deseruiens, celebret diuina mysteria: festiuitates præcipuas, Domini Natale, Pascha, Pentecosten, & si quæ principales sunt festiuitates reliquæ, nullatenus alibi, nisi cum Episcopo suo in ciuitate teneat. Quicumq; sunt etiam ciues natu maiores, pari modo in vrbibus ad Pontifices suos in prædictis festiuitatibus veniant. Quod si qui improba temeritate contempserint, & eisdem festiuitatibus adesse despicunt, communionem pellantur.

SIMPLICII PRESBITERI, IVSSU D. MAURI  
ABBATIS, SACRIFICIUM PRO DE-  
FUNCTIS ANDEGAVI CELE-  
BRATVM.

Fauft. Mo-  
nach. in vi-  
ta D. Mau-  
ri.

Manè autem primo (inquit Faustus Monachus in vita D. Mauri) Simplicium presbiterum adsciscens: vt sacrificium nostræ redemptionis pro eadem Deo anima offerret, imperauit.

CHILDEBERTI REGIS, POST HISPANIAS  
OCCVPATAS, VASORVM SACRO-  
RVM DONATIO.

Sanè in thesauris (inquit Aimonius monachus) quos Childebertus auexit ab Hispanijs, reperta sunt Ecclesiastici vtensilia ministerij, ex vasis quos dicunt fuisse Salomonis, sexaginta preciosissimi calices, quindecim patinæ, viginti capsæ Euangeliorum. Quæ omnia cum solido fabricata essent auro, gemmisque ornata opere inclusorio, rex tamen, integer, ab eorum cupiditate, (vt erat largissimus) cuncta diuersis præbuit Ecclesijs.

Aimonius  
de gestis  
Franc. l. 2.

CONCILII AVRELIANENSIS IIII. DE VINI  
AQUA MIXTI OBLATIONE CANON.

Concil.  
Aurel. 4.  
c. 3.

Vt nullus (inquiunt Patres) in oblatione sacri calicis, nisi quod ex fructu vineæ speratur, aqua mixtum offerre præsumat: quia sacrilegium iudicatur, aliud offerri, quàm quod in mandatis sacratissimis saluator instituit.

PE



PELAGII I. PAPAE ROMANI. LXI. STATV-  
TVM, DE MEMORIA PONTIFICIS  
INTER SACRA MYSTERIA.

Vndè constat (inquit Albinus Flaccus Alcuinus) ab vniuersi  
orbis communione separatos esse, Sicut B. Pelagius docet, qui <sup>Albin. de</sup>  
qualibet dissensione inter sacra mysteria Apostolici Pontificis <sup>diuin. offi.</sup>  
memoriam secundum consuetudinem non frequentant.

CONCILII AVRELIANENSIS V. CANON,  
DE MISSARVM CELEBRATIONE OB  
CAVSAM INTERDICTA.

Vt in ciuitate (inquiunt, Sacerdos Lugdunensis, alij que Pa- <sup>Concil. Au</sup>  
très) vbi Pontifex iure humane conditionis obierit, nullus Epi- <sup>rel 5 c. 8.</sup>  
scopus ante substitutionem deputati per ordinem successoris,  
aut in ciuitate, aut per parochias ordinare clericos, aut altaria au-  
deat consecrare, vel quicquam de rebus Ecclesiæ præter huma-  
nitatem præsumat auferre. Quod si quisquam temerario ausu  
statuta transcenderit, conuentus ab instituto Pontifice, verecun-  
diæ suæ consulens, sine dilatione ablata restituat. Si verò suæ vo-  
luntatis arbitrio, vel quorumcunq; precibus, actus, quamecunq;  
personam promouere, aut contra interdictum nè præsumpse-  
rit, anno integro Missas facere non præsumat.

TVRONENSIS CONCILII II. SVB IOANNE  
III. PAPA ROMANO LXII. CELEBRATAE  
CIRCA MISSAS CANONES.

Corpus Domini in Altari quomodo  
componendum.

Vt corpus Domini (inquiunt Patres) in Altari, non in imagi- <sup>Turō. cōc.</sup>  
nario ordine, sed sub crucis titulo componatur. <sup>2. c. 3.</sup>

Vt ad Missas separati sint laici à clericis.

Vt laici (inquiunt) secus altare, quo sancta mysteria celebrā. <sup>Eiusd. c. 4.</sup>  
tur inter clericos tam ad vigilias, quàm ad Missas, stare penitus  
non præsumāt: sed pars illa, quæ à cancellis versùs altare diuidi-  
tur, choris tantum psallentiū, pateat clericorū. Ad orandū verò  
& communicandū laicis & sceminis, sicut mos est, pateant  
sancta sanctorum.

LIII 3

Error

Error eorum non toleretur, qui in festo Cathedræ D. Petri post missas, victimas mortuis offerunt.

Eiusd. c. 23. Sunt etiam (inquiunt) qui in festiuitate Cathedræ Domini \*victimas Petri & Apostoli, \*cibos mortuis offerunt, & post Missas redeuntes ad domos proprias, ad gentilium reuertuntur errores, & post corpus Domini, sacratas dæmoni escas accipiunt. Contestamur illam sollicitudinem tam pastores quàm presbyteros gerere, ut quemcunque in hac fatuitate perfillere viderint, vel nescio ad quas petras, aut arbores, aut ad fontes designata loca gentilium perpetrare, quæ ad Ecclesiæ rationem non pertinent, eos ab Ecclesiæ sancta autoritate repellant, nec participare sancto altario permittant, qui gentilium obseruationes custodiunt.

CONCILII LVGDVNENSIS. I. CANON,  
DE LITANIIS NOVI MENSIS.

Cōcil Lug  
du. l. c. 6.

Placuit etiam (inquiunt Philippus viennensis, D. Nicetius Lugdunensis & cæteri Patres) vniuersis fratribus, ut in prima hebdomada noui mensis, hoc est, ante diem Dominicam, quæ prima in ipso mense illuxerit, litaniæ, sicut ante ascensionem Domini sancti patres fieri decreuerunt, deinceps ab omnibus Ecclesijs seu parochijs celebrentur.

CATONIS PRESBYTERI ARVERNENSIS  
MISSAE PRO DEFUNCTIS.

Gregorius  
Turō. hist  
Franc. l. 4.  
c. 31.

Tunc & Cato presbiter (inquit D. Gregor. Turon.) mortuus est, nam cum de hac lue multi fugissent, ille tamen populum sepeliens, & Missas dicens, viritum, nunquàm ab eo loco discessit.

SVB BENEDICTO PAPA ROMANO LXIII.  
CONCILII MATISCONENSIS. I. CANON,  
NES DE MISSAE SACRIFICIIS.

Missas Archiepiscopus sine pallio non celebret.

Matiscōnē  
sis Concil.  
c. 6.

Archiepiscopus (inquiunt Priseus Lugdunensis & cæteri Patres) sine pallio, Missas dicere non præsumat.

Sacrificia per Aduentum Quadragesimali ordine seruentur.

Vt



Vt à feria sancti Martini vsque ad Natalem Domini, secunda Eiusd. c. 9.  
 quarta & sexta sabbati ieiunetur, & sacrificia Quadragesimali  
 debeant ordine celebrari.

GREGORII TVRONENSIS, EPISCOPI MIS-  
 SARVM SOLENNIA ET EVLOGIAE.

Nobis autem (inquit) Missas celebrantibus, in sanctam Basili Gre. Turc.  
 cam, aperta reperiens ostia, ingressus est. Post Missas autem pe- hist. Franc.  
 tijt, vt ei eulogos dare deberemus. Erat autem tunc nobiscum l. 5. c. 14.  
 Ragnemodus Parisaicae sedis Episcopus, qui sancto Germano  
 fuccefferat. Quod cum refutaremus, ipse clamare coepit & di-  
 cere, quod non rectè eum à communione sine fratrum conni-  
 uentia suspenderemus. Illo autem hæc dicente, cum consensu  
 fratris qui præsens erat, contestata causa canonica, eulogias à no-  
 bis accepit.

Eodem pertinet illud eiusdem. Intereà iam medioprandij Ibidem. l. 8  
 peraeto, iubet rex, vt diaconum nostrum, qui ante diem ad Mis- c. 3.  
 sas psalmum responsum dixerat, canere iuberem.

PELAGII II. PAPAE ROMANI LXIII. IN  
 SYNODO DECRETVM, DE MISSAE  
 PRAEFATIONIBVS.

Superuenere (inquit Pelagius papa epist. sua & Synodi, ad  
 Episcopos Germaniae & Galliae) literae vestrae, & vt magnae es- Pelag. pa-  
 sent authoritatis, etiam viuæ voces præcesserunt, rogâtes, vt or- pa 2. ad Epi-  
 dinem Praefationum, quem sancta Romana Ecclesia hætenus scopos Ger-  
 haberet, nostris literis vobis remanderemus. Tunc de vestra vo- maniae &  
 luntate & studio bono, multum gauisi sumus, & sacrum ordinē Galliae.  
 Romanorum, sacraq; constituta nostrorū antecessorū solerter  
 relegentes, inuenimus has nouē præfationes in sacro Catalogo  
 tantummodò recipiendas, quas longa retrò veritas in Romana  
 Ecclesia hætenus seruauit. Vnam in albis Paschalibus, aliam de  
 Ascensione Domini, tertiam de Pentecoste, quartam de Natali  
 Domini, quintam de Apparitione Domini, sextā de Apostolis,

LIII 3

septi-

septimam de sancta Trinitate, octauam de cruce, nonam de ieiunio & quadragesima tantummodo dicendā. Has præfationes tenet & custodit sancta Romana Ecclesia. Has tenendas vobis mandamus.

Gratiā de  
cōsecr. d. st.  
i. c. inueni-  
mus.

Burch. de-  
cret. l. 3. c.

69.

Sigeb. ad  
annū Do-  
mini 581.

Quod quidem Decretū à Gratiano Gelasio papæ adscribitur, & alicubi Pelagio 2. verū D. Burchar. nominatim huic attribuit. Sigebertus item in hæc verba: Hic decreuit, quotidianā sacra-  
mentorum præfationem ad Missas, nouem tantummodò præ-  
fationibus secundum antiquum Romanorum ordinem esse cō-  
mutandam, scilicet in Natali Domini, in Apparitione, in Pascha,  
in Ascensione, in Pentecoste, de sancta Trinitate, de Apostolis,  
de sancta cruce, de ieiunio Quadragesimali.

### CONCILII LVGDVNENSIS II. DE SOLEN- NITATIBVS ECCLESIAE CANON.

Cōcil Lug-  
du 2. c. 5.

Nullus (inquiūt Priscus Lugdunēsis aliq, Patres) Episcoporū  
Natalē Domini aut Pascha alibi, nisi ad Ecclesiā suam præter in-  
firmitatis incursum, aut ordinem regum, celebrare præsumat.

### CONCILII VALENTINI GALLIAE II. DE- CRETVM DE DONIS QVAE AD MINISTE- RIVM ALTARIVM INFERVNTVR.

Cōcil. Va-  
lent. 2. Act.

Synodus sancta (inquiunt Sapandus Arelatensis, Priscus Lug-  
dunensis, aliq; patres) decreuit, vt si quid Basilicæ S. Marcelli,  
vel S. Symphoriam, vel quibuscunque locis, vel deseruiētibz  
Deo per quascunq; authoritates aut scripturarum epistolas præ-  
fatus dominus rex, vel suprā nuncupata iugalis sua, filiaq; eorū  
siue in ministerio altariorū, siue in quibuscunque speciebus, quæ  
ad diuinum cultum pertinere noscuntur, contulisse vel adhuc  
conferre voluerint, neq; ab Episcopis locorum, neq; potestas re-  
gia quocunq; tēpore successura, de eorum voluntate quicquam  
minorāre aut auferre præsumat.

### CONCILII MATISCONENSIS II. CANO- NES DE SACRIFICIIS.

Per Octauam Paschatis omnes quotidianis intersint  
sacrificijs.

Pascha



Pascha (inquiunt Priscus Lugdunensis & alij qui suprâ.) no- Cōcil. Ma  
strum, in quo summus sacerdos & Pontifex, pro nostris delictis, tiscō. 2. c. 2,  
nullam habens obnoxiationem peccati, immolatus est, debe-  
mus omnes festiuissime colere, & sedulæ obseruationis synce-  
ritate in omnibus venerari, vt illis sanctiss. sex diebus, nullus ser-  
uile opus audeat facere: sed omnes simul coadunati, hymnis  
Paschalibus indulgentes, perseverationis nostræ præsentiam  
quotidianis sacrificijs ostendamus, laudantes creatorem ac re-  
generatorem nostrum vespere & meridie.

Dominicis diebus omnes panem & vinum ad  
altare offerant.

Residentibus (inquiunt) nobis in sancto concilio, cognoui- <sup>ibidē c. 4.</sup>  
mus quosdam Christianos, relicto fratrum cœtu, à mandato Dei  
aliquibus locis deuiasse, ita vt nullus eorum legitimo obsecun-  
dationis, parere velit officio deitatis, dum sacris altaribus illam  
admouent hostiam: propterea decernimus, vt omnibus Domi-  
nicis diebus altaris oblatio ab omnibus viris & mulieribus offe-  
ratur tam panis quàm vini, vt per has immolationes & peccato-  
rum suorum fascibus careant, & cum Abel vel cæteris iustè offe-  
rentibus, promereantur esse consortes.

A ieiunis Missæ celebrentur.

Item decernimus, (inquiunt) vt nullus presbiter confertus  
cibo, aut crapulatus vino, sacrificia contrectare, aut Missas pri- <sup>ibidē c. 6.</sup>  
uatis festisq; diebus concelebrare præsumat. Iniustum est enim,  
vt spiritali alimento, corporale præponatur: sed si quis hoc attē-  
dere curauerit, dignitatē amittat honoris. Iam enim de tali cau-  
sa & in Concilij Aphricanis definitū est. Quam definitionē no- <sup>for. adlo-</sup>  
stro quoq; dignam duximus sociare decreto, & ad locum, vt sa- <sup>care.</sup>  
cramenta altaris non nisi à ieiunis hominibus celebrentur, ex-  
cepto vno die anniuersario, quo cœna Domini celebratur.

Reliquiæ sacramentorum ab innocentibus  
ieiunis sumantur.

Quæcunq; reliquiæ sacrificiorū post peractam Missam in sacra <sup>ibidem.</sup>  
rio superfederint, quarta vel sexta feria innocētes, ab illo, cuius

interest, ad Ecclesiam adducantur, & indicto eis ieiunio, eadem reliquias conuersas vino percipiant.

### GALLIARVM MISSAE ORDO VETVSTVS.

Cur quum vna sit fides, (interrogat D. Gregorium papam D. Augustinus Anglorum Episcopus) sint Ecclesiarum consuetudines diuersae? & altera consuetudo Missarum in Romana Ecclesia, atq; altera in Galliarum Ecclesijs teneatur?

Respondet D. Gregorius: Nouit fraternitas tua, Romanae Ecclesiae consuetudinem, in qua se meminit eruditā. Sed mihi placet, ut siue in Romana, siue in Gallicana, seu in qualibet Ecclesia aliquid inuenisti, quod plus omnipotenti Deo possit placere, sollicitè eligas & in Anglorum Ecclesia, quae adhuc ad fidem noua est, institutione praecipua, quae de multis Ecclesijs colligere potuisti, infundas. Non enim pro locis res, sed pro bonis rebus loca amanda sunt. Ex quibusque ergo Ecclesijs quae pia, quae religiosa, quae recta sunt, elige: & haec quasi in fasciculum collecta, apud Anglorum mentes in consuetudinem depone.

Hilduin.  
abb prae-  
fationis  
D. Diony.  
Arcop.

Eadem de re latius in haec verba Hilduinus Abbas sancti Dionysij ad Ludouicum Regem Galliarum: Cui ad stipulandum videntur antiquissimi, & nimia penè vetustate consumpti, Missales libri, continentes Missae ordinem more Gallico, qui ab initio receptae fidei usu in hac occidentali plaga est habitus, usque quo tenorem quo nunc utitur, Romanum suscepit. In quibus voluminibus habentur duae Missae, quae sic inter celebrandum ad prouocandum diuinæ miserationis clementiam, & corda populi ad deuotionis studium excitanda, tormenta martyris sociorumque eius succinctè commemorant, sicut & reliquae Missae ibidem scriptae, aliorum Apostolorum vel martyrum, quorum passionibus habentur notissimae decantant. Quarum Missarum cantus, sensus & verba, ad eam passionis eorundem, quam vobis misimus, seriei concordare videntur, ut nulli sit dubium, à teste illorum martyrij agones eorum descri-

Ad Missarū  
Gallicarū  
præfatio.  
nes alludit  
quarū ple-  
rasque habes  
infra sub fi-  
ne Tom. 2.



descriptos, & ex ipsa eorum veraci hystoria memoriam tormē-  
torum suorum in præfatis precibus fuisse mandatam. Videtur  
porrò in his Missarum obsecrationibus non contemnenda au-  
thoritas de memorata passione sanctorum, cum exstent apud  
nos Epistolæ Innocentij, & post eum Gelasij, nec non & moder-  
nius B. Papæ Gregorij, aliorumque Pontificum ad Episcopos  
Vrbium Galliarum, & Antistitem nostrorum ad ipsos, de mo-  
re Romano in cunctis Ecclesiasticæ auctoritatis munijis imitan-  
do, quibus datur intelligi, ab annis pluribus hunc Missæ teno-  
rem de Gallica consuetudine recessisse, & hanc passionis mar-  
tyrum istorum memoriam, longè superiori tempore his occi-  
dentalibus partibus per supplantationem postulationes inole-  
uisse: quibus tanto certius fidem accommodamus, quanto in  
tempore vicino post consummationem eorum, easdem fuisse  
compositas sine dubitatione concedimus. Nec tamen quif-  
quam putabit B. Dionysium eiusque successores ab institutio-  
ne Apostolica propter huiusmodi Missæ ordinem Gallicis  
consuetudinibus in primordio traditum discrepasse, si ei con-  
stiterit ipsorum Apostolorum & Apostolicorum virorum, ipsi-  
us etiam vrbis Rom. sensus proprii abundantiam notam esse.

VValafr.  
Strab. de  
reb. Eccl.  
c. 22.

Paucis etiam sic VValafridus Strabus. Et Galliarum Ecclesiæ  
suis orationibus utebantur, quæ & adhuc à multis habentur.

Item D. Gregoriū & Hilduinum citans, Berno Augiēsis. Ad  
hæc (inquit) potest, quis, dicere, tunc temporis Gallos & His-  
panos in Missarum suarum celebritate nondum habuisse vsum  
sanctæ Rom. Ecclesiæ. Quod & nos non negamus. Testatur  
hoc Abbas Hilduinus, vir in diuina lege adprimè eruditus,  
in ea Epistola, quam ad Ludouicum Imperatorem direxit, pro  
passione sanctorum martyrum Dionysij & sociorum eius.

Berno de  
Missæ. c. 2.

#### IN GERMANIIS ITEM VSVS PECVLIARIS.

In nostri quoque (inquit idem de monasterio suo Augiēsi Ibid.  
loquens, quod est in Germania) monasterij archiuo habetur

M m m m      Mif.

Missalis, longè aliter ordinatus, quàm Rom. Ecclesiæ se habet vsus.

MISSA MOZARABED. LEANDRO HISPALENSIS  
SI EPISCOPO PECULIARITER IN HISPANIA  
VSITATA.

Christiani in Hispania Arabibus permixti, Mozarabes dicebantur, quasi mixti Arabibus, & officium diuinum eorum Mozarabe indè appellationem retinuit. Vtitata fuit hæc Missa iam olim, & maximè D. leandro Hispalenti, & post D. Gregorium partim adhuc D. Isidoro, Immò hac vsa est Hispania, vsque ad tempora Alfonsi sexti, quo tempore auctoritate Gregorij papæ Septimi mutata est, licet & Toleti adhuc in sex parochijs seruetur, & in Cathedrali Ecclesia in sacello fratris Francisci Ximenez ac Salamanticæ stas etiam diebus in sacello doct. Talabricensis, quod est in Peristylo templi summi, cuius officij modum & ordinem hic habes.

Vestium sacrarum vsus.

Eisdem utebantur vestibus sacris, quibus hodiè, & communibus precationibus cum nostris, quandò singulas vestes induebant.

Exomologesis & post eam oratio.

Pòst faciunt ad altare exomologesim, & ad altare capite demisso ad hunc modum dicunt: Per gloriam nominis tui Christe fili Dei viui, & per intercessionē virginis Mariæ, B. Iacobi & omnium sanctorum tuorum auxiliare & miserere indignis seruis tuis, & esto in medio nostri Deus noster, qui viuis & regnas

Consentit  
D. Isidorus  
de diuin. of  
fic. l. 2 c. 7.  
Atqui illud  
Gloria &  
honor: yr.

in secula seculorum. Respondetur, Amen.

Antiphona cum duobus versibus, ac Gloria

& honor &c.

Mox conuertit se ad librum in dextro altaris cornu positum ac dicit Antiphonam in modum introitus cum duobus versibus,



bus, & Gloria & honor patri & filio & spiritui sancto in secula  
seculorum Amen. getur Cōc.  
Tolet. 4. c.  
14.

Repetitio partis Antiphonæ.

Sicut etiam in Concilio Toletano quarto, cautum est, ut ad e-  
um modum dicatur, ad quemlibet versum repetunt partem An-  
tiphonæ more Responsoriorum nostrorum, ut vulgato more  
loquar. Huc perti-  
net quod  
habet Isi-  
dor. de  
Respon. c.  
8.

Gloria in excelsis.

Gloria in excelsis, dicitur integrè Romano more.

Per omnia secula seculorum. R. Amen.

Sacerdos cantando dicit: Per omnia secula seculorum, ne-  
que ante orationem dicitur, oremus, neque in fine, Per Domi-  
num, sed tantum respondetur, Amen. Preces vo-  
cat hæc I-  
sidor. c. 9.

Alia sacerdotis conclusio. R. Amen.

Deindè dicit sacerdos: Per misericordiam tuam Deus no-  
ster qui es benedictus, & viuis & regnas in secula seculorum,  
Respondetur, Amen.

Salutatio ad populum.

Posteà: Dominus sit semper vobiscum, Respondetur, Et  
cum spiritu tuo. Consentit  
Concil.  
Bracar. 1.  
Can. 2.

Lectio prophetica.

Lectio Isaiaæ prophetæ. Respondetur, Deo gratias, mox le-  
gitur prophetia, qua lecta, rursus sacerdos, Dominus sit sem-  
per vobiscum, Respondetur, Et cum spiritu tuo.

Tractus.

Indè dicitur Tractus duorum vel trium versuum.

Ad silentium adhortatio.

Quo finito, Sacerdos inquit: Silentium facite.

Apostolica lectio.

Sequentia Epistolæ Pauli Apostoli &c. Respond. Deo gra-  
tias. Mox canitur siue recitatur Epistola.

Euangelica lectio.

Postquam, libro in alterum altaris cornu translato, conti-  
nuo dicitur Euangelium, ad hunc modum: Dominus sit sem-  
per vobiscum, Resp. & cum spiritu tuo. Gloria tibi Domine.

Post Euangelium responsio.

Mmm

2

Finito

Memenit  
Isidor. c. 10  
Vtriusque  
etiam le-  
ctionis c.  
10, 11, & 12

Finito Euangelio &c. Respond. Amen.

Salutatio ad populum.

Mox sacerdos, Dominus sit semper vobiscum, Respons. & cum spiritu tuo.

Alleluia cum versu.

Consen-  
tunt in  
hoc concil.  
Valët. c. 1.  
ac Tolet. 4.  
c. 11. & 12.  
dor. c. 13.

Postea dicitur, Alleluia cum versu, Sicut nunc ante Euange-  
lium cantatur.

Oblatio hostiæ cum Orationibus.

Sacerdos offert hostiam cum calice, vtens aliquot orationi-  
bus deuotis, quas hic referre longum esset.

Suffitus altaris.

Mox thura adolet, non secus atque nunc fit.

Adhortatio: Adiuuate me fratres.

Quibus peractis, Sacerdos ante medium altaris dicit alta vo-  
ce: Adiuuate me fratres in orationibus vestris, & orate pro me  
ad Deum.

Responsio chori.

Offertori-  
um voca-  
tur ab Iu-  
dor. c. 14.

Respondet chorus: Adiuuet te pater, filius, & spiritus san-  
ctus.

Sacrificium siue Offertorium.

Deindè cantatur \* Sacrificium, nempe Antiphona cum duo-  
bus aut tribus versibus.

Lotio manuum.

Quod dum fit, sacerdos lauat manus, dicens: Lauabo me,  
inter innocentes, &c.

Benedictio oblationis.

Ac benedicit oblationem tribus digitis.

Inclinati ante altare præfatio.

Postea inclinatus ante altare, submissa voce dicet: Accedat  
ad te in humilitate spiritus &c. nam oratio longiuscula est, sed  
valdè deuota.

Conclusio elatiore voce.

Quam claudit elatiore voce dicens. Per te Deus meus, qui  
viuis & regnas in secula seculorum Amen.

INCI-



TOMVS PRIMVS.  
INCIPIT VR MISSA.

Salutatio & responsio.

Sacerdos: Dominus sit semper vobiscum, Responsio, & cum spiritu tuo.

Oratio de tempore vel sancto.

Oratio de tempore vel sancto, siue, Oremus, in cuius fine respondetur. Amen.

Alia Orationis conclusio.

Deindè sacerdos: Per misericordiam tuam Deus noster, qui es benedictus, & viuus, & omnia regis, in secula seculorum, respons. Amen.

Tractatus de vita sanctorum in ipsorum Natali.

Si est festum alicuius sancti, prius legitur aliquid de vita sancti: deindè fit oratio, faciens mentionem etiam de miraculis vel doctrina sancti.

Oremus, & Hagios, hagios, hagios.

Mox sacerdos, eleuatis manibus, dicit, oremus: Respondet chorus, Hagios, hagios, hagios, Domine Deus aterne, tibi laus & gloria.

Orationes pro Ecclesia & alijs cum commemoratione Apostolorum, martyrum, & pauperum sanctorum.

Deindè fiunt orationes pro Ecclesia catholica, pro ca-  
ptiuis, infirmis & tribulatis, cum commemoratione Aposto-  
lorum, martyrum, quorum multa nomina recitantur, & pau-  
perum sanctorum, quo nomine illic intelligi puto sanctos Dei confesso-  
res, qui in Domino & sancta pace quiescunt: nam multa nomi-  
na recitantur, & inter ea Ambrosij, Augustini, Fulgentij, Lean-  
dri, Isidori, &c. & omnium pauperum sanctorum.

Alia oratio festo congrua.

Deindè dicit sacerdos aliam orationem, festo ac diei congruam, qua finita, respondetur Amen.

Conclusio: Quia tu es. &c.

Sacerdos: Quia tu es vita viuorum, sanitas infirmorum, ac  
M m m m 3 requies

643

Etiam hic  
missam in-  
cipit Isido-  
rus c. 15.  
qui non ni-  
hil differen-  
tit in ora-  
tionibus.

Hanc ora-  
tionem pro  
viuis & de-  
functis ter-  
tiam facit  
Isidor. l. cit.

646 LITURGICON ECCLESIAE LATINAE  
requies omnium fidelium defunctorum, in omnia secula secu-  
lorum. Chorus R. Amen.

Oratio. Adhortatio ad pacem, & pro ea deprecatio.

nem pro Mox fit oratio ad pacem, qua finita, dicit sacerdos: Quia tu  
osculo pa- es vera pax nostra &c. Mox sublatis in cælum manibus, dicit:  
cis quartâ Gratia Dei patris omnipotentis, & dilectio Domini nostri Ie-  
facit Ibid. su Christi, & communicatio spiritûs sancti, fit semper cum om-  
Isidorus. nibus nobis. Respondet Chorus, & cum hominibus bonæ vo-  
luntatis. Rursus presbiter: Quomodo adstatis, pacem facite:  
tunc chorus cantat Responsum, Pacem meam do vobis &c.

Pacis Symbolum.

Interea sacerdos accipit pacem de patina, dicens: Habete pa-  
cem dilectionis & pacis, ut apti sitis sacrosanctis mysterijs Dei,  
mox dat pacem diacono vel puero, puer populo. Deinde sacer-  
dos, iunctis manibus, inclinatus dicit:

Introibo ad altare Dei.

Introibo ad altare Dei. Respond. ad Deum &c.

Præfatio & eius conclusio.

Postea manibus super calicem positis inquit: Aures ad Do-  
minum. Respondetur, habemus ad Dominum. Sacerdos: sur-  
sum corda, Resp. leuamus ad Dominum. Sacerdos inclinatus  
manibus iunctis: Deo ac Domino nostro Iesu Christo filio Dei,  
qui est in cælis, dignas laudes, dignasque gratias referamus: &  
dicens hæc postrema verba, attolit manus in altum, Respondet

Hanc quin- Chorus: Dignum & iustum est. Sacerdos: Dignum & iustum  
tam oratio est, &c. Sequitur enim longa & deuota illatio.

nem nun- Sanctus, Sanctus, Sanctus.

cupat illic Postea dicitur sanctus, ferè more nunc vsitato.

Isidorus. Post duas orationes, Consecratio verbis  
Consecra- iam vsitatis.

tionem & Deinde post duas orationes breues, fit consecratio iisdem  
oblatione omnino verbis, quibus hodiè vtitur Ecclesia.

sextam ibi Eleuatio Eucharistiæ.

dem nun- Mox eleuatur sacrosancta Eucharistia.

cupat ora- tionem.

Dein-



Deindè dictis duabus orationibus, altera  
corporis Domini eleuatio.

Posteà dictis duabus orationibus succinctis, sacerdos accipit  
corpus Domini de patina, & ponit super calicem apertum, vt  
hodiè quoque fit, ac dicit alta voce. Dominus sit semper vobis-  
cum, Respond. & cum spiritu tuo. Sacerdos: fidem quam cor-  
de credimus, ore dicamus: & eleuat secundò corpus Christi, vt  
videatur à populo.

Symbolum fidei Nicenæ.

Mox cantatur symbolum fidei ità vt est in Concilio Niceno. Consentit  
in hoc Iſi-  
dor. c. 16.

Fraçtio Eucharistiæ.

Quod dum fit, Sacerdos frangit Eucharistiam per medium, Atqui cōc.  
Tol. 3 c. 2.  
Constanti  
nopolitan.  
symbol. me  
minit.  
& ponit dimidiatam partem in patina, & ex altera parte facit  
quinque particulas, ex altera ferè quatuor, Deindè ponit om-  
nes simul in patina in modum crucis.

Particularum Eucharistiæ nomina.

Habetque quæque particula nomen. Quinque priores par-  
tes, dicuntur, Corporatio, Natiuitas, Circuncisio, Apparito,  
Passio: quatuor reliquæ, Mors, Resurrectio, Gloria, Regnum.

Memoria viuorum.

Posteà digitis super calicem accuratè purgatis, & cooperto  
calice, facit memento pro viuis, (vt ipsorum more loquar.)

Oratio Dominica.

Mox dicitur Oratio Dominica ad hunc modum: Verbum Eodem lo-  
co orat.  
Dominic.  
constituūt  
Concil.  
Tolet. 4.  
c. 9. & Iſi-  
dor. c. 15.  
vbi septi. 1  
patris, quod caro factum est, vt habitares in nobis, præsta nobis  
vt qui te venisse credimus, ab omni peccatorum contagione  
quum præceptionis tuæ oraculis proclamauerimus, liberemur  
in terris. Pater noster qui es in cælis, R. Amen. Et eodem modo  
respondetur ad singulas petitiones, præterquam ad illam, Pa-  
nem nostrum &c. ad quam respondetur, quia tu es Deus.

Embolis orationis Dominicæ.

Deindè dicit orationem deuotissimā, quæ incipit: Liberati  
à malis &c. & tundendo pectus, dicit, pone Domine finē pec-  
catis. nuncupat,

Immissio duarum particularum in calicem.

M m m 4 Qua

Coniun- Qua finita, acceptam particulam quæ dicitur regnum, præ-  
tionis hu. missa oratione, ponit super calicem: mox addita alia, immittit  
ius memi- in illum.

nit Conc.

Tol. 4. c. 17

Benedictio

nē hoc lo-

co fieri cō-

tēdit Con-

cil. Tol. 4

c. 17. & ag-

noscit liti-

dor. c. 17.

Benedictio populi.

Post hæc dicit: Humiliate vos benedictioni, & certis qui-  
busdam formulis benedicit populo.

Memoria defunctorum.

Mox fit secundum memento (vt sic loquar) pro defunctis.

Perceptio corporis & sanguinis Domini,

Quo peracto, recipit corpus & sanguinem Domini cum qui-  
busdam deuotis precationibus.

Cantus chori inter communicandum.

Atque interim cantatur à choro, Gustate & videte quàm  
suavis est Dominus &c.

Antiphona post communionem.

Absoluta communione, cantatur Antiphonâ, Refecti Chri-  
sti corpore &c.

Oratio post communionem.

Et libro in sinistrum altaris cornu translato, dicit sacerdos  
orationem: in cuius fine respondetur, Amen.

Conclusio orationis.

Deindè sacerdos. Per misericordiam tuam Deus noster  
qui es benedictus, & viuus, & omnia regis in secula seculorum  
Respondetur. Amen.

Salutatio ad populum.

Dominus sit semper vobiscum, Responsio, Et cum spiritu  
tuo.

Vox diaconi: Solennia completa sunt.

Posteà presbiter vel diaconus, Solennia completa sunt in no-  
mine Domini nostri Iesu Christi, votum nostrum sit acceptum  
cum pace. Responsio: Deo gratias.

Nulla conuersio sacerdotis ad populum.

Quandiū sacris operatur Sacerdos, nunquàm se conuertit  
ad populum.

Qui-



Quibusdam vſitatum in Eleuatione Eucharistiæ:

Videte in quem creditis.

Frater Ioannes Laziarelus Cælestinus, in Epitome vniuersalis historiæ mentionem fecit huius sacrificandi ritus, sed paucis vbi illud addit, quòd vbi leuatur Eucharistia, diaconus catnat alta voce: Videte in quem creditis, sed hoc in Hispanijs non ſeruat.

D. GREGORII MAGNI LXV. PAPAE ROMANI, MISSARVM SOLENNIA ET EARVM RITVS.

Ecclesiarum dedicatio cum Reliquijs Sanctorum & Missarum solennijs.

Prætereà (inquit Ioannes diaconus in eius vita) cùm Arriano Ioā. diacō. rum basilica in regione vrbis huius, quæ Suburra dicitur, clau- Vit. D. Gre. sa vsque ad Gregorij Pontificatūs tempora remansisset, placu- l. 2. c. 31. it ei vt in fide catholica, introductis illuc beati Stephani & S. \* Agathæ. Agnetis martyrum reliquijs, dedicari debuisset, quod factum est.

Nam cùm magna populi multitudine Gregorius laudes canendo proueniens, basilicam præfatam ingressus est. Cumque venerabilis Pontifex iam solennia missarum celebraret, &c.

Missarum celebritas.

Eosdem verò (inquit ipse D. Gregorius ad Alexandrum & Antiochenum Episcopos) responsales, quia hoc omninò humiliter precabantur, Missarum solennia mecū celebrare feci: quia Greg. Re- gist. epist. l. 6. c. 196. sicut & serenissimo Domino Imperatori nostro intimare studui, responsales fratris & confacerdotis nostri Cyriaci mihi cōmunicare debuerunt, quia authore Deo, in elationis errorem non cecidi. Meus verò diaconus, cum prædicto fratre nostro Cyriaco, Missarum solennia celebrare non debet.

Quotidianæ Missæ in veneratione Martyrum.

Nnnn

San-

Ibid. l. 7.  
c. 29.

Sanctissima ( inquit idem alibi ) vestra beatitudo scribere studuit, vt cunctorum martyrum gesta, quę pro memoria Constantini temporibus ab Eusebio Cæsariensi collecta sunt, transmittere debeamus. Sed hæc neque si collecta sunt, neque si sint, ante vestrę beatitudinis scripta cognoui. Ago ergo gratias, quia sanctissimę vestrę doctrinę scriptis eruditus, cępi scire quod nesciebam. Præter illa enim quę in eiusdem Eusebij libris de gestis sanctorum martyrum continentur, nulla in archiuo huius nostrę Ecclesię, vel in Romę vrbis bibliothecis esse cognoui, nisi pauca quędam in vnius codicis volumine collecta. Nos autem penę omnium martyrum distinctis per dies singulos passionibus, collecta in vno codice nomina habemus, atque quotidianis diebus, in eorum veneratione Missarum solennia agimus. Non tamen in eodem volumine, quis qualiter sit passus, indicatur, sed tantummodò nomen, locus, & dies passionis ponitur.

Missarum solennia in stationibus per Basilicas Martyrum,  
& verba solennia in administratione Corporis  
Domini.

Ioan. Diac.  
vbi suprà l.  
2. c. 18.

Stationes ( inquit Ioannes Diaconus ) per Basilicas, vel beatorum martyrum cœmeteria secundum quod hætenus, plebs Romana quasi eo viuente certatim discurret, sollicitę ordinauit: per quas & ipse simul discurrens, dum adhuc eloqui præualeret, viginti homilias Euangelij coram Ecclesia diuerso tempore declamauit: reliquas verò eiusdē numeri dictauit quidē, sed lassescēte stomacho, lāguore continuo, alijs pñunciādas cōmisit.

Ibid. c. 41.

Et rursūm miraculum quoddam recensens: Matrona quędam B. Gregorio per stationes publicas Missarum solennia celebranti, solitas oblationes obtulerat. Cui pōst, mysteria traditurus, cum diceret, Corpus domini nostri Iesu Christi conseruet animam tuam, lasciua subrisit. Ille verò continuò dexteram ab eius ore conuertens, partem illam Dominici corporis super altare deposuit: expletis verò Missarum solennijs, matronā coram populo inquisiuit: quam obrem, corpus Dominicum sumptura,



ptura, ridere præsumpserit. At ille diu mûsitans, tandem prorupit: Quia panem, inquit, quem proprijs manibus me fecisse cognoueram, tu corpus Dominicum perhibebas. Tunc Gregorius pro incredulitate mulieris, cû tota plebe se in orationem prostrauit: & post paululû surgens, particulam panis, quam super altare posuerat, carnem factâ reperit, quam coram cunctis incredulæ matronæ demonstrans, ad credulitatis gratiam tam illam reuocare potuit, quàm totum populû confirmare curauit. Rursus itaq; in orationem cum eisdem prostratus, carnis frustum, in panis primordia reformauit.

Cantus Missarum, & Schola Cantorum ab ipso instituta.

Deindè (inquit idè) in domû Domini more sapientissimi Salomonis, propter Musicæ compunctionē dulcedinis, Antiphona. *Ibidè. c. 6.* rium centonam cantorum studiosissimus nimis vtiliter compilauit, scholam quoq; cantorum, quæ hætenûs eisdem institutionibus in sancta Romana Ecclesia modulatur, constituit.

Et paulo pòst, indicans quomodò in Gallias & Germanias cantus ille diffusus sit: Huius (inquit) modulationis dulcedinē *Ibidè c. 7.* inter alias Europæ gentes Germani seu Galli dicere, crebroque rediscere insigniter potuerunt: incorruptam verò, tam leuitate animi, quia nonnulla de proprio Gregorianis cantibus miscuerunt, quàm feritate quoque naturali, seruare minimè potuerunt. Alpina siquidem corpora vocum suarum tonitruis altisonæ perstreptentia, susceptæ modulationis dulcedinem propriè non \* resultant: quia bibuli gutturis barbara feritas, dum inflectionibus & repercussionibus mitem nititur edere cantilenam, naturali quodam fragore, quasi plaustra per gradus confusè sonantia, rigidas voces iactat, sicque audientium animos, quos mulcere debuerat, exasperando magis ac obstrependo conturbat.

Ac deinde: Hinc est, quòd huius Gregorij tempore, cum Augustino tunc Britannias adeunte, per Occidentem quoque *Ibidè c. 8.* Romanæ institutionis cantores dispersi, barbaros insigniter

Nnnn 2 docue-

docuerunt. Quibus defunctis, Occidentales Ecclesiae ita susceptum modulationis organum vitiarunt, ut Ioannes quidem Romanus Cantor cum Theodoro eque ciue Romano, sed Eburaci archiepiscopo, per Gallias in Britannias à \* Vitelliano sit pre-

\* Vitalia. no. fule destinatus: qui circumquaque positarum Ecclesiarum filios ad pristinam cantilenę dulcedinē reuocans, tam per se quàm per discipulos suos, multis annis doctrinæ Romanæ regulam conseruauit.

Ibidē c. 9. Consequenter: Sed & Carolus noster patricius, rex autem Francorum, dissonantia Romani & Gallicani cantūs Romæ offensus, cum Gallorum procacitas cantū à nostratibus quibusdam nenijs argumentaretur esse corruptum, nostri quē diuerso authenticum Antiphonarum probabiliter ostentarent, interrogasse fertur quis inter riuum & fontem limpidiorem aquam \*conferre \*conseruare soleret: respondentibus fontem, prudenter adiecit: Ergo & nos, qui de riuo corruptam lympham vsque hactenus bibimus, ad perennis fontis necessē est fluentia principalia recurramus. Mox itaque duos suorum industrios clericos, Adriano tunc Episcopo dereliquit: quibus tandem satis eleganter instructis, Metensem Metropolim ad suauitatem modulationis pristinē reuocauit: per quam illam totam Galliam suam correxit.

Ibidē c. 10. Denique: Sed quum multa post tempora defunctis his, qui Romæ fuerant educati, cantum Gallicanarum Ecclesiarum à Metensi discrepare prudentissimus regum vidisset, ac vnumquemque ab alterutro vitiatum cantum iactantem aduertet. Iterum (inquit) redeamus ad fontem. Tunc regis precibus, sicut hodie quidam veridicē astipulantur, Adrianus Papa permotus, duos in Galliam cantores emisit: quorum iudicio, rex omnes corrupisse dulcedinem Romani cantūs leuitate quadam cognouit. Metenses verò sola naturali feritate paululum dissonare peruidit. Denique vsque hodiē quantum Romano cantui Metensis cedit, tantum Metensi cedere Gallicarum Ecclesiarum Germaniarumque cantus, qui puram veri-



veritatem diligunt, comprobant. Hæc ergò per anticipatio-  
nem retulerim, nè indiscussam Gallorum leuitatem videar  
præterisse.

Eodem pertinet illud VValafradi \* Strabonis: Traditur Vualaf. de  
reb. Eccl.  
c. 22.  
denique beatum Gregorium, sicut ordinationem Missarum, &  
Consecrationum, ità etiam cantilenæ disciplinam, maxima ex  
parte in eam, quæ hætenùs, quasi decentissima obseruatur, dis-  
positionem perduxisse, sicut & in capite Antiphonarij comme-  
moratur.

Et illud eiusdem: Ordinem autem cantilenæ, diurnis seu  
nocturnis horis dicendæ Beatus Gregorius plenaria creditur Ibidem.  
ordinatione distribuisse, sicut & suprà de sacramentorum dixi-  
mus libro.

Antiphonæ in vnum volumen ab ipso editæ, quod  
Antiphonarium inscripsit, seu librum  
Gradualem.

Huc imprimis pertinet, quod ex Ioanne diacono & VVa- Ibidem.  
lafrido modò citauimus, & præsertim illud: Quum multi an-  
te, siue post eū, Orationes, Antiphonas, vel Responsorialia com-  
posuerint.

Deindè illud Bernonis Augiensis: Notandum vt sicut san- Berno Au-  
gient. de  
Miss. c. 1.  
ctum Gregorium, quicumq; has vel has cantilenas composuis-  
set, libri sacramentorum, & Antiphonarum: ità & B. Hierony-  
mum credimus ordinationem Lectionarij.

Item illud Micrologi: Nam & S. Hieronymus in libro Co- Microlog. de  
Eccl. ob-  
seru. c. 31.  
mitis ità ordinauit, cuius libri ordinem & S. Gregorius dili-  
gentissimè obseruauit, siue dum lectionibus & Euangelijs  
Missales orationes in sacramentario adaptaret, siue dum Anti-  
phonas ex eisdem Euangelijs, quàm plurimis diebus in Anti-  
phonario articulet.

Plura huc pertinentia requireret Lector in Tomi 2. Prolego-  
menis.

Kyrie eleyson, à Græcorum Ecclesia in Romanam  
translatum.

Nnnn 3

Kyrie

Kyrie eleyson autem (inquit ipse D. Gregorius ad Ioannem  
 Greg l. 7. Syracusanum) nos neque diximus, neque dicimus, sicut à Græ-  
 regilt. c. 73. cis dicitur: quia in Græcis simul omnes dicunt: apud nos autem  
 à clericis dicitur, à populo respondetur, & totidem vicibus  
 etiam Christe eleyson dicitur, quod apud Græcos nullo mo-  
 do dicitur. In quotidianis autem Missis alia quæ dici so-  
 lent, tacemus: tantummodò Kyrie eleyson, & Christe eleyson  
 dicimus, ut in his deprecationis vocibus paulò diutius occu-  
 pemur.

Subdiaconorum vestitus in Missa.

Ibidem. Subdiaconos autem (inquit ibidem) ut spoliatos procedere  
 facerem, antiqua consuetudo Ecclesiæ fuit. Sed placuit cuidam  
 nostro Pontifici, nescio cui, qui eos vestitos, procedere præcepit.  
 Nam vestræ Ecclesiæ, nunquid traditionem à Græcis accepe-  
 runt? Undè habent ergò hodiè ut subdiaconi lineis in tunicis  
 procedant, nisi quia hoc à matre sua Romana Ecclesia perce-  
 perunt?

Orationes missæ Gelasianæ cum alijs in vnum  
 volumen compositæ, quod Sacramen-  
 tarium inscripsit.

Ioã. Diac. Sed ad Gelasianum codicem (inquit Ioannes Diaconus) de  
 Vit. D. Missarum solennijs, multa subtrahens, pauca conuertens, non-  
 Greg l. 2. c. nulla adiiciens, pro exponendis Euangelicis lectionibus in vni-  
 17. us libri volumine coarctavit.

Ad quem locum alludens VValafridus \* Strabo: Et quia  
 (inquit) tam incertis authoribus, multa videbantur \* inser-  
 ta, & sensus integritatem non habentia, curauit beatus Grego-  
 VValafr. lo co cit. rius rationabilia quæque coadunare, & seclis his, quæ vel ni-  
 \* incerta. mia vel inconcinna videbantur, composuit librum, qui dicitur  
 Sacramentorum, sicut ex titulo eius manifestissimè declaratur:  
 In quo si aliqua inueniuntur ad hunc sensum claudicantia, non  
 ab illo inserta, sed ab alijs minnùs diligentibus, postea creden-  
 da sunt superaddita.

Item Berno Augiensis loco citato suprà de Gelasio papa.

Lectio



## Lectio Apostolica &amp; Euangelica.

Pertinet huc illud, quod suprà adduximus de consonantia Lectionarij D. Hieron. cū Antiphonario D. Greg. ex Micrologo.

Item illud, ubi eorundem mentionē facit, Bernonis: Viginti <sup>Berno</sup> Aug. de  
tres post Pentecostes octauas, hebdomadæ computantur, ita cō <sup>Miss. c. 5.</sup>  
cordes, vt aliquando omnis cantus videlicet Antiphonarum  
(que dicuntur Introitus) Gradualium, offertorium, cōmunio-  
rum, cum lectionibus Apostolicis & Euangelicis ita conueni-  
at, vt velut quoddam organum, distantis inter se vocis concor-  
dem Symphoniam reddat.

Illud quoque dicti Micrologi: Sciendū autem quod Sanct. <sup>Microlog. c. 61.</sup>  
Gregorius ita Ecclesiastica ordinauit officia, vt prima oratio in  
Missā, officio, lectioni, & Euangelio semper concordet: sicut in  
omnibus solennitatibus deprehendi potest.

Alleluia etiam extra Paschale tēpus.

Speculat huc, quod supra allegauimus, D. Gregorij ex præ-  
dicta epistola ad Ioannem Syracusanum, sub D. Damaso Papa.

Nominum Episcoporum ad altare recitatio,  
partim iam intermissa.

Quod autem scripsistis, (inquit ad Constantium Mediolanen- <sup>Greg. Reg. l. 4 c. 37.</sup>  
sem Episcopum) quia scandalizantur plurimi eorum, quia fra-  
trem & coepiscopum nostrum Ioannē Rauennatis Ecclesiæ in-  
ter Missarum solennia nominetis, requirenda vobis consuetu-  
do antiqua est: & si consuetudo fuit, modò à stultis hominibus  
reprehendenda non est. Si vero consuetudo nō fuit, fieri nō de-  
bet, vnde quibusdam scandalum moueri possit: tamen sollicitè  
perquirere studui, si idem Ioannes frater & coepiscopus noster  
vos ad altare nominet, quod minimè dicunt fieri. Et si ille ve-  
stri nominis memoriam non facit: quia necessitas cogat, igno-  
ro, vt vos illius faciatis.

Canonis Missæ apud ipsum mentio.

De hoc igitur (inquit idem ad Vitale defensorem) quod scri- <sup>ibidem. l. 11. c. 16.</sup>  
psisti fratrem & coepiscopum nostrum Ianuarium tempore quo  
sacrificium celebrat, tantam pati frequenter angustiam, vt vix

Nnn 4

post

post longa intervalla, ad locum Canonis redire valeat quem reliquit, atque ex hoc multos dubitare, si communionem debeant de eius consecratione percipere: admonendi sunt, ut nullatenus pertimescant, sed cum omni fide & securitate communificent, quia ægritudo personæ, sacri mysterij benedictionem nec mutat nec polluit. Secretus tamen omninò frater noster hortandus est, ut quoties aliquam molestiam senserit, nō procedat, nè ex hoc se & despiciendum præbeat, & infirmorum animis scandalum faciat.

In Canone ab ipso additum illud,  
Diesq; nostros.

Ioan. Diac.  
Vit. D.  
Greg. l. 2.  
c. 18.

In Canone (inquit Ioannes Diaconus) apposuit: Diesque nostros in tua pace dispone, atq; ab æterna damnatione nos eripe, & in electorum tuorum iubeas grege numerari.

Quod repetitur ad verbum à Vener. Beda hist. Angl. Eccl. l. 2. c. 2. Alcuino de diuin. offic. Amalar. l. 3. de eccl. officijs c. 25. Sigeberto ad ann. Domini 592. Mariano Scoto l. 2. hist. & Micrologo c. 24.

Vualfr. de  
reb eccle.  
c. 22.

Latiùs autem id prosequitur VValafridus \* Strabo: Gregorius verò (inquit) de quo superiùs sæpiùs fecimus mentionem, augmentavit in precatione canonis, Diesq; nostros in tua pace disponas. Vbi quidam volunt intelligi, totam ab eo loco Canonis consequentiam, vsque in finem, per illum fuisse compositam. Cui sensui repugnare videtur, quod passio Domini, quam Alexander eidem precationi inseruit, post hos versus habetur. Vnde nonnulli credunt, non ampliùs Gregorium, quàm illas tres petitiones, id est, pro pace temporum, & ereptione ab æternis supplicijs, & confortio sanctorum obtinendo, prioribus superaddidisse statutis.

Bern. Aug.  
de Miss. c. 1.

Et Berno Augiensis: Attamen ipsum Canonem non vnus solus totum composuit, sed per tempora aliud aliud interposuit vel adiecit, sicut de hoc sanctissimo papa legimus: In Canone apposuit: Diesque nostros in tua pace dispone, &c.

Immo-



Immolatio corporis & sanguinis Domini.

& in ea Angelorum præsentia.

Debemus igitur (inquit D. Gregorius) quotidianas carnis eius & sanguinis hostias immolare. Hæc namque singulariter víctima ab æterno interitu animam saluat, quæ illam nobis mortem vnigeniti per mysterium reparat, qui licet resurgens à mortuis, iam non moritur, & mors ei vltra non dominabitur, tamen in semetipso immortaliter atq; incorruptibiliter viuēs pro nobis iterum in hoc mysterio sacræ oblationis immolatur. Eius quippe ibi corpus sumitur, eius caro in populi salutem partitur, eius sanguis non iam in manus infidelium, sed in ora fidelium funditur. Hinc ergo pensemus, quale sit pro nobis hoc sacrificium, quod pro absolutione nostra passionem vnigeniti filij semper imitatur. Quis enim fidelium habere dubium possit in ipsa immolationis hora, ad sacerdotis vocem cælos aperiri, in illo Iesu Christi mysterio angelorum choros adesse, summis ima sociari, terrena cælestibus iungi, vnum quoque ex visibilibus atque inuisibilibus fieri?

Ad Missam Oratio Dominica Romæ quod  
que dici statuta.

Orationem ante Dominicam (inquit idem ad Ioannem Syracusanum) idcirco mox post precem dicimus: quia mos Apostolorum fuit: vt ad ipsam solummodò orationem, oblationis hostiam consecrarent. Et valde mihi inconueniens visum est, vt precem quam scholasticus composuerat, super oblationem diceremus, & ipsam traditionem quam redemptor noster composuit, super eius corpus & sanguinem non diceremus. Sed & Dominica oratio apud Græcos ab omni populo dicitur: apud nos autem à solo sacerdote. In quo ergo Græcorum consuetudines secuti sumus, qui aut veteres nostras reparauimus, aut nouas & viles constituimus, in quibus tamen alios comprobamus imitari?

Sacrificia pro defunctis.

Vnde itaque (inquit se dixisse cuidam Præposito monasterij) ab

O o o o

Gregor.  
dialog. l. 4.  
c. 38.

Idem Re-  
gist. l. 7. c.  
63.

Fortassè  
alludit ad  
Musæum  
Massylien-  
sem presbi-  
terum qui  
scholasti-  
co sermo-  
ne scripsit  
librum sa-  
cramento-  
rum. vti ha-  
betur su-  
pra sub D.  
Petro Pa-  
pa.

Idem dial.  
Greg. l. 4.  
c. 36.

rij) ab hodierna die diebus triginta continuis offerre pro eo (loquitur de defuncto Antistite) sacrificiū stude, vt nullus omnino prætermittatur dies, quo pro absolutione illius, hostia salutaris non offeratur.

Ibid. c. 57.

Etrursum, de Agatho agens, Panormitano Episcopo, Quāque (inquit) die tertio Episcopus nautam qui ab eo abreptus in carabo fuerat, in nulla maris parte videret apparere, vehementer afflictus, mortuum credidit: sed per obsequium charitatis, viuo vnum quod mortuo debebat, impendit, & omnipotenti Deo pro absolutione eius animæ offerre sacrificium victimæ salutaris iubet.

Ac paulopost: Quod scilicet Episcopus audiens, requisit diem, atq; illum fuisse diē reperit, quo pro eo presbiter in Ostia insula Deo omnipotenti hostiā sacræ oblationis immolauit.

Super quibus hanc tandem suam sententiam profert: Idcirco credo, quia hoc tam apertè cum viuētibz ac nesciētibz ostendatur: quia agitur, vt cunctis hæc agētibz ac nesciētibz ostendatur: quia si insolubiles culpæ non fuerint, ad absolutionem prodesse, etiā mortuis victima sacræ oblationis possit. Sed sciēdum est, quia illis sacræ victimæ mortuis profunt, qui hic viuendo obtineant: vt eos etiam post mortem bona adiuuent, quæ hic pro ipsis ab alijs fiunt.

Super corpora SS. Petri & Pauli, quotidiana sacrificia ab eo instituta.

Ioan. Diacon. Super corpora autem (inquit Ioan. Diacon.) beatorum Petri & Pauli Apostolorum, Missarum solennia celebrari decreuit, acquisitis numerosissimis oliuetis, quorum summam in tabulis marmoreis pro foribus eiusdem basilicæ adnotauit, luminaria superaddidit, officia sedula deputauit.

Quod repetitur à Beda & Sigeberto, alijsque supra citatis Patribus & historicis.

Greg. Re. gift. instit. l. 2.

Litaneæ maior, cū sacris mysterijs ab ipso recēs cōstituta. Solennitas (inquit D. Gregorius in ipsa charta institutionis) annuæ deuotionis nos, filij dilectissimi, admonet, vt litaneam quæ



quæ maior ab omnibus appellatur, sollicitis ac deuotis debeamus, auxiliante Domino, mentibus celebrare: per quam à nostris excessibus, eius misericordiæ supplicantes purgari aliquatenus mereamur. Considerare etenim nos conuenit, dilectissimi, quam varijs, continuisque calamitatibus pro nostris culpis atque offensionibus affligamur, & qualiter cælestis pietatis nobis subindè medicina subueniat. Sexta igitur feria veniente, à titulo B. Laurentij martyris, qui appellatur Lucinæ, egredientes ad B. Petrum Apostolorum principem, Domino supplicantes, cum hymnis & canticis spiritalibus properemus, ut ibidem sacra mysteria celebrantes, tam de antiquioribus, quam de presentibus beneficijs pietati eius, in quantum possumus, referre gratias mereamur.

Missæ in monasterijs fieri non prohibeantur.

Agapitus (inquit idem D. Gregorius) Abbas insinuauit, quod <sup>Greg Re.</sup> in eius monasterio Missas celebrari prohibeatis, sepeliri etiam <sup>gistr. l. i. c.</sup> ibidem mortuos interdicatis. Quod si ita est, à tali vos hortamur inhumanitate suspendi: & sepeliri ibidem mortuos, vel celebrari Missas, nulla vterius habita contradictione permittatis: nè denuò querelam de his quæ dicta sunt, prædictus vir venerabilis \* Agapitus deponere compellatur.

Pallio non nisi intrà Missarum solennia  
vtatur Archiepiscopus.

Proindè (inquit ad Syagrium Augustudunensem Episcopum) secundum postulationis tuæ desiderium, pallij te usu, quod <sup>ibid. l. 7. c.</sup> intrà Ecclesiam tuam habere debeas: ad sacra tantum Missarum <sup>112.</sup> solennia celebranda, Deo authore, præuidimus honorandum.

Vt D. Leandro Hispalensi Episcopo: Præterea ex benedictione B. Petri Apostolorum principis pallium vobis transmissimus ad sola Missarum solennia vtendum. <sup>ib. d. c. 126.</sup>

Item Maximo Salonitano: Itaque pallium ad sacra Missarum solennia vtendum ex more transmissimus, cuius vos volumus per omnia genium vendicare. Huius enim indumenti honor, humilitas atque iustitia est. <sup>ibid. c. 129.</sup>

Oooo 2 Deni-

*Ibid* l. 12 c. 15 Denique D. Augustino Anglorum Episcopo : Quia noua Anglorum Ecclesia, ad omnipotentis Dei gratiam, eodem Domino largiente, & te laborante, perducta est, vsum tibi pallij ad sola Missarum solennia agenda concedimus.

Quandò pollutio nocturna celebrationem sacrorum mysteriorum impedit.

*Idē Quæst.* Quæro etiam (inquit D. Augustinus Anglorum Episcopus  
*ad August.* ad D. Gregorium scribens) si post illusionem, quæ per somni-  
*Angl. epif.* um solet accidere, vel corpus Domini quilibet accipere valeat:  
*c. 11.* vel si sacerdos sit, sacra mysteria celebrare?

Respondet D. Gregorius: Hunc quidem testamentum veteris legis, sicut in superiori capitulo iam diximus, pollutum Domino dicit, & nisi lotum aqua, etiam vsque ad vesperam intrare Ecclesiam non concedit. Quod tamen aliter populus spiritalis sub eodem intellectu accipiet quem præfati sumus: quia quasi per somnium illuditur, qui tentatus immunditia, vanis imaginibus in cogitatione inquinatur. Sed lauandus est aqua, ut culpas cogitationis lachrymis abluat. Et nisi prius ignis tentationis recesserit, reum se quasi vsque ad vesperum cognoscat. Sed est in eadem illusione valde necessaria discretio, quæ subtiliter pensari debet, ex qua re accidat menti dormientis. Aliquando enim ex crapula, aliquandò ex naturæ superfluitate vel infirmitate, aliquandò ex cogitatione contingit. Et quidem cum ex naturæ superfluitate vel infirmitate euenerit, omnimodò hæc illusio non est timenda: quia hanc animus nesciens pertulisse magis dolendus est, quàm fecisse. Cùm verò ultra modum appetitus gulæ in sumendis alimentis rapitur, atque idcirco humorum receptacula grauantur, habet exindè animus aliquem reatum, non tamen vsque ad prohibitionem percipiendi sacri mysterij, vel Missarum solennia celebrandi, cum fortassè aut festus dies exigit, aut exhiberi ministerium pro eo, quod sacerdos alius in loco deest, ipsa necessitas compellit. Nam si ad, sunt alij, qui implere ministerium valeant, illusio per crapulam facta, à perceptione sacri mysterij prohibere non debet, sed ab immo-



immolatione sacri mysterij abstinere, vt arbitror, humiliter debet: si tamen dormientis mentem, turpis imaginatio non concusserit.

D. CASSII NARNIENSIS EPISCOPI MIS-  
SAE QVOTIDIANAE.

Vir (inquit idem) vitæ venerabilis Cassius Narniensis Episcopus qui quotidianum offerre consueuerat Deo sacrificium, seque in lachrymus inter ipsa sacrificiorum arcana maçtabat, mandatum Domini per cuiusdam sui visionem presbyteri suscepit dicens: Age quod agis, operare quod operaris, non cesset pes tuus, non cesset manus tua, natali Apostolorum venies ad me, & retribuâ tibi mercedem tuam. Qui post annos septem in ipso natalitio Apostolorum die, cùm Missarum solēnia peregrisset, & mysteria sacræ communionis accepisset, è corpore exiuit.

Idem Dial.  
lib. 4. c. 56.

Quem locum citat VValafridus, \* Strabo, vt probet quotidianum etiam hac ætate sacrificium, l. de Eccl. reb. c. 20.

CONCILII TOLETANI III. CANONES  
CIRCA DIVINA OFFICIA.

Omnibus diebus Dominicis Symbolum Constantinopolitanum recitetur.

Pro reuerentia (inquiunt Patres) sanctissimæ fidei, & propter corroborandas hominum inualidas mentes, consultu pijs-  
simi & religiosissimi Reccardi regis constituit Synodus, vt per omnes Ecclesias Hispaniæ & Galliciæ secundum formam orientalium Ecclesiarum, Concilij Constantinopolitani, hoc est, centum quinquaginta Episcoporum symbolum \* fieri recitetur. \* fidei

Concil. Tolet. 3. c. 2.

Idque ante Orationem Dominicam.

Et priusquàm Dominica dicatur oratio, voce clara populo.

Ibid.

Oooo 3 lopra-

lo prædicetur, quo & fides vera manifestum testimonium habeat, & ad Christi corpus & sanguinem prælibandum, pectora populorum fide purificata accedant.

In sanctorum solennitatibus, officijs diuinis inuigilent populi, non saltationibus & turpibus canticis.

Eiusd. coc.  
c. 25.

Exterminanda (inquiunt iidem) omninò est irreligiosa consuetudo, quam vulgus per Sanctorum solennitates agere consuevit. Populi qui debent officia diuina attendere, saltationibus & turpibus inuigilant canticis, non solum sibi nocentes, sed & religiosorum officijs. Hoc etenim, vtab omni Hispania depellatur, sacerdotum & iudicum, à concilio sancto, curæ committitur.

SYNODI ROMANAE I. SVBD. GREGORIO  
PAPA DECRETVM, DE MINISTRORVM  
ALTARIS DISTINCTIS OFFICIIS.

Concil.  
Rom. i. sub  
Greg. papa  
c. i.

In sancta hac (inquit D. Gregorius cum Episcopis 25.) Romana Ecclesia, cui diuina dispensatio præesse me voluit, dudum consuetudo est valdè repræhensibilis exorta, vt quidam ad sacri altaris ministerium cantores eligantur, & in diaconatus ordine constituti, modulationi vocis inseruiant, quos ad prædicationis officium. & eleemosynarum studium vacare congruebat. Vndè fit plerumque vt ad sacrum ministerium, dum blanda vox queritur, quæri congrua vita negligatur: & cantor minister Deum moribus stimulet, cum populum vocibus delectat. Qua de re præsentis decreto constituo, vt in sede hac sacri altaris ministri cantare non debeant, solumque euangelicæ lectionis officium inter Missarum solennia exoluant. Psalmos verò ac reliquas lectiones conseo per subdiaconos vel, si necessitas exigit, per minores ordines exhiberi. Si quis autem contra hoc decretum meum venire tentauerit, anathema sit. Et responderunt omnes, Anathema sit.

D. AVGVSTINI ANGLORVM APOSTOLI,  
APVD ILLOS MISSARVM ACTIO.

Erat



Erat autem (inquit ven. Beda) prope ipsam ciuitatem, ad o. Beda hist.  
 rientem Ecclesia, in honorem S. Martini antiquitus facta, dum eccl. Angl.  
 adhuc Romani Britaniam incolerent. in qua regina, quā Chri- l. i. 26.  
 stianam fuisse prædiximus, orare consueuerat. In hac ergò, & i-  
 psi primò conuenire, psallere, orare, Missas facere, prædicare, &  
 baptizare cœperunt, donèc rege ad fidem conuerso, maiorem  
 prædicandi per omnia, & Ecclesias fabricandi, vel restaurandi,  
 licentiam acciperent.

APPENDIX QVAEDAM DE RITV MISSAE  
 SEPTIMI A CHRISTO IN-  
 CARNATO SECVLI.

Statueramus quidem sextum seculum atque adeò D. Gre-  
 gorij Papæ Pontificatum non excedere, verùm ad maiorem  
 confirmationem ritus superscriptæ Mozarabæ Missæ, putau-  
 mus operæ precium aliquot Canones Conciliorum Toletani  
 4. & Bracarensis, & D. Isidori Missam adijcere. Deindè velut co-  
 ronidis loco, Sergij Papæ postremum Missæ Romanæ comple-  
 mentum, ex Sigeberto adiunximus.

CONCILII TOLETANI IIII. CANONES  
 CIRCA MISSARVM SOLENNITATEM.

Missarum idem ordo per Hispanias seruetur.

Post rectæ fidei (inquiunt D. Isidorus Hispalensis, & ceteri Concil. To  
 huius concilij patres) confessionem, quæ in sancta Dei Eccle. lct. 4. c. 2.  
 sia prædicatur, placuit vt omnes sacerdotes, qui Catholicæ fidei  
 vnitatem complectimur, nihil vltra diuersum aut dissonum in Ec-  
 clesiasticis sacramentis agamus, ne quælibet nostra diuersitas a-  
 pud ignotos seu carnales schismatis errorem videatur ostende-  
 re, & multis exstet in scandalum varietas Ecclesiarum. Vnus

Oooo 4 ergò

ergò ordo orandi atque psallendi, à nobis per omnem Hispaniam atque Galliciam conseruetur, vnus modus in Missarum solennitatibus, vnus in vespertinis officijs: nec diuersa sit vltra à nobis Ecclesiastica consuetudo, quia vna fide continemur & regno. Hoc enim & antiqui canones decreuerunt, vt vnaquæq; prouincia & psallendi, & ministrandi parem consuetudinem teneat.

Dominica oratio non tantùm diebus Dominicis, sed quotidie dicatur.

Ibid. c. 9.

Nonnulli (inquiūt) sacerdotum in Hispanijs reperiuntur, qui Dominicam orationem, quam saluator noster docuit & praecepit, non quotidie, sed tantùm die Dominica dicant. Et quia sine intermissione vt oremus, Apostolus docuit, qualiter autem oremus, Christus praecepit, dicens: Cum autem oratis, dicite: Pater noster qui es in cælis: Quomodò ergò quotidie non dicitur, quod sine intermissione dici iubetur? Nam in tantum quotidie hæc oratio dicenda est, quantum & ipse titulo vtitur, dum vocatur oratio quotidiana.

1. Thes. 5.  
Matth. 6.

\* multetur

Ac paulò post: Quisquis ergò sacerdotum vel subiacentium clericorum, hanc orationem Dominicam quotidie aut in publico, aut in priuato officio præterierit, propter superbiam iudicatus, ordinis sui honore priuetur.

Alleluia in Quadragesima non cantandum.

Ibid. c. 10.

Item cognouimus (inquiunt) quosdam Hispaniæ sacerdotes, qui in Quadragesimæ diebus Alleluia decantant, præterquam in vltima hebdomada Paschæ, quod deinceps fieri interdicimus, statuentes, vt in omnibus prædictis Quadragesimæ diebus (quia tempus non est gaudij, sed mœroris) Alleluia non decantetur.

Post Apostolum statim Euangelium decantetur.

Ibid. c. 11.

In quibusdam quoque (inquiunt) Hispaniarum Ecclesijs laudes post Apostolum decantantur, priusquam Euangelium prædicetur, dum canones præcipiant, post Apostolum non laudes, sed Euangelium annunciari. Præsumptio est enim, vt an-



vt ante ponantur ea, quæ sequi debeant. Nam laudes Euangelium sequuntur propter gloriam Christi, quæ per idem Euangelium prædicatur. Circa omnes igitur sacerdotes hic ordo deinceps retineatur, excommunicationis pœnam suscepturis, qui hunc ordinem perturbauerint.

De quo Canone sic pulchrè VValafridus & Strabo: Respon-  
soria (inquit) & Alleluia, quæ ante Euangelium cantantur, de-  
indè adiuncta videntur, postquam Antiphonæ ad ingressum di-  
ci expirarunt, quæ & videntur prohibita canonibus Hispano-  
rum, qui longo post tempore sunt constituti. In illis enim iube-  
tur, ne aliquis hymnus, inter lectionem Apostolicam & Euange-  
lium in ordine Missæ ponatur. Ex quo intelligitur, id aliquos  
tentasse tunc temporis, sed propter nouitatem rei, studium eo-  
rum nondum fuisse à quibusdam receptum. Quod tamen po-  
steà vsu Romano commendatum, ad omnes Latinorum perue-  
nit Ecclesias.

VValafr.  
de reb. eccl.  
c. 22.

Et Beruo Augiensis: Postea (inquit) quum Gradalia, & Al-  
leluia inter Apostolicam & Euangelicam lectionem cœperunt  
frequentari, Hispani quasi nouitate rei perculsi multum resti-  
terunt, dicentes. In quibusdam Hispaniarum Ecclesijs &c. Ve-  
runtamen ex auctoritate Romanæ Ecclesiæ, postea est constitu-  
tum, vt responsoria & Alleluia canantur ante sanctum Euange-  
lium.

Berno Aug  
de Miss. c. 1

Hymnus trium puerorum in Missa Dominicis diebus &  
solennitatibus martyrum publicè decantetur.

Eiusd. cōc.  
Tol. 4. c. 13.

Hymnum quoque (inquiunt iidem patres) trium puerorū,  
in quo vniuersa celi terræque creatura Deum collaudat, & quem  
Ecclesia catholica, per totum orbem diffusa, celebrat, quidā sa-  
cerdotes in Missa Dominicorum dierum & in solennitatibus  
martyrum canere negligunt. Proindè sanctum Concilium insti-  
tuit, vt per omnes Hispaniæ Ecclesias vel Galliciæ, in omnium  
Missarum solennitate idem in publico decantetur: communio-  
nem amissuri, qui & antiquam huius hymni consuetudinem,  
nostramque definitionem exceßerint.

Pppp De

VValafr. c.  
cit.

De quo Canone sic etiam VValafridus: In eiusdem loci concilio statutum est, ut etiam hymnus trium puerorum, ad Missam omni Dominica in pulpito cantaretur. Quod Romani propter multipliciter officiorum, non faciunt, nisi quatuor per annum diebus, quibus lectionum XII. numerus adimpletur.

Bern. l. cit.

Et Berno: Idem etiam in Toletano statuerunt Concilio, ut hymnus trium puerorum omni Dominico die, & in solennitatibus martyrum in pulpito decantetur. Quod tamen Romani minimè faciunt, nisi quater in anno, his sabbatorum diebus, qui prætulerantur, in duodecim lectionibus.

In fine Psalmorum: Gloria & honor dicatur, non Gloria, duntaxat.

Eiusd. c. 14

In fine (inquiunt) Psalmorum, non sicut à quibusdam hucusque Gloria patri, sed, Gloria & honor patri, dicatur, David Propheta dicente: Afferte Domino gloriam & honorem, & Ioannes Euangelista in Apocalypsi audiuit vocem caelestis exercitus, dicentem: Honor & Gloria Deo nostro sedenti in throno. At per hoc hæc duo sic oportet in terris dici, sicut in caelis resonant. Vvniuersis ergò ecclesiasticis hanc obseruantiam damus: nam quisquis præterierit, communionis iacturam habebit.

VValafr.  
de reb. eccl.  
c. 25.

Quem canonem explicans etiam VValafridus \* Strabo: Dicendum (inquit) de hymno, qui ob honorem sanctæ & unicæ Trinitatis officijs omnibus interseritur, cum à sanctis patribus aliter atque aliter ordinatum. \* Nam Hispani (sicut superius commemorauimus, ita eum dici omnimodis voluerunt. Græci autem, Gloria patri & filio & spiritui sancto, & nunc & semper & in secula seculorum, Amen. Latini verò, eodem ordine & eisdem verbis hunc hymnum decantant, addentes tantum in medio, Sicut erat in principio. Pro quibus etiam particulis quidam Græci minus sapientes, Latinos, proximis ante nos temporibus, calumnijs impetere conati sunt. Intelligimus tamen nos in hoc non errare, credita conspiretternitate gloriæ patris & filij, & spiritus sancti: pariterque scientes, quod Romani fir-

mili-



missimi fidei seruantes, remotis cæteris compositionibus, hunc huius hymni tenorem non aliter suscepissent, nisi eum purum ab omni errore cognouerint: Affirmant siquidem multi, hymnum istum Niceni Concilij sacratissima sanctione prolatum, vt omnibus officijs & orationibus intermixtus, & fidem coæternæ Trinitatis inculcet, & in singulis petitionibus ipsa confessio melius fauorem diuinæ exauditionis obtineat.

Benedictio populi post orationem Dominicam  
ante communionem fiat.

Nonnulli sacerdotes (inquiunt) post dictam Orationē Dominicam statim communicant, & postea benedictionem in populo dant: quod deinceps interdiximus: sed post orationem Dominicam & coniunctionem panis & calicis, benedictio in populum sequatur, & tunc demum corporis & sanguinis Domini sacramentum sumatur, eo videlicet ordine, vt sacerdos & Leuita ante altare communicent, in choro clerus, extra chorum populus.

Conc. e-  
iusd. Tolet  
4. c. 17.

#### BRACARENSIS CONCILII I. CANONES. DE MISSAE ORDINE.

Etiam ab Episcopis dicatur: Dominus sit vobiscum.

Item placuit (inquiunt Martinus Bracarensis & alij Patres) vt non aliter Episcopi, & aliter presbyteri populum, sed vno modo saluent, dicentes: Dominus sit vobiscum, sicut in lib. Ruth legitur, vt respondeatur à populo, Etcum spiritu tuo, sicut & ab ipsiis Apostolis traditum omnis retinet Oriens, & non sicut Priscilliana prauitas permutauit.

Conc Bra-  
car. 1. c. 21.

Ruth. 2.

Eodem ordine Missæ ab omnibus celebrentur.

Item placuit, (inquiunt) vt eodem ordine Missæ celebrentur ab omnibus, quomodò Profuturus quondam huius Metropolitanæ Ecclesiæ Episcopus, ab ipsa Apostolicæ sedis auctoritate suscepit scriptum.

Eiusd. c. 22.

Pppp 2 D. ISI

668 LITVRGICON ECCLESIAE LATINAE  
D. ISIDORI HISPALENSIS EPISCOPI  
MISSAE RITVS.

Antiphonæ.

Isidor. de  
diuin. offic  
l. i. c. 7.

Antiphonas (inquit D. Isidorus, suæ Ecclesiæ Missarum ritum explicans) Græci primùm composuerunt &c. vt supra D. Ambrosius.

Responsoria.

Ibid. c. 8.

Responsoria (inquit) ab Italis longo antè tempore sunt reperta: & vocata hoc nomine, quòd vno canente, chorus consonando respondeat. Antè autem id solus quisque agebat, nunc vnus interdum, interdum duo vel tres communiter canunt, choro in plurimis respondente.

Preces.

Ibid. c. 9.

Precibus (inquit) Dominum deprecari Christus nobis & composuit & constituit. Ex hoc perducta est consuetudo Ecclesiæ Dominum precibus exposcere contra egritudines animæ: & vt precibus instar earum quas constituit Christus, quasque primum Græci cœperunt componere, quibus Domino supplicaretur.

Indictio silentij per diaconum.

Ibid. c. 10.

Idèd & diaconus clara voce (inquit) silentium admonet, vt siue dum psallitur, siue dum lectio pronunciat, ab omnibus vnitas conseruetur, vt quod omnibus predicatur, æqualiter ab omnibus audiatur.

Silentium lectionum tempore & crucis consignatio.

Ibi. paulò prius.

Vndè oportet, (inquit) vt quandò psallitur, psallatur ab omnibus: cum oratur, oretur ab omnibus: cum lectio legitur, factò silentio, æque audiatur à cunctis. Nam & si tunc superueniat quisque cum lectio celebratur, adoret tantum Deum, & præsignata fronte, aurem sollicitè accommodet.

Lectio ex vtroque Testamento  
pronunciatio.

Lectio-



Lectiones (inquit) pronunciare, antiquæ institutionis esse, *ibid.* Iudæorum traditio docet. Natu & ipsi legitimis, præfinitisque diebus, ex lege & Prophetis lectione in Synagogis vtuntur, & hoc de veteri patrum institutione seruantes. Est autem lectio, non parua audientium ædificatio.

Ac paulò pòst: Pronunciantur autem lectiones in Christi Ec. *ibid. c. 11.* clesijs de scripturis sanctis. Constat autem eadem sancta scriptura ex veteri lege & noua.

Idque ex D. Hieronymi translatione.

De Hebræo autem (inquit) in Latinum eloquium tantum. *ibid. c. 12.* modò Hieronymus presbiter scripturas conuertit, cuius editione generaliter omnes Ecclesiæ vsque quaq; vtuntur pro eo quòd veracior sit in sententijs, & clarior in verbis.

Laudum cantus id est, Alleluia.

Laudes, (inquit) hoc est, Alleluia canere, antiquum est He. *ibid. c. 13.* bræorum. Cuius expositio, duorum verborum interpretatione vel compositione consistit, hoc est, laus Dei.

Idque omni tempore præterquam Quadragesimæ & ieiuniorum.

In Africanis (inquit) regionibus non omni tempore, sed *ibid.* tantum Dominicis diebus, & Quinquaginta post Domini resurrectionem Alleluia cantatur, pro significatione futuræ resurrectionis & lætitiæ. Verum apud nos secundum antiquam Hispaniarum traditionem, præter dies ieiuniorum vel quadragesimæ, omni tempore canitur alleluia. Scriptum est enim: Semper laus eius in ore meo.

Est post vtramque lectionem.

Quòd verò (inquit) post consummatam psalmorum, siue le *ibid.* ctionum prædicationem Alleluia in fine cantatur, hoc in spem futuri facit Ecclesia, significans post annunciationem regni cælorum, quæ in hac vita per vtrumque testamentum mundo prædicatur, actionem nostram esse futuram, nisi in laude Dei. Sic enim scriptum est. Beati qui habitant in domo tua Domine, Psalm. 93. in secula seculorum laudabunt te. Hinc est, quod & liber Psal-

Pppp 3 morum

676 LITURGICON ECCLESIAE LATINAE  
morum in laude concluditur, vt eadem post finem seculi laus  
aeterna monstretur.

Offertoria.

Ibid. c. 14. Offertoria (inquit) quæ in sacrificiorum honore canuntur,  
Eccl. 50. Ecclesiasticus liber indicium est, veteres cantare solitos, quan-  
do victimæ immolabantur. Sic enim, Porrexit (inquit) sacerdos  
manum suam in libationem, & libauit de sanguine vuae, & fudit  
in fundamento altaris odorem diuinum excelso principi:  
Tunc exclamauerunt filij Aaron in tubis ductilibus, & sonue-  
runt, & auditam fecerunt vocem magnam in memoriam coram  
Domino. Nō aliter & nunc in sono tube, id est, vocis, prædicatio  
ne cantūs accendimur, simulque corde & opere laudes nomini  
declamantes, iubilamus in altum, in illo scilicet vero sacrificio,  
cuius sanguine saluatus est mundus.

Missæ & Orationes.

Ibid. c. 15. Ordo autem (inquit) Missæ vel orationum, & cæt. vt suprâ de  
Missæ D. Petri.

Oratio primæ admonitionis.

Ibidem. Prima (inquit) earundem, Oratio, admonitionis est erga po-  
pulum, vt excitentur ad orandum Deum.

Secunda inuocationis.

Ibidem. Secunda, (inquit) inuocationis ad Deum est, vt clementer  
suscipiat preces fidelium, oblationemque eorum.

Tertia, pro viuīs & defunctis.

Ibidem. Tertia autem (inquit) effunditur pro offerentibus, siue  
pro defunctis fidelibus, vt per idem sacrificium veniam conse-  
quantur.

Quarta, pro osculo pacis.

Ibidem. Quarta (inquit) post hæc inferitur pro osculo pacis, & charita-  
te omnes reconciliati inuicem, digni sacramēto corporis & san-  
guinis Christi confociantur, quia non recipit dissensionem cu-  
iusquam Christi indiuisibile corpus.

Quinta, laudes Dei, in qua dicitur: Osanna  
in excelsis.

Quinta



Quinta (inquit) infertur illatio in sanctificatione oblationis, in qua etiā ad Dei laudem terrestrium creatura, virtutumq; cælestium vniuersitas prouocatur, & Osanna in excelsis, cantatur, quod Salvatore de genere Dauid nascente, salus mundo vsq; ad excelsa peruenerit.

Sexta Corporis & sanguinis Domini oblatio & confirmatio.

Porro sexta (inquit) ex hinc succedit confirmatio sacramenti, ut oblatio quæ Deo offertur, sanctificata per spiritum sanctū, corporis & sanguinis confirmetur. Ibidem.

Vltima oratio Dominica.

Harum (inquit) vltima est oratio, quā Dominus noster orare discipulos suos instituit, dicens: Pater noster qui es in cælis. Ibidem.

Cur in sacrificio septem Orationes.

Hæ sunt itaq; (inquit) septem sacrificij orationes, commendatæ Apostolica Euangelicaque doctrina, cuius numeri ratio instituta videtur, vel propter septenariam sanctæ Ecclesiæ vniuersitatem, vel propter septiformem gratiæ spiritum, cuius dono ea quæ offeruntur, sanctificantur.

Symboli Niceni tempore sacrificij pronuntiatio.

Symbolum autem (inquit) quod tempore sacrificij populo prædicatur, trecentorum decem & octo sanctorum patrum, colatione apud Synodum Nicenam est editum. Cuius veræ fidei regula tantis doctrine mysterijs præcellit, ut de omni parte fidei loquatur, nullaq; penè sit hæresis cui per singula verba vel sententias non respondeat. Omnes enim errorū impietates, perfidięq; blasphemias calcatur, & ob hoc vniuersis Ecclesijs pari consensione à populo proclamatur. Ibidem c. 16.

Benedictio super populum.

Benedictio (inquit) dari à sacerdotib. populo, antiqua per Moysen benedictio pandit & comprobatur, qua benedicere populos sub sacramento trinx inuocationis iubetur. Ait enim ad Moysen Dominus: Sic benedices populum meum, & ego Num. 6.

Pppp 4 bene-

benedicam illos: Benedic te Dominus, & custodiat te, ostēdatque faciem suam tibi, & misereatur tui. Conuertat Dominus vultum suum ad te, & det tibi pacem. Amen.

SERGII PAPAE ROMANI LXXXV. MISSAE ROMANAE COMPLEMENTVM.

Sigebert.  
ad annum  
Domini  
688.

Ad Confractionem hostiæ: Agnus Dei, dicatur.

Consequentia (inquit Sigebertus) Missam celebrandi iam ad integrum composita ab Apostolis & Apostolicis viris.

Ac paulò post, ubi recitasset quid à singulis Pontificibus potissimum Missæ fuerit adiectum, sicut suprâ pleraque citauimus, sic concludit.

Ibid.

Ad hæc omnia hic Sergius hoc vltimum addidit, vt inter communicandum, Agnus Dei, à clero cantetur.


Atqui hoc ipsum Sergio papæ adscripserunt Sigeberto vetustiores, Albinus flaccus Alcuinus, de diuin. offic. p. 79. Amalarius de eccl. offic. l. 3. c. 33. V Valafridus \* Strabo de rebus eccl. c. 22. Berno Augiensis de Missa c. 1. Marianus Scotus histo. l. 2. Micrologus de eccl. obseru. c. 18. Radulphus denique de Riio Decanus Tungrensis, de can. obseru. propos. 23.


LITVRGICON ECCLESIAE LATINAE  
I. TOMI, FINIS.

*In his libris liturgicon nihil est fidei Catholicae aduersum. sed multum lucis adferunt ad statuendum sacrificium missæ.*

*Auctor Mathias Lambrecht ecclesiæ Brugensis canonicus & pœnitentiarius librorum  
visitator Ordinarius.*























005647284

68